

Deuxu Rybe  
Tyyriti



New Testament in Karajá (BR:kpj:Karajá)

# Deuxu Rybe Tyyriti

## New Testament in Karajá (BR:kpj:Karajá)

copyright © 2011 Wycliffe Bible Translators, Inc.

Language: Karajá

Translation by: Wycliffe Bible Translators, Inc.

Karajá [kpj], Brazil

### Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

#### The New Testament

in Karajá

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---

PDF generated using Haiola and XeLaTeX on 11 Nov 2022 from source files dated 29 Jan 2022  
55ce0bcd-101e-52a3-984e-847027efe150

Contents

MATEU . . . . .	1
MARKU . . . . .	34
LUKA . . . . .	51
JOAÕ . . . . .	81
AÕHEBO ROTÏÏNYRE . . . . .	103
ROMA-Õ . . . . .	134
1 ORITXI-Õ . . . . .	148
2 ORITXI-Õ . . . . .	160
ALATXIA-Õ . . . . .	169
EFESU-Õ . . . . .	173
FILIPÍ-Õ . . . . .	177
ÕLÕSÕ-Õ . . . . .	180
1 TESALONIA-Õ . . . . .	183
2 TESALONIA-Õ . . . . .	186
1 TXIMÕTXI-Õ . . . . .	188
2 TXIMÕTXI-Õ . . . . .	192
TXITU-Õ . . . . .	195
FILEMO-Õ . . . . .	197
HEBREU-Õ . . . . .	198
Txiau . . . . .	208
1 PEDRO . . . . .	212
2 PEDRO . . . . .	216
1 JUAÕ . . . . .	218
2 JOAÕ . . . . .	222
3 JUAÕ . . . . .	223
JUDAS . . . . .	224
APOCALIPSE . . . . .	226

## Mateu Deuxu Rybe Wihikỹ Tỹmyra, Mateu Tyyritidỹđđu

<sup>1</sup> Kaheka Jesuisi Kristu labiehekỹ rare. Juhuu tahe Abraõ heka Davi labiehekỹ rare. Iribi tahe Davi heka Jesuisi Kristu labiehekỹ rare.

<sup>2</sup> Ibutumy ilabiebohonimy arelyykre. Juhuu tybynimy arelyykre idi iriõrenimy: Abraõ, Ijai, Ijaõ, <sup>3</sup> Juda, Peresi, (Peresi seriõre tahe Zera inire. Isereny tahe Tamara inire.) Esraõ, <sup>4</sup> Araõ, Aminadabe, Nasaõ, Salmaõ, <sup>5</sup> Boasi, (Raabe, Boasise rare.) Obede, Rute, Ijese, Kie.

<sup>6</sup> Davi hãwyy heka Uria hãwyy juhUU raremyhỹ. Iribi Davi-wana roire. Salomaõ iriõre rare. Tii heka Roaboaõ tyby rare. <sup>7</sup> Idi Abia reare. <sup>8</sup> Idi Asa, Josafa, Joraõ, <sup>9</sup> Uzia, Jõtaõ, Aka, Ezekia, <sup>10</sup> Ezekia, Manase, Amo, <sup>11</sup> Josia, Jekonia, taseriõre-wana.

<sup>12</sup> Babilonia-ribi rohonryeu tahe tiiboho reare, Jekonia riõre wahe: Salatieli (Tii Babilonia-ki reare.) Zorobabe, <sup>13</sup> Abiude, Eliaki, Azo, <sup>14</sup> Sadõki, Aki, Eliude, <sup>15</sup> Eliaza, Matỹ, Ijaõ, <sup>16</sup> Ijaõ tahe Jyje tyby rare, Jyje tahe Marie hãbu. Jesuisi tahe Kristu Deuxu deõđỹna rare.

<sup>17</sup> Kia labiehekỹ sõwe tahe 14my rare, Abraõ-ribi Davi-õ wahe. Tule labieboho 14my rasõwerenyre Davi-ribi Babilonia hãwã-õ ridyreny ixideewimy aõkõ rõte-õ. Ixyby 14my rasõwerenyre. Iribi tahe Jesuisi reare.

<sup>18</sup> Kawese heka Jesuisi Kristu reare. Juhuu Marie Jyje-wana roikremy rare. Tii ijadõmaule tahe Deuxu Tyytybytyhy ribõtõnyre. <sup>19</sup> Jyje hãbu õbiti rare. Tai tahe riixãwididỹnykemy rõhõtinyre. Kia õmo-õ rarybeõlere tuu. <sup>20</sup> Kiau jỹju tamy rarybere tarasina-ki: —Jyje, Davi riõre riõre. Ahãwyy, Marie, biteõnyõke. Tuu bexihãwyynykre. Iriõre dori Deuxu Tyytybytyhy riõre rare. <sup>21</sup> Jesuisimy raninykre. Kiani tahe irybereny rare: tarasadu. Ibutumy iny dori iõaruna-ribi ritakre.

<sup>22</sup> Iwese Deuxu rybe ihetxiu rarybere wese tahe tii wiji riwinyre. Kia wese ihetxiu rybe rare:

<sup>23</sup> —Ijadõma rabõtõnykre. Iriõreni heka Emanueli rarekre.

Kiani tahe irybe-ki kia rare:

Deuxu iny-wana ratxireri.

<sup>24</sup> Iribi tahe Jyje dexixade tarasina-ribi. Iwese Inynryỹreny tuu tamy rarybere wesemy heka tii riwinyre. Tii-wana ratxiõre. Tii aõhe risỹnyõre. <sup>25</sup> Uladu reare xiery tii aõhe rira. Tamy niõ riwahinyre, Jesuisi wahe.

## 2

<sup>1</sup> Belẽ hãwã-ki Jesuisi reare, Judeia bede-ki wahe. Iõlõ Herodi iõlõmy raremyhỹ. Iu reareu, Hãbu Erytyhy mahãdu taina tỹmyramy robirenyre. Tai tahe iõlõ mahãduõ doidenyde biura-ribi Jerusalẽ hãwã-õ. <sup>2</sup> Tiiboho rỹrãxirenyre: —Iule judeu mahãdu iõlõ aõbo kaki reare. Jiarỹboho itainamy rabirenyre tahe nadoidenyde riwowdydynyrenkemy. Kaiboho teerytenyde aõbo titxibo ratxireri?

<sup>3</sup> Tahe inyõ Herodiko relyyreny. Herodi kia roholareu sõwemy riõtĩnyre. Tule ibutumy Jerusalẽ hãwã mahãdu riõtĩnyreny. <sup>4</sup> Tahe Herodi ibutumy dinodu mahãdu ributumy: Xiwena wahidỹđđu dinodu, bede ywina tyyriti erydu mahãdu tule. Tahe tamyreny rỹrãxire: —Titxibo Kristu reakemy timybo tyyriti-ki rõtĩdĩđỹmy roire? <sup>5</sup> Tiiboho tamy rarybere: —Judeia bede-ki, Belẽ hãwã-ki wahe. Kia tahe ihetxiu rybedu riritinyre.

<sup>6</sup> —Kai Belẽ hãwã mahãdu. Judeia bede hãwãõ. Kai hãwã yja iny rõhõtĩnyre. Tahe inatyhy aõkõ rare. Kai hãwã nihikỹre. Aribi dori dinoduõ rõhõnykre. Wamahãdu iõlõmy ronykre. Idinodumy rarekre, judeu mahãdu dinodu wahe.

<sup>7</sup> Tahe Herodi heka biura mahãdu ributumy ibutumy iny-ribi wasimy. Tamy rỹrãxire: —Tiutxubo taina rõhõnyre? Tahe rirawyõnyre. <sup>8</sup> Tamyreny rarybere: —Kaiboho boibenyke Belẽ hãwã-õ. Idi tahe uladu-ki mahabenykre. Iu wadee manarybebedenykre. Jiarỹ tule tamy arakre ariwowdydynykemy. <sup>9</sup> Biura Hãbu Erytyhy mahãdu roholarenyre. Tahe roirenre. Ryki ixityre tainamy robirenyre. Uladu tyrehekỹle ritoosõnyre. <sup>10</sup> Iu tahe sõwemy reysarenre. <sup>11</sup> Hetõ-õ rehemynyre. Tahe ralorenre. Uladu rare Marie-wana. Tahe tatiowotimy reserenre riwowdydynkemy. Isauerny riraynyre tamy riwahinykemy: womati tỹrỹrỹhỹkỹ, hee aderõna, aderõnatyhy wana. <sup>12</sup> Idi tahe Biura Hãbu Erytyhy mahãdu rarasinyre. Deuxu tamy rarybere: —Kaiboho Herodi-õ bõõsebenyõke. Tai tahe rywitzira-di tasubedereny-õ rõõserenyre.

<sup>13</sup> Biura mahãdu tahe rõirenre rahudi tahe Inynryỹ jỹju nade Jyje-õ rybemy, irasina-ki tamy rarybere: —Ariõre, ise-wana bidyke Egito bede-õ. Herodi dori uladu rubudỹđỹmy ratxireri. Adeẽ tiu ararybekreule kaõ bõdõõseke. <sup>14</sup> Tai Jyjeboho rummy rahenyrenre Egito bede-õ.

<sup>15</sup> Herodi rubusÿtybymy tahe dòòsedenyde. Tii riwinyre iwese ihetxiu tyriti rarybere wese, Deuxu rybedu rybe wahe:

—Wariòre Egito bede-ribi nadidyde.

<sup>16</sup> Herodi reburere. Biura Hābu Erytyhy mahādu dori tii riitxenanyre. Tai ibutumy uladu rirubunyre Belē hāwā-ki, tule ijō iòhò hāwā-ki. Ibutumy howÿtòdu rirubunyre inataō beòra ijòdikeki tahe rirubunyòre. Tai Jesuisi rirubunykeny risÿnyre, iwese tii rareu Biura Hābu Erytyhy mahādu tamy rarybere. <sup>17</sup> Kiamy ta rÿire iwese Deuxu rybedu rarybere wese, Jeremia wahe:

<sup>18</sup> —Rama hāwā-ribi ibru-ò iny roholamyhÿre. Rakeli rare. Tii robumyhÿre. Ibutumy iriòre ituere. Tai robumyhÿre. Inyò riteysanyòtyhy iriòre rurureki.

<sup>19</sup> Herodi tahe rurureu, Inynyrÿ ÿju heka Jyje rasina-ki tamy nade. <sup>20</sup> Tamy rarybere: —Bòòsebenyke judeu bede-ò. Uladu ise-wana bidyke. Kia rirubunykeny risÿnymyhÿrē tahe, rurure.

<sup>21</sup> Tahe Jyjeboho ròirenyre judeu bede-ò. <sup>22</sup> Akelau tahe Herodi riòre ronyre iòlòm, tyby deròwmy. Tai kowa-ò Jyje ròirenyòre sÿmy. Rasina-ki rybeò rieryre Kalileia-ò ròirenykeny. Tai tahe ròirenyre kowa-ò. <sup>23</sup> Nazare hāwā-ki rasÿnyreny. Kia tahe riwinyre iwese Inynyrÿ rybedu ihetxiu rarybere wese: —Nazare ludu tii rarekre.

### 3

<sup>1</sup> Kiau Judeia bederahy-ki Joaō Sebedÿÿdu heka iny-ò rarybemihÿre: <sup>2</sup> —Deuxu Iòlòna bededÿÿnana iòhòmny ratxireri. Aòaruna-ribi biixāwibenyke, bexirāhike! <sup>3</sup> Joaòmny heka Isaia ihetxiu riritinyre kawese:

Inyò bederahy-ki ryrereri: —Inynyrÿ dee ryòbiti biwinyke. Biwinyke ryò tamy kanakemy. <sup>4</sup> Joaō kamelo radetty ity rare. Iròdutty iwereysanare. Seihikÿle bidi-wana irÿsÿna rare. <sup>5</sup> Ibutumy iny tamy ròirenyre irybe-ò roholakemy iòhò hāwā-ribi. Jerusalē, Judeia, Jordaō bero-ribi wahe. <sup>6</sup> Tamy òrarunamy relyrenyre rabadewomy tamy relyreny. Tai tahe Joaō heka bero Jordaō-ki tii riratysebenyke. <sup>7</sup> Fariseu mahādu, saduseu mahādu doide tamy riratysebenykeny. Kiau Joaō tamyny rarybere: —Hemylala mahādu! Deuxu aòhòkÿmydÿÿnana-ribi mahenybenyòtyhy. Aòhe inatyhy? <sup>8</sup> Juhuu aòwihikÿ widÿÿna biwinybeny. Tai tahe iny rierykre kaiboho aòraru-ribi inatyhymy texihuteny. <sup>9</sup> Fariseu mahādu, kaiboho tahòtinteny: Abraō heka inylabiehekÿreny rare. Rikirāhìòtyhy. Deuxu-ò kia aò aòkò rare. Tamy wikeki mana-ribi Deuxu heka Abraō riòkòreò riwinykre. <sup>10</sup> Woma tahe òwòru-ribi iòhòmny rÿira. Òwòru bederaty wiwihikÿ ihòòkeki, kedeseke. Rasòke. Woma heka Deuxu aòhòkÿmydÿÿnana wese rare. <sup>11</sup> Jiarÿ bedi araratisebedÿÿnyra aòraruna-ribi texirāhiteki. Jesuisi tahe Deuxu Tyytybytyhy-di ròratisebedÿÿkre heòty-wana riratysebenyke. Tii waratyre awityhymy ratxireri. Jiarÿ riwaixÿrunymy watxireri iwa ariwykeki. <sup>12</sup> Tii maixòmo risykre. Maixòmo ributunyre tahyna-ò. Irÿnysi heòty-di riworonykre. Heòty itueòna heka rare.

<sup>13</sup> Idi tahe Kalileia bede-ribi Jesuisi nade bero Jordaō-ò. Tii Joaō-ò nade riratysebenykeny. <sup>14</sup> Joaō aòkòmny rarybere: —Jiarÿ tahe aò aòkò rare. Kai biwaratysebenyke. <sup>15</sup> Jesuisi tahe tamy rarybere: —Deuxu deewina heka kia rare. Rikiwinykre. Tahe Joaō riraratisebedÿÿre. <sup>16</sup> Ròratisebenymy rahudi tahe Jesuisi ròtuòra. Biuwetty rarayre Jesuisi tahe bòtòenimy robire, itxi dobehede, Deuxu Tyytybytyhy wahe. Rybeò biu-ribi narybede: <sup>17</sup> —Kia heka Wariòre rare. Jiarÿ heka sòwemy tukure. Idi wadeysareri.

### 4

<sup>1</sup> Idi tahe Deuxu Tyytybytyhy heka Jesuisi ridyre bederahy-ò. Tai Satanasi riurihikemy tamy rehemyre. <sup>2</sup> Jesuisi heka 40 txumy, 40 rummy heka aò rirÿsÿòhny bede idi rÿire. Sòwemy heka rama risamy tai raremyhÿ. <sup>3</sup> Taile Satanasi tamy nade. Tahe iurihiximny tamy rarybere:

—Kai inatyhy Deuxu Riòre ahāte wana heka mana-di orotxumy biwitxiranymy biwinyke ahinamy.

<sup>4</sup> Tahe Jesuisi dirawònyde: Deuxu Ritidÿÿna-ki kiamy roire: —Iny heka orotxudile aòkò irumy rÿirakre. Ibutumy Deuxu rybedile iny irumy rÿirakre. <sup>5</sup> Idi Satanasi heka Jesuisi ridyre Jerusalē hāwā-ò. Templo heto ratyre tahe ritidire.

<sup>6</sup> Tahe tamy rarybere:

—Kai inatyhy Deuxu Riòre ahāte wana heka katyre-ribi ixi-di behukre bede-ò. Buruòtyhy heka besekeki. Deuxu taÿju kiditeònykre aramykeny. Bede-ò aòkò beseke.

Ijō tyriti rarybere:

—Deuxu araywinykre taÿju-di. Tii ÿju kiditeònykre tebò-di ariijekemy. Awa ritòmonyòtyhy manatyre-ki.

7 Jesuisi rirawyònyre: —Tyyriti tule rarybere:

—Deuxu uritere biurihioke.

8 Iribi Diabo heka Jesuisi ridyre hãwãlò-ò. Tamy ibutumy bede iòlòna riteòsinyre. 9 Tahe tamy Satanasi rarybere: —Beseke atiowotimy tahe biwawowydynykeki, adee kia ibutumy iòlòna wiwihiký ariwahinykre. 10 —Make Satanasi, Jesuisi rarybere: —Tyyriti rarybere: —Deuxu-ò sohojile deàlana, wowydyna biwahinyke. Tiile bityhynykre. Deòdu tamy sohojile mabeke.

11 Satanasi tahe Jesuisi-ribi rexitare. Ýju mahãdu rehemynyre iyrubudýýmy.

12 Joaò òludu heka ròtenawo-ki ritidira. Kia Jesuisi roholareu, Kalileia bede-ò ròsere.

13 Nazare-ribi rare Kafanaò hãwã-ki rasýnykremy rare. Tii aho-ki iòhòre, Kalileia aho wahe. Zebulò bede, Natali bede tahe inatxi hãwã ibiòwa rare. 14 Kia tahe Isaia Tyyriti rarybere wese:

15 —Zebulò bede, Natali bede, Jordaò bero kowawe-ribi ijã-ò. Ahohekýry-ki. Kai judeukòdu mahãdu bede rare, Kalileia wahe.

16 Iny kowasý mahãdu bede luru-ki rasýnymyhýre. Tahe tiiboho loosònahakýmy robirenyre. Bede lurusý mahãdu-ki tahe Deuxu loosòna ritoosònyre.

17 Iribi tahe Jesuisi ritelenyre Deuxu rybe ritýnykemy. Tii rarybere: —Aòraruna-ribi bexiràhike. Deuxu iòlòna bededýýnana dori iòhòmy ratxireri.

18 Kalileia aho ijãti-ki Jesuisi rariamy ratximyhý. Tahe inatxi waxidu seriòremy robire, Simaò Pedro, tule Andre ijòre. Riã-di utura rimymyhýreny. 19 Jesuisi tamyreny rarybere: —Bodoike wahemy. Iny wadee bimykre. Iwese araerynanykremy bimykre. 20 Aòwesele tahe tariã ririrenyre. Jesuisi-wana roirenyre. 21 Roirenyre tahe inatxi ijò seriòre-ki Jesuisi robire. Txiau ijòni rare. Joaò ijòre. Tiiboho Zebedeu riòre roire. Tiiboho talawo-ki ronyrenyri riã riywinyreny. Jesuisi tamyreny rarybere: —Wahemy bòdoike. 22 Tai tahe tybyreny ririrenyre. Jesuisi hemy ròirenyre.

23 Ibutumy Kalileia bedey-ki Jesuisi rariamyhýre. Tii judeu dohodýýna heto-ki rarybemyhýre. Deuxu iòlònany ritýnymymyhýre, Rybe Wihiký Týmyra wahe. Sòwemy webinadu mahãdu riteytenyre. 24 Jesuisimy iny relyyre ibutumy hãwã hãwã-ki Siria bede ibutumy. Tai tahe sòwemy webinadu mahãdu didydenyde tamy, iny tytybybina-di, iny iumy imyremyrehéký wahe. Jesuisi ibutumy iny riteytenyre. 25 Iny sòweheký riheludunyre, Kalileia bede-ribi, Debòwiò hãwã-ribi, Jerusalé-ribi, Judeia bede-ribi, tule Jordaò bero kowa-ribi.

## 5

1-2 Jesuisi inumy sòwemy robireu, raòwònyre hãwãlò ratya-ò, Ierydýýna mahãdu tamy doidenyde. Taile rierynadýýnymy rononymhýre. 3 Deuxuko-ki iny ibinamy rýimyhýre. Kia iny tuu rexierymyhýre, teysatwhy rare. Tii deysana sòwemy tai ratximyhýre, Deuxu iòlòna heka ihòròrenymy rarekre.

4 Robumy rýirakeki teysamy heka rýirake. Ibedewona wiòhedýýna rybe-di heka tamy kanakre.

5 Kia inytyhy-di widee ratxireri, tii heka teysahyimy ratximyhýre. Ibutumy heka iny ihòròlehekýle rýirake. Bede bede heka ihòròmy rarekre teysamy rarekre.

6 Inyò-ò òbitinamy lobiximy rurukeki tahe teysamy rarekre. Deuxu tamy òbitina riwahinykre.

7 Inyò ruxetòena-di ratxireri. Deuxu heka tamy ruxetòena-di rarekre.

8 Inyò irayky òbitimy ratxikeki tii heka teysamy rarekre. Tii dori Deuxumy robikre.

9 Inyò ywina-di wiwana rýirake teysamy rarekre. Ywinaò-di rarekré, teysamy rarekre. Tii dori rarinkre: Deuxu riòremy.

10 Inyò aòhòkýmy dýýnana neuròkeki, tii dori òbitimy rurukeki, tii tulesý teysamy rarekre. Deuxu iòlòna dori ihòròmy rarekre. 11-12 Inyò umyreny relyykeki uritere hekýle. Ruirybe-di umyreny relyykeki, aòhòkýmydýýnana adee riwahinykre wana, tai tahe beysakre. Awimy mohòtynykre. Kai dori biu-ò mahenykre. Tai tahe beysakre kai awimy nohòtykre. Uritere nohòti rosarenýòmy. Kia wese tule Deuxu rybemy rybedu aòhòkýmy rotýýnyre.

13 Kaiboho heka saawesemy atximahãteny, jyyra wesemy wahe bede mahãdu iny-ò, kai dori kiamy bede mahãdu tewiòhenanyte. Auri tahe urihimýò biònonykeki tahe aurihixina heka urihimýòlemy releke. Kaa jyyra urile idi adehu rýikre iny ityre rariakremy. Awìòhedýýna biònonykeki tahe aòma aòkò beleke. 14-15 Kai loosòna wesemy atximahãte kabede mahãdu iny-ò. Hãwãò hãwãlò ratyy-ki roikeki, tiu heka rexiwòòtyhy itýnyhy roimyhýke. Loosònaò iny ritoosònykeki, tule heka tiu heka hyna rawoò-ki roiòtyhy roosòmy. Aòma roosònanymyhýre ibutu heto jurajuramy heka ibutu ritxuxanymyhýre. Aòma tamana-ki rýimyhýreki wahe. 16 Kaiboho tule amahãdureny awiwihikýmy robikeki tahe Deuxu-ò wowydyna riwahinykre.

<sup>17</sup> Jiarÿ heka anaðe bede ywina tuededÿÿmy. Anade að Deuxu dee rybedu tuededÿÿmy aøkò heka anade. Anade ibutumy aòmÿbo rarybere widÿÿmy. Timÿbo rarybere wese heka ibutumy tuu rotÿÿnymy rarekre. <sup>18</sup> Inatyhymy adeeremy ararybekre bede ywina tÿyritiy-ribi tiu ijò iðòtyhy ijò sohoji ritiwedena yeð reseòhykre. Ibutumy roikre aðhebo rotÿÿnymyhyreò bede konanako-txi. <sup>19</sup> Inÿò tõhòti urihimÿò bede ywina rosakeki rexide-lenymyhyre iny ribedeerynyøkemy iny ritohonyòmÿhykemy. Hàbu tahe iyjamy Deuxuko-ò rarekre, Deuxuko-txi. Inÿò rityhynymyhyre irybe iny rybedeerynymyhyre. Tii tahe Deuxu Iòlòna-ò nihikÿmy rarekre. <sup>20</sup> Kaiboho aõma fariseu mahàdu-ribi awityhymy ixi-di mohòtinyinbenyeki. Tiu heka Deuxu Iòlòna-ò aròterenyòmÿ. Kaiboho heka awi toite aõma fariseu mahàdu judeu mahàdu wedu ratyre heka awi boibeke. Kia aøkòeki tahe malòbenÿòtyhy.

<sup>21</sup> Ihetxiu bede ywina Tÿyriti kawesemy rare:

—Kai inÿò birubunyekeki heka iòwynamy iny akanarubunyeke. Kia heka bede ywina heka rare.

<sup>22</sup> Tahe warybe urihimÿò iwitxira bede ywina-ribi. Kai inÿò-ò maraykynyekeki. Tai tahe brebunahakÿ-ki tate. Abiòwa-ò bininikeki itxÿtemy. Tamy kai marybekeki: —Kai aøkì awiòre. Tai tahe akÿnadykre heka aõma ywisidÿÿduko-ò araòwynykre. Inÿò-ò kai makÿaranynyekeki kai brebuna-ki texilòromÿ tate. Kai inÿò deramy mabekeki uriteremy nodu tamy marybekeki, tai brebuna-ki tate. Inÿò òsÿny aradykre wisidÿÿdu mahàdu-ò. Inÿò rathyhymy mabeke wana aøkò raremy marybekeki, heòty kònana bede-ò make lau brebuna-ki tate. Iòhàrure kai heòty bede-ò makemy. <sup>23</sup> Kaki aõma nieru xiwena wahidÿÿna-ò behemynyekeki inÿò-wana aõhe wídee botÿÿnyeki òhòti rosaòlemy ahàte wana. <sup>24</sup> Deuxu heka xiwena tewahinyòhyymyhyte aõma xiwena bire-ki heka birike. Tahe biijeke aseriòre juhuu. Aõma wana biòbitinyinbenyke wídee marybebenyke. Iribi tahe tamy bedehemynyeke xiwena wahidÿÿna-ò wahe tadevenymy atximahàte wana hàbuò-ò. <sup>25</sup> Aõma tai tahe iòraru-ki aòludumy relera wana. Tamy behemynyeke aõma timÿbo tii-wana wídi biywynykemy timÿbo adevè biòwynykemy tamy heka bitobiny òrale heka aõma rieryke urenana. Aradyhemy aõma ywisidÿÿna ube-ò, idi ywisidÿÿna mahàdu, idi soldado. Tai tahe bitobinyke bede rierykemy. <sup>26</sup> Inatyhy heka adee ararybekre ròtenawo-ki malòeki. Tiu heka aòlòkòmÿ aõma iòwy mahumy adi ròhòtinkyre. Idi mohòtinkyre xiery heka bòhònyke.

<sup>27</sup> Juhuu ihetxiu heka kaweselemy Tÿyriti-ki rarybere:

—Òtaòmÿ!

(Bede ywina tÿyriti-ki wahe.) Kawesemy heka jiarÿ rebedeerynywàhàre. <sup>28</sup> Òtamy ròhòtinkykeki hàwÿy-ò retehekeki òtamy rexinohòtinkykeki. Tai heka tii òta òraru riwinymyhyre. Iwese iwitxira hàwÿy-wana roireri yrubule taheka òta òraru riwinymyhyre. <sup>29</sup> Arueò òraruna-txi araatykeki, bitake. Awityhymy biu-ki malòke kawesekile heka awire, Deuxusÿ-ò malòke wahe. Arue wiòmÿ tahe awiòmÿ biu-txi arue yremy heòty bede-ò make tahe ibinatyhyre. <sup>30</sup> Tule eraò bitake iurelemy era-di make biu-txi. Aumy ibutuhukÿlemy heòty bede-ò rakehàrele tahe awiòre. <sup>31</sup> Bede ywina heka kawesemy ròhònyre iny-ò juhuu wahe:

—Inÿò tahàwÿy ixi-ribi riteònykeki rixàwididÿÿnyra tamy tÿyritiò riritinymyhyre. <sup>32</sup> Iwitxira rybe-di jiarÿ arukile tahe hàbu tahàwÿy riatyra. Inÿò uritere òta òtana òraru-ki ixi-ribi tahàwÿy riteònymyhyre. Tai tahe hàwÿy roimÿhyre hàbu wixira hàbuò-wana. Tai tahe òta òtadumy kia hàwÿy rininire. Adÿÿwe òraru-ò riteònyre tahàwÿy riteònyre uritere òhyynaòle. Tai tahe tii adÿÿwe òrarunaòle heka riteònyre. Talle heka hàwÿy hàbu wixiramy heka roimÿhyre ahàbuò tahàwÿy uritere hyynaòle riteònymyhyre mahàdu hàbu heka. Tii heka tule òtadumy relemÿhyre hàwÿy òta òtaduò heka roireki wahe.

<sup>33</sup> Juhuu heka ihetxiu kia wesemy Deuxu tamyreny kia rarybere:

—Taholatentye kiamy Deuxu heka uritere ruiòmÿ atximahàbenyke Deuxu-ò biwinybenykemy marybemy bimÿkeki biwinybenyke.

<sup>34</sup> Tahe jiarÿ heka kiamy adeeremy ararybekre. Aòwidÿÿmy ixi-di nohòtirenymÿ ryberenyòmÿ iwídyÿmy. Ixinohòtidÿÿmy ryberenyòmÿ ariwinykre biwawíòhenanyke wana biu-ribi wawíòhenanykre wana. Uritere heka tuu ryberenyòmÿkyre kia wesemy biubrò-ki aøkò biu dori Deuxu rynana rare. <sup>35</sup> Kiamy uritere rybeòmÿ bedebrò-ki aøkò aò biwinykemy aòmÿ mabekemy. Bede dori Deuxu idi ratximÿhyre rare. Deuxu waa elehyna dori bede rare. Jerusalè hàwàbrò-ki tule aøkò, tii dori Iòlòtyhy hàwà rare. <sup>36</sup> Tule arade-di widÿÿmy uritere dori rybeòmÿ kai dori awitxiranyòtyhy arade iura-ò ilyby-ò urile araykywydynakile tuu ratxike. <sup>37</sup> Aõma araykywydynakile heka tuu riwitxiranykemy idi tahòtinyinmyhyte. Kiamy heka tarybemahàte iwídyÿnamy teuremy tarybemyhyte: —Kohe, kiala ariwinykremy marybeke ada aøkòre, ariwinyòtyhymy aõbo. Kiamy marybekeki

iratylemy kohe, aõkõre myÿ aõbo. Sõwemy marybekeki tahe aõbina binahakÿle heka rõhõnykre.

<sup>38</sup> Ihetxiu bede ywina rõhõnyre.

Inyõ wixira rueõ ribinadÿÿnykeki, iny wixira tule iwesele riwinyke. Kia widÿÿdu rue heka ribinadÿÿnyke. Rue heka wilemy raõwynyre rueõwilemy. Juhu tasÿ ÿjuõlemy raõwynyre. Jiarÿ tahe rebedeerynyre kawesemy.

<sup>39</sup> Inyõ aõbinamy adee riwinykeki, aõ aõkõ tamy biwinyke. Inyõ aõsÿny rihetenykeki, tule iwyõ-di beake rehetenykemy. <sup>40</sup> Uritere aõludu-õ ixioõwydÿÿõmy. Aõma ijõ aty ritakeki heka tule tamy arahana biwahinyke. Inyõ sohoji urixinamy adee ixidinymy reake wana. Inatximy heka tii-wana beake. <sup>41</sup> Inyõ ixitõedÿÿmy aõ aribi riwykeki tamy biwahinyke tule inyõ aribi aõ huõtemy riwyke wana. <sup>42</sup> Abrõrõ itue-di tamy õkeseõmyke iwõde-ki ihuõtemy biwahinyke.

<sup>43</sup> Ihetxiu heka taholatenyke kawesemy:

—Kai heka aõ hãwã ludu mahãdu luummy heka madõnymyhÿke.

Aõludumy aki ratxike wana tukumy atxike teramy atximahãke. <sup>44-46</sup> Tahe iwixiramy ararybekre. Aõludu heka arabedeerynyke. Tukumy mabekemy inyõ aõhõkÿmydÿÿnana rotÿÿnyreri wana tamy rexitõenyke. Kia wese-ki heka inytyby riõremy mabeke, Deuxu riõremy wahe. Tii dori juu riõlõdÿÿnymyhÿre inybina tyre-ki wahe. Tule iny wiwihikÿ tule-ki aõma biu heka tule riteõnymyhÿre. Aõma iny õbitikõdu mahãdu tule-õ. Tule õbiti mahãdu tule riteõnymyhÿre. Aõma tukumy ahãte sohoji ratximyhÿre sohojile kai itukukeki. Kia heka awi aõkõ rare ibutumy õraru mahãdu heka tule riwinyremyhÿre kia wese. Aõma urile rybedÿÿ azry mahãdu, Aseriõre mahãdu. <sup>47</sup> Tulesÿ kia aõma aõkõ rare aõma tule heka judeukõdu mahãdu dori tule riwinyke, tii Deuxu rierykõre. <sup>48</sup> Õbitityhymy kaiboho boibeke. Aõma jiarÿ heka arabedeerynyrenyri biu-ki inytybyreny ratximyhÿre dori õbitityhy rare.

## 6

<sup>1</sup> Wahisidÿÿna wiwihikÿ kai hãburu-ki iwahisidÿÿõmy iny-õ. Kai itxerenaõnamy biwahinymyhÿ. Aõkõkeki tii inytybyreny-ribi bitaõtyhy aõwy awahisidÿÿna.

<sup>2-4</sup> Kai biwahinykeu iny adee aõmybo rurumyhÿreõ. Uritere ibutumy iny itxerenamy iwahidÿÿõmyhÿ. Inyõ-õ õbiti mahãdumy riwisÿnymyhÿre mahãdu, kia wesemy heka tii riwinyremyhÿre heka. Dohodÿÿmy heto-ki tuu riwinyremyhÿre kia wesemy tule ibutumy hãwãhãkÿ ruetyawetyamy tuu riwinyrerimy ihÿre. Inatyhy dori adee rarybereri: —Aõma wahisidÿÿnatyhymy heka adee rarybereri: —Wahisidÿÿnaõ ixidee ritamyhÿre. Aõbo Deuxu wahisidÿÿnaõ heka adee riwahinyõtyhy. Tai heka Deuxu wahisidÿÿnatyhy riwahinyõtyhy tamyreny. Iny-õ aõ biwahinykeki, abiõatyhy-õ belyyõke. Wasilemy tamyreny awiõhedÿÿna biwahinyke. Iny tybyreny dori ibutumy aõna aõna rõtena rieryre aõwahisidÿÿna adee kidiwahinykre.

<sup>5</sup> Iwese budu mahãdu riwinymyhÿre wese uritere iwidyõõmyke. Kia wesemy aõkõ heka bexitõenyke. Ibuturu-õ rexitõenymyhÿre dohodÿÿna hetowo-ki heka lamamy rexitõenymyhÿre. Hãwãy-ki dori rexitõenymyhÿre ibutu itxerenakemy. Inatyhymy heka adee rarybere: —Atarasana ibutumy ritare. <sup>6</sup> Inatyhy dori ritare.

—Bexitõenykeu malõke ahetu jurawo-õ. Ixi-di biijõtõbõnyke. Ierykõnamy boo ratximyhÿreõ heka bexitõenymy myike. Ibutumy heka boo aõbo wasimy iny riwinyriwinymyhÿremy robimyhÿre. Tai-ki tahe bede ywina wihikÿ heka adee kidiwahinykre. <sup>7</sup> Tule rexitõenymyhÿreu uritere irehemy idi lamaõmy uritere ixityre ixityremy tamy ixitõedÿÿõmy wiwesewesehyyle. Judeukõdu mahãdu dori kawesemy riwinyremyhÿre. Kiamy heka raraykywydynanymyhÿre aõma rexitõenyre ehehekÿkeki heka roholatyhykemy rohõtinyinymyhÿrenyre uritere widÿÿõmy iwese tii riwinyremyhÿre wesemy. <sup>8</sup> Inytybyreny dori rierymyhÿre aõmybo iny raraykynymyhÿré. Inyboho heka rexitõenymyhÿreu rierymyhÿre aõmybo inyboho rurumyhÿrenyre. Iny sõwemy rarybemyhÿrele aõkõ heka tii roholamyhÿre. Aõmybo iny rurumyhÿrenyre, heka bexitõenybenyke. Kia wese:

<sup>9</sup> Wahareny, biu-ki atximahãte. Anityhy iny ibutumy rityhinykemy idi rierykemy watzireri.

<sup>10</sup> Aiõlõna heka wymy kanake. Iny adeewile riwinykemy iwese biu-ki relemyhÿre wese.

<sup>11</sup> Wadeereny txuõ txuõ rÿsÿna bidiwahinyke.

<sup>12</sup> Waõrarunareny õhõti-ribi bitasadÿÿnyke. Iwese jiarÿ inyõ õraruna wanohõti iribi aritosadÿÿnymyhÿre wese.

<sup>13</sup> Isiratyhy urihixina-ribi heka biwayrubunyke, õraruna-txi reseke lau. Aõna aõna bina-õ bidiwaijebenyke. Iõlõna, ruru, loosõna heka ahõrõhy rare. Kie.

<sup>14-15</sup> —Inyõ ariixãwidinykeki iaõbina-ribi. Tule inytybyreny riwaiixãwididÿÿnyke. Deuxu iõraruna-ribi riixãwididÿÿnyke. Beinareheke wana.



<sup>16</sup> Uritere aòsýny bedètiidýýòmy iwese budu mahādu rýira wesemy. Tai heka byreòmy iny-di txuu rýimyhýre widi retehemyhýre. Wiji òhòtirený reake. Heka raòwynyra inarehena irareny. <sup>17</sup> Tai narehereheu tainarehenyete. Atarina-di ahātemy beake aòsýny bisuhòke. <sup>18</sup> Inywitzira heka anaeryòtyhy kai tenarehemy atxiteri. Inytybyrený sohojile heka rierymyhýre. Inyò tuu robiòtyhy. Tii tahe ibutumý aòna aònamý robimý wasimý rýiramý. Iribi tahe tii araòwynyrenýke.

<sup>19</sup> Aòna aòna butudýýòmy ty, nieru, aòna aòna wiwihiký butudýýòmy kabede-ki. Txuddèra dori ibutumý kabede-ki tuu riroxike aòna aònamý. Aòma rararýýnyke iaòmydýýna ibutumý rararýýnyke rahuke. Wasidu tamy ralòke. Iaòmydýýna-ò sòweò wyremý rasinyke iaòmydýýna-di. <sup>20</sup> Kaki ibutudýýlemý heka biu-ò bibutumýke. Tai heka txuddèra aò riròòtyhy tule rararýòtyhy. Tule wasidu aòkò rare. <sup>21</sup> Titxibo aòmydýýnana ratxireri iwesele taheka arayky ratximyhýre. Biu-ki aòbo ada bede-ki aòbo. Aòma bede-ki araykywydyna ratxireri wana heka kakile taraykywydynante. Biu-ki araykywydyna ratxireri wana heka biu-ki heka arayky aòmydýýna butuna raykywydyna ratximyhýre. <sup>22</sup> Arue heka loosòna wesemy rare. Aumý dee itýnykeki heka aumý ibutumý loosòna-di týximi rareke. <sup>23</sup> Aumý ibinakeki tahe bede loro-ki matxike. Aumý bede lorohoký-ki ratxikeki ibinatyhymý matxike aòma butunale-di iny ròhòtynykeki heka tiu Deuxu iny riwiòhenyòtyhy. Deòdumý heka releòtyhy. <sup>24</sup> Inatý wedu-ki dori inyò rityynyòtyhy. Tule heka tii roholamyhýre ijò-ribi tahe tòhòti rosamyhýre. Inyò Deuxu deòdumý releòtyhy tii aòna aòna butunadile ròhòtinymyhýreki. <sup>25</sup> Tai heka tuu rarybereri adeerený. Uritere nohòtiyreòmy arýsýnamý tule atymý, idi matykynkemý. Aumý dori rýsýna ratyre aònityhymý ratximyhýre. Tule aumý tyky ratyre aònimý ratximyhýre. <sup>26</sup> Nawii-di inihe betehèbenyke. Tiiboho heka aòworumý aòkò ròbròmyhýrenýre. Aramyre heka aòma tarýsýna wydymý bederahymý tarýsýna riyrubunyòhyymyhýre heto nihiký-ò. Deuxu biu-ki ratximyhýre heka nawii riyrubunymyhýre irýsýna tamy riwahinymyhýre. Kaiboho tahe iratyretyhy toite, Deuxu-ki wahe. <sup>27</sup> Sòwetyhymý maraykywydynanykeki aòbohe, arumý aòbo arirarehemy mariake. Aòkòre. <sup>28</sup> Uritere nohòtiyreòmyke atymý. Betehemyhý inihe noijasa-di. Aòma tiiboho heka raaòmysýdýýòhykymyhýre. Tai tyky wihiký-di rexitynyke. Tyy ixidee riwinyòtyhy. Ihāre tahe Deuxu rityynywihikýre heka tyy wihiký tamy riwahinyreri. <sup>29</sup> Salomaò heka itykynihikýra. Ihāre tahe ityky heka awityhy aòkò rare. Noijasa heka iratyre ityky wityhyre. <sup>30</sup> Deuxu heka noijasa ritykynymyhýre aòma noijasa heka wijilemy idi ihýre. Biurasòmy tahe ixāwilemy reamyhýre, risòra. Tii heka tyky adee kidiwahinykre. Nohòtiyreòmy tahe. Tii dori adee kidiwahinykre tykyò. Aityhyna dori ibutetyhyre heka. <sup>31</sup> Tahe raykyòmy nohòtiòmy titxiribibo arýsýna bidiwinykré, atyky amona. <sup>32</sup> Tyhydýýdukòdu mahādu heka kiaòle heka ritòhòtidýýnymyhýre. Inytybyrený heka rierymyhýre aòmybo tarumahāte. Ibutumý heka araerymyhýre aòmybo taruterimahāte. <sup>33</sup> Tii Deuxu aòma dýýnana sohojidle. Manaykynykeki heka tii ibutumý adee riwahinykre. <sup>34</sup> Uritere nohòtiyreòmy aòbo biurasò kia aòmydýýnana-ò. Rýire dori sòwemy wiji biaòmysýdýýnanykremý biwinykré. Iwitziramý bidiwinykre iwitzira aòmydýýnana-ò.

## 7

<sup>1</sup> Iny witzira witzira-di ywisidýýòkeki. Aywisidýýna wesemy heka Deuxu ruxetòena-di ywisidýýmy araywinykre. <sup>2</sup> Iny teywinmahāte wesemy heka Deuxu araywinykre. <sup>3</sup> Kai heka òwòru nihikýereò arue-ki ijòdikèki, aòherekibo bederarasi sòmo-di inywitzira rue-ribi bitakemy atxiteri. <sup>4</sup> Tai heka kai bobiòtyhy itarasa-ki wahe. Arue-ki dori òwòruere ijòdireki heka bobiòtyhy. Òwòru ere dori aòaruna sòwemy rýire wesemy heka atximahāte. <sup>5</sup> Kai texibònyteri. Aòaruna-ribi juhuu bexiòbitinykre. Idi tahe aseriòre òraruna-ki biwiòhenanykre. Aòaruný-di rierymy idi òbitimý betehèke òòraruna-ribi iixitarasadýýmy biwiòhenanykemý.

<sup>6</sup> Inyò heka utura rati mana wiwihiký-di rehuòtyhy aòma ixýni herina-txi. Ixýni dori ityre rariake tahe riònonyke adee heka kanakemy wahe. Iwese tule heka ijòròsa-ò biwahinydýýòmyke. Rybewiwihiký hābu òrarudutyhy-ò iwahisidýýòmyke.

<sup>7-9</sup> Rexitòenykeki tahe bitake kia. Biekeki tahe tai mahake. Bihetenykeki heka iny adee riraynyke ijòtòbòna. Inyò heka Tyby-ò rýsýnaòmy rexitòenykeki, mana heka tyby tamy riwahinyòtyhy. <sup>10</sup> Uturaòmy rexitòenykeki tahe hemylala binahaký tamy tiu riwahinyòtyhy. <sup>11</sup> Kai aòna aòna wiwihiký biwahinyke heka teerymyhýte auladu-ò wahe, hābu òrarudu hārele wahe. Aòbo heka tule Deuxu inytybyrený inydeerený riwahinyke aòna aònaò wihikýò. Rexitòenykeki tahe tamy ariwahinyke. Inytybyrený heka tamy riwahinyke. Iwese iny witzira teyrubunmahāte wesele heka iny araywinymý xixi-di tahòtinymahāte wese. <sup>12</sup> Tule kai aòwiwi inyò ixidee aòhebo rotýýnymyhýkemy taruteri, kiaweselemý tamy botýýnymahāke. Kia heka Moisesi bede ywina tyriti-ki roire. Kiale Deuxumý rybedu mahādu ribedeerynyre.

<sup>13</sup> Biu bede wiwihikÿ kia ryÿijòhÿtÿdile malokre. Heòty ijò bederyijò heka nihikÿ rare. Iny kia ryhykÿ irumy rakre heka isirare iny ibute kowa ralore. <sup>14</sup> Irumy nonona ijò tahe ihÿtÿre. Ryy heka ihÿtÿre heka ibutere iny ryhÿtÿ-di ròtedu tímty bede erydÿÿkòdu-ò.

<sup>15</sup> Bexiijebenyke kia mahädu lau Deuxu rybe rybedu mahädu tyhymy aòkò lau wahe. Budoeni wese ratximyhÿre inythy wesemy. Tawo-ki tahe inatyhy rare ahola debore wesemy heka ratximyhÿre. <sup>16</sup> Teeryte wesemy ibederaty-ò betehekeki. Hede-ò heka uvamy figomy tule tiu iratyòna. Iaòmydÿÿna-ò bierybenyke tibo roirè. <sup>17-18</sup> Tii heka bierybenyke aòhebo rotÿÿnyre wana teerytenyete. Tii heka riitxenanyòtyhy kia aòma matyty matynimy heka tiu biitxenanyòtyhy. Tule betehekeki, bierybenyke aòwesele heka òwòruò bierybenyke. Aòma bederatyò birÿsÿkeki tiu heka bederaty wihikÿò arÿsÿòna òwòru ratyy-ò, bederatybinahakÿ tule rierykre. <sup>19</sup> Òwòruò bederaty wihikÿmy raratynyòkeki heka hemy raòròròke rokoke. <sup>20-21</sup> Kia weselemy heka iny teerytenyete. Aòhebo iny rotÿÿnyke wahe. Tai tahe terytenyete heka, tetehtenyterikile wahe. Òbiti mahädu wesemy rarybemyhÿre. Tahe òbitimy aòkòre ihÿre. Sòwemy heka iny tawedumy riwaninire. Ihärele tahe biu-ò ralòòtyhy. Deuxu tyhydÿÿdule tahe ralokre. Ywisidÿÿnatxu heka kawesemy wadee rarybekre. <sup>22</sup> Sòwemy iny wahe: —Wanyrÿ, Wanyrÿ, jiarÿ hewa iny iwitxira sòwemy aijyy rarybemy rare wahe. Tule heka tyytybybina reteònymy rarewähä. Tule deytana wiwihikÿ heka ani-di rewinyumyhÿre. <sup>23</sup> Tai tahe jiarÿ tamy ararybekre heka: —Kòrehe, kaiboho aò wamahädumy aòkò atximahäte. Umy reerykòre. Waribi bexitake. Aòaruna dori sòwere.

<sup>24</sup> Kawesemy heka iny bede eryna ratximyhÿre. Warybe-ò roholamyhÿreu heka aòwesele riywinymy rityhynymyhÿre. Kia häbu hetowidÿÿdu wesemy heka rare. Iheto heka manatyre-ki riwinyre. Tii heka ibedeery sòwemy ihÿre. <sup>25</sup> Biu heka beòra heka rari-amyhÿre. Iu tahe biu rejuxunymyhÿre, yhy rebonyre. Tahe tiu reseòtyhy manatyre-ki dori riwinyre. <sup>26</sup> Warybe ijohonadu tahe iwitxiramy ihÿre. Häbu itxÿte tahe warybe-ribi aòwesele tòhòtirenny rosamy reamyhÿre. Kaiboho aòbedeeryhykÿ aòkòre roire. Tii heka iwese häbu ÿnarakile heto riwinumyhÿ wese rare. <sup>27</sup> Biu risebenyke, beòra rareareu, yhy rebonyre tahe iheto reseke, ibutumy iòre, rahura.

<sup>28-29</sup> Ibutumy heka Jesuisi rybe ersydyÿÿna-ò bede riòtiinyre. Tii heka häbu ersydyÿÿdu wesemy tii ribedeeryumyhÿre. Aò judeu wedu wesemy aòkò ribedeerynyre.

## 8

<sup>1</sup> Tiu häwälò-ribi dobehedeu, sòwemy heka iny ihemy doidemyde webinadu, tybina heka tamy nade. <sup>2</sup> Wowydyna rybe-di heka tamy rarybere: —Adee wikeki heka kai biwateytenyke. Jesuisi dirawyònyde: <sup>3</sup> —Wadee awire, arateytenykre. Tahe tamy tebò ritytere tamy reerimy. Itybybinana riteytenyre. <sup>4</sup> Tahe Jesuisi tamy rarybere: —Boholakre, iny-ò uritere rybeòmy.

Kai tahe makre xiwena wahidÿÿdu-ò xiwenaò biwahinykre. Idi tahe Moisesi bede ywina raryberewesemy xiwenaò biwahinykre. Kai tahe iny rierykemy heka yteny ratximyhÿre.

<sup>5</sup> Jesuisi Kafanaò häwä-ò rehemynyre heka häbu soldado weduò tamy rehemynyre. Tii tahe Jesuisi-ò rexitòenyre: <sup>6</sup> —Wadeòdu biteytenyke raterenymy ratxireri waheto-ki. Sòwemy aòhòkòmy rotÿÿnyreri. Ibinatyhymy roireri rexisiranymy raratykòhykylemy. <sup>7</sup> Tai tahe Jesuisi tamy rarybere: —Rakakre, tai ariteyteynykre. <sup>8</sup> Idi soldado wedu rari-wyònyre: —Aòkòre, Kai häbu wiwihikÿ tate. Jiarÿ tahe häbu aò aòkòmy jiarÿ watxiwähäre. Waheto-ò manalòòtyhy. Karibile marybekre tamy taile taile tahe wadeòdu reytekre. <sup>9</sup> Jiarÿ dori reyrÿre. Jiarÿ heka tule häbu weduòmy watxiwähäre. Soldado heka sòwemy riwatyhynymyhÿre. Iny sohoji-ò aòma rakremy rarybemyhÿré heka, ramymyhÿre. Tule ijò dee rarybemyhÿre: —Manake, tai tahe namyhÿde. Ijò dee rarybemyhÿre wana: —Kai biwinyke, idi riwinumyhÿre. <sup>10-11</sup> Tai tahe Jesuisi ribedeòtiidÿÿnyre irybe-ki wahe. Tahe rarybere erydÿÿna mahädu-ò: —Judeu mahädumy-ki tai rahaòre ijò-ki kahäbu wesemy inatyhynana sòwereki. Sòwemy heka judeukòdu mahädu ritynynykre kia weselemy. Ijò txu aò wiji aòkò heka riroxirenyke: Abraò, Ijai, Ijaò-wana biu-ki heka riroxirenyke bede ludu iny mahädu-wana. <sup>12</sup> Judeu mahädumy ròirenyòkre tamy. Tule kaibohoò tahe aòhetykrebo. Ijò mahädu dori bede lorohokÿ-txi resekre. Taiki tahe irynamy rurykre aòkòmydÿÿÿna-ò. <sup>13</sup> Taita Jesuisi soldado dinodu-ò rarybere: —Makre, tímtybo wiji tahòtinymy tetyhynyete wesemy heka rarekre. Iurele teòdu reytere.

<sup>14</sup> Iribi tahe Jesuisi Pedro heto-ò ralòre. Iriòre lahi heka aòma rubuna nihikÿ roimyhÿ. <sup>15</sup> Tahe Jesuisi rimyre tebò-di tamy rerire. Idi tahe irubuna iribi ròhònyre. Tai tahe tii ronyre. Ronymy tahe rÿsÿna riwinumyhÿ tamyreny. <sup>16</sup> Txiorotyhymy inyò didyde aòma tyytybybina nihikÿ-di ratximyhÿò. Iu Jesuisi sohoji rybeòmy rarybereu tahe aòwesele iribi

ròhònyre. Kia webinadu didyde, tule reytere. <sup>17</sup> Iwese ihetxiu Isaia ryberiti rarybere wesemy heka tule riwinyre:

Jesuisi riwinyre. Kíamy wahe. Wabinanareny waribireny riwyre. Inatyhyre.

<sup>18</sup> Iny sòwemy ributunyreu. Tai tahe taerydýŷna mahādu-ò tii rarybere: —Rokoirenyhe kanawe-ribi ijā-ò. <sup>19</sup> Tai judeu mahādu, bedede ywina bederydýŷduò tamy rarybere: —Awana arakre titxibo makre heka ahekile anakre. <sup>20</sup> Tahe Jesuisi dirawyònyde tamy heka rarybereri: —Ijòrò heka ihāloo dire, ibýtý dire, nawii býtý isý dire. Tahe jiarý, Deuxu Riòre Hābutyhyhyký wahe, wahetoòre, waherinaòre. <sup>21</sup> Ka ijò iheludu mahāduò tamy rarybere: —Wanyrý, waha heka rurura. Tai heka juhūu arituunyke. <sup>22</sup> Tamy rarybere: —Manake, wijile biwaheludunye. Rubuòmy rýira, rubu mahādu heka rituunykeny idi ratxireri.

<sup>23</sup> Jesuisi hāworo-ki ronyre tahe reurore. Ieryredýŷna mahādu riheludunyenre kia lawokile. <sup>24</sup> Ahobetya-ki tahe yhy debore nihiký tamyreny rehemynyre. Tahe òbò nihikýmy resemýhyre. Uritereribile yhyhyký bee riòbònyra hāwò rilýmnyke iòhòtyhyre. Jesuisi tahe ròròmy roimýhy iu. <sup>25</sup> Tai tahe ierydýŷna mahādu heka riixxadýŷnyre. Tamy raryberenyre: —Biwayrubunye, Wanyrý. Aòkòkeki, rukururenkyre. <sup>26</sup> Jesuisi tamyreny rarybere: —Aòherekibo kaiboho taberutenyteri? Aityhyna sòwe aòkò atxitenyteri. Jesuisi tahe rýimy reare. Yhy debure-ò, òbò-ò rarybere: —Biyrkye, bedede binahaký. Tahe aòwesele ibutumy riyrira. <sup>27</sup> Ierydýŷna mahādu urile ribedeòtiinyre. Tiiboho raryberenyre: —Aòhābubo tii ihýre. Òbò, tahe yhy-wana tamy roholare. Iwese tii rarybere wese rityhynyre. Irybemynale riwinyre.

<sup>28</sup> Kalileia aho ijò weribi ijana-ò ritehemynyre. Kowa bedede heka Kadara inire. Tule hābu inatxi heka tytybybina-di tai rasýnyrenyre wabedewo-ki. Kiary-ki tahe ibutumy iny ruberure. Iribi tahe ròhònyre reare. <sup>29</sup> Aòwesele heka rryrmy roirenyre Jesuisi-ò rarybekremy: —Aòwe wadireny tate, Deuxu Riòre? Kai aòbina binahakýmy wahòròdýŷòmyke. <sup>30</sup> Tahe kowa-ki ixýni juramy riroximy rýimýhy. <sup>31</sup> Tytybybina tahe Jesuisi-ò rexitòenyre: —Biwatòenybenykeki, ixýni jurawomy aralorenkyemy biwateònyke. <sup>32</sup> Tahe Jesuisi rarybere: —Bòibenyke hābuwo-ribi. Tahe ròirenyre ixýniwo-ò. Ixýni jura tahe ibutumy rejuxunye ijòtira-ribi. Berawo-txi tahe rabòròròre. <sup>33</sup> Ixýni-di itxeredu mahādu tahe hāwā-ò roirenyre ijyymy. <sup>34</sup> Kia hāwā ludu mahādu tahe roirenyre Jesuisi-ò itxeremy. Tai tahe tamy rarybere ibede-ribi ròhònykeny.

## 9

<sup>1</sup> Ribererenyre aòma hāwò nihikýro-ò reuròrenykeny kanawe-ribi ijā-ò. Tai tahe Jesuisi tahāwā-ò rehemynyre. <sup>2</sup> Tai tahe didydenyde weryrybòò byre-di idi betyky-di ramyremyreny roimýhyre. Tahe hābu mahādu inatyhyna Jesuisi rieryreu heka hābu dee rarybere: —Waexi, beysake, aòaruna dorì reixāwididýŷnyra. <sup>3</sup> Tai tahe ritidýŷna bederydýŷdu mahādu retehereri. Ixideele heka rarybemahā: —Kia heka ibinamy Deuxumy rarybereri. <sup>4</sup> Iyky Jesuisi rieryre tahe tamyreny rarybere: —Kai aòbo ibinamy waki tahateri arayky-ki. <sup>5</sup> Timybo heka kaiboho tahòtinyteri. Aòma iòaruna ariixāwididýŷnyke aòbo ada iumy ariteytenyke aòbo? Aòbohe isiratyhyre wadee tahòtinyte wahe. <sup>6</sup> Deuxu-ribi waruru dire. Kabede-ki heka òaruna ariixāwididýŷnyke jiarý heka Deuxu Riòre Hābu tyhyhyký rareki wahe. Tamy rarybekre: —Myike, abyre bimýke ta mariakre asý-ò. <sup>7</sup> Tai tahe hābu aòwesele rýimy reare. Tahe taheto-ò rare. <sup>8</sup> Tahe bedede inysòwetyhy heka ribedeòtiidýŷnyre. Deuxu heka wowydyna riwahinyre. Tii iny-ò ruru riwahinyreki wahe.

<sup>9</sup> Jesuisi iribi rariamy rare. Tai tahe tii Mateu-wana heka witxi reare ryki: —Jiarý heka nieru butudýŷna heto-ki ranymahā. Jiarý rebutunymahā aòma inyòwydýŷna heka rebutunymýhyre. Iu Jesuisi wadee rarybere: —Manake waerydýŷnaòmy heka beleke. Tai tahe jiarý tii-wana heka rare aòwesele heka ihemy rare.

<sup>10</sup> Tai jiarý retobinyre kanakemy waheto-ò. Waheto-ki riroxikemy taerydýŷna mahādu-wana. Tai tahe sòwemy heka iny waery mahādu dòidenyde, òrarudu nihiký mahādu wahe. <sup>11</sup> Tule heka fariseu mahāduò tai ratximýhy. Tahe Jesuisi erydýŷna mahāduò kiaò-ò heka rarybere: —Aòherekibo Jesuisi òrarudu nihiký mahādu-wana riroxireri? <sup>12-13</sup> Tai Jesuisi roholarehe tamy rarybere: —Aòma òhotibedu heka, webinadu mahādulemy aònityhymy rarumahāre. Òhotibedu-ò kanakemy. Binadu mahādu-ò tahe tiu ararariòwyòtyhy aòma òbiti widýŷdu mahāduòle heka anade. Warurumy rurumýhyle mahādu ariwiòhenanykeny anade. Aò awihikýmy ixi-di ròhòtinyreriò aòkò wahe. Deuxu Ryberiti-ki tahe kaweselemy roire:

Ixiwe heka wadee awiòre aruxetòena wadee awire.

Kaiboho bierybenyke aòbo katyryiti rare.

<sup>14</sup> Tahe Jesuisi-ò rarybere Joaò eryna mahādu: —Aòherekibo Joaò Sebedeýŷdu kia erydýŷna mahādu renarehemýhyre rexitòenykreu. Fariseu mahādu erydýŷna heka tule heka

renarehemyhÿre. Ihãrele taheka aõherekibo abedeerydÿÿna mahãdu heka tiu iwesemy riwinymyhÿre. Aõherekibo ka. <sup>15</sup> Taita Jesuisi dirawÿõnyde: —Iu iny inyhãwÿmy roimyhÿreu heka iny reysamyhÿre. Aõma kia weryrybò hãwÿy kialiiina heka teysamy ratxirerimy ihÿre. Tiu rirubunyõhmÿmyhÿre teti-ò. Tahe aõutxumy tahe weryrybò hãwÿmy heridu heka inyõ ritakremy ratximyhÿre. Iu tahe renarehekre heka. <sup>16</sup> Uritere inyõ deratyby ritòbõnyõtyhy tytÿmyra-dì. Inyõ itòbõna tÿmyra-dì ritòbõnyeki, raykake heka iura ranihikÿke. Aõma iwesele rare aõma wÿi tÿmyra iròdutÿy tÿmyrahakÿle ritidikreu. Aõma itÿmyra-ò heka iròdutÿy itÿmyrahakÿle raykake. <sup>17</sup> Aõhe tiu wÿi tÿmyra iròdutÿy tyby-ò rihinyõtyhy. Inyõ kia wesemy riwinykeki taheka raykake heka rejuxunÿkre irube. Ihyna heka rabinake. Wÿi wihikÿ taheka aõma iròdutÿy tÿmyra hyynawo-ki ka awimy rÿike.

<sup>18</sup> Iu dohodÿÿdu hetoõ bede erydÿÿduõ heka Jesuisi-ò nade tariõre rurureki wahe. Tai ta Jesuisimÿ reallãre tamy heka rarybere: —Aõma wariõre rarurura wahirari wahe. Kai waheto-ò manake wariõre ruru-ribi biixixanÿkremÿ. <sup>19</sup> Tahe Jesuisi taerydÿÿna mahãdu-wana roirenÿre ti wana wahe. <sup>20-21</sup> Tahe hãwÿy røhõtinyre heka: —Jikarÿ heka ityky reroti-kò karirikrekule karekytekre.

Tii dori ihãlubu rihyõhy raremyhÿre waõ inatxi reurò beõramÿ. Iòhõmy iribi reare. Ireroti wereysanakile rimymÿ resere. <sup>22</sup> Taita Jesuisi ròõsemÿ reare. Tuu robire tamy rÿraxire: —Lerÿ, awi heka rare. Aityhna heka arateytenÿre. Inatyhymÿ teyteta. Tai tahe hãwÿy aõwesele reytemÿ reare. <sup>23</sup> Idi tahe aõwesele rehemynymÿ reare. Judeu wiuna bederydÿÿdu heto-ò rehemynÿre. Tai heka hãwÿy sõwemy robumÿ rÿimÿhÿ rubura-ki rawiunymÿ rÿimÿhÿ. <sup>24</sup> Tai tahe Jesuisi tamÿrenÿ rarybereri: —Bõibenÿke hewahe. Hirarihakÿ heka ruruõhyky roireri. Urile heka rørõmy roireri. Tahe iny rutzuenÿre. <sup>25</sup> Tai iny sõwemy røhõnyre iribi. Tahe Jesuisi ralõre titxibo hirarihakÿ roireriò. Debò-ki rimÿre tahe riteytenÿre. Rexixare ixÿby. <sup>26</sup> Ibutu bede bedemyhe inina-ò roholare. Kia deytana riwinyraò.

<sup>27</sup> Tahe hãbu ruetã inatxi Jesuisi riheludunÿre heka. Kia hetoy-ribi wahe. Tamy heka raryberenyre: —Kai heka iòlò Davi riokore tate. Tai tahe ruxetõena-di biwawotõenÿke. <sup>28</sup> Idi tahe Jesuisi taheto-ò ralore tai rasÿnymÿ ratximyhÿò. Iny mahãdu ihewomÿ rare tahe ralõre. Tamy rarybere: —Inatyhymÿ aõbo tetyhynytenÿte, ixÿby arãitxeredÿÿnykeò. Tii-boho raryberenyre: —Køhe Wanyrÿ, retyhnyre. <sup>29</sup> Jesuisi rarybere: —Ainytyhynadireki arue tabita. Aõwesele robirenyre. <sup>30-31</sup> Jesuisi heka rarybere tarurumÿ tamÿrenÿ uritere ijÿyõmykremÿ. Tai tahe aõma røirenÿre ibutuko relyyrenÿre.

<sup>32</sup> Idita tako-ò rexidorunymÿ reareki tasÿ kia hãbuò-txi reare tytybybina-di ratximyhÿò. <sup>33</sup> Tahe Jesuisi-ò didydenÿde hãbu irybeõna kia tytybybina õraru-ki wahe. Jesuisi tuu òlòdÿÿnyre iribi. Iule tahe hãbu aõwesele heka rarybere iroo-ki. Kia iny ibutumÿ ribedeõtiidÿÿnyre. Timÿ heka rarybeõhyre iko-ki juhuu raremyhÿu. Tuu rabiõhe iwesedÿÿnadumÿ. <sup>34</sup> Idi tahe fariseu mahãdu rarybere: —Tytybybina-di ratximyhÿre. Tai heka tytybybinahakÿ reteõnymÿhÿre iny-ribi. Ihãrele heka Satanasi-di ihÿre. Tytybybinatyhy wedu heka ratximyhÿre.

<sup>35-36</sup> Idi tahe ibutumÿ hãwã hãwã-di Jesuisi rariamy rare ròbedeerydÿÿmÿ. Judeu mahãdu dohodÿÿna heto-ki relyymÿhÿre, Rybewihikÿmÿ. Tai Iòlõna kia ritÿnymÿny tuu relyymÿ. Ibutumÿ iny bina bina heka riteytenÿre. Iny nade ihewo-ribi. Sõwemy heka iny aõna aõna bina binahakÿ riwinymyhÿre idi rÿimÿhÿ. Titxibo rakre heka rieryõhykÿmyhÿre ta aõna aõna õraru-ki idinoduõreki wahe. Tai tahe Jesuisi riwotõenymÿhÿre ibutumÿ tiõboho dori budoeni wese ratximyhÿre, itxeredu ihoõreki. <sup>37</sup> Tai tahe taerydÿÿnana mahãdu-ò Jesuisi rarybereri: —Iny heka maixõmo sõwehekÿ rÿira wese heka iny ratximyhÿre. Aõma ibutelemÿ heka arixidu rÿira. <sup>38</sup> Bexitõenÿke Deuxu-ò. Tii heka bederomÿ maixõmo rÿira wedu rare. Bexitõenÿke tamy aõbo maixõmo arixidu-ò kiditeõnykemÿ. Irybe-di heka raaõmysÿdÿÿkre ibedero-ki. Ibutu bedero-ki heka idi raaõmysÿdÿÿkre.

## 10

<sup>1</sup> Ributunÿre Jesuisi aõma tawa-ò inatxi reurò kia bede erydÿÿna mahãdu. Tamy heka ruru riwahinyre. Aõma tytybybina riteõnykemÿ. Tule tamy riwahinyre ibutu binana deytana heka riwahinyre tamy.

<sup>2</sup> Kia heka tadeòdÿÿmahãdurenynimÿ ararybekre. Juhuu heka Simaõ Pedro. Juhuu heka Simaõ inire, ihewomÿ tahe Pedromÿ naninide. Andre ijõ. Tii heka Pedro seriõre rare. Txiau, Joaõ-wana heka Zebedeu riõre rare: <sup>3</sup> Filipi tasÿ ijõ rare. Idi tahe Bartolomeu ijõre. Tome ijõre. Mateu ijõre, jiarÿ wahe. Jiarÿ nieru tarasaduõ rare, imposto tarasadu wahe. Ijõ Txiau tasÿ Afeu riõre rare. Tadeu ijõre. <sup>4</sup> Simaõ ijõre. Tii Kana bede luduõ rare. Judasi Isariò ijõre. Tii heka Jesuisi tyhedÿÿdu rare.

<sup>5</sup> Jesuisi taerydÿÿna mahãdu waõinatxi reruõmy riteõnyre. Tamÿrenÿ rarybere: —Judeukõdu mahãdu-ò aõkõkre reteõnyre. Aõma Samaria mahãdu hãwã heka ralòhÿmyhÿre.

<sup>6</sup> Kaiboho heka bõibenyke judeu mahãdu-ò sohojile. Tiiboho Israeli riokore mahãduò ihÿre. Aõma budoeni reõsamyhÿre mahadu wesemy tiiboho ratximyhÿrenyke. <sup>7</sup> Aõma tamy marybebenyke: —Deuxu Iõlõna biu-ki heka aõwesele kedehemynykemy ihÿre. <sup>8</sup> Webinadu mahãdu heka biteytenyke. Aõma iny rubu-wana witxi beakeki, biixixadÿÿnyke rubu-ribi. Tykybina yjy yjyhykÿ-ribi iny biteytenyke. Tytybybina inywo-ribi biteõnyke. Iwese aõ tetate wese iõwykõ heka ijõ-ò biwahynmahãke, iõwykõ wahe. <sup>9</sup> Uritere nieru wydÿõmy, womati tÿrÿrÿhÿkÿ nieru aõkõ, prata womati nieru aõkõ, cobre womati nieru aõkõ wahe. <sup>10</sup> Aõma anieru hyna nihikÿ wydÿõmy, awa ijõ wydÿõmy, ijõ dera wydÿõmy. Aõma õwõru arirana wiõhedÿÿna wydÿõmy. Aõmysÿdÿÿdu taõwy riwykre. Kia õbitire. <sup>11</sup> Hetoõ malõke. Kia heka ararubunykre. Adeeriwahynykre ibutumy aõmybo arumyhÿkre. Iu hãwã-ò malokreu, hãbu ityhydÿÿdu mahãduò biijekre. Taihy bonykrehy tahe iwitxira hãwã-ò iribihyummy makre. <sup>12</sup> Iu hetoõ-ò malõkeu Deuxu ywina tamy marybekre, Deuxu deysanamy wahe. <sup>13</sup> Kai awimy ityhydÿÿdu hetomy rÿike wana, biwahynyke aãlãna tamyreny. Kai õbitimy aõkõ atxiteri wana tahe uritere tamy Deuxu deysanamy tamy wahidÿÿõmy. <sup>14</sup> Aõma tii arybe-ò roholaõkeki, kai hãwã-ribi bexitake taheto-ribi wahe. Tahe iribi bõhõnykeu tahe awabrybyxi biubÿtÿnymy bõhõnyke. Tii tahe tamyreny rioimyhÿre. Aõma tamyreny ibinatyhykre. <sup>15</sup> Inatyhymy heka adee ararybekre. Sodoma hãwã mahãdu, Komora hãwã mahãdu inatyhymy heka ibinare tamyreny tahe isiraõkre aõhõkÿmy dÿÿnana wahe. Aõma kia hãwã arybe-ò raholara heka kia ratyre heka tamy isiraõkre. Kia hãwã tahe aõnityhymy aõhõkÿmy rotÿÿnykre. Ywisidÿÿna txu heka rÿyekreu wahe.

<sup>16</sup> Iwese budoeni ijõrõ aholay-ki rÿikre wese heka kaiboho boibekre. Hemyllala erydÿÿna wesemy heka maraykynykre. Idi tahe sõwemy aõma ywina-di maraykynybenykre bõtõwesena-di. <sup>17-18</sup> Uritere inatyhy heka aramykre ararõtenykre dohodÿÿna hetowo-ò adi ralokre. Waõraru-ki heka bede dinodu mahãdu heka araywisidÿÿnyknakre. Judeukõdu mahãduko Rybewihikÿ Tÿmyra rarybekre. Tiiboho arahãtenykre. <sup>19</sup> Aõ heka belyyke ikoreny ibutumy roholakemy. Aramykeu heka uritere nohõtõmyke aõmybo marybekremy ywisidÿÿna-ki wahe. Bede heka ariwahynykre rybe ibededÿÿnanau. Rybeõmyke, urile rybeõmyke. <sup>20</sup> Kai ixiwanaale aõkõ marybeke. Aõma Deuxu Tytybytyhy arãwiõhenanymyhÿrenyke. <sup>21</sup> Inyõ heka taseriõre rityhenykre. Tybyõ tule tariõre rityhenykre. Aõma iriõre tasÿ tyby-ò iky reakre idi rirubunykre. <sup>22</sup> Ihyy ibyrymy heka aluu aõkõkre waõraru-ki. Ibutumy iny deramy rarehyyke waõraru-ki: Inyõ tule õbitimy rarekreki, ikonanatxu-u, Deuxu Iõlõna-ò ralokre. <sup>23</sup> Tahe anatakre. Aõma hãwãhãkÿ-ki atxikeki mahenykre ijõ hãwã-ò. Ihewoludu ikonana hãwã hãwãhãkÿ-ribi behemynyke-ribi tahe adõõsekre. Judeu hãwãhãkÿ-ò behemynykreõule tahe adõõsekre, jiarÿ Hãbutyhyhykÿ wahe.

<sup>24-25</sup> Aõma bedeerydÿÿdu mahãdu tahe aõma ierydÿÿna mahãdu ratyre rare. Tule iwedu deõdu ratyre heka ihÿre. Iwesereny tahe boibebenykre. Tahe awedu tate. Inyõ tahe riwarinimyhÿre Satanasi, Belisibu wahe raremy. Tahe iwesele heka iny araninikre waweselemy, ibinatyhyre wahe. <sup>26-28</sup> Jiarÿ adee wiji relyyreri. Biurasõmy heka tuu bedelyyke ibutu ijohonanamy adeereny relyyreri. Wasimy wijirumy adeereny relyyre. Biurasõmy tahe ibutu ijohonanamy tuu belyybenykre. Uritere ilau brebuõmy. Aõbo wasimy rÿire heka ibutumy ratÿnykre. Uritere ilau brebuõmyke. Adeelekre rirubunykre atytyby ta rirubunyõtyhy. Iruruõre dori atytyby rirubunyké. Deuxule tahe bityhynyke. Tii dorihe iruru-di heka rare. Tii bede luru-txi heka atytyby bede luru heõtÿ-txi heka adi rehuke. Bityhynyke idile maraykynyke. Hãbu lau brebuõmy hãbu aõbina bina riwinimyhÿre lau brebuõmy. <sup>29</sup> Nawiiõ iny riwymyhÿre womati nieru iya-di, iõwy riõre iny heka riwymyhÿre. Ibutumy heka Deuxu nawii rieryre sohoji sohojimy. Tiu heka Deuxu rieryõhymyhÿre nawii sõmo rurumyhÿreu heka tiu rieryrykõmy idi reteheõtyhy. Kiawese aõbo tahõtÿmahãte. Aõkõre, inatyhymy idi retehemyhÿre. Ijõ rurumyhÿreu heka tuu robimyhÿre. Aõma Deuxu heka anaerymyhÿre nawii sõmo ratyre heka aumy rierymyhÿ. <sup>30</sup> Ara erymy heka aõma arati-ki tiwesebo radeti rÿimyhÿre heka rierymyhÿre. <sup>31</sup> Breburenkõmykre, kaiboho dori nawii ratyre Deuxu-ò toite. <sup>32-33</sup> Kai marybeke: —Jiarÿ retyhynyre dori tahe umy arelyyke. Jiarÿ heka umy ararybeke inynyrÿ dee biu-ki wahe. Iny sõwehekÿy-ki riwatxiõnykeki tule aratxiõnykeki jiarÿ Wahako-ò. Jiarÿ heka suõ anade.

<sup>34</sup> Aõ ywina wydÿõmy aõkõre heka anade. Jiarÿ heka ywina aõkõre diwyde. Bedejeijedÿÿmy anade iribi wadee wou rÿikremy. Hãbu heka tybe õludumy rarekre.

<sup>35</sup> Tule hãwy tadi õludumy arisynykre. Tule iriokorese tariõrelahi õludumy arisynykre. Aõma inyõ õludu heka tasÿ mahãdu õludumy rarekre.

<sup>36</sup> Boluu adireny boreny heka boibekre. Kia lumy heka boibekre. Tai tahe iratyremy boibekre aõkõkeki tahe waluuõkeki tahe wahõrõ mahãdumy aõkõ boibekre.

<sup>37-39</sup> Kaweselemy boibeõkeki. Tai tahe kai wahõrõ mahãdumy aõkõhe mabekre. Aõma biyrurubuntyhykeki tahe kai ihãrele aõkre. Aõma kai waõraru-ki aõhõkÿmy botÿÿnykeki

wadee waaðm̄s̄ȳd̄ȳ òraru-ki inyò anarubunyekeki aòhe adee rut̄ȳnȳkeki. Tai tahe aumy ròhònykre inyò tas̄ȳ-ò aradykeki iwese tii tas̄ȳ-ò riwadyra wesele heka aradykre.

<sup>40</sup> Tii riwadyra wana Deuxu heka ridymh̄ȳre riwateònyreki wahe. <sup>41</sup> Deuxu rybeduò bidybenykeki. Tii Deuxu-ò arāwahinykre. Deuxu adee uriòno kadiwahinykre. Adeereny kidiwahinykre. Wahisid̄ȳna ritakre wese heka tule kai bitakre. Adeereny ararybekre. Deuxu hòrò mahādu heka bimymahābenyke. Aheto-ò bidybenyke hābuwi ih̄ȳreny. Tiiboho dori wese uriòno ritarenykre wesele kaiboho bitabenyke. <sup>42</sup> Kai uladu-ò bemonao biwahinykeki bedi imonamy. Tai tahe kanakre inatyhymy adee aò kidiwahinykre. Kai waòraru-ki ityhydȳdu-ò bee biwahinykeki, inatyhymy heka aòwy adee kanakre.

## 11

<sup>1</sup> Jesuisi heka rexihure aoma taeryd̄ȳna mahādu waòinatxi bedeeryd̄ȳna-ribi. Kia bede ywina tamyreny riwahinyre. Rexihureu tahe rare ròhònyre iribi hāwā-di. Aoma rybe rit̄ȳnyd̄ȳmy rakremy hāwā hāwā-ò.

<sup>2</sup> Idi tahe ròtenywokile heka iu Joaò roimyh̄ȳ. Aòbo Jesuisi tahe iu aona aona wiwihik̄y ritxiennyh̄ȳreu heka Joaò tamy roholare. Ròtenywo-ki roimyh̄ȳ-ribi. Idi tahe Joaò taeryd̄ȳna mahādu riteònyre Jesuisi-ò d̄ȳȳraximy: <sup>3</sup>—Kohe, anaraòdenyde tate. Aoma Deuxu deòd̄ȳna wahe kanakre aòbo ihewo-ribi. Ariraòrenykre aòbo urihimyo. <sup>4</sup> Tai Jesuisi rirawònyre: —Aoma bòòsebenyke ixbyle Joaò-ò. Belybenykre ikò aona aona wiwihik̄y rewinyre arureny-ki tule tabite wamyreny. <sup>5</sup> Aoma iruetāhāk̄y heka. Rerued̄ȳnymy rare wahe. Itiere tas̄ȳ retinywāhāre dinoduhuk̄y ity reytemyh̄ȳre. Aoma ijò Rybewihik̄y T̄ȳmyra roholaòhȳmyh̄ȳre tas̄ȳ tule reijohonad̄ȳnyre. Aoma rubu tule rubu-ribi reixixad̄ȳnyre. Rybewihik̄y T̄ȳmyramy heka ret̄ȳnyd̄ȳnyre ibutu iny-ò wahe, iny aòk̄ mahādu-ò wahe. Tule Joaò-ò marybenyke kaweselemy wahe. <sup>6</sup> Maratyhybenykeki, besabenyke.

<sup>7</sup> Iribi ròhònyreu tahe Jesuisi heka rarybere Joaò beded̄ȳnyanamy. Aom̄ybo wahe Joaò-di ròhòt̄inyrenyre aomy tuu bedi nohòt̄inyrenyre tamy itxereny bederahy ròirenyreki wahe. Otxirarade wese yhy-ki tahòt̄inyteri. <sup>8-9</sup> Ada aoma hābu urimynodutyhymy aòbo idi ròhòt̄inyreny. Aoma butòre wesemy idi ròhòt̄inyreny. Ada iwitziramy aòbo idi tahòt̄inyteny hābu tywihik̄y diremy idi rahòt̄inyteny. Iòlò taheto wihik̄y-ki ratximyh̄ȳre. Aòk̄ore, kia iny heka aò Deuxu rybeduòmybo tahòt̄inyteny. Inatyhy tii kia rare. <sup>10</sup> Iratyre heka tii rare. Aoma dori Tyyriti-ki rarybemyh̄ȳre:

—Tii heka wako-ki kadehemynykre ratximyh̄ȳre, wamy relyykemy, wary riywinymyh̄ȳre.

<sup>11-14</sup> Inatyhy heka rare. Tii heka ibutu hābu ratyre ratximyh̄ȳre. Ihārele tahe heka Deuxu Iòlona-ki heka ijò iny iratyre ratximyh̄ȳre. Hābu binahāk̄y heka Deuxu Iòlona-ò raaòbinanymyh̄ȳre. Joaò rexidelenyry rybe it̄ȳnyd̄ȳmy rexidelenyreuhȳle heka ritelemy ralore. Tule wiji nalòm̄yh̄de sòwemy. Iu Joaò rehemynykolē heka tuu rarybemyh̄ȳre ibutu Deuxu rybedu mahādu heka tuu rarybemy raremyh̄ȳ. Tule Moisesi bede ywina kia rarybere. Tii Eliasi wesele ih̄ȳre. Tetyhynyteny aòbo. Iwese Deuxu rarybereri wesemy heka tii nade. <sup>15</sup> Inyò ierysmy rurukek̄i, roholake wiji. Aom̄ybo ararybekre kainymy tiwe-sebo r̄ymyh̄ȳre. <sup>16</sup> Tiiboho heka iwese weryry uladu risinymyh̄ȳre wesemy ih̄ȳreny. Kiamy heka tiinamahādu-ò rarybemyh̄ȳre: <sup>17</sup> —Jiar̄ȳboho heka aoma wiunawihik̄y-di rawinymyh̄ȳreny. Idi tahe teysatenyòhȳmāhāteny. Tahe wiuna bederarysna-di heka rawinymyh̄ȳreny. Ta bedewoòhȳmāhātenyteri. <sup>18</sup> Joaò Sebedȳdu heka riroxiòre. V̄im̄y riòore. Inywesereny tai tarybetenyte: —Tii raitx̄ytemy ih̄ȳre. Tytybybina-di ih̄ȳre. <sup>19</sup> —Jiar̄ȳ Deuxu Riòre heka rehemynyre Hābutyhykȳ wahe. Jiar̄ȳ reroximyh̄ȳre. Reòmyh̄ȳre tahe kiaboho heka waluu aòk̄ heka toite. Urile heka wamy tarybemyh̄ȳteny wabyre nihik̄yremy wabemomohòk̄yremy. Aoma òrarudu kia liinatyhy heka jiar̄ȳ rare. Aò ikòk̄olemy heka taraykynymyh̄ȳteny ihārele taheka òbitilemy ixi-di tanohòtimyh̄ȳteny.

<sup>20</sup> Jesuisi heka sòwemy aòwiwihik̄ymy riwinymy raremy. Ihārele heka imahādu rity-hynyòhȳmyh̄ȳre heka. Kia Jesuisi heka rarybere kia hāwā mahādumy. <sup>21-22</sup> Orasi hāwā aò heka adee binatyhymy kanakre amahādu-ò wahe. Besaida hāwā mahādu, kaiboho aona aona wiwihik̄ymy tabitenyte ahāwāreny-ki. Tiu heka ixi-txi òhòt̄ireny reaòhyk̄ymyh̄ȳre. Jiar̄ȳ aoma Tiro hāwā-ki Sidò hāwā-ki aona aona wiwihik̄y ariwinymy wana inihe heka ixi-txi tòhòt̄ireny reare iniheka saumy tyky rexityreny tule brybsi ixitryreny heka rexihumy. Sidò hāwā Tiro hāwā heka urihimyo adeereny isirakre. <sup>23-24</sup> Kafanaò hāwā mahādu! Kaiboho heka tule ixitxireny òhòt̄ireny reaòhykyre. Aoma kaiboho heka awireny ixidireny tahoòtinmahāteny, awityhyremy. Kaiboho heka òhòtenamy bekoabenykre bedebina heòtyhyk̄y-ò dori besebenykre. Sòwemy dori aòwiwihik̄ymy kaiboho tabitenyte. Deysana wiwihik̄y-di wahe. Tiu heka ixi-txi òhòt̄ireny reaòhyk̄ymy aòrarureny-txi. Aò wiwihik̄y Sodoma hāwā-ki rewinyre wana wahe. Tiu heka rabinaòhȳre inihe heka

wiji-ò. Aòkò botÿÿbenykre aõma Sodoma hãwã ratyire heka aõhòkÿmy botÿÿnybenykre, Deuxu ywisidÿÿnatxu.

<sup>25</sup> Tahe Jesuisi rexitòenyre Deuxu-ò: —Waha, biu bede-wana iwedu atximahâte. Kai uladu-ò aõna aõna tetÿÿnynte. Tewomahâte heka kia ibedeeryhykÿ lau heka tewomahâte. Kai ixi-di bedeeeryhykÿmy rõhòtÿnymyhÿre lau wahe. <sup>26</sup> Tii heka adeewinare. <sup>27</sup> Ibutumy heka Waha wadee riwahinyre tii heka riwaeryre. Jiarÿ tule tii reeryre. Aõma ixidee wikeki inydee ariteòsinyke. Timybo Waha rare. <sup>28</sup> Elehydÿÿmy buruke aõbo? Manake wadee. Jiarÿ heka aralehynykre. <sup>29</sup> Walòtityreherina ixidee bitidibenyke. Tai tahe wawana maamÿsydÿÿbenyke. Arabederynykre heka ywina-di. Aritididÿthy heka aõ utxiehekÿ taryereny. Elehyna adeeriny ariwahinykre awo araykeryn-ò. <sup>30</sup> Aamÿsydÿÿna adeereny rewahinymyhÿre isiraõre heka. Iutxiemy aòkò rare.

## 12

<sup>1</sup> Sabado txuu, judeu elehnatxu Jesuisi rariamy ròirenyre maixòmoni oworu-ki. Tahe rekoarenre aõma maixòmoni oworuro-di heka irenyre. Kia heka tahe Jesuisi taerydÿÿna mahãdu heka riarimyhÿre aõma riyrenykre rama rahuraki. <sup>2</sup> Iu-ki tahe fariseu mahãduò retehemy ratximyhÿre. Tiibohe tahe rarybere kia Jesuisi-ò rarybere: —Kia hewa brebuna rare aõma sabadotxu riwinymyhÿre: —Aõherekibo aerydÿÿna mahãdu iu riwinyrereri. <sup>3</sup> Tahe Jesuisi tamy rÿÿraxire aõma ijyymy ikoreny relyyre iwese Davi riwinyre wesemy heka riwinyrereri rami rahureu. <sup>4</sup> Davi riki heka ralòre Deuxu dohodÿÿna hetowo-ò heka ralore. Tai tahe rirÿÿmyhÿre kia aõma xiwena-ki heka riymy. Kia orotxu heka aõma xiwena-ò hidÿÿna mahãduòle rÿÿmy. Tahe ihãrele heka riyrenyre heka. Taijoi mahãdu-ò riwahinyre. <sup>5</sup> Kia wesemy aõma tariakòte bede ywina tyyriti-ki wahe. Aõma xiwena wahidÿÿdu heka ritynyòhyymyhÿre. Aõma sabadotxu kia wahisidÿÿna. Xiwena bede ywina wahe. Iu dohodÿÿna hetowo-ki ratximyhÿre. Tii heka sabadotxu bede ywina ritynyòhyymyhÿre. Tahe heka aõbina bina riwinyrenyòhyymyhÿre. Kia tahe heka tule heka bede ywina tyyriti heka ritidÿÿna roire. Idi tariatenyòte. <sup>6</sup> Inatyhymy heka adee ararybekre. Inyò kaki ratxikeki jiarÿ heka kaki heka inyò ratximyhÿre aõma dohodÿÿnahakÿ heto-ki wahe. Dohodÿÿdu mahãdu ratyre heka watximahãre jiarÿ wahe. <sup>7</sup> Kiamy heka ritidÿÿna rÿÿimyhÿre. Jiarÿ heka xiwena luure ihãre tahe sòwemy heka iratyre ruxetòena luure. Jiarÿ aõma xiwena luure ihãre tahe iratyre heka aõma ruxetòena luure sÿ. Kaibohe terytenynte wana. Aõma heka ibinamy tarybehymyhÿre inyò teòsamy ratxikeò. Aõma aõ riwinyrenyòhyymy. Kiamy wahe. <sup>8</sup> Jiarÿ dori Deuxu Riòre Hàbu watximyhÿre. Jiarÿ tule aõma sabadotxu wedu wãhare.

<sup>9</sup> Tai tahe Jesuisi nade heka ixiby aõma tohodÿÿnareny heto-ò. Ralòre heka sabadotxu. <sup>10</sup> Hàbuò ratximyhÿre debò binare. Debò rayjayja ihÿmyhÿre. Tahe fariseu mahãdu heka Jesuisi-di mynamy ratximyhÿre. Aõ rybebinamy rarybeke oraru-ki rimumy. Tai tahe rÿÿraxire Jesuisi-ò: —Timyrebohe brebuna aõbo sabadotxu deydÿÿ ada aòkòre aõbo. <sup>11</sup> Tai ta Jesuisi rirariwònyre: —Kaweselemy ròkòhòtÿnyrenyke. Kai heka aõmy abudoeni sohojilere. Sabadotxu heka reseke hãlooro-txi aribi. Timybo mohòtÿnyke aõma bitake hãlooro-ribi. Inatyhyre aõbo. Sabadotxu hãrele bitake. Kohe, inatyhyra. <sup>12</sup> Hàbu heka budoeni ratyre heka iowu rare. Aõma sabadotxu aõwaxinyre heka reyteke. <sup>13</sup> Tai hàbu-ò rarybere Jesuisi: —Ebò biditytyke. Debò ritytyra ta wiwesele debò relere awimy. <sup>14</sup> Fariseu mahãdu heka wii ributunyre, iribi ròhòrenyreu wahe. Widee raryberenyre: —Aõma timybo rikisÿnyrenykre rikimiyrenykre rikirubunyenre.

<sup>15</sup> Tahe Jesuisi rierimyhÿre kiamy rarybermyhÿre heka roholamyhÿ. Tahe Jesuisi rierimy heka. Iribi irehemy ratximyhÿre hãrele, rierimy heka. Iribi tahe rexitare heka hãwã-ribi wahe. Idi heka ihemy heka rare riheludunyre. Sòwemy heka webinadu ihemy rare. Ibutumy riteytenyre. <sup>16</sup> Teyteydÿÿna mahãdu-ò rarybere: —Uritere itÿnydÿÿòmykre tuu ijyòmykre inyko-ò. <sup>17</sup> Ihexiu Isaiia tyyriti-ki heka kawesemy rÿÿimyhÿre. Tii heka Deuxu rybeduò rare.

<sup>18</sup> —Kaheka Wadeòdu rare. Tuure heka jiarÿ, tii heka retare. Rehitynyre. Tii heka deysana wadee riwahinymyhÿre Tatyytybytyhy tamy ariwahinykre. Ywisidÿÿna txuu heka ibutuko-ò relyyke.

<sup>19</sup> Tii heka rryòtyhy rebureòtyhy heka inyò-wana widee. Tiu heka inyò roholaòtyhy irybe dee. Ryki heka inyò irybe-ò roholaòtyhy.

<sup>20</sup> Aõma bòtòreò irybòhòmy roikeki. Tii raòròtyhy. Txuheòtyjurã loosòna urihimyoòkeki heka tiu ruriòtyhy eleti-di. Tii ritakre iaòbinana, inatyhynaò binana wahe.

<sup>21</sup> Ibutumy heka iraròsòna iribi ritakre.

<sup>22</sup> Hàbu rybeò ruetàò heka iny didydenyde Jesuisi-ò wahe ralòmyhÿreki wahe. Tii tyytybybina iwo-ò ralòmyhÿreki wahe. Jesuisi tyytybybina riteònyre. Tai irue heka awimy relere rarybere. <sup>23</sup> Ibutu iny sòwe heka heka ribedeòtiidÿÿnyre. Widee tahe raryberenyre: —Ka heka Davi riore riore ósana rare, Deuxu deodÿÿna wahe. <sup>24</sup> Tahe fariseu mahãdu-ò roholare.

Tahe rarybere Jesusimy: —Tii inatyhymy tytybybina riteònymyhÿre inyo-ribi. Aõma tytybybina wedu ruru-di heka riteònymyhÿre. Belisibu ruru-di wahe. <sup>25</sup> Jesuisi heka rieryre iraykyreny. Tai tahe tamy rarybere: —Ijyymy heka tamy rarybere. Iòlõna mahãdu wiribi ibutumy rexihitxinykeki tahe rexihukre ibutumy wiribireny. Tahe hãwã mahãdu taijoi-ribi rexihitxinykeki, awi aõkõ rare tai wahe. <sup>26</sup> Wiribi rexihitxinyke wana. Tule awi aõkõ rare tai wahe. Aõma Satanasi rexideònykeki tahe tayreny-ribi rexitake. <sup>27</sup> Belisibu ruru-di tytybybina ariteònyke wana aõdibohe aheludu mahãdu riteònykemy ratximyhÿre. Tiiboho heka aywisidÿÿdurenymy ratximyhÿre. <sup>28</sup> Jiarÿ Tytybytyhy ruru-di ariteònykeki heka kaiboho arurunareny Deuxu-ribi nade. Iòlõna adeeremy rehemyneri. <sup>29</sup> Inyõ heka hãbu rurute hetowo-txi ralòòtyhy wasimy wahe. Tai rawasinyumy ratximyhÿkeki tahe urile juhuu hãbu ritaataake. Idi tahe iheto-ribi aõdibo rawasinyke. <sup>30</sup> Inyõ wabiòwamy aõkõ ihÿre wana heka, waòludu rare. Inyõ wawana ibutumy ratxiòmyhÿre wana tahe raybatãmehÿre. <sup>31</sup> Inatyhymy jiarÿ adee anarybekre. Ibutu òraruna kanaixãwididÿÿke. Hãbu aõtxile aõbina bina rarybemyhÿre. Sohojile taruxãwidÿÿòtyhy. Aõtxile inyõ aõbina binamy Deuxu Tytybytyhy rarybekeki. Tii aõraru rataòtyhy. Kia heka òraruna tũehyymy rarekemy ihÿre. <sup>32</sup> Hãbutyhyhykÿ heka Deuxu riòremy aõbina binamy iny rarybekeki, wamy wahe, tii tahe ixãwidina ðire. Deuxu Tytybytyhyhymy rarybekeki, tii tahe iixãwidinyòhyre. Tiehyy kia òraruna-di rareke. <sup>33</sup> Jesuisi rawesenanyre iny òwòru wese rare. Òwòru awimy rÿike wana, tai heka iratywihikÿ-ki iny rahake. Ruru rasunymyhÿre raruburerimy ihÿre. Kia tasÿ iratywimy aõkõ rÿike ibinamy. Aõma òwòru iny rierymyhÿre aõbo iribi iraty dejunumyhÿde òraru-ki iny rierymyhÿre, awire. <sup>34-35</sup> Kaiboho heka hemyllala mahãdu wesemy atximyhÿtenyete. Kaiboho heka abinatyhymy ahãtenyete. Timybo heka kaiboho aõwihikÿmy marybebenyke. Arayky aõbina bina hakÿlyem tòhòtinteri wana. Tai taheka ary tuu ròhònyke ary tuu rarybeke. Aõma hãbu wihikÿò ratxiremyhÿre wana aõnana wiwihikÿle tarayky-ki riyrubunumyhÿre. Tii heka rarybemyhÿre. Hãbu bina tahe tarayky-ribi ibinalemmy rarybemyhÿre. <sup>36</sup> Ibutumy aõmybo iny rarybemyhÿre heka ywisidÿÿna txu tuu rarybemyhÿre rierymy timykibo tuu rarybere wahe. <sup>37</sup> Òrarukibo rarybere: —Arybe òraru-ki heka ywisidÿÿna-ki atxiteri. Bitakemy aõbo ada aõkõre aõbo.

<sup>38</sup> Bedeerydÿÿdu mahãdumy heka fariseu mahãduò tamy rarybereri: —Erydÿÿdu, wadeeremy biteòsinyke awiwihikÿò. <sup>39</sup> Jesuisi dirawyònyde: —Iny kamahãdu heka ibinatyhy rare aõ awiwihikÿ rexitòdenymyhÿre. Abina binale wahe. Aõ wihikÿle bobiòtyhy. Tahe sohoji aõwihikÿòmy heka mohòtinyke. Jonasi widÿÿna wahe. <sup>40</sup> Jonasi Deuxu rybeduò widÿÿna wahe. Tii inataò txu inataò rummy uturahakÿ wona-ki ihÿmyhÿwesemy. Iwese Deuxu Riòre Hãbutyhyhykÿ bede-ki rarekremyhÿ wesemy inataò txumy inataò rummy. <sup>41</sup> Ninive hãwã mahãdu heka ròholarenxti tòhòtirenny reare. Iu Jonasi rybe ritÿnydÿÿreu wahe. Tahe inyõ kaiboho tamy taholatenyete. Sòwemy heka iny Jonasi ratyremy ihÿre. Ihÿrele kaiboho ixitxireny ðhòtirenny reaòre. Ninive tamahãdu tahe ibinany adeeremy rarybekre. Ywisidÿÿnatxu wahe. <sup>42</sup> Iòlò Hãwyyò heka ibòò irehe-ribi nade. Aõma Salomaò bede erydÿÿna-ò roholakemy. Kaiboho heka iny-ò taholatenyete. Salomaò ratyhe heka sòwe inihikÿ ihÿre. Ihãrele ta ixitxi nohòtirenny reaòre. Ywisidÿÿnatxu heka Iòlò hãwyy ibinanamy kÿnarybekre umyrenny wahe. Ywisidÿÿnatxu. <sup>43</sup> Aõma tytybybina hãbu-ribi ròhònykre tahe elehydÿÿna riijekre. Aõma bedebinanana tòteehkÿ tahe tuu reakre. Ihÿre tahe tai rahaòhyyke elehyana-ki wahe. <sup>44</sup> Tai tahe ixidee rybekre: —Aròðekre kÿhe. Iribi ranywÿhÿreò anakre. Tai tahe kia hãbu-ki rahara. Tyrahakÿmy iwo-ki iruxeramy. <sup>45</sup> Tai tahe ijò-txi reare. Debò inatxi reurò tytybybina-txi iratyre tyhy wahe ibinare. Tai tahe ridyke tahãbu-ki rasÿnyrenyemmy. Kia hãbu heka iwese juhu raremyhÿre ratyre ibinamy ratximyhÿre. Kaiboho heka kia tytybybina wese atximyhÿtenyete.

<sup>46</sup> Jesuisi tahe ijò-ò rarybere ijò ijoi-ò, tai tahe ise rehemyneri, iseriòreboho-wana. Sòwemy iny mahãdu-ò heka rarybere. <sup>47</sup> Inyõ tamy rarybere: —Inyõ heka arãijereri adi ahelÿÿna. Kie heka rehemyneri adee rarybekemy adi ratxireri. <sup>48</sup> Jesuisi dirawyònyde: —Mota heka nadireri, mota heka waseriòre? <sup>49</sup> Tai tahe tebòhe riteòsriteòsinyre taerydÿÿna mahãdu-ò. Ka heka nadi rare. Ka heka waseriòre. Ka ijò heka waseriòre. <sup>50</sup> Wahadeewi riwinymyhÿreki tahe, tii heka nadi rare. Waseriòre rare. Waha dori biu-ki ratximyhÿre.

## 13

<sup>1</sup> Itxu taheka Jesuisi rare heto-ribi Kalileia aho ijà-ò. Tahe tai ronyre. Tahe rexiterenyre Jesuisi iny ribedeerynymy. <sup>2</sup> Tai ibututyhymy heka iny wirotyre. Tai tahe Jesuisi rexitereny urihimÿò hãworo-ò ronny rexitaranyre. Iny sòwehekÿ mahãdu tahe aho ijãkile heka roholamy rÿimyhÿre. <sup>3</sup> Tii heka relymyhÿre aõma ijyyò relyyre: —Aõna aõna wese ijyy rawesenanyre. Hãbu alòbòromy rara. Tii heka alòbòrona dehuu rare. <sup>4</sup> Ijò heka



idi rehumyhyu heka ijõ ryro-txi resere. Nawii heka rirõmhyhyre riore heka. <sup>5-6</sup> Ijõ tahe rejuxunyre aõma manarutysu-txi. Tii tahe raumynyre aõwesele. Iraruxiõlemy heka rymyhy suu ibutureki. Idi bedetõtee rimoeðyhyre. Idi tahe rurure. <sup>7</sup> Õwõrudyhy resere edey-txi. Idi ta ruhunyre edewanale. Idi tahe ede riõdesedyhyre. Tai heka raratynõlemyhyre. <sup>8</sup> Ijõ tahe resere suwitxirawihiky-txi. Tai tahe sõwemy raratynyre. Sohoji õwõrutu-ribi tahe 30my raratynyre iraty wahe. Ijõ 60my raratynyre iribi. Ijõ ta 100my raratynyre. <sup>9</sup> Tahe Jesuisi heka rarybere: —Kia bohohatymy bonyke. Õhõtirenydikeki bohohabenyke.

<sup>10</sup> Tai tahe ierydyhy na mahãdu Jesuisi rityyraxinyre: —Aõherekibo kai ijyy-di bierynanykemy atxiteri, rawesenanyreri wahe. <sup>11</sup> Tai tahe dirawyõnyde: —Kaiboho aõmybo Deuxu reernanyre kaiboho bierybenyke. Ijõ mahãdu tiu ijyy rieryõtyhy. Kaiboho dori Deuxu Òlõna teerytenyke. <sup>12</sup> Hãbuõ iaõdikeki ijõ heka iratyre tami ariwahinyke. Tai tahe sõwemy tami rauhenyke. Tahe hãbu ihoõkeki ibutelemy ijõdikeki heka kiale iribi ibutumy aritakre. <sup>13</sup> Retehe my ihãre tahe robiõhyhyre tahe ririõhyhyre. Tai heka ijyy-di reernanyre watxireri. <sup>14</sup> Iwese Isaia tyyriti-ki roire wese heka tiiboho ihyrenyre: —Roholamyhyre, roholamyhyre ihãre tahe rieryõhyhyre. Retehe my ihãre tahe tiu robiõhyhyre.

<sup>15</sup> —Irayky tererenykeki wahe rieryõre heka. Õhõtireny heka ritõbõnymhyre ta ijohonana-ribi. Tarue ribrenymhyre robike lau. Tahe wadee rõõseõtyhy. Aõkõre heka ariteytenykeki idi watximyhyre. Tibo heka terareny aõkõre.

<sup>16</sup> Jesuisi ijõ relymyhyre tamynre: —Kaiboho heka eysamy atxitenyteri. Kaiboho heka bobibenyke tahe bierybenyke. Aõmybo kaiboho tabitenyteri heka, taholatenyteri wahe.

<sup>17</sup> Ihetxi mahãdu, hyhy na mahãdu wahe, tuu lobiximy riwisnymhyre. Aõma aõwobo kaiboho taholamyhyre tahe roholakemy riwisnymhyre tahe roholahyhyre.

<sup>18</sup> Tahe bohohale heka adee aritynyke aõbo ijyy rare. <sup>19</sup> Õwõrutu ryro-txi resemhyre heka iny ijoireny wesemy ihyre. Ijohona tuuwesemy wahe. Tibo roholamyreny ihyre tahe rieryõhyhyre. Aõma Satanasi heka nade tai tahe warybe heka iribireny ritamyhyre. <sup>20</sup> Ijõ manarutysu-txi resemhyre mahãdu tahe ijõ ijohonadu wesemy heka roire. Tiiboho heka deysana-di roholamyhyre. <sup>21-22</sup> Tai tahe urihimõle rityhynymhyre aõhõkmy dyhy na kanakeu tahe aõwesele riatyke ririmy reake. Kia edey-txi resera tasõ aõma ijõ ijohonadu mahãdu wesemy heka rare. Tiiboho heka aõma 1000 nierule aõnityhmy idi rõhõtynymhyre nierudile. Tai tahe rexibedewonymhyre. Tiu heka Deuxu aõmydyhy riwinõhyhyre, Deuxu Rybe riwiõhenanyrenyre. <sup>23</sup> Kia suwitxira wihiky-txi resera wana tahe iwitxira ijohonadu mahãdu wesemy heka rare. Tiiboho heka roholamyhyre rityhynymhyre sõwemy Deuxu dee roholamyhyre heka. Ijõ 100my wesemy raratynyre. Ijõ 60my raratynyre ijõ 30my raratynyre. Iny sohoji sohojiõ heka Deuxu-õ aõ riwinyerimy ihyre.

<sup>24</sup> Idi tahe iwitxira ijymy relyre Jesuisi tamynre: —Deuxu Iõlõna heka kia wesemy ihyre. Oworudu heka aõma alõbõrõna wihikyõ ritõbrõnymhyre taoworuro-õ. <sup>25-28</sup> Tahe iõluduõ rummy heka tamy nade. Tahe iu ibutumy iny rõrõmyhyre, asibinaty-di tamy rehure. Tai tahe alõbõrõna asibina-wana ruhunyre kia aõma ede wana wimy urilemy. Taiki tahe kia aõma oworudu kia aõmysdyhy du mahãdu. Tuu heka ijyy-di nade tuu ijymy. Idinodu rarybere: —Aõma waõludu heka kia riwinyre wadee. Idi oworudu narybede: —Aõhebohe arotyyhyre? Ta idile aõbohe arisiherynre araxinyre. Tai tahe rirawyõnyre: <sup>29-30</sup> —Aõkõre wahe, kia ibutumy alõbõrõna rirarutxinyre. Ixinamy heka ratybienyke tii-wana wiurilemy kia maixõmo arixina bededyhy bede relerekeu tahe iribi raarike. Ararybekre heka tamy kia aõma oworu-di raaõmysdyhyre. Juhu delemy asi arisykre. Tai tahe ritoonykre. Idi tahe maixõmo heka riarikre kia maixõmo hetowo-õ rirubunykre.

<sup>31</sup> Tahe Jesuisi ijõ ijyy witxiramy relymyhyre: —Aõma Deuxu Iõlõna heka aõma alõbõrõna sõmo sõmo wesemy ratximyhyre. <sup>32</sup> Aõma raumynyeri heka aõma õwõru iyjatyhmy ibutumy õwõrutu-ribi rariwesele relemhyre.

Taiki tahe kia nawiile tuu rytynymhyre kia õwõru-õ.

<sup>33</sup> Uri paõ uri ixiõlõdyhy na heka Deuxu Iõlõna wesemy heka kia ihyre. Hãwyy heka paõ riwinymhyre, riurinyhyre tahe ibutumy raubtyhyre kia ibemy.

<sup>34</sup> Tai tahe rexioõnymhyre Jesuisi heka sõwemy tuu relymy raremyhy. Iu iny ribedeernymy raremyhy. Tiiemy heka Jesuisi relyhyhy raremyhy iu rõbedeerydyhy raremyhy. <sup>35</sup> Deuxu rybedu dori ihetxi rarybere:

—Jiary ijyy-di rebedeernymhyre. Aõma tuu relymyhyre heka ierykõna rare. Tiuhe rieryõhyhyre. Iu bede rexideelenyrahyye.

<sup>36</sup> Idi tahe Jesuisi rexitare iny sõwey-ribi rexitare. Hetoõ-õ heka ralore. Tai tahe aõmybohe wakoreny inihe bedelyke. Aõludu inybo arasnyre. Kia ijyy heka aõma hãbu ede-di rehure ioworu-õ, taõludu oworu-õ. Kia inihe wadee bitynnyke aõbo rare wahe. Kia

ijyy telytyé. <sup>37</sup> Tai tahe Jesuisi tii dirawýònyde: —Kia hãbu alòbòròna wihiký ribòrònyre heka Deuxu Riòre Hãbutyhyhyký, rare wahe. <sup>38-39</sup> Ioworu heka ibutu bede heka roimyhý wesemy roimyhýre. Aõma alòbòròna wihikýre heka ityhydýýdu iwese rýirawesemy rýira. Asi tahe kia ityhydýýdukòdu mahãdu wesemy heka ihýre. Aõma kia iòludumy rarybereri tahe kia Satanasile heka ihýre. Kia iyresynamy rarybereri aõbo bedekonana heka tuu rininimy heka tuu rarybereri. Kia ýju heka iyresydumyhý tuu rarybereri. Kia rimykre ede riorokremy rarybereri heka aõma ityhydýýdukòdu mahãdu heka tuu rininimy rarybereri. <sup>40</sup> Ritakre heka rihitxinykre. Heòty bedeheký heka idi rehukre risòkre iu wahe. Iwesele taheka bedekonana heka rarakre. <sup>41</sup> Deuxu Riòre, Hãbutyhyhyký heka aõma ýju riteònykre ibutu iny ributunykremy.

Ityhydýýdukòdu mahãdu ijò iny òraru-txi rityhedýýdu mahãdu heka ibutumy ributunykre widee. Ibutumy aõbina bina widýýdu wahe.

<sup>42</sup> Idi tii rihukre. Tai tahe rryykre aõkýmy rotýýnykre tai. Robumyhýre taju. <sup>43</sup> Kiau aõma Deuxu hòrò mahãdu tahe Waha Iòlòmy rononymhýre kie ronykre. Tiiboho loosòny wesemy heka ritoosònanykre txuu loosòna wesemy.

Òhòtirenidyeki ibutumy heka bohlabenyke.

<sup>44</sup> Deuxu Iòlòna tahe nieru wesemy ratximyhýre. Aõma nieru heka hynaò-ki rahara nieru-di týximy aõma surawo-ki idi hãbu icyby riwore. Tai tahe tii reysatyhymy ròsere. Kia ibutumy taaòmydýýna-di heka rohonyre. Kia bedero riwkyremy.

<sup>45-46</sup> Ijò tahe tule Deuxu Iòlòna wesemy ka ratximyhýre. Iwese ixiura wydydu ihýre wesemy heka Deuxu Iòlòna ihýre. Iwydydu heka ijese ijesemy riwymyhýre. Aõwi riererimy riererimy heka tai rahamyhýre iruxera-ki tii tahe riwymyhýre. Kiau tahe tai rahare aõ òwyhykýò-ki heka rahare. Tii idi tahe rohonyre ibutumy taaòmydýýna-di idi tahe kia iwydymy idi ratxirerid riwure.

<sup>47</sup> Riàò wese heka tule Deuxu òlòna ihýre. Aõma rià-di iny rehumyhýre wana heka ibutumy utura rimymyhýre. <sup>48</sup> Kia aõma idi tahe idi raixýnymyhýre riarimyhýre icy-ribi. Aõma awi-di awihe riarirerimy icy-ribi. Ibinare rihitxinyimy iribi. <sup>49</sup> Kia bedekonana tahe iwe-selemy heka rarekre. Kia aõma ýju heka riarikre awi heka ibinaw-ribi riarikre. <sup>50</sup> Rehukre heòty bedebinaký-ò wahe. Tai ki tahe rirajuamyhýkre ta aõhòkýmy rotýýnymyhýkre. Txuu rikyinyimyhýkre

<sup>51</sup> Tahe Jesuisi tamy rýýraxire: —Kiamy ibutumy teerymyhýtenyte? Tiiboho ri-raòwònyrenyre: —Kòhe, reerymyhýrenyre. <sup>52</sup> Idi Jesuisi rarybere: —Inyò bede ywana bedeerydýýna heka rityhynyre, waheludu rarekreu wahe. Tii tahe iwese hãbu butudýýdumy ratximyhýre wese heka rononymhýre. Tii heka ibutudýýna heto-ribi ritamyhýre, tasý mahãdu-ò riwahinykemy. Aõ tyby aõ týmyra. Ibutumy heka ritamyhýre.

<sup>53</sup> Tahe iribi Jesuisi rexitareu, <sup>54</sup> tahe tahãwã-ò ròsere. Judeu hododýýna heto-ki ribedeerynyre. Tahe ibutumy ribedeòtiidýýnyre. Tiribibo heka tii bedeerna rierymyhýre: —Timyrekibohe aõwihiký rierymyhýre. Tii kýny heka aõma òwòru besedýýwidýýdu riòre heka rare. <sup>55</sup> Jyje riòre wahe. Marie heka tule rare ise wahe. Txiau, Simaò, Jyje, Judasi-wana iseriòre ihýre tule wahe inatyhy? <sup>56</sup> —Iseriòre hãwy heka tule kaki rasýnymyhýre inatyhy. Timyrakibohe aõna aõna ikòkò rierymyhýre. <sup>57</sup> Tahe rityhynòhyymyhýre heka tai wahe. Jesuisi tamyreny rarybere: —Deuxu Riòre Hãbutyhyhyký heka tiu tauludu wijirana hãwã-ki inyò rityhynòtyhy rybeduò ihetomy ijirana-ki. <sup>58</sup> Tai tahe aõna aõna wihiký heka tai riwinyòhyre, rityhynòmyhýreki.

## 14

<sup>1</sup> Kia bedeu tahe Herodi, Kalileia iòlò, Jesuisini-ò roholare. Aõikòkò heka riwinyimyhýre. <sup>2</sup> My heka rarybere teòdu mahãdu-ò: —Kia Joaò Sebedýýdule aõbohe rubu-ribi riixix-adýýnyre. Tai tahe tii aõikòkò riwinyimyhýre. <sup>3</sup> Herodi tahe juhuu Joaò ròtenawo-ki riteònyre. Tii taseriòre hãwy òraru-ki kia wesemy riwinyre, Herodia òraru-ki wahe. Herodia heka Filipi hãwy rare. <sup>4</sup> Juhuu Joaò Herodi-ò rarybere: —Awi aõkò rare. Kai dori aseriòre hãwy-wana atxiteri. Uritere heriòmyke. <sup>5</sup> Tai tahe Herodi heka Joaò rubudýýmy riwisýnyre. Urile ruberumy judeu mahãdu lau. Tamyreny Deuxu rybeduòmy rýiramy Joaò Sebedýýdu rare. <sup>6</sup> Herodi kai beòramy bede reareu tahe worana bedehesi ritxienyrenyre. Herodia riòre ijadòma heka iko-ò resemyhýre. Iixe-ki tahe awimy Herodi rahare, Ijadòma luure wahe. <sup>7</sup> Tii tahe tamy rarybere kanakemy. Aõmybo wadee bexitònykre. Inatyhymy adee ibutumy ariwahinykre. <sup>8</sup> Tai ise ijadòma-ò rarybere: —Aõma bexitònykre: Sebedýýdu ratilemy tamy bexitònykre. Tai tahe ijadòma tamy rexitònyre: —Wadeke bidiwyke Joaò Sebedýýdu rati, pratoro-ki. <sup>9</sup> Tai tahe iòlòhe rabadewore. Ibutu ijohonaru-ò dori tuu rarybere ijadòma-ò. Tahe ibutumy riwinyke rýire. <sup>10</sup> Tahe ihãrele iòlò heka soldadoò riteònyre ròtenawo-ò kia Joaò rati resymy. <sup>11</sup> Inyò diwyde pratoro-ki. Ijadòma-ò heka

riwahinyre. Tahe tii tadi-ò idi rare. Riwahinyre. <sup>12</sup> Idi tahe Joaò erydÿÿna mahâdu dioryde iumy, riwykremy, rituunykremy. Iribi tahe roirenyre Jesusiko relyre.

<sup>13</sup> Kia roholareu tahe Jesusi rôhònyre ixisojojilemy bederahu-txi. Hâwò-di rexitaranyre rare. Iny sôwemy bedè-di rôirenyre ihemy titxibo iru-ki rakemy. <sup>14</sup> Rehemynyreu tahe iny sôwehekÿmy Jesusi robire. Tai tahe Jesusi riwotònyre. Ibutumy riteytenyre webinadu mahâdu. <sup>15</sup> Tahe ratxioronyre. Tahe ierydÿÿna mahâdu tamy nade. Tamy rarybere: —Txuu ratxioronyra. Bederahy-ki dori atxiteri. Iny tahe biteònykre hâwâ-ò tai rÿsÿna ixidee riwykemy. <sup>16</sup> Tahe Jesusi rirawyònyre: —Aòkòre, ariteònyòtyhy jiarÿ. Kaibohole tahe aò tamy bidiwahinybedenyke. <sup>17</sup> Jiarÿboho kÿny diwatxiònyrerri iruyre orotxu-di, utura inatxire. <sup>18</sup> Tai tahe Jesusi narybede: —Bidiwahiny wadee. <sup>19</sup> Jesusi tahe ibutumy iny asityre-ki ronykemy risÿnyre. Orotxu inaubiòwa, utura inatxi rÿire, utura-wana rimyre tahe ritehere biu-txi àlana Deuxu-ò riwahinyre. Idi tahe paò riyreyrenymyhÿre teòdu mahâdu-ò riwahinyre. Idi rare iny sôwehekÿ-ò. <sup>20</sup> Ibutumy iny riroxirenyre ihâre rihydyre. Kia iuhe-di ierydÿÿna mahâdu 12 weriri ritÿxinyre. <sup>21</sup> Hâbumy 5000 òsana rÿimyhÿre. Ihâre tahe uladu-di rariaòhyre hâwÿyboho-di.

<sup>22</sup> Tahe Jesusi taerydÿÿna mahâdu riteònyre aho kanawe-ribi ijâ-ò reuròrenykeny hâwò-di. Jesusi tahe rarire iny sôwehekÿ mahâdu rirybedÿÿmy. <sup>23</sup> Jesusi heka iny tahetoreny-ò riteònyremy rahudi tahe tii raòwònyre hâwâlo raty-ò ixitòedÿÿmy. Taihyule idi bedè roronyre ixi sohojihyule. <sup>24</sup> Kiaule hâwò ahotya-ki rare. Òbò nihikÿy-txi ixinalemy ratximyhÿre. Tiò tiò òbò riwelòrò riwelòròmò idi rehumyhÿ. Yhy deade txura-ribi. <sup>25</sup> Rudile tahe Jesusi biura-di heka rare taerydÿÿna mahâdu-ò, beratyredile heka rare. <sup>26</sup> Iu Jesusile betyredile tamy rarau tahe, tiibohe heka ruberunyre. Rirajuarenyre: —Worÿsÿ òsana inyde rareri. <sup>27</sup> Tai tahe Jesusi rarybere: —Aworeny bitamadÿÿnybenyke. Jiarÿle watxireri. <sup>28</sup> Tahe Pedro rarybere: —Wanyrÿ, inatyhymy kai atxiteriwana heka wadee manyarybeke betyre-ki arariakemy. <sup>29</sup> Tahe Jesusi tamy rarybere: —Manake wahe. Aòwesele tahe Pedro hâwò-ribi rôhònymy reare, Jesusi-ò rakemy. Betyre-ki rariare. <sup>30</sup> Yhylemy tahe robure. Tii urile ruberure. Tai ijirahakÿlemy riwisÿnyra berahatxi-ò. Tai tahe Pedro rarybere: —Biwatakewa Wanyrÿ. <sup>31</sup> Tahe Jesusi rimyre: —Ainatyhynakÿny ibutelemy atxiteri. Aòherekibo heka tiwatyhynyòteri. <sup>32</sup> Idi hâworo-ò wiwana rorukurenyre. Yhy ruhure. <sup>33</sup> Ierydÿÿna mahâdu Jesusimiy realâre. Inatyhymy heka kai Deuxu Riòretyhy tate.

<sup>34</sup> Tai tahe reuròrenyre Kenesare bedè-ò. <sup>35</sup> Ibutumy iny kowa Jesusi rieryrenyre. Ti ibutumy webinadu mahâdu-ò relyyrenyre Jesusimiy. Tahe hâwâ ikòkò-ribi ritelenymy didydenyde. <sup>36</sup> Tahe Jesusi-ò rarybere. Ixinamy watyky-ò rerike, awimiy relerenykeny. Ibutumy tamy rerire heka rarey.

## 15

<sup>1</sup> Jerusalè hâwâ-ribi bedè ywina bedè erydÿÿna mahâduò dehemynyde Jesusi-wana rarybekemy. Tiibohe-wana tule fariseu mahâduò dehemynyde. Tiibohe heka Jesusi-ò rÿÿraxirenyre: <sup>2</sup> —Aòherekibo aerydÿÿna mahâdu tebòreny risuhòkòreri roxiko-ki. Inydeereny kia bedè ywina rare. Aòherekibo rityhynyòreri ihetxiu lahi rybe. <sup>3</sup> Jesusi rirawyònyre ÿÿraxina-di: —Aòherekibo kaibohe Deuxu rybe tetyhynyòteri kaibohe lahirybeke tetyhynytenyde. <sup>4</sup> Deuxu bedè ywina kawesemy rarybere:

—Boo adi-wana ibutumy heka bityhynybenyke. Inyò rybebina tadi-ò tyby-ò rarybekeki. Tii tahe ruruke, tuu bedè ywina rybe wahe.

<sup>5</sup> Kaibohe tahe kawesemy tebedeeryntyemy tewitxiranyte: Inyò tadimiy tybimiy rarybekeki Wanieru Deuxu-ò wahisidÿÿnamy. <sup>6</sup> Tai tahe inieru-ei tyby tadi-wana riwiòhenanyòre kia bedè ywina wixira tewinymahâte. Deuxu bedè ywina rityhynyòreki.

<sup>7</sup> Kaibohe itxerenadu mahâdu atxitenyteri. Isaia inatyhymy umy rarybereu:

<sup>8</sup> —Kia mahâdu wadee rybe-di riwadealànanyrenyre. Wowydyna wadee riwahinymyhÿrenyre. Inatyhymy aòkò heka kai tarybemahâte. Arayky dori Deuxu-ribi irehemy ratximyhÿre. Teertyhyòlemy heka atximahâte.

<sup>9</sup> Iwoydyndina heka wadee aò aòkò rare. Wabede ywina ribedeerynyòtyhy. Texibedeerynymahâtenyde abede ywinarenydile.

<sup>10</sup> Jesusi rexidelenymy ribedeerynyre: —Boholabeny warybe-ò. <sup>11</sup> Brebuna roxina-di biroxibenykeki, aò adeereny ibinaòtyhy aò aryrenymy ralòmymhÿre aòkò heka ibinare. Ryrìbi rôhòmymhÿre heka ibinare, arybe wahe. <sup>12</sup> Tai tahe Jesusi erydÿÿna mahâdu Jesusiko rarybere: —Fariseu mahâdu kÿny tamy awiòre kia wiji tuu tarybeta wahe. <sup>13</sup> Tahe Jesusi rarybere: —Aòhere aòkò rare. Timyre aòkò rare. Ixinamy tuu raryberenyre. Iorutere-di nohòtirennyòmò. Kia fariseu bedeeryna lòbòròna wese rare. Waha ribòrònyòre. Ibutumy waha ribòrònyòre suribi mahâdu ritakre. <sup>14</sup> Inatxi hâbu ruetâ widee ryò ritÿnynymyhÿre wese. Hâwâry-ribi wiwanale hâloo-txi resekre. Tiibohe ixinamy biribenyke. <sup>15</sup> Tahe

Pedro Jesuusi-ò rÿÿraxire: —Wakoreny inihe biditynnyke, roxina brebuna ijyy wahe. <sup>16</sup> Kaiboho ibutu wese atxitenyteri. Teeryötenyete. <sup>17</sup> Ibutumy iny aò rirÿÿmyhÿre weryri-di ramyhyre tahe rõhònymyhyre. <sup>18</sup> Tahe inyò rybebinamy rarybemyhyre. Tii iwo ibinare, irayky ibutumy ibinare tai wahe. <sup>19</sup> Raykywydyna binahakÿ-ribi heka òtaòtana, rubuna, wasina, ruina ujòmo inyry-ribi rõhònymyhyre. <sup>20</sup> Kia aòmydÿÿnana iny risurisumyhyre, inydee ibinare. Tahe roxinako-ki iny tebò risuhòmyhÿré, kia tahe aò aòkò rare, ibina aòkò rare.

<sup>21</sup> Iribi tahe kia-ribi rõhònyreu tahe Jesuusi rare irehetytymy Tiro hãwã-ò Sidò hãwã-ò. <sup>22</sup> Kana bede hãwyyò tamy nade. Tahe tamy rexitòenyre: —Wahì, Davi riòkòre, biwaruxetoènyke hewa. Waritxòre heka tykytyby bina-di iwoku-ki ratximyhyre. Anohòkÿmy heka idi rotÿkÿnymyhyre. <sup>23</sup> Tahe Jesuusi aòmy rarybeòhyyre tamy. Taerydÿÿna mahãdu tahe rarybere: —Biteònyke hewa. Inyboho dori riixiranyrenyteri. <sup>24</sup> Jesuusi tahe rarybere: —Jiarÿ Deuxu riwateònyre judeu mahãduòle, tabudoeni mahãdu iòre mahãdu wese wahe. <sup>25</sup> Hãwyy ixityre nade. Tatiowotimy resere. TAhe ixityre tamy rarybere: —Biwawikòhenanyke hewa, Wahì. <sup>26</sup> Jesuusi rirawyònyre: —Awiohedÿÿna kia wese rare aòma hãbuò tariòre-ribi rÿÿÿna riwyrta tahe idi rehura ijòròsaòle. Kiawese rarekre, jiarÿ arawiohenanykeki. <sup>27</sup> Hãwyy rarybere: —Inatyhy rare. Kuladu-ribi ano rÿÿÿna resemymyhyre bede-txi, tikì tahe itxòròsa ritxòre idi riwymy reakamy riròmyhyre. <sup>28</sup> Inatyhymy Jesuusi rirawyònyre: —Kai ainatyhyna sòwere. Adee ariwinykre aòmybo textitòenyteri. Iule iriòre reytemy rare.

<sup>29</sup> Tahe Jesuusi rõòsere ixityre Kalileia ahohokÿ-ò. Raòwònymy rare hãwãlò-ò. Iratytyre ronyre. <sup>30</sup> Sòwemy heka iny webinadu didyde: itiere mahãdu, iruetã mahãdu, irybeò mahãdu, aò ikòkò heka bina bina wixira wixira idi rare. Jesusiko-ò heka ritidirenyreki ibutumy riteytenyete. <sup>31</sup> Iny ruetã rÿÿra mahãdu itxeretyhymy riwinyre. Rarybekòmy rÿÿra mahãdu, rarybemy rÿÿmyhy teysamy. Itiere rÿÿra mahãdu, rariamy rÿÿmyhy. Tai ibutumy iny ribedeòtiidÿÿnyre heka tahe judeu mahãdu Deuxu-ò wowodyna riwahinyre.

<sup>32</sup> Jesuusi rarybere taerydÿÿna mahãdu-ò kanakemy. Tahe tamyreny rarybere: —Jiarÿ kÿny rewotòenyteri kainy mahãdu rÿÿreidi. Inataò txumy bede riera waki. Aò heka ihokòre rirÿÿÿrenykeny. Iòwedÿÿkòlemy ariteònykeki heka ijò reseke ryrowetyakile. Rama riatyke. <sup>33</sup> Tai tahe ierydÿÿna mahãdu rarybere: —Inyboho bederahy-ki, titxibo heka rÿÿÿna arimykere iny sòwehekÿ-ò ariwahinyrenykeny? <sup>34</sup> Tahe Jesuusi tamyreny ritÿÿÿraxinyre: —Tiwesebo roxina-di atxitenyteri. Tahe rirawyònyre: —Debò inatxi reurò orotxu sòmo sòmomy idi wixireri utura deyre ijò rare. <sup>35</sup> Jesuusi rarybere ibutumy iny ronykeny. <sup>36</sup> Tahe tí rexitòenyre Deuxumy reallare. Orotxu, utura-wana riereerenyete tahe taerydÿÿna mahãdu-ò riwahinyre idi rakremy. <sup>37</sup> Ibutumy riroxire heka kia iny sòwehekÿ ta rihydyre. Tabyre rahudi tahe riarire ierydÿÿna mahãdu. Tai tahe rahure tÿxihikÿlemy. Debò inatxi reurò weririmy heka ritÿÿÿnyrenyete. <sup>38</sup> Tahe 4000 hãbumy riòwenyete, kia txuu wahe. Uladu, hãwyy-di rariaòhyre. <sup>39</sup> TAhe Jesuusi iny-ò rarybere tasÿ-ò rõòsekemy ixityby. Iribi tahe Jesuusi hãwò-di reuròmymy rare Magadã hãwã-ò.

## 16

<sup>1</sup> Fariseu mahãdu saduseu mahãdu nade Jesuusi-ò iurihixidÿÿmy riitxenanyrenykeny: —Aòbedeerydÿÿnabo heka biu-ki iribi rexitòenyre. Biwateòsinyke heka aòwiihikÿ-di biu-ò jiarÿboho arieyrenyete, kai inatyhy tate wahe. <sup>2</sup> Idi tahe Jesuusi rarybere: —Kaiboho heka awirenyete biuwetyky erysy-ki. Jesuusi rarybere: —Kia rybe tarybemahãte. Txiorotxumy heka biuwetyky isòhòkÿra-ki, biurasòmymy tahe awimymy txu kedekre. <sup>3</sup> Biurasou ibede lyby lybymy txu-di kedekreki tahe biu rõahyhyhyy bede txu rariakre. Myhe tarybemahãte. Kaiboho heka iwixira aòhebo rotÿÿnykre heka teerytenyòkòlemahãtenyete. <sup>4</sup> Iny kamahãdu heka ibutumy ibina binare. Tii heka rityhynyòhyymyhyrenyete. Rexitòenymyhyrenyete heka biu-ò rityhynykeny. Tahe riwahinyòtyhy heka aòma bedeerynaò. Kia Jonasi-ò bedeeryna rareòle tahe tamy rakre heka. Tahe Jesuusi rexitamymy rare iribirenyete.

<sup>5</sup> Idi tahe aho weribijã-ò reuròrenyete tahe, tòhòtirenymy rosare tarÿÿÿnarenymy-ribi. <sup>6</sup> Jesuusi tamy rarybere: —Fariseu mahãdu, saduseu mahãdu iurina-ò hexiebenyete. <sup>7</sup> Ierydÿÿna mahãdu tahe widee rarybere: —Tii kia rarybere iny orotxu diwyòdeki. <sup>8</sup> Jesuusi roholare aòmybo raryberenyete tahe tamyreny rarybere: —Aityhynarenymy urihimyòre. Aòherekibo orotxumy jiarÿ rarybererimy tahòtintenyete? <sup>9</sup> Tii kaiboho bierybenyòtyhy. Iruyre orotxumy remyre. Idi 5000 hãbumy reòwenyete. Ihãre tahe weriri txÿxi tÿxihikÿlemy rÿÿmyhyre rauhenyete. Itxi aòbo òhòtirenymy reakòmyhyre. <sup>10</sup> Ixityre tasÿ 4000my reòwenyete, debò inatxi reurò orotxu-di. Ixiyrubule rauhenyete. <sup>11</sup> Jiarÿ orotxumy rarybeòre. Fariseu mahãdu, saduseu mahãdu urina-ribi hexiebenyete. <sup>12</sup> Tai ierydÿÿna mahãdu rieryrenyete aòmybo rarybemyhÿmy Jesuusi heka fariseu saduseu bedeerydÿÿnamy rarybereri.

<sup>13</sup> Idi tahe Sesaria Filipi hāwā iōhōmy rehemynyre. Jesuisi rŷyŷaxire taerydŷŷna mahādu-ò: —Iny wamy rarybereri. Mobo heka jiarŷ raremy heka wadi rŷireri. Jiarŷ Hābutyhyhykŷ rare, Deuxu Riòre wahe. <sup>14</sup> Ijō kŷny rarybemy rŷireri: —Kai riki heka Joaō Sebedŷŷdu atxiteri. Ijō riki Elia atxiterimy adi rŷireri. Ijō tahe Jeremiamy adi rŷireri. Ijō heka Deuxu rybeduò riki heka atxiterimy adi rŷireri. <sup>15</sup> Tai tahe Jesuisi rŷyŷaxire taerydŷŷna mahādu-ò: —Mowexe watzirerimy wexe wadi tahōtynytenyeri. <sup>16</sup> Simaō Pedro heka rarybere: —Kai Kristu atxiteri Deuxu deòdŷŷna heka tate. Kai heka Deuxu Riòre tate. <sup>17-18</sup> Tahe Jesuisi rirawŷyōnyre Pedro-ò: —Inatyhymy Pedro tate, Waha, biu-ki Mana ani rare. Boholake, ratximyhyŷrele kia adee riteòsinyre. Iny aōkō kia adee riteòsinyre. Wadohodŷŷna mahādu kia mana tiu heka ariwinykre. Rubu dori heka tui ituedeòna. <sup>19</sup> Waiòlona rayna heka adee ariwahinykre. Kabede-ki aōwidŷŷ adee binakeki tule biu-ki ariiōnykre. Aōtxiletŷibo aōwidŷŷmy burukre tasŷ biu-ki tule adee ariwinykre. <sup>20</sup> Jiarŷ inatyhymy Deuxu deòdŷŷna rare. Tui iyyrenyōmyke.

<sup>21</sup> Iribi tahe Jesuisi itŷny relymy taerydŷŷna mahādu-ò. Rurukremy heka relyyre: —Arakre heka Jerusalē-ò. Tai heka matuari mahādu, ònosòna bedeeryna mahādu, xiwena wahidŷŷdu mahādu-wana riwarubunykre. Inataō txu-di tahe ixbyby rubu-ribi adexixakre. <sup>22</sup> Idi tahe Pedro heka Jesuisi ridyre ijō erydŷŷna-ribi tahe tamy rarybere: —Aōkōre, Wanyrŷ, tui heka taiŷoho ararubunyrenyōtyhy. <sup>23</sup> Tahe Jesuisi rarybere Pedro-ò: —Wariŷi bexihitxinyke. Kai heka Satanasi weselemy atximahāte. Iwese kai taraykynymahāte heka aō Deuxu deewinamy aōkō tui tahōtynmahāte hābudeewile rare. <sup>24</sup> Idi tahe Jesuisi rarybere taerydŷŷna mahādu-ò: —Inyō wawananomy rurukeki, ixi-ribi heka tōhōti rosake. Nomy rurukeki heka taiŷeho rimyke idi tahe wahemy kanake. <sup>25</sup> Inyō hāhemy rariakemy ixi-di rōhōtynhyke wana heka irumy inonana irehemy ixi-di ratxikeki heka tui ihārele ruruke. Inyō taumy riōnonykeki waòraru-ki tai tahe tui rōtake. <sup>26</sup> Inyō heka ibutumy aōna aōna bedeki ributunykeki. Tahe ihārele heka tui ruruke. Tule umytedeòna riōnonyre. Aō tarasana tamy aō aōkō rare. Iny iruna riōwynyōhymyhyŷre, ixiyby tamy kanake wahe. <sup>27</sup> Jiarŷ, Deuxu Riòre, Hābutyhyhykŷ dori kanake wana aōwesele. Taŷju loosòna-ki tui kanake.

Iny ibutumy ariōwynykre bibutunymy aōbo iny riwinyhyŷre heka aōwiwihikŷ aōbina bina. <sup>28</sup> Iu jiarŷ, Deuxu Riòre, Hābutyhyhykŷ, kanakeu tahe inyō kaibohoò tui robikre, Iòlōmy kanakreu.

## 17

<sup>1</sup> Reare heka debò sohoji reurò txumy. Tahe Jesuisi ridyre Pedro, Txiau, Joaō-wana. Joaō tahe Txiau seriòre rare. Tahe raòwōnyre tuiŷoho-wana hāwālò ratòhòkŷ ratyy-ò. Inyō heka tui wana raòhyyre. <sup>2</sup> Ikoreny-ki tahe Jesuisi rexiwixiranyre. Iòsana heka roosòre. Txuwesehekŷle relere iòsana heka ratŷrŷŷnyre. Ityky tasŷ rauranyhykŷre. Tahe roosòna itoosònahihikŷre. <sup>3</sup> Iu tahe tui robire Moisesi rubu, Elia rubu, Jesuisi-wana widee rarybemyhyŷre. <sup>4</sup> Tahe Pedro tamy rarybere: —Awire, Wanyrŷ, kawese watzirereri kaki. Adee wikeki hetomy ariwinyrenykre ijō adeekre, ijō ta Moisesiòkre, ijō Eliaòkre. <sup>5</sup> Iu Pedro rarybereriule tahe biuwetyky urahakŷ relere. Iyribile rybeò narybede: —Kia heka Wariòre waluu heka rare. Boholabeny irybe-ò. <sup>6</sup> Idi tahe ierydŷŷna tami roholareu, tahe ruberure. Tahe reserenyre iòsanareny bede-ò. <sup>7</sup> Jesuisi tamyrenyre nade: —Brehurenŷomyke hewa bodorukubedenyke heka. <sup>8</sup> Reteherenyre tahe Jesuisi sohojile tai rŷire.

<sup>9</sup> Iribi tahe diberenydenyde hāwālò ratyy-ribi, Jesuisi narybede: —Uritere waijyōmyke inyko wiji tui tabitimy. Iu jiarŷ, Deuxu Riòre Hābutyhyhykŷ, rubu-ribi riixixanykre tahe tui belyykre. <sup>10</sup> Tahe ierydŷŷna mahādu Jesuisi-ò rŷyŷaxire: —Aòherékibo tarybetenyteri —Elia juhuu kanakemy ako-ò juhuu kanakemy. <sup>11</sup> Jesuisi rirawŷyōnyre: —Inatyhy rare tui juhuu kanake. Ibutumy heka bede riywinykre. <sup>12</sup> Tule ararybekre kiamy: —Elia nade tahe ihārele heka iny rieryōhyyre. Aòhòkŷmy risŷnyre. Iwese Elia aòhòkŷmy risŷnyre wesele tahe Deuxu Riòre Hābu heka aòhòkŷmy risynykre, jiarŷ wahe. <sup>13</sup> Tai tahe Jesuisi erydŷŷna mahādu rieryrenyre aōmybo Eliamy tui raryberemy Joaō Sebedŷŷdule tahe Jesuisi rarybere.

<sup>14</sup> Iribi tahe dòsedenyde iny sōwemy riraōmy rŷimhyŷre. Hābu-ò nade Jesuisiko-ò tatiwomy resere: <sup>15</sup> —Wanyrŷ, ruxetòena wariòre-di biwahinyke. Irayky awimy aōkō ratximyhyŷre. Bera-txi resemyhyŷre. Heòtyru-txi resemyhyŷre. Ibutumy aōna aōna riwinyreny hyŷre. <sup>16</sup> Aerydŷŷna mahādu-ò heka adidyde tahe tui riteytenyōtyhy. <sup>17</sup> Jesuisi rirawŷyōnyre tamyreny: —Kaiboho isira mahādu atxitenyeri. Aō heka inatyhyna heka akireny ijòkōre. Tiwese bede dŷŷnana bohe araòludumyrenykre. Bedese inihe bididy uladu wadee. <sup>18</sup> Tahe Jesuisi rarybere kia uladuwo-ki ratximyhyŷ: —Iribi wa bohonyke! Tahe uladu reytemy reare.

<sup>19</sup> Idi ierydŷŷna mahādu Jesuisiòle rarybere: —Aòherékibohe jiarŷboho tyytybybina iribi reteònykòreri? <sup>20</sup> Aòmareki kiehe ainatyhyna ibutetyhyreki òwòruty sōmowesele ainatyhyna dikeki heka kai aōwiwihikŷ biwinyke. Kai hāwālò-ò marybeke: —Iribi bexitake! Tai tahe

hãwâlò rexitake iwitxira suò. Aõ aõkõ adee isirake, ainatyhyna direki wahe. <sup>21</sup> Kia tyytyby bina iwitxira rare. Isiratyhyre heka. Kaiboho bexitòenybenykeki, binarehebenykeki, ixiery tyytybybina biteònybenyke.

<sup>22-23</sup> Kalileia bedeki Jesuisi taerydÿÿna mahãdu-wana ributunyre. Tai Jesuisi rarybere tamy: —Jiarÿ, Deuxu Riòre Hãbu, rare. Tai inyò riwahinykre hãubinað-ò warubudÿÿmy. Inatað txu-di tahe rubu-ribi adexizakre. Tai tahe ierydÿÿna mahãdu rabedewo nihikÿre.

<sup>24</sup> Iu tiiboho heka Kafanað hãwã-ò ritehemynyre, inyò Pedro-ò nade. Tii dohodÿÿna òwy butudÿÿdu rare. Tahe rarybere: —Awedu aõbohe tii rexiòwynyke. <sup>25</sup> Pedro rirawyònyre: —Tii riòwynymÿÿre. Tai tahe Pedro rakemy reare. Iu Pedro tuu Jesuisi-ò rarybekemy hetowo-ò raloreu, Jesuisi juhuu rarybere: —Moribibo iòlò rexitòenyymÿÿre òwydÿÿnami. Mynydu mahãdu-ribi aõbo ada ta taijoiribile aõbohe rotamÿÿre. <sup>26</sup> Pedro tahe rirawyònyre: —Mynydu mahãduòlè rexitòenyymÿÿre. —Inatyhy rare, Jesuisi rarybere. Ijoi mahãdu òsana riòwynyòhykymÿÿre. Jesuisi rarybere: —Ihãre tahe ròkòòwydÿÿkre. <sup>27</sup> Òbitimy rakaòwònyrenykre. Kia Templo heto òwmy. Ibinamy kia iny-ò ariwinyòtyhy. Kai heka makre ahokÿ-ò awaxi-di behukre. Juhu utura kanakre heka bidimÿÿre. Idi iry biraynykre. Tai nieruò-ki mahake. Iribi biditamy tahe makre iny òwydÿÿmy.

## 18

<sup>1</sup> Iule tahe Jesuisi erydÿÿna mahãdu tamy rehemynyre rÿÿraxire: —Mobohe Deuxu Iòlona-ki nihikÿmy rarekre. <sup>2</sup> Jesuisi heka ratximÿÿ uladuð ibire-ki. <sup>3</sup> Idi tamy rarybere: —Kai uladu weseleòmÿ mabeòkeki, Deuxu Iòlona-ò malòbenyòtyhy <sup>4</sup> Uladu wese marayknybenykeki heka, tii tahe Deuxu Iòlona-ki inatyhymÿ rÿirakre. <sup>5</sup> Kai waðaru-ki uladu kawesemy biwiòhenanykeki tiwawìohenanymahãte <sup>6</sup> Kai uladuð òraruna-txi resekemy risÿnykeki, kai abinatyhymÿ atximahãte. Inyò òy ritakamy reroti-di aratakemy heka inyò adi rehuke bera-txi. Tii tahe awityhyre adee.

<sup>7</sup> Sòwemy heka aõna aõna rÿira wary-ribi iny riatykemy. Tii adee ibinatyhyre. Tiiemy heka tuhy rarekre. Inydee heka ibinakre heka. Wary-ribi riòlòdÿÿnymÿÿre heka tamy ibinakre. <sup>8</sup> Ebò òraru-ki tahe wainatyhyry-ribi bexitakeki, ebò biòròmÿ idi behuke. Awityhyre heka adee Deuxu Iòlona-ò malòkre sohoji ebòdile. Inatxi ebò-di heòty bedebina-ò malòkeki, awiòre heka. <sup>9</sup> Tule arue sohoji òraru-ki kia òranunamy beseke lau, urile bitake idi behuke. Arue wiò-di heòty bedebina-ò malòheny arue-di wiòle. Biu bedewihikÿ-ò malòke tahe awire heka arueyremÿ. <sup>10</sup> Iny nihikÿ ityhy iny yja mahãdu heka tuuòre. Uritere heka iweserenyòmÿ atxibenyke kaiboho bexiijebenyke tamy. Iny aõkõ mahãdu dori tii ijÿu dire heka. Iÿjurenÿ heka Deuxuko tii ibutumy relyymÿÿre turenÿ. Idi òhòtirenÿ-ribi bosabenyòke. <sup>11</sup> Jiarÿ Hãbutyhyhykÿ rare, Deuxu Riòre wahe. Ityhydÿÿdukòdu mahãdu ibutumy aritakemy anade. <sup>12</sup> Rakawesenanykre heka kaijÿy wesemy. Rakarybekre heka kahãbu 100 budoeni ijòdire wesemy. Sohoji heka iòre iy-ribi. Kia hãbu idi itxerudu tahe iy-ribi iòre rakre ijesemy. Iuhe tahe hãwâlò-ki riroximÿ. <sup>13</sup> Tai rahakre wana heka teysamy ratxikre. Kia sohoji òrarukile reysakre. <sup>14</sup> Iwesetyhylemy taheka inyò iòòtyhy Waha-ribi. Tamy dori kia ibinare.

<sup>15</sup> Inyò adee rexiòrarunyekeki tahe tamy makre rybemÿ. Uritere inywixirako-txi rybeòmÿ tuu. Tahe tamÿÿylemy marybeke. Aityhydÿÿdu seriòre heka arybe-ò roholakeki, tahe ixi-txi tòhòti reake wana, ixi dee ibinamy ròhòtynÿra wana, tai tahe kai ixyby tii-wana ityhydÿÿdu seriòre biòwamy beleke. <sup>16</sup> Aõhe wana tahe arybe-ò roholaòhykre, tahe ixityre make inyò wana rexibìòwanymÿ.

Iny inatximÿ ixihe-ki bidyke. Tii tahe arybe-ò ijohonaduke inatyhy raremy arybera-txi resekemy wahe. Iu dohodÿÿna-ki rarybekre, tai tasÿ tii rarybeke teòsamy aõkõ ratximÿÿrelemy rarybeke. <sup>17</sup> Tii irybereny-ò roholaòkeki, tai tahe dohodÿÿna mahãdu-ò belyke. Tii irybereny-ò roholaòkeki, tai tahe biteònyke. Tii iwese òrarudu mahãdu heka adee rarekre, bede dinodu-ò nieru wydydu wese wahe. <sup>18</sup> Iwese kaiboho waityhydÿÿdu mahãdu kabede-ki ròhòtynÿre wesele, tule araykywesetyhyle Deuxu biu-ki ròhòtynÿre. Aõbo adee kabede-ki aòwidÿÿ ibinare ada awire heka tule biu-ki ibinamy rarekre, awimy rarekre. Arybe riwixiranyòtyhy kowa biu bede-ki. <sup>19</sup> Iwitxiraòmÿ adeereny ararybekre: —Ijò titxibo inatxi ada inatað ityhydÿÿdu seriòre wiweselemy rarayknykre. Waha-ò rexitòenyymÿÿreki iwese rexitòenyre wesele heka tamy riwinykre biu-ki. <sup>20</sup> Titxibo waniòraru-ki inatxi, inatað wii ributunyre heka, jiarÿ taile watxireri.

<sup>21</sup> Tahe Pedro rÿÿraxire Jesuisi-ò: —Bede erydÿÿdu! Waityhydÿÿdu seriòre heka wadee rexiòrarunyekeki, tiwesebo sòwe ariixãwididÿÿnykre ixi-ribi debò inatxi reurò, my aõbo? <sup>22</sup> Jesuisi rirawyònyre: —Aòkòre, debòinatximÿ aòkòre, 490 wesemy wahe. Ixityre ixityre biixãwidÿÿnykre. <sup>23</sup> Deuxu Iòlona kawesemy rare: —Iòlò heka teòdu mahãdu kia contamy robikemy idi ratxireri. Tiwesebo inieru-di rasiranyre wesemy wahe. <sup>24</sup> Sohoji teòdu

juhuu dehemynyde. Sōwemy heka tevedyyna ratximyhÿre, 1000,000 womati tÿrÿrÿhÿkÿ nieru wahe. <sup>25</sup> Inieruõre heka iõwydÿÿna wahe. Idi rohonykemy heka iwedu riteõnyre deõdu mahãdu wesemy. Tariõre-wana tahãwyy-wana ibutumy deõdumy roirekemy. Aõbo tai rÿimyhÿ heka ibutumy idi rohonyre. <sup>26</sup> Tai kia deõdu heka tatiowotimy resere kia iõlõko-txi: —Waiõlõreny, txioinihe biwaraõkre ariõwynykre ibutumy. <sup>27</sup> Tai tahe iõlõ riwotõenyre aõma ixinahykylemy ritusanyre. <sup>28</sup> Tai tahe kia hãbu he rare kia urihimÿo tamy radevenymyhÿõ heka rexinohõtidÿÿnyre. Tai tahe hãbu lõtikile rimyre. Rierenymy resere ribõtõrarytxynyre: —Bidiwaõwynykre kÿnyhe wijityhyle. <sup>29</sup> Tai tahe tatiowomy resere, rarybere: —Txiokre inihe ariõwynykre ibutulemy. <sup>30</sup> Tai tahe rirutyre rõtenawo-õ idi riõtenyre. Riwoõenyre aõma ixinahykylemy ritusanyre. <sup>31</sup> Itxeredu mahãdu heka rabadewore tai tahe ibutumy relyyre iõlõko. <sup>32</sup> Tai tahe ixityre tamy rarariõwyyre tamy rarybere: —Aõherewe, deõdu binahakÿ, jiarÿ araxãwididÿÿnyre ibutumy inatyhy? Kai dori ixitõedÿÿna wadee tewinyta. <sup>33</sup> Aõherekibohe aleina kia adee nadevenymyhÿde kia teixãwidinyõta, iwese jiarÿ araxãwidinyre wese. <sup>34</sup> Tai tahe ti rimyre reburere itere iõlõ, tai imynymy riteõnyre rotenawo-õ riõwynykre xiery riõlõdÿÿnykremy. Tai aõhõkÿmy rotÿÿnymyhÿre. <sup>35</sup> Jesuisi rexihura narybede: —Kiawesele heka adeereny rarekre. Ityhydÿÿdu seriõre taseriõre riixãwidinyõkeki heka iwesele heka waha adi riwisÿnykre.

## 19

<sup>1</sup> Jesuisi ibedeerydÿÿna-ribi rexihureu, Kalileia bede-ribi rõhõnyre. Bero Jordaõ weribi-ijã-õ reurore, Judeia hãwã bede kanawe-ribi ijã-õ rehemynyre. <sup>2</sup> Tai tahe sōwemy iny webinadu mahãdu rÿire. Idi tahe ihemy rare. Ibutumy riteytenyre. <sup>3</sup> Fariseu mahãdu imynymy idi riwisÿnymyhÿre aõbinamy rarybekeki rimykemy. Tai tahe tamy dÿÿraximy namyhÿde aõsirahakÿmybo: —Iny bede ywinareny tahãwyy riteõnymyhÿre urirybelemy, wiribi resekre. <sup>4</sup> Jesuisi dirawyõnyde: —Ritidÿÿnyama aõbo tariaõmhyÿte idi?

—Deuxu ibutu widÿÿdu heka juhuu hãbu hãwyy-wana riwinyre.

<sup>5</sup> Idi tahe rarybere:

—Hãbu heka tybyboho-wana tadibocho-wana wiribi rexihitxinyemyhÿre tai tahe tahãwyywanale wii ributunymy rÿira.

<sup>6</sup> Inatxi heka sohoji weselemy rarekre, hãbu tahãwyy-wana. Deuxu heka hãbu tahãwyy-wana ributunyre, inyõ heka tiu rihitxinyõtyhy. <sup>7</sup> Tahe ijõmy fariseu mahãdu ritÿÿraxinyre: —Aõherekibo Moisesi kawesemy juhuu rarybere:

—Hãbu tahãwyy riteõnykeki juhuu urile tyriti tamy riwahynyke riteõnykekoki.

<sup>8</sup> Tahe Jesuisi kawesemy rarybere: —Kaiboho heka ieryna urihimÿõlereki aõ isirareki heka kia riwinyre. Juhuu tahe kawese aõkõ rÿire. <sup>9</sup> Aõmale tahe ixinamy riteõnyke ixi-ribi õta õtadule heka aõwaxiny tuu riteõnyre ixi-ribi. <sup>10</sup> Tai tahe ierydÿÿna mahãdu rarybere Jesuisi-õ: —Tahe kiawesekeki heka uritere heriõmy hãwyyõmy, hãbuõmy. <sup>11</sup> Jesuisi tahe dirawyõnyde: —Kaa rybe tahe inyõ tahe aõ ibutuhukÿ-õ aõkõ tureri aõma Deuxu bede eryna tamy riwahinyemyhÿreõle heka tureri. <sup>12</sup> Aõtxi-ki tahe tuu hãbuõ rÿira hãwyyemy heridumy aõkõ rÿira. Ijõ hãbuõ tahe tiemy tunodumy rÿirerimy ihÿre. Iwitxira hãbu-õ rexihahinyemy rÿireriki heka tuu rÿirerimy ihÿre. Ijõ tahe tuu rÿirerimy ihÿre aõma Deuxu aõmysdÿÿny õraru-ki wahe. Kaa rybe tahe inyõ tahe rityhynykeki tii inatynymy rityhynyke.

<sup>13</sup> Inyõ didyde uladuõ Jesuisi-õ tamy rexitõenykemy tebõ iraty tyre-ki roirerilemy. Ierydÿÿna mahãdu tahe uritere iixiradÿÿõmyke. <sup>14</sup> Tahe Jesuisi rarybere: —Ixinamy kanamyhÿke uladu wadee. Uritere itinysÿrenyõmy. Uladu wesemy dori Deuxu Iõlõna rõtedu mahãdu ratximyhÿre. <sup>15</sup> Jesuisi tahe iratytyre tebõ ritidire tamy rexitõenyre. Idi tahe Jesuisi rare.

<sup>16</sup> Aõu tahe hãbuõ Jesuisi-õ nade: —Erydÿÿdu, aõhebo arotÿÿnykre. Aõma, timykibo umytuedeõna aritakemy wahe. Aõwidÿÿ wiwihikÿbo ariwinykemy. <sup>17</sup> Jesuisi rarybere: —Aõherekibo wadee aõwiwihikÿmy widÿÿ tÿÿraxiteri? Iny sohojile awi rare, Deuxule wahe. Kai bede ywina ibutumy bityhynyke, umytuedeõna hakÿ-õ molokre. <sup>18</sup> Aõbedeywinabo arityhynykre? Tahe Jesuisi rirawyõnyre:

—Rubudÿÿõmy, õta õta widÿÿõmy, wasiõmy, ruiõmy,

<sup>19</sup> Adi boo-wana bityhynyke, iwese ixiluure wese heka abireludu mahãdu luuke.

<sup>20</sup> Hãbu rarybere: —Kia heka aõu aõu jiarÿ retyhynyre. Aõijõmybo arotÿÿnykre? <sup>21</sup> Jesuisi rirawyõnyre: —Kai õbitimy mabekekile aõmydÿÿna-di ibutumy. Kia idi bohonyke õwy tahe biwahynyke urimynodu mahãdu-õ. Tai sōwemy aõna aõna biu-ki ahõrõmykre. Iribi tahe biwaheludunye. <sup>22</sup> Iu hãbu kia roholareu tahe rabadewonihikÿre inieru sōwerekhe heka rabadewore.

<sup>23</sup> Tai tahe Jesuisi taerydÿÿna mahãdu ribedeerynyre: —Isiratyhyre heka biu bede-õ ralõke aõma ityhy nihikÿkeki. <sup>24</sup> Isirare heka aõma kamelo tyy rurena õtummy ralõke heka isirare, inatyhy? Tai tahe aõma ityhy mahãdu ralõke tarasanamy reake heka isirare.

<sup>25</sup> Jesuisi erydÿÿna mahâdu ribedeòtiinyre kai-ò roholareu. Tai tahe rôhòtinyre: —Aòkòre isiratyhyre tuu ròte. Inyò tarasanamy reaòtyhy. <sup>26</sup> Jesuisi tamyreny retehère tahe rarybere: —Inatyhy rare hàbu-ò isirare. Deuxu dee tahe isiraòle rare. <sup>27</sup> Tai tahe Pedro rarybere: —Jiarÿboho ibutumy aòmÿdÿÿnareny adiridenyde. Araheludunymy watxiwâhâre. Aòma ritarenykre? <sup>28</sup> Jesuisi tahe dirawònyde: —Kiamy heka adee ararybekre. Jiarÿ Deuxu Riòre Hàbu tyhyhykÿ wahe. Kaiboho heka tule borukubenyke aiòlòrnaryna-ki iu ibutumy ratÿmyrakreu. Kaiboho iny sohoji sohojimy judeu ijoìò biywisidÿÿnanybenykre, waijoi waòinatxi reurò mahâduò wahe. <sup>29</sup> Inyò kia ibutumy aòbo waòraru-ki ririmyhÿre iwese taheto ririmyhÿre waòraru-ki, taseriòre, tadi, tyby, uladu, taoworu, ririmyhÿre. Kia sohoji sohoji-ribi heka aò sohoji sohoji òwymy 100 ritakre. Tule umytedeòna ijòmy ritakre. <sup>30</sup> Inyò nihikÿmy ityhyemy ratxirerimy ihÿre, tii iyjalemy relekre, aòma aòkò tai relekre. Tule iyja nihikÿmy relekre. Sòwemy urimynodu kaki rÿirerimy ihÿre tahe biu-ki nihikÿmy rarekre.

## 20

<sup>1</sup> Jesuisi tasÿ riteòsinyreri ijyò timyrebo Deuxu Iòlòna. Hàbu aòmÿsÿdÿÿdu heka oworu widÿÿmy heka riteranymy tamy rarybemihÿre: <sup>2</sup> —Aòmamy araòwynykre, sohoji prata womati nieru, iwese ibutumy raòwynymyhÿre wese, sohoji txuòwy wahe. Tai tahe tii raaòmÿsÿdÿÿre uva oworu-di raaòmÿsÿdÿÿmyhÿ. <sup>3-4</sup> Idi tahe tii reare 9 horau tule, txutyeyu tule, titxibo iaòmÿsÿdÿÿna rÿireri titxibo hàbu teaòmÿsÿdÿÿmyhÿò. Tahe tuu robe urele ratximyhÿmyhe idi rethemyhÿ. Tai tahe tamy rarybere: —Maaòmÿsÿdÿÿyke hewa, waoworu-ki. Ikonana txu heka òbithyky araòwynykemy adi watxireri. <sup>5</sup> Tiiboho raaòmÿsÿdÿÿre tule. Txutyeyu tasÿ ixiryubule ijò riteranyme aòma iwese kia juhuu ijò-ò rarybera wesele. <sup>6</sup> Txuinyòbira-ò ijò rimyre, tule ijò txiorotxure. <sup>7</sup> Iruyre hora-ò ijò tasÿ riteònyre. <sup>8</sup> Tahe txiorotxumy rôhònyra tahe kia iòwydÿÿdu tamy rryyre. <sup>9</sup> Tahe 1 womati nieru tamy riwahinyre, sohoji hora raaòmÿsÿdÿÿre mahâdu wahe. <sup>10</sup> Tahe txusohojimy raaòmÿsÿdÿÿre tahe iratyre ròtakremy ixi-di rôhòtinyre. Tahe tule riòwynyra iwese ijò riòwynyra weselemy, 1 womati nieru, sohoji sohoji wahe. <sup>11</sup> Tai tahe rimyre nieru urile tamy rexibinanymy rarybere: <sup>12</sup> —Kowa heka sohoji horale raaòmÿsÿdÿÿhârele heka 1 teòwynya. Jiarÿ boho tahe txuhyy raaòmÿsÿdÿÿra, bede tòtee-ki wahe. <sup>13</sup> Tahe iwedu rarybere: —Wabiòwa, adeereny rarybera. Wiji 1 womati nieru ariwahinykre heka inatyhy? Tuheka adeereny rewahinyre. Aribi rawasinyora. <sup>14</sup> Boibenykre heka ibutumy araòwynyneri. Wiwesetyhylemy heka araòwynyrenyneri, iwese rarybere wese. <sup>15</sup> Hora sohojilemy raaòmÿsÿdÿÿraò sohojimy wanieru ariòwynykre inatyhy. Tamy wanieru ariwahinykemy ixideewimy, aòhe inatyhy? Aòherekibo tureteru? Jiarÿ urihimyo raaòmÿsÿdÿÿraò wawiremy tarybetenyteri wahe. <sup>16</sup> Jesuisi tahe rexihure kia rybe-di, kiamykre bede: —Ikoludu heka ihewoludu-ò resekre. Ihewoludu tasÿ iko-ò resekre.

<sup>17</sup> Tai tahe Jesuisi ròwònyre Jerusalè hâwâ-ò. Iny-ribi tawaò inatxi reurò mahâdu rihitxinyre. Tamy rellyre timybo aòhebo rotÿÿnykremy Jerusalè hâwâ-ki: <sup>18</sup> —Jiarÿ, Hàbutyhyhykÿ adee ararybekre: —Inyò riwawahinykre aòma-ò Xiwenâ wahidÿÿdu wedu mahâdu-ò. Tule diwatyhenykre judeu wedu mahâdu-ò. Tahe riwarubunykre heka tiiboho wamy rarybekre ijò iny-ò. <sup>19</sup> Tii heka riwamykre tahe riwawahinykre Roma iòlò-ò, judeukòdu mahâdu iòlò wahe. Ibinatyhymy aòhebo riwasÿnymy riwahetenyre. Itxeò nihikÿ-ò riwatamadÿÿnykre. Tahe txu inataò-di rubu-ribi areixixanykre.

<sup>20</sup> Zebedeu riòrese Jesuisi-ò nade. Tatiowotimy resere tahe rexitònyre aòmÿbo Jesuisi-ò tariòre-wana nade. <sup>21</sup> Jesuisi tamy rarybere: —Aòbo rare hàwyy rarybere: —Waritxòre inatxi hàbu rare. Tikiboho kÿnyhe, aikòlònykuna rynana-ki ronykre awana. Ijò aruruna-txi, ijò ahywe-txi wahe, kai aikòlòkuna-kò malokreku wahe. <sup>22</sup> Jesuisi heka iriòre-ò rarybere: —Kaiboho aòmÿbo texitòenyteri teerykòleterì. Kai Txiau, kai Joaò, teerytenyte aòbo aòhebo wadi rotÿÿnykre arurukre dori jiarÿ kaiboho tulekre? Tiiboho dirawònyde: —Tulekre. <sup>23</sup> Tahe Jesuisi rarybere: —Inatyhy rare kaiboho tule aòhòkÿmy botÿÿnybenykre. Tahe mobò warora-txi ada waruruna weribi rynana-txi ronykre. Jiarÿ reerykòre. Wahale heka rieryre. Tiile tamy riywinyre. <sup>24</sup> Idi tahe debòwiò ierydÿÿna mahâdu kia rieryre aòmÿbo Txiauku Joaòboho rexitòenyrenyà. Tai tahe tiiboho rakyarananyre. <sup>25</sup> Tahe Jesuisi ibutumy taerydÿÿna mahâdu tamy kanakemy rarybere: —Iny iòlò iruru dire. Ibutumy dinodu tahe kia weselere —taijoi mahâdu riteònymyhÿre. Teòdu mahâdu riteònymyhÿre. <sup>26</sup> Tahe aò tuukre aòkò heka rare ayreny-ki. Inyò dinodumy ixidikre heka debòdumy rarekre. <sup>27</sup> Kia iny nihikÿmy ixi-di rexinohòtinyreri tasÿ aò aòkò tii rarekre. <sup>28</sup> Iwese jiarÿ riwinyre wesemy heka rarekre. Hàbutyhyhykÿ aò dinodumy aòkò anade. Iwese deòdu rÿira wesemy heka nade waumy riwahinykremy rubu-ò kabede-ki. Tai sòwemy iny ritakre.

<sup>29</sup> Iu Ijeriò hâwâ-ribi ròirenyreu, tahe sòwemy iny riheludunyre. <sup>30</sup> Inatxi iruetàmy heka ronymyhÿ iu Jesuisi ibire-di rareu. Tiiboho roholarenyre kia Jesuisi raremy. Rexidelenyre rryyre Jesuisi-ò: —Davi riokore, wadee hewa ruxetòena biwahinyke. <sup>31</sup> Tai tahe iòhòmy



iny iribi rÿimyhÿ rarybere: —Txiokre inihe, biyryke! Ixityre ryryre tarurutyhy: —Inynyrÿ Davi riokore, Biwawotöenyke hewa. <sup>32</sup> Jesuisi tamy rarybere: —Aöwexe adeereny ariwinykre. <sup>33</sup> —Wanyrÿ, Kai wa bidiwaruenykre warue biraynykremy. <sup>34</sup> Tahe Jesuisi riwotöenyre iruebmy reare tebö-di. Aöwesele tahe ruömy reare. Tai tahe Jesuisihe riheludunyre.

## 21

<sup>1</sup> Jesuisiboho tahe rehemynyrenyre Jerusalê hâwâ iöhömy. Betabaji hâwâ-ö heka rehemynyre. Kia Oliveira hâwâlö-ribi irehemy aökö ihÿre. Tahe Jesuisi inatxi iny riteönyre hâwâ-ö, taerydÿÿna mahädu wahe. Tamy rarybere: <sup>2</sup> —Juhu hâwâ dele-ö malokreule aöma bobikre, jumenta tariöre-wana. Tahe bitaanalawekre ta bididykre kaö. <sup>3</sup> Inyö aratÿÿraxinykre wana, tai tahe kiamy bisÿnykre aöma: —Wawedu hewa idi ratxikemy röhötinyreri. Tai ki tahe ahemy kiditeönykre. <sup>4</sup> Kia ihetxiu ritidÿÿna tuheka relemy roimyhÿre. Kamy rarybere: <sup>5</sup> —Marybeke heka Jerusalê hâwâ-ö: —Deuxu Iöläna heka kanakre adeereny wahe. Tii inihikÿ wesemy aökö kedehemynymy, jumenta tyre-ki heka kedehemynykre.

<sup>6</sup> Tahe ierydÿÿna mahädu riwinyre iwese Jesuisi rarybere weselemy. <sup>7</sup> Didyde tahe jumenta tariöre-wana. Ihetreny jumenta tyre ritidire. Jesuisi ityre ronryre tahe idi rare. <sup>8</sup> Tahe inyö söwemy-ribi tahetyreny-di rehumyhÿre iryko-txi idi rariakemy ityre-di. Ijö tasÿ hereru-di iryko-txi rehure iryube hetymy ityre-di rariakemy. <sup>9</sup> Söwemy tai iny rirajuamy rÿimyhÿ iko-ö, ihewo-ö:

—Iölä Davi riokore heka söwemy iny wowydyna tamy iny riwahinyreri. Tii Deuxu Riöre Häbu rare. Deuxu deysana heka tamy biwahinyke!

<sup>10</sup> Jesuisi hâwây-ki rehemynyreu, ibutumy iny ribedeötiiidÿÿnyre: —Mohäbuwe kia ralöleri Jerusalê hâwâ-ki wahe? <sup>11</sup> Tai tahe iny mahädu rarybere: —Aököre, kia Deuxu rybeduö rare. Jesuisi inire Kalileia bede-ribi Nazare hâwâ-ribi dehemynyde.

<sup>12</sup> Tahe ralore Deuxu dohodÿÿna heto-ö. Tai kia aöna aöna-di rohonyreri heka riteönyre. Kia aöma nieru wiuröna iöwöruwebese tahe riatoryre. Kia aöma bötoe dohodÿÿdu ryna ibutumy ritxiwire riatoryre. <sup>13</sup> Tahe Jesuisi rarybere: —Deuxu Tyyriti rarybere: —Dohodÿÿna heto heka waha heto rare, ixitöedÿÿna heto rare.

—Kaiboho heka inywasidu mahädu-di tetÿxinytenyta. <sup>14</sup> Söwemy iny itiere, iruetä, nade Jesuisi-ö dohodÿÿna heto-ö. Jesuisi taile riteytenyre. <sup>15</sup> Tahe xiwena wahidÿÿdu wedu tuu robire. Tule judeu bede ywina bede eryna mahädu robireu tahe, aöma uladu templo-ki rryrmy rÿimyhÿö aöma: —Davi riokore heka Deuxudeewina rare. Tai tahe kia rybe-ö reburerenyre. <sup>16</sup> Tiiboho tahe raryberenyre Jesuisi-ö: —Kai aöbo taholate aöbo rarybereri. Jesuisi rirawönyre: —Kohe, raholare. Kaiboho teeryötenyte:

—Uladu dori wowydyna tamy riwahinykre. Tiu aöbo tariatenyöhyamahäte kia Tyyriti-ki.

<sup>17</sup> Tahe Jesuisi iribi röhönyre Betÿnia hâwâ-ö. Taile tahe ruu idi rÿire.

<sup>18</sup> Biurasö txumy tahe tii döösede Jerusalê-ö. Tahe rama risare iu. <sup>19</sup> Öwöruö tai rÿire. Tai tahe diaride figoraty-ö. Tahe iratyöre, txirule rÿire. Tai Jesuisi rarybere öwöru-ö: —Tiu heka kai maratynyötyhy aöwesele tahe irade rairuxÿrure. <sup>20</sup> Tai tahe ierydÿÿna mahädu heka ribedeötiiidÿÿnyre: —Timykibo heka aöwesele rairumyrömy reareri. <sup>21</sup> Tahe Jesuisi tamy rarybere: —Kai ainatyhyna ijödikeki heka iwesele biwinyke. Iratyre biwinyke. Kaiboho heka bitxiönyökeki kaa hâwâlö-ö dori marybekre kiamy: —Iribi bexitake tahe aho-ö boikre. Tai hâwâlö-ö aöwesele heka ahoro-ö roikre. <sup>22</sup> Aötxile kai bexitöenykre heka adee ijö rÿikre. Bityhynytyhykeki, tahe ibutumy bitake.

<sup>23</sup> Tai Jesuisi dehemynyde Deuxu dohodÿÿna heto-ö. Tai tahe röbedeerydÿÿmy ratximyhÿ. Tahe xiwena wahidÿÿdu mahädu, tule judeu bede ywina erydÿÿna mahädu tule tamy dÿÿraximy nade. Tai tahe Jesuisi-ö rÿÿraxire: —Morurudibo heka kai aömydÿÿnana tewinymahäte? Mobo heka arateranyre kia biwinykemy. <sup>24</sup> Tai tahe Jesuisi tamy rarybere: —Kai aöbo myÿraxikeki wadee tai ako tuu arelyykre. Kai dÿÿraxinaömy bidiwatÿnynykeki tahe, adee tuu arelyykre. <sup>25</sup> —Joaö Sebedÿÿdu heka morurudibo nade morybekibo tuu tadiwinymahäte wesemy. Morybekibo Joaö iny risebenymyhÿre. Deuxu Rybe-ki aöbo ada iny rybe-ki aöbo. Tai tahe widee rarybe raryberenyre: —Aöma Deuxu Rybe-ki tuu rösebedÿÿmyhÿre. Mykeki rakarybenykre taheka: —Aöherekibo tetyhynytenyöte myle tii risÿnykre. <sup>26</sup> Aömammy rikisÿnyrenykeki: —Iny rybekile tii tahe nade. Myÿ rikisÿnyrenykeki tasÿ kia ijoi inydeereny rakyarananyke. Joaö Sebedÿÿdu dori ibutumy iny rityhynyrenyrene moma tii Deuxu deöduö ratximyhÿre heka. Rakarybenyökre tahe. <sup>27</sup> Tai tahe Jesuisi-ö raryberenyre: —Aököre, reeryrenyöre heka irawyödÿÿ titxiribibo iruru nade. Tahe Jesuisi rirawönyre: —Tule jiarÿ ÿÿraxina adeereny aritÿnyrenyrenyötyhy. <sup>28</sup> Ijö Jesuisi relyyre: —Timybo maraykynybenykre ka ijyummy arelyykre. Häbuö heka inatximy iriöre raremyhÿ. Tariöre dela-ö rarybere: —Dää, maaömysÿdÿÿkre waoworu-ki, wiji wahe. <sup>29</sup> Tahe tamy

dirawyoñde: —Waha, araõkre hewa. Ihãrele tahe tawo rirahõre rakremy. Tahe rare.  
<sup>30</sup> Idi tahe tyby rarybere helÿÿna-õ: —Kai tule makre waaõmysÿdÿÿna biwinykremy: —  
 Dei wahe, arakre araaõmysÿdÿÿkre. Ihãrele tahe tii raõhyyre. <sup>31</sup> Adeereny inihe araÿraxikre.  
 —Tibohe weryrybõ aõma tybyrybe rityhynre? Tai tahe dirawyoñde: —Juduludule  
 irybe rityhynre. Tai tahe Jesuisi tamy rarybere: —Iny õrarudu tyhy heka wydena-wana  
 ralõkre biu bede rõtõna-õ. Ihãrele tahe kaiboho birõnybenyõtÿhy. <sup>32</sup> Joaõ Sebedÿÿdu dori  
 adeereny rarybere. Ihãrele tahe kaiboho ixitxireny aõrarureny-txi õhõtireny reakemy Deuxu  
 bityhynkemy. Kaiboho heka teramy tekoamahãte tahe sõwemy õrarudu mahãdu wydena  
 mahãdu rityhynrenre. Kaiboho tuu tabiteny te ihãrele teerytenkõte.

<sup>33</sup> Ijõ ijyymy arelykcre:

—Hãbuõ heka uva oworuhukÿle ritõbrõnyre. Tahe õtityna riwinyre. Tai tahe utã riwinyre  
 yrubudÿÿdu mahãdu itxerenamy.

Tai tahe rihuõtõre oworu wahe hãbu mahãduõ-õ. Tii tahe rabetÿÿnyrare taheto-ribi.  
<sup>34</sup> Iu uva bederaty kia siredenamy bede reareu, riherhe txuramy ixidee ritxuakemy wahe.

<sup>35</sup> Tai tahe huõtõdu mahãdumy heka teõdu mahãdulemy raõhõtõre. Ijõ tahe rirubunyre  
 ijõ manadile tamy rehunanymy rÿimÿhÿ. <sup>36</sup> Iribi taşÿ teõdu mahãduõ didyde sõwetyhymy  
 juhuna ludu ratyre. Tahe ixbyble tuu raõhõtõre juhuru iwese tuu rotÿÿnyra wesele. <sup>37</sup> Tahe  
 iwedytyhy rõhõtõnyre: —Aõma wariõrele kõi ariteõnykre. Tai tahe wariõre rityhynkre  
 heka. Tahe tariõre diteõnyde. <sup>38</sup> Tahe huõtõdu mahãdu weryrybõmy robireu, tahe  
 wideereny rarybere: —Kaa heka iwedu riõrele rare. Aõma iwedu rurukreu iaõna aõna,  
 ioworu heka ixideereny rikimynrenkre. <sup>39</sup> Tahe rirubunynrenre iumy-di rehurenre  
 oworuro-ribi. <sup>40</sup> Tahe Jesuisi rarybere: —Adeereny araÿraxikre aõbo iwedu tamynre ri-  
 winykre huõtõdu mahãdu-õ iu tii rehemynkreu wahe. Timybohe tii riwinykre? <sup>41</sup> Tiiboho  
 dirawyoñdenyde: —Kia rirubunykre ibutumy hãbu bina. Inywitxira-õ huõtõnamy ele  
 elemy wijuramy riatykre-õ riwahinykre. <sup>42</sup> Tahe Jesuisi tamy rÿÿraxire: —Kaiboho aõbo  
 Ryberiti-di tariaõletenyteri:

—Mana-di heka heto widÿÿdu rehymÿhÿre kia manale heto hãtxi-kì ritidimy roimÿhÿre.  
 Jiarÿ kia mana wese rare. Inynrÿ Deuxu kia riwahinyre. Tai awi heka rare. Ijõ  
 riwiõhenanyre, mana wahe.

<sup>43</sup> Tahe Jesuisi tamynre rarybere: —Tule jiarÿ adeereny ararybekre: —Deuxu Iõlõna heka  
 aribi ritakre. Tahe inywitxira-õ aribi riwahinykre. Inyõ txura wylemy riwahinykremy  
 Deuxu-õ. <sup>44</sup> Kia iny mana tyre resemÿhÿkre heka tii heka wiõrõmy ixõdumy rare. Mana  
 inytyre resekeki taşÿ iny risurusurunya. <sup>45</sup> Inyõ roholakeki kia aõbo aõma xiwena  
 wahidÿÿdu mahãdu roholamy rÿimÿhÿ tule fariseu mahãdu. Tule rexierymÿhÿrenre  
 tiiboho Jesuisi turenle rarybereri heka rierymÿhÿrenre. <sup>46</sup> Tai heka tii mahãdu rimykemy  
 idi riwisÿnymÿhÿ tahe iny sõwehekÿ lau ruberumÿhÿrenre. Iny mahãdu dori idi rõhõtõny tii  
 Deuxu rybeduõ ratximÿhÿremy.

## 22

<sup>1</sup> Jesuisi heka rexidelenre ijyymy relykremy: <sup>2</sup> —Timybo Deuxu Iõlõna rare ijyymy  
 heka relykcre. —Iõlõõ heka tariõre herinamy worana bedehesi riywinyre. <sup>3</sup> Iaõmydÿÿnana  
 rõrarukõmy rÿidi tahe teõdu mahãdu iõrysmy roire. Rexihumy rÿireriki iaõmydÿÿnana,  
 kanakremy wahe. Tahe õrysna noderamy reare. <sup>4</sup> Ijõ riteõnyre teõduõ iny ritobinykremy.  
 Aõhere tahaka, wabroneni kÿnyhe rerubunyre heka. Ibutumy heka waaõmydÿÿna re-  
 humy rÿireri. Tahe kedea keadea heka kõdõidenyke heka. <sup>5</sup> Tahe timy heka irybe  
 rityhynrenyõhyre. Iny sohoji sohoji tatÿyresi-di ijohona-õ, ijõ taaõmysÿdÿÿna-õ rea reare,  
 ijõ taoworu-õ reare. <sup>6</sup> Ijõ lobidÿÿna reburere teõdu mahãdu dee. Tii teõdu dee heka  
 rawobinare. Ijõ aõbina bina heka ritxienre ijõ rirubunyre dori. <sup>7</sup> Tai tahe iõlõ reburere  
 lobidÿÿna mahãdumy bina bina raõhõtõdÿÿnyre, rirubunyre. Ihãwã ritoonyre. <sup>8</sup> Tai iõlõ  
 rarybere teõduboho-õ: —Waworana bedehesi rexihumy rÿireri ibutumy. Kia iny mahãdu  
 ijoi juhuru retobinyra heka aõ ibina heka roire. Urile riõmysanymÿhÿrenre. <sup>9</sup> Tai tahe  
 ibutumy boibenykre hãwã-õ ibutumy iny-txi bekoabenybekre heka bitobinybenybekre  
 ibutumy waworana bedehesina-õ kedea keadeakremy. <sup>10</sup> Tai tahe didyde iny wiwihikÿ, iny  
 ityhy iny bina mahãdu. Hetowo tahe ritÿxire tÿmyra mahãdu-di. <sup>11</sup> Tahe iõlõ ralõre hetowo-õ  
 kia iny mahãdu dee rybemy. Tahe tii robire hãbuõmy kia worana bedehesi kia tykyõmy  
 ratxirerimy. <sup>12</sup> Tai tahe tami iõlõ rarybere: —Waliiny, aõherekiwe worana bedehesi kia  
 tyky-di aõkõ atxiteri? Kia tahe hãbu rybeõmy riijere. <sup>13</sup> Tai tahe iõlõ aõma rarybere  
 teõdu mahãdu-õ: —Bimybnyke kaa hãbu. Waa bitaataabenyke imy behubenyke tahe idi  
 diõlõdÿÿmy idi rehukre luruhukÿ-õ. Tai Aõhõkÿmy dÿÿnana-ki tai txuraruti rikyikyiny.  
 Tai rahinykre. <sup>14</sup> Tai tahe Jesuisi rarybere: —Sõwemy iny heka kidirahukre tahe ibutemy  
 kanaarikre.

<sup>15</sup> Tai tahe fariseu mahādu rōhōnyre wii rotyre. Aōbinamy Jesuisi rarybekeule heka rimykyemy idi rjymyhj. <sup>16</sup> Kia aōma fariseu ijoiō heka riteōnyre Jesuisi-ō. Tule Herodi ijoi mahādu riteōnyre. Rjȳraxire Jesuisi-ō: —Erydȳjdu, kai heka hābuwi tate, hābu ōbiti. Kai heka tōbedeerydȳmahāte Deuxu deewinamy. Awire aōbo ariōwynyrenykre Roma hāwā mahādu dinodu-ō. <sup>17</sup> Kai heka ixinamy aōma adee iny rarybererimy ihjre. Timybo iny raraykynyerimy ihjre. Iny bede ywinareny aōbohe ixinamy nieru aōna aōna ōwydȳnyamy rōhōnyke aōbohe awire? <sup>18</sup> Tai Jesuisi heka rierymyhj aōma awimy aōkō tai rahareri heka rexierymyhjre: —Kaiboho ōbitimy aōkō toite. Aōherekibo heka kai biwaitxenany-benykemy wamynomy wadi atxitenyteri? <sup>19</sup> Timybohe nieru-ki rakaharenykre aōna aōna ōwydȳnyamy. Biditeōsinyke kia-ō arierykremy. Tai tahe tamy riteōsinyre womati nieruō. <sup>20</sup> Tahe Jesuisi ritjȳraxinyre: —Motyytybybo koa rjire. Monibo ityre-ki koa roire? <sup>21</sup> Tai tahe rirawōnyre: —Roma hāwā iōlōnile tai roire. Tai tahe Jesuisi rarybere: —Tibo Roma hāwā iōlō nierubo heka tamy biwahinykre. Tibo Deuxu nierule tasj tamy biwahinykre. <sup>22</sup> Tai tahe urile ribedeōtiidȳnyre. Tai ririrenyre rōirenyre.

<sup>23</sup> Tahe kia txule saduseu mahāduō heka dōidenyde Jesuisi-ō. Rityhynyōhyymyhjre kia aōma rubu-bibi ixinana heka rityhynyōhyymyhjre, saduseu mahādu wahe. <sup>24</sup> Tamy rarybere: —Erydȳjdu, Moisesi tyriti heka kawesemy ribedeerynyre:

—Aōma hābumy hāwyy heridumy roikeki aōbohe timykibo hāwyy uladu-di ratxikeki. Hābuō iriōrekō-di rurukeki tai tahe iseriōre heka iriōrese tyby-wana roike. Tai heka kia hābu rubuweleu, kia derōwmy heka uladu ritybinyke.

<sup>25</sup> Aōu heka debō inatxi seriōremy kaki rasjnymy raremyhj. Telareny heka roire hāwyy my tahe iriōrekōlemy rurure. Tahe ihāwyytybyhe kia iseriōrewanale roire. <sup>26</sup> Iheljȳna sj tulle rurure. Kia heka ibutumy debō inatxi reurō tii-wana roihyre iriōrekōule. <sup>27</sup> Tahe hāwyy heka tulle rurure. <sup>28</sup> Tai tahe kia ruru-ribi rexixakreu tahe, tiwexe ihābukre? Ibutumy dorihe tii-wana heka roilehekylera. <sup>29</sup> Tai tahe Jesuisi rirawōnyre: —Kaiboho teerytenykōlemahātenyte timybo Tyriti-ki roimyhjre. Deuxu ruru tulle teeryōte. <sup>30</sup> Tii iny rubu-ribi rexixakreu iwitziramy rexixakre. Jjju wesemy ronykre. Timy heka hābumy hāwyy my roiōtyhy. <sup>31</sup> Kaiboho heka tetyhynytenyōhyymahātenyte rubu-ribi ixinana. Idi heka tariatenyōhyymahātenyte timybo Deuxu rarybere? <sup>32</sup> Kiamy heka rarybere: —Jiarj heka Abraō Deuxu rare. Ijai Deuxu rare. Ijaō Deuxu jiarj rare. Tii heka iru mahādu Deuxu heka tii ihjre rubu mahādu Deuxu aōkō wahe. <sup>33</sup> Iu iny sōwe ribedeerynyre, tahe urile iny ribedeōtiidȳnyre.

<sup>34</sup> Fariseu mahādu doidenyde Jesuisi-ō wii rotyrenyde. Roholareki wahe aōma saduceu mahādu ribedeōtiidȳnyrenydeki. <sup>35</sup> Bede ywina erydȳna mahāduō rjȳraxire heka aōmybo Jesuisi-ō. Tii rimykyemy heka idi riwisjnymy kia rybebinaōmy rirawōnykeki rimykyemy. <sup>36</sup> Tahe rjȳraxire: —Erydȳjdu, tibohe aōbo bede ywina kia-ribi aōnityhymhewe bedeōtiidȳnyamy ratximyhjre. Wakoreny inihe tuu bedelyyke. Tibo kidiōtiidȳnyamy ihjre. <sup>37</sup> Tahe Jesuisi dirawōnyde: —Iny Deuxureny iny iōlōreny luuke heka. Ibutumy awo-ribi heka iluuke, ibutumy aruruna-ribi, ibutumy arayky-ribi luuke heka. <sup>38</sup> Tii heka inatyhy bedeōtiidȳna tyhymy ratximyhjre ibutu bede ywina-ribi. <sup>39</sup> Ijō iheljȳna tahe iwesele heka rare: Iwese ixiluure wese heka ibutu luuke. <sup>40</sup> Ibutumy Moisesi bede ywina heka juhū rare. Tule Deuxu rybedu mahādu erydȳna heka iribile rare. Kia bede ywina inatxi-ribi heka ibutumy iny bede erna rōhōnyre. Kia inatxi bityhynomy bohonykeki iuhe heka tetyhynmahāte.

<sup>41</sup> Iu fariseu mahādu iweroramy rjymyhjō tahe rjȳraxire Jesuisi tamy: <sup>42</sup> —Mobo Deuxu deōdȳnyamy ihjre, Kristu wahe? Moriōrebo tii ihjre. Tai tahe tiiboho rirawōnyrenyde: —Moma Davi riokore ōsana. Tahe ijō Jesuisi rjȳraxire: <sup>43</sup> —Tai tahe aōherekibo Davi heka Wanyrjmy rininire Deuxu Tytybytyhy irybe riwiōhenanyre wahe. Davi dori kawesemy rarybere: <sup>44</sup> Deuxu wawedu-ō rarybere.

—Bodonyke warurunawe-ribi, jiarj heka aōludu mahādu-di arawo-txi.

<sup>45</sup> Davi tawedumy Kristu rininirehāre, timykibo Kristu iriokore riokorekre. <sup>46</sup> Tahe inyō heka Jesuisi rirawōnyōhyre. Tai tahe ruberumyhjre tamy rjȳraxike lau.

## 23

<sup>1</sup> Jesuisi heka iny sōwe nihikj ribedeerynymyhj taerydȳna mahādu-wana. Tii rarybere: <sup>2</sup> —Judeu bedeerydȳjdu mahādu heka Moisesi bede ywina bede erydȳna mahāduō rare. fariseu mahādu tule bede ywina riwinymyhjrenyde. <sup>3</sup> Iwese ribedeerynyre wese tahe bityhinykre. Uritere iwese tii riwinymyhjre wese uritere iwidjȳōmy. Aōwidjȳmy rarybemyhjrenyrehāre tahe aōwitzira heka riwinymyhjrenyde. <sup>4</sup> Tiiboho heka atyreneny riōdōnynihikjmyhjre bede ywina. Ihāre tahe rityhynyrenyōhyymahārenyde. <sup>5</sup> Aōma ōbitimy ratxike sjny heka iny tamy roholamyhjre ixi-di ratxirerimy ihjre. Aōma walabu riōreō heka rjymyhjre axiō-ki bede ywina heka ritidimy roimyhjre ityky ijeti retydyna bede ywina-txi

tôhōti reakeemy tuu riwinyrenyrene. Sōwemy heka iretydyna riwinyrenyrene. <sup>6</sup> Ronymyh̄yreu heka ikodhōk̄yle ronymyh̄yre, worana bedehesina r̄yi-wana wahe. Dohod̄ȳna heto-ki heka tule ronymyh̄yre, iko-ò tuu rexis̄nymyh̄y. <sup>7</sup> Hāwāy-ki iny tamy ryrymyh̄yre: — Waeryd̄ȳdu, Habimy, kia tahe irybe-ki bede eryd̄ȳdu rare. Tii tahe tamyreny awire. <sup>8</sup> Tai tahe Jesuisi tamyreny rarybere: —Kaiboho heka uritere Habimy inyō adeereny irykōmy ih̄yke. Deuxu sohojile bede eryd̄ȳdu heka rare. Ibutumy kaiboho seriore wesemy atximah̄atenyete. <sup>9</sup> Kasu-ki taheka inyō heka tiu wahamy inyō widee rarybeōtyhy Deuxu biu-ki ratximyh̄yrelu tuu bininibenyke heka. <sup>10</sup> Uritere Wawedu mȳy inyō kia nid̄ȳyōmy. Deuxu deōd̄ȳnale heka awedu ratximyh̄yre Mesia wahe. <sup>11</sup> Anihik̄ȳmy ixi-di mohōtinykeki tahe, kia iny biwiōhenanyke. <sup>12</sup> Kia ityhy rare ixi-di rōhōtinymyh̄yre, tii heka ihewo-ribi rabe-dewokre. Ihewo-ribi tahe aōma aōkō relekre. Kia iaōkōmy ixi-di rōhōtinykre tahe nihik̄ȳmy heka relekre. <sup>13</sup> Belāhāxe! Kaiboho itxenad̄ȳyluku. Ibina adeereny kanakre, kai bede eryd̄ȳna mahādu, fariseu mahādu. Kaiboho uritere iny rōted̄ȳyrenyōmy Deuxu Iōlōna-ō. Kaiboho birōnybenyōtyhy tule iny rōted̄ȳy-ō biebenyke. Kaiboho bexis̄nybenyke ōbitinamy. <sup>14</sup> Aixitōed̄ȳna rehereheki wahe hāwā ube-ki. Kaiboho urile iny teitxenanyamah̄atenyete. Aōma wytese urimynodu heka iheto-ribi teteōnymah̄atenyete kaiboho heka abinarenyrene. Tai heka kaiboho yla aōkō aōhōk̄ȳmy bot̄ȳnybenyke. <sup>15</sup> Belāhāxe! Kaiboho ibutumy iny araty-hynyrenykemy ixi-di tahōtinyamah̄atenyete. Tai heka iny tes̄ynymah̄atenyete ōrarudutyhy my wahe ixiratyre heka tejjirad̄ȳnymah̄atenyete. Aōraru-ki heka aōhōk̄ȳmy bot̄ȳnybenyke. Iny-di atxikemy heka tahōtinyamah̄ate. <sup>16</sup> Kaiboho ruetā mahādu wesemy kai ah̄ate. Kaiboho heka kia wesemy tebedeerynytenyete. Inyō heka Deuxu bede eryna heto riwawiohenanykeki heka aōna aōna ariwinykre. Mȳy marybebenykeki, heka aō aōkō heka rare. Deuxu dohod̄ȳna heto womat̄i t̄yr̄r̄yh̄k̄ȳ-di marybekeki heka, tii heka rityhynhy. Ibutumy heka kia bede ywina ōta ōta tewinymah̄atenyete. <sup>17</sup> Kaiboho heka bede eryd̄ȳdu bede erytyhykō mahādu atxitenyteri dohod̄ȳna heto kia-ō ralōkeki. Aōbo bedeōtiid̄ȳna tyhyre womat̄i t̄yr̄r̄yh̄k̄ȳ aōbo ada dohod̄ȳna hetole aōbo teeryōte, Deuxu Dohod̄ȳna heto wahe. <sup>18</sup> Kaiboho tule tebedeerynyete kawesemy. Inyō tarybe inatyhy-di rarybekeki, tai heka kia xiwena wahid̄ȳna-di rarybekeki, tai tahe tii rityhynyōkeki, awira. Tahe tii xiwena wahid̄ȳna tyre-ki rarybekeki tahe, tii ōbitimy heka rarybeke. <sup>19</sup> Kaiboho ruetā mahādu wese, kaiboho heka eryd̄ȳnakōdu mahādumy toite. Aōbo awityhyre? Xiwena wahid̄ȳna aōbo ada ityre-ki wahid̄ȳna roimyh̄yre aōbo? <sup>20</sup> Wahisid̄ȳna heka wiwesele rare. Aōma xiwena tyre-ki roire wana tule wiwesele rare. Aōma xiwena tyre-ki roiore wana wahe heka aō aōkō rare. Xiwena utāle heka rierymyh̄yre inatyhy rare. Myheka kai mararybekeki heka tai tahe kai heka xiwena utālemy tarybeteri. Ibutumy iny ityre-ki r̄yire bohomy tule heka tai tuu tarybeteri. <sup>21</sup> Deuxu dohod̄ȳna heto ōraru-ki kai koityhyxemy marybekeki heka tai heka kai dohod̄ȳna hetomy tarybeteri hāre tahe Deuxu iwo-ki ratxirerilemy tuu tarybeteri. <sup>22</sup> Biu ōraru-ki ka koityhyxenyteri marybekeki, Deuxus̄ȳmy tarybeteri. Tii dori tarynana-ki ronryeri. <sup>23</sup> —Belāhāxe! fariseu mahādu! Kaiboho heka itxenad̄ȳdu mahāduō toite. Tule bede ywina bede eryd̄ȳdu mahādu. Adeereny heka ibinamy ratxikre. Ar̄ȳs̄ȳna uri juraō heka kai Deuxu-ō tewahinyete, hortelā, erva-doce, cominho wahe. Kaiboho heka aōninihik̄ȳ tetyhynytenyōhyamah̄atenyete. Iwese ōbitina, ruxetōena, inatyhyna kia-ribi heka ōhōti losamyh̄yre ibutumy. Aōmyd̄ȳna jura wahisid̄ȳna heka awi rare. Tahe tule uritere ōhōti losaōmyke aōwitxira-ribi wahe. Aōbo bedeōtiid̄ȳnare bede ywina-ki. Kaiboho heka bede eryd̄ȳdu toite hāre tahe teerytenyōte. <sup>24</sup> Belāhāxe! Kai hābuō wese rare. Tiiboho imona berareny-ribi ohoruxōmo riarimah̄are. Ihārele tahe tiiboho irōdu nihik̄ȳ rir̄ȳs̄ȳmyh̄yre. Iwesele kaiboho tule ter̄ȳs̄ȳmyh̄ytenyete. <sup>25</sup> —Belāhāxe fariseu mahādu, bede ywina bede eryd̄ȳna mahādu. Amona deoreny tesuhōmah̄atenyete iwe. Iwo tahe ka isuhuk̄ȳlemy r̄ȳimyh̄yre. Itxenad̄ȳna r̄ȳire. Aōma aumy wesemy heka kia ratximyh̄yre. Aōma aumy heka webōrōsity tyrare heka. Araykywo-ki tahe ibutu itxenad̄ȳy heka tai r̄ȳimyh̄yre. <sup>26</sup> Belāhāxe fariseu mahādu! Kaiboho taruetā mahādu. Kai mona hynawo bisuhōke heka biōtinyke. Aōma bisuhōke ih̄yre tahe arayky bityranykre. Tahe ibutumy heka aumy ryranykre. <sup>27-28</sup> —Belāhāxe fariseu mahādu! Kaiboho heka koityhyxenyteri. Rubu heto wiwihik̄ȳ ixideereny tewinymah̄atenyete. Kaiboho heka iwesetyhylyemy toite. Aōma webōrōsitylydu heka iruxeramy idi toite. Aōma aworeny-ki tahe aōma iny rubu idi rōhōk̄ȳdileka atxitenyteri mah̄atenyete. Ibutumy aōbina bina awo-ki arayky-ki idi atxiteri mah̄atenyete. Aumyreny-ki heka tykywihik̄ȳ texitykny mah̄atenyete. Aōma hābu wihik̄ȳwesemy. Hābu ōbitimy matxibenyke myheka iny adi rōhōtirenkemy heka tuu texityknyamah̄atenyete. Araykywo-ki tahe arimyrenywo-ki tahe ibutu itxenad̄ȳna-di heka toite, ōrarudu mahādu toite. <sup>29</sup> Belāhāxe! Tai heka kaiboho Deuxu rybedu mahāduō rirubunyrene. Kaa nohōti ijaranamy tuu tewinymah̄atenyete. Awabederenywo-ki heka noi-ja ruxerahak̄ȳle tetidite. <sup>30</sup> Kaiboho heka tarybemah̄atenyete. —Tuu wahareny riwinyrene wese heka ariwinyrenyōtyhy. <sup>31</sup> Kiamy tarybetu heka hābu bina riore texininite.

Bowesele toite. Iriöre toite. <sup>32</sup>Iwese juhuhu ibinamy riwinyre wese heka iwesetyhyle aõhebo tatýñmahätenyte. <sup>33</sup>Iwese hemylala deboreheký wesemy heka kaiboho atximahätenyte. Boreny tule iweselere. Timybo heka kaiboho heõty bede-ribi mahenybenyke? Kaiboho heõty bede-õ boibenyke. <sup>34</sup>Adeereny ariteõnykre aõma Deuxu rybeduõ hãbu erydu, tyyriti erydu wahe. Kaiboho bidirubunybedenykre. Ohodýñna heto-ki ijõ bidihetenybedenykre awaru hetenaõ-di. Itxeõtyre-ki ijõ bidirubunybedenykre. Ijõ heka biheludumykre hãwã hãwã-õ tamy ibinamy riwinykre. Aõhõkýmy dýñnana heka tamy biwahinybenykre ijõ hãwã-õ rakreu. <sup>35-36</sup>Kia heka hãbu ibutumy rurure tyby õraru-ki wahe. Dohodýñna hetowokile rirubunyenre. Kaiboho Abeli juhuhu terubunyenyte ikonana tahe Zacaria, Barakia riöre wahe. Õbitityhy juratya-ki heka tuu tewinytenyte. Wijinabõdu mahãdu tai aõhõkýmy rotýñnykre. Ibutumy ibinamy kai atyre-õ kedesekre. <sup>37</sup>Jesuisi ikonana tahe rarybere: —Jerusalẽ hãwã mahãdu, kaiboho heka terubunyenyte Deuxu rybemy rybedu mahãdu. Jiarý heka aramykye adi rewisýnyreri wariöre wesemy tahe waderarenre kaiboho. Iwese hãnieõ iriöre ridyre wese idewo-ki. <sup>38</sup>Aheto heka ixisohojilemy rýimyhýre. <sup>39</sup>Kaheka ararybekre adeereny: —Wamy heka bobiõtyhy ixityre. Kai heka Deuxu deodýñna bidykreule wamy bobikre. Iu rarybereu, Deuxu deysanamy, wamy bobikre.

## 24

<sup>1</sup>Iu Jesuisi rõhõnyreu dohodýñna-ribi, ierydýñna mahãdu tamy rarybere dohodýñna heto itxeremy rõkemy, eleri-õ wahe. Tai tahe Jesuisi dirawýnyde: <sup>2</sup>—Inatyhy rare, awi heka rare. Urile tahe kidiixãwididýñnykre heka. Timy heka manaõ wityre-ki roiõhyykre. Ibutumy bede-õ idi rehukre. <sup>3</sup>Iribi tahe Jesuisi rehemynyre Oliveira hãwãlõ-õ heka ronyre. Tai tahe erydýñna mahãdu tii ritýñraxinyre iny sõwe-ribi: —Tiubohe ibutumy kedeixixãwididýñnykre. Tiuboho ibutumy bede konanadýñnamy reakre. Timybohe rikieryrenykre kai bedehemykye aõma bede ibutumy rehukre. <sup>4</sup>Tahe Jesuisi tamy rarybere: —Uritere inyõ aitxenadýñnykre. <sup>5</sup>Sõwemyhe iny itxenadýñnamy rýirakre. Jiarý Kristu rare, Deuxu deodýñna heka jiarý rare, myheka adee kanarybekre. <sup>6</sup>Kaiboho heka boholumy mabekre iny aõbina rõhõnymyhýkre: bohohamahãkre. Ihãre tahe iny rarybekre aõma: —Karibi heka aõbina urihimýõ rõhõnykre. Myhe rarybemahãkre. Ihãrele tahe koddõseõkre aõma ikonana urihimýõ. Ibutumy heka kia wesemy relekre. <sup>7</sup>Aõma kia wesemy heka bede roimyhý rarekre aõbo iny wixira wixira heka ibutumy iõlõna heka riteranymyhýkre. Aõbinamy. Tai heka raadõbinanymy rýirakre. Aõma rama ijara reakre. Bede ibutumy ramytatakre hãwãõ-ki. <sup>8</sup>Kia heka iwese hãwyy uladu dese wesemy robumyhýre wese tukre. <sup>9</sup>Adeereny heka aõhõkýmydýñnana tiiboho riwahinykre aõma wani õraru-ki wahe. Ijõ kaibohoõ heka ararubunyenre. <sup>10</sup>Sõwemy heka iny riatymyhýkre wary-ribi heka riatymy ririmyhýkre. Wii rityhenymyhýkre. Wídee rakyarananymyhýkre. <sup>11</sup>Rybebina rybeduõ heka sõwemy kedehemykye tahe kia heka sõwemy iny riitxenanymyhýkre. <sup>12</sup>Iu heka õraru nihiký iu rõhõnykre roimyhýre. Sõwemy heka luuna-di rýiramyhý katahe wiji ixãwikre heka ihomý aõkõ relekre. <sup>13</sup>Kia idi hyy rýirakre ikonana-õ. Tii mahãdu tahe tarasanamy reakremy rýira. <sup>14</sup>Ibutumyhe kia iny-õ rybe týnydýñnamy reakremy rýira, Deuxu Rybewihiký Týmyra wahe. Ibutu iny wixira wixira heka rohokre rybe wihiký-õ. Kia rahudi hikýle heka taheka kedehemykye heka ikonana. <sup>15</sup>Aõbinahaký tyhybohe ibinatyhy rýikre. Tii heka rýikre heka aõma Deuxu ubetyre-ki, Deuxu isý-ki, kiaweselemy heka rýikre. Bieryke aõbo kia rare. Bieryke aõbo kia rare Danieli heka Deuxu rybeduõ ihetxiu kiamy heka rarybere:

<sup>16</sup>—Judeia mahãdu bede-ribi tahe kia bihenybenyke. Ibutumy heka bõibenykre hãwãlõ bede-õ biõturõnykre.

<sup>17</sup>—Kia bededýñnanau heka tii aõ bimýõtyhy aheto-ribi. Tiiemy heka rõhõnyhykyle rakre aõwesele wahe.

<sup>18</sup>Iu bedero raaõmysýdýñkreu heka tii koddõseõtyhy tatyky itxemy. <sup>19</sup>Tule aõma hãwyy bõtõmy rýira kia bedeu aõhõkýmy rotýñnykre rýira. Kia tohouã-di ratxireri tahe tamy isirakre heka itybiedýñ idi rakeõ heka isirakre. <sup>20</sup>Bedejutytykõkemy heka bexitõenyke ahena mahenyke. Tule sabado txu aõkõkemy bexitõenyke. <sup>21</sup>Tiu heka aõhõkýmy dýñnanamy iny rotýñnyõhymyhýre kaa aõhõkýmy dýñnana nihikýmy. Tule tii tuu robiõhymyhýre. <sup>22</sup>Kia Deuxu irokorehemy wana heka ibutumy iny ituekre. Kaa urihimýõlekre wana tahe kai Deuxu hõrõ mahãdule tuukre. <sup>23</sup>—Aõma Mesia heka kowa-õ rehemynyra, Deuxu deodýñna wahe. Ihãre tahe kai heka inyõ adee rarybekeki tahe tetyhynyõhytte heka. <sup>24</sup>Kia iu kedehemykye tahe aõ Kristu tyhy aõkõ heka rarekre. Aõma rybedu itxenadýñdu heka tule aõna aõna wiwihiký riwinykre. Aõma ityhydýñdu dori riitxenanykemy idi riwisýnykre: <sup>25</sup>Boholake, juhuhu dori adee relyreri ibutumy aõhebo rotýñnykre. <sup>26</sup>—Aõma arateõwarinyre dori tuu. Kia Mesia, Deuxu Deodýñna heka rõõsereri. Beteheke bederahy-ki, tule hetowo-ki. Iu tahe timy heka tamy itxeremy raõtyhy inatyhy aõkõreki. <sup>27</sup>Iu jiarý Deuxu Riöre Hãbutyhyky areheminykre ibutumy heka rierykre loosõna delaana wesele

heka wadehemynyna heka rarekre biu ibutumy rit̃xinykre. <sup>28</sup> Iwese aō rubu roimyh̃yre, rara heka tamy rabutumyh̃yre. Kaiboho rierykre iu rehemynykre. <sup>29</sup> Iu kia bede d̃ỹnana my reakre tahe txulyby heka kōdōhōnykre. Ahādu tule rybinykre. Taina tule ixewesehek̃yle kanakre. Ibutumy ramytatakre biu-ki. <sup>30</sup> Iule tahe kia wadehemynynamy iny robikre. Sōwemy heka hinana ibrunana bede bedemy r̃yirakre. Ibutumy heka iny robikre wadehemynynamy biuwetyky-ki, jiar̃y dori, Deuxu Riōre, Hābutyhyhyk̃y rare. Loosōna ruruna sōwekre, tahe arehemynykre. <sup>31</sup> Tule wajurōna-di, ʃju aditeōnykre iu, ajurōna wod̃ỹh̃yk̃y-di. Tahe ibutumy wahōrō mahādu he ixidee aributumykre bede bede-ribi, ibutu rehetyhy-ribi wahe. <sup>32</sup> Jesuisi tule relyyre: —Ijyōmy heka ako arelyykre. Kai heka ibede erylunamy bimykre. Iu kia figueira òwōru hābu wiji tybiehek̃y. Kia aōma iruru t̃myra rurunymyh̃yré. Tule aōma txirubō t̃myra rōhōnykre. Tiu tahe bierykre. Kai iōhōra bohe wyra. Myhe tamy besekre. <sup>33</sup> Iwesetyhyle taheka kai heka bierykre. Aōma wadehemynyna rōhōny relekre wahe aōbitikre wadehemynyna iu, aōhōk̃ymyd̃ỹnana wahe. <sup>34</sup> Tiu kia beded̃ỹnanaule heka bedekōnykre rexihukre. <sup>35</sup> Biu heka bede-wana ituekre warybe tahe aōu aōu heka r̃yihyymy rarekre. <sup>36</sup> Inyō heka rieryōhyymyh̃yre. Tiubo txuu ruu kai konany r̃yimyh̃yre wahe ʃju dori tiu rieryōhyymyh̃yre. Aōma, jiar̃y Deuxu Riōre dori rieryōre. Aōma Waha Deuxule tahe rierymyh̃yre. <sup>37</sup> Noe beded̃ỹnana wesemy heka r̃yimyh̃yre iny risinykre kia bedeu. <sup>38</sup> Ibutumy heka worana bedehesi r̃yikre kiau. Lisisō tahe r̃yikre. Herina lisina aōma hāwyymy herina. <sup>39</sup> Tahe Noe beded̃ỹnana wesemy heka reakre. Iu heka beōra rariare. Tahe rityyhynyōhyyre tiuboho. Tahe heka raōwōnyre rariare ibutumy ituere. Iwesele tii heka rarekre heka, wadehemynyna Deuxu Riōre Hābutyhyhyk̃y wahe. <sup>40</sup> Inatxi hābu heka oworu-ki raaōmys̃ỹd̃ỹkre. Ijō heka rakre dynamy reakre. Ijō tahe rarikre. <sup>41</sup> Tule inatxi hāwy heka raaōmys̃ỹd̃ỹkre heto-ki ratxikre mai risyrenykre. Ijō heka dynamy reakre ijō heka rarikre. <sup>42</sup> Tai heka iny rexiywinymy r̃yimyh̃ykemy rybe roimyh̃yre awedureny kanakreki. Tiubo rehemynykre, teeryōte. <sup>43</sup> Aōma hābuō kanakreki heka tiu aōma hābuō itxeredomy ronykeki heka, tiu hābuō iribi rawasinōtyhy. <sup>44</sup> Bexiywinymy heka wadehemynyna biijemy bonykre, jiar̃y Deuxu Riōre Hābutyhyhyk̃y wahe. <sup>45</sup> Ijō Jesuisi relyyre: —Inyō tadinodu deōdutyhymy ratxikeki, tii aōmys̃ỹd̃ỹna riwinyhyy ronymyh̃yke tamy. Itheto riywinyhyyke. Teōdu mahādu txuō txuōlemy riwinyamahāke. <sup>46</sup> Kia riwinykeki, deysamy rarekre teōdu rehemynykre. <sup>47</sup> Inatyhymy ararybekre: —Kia deōdu tadinodu aōmys̃ỹd̃ỹnana ibutumy idi riwinykre, riyrubunykre. Tii ibutu wedu rarekre. <sup>48-49</sup> Ibinamy tahe tii rōhōtinykeki, kiawesemy riwinykre: Deōdumy raōhōtemyh̃y, lisilemy ronymyh̃y, riroximyh̃y momodu mahādu-wana riōmyh̃y. Tii ixidee rarybekre: —Wawedu kedehemynyōtyhy, aōtxile ariwinykre. <sup>50</sup> Iu rehemynyōkremy rōhōtinykre, iwedu kiaule rehemynykre. <sup>51</sup> Tai tahe raōhōtebinakre. Heōty bede-ō riteōnykre, Iwese itxena mahādu tii riteōnykre wese. Kia-ō rahinykre, robukre, txuraruti rikyikyinyymy aōhōk̃ymy d̃ỹnana òraru-ki.

## 25

<sup>1</sup> Jesuisi ijō relyyre: —Kia txu heka Deuxu Iōlōna ka ijyy wesemy rarekre. Debōwiō ijadōma heka hābumy herina riraōmyh̃yreny. Iny sohoji sohoji heka toosōna riwyre iximynamyna. <sup>2-4</sup> Iruyrela tahe tōhōti reare aōma ad̃ỹ-di rit̃xinykemy. Ihony tahe tōhōti rosare iruyre was̃y, ijō tule ihyna-ki riwykemy. <sup>5</sup> Weryrybō rehemynyōre, tai tahe ijadōma mahādu ele rihynymy r̃yimyh̃y tehemynyna riraōmyh̃yreny. Iny sohoji sohoji heka toosōna riwyre iximynamyna. <sup>6</sup> Tai tahe rarybera: —T̃myra mahādu-ō wahe rehemynryeri. Birybenybenyke ruwetya. <sup>7</sup> Tai tahe ijadōma mahādu he rituranymy r̃yimyh̃yre. Toosō it̃nytyhymy rookemy. <sup>8</sup> Kia ijō tahe tōhōti rosare mahādu tahe uritere rijere. Itood̃ỹmy idi riwis̃ynymyh̃y. Aōma widee he rexitōenyre: —Urihimykō inihe wahōrō-kō biditxiwike karihukōtekre. <sup>9</sup> Tai tahe kialemy ris̃ynyre: —Anokōre wadehunale dokuri r̃yire. Bikōryke tahe ijō itxe tahe. Maa. <sup>10</sup> Idi tahe rōireny iōbrad̃ỹmy. Tai titxi tai rohonymyh̃yreō. Iōrysmy iōbrad̃ỹmy rōirenyra rookile tahe dehemynde kia t̃myra mahādu wahe. Tahe rironyreny ibutumy riroxikemy. Riratōbōnyreny. <sup>11</sup> Tai tahe kia iruyre ijadōma iōbrad̃ỹmy rare tahe dehemynde: —Wah̃i, itxōtōbōna wadeke bidiraknybedenyke! <sup>12</sup> Tai tahe kialemy rirawyōnyre: —Jiar̃y umyreny reeryōre. Kie riki ijyy. <sup>13</sup> Tahe Jesuisi rarybere: —Tai kaiboho bexiywinymy ahābenyke wadehemynyna biijebeny. Teerytenykōte dori tiubo adōōsekre.

<sup>14</sup> Tii ijō rarybere: —Ijō ijyymy adeereny arabedeerynykre timybo Deuxu Iōlōna raremy. Inyō heka rakemy ratximyh̃yre ijō bede-ō rat̃yinykemy. Tii tahe taaōmys̃ỹd̃ỹnana ririre teōdu mahādu-ki. <sup>15</sup> Tanieru tahe tamy riwahinyre timykibo isiraōmy nieru ritamyh̃yre myheka tamy riwahinyre. Ijō-ō 5000 riwahinyre. Ijō-ō 2000 riwahinyre. Ijō-ō 1000 riwahinyre. Idi tahe tii rare tabede t̃ynamy. <sup>16</sup> Kia iruyre ritara heka aōna aōna riōbranymyh̃yre. Diwymyh̃yre tas̃y idi rohonyrerimy ih̃yre. Tai wylemy heka inieru rabuture. Ijō ixityre

iruyremy ritxinyre iratryretyhy. <sup>17</sup> Kia ijõ inatximy tamy riwahinyre tasý tulere aõwesele raaõmysýdýýre ta ròtare tule ijõ inatximy ixityre. <sup>18</sup> Kia sohojimy tamy riwahinyre tahe urile riyrubunyre inieru hãloole riare tamy tahe riyrubunykemy heka riare. <sup>19</sup> Sõwemy rabelededýýnana-ribi tahe iwedureny dehemynde. Tahe tamyreny rarariõowyre takõtareny riõbitinykremy. <sup>20</sup> Iruyre riwyre heka debõwiõ diwyde: —Beteheiny wawedu ijõ iruyre anieru tyre rebutunyre. <sup>21</sup> Tahe tawedu sõwemy riwowydnyre iaõmysýdýýna wiihikýmy rõhõnyraki wahe. Kiamy heka tamy rarybere: —Õbitimy idi taaõmysýdýýteki heka. Sõwemy heka adee ariwahinykre riywinykemy. Aõwaxinyhe bitelenykre aõmysýdýýna. Kai heka wawana beysanihikýkre. <sup>22</sup> Idi tahe kia inatximy ròtare sý dehemynde: —Beteheke, inatxi tasý inaubiõwa ixityre adee rewinyra. <sup>23</sup> Tahe iwedu rarybere: —Awityhymyhe taaõmysýdýýta! Kai heka deõdu wihiký tate. Kai ibutedile sõwemy tewinynte tahe sõwemy ixityre adee ariwahinykre riwahinykemy. Kai heka wawana beysanihikýkre. <sup>24</sup> Kia sohojimy tamy riwahinyre tahe rarybemyhe retximyhý: —Kai heka hãbu nieru tarasaery heka tate. Aõ taaõmysýdýýteri-ribi aõkõ heka nieru tetamahãte. <sup>25</sup> Tai heka jiarý raberumahã alau watzireri. Tai heka rewore iny lau. Tahe tii sohojidile ratzireri. <sup>26</sup> Iwedu rarybere: —Kai heka eoruxerere, awi aõkõ heka tate! Inyõ tehuõtekõta heka idi urihimýõ ityre ròtakelemy wahe. Kai tiwaeryte wahe. <sup>27</sup> Aõherekibo banco-ki aõkõ tetidite. Kia huõteõwy wanieru-ribi ritarerimy ihýre. <sup>28</sup> Bitabohe kia nieru-di atxitere, tahe kia debõwiõ ritaraõ wahe biwahinykre. <sup>29</sup> Kia õbitimy raaõmysýdýýra heka sõwetyhymy ròtakre. Kia õbitimy raaõmysýdýýõmhyýre kia heka rõõnodýýkre. <sup>30</sup> Kia deõdu bimbyenyke. Tii dorihe ibinatyhyre inihe bede luruhuký-õ idi behubenykre. Tai heka tii aõhõkýmy rotýýnykre rahinykre.

<sup>31</sup> Jesuisi tahe ikonana rarybere: —Iu jiarý, Deuxu Riõre Hãbutyhyhyký, arehemynykreu heka Waiõlõnary-õ aronykre. Arehemynykre waýju mahãdu-wana. <sup>32</sup> Ibutumy heka bede iny mahãdu wako-ki ributunykre. Iwese budoeni itxeredu heka tabudoeni, budõe-wana wiribi rihitxinyemyhe wese heka bede iny mahãdu wiribi arihitxinykre. <sup>33</sup> Wabudoeni heka warunawawe-ribi arisyýnykre. Budõe tahe wahywe-ribi arihitxinykre. <sup>34</sup> Idi tahe waruruna ludu-õ ararybere: —Manake hewa, beysabenyke. Waha Iõlõna-õ rokonykre. Myheka tamy ararybekre. Juhuu bedu ihetxiu heka ywimy adireny kia rýimyhýre. <sup>35</sup> Rama tahe riwasanyreu rýsýna wadee tewahinytenynte. Iu bemy rarureu, wadee tewahinytenynte. Jiarý heka tori rare asý-õ tiwadytenynte. <sup>36</sup> Jiarý heka watykyhoho aõkõu, kaibohole wadee tewahinytenynte. Binamy rýimy rarewãhã, waroramy tadõitenynte rõtenawo-õ. <sup>37</sup> Tai tahe õbiti mahãdu rarybekre: —Wanyrý, tiu taheka ramamy heka wadeereny teate —Adee rewahinyrenyre? Tiubo heka bemy tarumy tatemahã adee rewahinyrenyre? <sup>38</sup> Tiubo heka kai torimy tatemahã idi wahetoreny-õ aradyrenyre. Tiubo atykyõmy tatemahã-di, tyky adee rewahinyrenyre. <sup>39</sup> Tiubo rõtena-ki týimy tatemahã-õ ada webinadumy tatemahã-õ, aroramy rõirenyre. Wanohõti atxi reaõhymyhyýre. <sup>40</sup> Tai Jesuisi rarybere: —Jiarý, Iõlõ, tamy ararybekre: —Iu kaiboho waityhydýýdu seriõre mahãdureny-õ waõraru-ki tewinymy toitemahãu, wadeele tuu tewinytenynte. <sup>41</sup> Idi tahe kia wahywenawe-ribi ludu tamy ararybekre: —Boibenyke karibi kaiboho heka abinarenyre heõty bede-õ ihymy boibenykre ixi-di ariteõnykre. Diabo tatytybybinasý-õ idi boibenykre. Deuxu isý tamy riwinyre. <sup>42</sup> Tiu rama riwasareu rýsýna kaiboho wadee tewahinytenyõhyta. Iu bemy rarureu heka ijõ wadee tewahinytenyõhyte. <sup>43</sup> Torimy rarewahãu, tiu tiwatobinytenyõhyte. Tykyõ wadee tewahinytenyõhyte. Binamy rãimy rarewãhã rõtenawo-ki wororana webinadumy tahe tõiõhyte. <sup>44</sup> Tai tahe kiamy rarybekre: —Wanyrý, tiubohe tuu rewinyrenykrõre. Wanohõti heka reaõhymyhyýre aramamy rubuna-txi, abemy rubuna-txi, torimy tatemahãu, atykyõmy tatemahãu, rõtenawo-ki webinadumy tatemahãu wahe. <sup>45</sup> Tahe jiarý Iõlõ tamy ararybekre: —Kaiboho heka waityhydýýdu seriõreõ tewiõhenanyõmahãtenynte tai heka tiwawiõhenanytenyõte. <sup>46</sup> Tahe Jesuisi ikonanamy rarybere: —Tai tahe tii tiuhymy rakre heõty bede-õ, aõhõkýmydýýnana-õ. Õbiti mahãdu heka umytedeõna-õ rakre.

## 26

<sup>1</sup> Kia taijyy rahudi tahe Jesuisi taerymahãdu-õ rarybere: <sup>2</sup> —Ixityre inatxi txu-di tasý aõma Pascoa worana bedehesimy rýikre. Kaiboho tahe kia teerytenynte. Iu iny riwatyhenykre Deuxu Riõre Hãbu wahe. Irahu-di tahe itxeõnihiký-õ riwatamadýýnykre. <sup>3</sup> Tahe aõwesele heka xiwena wahidýýdu wedu mahãdu ributunyre heka judeu wedu mahãdu-wana wahe. Kaifa heto wii rotyre. Xiwena wahidýýdu mahãdu wedu wahe. <sup>4</sup> Wiwana heka raryberenyre: —Timybohe Jesuisi aõhebo rikisýnyrenykre aõma teburemy ijiranakõnahakýle. Timybo rikisiraõnyrenykre, rikimynyrenykre, rikirubunynyrenykre. Urile iny tuu rierykrõre. <sup>5</sup> Pascoa worana bedehesi rýireu tahe aõkõlemy idi rýire. Kia worana bedehesiko-ki iny raaõbinanykeki dori ibutuhukýlemy heka raaõbinanyke.

<sup>6</sup> Jesuisi heka rare Betýnia hãwã-ò hãbu tykybinaò-wana heka isý-ò rare, Simaò heto-ò wahe. <sup>7</sup> Iu iheto-ki riroximyhýreu tahe hãwyyò tamy rare aderòna lýnyrehekýò-di manaurahyna-ki. Tai tahe Jesuisi tyre ritxiwire, iratityre. <sup>8</sup> Ierydýýna mahãdu heka urihimyyò heka rebure riòre iòraru-ki. <sup>9</sup> Iowý nihikýtyhyre dorihe. Tai heka tanieru uriterehekýle rahuraki heka tai rawobinamy. Idi rohonykewile heka rare aõma iowý tahe iny aòkò mahãdu-ò riwahinkyewihikýle tii rõhòtinyre. <sup>10</sup> Tahe Jesuisi rieritythymy aõmybo tuu raryberenyrerimy: —Aòherekibo kaibohe ibinamy tarybetenyteri hãwyy-ò. Aòwidýýnana wihiký wadee riwinyreri. <sup>11</sup> Aõma kaibohe heka urimynodu mahãdu-wana ihyymy boibekre. Ibutulemy awanareny jiarý watxiwãhãde. <sup>12</sup> Tii heka wahãloodýýna riwaywinyra aderòna watyre ritxiwireu. Kia tahe wadee riwinyre. <sup>13</sup> Boholake, iny itxi tõhòti reahy rýirakre iòraru-ki. Rybewihiký Týmyramy ritýnydýýmyhýkre heka rierymyhýkre bede bedemy wahe.

<sup>14</sup> Iribi tahe Judasi Isariò, tii waò inatxi reurò rare, tii heka rõhònyre ierydýýna mahãduy-ribi. Tahe rare xiwena wahidýýdu mahãdu wedu-ò. Tahe tamy rarybere: <sup>15</sup> —Adeereny Jesuisi ariwahikre wana heka tiwesebo biwadwinybenykre? Kiamy tahe 30 prata womati nieru myhe tamy riwahinyre. <sup>16</sup> Judasi kia ribile rarunymy raremyhý dohodýýnaõmy Jesuisi tamy riwahinkyremy. <sup>17</sup> Pascoa worana bedehesi rýireule rexidenlenyre, Paò iuridýýkò, kia txu rýimyhý wahe. Jesuisi erydýýna mahãdu tai ritýýraxinyre: —Titxiwexe rikirýýkre Pascoa worana bedehesi jiarýboho dori ariwinyrenyremy? <sup>18</sup> Tahe Jesuisi rirawyyònyre: —Hãbuò hãwãhãký-ki ratximyhýre tii riwaeryre. Tahe tamy marybekre: —Wawedu kýny rarybereri aõma aheto-ki heka Pascoa worana bedehesina rirýýkremy taerydýýna mahãdu-wana. Ibededýýna dori iòhòre riki. <sup>19</sup> Tai tahe taerydýýna mahãdu kia riwinyre idi kowa worana bedehesi rýsýna riwinyre.

<sup>20</sup> Bedesòmy tahe tai riroximy rorukumyhýreny, taerydýýna waò inatxi reurò mahãdu-wana wahe. <sup>21</sup> Aõma inyò heka riwatyhenykre ratximyhýre. Jesuisi heka tuu rarybere: <sup>22</sup> —Mowexe tii rarekre. Tiibohe rabedewomy roire, tai tahe wídee rarybere: —Jiarý kòaòboka. <sup>23</sup> Tahe Jesuisi rarybere: —Kia wawana pratoro tebò rearerile taheka tiikre. <sup>24</sup> Iwese Deuxu Tyriti-ki Rybe roire wese heka arurukremy jiarý Deuxu Riòre Hãbutyhyhyký watxiwãhãre. Kia hãbu riwatyhenykre tahe tamy heka ibinatyhykre. Ratybienykròre wana inihe awityhyre. <sup>25</sup> Tai tahe Judasi ityhedýýdu rarybere: —Erydýýdu, jiarý aõbohe rare? Tahe Jesuisi tamy rarybere: —Kaityhy wahe tate. Kailè tarybeta.

<sup>26</sup> Tai tahe Jesuisi orotxu sohojiò rimyre ibutumy riroxireu, tahe riyreyrenymyhýre tahe inysohoji sohoji-ò riwahinyre. Tai tahe tamy Jesuisi rarybere: —Kia biybenyke heka. Waumy wese heka kia ratxireri. <sup>27-28</sup> Idi víi monahnaò rimymy rexitònyre Deuxu-ò. Idi tahe tamy riwahinyre iribi sohoji sohoji riòrenyke. —Biòrenyke kaa dori wahãlubu wesemy ratxireri. Tai sòwemy iny biu-ò rahenykre Deuxu dee. Ibutumy òraruna ixãwididýýmy heka tuu rõhònyra. Wahãlubu heka Deuxu, iny-wana wii riwoaxinykre rare. <sup>29</sup> Tahe boholake warybe-ò. Awanareny heka ixityre víi monamy ariòòtyhy. Kia Waha Iòlòna-ò dehemyrynahykyle tahe awanareny ixiby tuu ariòkre.

<sup>30</sup> Idi tahe wiuò rawiunynrenyre idi tahe Oliveira hãwãlò-ò rõrenyre.

<sup>31</sup> Jesuisi tamynreny rarybere: —Wijiru heka ibutumy kaibohe biwaribenykre. Tyriti-ki heka roire kiawesemy:

Budoeni-di itxeredu rirubunykre. Ibutumy budoeni raubýtýkre bede bedemy.

<sup>32</sup> —Waixixana kýnykreu tahe Kalileia bede-ki awanareny aratxikre. <sup>33</sup> Pedro tahe rarybere: —Ibutumy ararirenykre wana tahe jiarý aòkòre. Ararirenyòtyhy. <sup>34</sup> Tai Jesuisi heka Pedro-ò rarybere: —Kai heka hãnie dele robukòdile biwatxiò-ribi bexihukre, inataõmy wahe. Tuu wijiru rarekre. <sup>35</sup> Pedro dirawyyònyde: —Aòkòre wa, arurukre heka tahe urile aratxiònyòtyhy. Tule ibutumy ijò ierydýýna tule Pedro wesele rarybere.

<sup>36</sup> Tahe Jesuisi ridyrenyre bederaty oworuò-ò, aõma Kesemani ninadu-ò ridyre: —Kakile bonykre arakre dori itxìòedýýmy kowa-ò. <sup>37</sup> Tahe Jesuisi heka Pedro ridyre ixi-wana. Tule Zebedeu riòre wiwana ridyrenyre. Tahe Jesuisi rabedeòtiidýýre aòhòkým rotýýnyre bedeòtiidýý òrarukile. <sup>38</sup> Tii tahe tamy rarybere: —Kaki wawanale atxibekre. Watyytyby heka týxihikýlemy bedeòtiidýý-di ratxireri. Waki bexiebekre. <sup>39</sup> Urile tahe tako-ò rariareu tahe resere bede-ò. Jesuisi tahe tyby-ò rarybere: —Waha, rubu mona waribi bitake adeewikeki. Aòkòkeki tahe ariòkre, arurukre adeewilemy aòhebo arotýýnykre. <sup>40</sup> Idi tahe dòòsede kia ierydýýna inataò tai rõròmyhýò heka ixiby dòòsemy nade. Jesuisi rarybere: —Pedro! Kai heka timy sohoji horamy adi bede rýiòtyhy wawana. <sup>41</sup> Bexixaruhy atxibeke bexitòenymy. Aòkòkeki tahe òraruna kanamykre. Kai heka òbitimy matxikemy tahòtynmahãte. Aumy tahe ibinare heka arurukòre wahe. <sup>42</sup> Ixityre rare rexitòenykemy. Tahe Jesuisi rarybere: —Waha, adeewinale ariwinykre. Aòhòkýmydýýnana monamy heka ariòkre. Kia mona waribi bitaòkeki ihãrele heka arurukre. <sup>43</sup> Tai dòòsede tai rõròmyhýrenyòle heka nade. Tiibohe ixixamy rýiòhyre. <sup>44</sup> Tahe ròòsere ixybyle ikonanamy. Iweselemy rexitòenyre tyby-ò. <sup>45-46</sup> Idi tahe dòòsede taerydýýna mahãdu-ò rarybere: —Bexielehynybeny. Watyhedýýdu



naderi. Rexihumyhe rare. Hābubina mahādu rehemyntyre. Jiarý Deuxu Riòre Hābutyhyhyký, wahe. Bexixabeny, rakakre watyhedyýdu dori rehemyntyre.

<sup>47</sup> Tahe Judasi dehemynyde waðinatxi reuròð wahe. Jesuisi rarybereu, tii nade sōwemy hābu-di mayrehe-di, òhòte-di tōnori-di widotyde. Judeu mahādu wedu tahe iteòdýýdure xiwena wahidyýdu wedu wana wahe. <sup>48</sup> Juhuu Judasi tamyreny bede riywinyre. Kamy rexirybeny: —Iòsýny-ò aruwokrele heka tiikre. Tiile bimibenykyre. <sup>49</sup> Tahe Judasi rarybere: —Rareri, Wawedu. Iòsýny-ò ruwore. <sup>50</sup> Tahe Jesuisi rarybere Judasi-ò: —Iò, aòwaxiny aòbo biwinykre iwidyýmy tateri. Tahe Jesuisi imahādu rimyre. Ritaataare. <sup>51</sup> Tahe Jesuisi mahāduò mayrehe-di rimymy resere. Tai hābuò-ò reare. Tai tahe tōhòtile rikòròmy idi reare, xiwena wahidyýdu wedu deòduò wahe. <sup>52</sup> Tahe Jesuisi tamy rarybere. Aòkòre amayrehe birutyke irasirahanawomy. Kia dori inyò maydese rimymy resekre heka tule rurukre maydeselemy. <sup>53</sup> Karibi ixitarasamy arurukeki dori wahaòle ararybekre. Tai tahe waha sōwemy ýju kiditeònyke, 12 aòbinadu ijoi mahādu wahe. Kia teeryòtenyete. <sup>54</sup> Ihārele tahe ibutumy tuu bededyýnana relekre iwese ritidyýna-ki roimyhýre wese. <sup>55</sup> Tahe Jesuisi rýýraxire tamyreny: —Aòbo jiarý raremy wadi tahòtinytenyteri. Wasidu aòbo. Kai dori waòrysmy tehemyntyte maydese-di, tōnori-di. Aòherekibo wahe. Jiarý heka arabedeerynyreny txeò txeòlemy wahe Deuxu dohodýýna heto-ki. Aòherekibo taile tiwamytenykoòte kowa watxiwāhāure. <sup>56</sup> Kia ibutumy Deuxu Ritidyýna-ki roimyhýre. Tai tahe tuu bededyýnana relekre iwese Deuxu rybedu mahādu rarybere. Ibutumy aòna aònamy rotýýnymy raremyhý. Tai tahe taryberahu-di. Ibutumy iery mahādu iribi tahe robýtýre.

<sup>57</sup> Tiiboho heka Jesuisi ridyrenyre Kaifa heto-ò, xiwena wahidyýdu wedu wahe. Tai ibutumy judeu mahādu wedu ributumy bede ywina erydu mahādu tule wahe. <sup>58</sup> Pedro irehetyty-ribi riheludunyre. Iheto ube-ki tahe ronyre yrubu dýýdu-wana. Tahe rehery aòhebo rotýýnykremy. <sup>59</sup> Xiwena dinodu mahādu tahe ributumy Jesuisimy raruikremy heka rijemy. Aòma rirubunykre òbirele heka tuu rarybemyhý. <sup>60</sup> Tahe inyò-ki heka rahaòhyire turybedu wahe. Iny sōwemy tahe relyyre. Ihārele rirubunyòhyire. Iroona-ribi tahe inatxi hābu dehemynyde. <sup>61</sup> Tai tahe kiamyhe tuu relyyre: —Aòma Jesuisi rarybere: —Aòwesele heka Deuxu dohodýýna heto ariatymy idi areake. Inataò txudi tasý ixityre aòitamadýýke, ibutumy adiwinykre. <sup>62</sup> Tai tahe xiwena dinodu heka Jesuisi-ò ryyraxire: —Aòbo marybekre kia umy ijyy rohonyreriki? <sup>63</sup> Jesuisi tahe rybeòlemy ronyre roholare. Ixityre tamy rýýraxire: —Kai heka inatyhy tyhymy Deuxu Riòremy kai atximahāte. Mesia aòbohe kai tate? Deuxu riwaeryre inatyhymy rarybereri. <sup>64</sup> Jesuisi dirawyònyde tamy: —Kaile kia tarybete. Ibutumy iny-ò ararybekre: —Kaiboho ibutumy bobibenykre Deuxu Riòre Hābutyhyhykýmy, jiarýle wahe. Tii heka Deuxu rurunawe-ribi heka ronykre. Iribi tahe kanakre biuwetyky-ki. Jiarýle wahe tiire.

<sup>65</sup> Tai tahe xiwena dinodu tatyky riykare. Reburere kie: —Aòhere tahaka. Deuxumy heka ibinatyhylemy tarybemahāte. Ijò iny-ò aroholaòkre, rexihura! <sup>66</sup> Ibutumy kaiboho irybe-ò taholatenyteri, inatyhy? Aòbo rikiwinykre tii ibinatyhýre dori, rikirubunyrenykre tahe. <sup>67</sup> Tahe iòsýny-ò rarybexinyre. Rihetenyre. <sup>68</sup> Tamy ihetedýýdu rarybere: —Marybeke Kristu, mobo arahetenyra inihe.

<sup>69</sup> Pedro tahe ube-ki ronymyhý. Tahe ijadòma heka deòduò tamy rehemyntyre: —Kai anòbo Jesuisi Kalileia ludu-wana atximahā. Kumymy rabire. <sup>70</sup> Iny ibutuko Pedro rarybere: —Aòkòre, aòmybo arybe reeryòhykyreri. <sup>71</sup> Tai tahe rare ijò-ò. Ijò ijadòma deòduò rarybere kamahāduko: —Inatyhymy heka tiki Jesuisi Nazareludu mahādu tiki rare. <sup>72</sup> Ixityrele Pedro ritxiònyre: —Reerykòre wahe hābu. Tiu heka rabiòwāhare. Inatyhy rare. <sup>73</sup> Idi hābuò heka narybede tamy: —Inatyhy rare. Kakýny irybe weselemy tarybeteri, Kalileia rybe wahe. <sup>74</sup> Tahe Pedro rarybere: —Jiarý reerykòreri, tuu heka rabiòwāhare. Deuxu riwaeryre inatyhymy rarybereri. Iule taheka hānie hābu robumy reare. <sup>75</sup> Tahe Pedro tōhòti itxi reare. Jesuisi rarybere weselemy heka tii riwinyra. Ritxiònyre. Tai tahe Pedro ròhònymy reare heka rahinyhyre.

## 27

<sup>1</sup> Ijò biurasò ruidile tahe rýire. Xiwena wahidyýdu wedu ributumy judeu mahādu wedu-wana. Timywexe aòhe rikisýnyrenykre. Rikirubunyrenykemy heka idi watxiwāhāre. <sup>2</sup> Roma dinodu-ò ósana rikidyrenykre. Tahe tiiboho Jesuisi ritaataare idi ridyrenyre tamy, Pilato-ò.

<sup>3</sup> Judasi heka rieryre. Tai tahe tii rabadewonihikýre rityhenyreki wahe. Tai tahe raraykynyre tawo-ò raòhòrere. Tahe nieru òkesedyýmy idi ròhòtinyre. Tahe nieru diwyde, 30 prata womati nieru tahe riòkesedyýnykremy judeu wedu mahādu-ò, Xiwena wahidyýdu mahādu-ò. <sup>4</sup> Tahe Judasi rarybere: —Ixāwirahe, jiarý raòrarunyra hābu òbitityhymy ratximyhýrele rityhenyre heka. Tahe judeu mahādu dinodu rarybere: —Jiarýboho, kia aò aòkò

rare. <sup>5</sup> Tahe Judasi nieru-di bedetyrele rihure. Tahe rõhònyre iribi. Tahe rare. Rerotihiký-di rexibòtòtaare. Rexirubunyre. <sup>6</sup> Tai tahe xiwena wahidýýdu wedu riwryre nieru bede-ribi: — Aõwexe kanieru rikiwinyrenykre? Dohodýýna hetowo-ò rikirutyrenyke heka aõkõre. Aõma dori rare rubuòwmy iwahidýý heka rare. <sup>7</sup> Urile suòle rikiwinyrenykre idi. Tai tamy wabede rikiwinyrenykre. Aõma tori kaki rurukreu tahe rikitoonyrenykre tamyle wahe. Tai tahe tiiboho riwryrenyre aõma butxi widýýna subede heka riwinyrenyre. Kia heka inire suni wahe. <sup>8</sup> Kia bedero tahe rininire aõma Hålubu Bederomy heka rininire. Wiji tule ini rare. <sup>9-10</sup> Iwese Jeremia tyyriti-ki roire wesele heka tii riwinyre:

**Take 30** — Womati nieruò-di heka bedero riwryre butxiwidýýdu-ribi. Iwese kai riwateònyre wese. Kia iòwy rare judeu mahàdu-ò tamy riwahinyre wahe. Txiòdýýna ówy wahe.

<sup>11</sup> Jesuisi heka Pilato, bede dinodusý-ki ratximyhý. Pilato tahe tamy rýýraxire: — Kai aõbo judeu mahàdu iòlò atxiteri? Jesuisi dirawyònyde: — Kai tuu tarybeta. <sup>12</sup> Xiwena wahidýýdu wedu heka tamy rarybere: — Jesuisi rirawyònyòhyyre. Judeu mahàdu wedu-ò tule rirawyònyòre. <sup>13</sup> Pilato tahe tamy rarybere: — Kai aõbohe rybe-ò tahole. <sup>14</sup> Tule tamy Jesuisi dirawyònyòhyyde. Byy! Urile Pilato ribedeòtiidýýnyre. <sup>15</sup> Pascoa worana bedehesi bededýýnana tikiemy tuure. Ròtenawo-ribi heka sohoji beòra beòrahyye ixinamy inyò rexideònymyhý, inysòwe rybe òraru-ki wahe. <sup>16</sup> Kia beòra tahe hàbu ibinatyre ròtenawo-ki rýire. Baraba inire. Ibutumy iny tuu rierye. <sup>17</sup> Aõma Pascoa worana bedehesi rýireu ibutumy iny ributumy. Tahe Pilato ritýýraxinyre: — Tibohe ixinamy ariteònykre Jesuisi Kristu aõbo ada Baraba aõbo? <sup>18</sup> Tahe iny heka ibutumy urile Jesuisi Kristu luure heka. Tai tahe judeu dohodýýdu wedu mahàdu tahe aõkò tamy waritumy rityhenyrenyre. Pilato kia rierye. <sup>19</sup> Iu tabede ywina dohodýýna-ki Pilato rýireu, iháwy tamy tyyriti riwahinyre. Kawese heka rarybere aõma: — Ixinamy Jesuisi biteònykre. Anobinaty-tyumybo dokuri rarasino txu wadi reakareri. Jikarý anohòkýmý ðýkýnana sòwemy ratýkýnyre Jesuisi kòraru-ki wahe. <sup>20</sup> Iny sòweheký-ò heka xiwena wahidýýdu mahàdu wedu rarybere: — Kai boho mararybebenyke: — Baraba ixinamy biteònykre. Tiiboho dirawyònyde: — Jesuisi birubunykre. <sup>21</sup> Iribi Pilato rarybere: — Tiwexe ixinamy ariteònykre? Tiiboho dirawyònyde: — Baraba biteònykre. <sup>22</sup> Pilato tahe rýýraxire: — Aõhebo tahe arotýýnykre Jesuisi-di, Kristu-di? — Itxeò nihiký-ki bitamadýýnykre. Birubunykre. <sup>23</sup> Pilato tamy rýýraxire: — Aõbinahaký aõbo riwinyraki? Tai tahe ibutumy iny rirajuamy rýimyhý: — Birubunykre kia bitamadýýnykre. <sup>24</sup> Pilato iny sòwe-di aõ riwinyòhyyre aõbinatyhy ósana rõhònykremy idi rõhòtynyre, tai tahe inyò rarybere: — Bee kidiwykremy baciario-ki. Tahe tebò risuhore iny sòwehekýko-ki. Tamy rarybere: — Jiarý kýny waòraru-ki aõkò heka rurukre. Kai boho heka irubudýý erydumyhe boibeke. <sup>25</sup> Tahe ibutumy iny rarybere: — Awire, inyboho heka irubudýýdu erydumy rokoirekre, tule wariòreney òraru-ki wahe ihålubu rejuxunykre. Soldado ridyre itxeò nihiký-ò ritamadýýnykremy rirubunykremy.

<sup>26</sup> Tai tahe Pilato heka Baraba riteònyre ixinalemy. Iribi tahe Jesuisimy raòhòtere.

<sup>27</sup> Pilato soldado mahàdu urile idi juhu risinyre, soldado tyamy ritidire. Pilato heto-ò ridyre. <sup>28</sup> Ityky iribi ritare tahe aõma tykysò-di ritidire heka juhu rihetynyre. <sup>29</sup> Iòdýýmy tahe idi ede lòrilòrihiký irati-ò ridekremy. Òwòruò tebò-ò ritidire. Tai iko-ò resere tatiowotimy. Raryberenyre: — Awire, kai judeu Iòlòthy. <sup>30</sup> Ityre rarybexinyre. Òwòru rimyre tahe iratimy tuu raòhòtere. <sup>31</sup> Iribi ritarenyrenyre ihòrò itykyle ixityre rirutyre ityre-ki. Idi tahe ryò ròirenyre.

<sup>32</sup> Iu rõhònyreu, hàbuò Sireni bede luduò-wana witxi reare. Tamyhe rarybere Jesuisi itxeò riwykemy.

<sup>33</sup> Tahe Kòkòta hãwàlò-ò rehemynyrene. Aõma, rubu ratityby wesemy heka rare. Tai tahe Kòkòtamy heka rininimyhýnyrene.

<sup>34</sup> Tii vî riurinyre bee ihyra-wana, idi tahe Jesuisi-ò kia riwahinyre. Iurihi-di teramy reare.

<sup>35</sup> Tahe itxeò nihiký-ki ritamadýýnyre. Irahu-di tahe ity heka ritxuatxuarenyre wimý rarudeòsanyre tibo iwidydukemy.

<sup>36</sup> Idi tahe retehemy rorukumyhýnyrene. <sup>37</sup> Irati tyre-ki tahe ritidýýnaò roire: — Kia Heka Jesuisi Rare, judeu Iòlò Mahàdu.

<sup>38</sup> Tule wasidu brebunahaký tii-wana ritamadýýnyrenyrene itxeò hòký-ki, ijò iruru-ribi, ijò ihywe-ribi. <sup>39</sup> Iny ibire-di reamyhý idi risinymyhý kamy rexirybenymy: <sup>40</sup> — Kai inihe bexitake, kai Deuxu Riòre tateki. Bodobeheke itxeò nihiký-ribi. <sup>41</sup> Kai heka arurudiremy iximý tarybemahàte. Dohodýýna biatykemy heka iximý tarybete tahe inataòtxu-di heka biwinykemy tarybeta. Tule xiwena wahidýýdu wedu mahàdu idi risinyre. Tii tahe rarybere: <sup>42</sup> — Tii heka iny iwixira wixira aõbina bina-ribi ritamyhýre ihàre tahe taaõbina bina-ribi rexitaòthy. Tii heka aõ judeu mahàdu iòlò aõkò rare. Myheka tuu rarybemyhý. Kia itxeòhòký-ribi kedexiberesedýýnykekile tahe rikityhnyrenykre inatyhmy. <sup>43</sup> Tii heka

iximy rarybemyhÿre Deuxu Riöre raremy, Deuxu rityhynymyhÿremy. Reketeherenykre inihe aõbo Deuxu riwiõhenanykremy wahe. <sup>44</sup> Wasidu mahãdu kia itxeõ nihikÿ rÿire iwesele heka tamy rarybere.

<sup>45</sup> Txutyeyu tahe bede luruhukÿ bede reare, txioro tirehehekÿule bede kamy reare.

<sup>46</sup> Kiaule tahe bede ratÿnyre Jesuisi iu ryryre:

—Eli Eli Lema Sabatani.

Kiamyhe rarybere:

—WaDeuxu, WaDeuxu, aõherekibo waribi õhõti rosare?

<sup>47</sup> Tai tahe iny sõwe mahãdu irybe-õ doholade. Ijõ kiamy narybede: —Eliasi-õ hõwa ryryreri.

<sup>48</sup> Kia ele elemy riwinyre noseõ. Idi tahe viõõ riryry tamy idi riteõnyre. Teõrehemy riwinyre bemy rimonykremy. <sup>49</sup> Ijõhe raryberenyre: —Txiokre inihe inatyhymy aõbo

reketeherenykre inatyhymy aõbo Eliasi iwiohenadÿÿmy kanakremy aõbo inihe. <sup>50</sup> Jesuisi ixityre rirajuare. Rurure. <sup>51</sup> Kia dohodÿÿna heto-ki heka ixiwõtenaõ rÿimyhÿre ierykõna.

Tahe urile idi ixiwanaale ruamy reare iratyre-ribi bede-õ. Suuhe ramytatare. Mana rabõhõbõhõnyre. <sup>52</sup> Wabede hãlooõ heka riraynyre. Deuxu hõrõ mahãdu sõwemy rubu-ribi riixixanyre. <sup>53</sup> Wabede-ribi rõhõnyrenyre. Iu Jesuisi rubu-ribi riixixareu tahe Jerusalẽ-õ rõirenyre. Tai tahe sõwemyhe iny tuu robire. <sup>54</sup> Tai heka soldado dinoduõ ratximyhÿ idi

retehemy. Tule soldado mahãduõ tii-wana ratximyhÿre. Ibutumy tuu robirenyre. Tai tahe tabrebu-ribi narybedenyde: —Tii inatyhymy Deuxu Riöre heka rare. <sup>55</sup> Hãwyõ tule

retehemy ratximyhÿre irehe-ribi idi. Aõma hãwyõ Jesuisi riwiõhenanymy raremyhÿ heka idi retehemyhÿre. Tiibohe Kalileia bede-ribi doide. <sup>56</sup> Marie Madalena, Marie Txiause Jyje, Zebedeu riõrese tule tai ratximyhÿ.

<sup>57</sup> Bedesõmy Jyje rehemynyre. Tii ityhy heka rare Arimatea hãwã luduõ ratximyhÿre. Tii Jesuisi tyhydÿÿduõ ratximyhÿ. <sup>58</sup> Tai Jesuisi umy rexitõenyre Pilato-ribi. Tai tahe Pilato rarybere: —Tamy biwahinykre. <sup>59-60</sup> Tahe Jyje linho tyky rirahananymy. Tai tahe aõma

wabede tÿmyrahakÿ riamy roireroiõ heka rituunykre idi rara. Idi mana nihikÿ ritidire txiõ. Idi rõirenyre. <sup>61</sup> Marie Madalena ijõ Marie-wana taile retehemy ronyre wabede-ki.

<sup>62</sup> Ijõ txu tahe fariseu mahãdu wedu tule xiwena wahidÿÿdu wedu heka Pilato-õ sexta feira rahudi tahe, judeu mahãdu elehyna txu wahe ituere. <sup>63</sup>—Jesuisi irumy raremyhÿu tii rarybere:

—Rubu-ribi heka ariixixanykre inataõ txu-di.

<sup>64</sup> Ruimy rare tahe ihãrele tahe biyrubunyke iwabede. Aõkõkre-wana tahe ierydÿÿna mahãdu heka iumy riwykre. Tai tahe rarybere: —Tii rexiixixanyre. Tai tahe ibutu rityhynykre iruina. Kia ibinatyhymy rarekre. <sup>65</sup> Tai tahe Pilato riteõnyre soldado mahãduõ txiõ-ki. Tamy rarybere: —Awimy biyrubunyke! <sup>66</sup> Kia bede erynaõ heka tamy ritidire. Txiõ-ribi resekreule heka rierenykre. Tahe soldado mahãdu riyrubunymyhÿre.

## 28

<sup>1</sup> Ijõ txu rudile tahe Marie Madalena, Marieõ-wana rare ihãloona-õ itxeremy, domingo, nobiutxu wahe. <sup>2</sup> Aõwesele tahe iu suu ramytatare. Wanyrÿ ÿju heka dobehede biu-ribi iu. Tahe hãloo ijõ-ribi mana ritamy ityre ronyre. <sup>3</sup> Iõsÿny heka urile ritoosõnyhÿkÿre. Ityky tasÿ iurahakÿre. <sup>4</sup> Idi itxerudu mahãdu heka aõma ruberunihikÿrenyre. Urile rõhõtiberemy

reserenyre. <sup>5</sup> ÿju rarybere hãwyõ-õ: —Uritere berebuõmyrenyke. Kai aõbo Jesuisi teijeteri, inatyhy? Aõma itxeõ ritamadÿÿnyrenyre wahe. Reeryre kia. <sup>6</sup> Aõkõre kaki aõkõ heka ratxireri. Tii dori rubu-ribi rexiixixanyre iwese tii iximy rarybere wese wahe. Beteheke

inihe iherina tyby-õ tai juhu roimyhÿõ. <sup>7</sup> Make karibi ele elemy ierydÿÿnako belyykre tii rubu-ribi rexiixixanyraki. Tii heka rara Kalileia-õ tamy wirotyreriõ. Matahe, relyyra dorihe adeereny. <sup>8</sup> Tai tahe rakõrunyrenyre, hãwyõboho. Ruberumy rõirenyre tasÿ reysamy rõirenyre. Ierydÿÿna mahãdu-õ heka riijemyhÿre aõma ÿju rybemy ikoreny relyykemy.

<sup>9</sup> Iu rakõrunyrenyraule tahe wii reõbnyra. Jesuisiwanale heka itxi rekoare. Idi tamy rehemynyre iõhõmy. Iwa rimyrenyre tahe riwowydynyre. Jesuisi tamy rarybere: —Toiteri aõbo! <sup>10</sup> Uritere breburenyõmyke. Boibeny tahe ijymy waityhydÿÿdu mahãdu seriõre-õ heka Kalileia-õ arõirenykemy. Tai tiibohe-wana wii areõbnyrenykre.

<sup>11</sup> Tai tahe tiibohe rõirenyre. Kiaule tahe wabede soldado itxerudu rehemynyre xiwena wahidÿÿdu wedu-õ wahe. Tahe ibutumy relyyre iko. <sup>12</sup> Tai tahe nieruõ riwahinyre ruiõmy relyykemy. <sup>13</sup> Tamyreny raryberenyre: —Ierydÿÿna mahãdu heka ridyra watÿireny reõbylemy. <sup>14</sup> Tai tahe bede dinodu rierykreu heka aõ adee beleõtyhy aõbinahakÿõ. <sup>15</sup> Tai tahe nieru sõwemy riwyrenymy tahe tuu rõirenyre ruimy. Wiji dori tuu ijyy rÿira. Ibutumy judeu mahãdu kia rybe-õ rityhynymyhÿre.

<sup>16</sup> Idi tahe ierydÿÿna mahãdu rõirenyre Kalileia-õ. Tiobo Jesuisi riteõnyrenyremy juhutyhy. <sup>17</sup> Jesuisimy robirenyre tahe tiibohe bede-õ reserenyre tahe riwowydynyrenyre. Ijõ mahãduõ riseõnyremy idi rõhõtinymyhÿre. <sup>18</sup> Tai tahe Jesuisi iõhõtyhymy tamyreny

relere kiamy tamy rarybere: —Waruruna heka ibutu ratyire ratximyhÿre kabede-ki tule, biu-ki tule. <sup>19</sup> Tai kaiboho waha deòdumy boibenyke ibutumy iny bede bede mahãdu-ò, bede bede konananahakÿ mahãdu-ò ihyy behemynybenyke. Waityhydÿÿdumy heka bitxienybenyke. Wahanimy, tule Deuxu Riòrenimy, tule Deuxu Tyytybytyhynimy, tahe bòratisebedÿÿnybenyke wadeòdurenymy, Waha, Ityytybytyhy, Iriòre kaboho deròwymy wahe. <sup>20</sup> Ibutumy aòbo wabede ywina adee rewahinyredi bibedeerykre. Uritere nohòti losarenÿmÿ awanarenhyhy dori arerekre bededÿÿnanahyy rekehemyntykre.

## Marku Deuxu Rybe Wihikÿ Tÿmyra, Marku Tyyritidÿÿdu

<sup>1</sup> Kaki heka Rybe Wihikÿ juhu kaki roire. Ka Rybe Wihikÿ Jesuisi Kristumy heka rarybereri. [Tii heka Deuxu Riðre rare.] <sup>2</sup> Myheka Isaia tyyriti-ki kia rybe rÿire: Deuxu rarybere: —Boholake, waðwàðadu ariteðnykre akomy. Tii ary riwinykre.

<sup>3</sup> Tii ryrymyhÿ bederahy-ki: —Kai biwinykre rywihikÿ Wanyrÿ dee. Òbiti tamy biwinyke.

<sup>4</sup> Joað Sebedÿÿdu bederahy-txi taile ihÿmyhÿ rybe tyyriti ritÿnynymyhÿ. Tii sebenaðmy riòbitinymyhÿ. Kia riwinykemy ixi-txi tòhòti reakemy taðraru-txi kia Deuxu ritakemy.

<sup>5</sup> Ibutumy Judeia bede ludu mahàdu Jerusalê hãwã mahàdu-wana rare bederahy-ò. Taðrarumy relyymy rahudi tahe, Joað risebenyrene bero Jordað-ò. <sup>6</sup> Joað rexitÿnyrene kamelo rade tÿy-dì, tule iròdutÿy wereysana iwetya-ki roimyhÿre. Irÿsÿna raremyhÿ, seihikÿle bidi-wana. <sup>7</sup> Joað rybe tyyriti ritÿnynydyÿÿmy rarybemyhÿ: —Jiarÿ aò aòkò rare, waruru-dì aòkò. Inyò wahewomy kanakre tahe iruru waruru ratyredÿÿnadu rare. Waratyre awityhyke. Jiarÿ riwaixÿrunumy watzireri iwataana ese-ki. <sup>8</sup> Jiarÿ bedi aràsebenyrene. Tii heka Deuxu Tyytybytyhy-di aràsebenyrene.

<sup>9</sup> Kiatxu Jesuisi nade Nazare Kalileia bede ludu-ribi. Joað tii risebenyrene Jordað bero-ò.

<sup>10</sup> Tii bera-ribi dotuodeu biuwetyky rarayre. Deuxu Tyytybytyhy heka bòtòe wese tamy dobehede. <sup>11</sup> Deuxu rybe-ò roholare biu-ribi: —Kai heka Wariðre waluu tate. Adì wadeysawihikÿreri.

<sup>12</sup> Aðwesele Deuxu Tyytybytyhy heka Jesuisi riteðnyrene bederahy-ò. <sup>13</sup> Tii bederahy-ki 40 txumy bede idi rÿire. Satanasi aòhòkÿmy risÿnymy Jesuisi raremyhÿ. Iròdu deborehekÿ tai rÿiramyhÿ. Ýjurenny iyubudÿÿmy rehemynyrene.

<sup>14</sup> Joað rare ròtenawo-ò, idita Jesuisi Rybe Wihikÿ ritÿnynykremy dehemynde Kalileia-ò. Jesuisi heka Rybe Wihikÿ ritÿnynydyÿÿre: —Deuxu Iòlòna bede-ò wahe. <sup>15</sup> Jesuisi rarybera: —Bededÿÿnanaha bede reara. Deuxu Iòlòna bedehe iòhòra. Kaiboho ixi-txi òhòtirenny reake aràrarurenny-txi bityhynybenyke Deuxu Rybe Wihikÿ.

<sup>16</sup> Jesuisi aho ijàti-ki riarumy ihÿmyhÿ. Tii robira tuurenny taseriðre-wana ihÿmyhÿ-ò, Simað Pedro, Andre-wana. Tiiboho rehummy ihÿmyhÿrenny rià-dì. Tiiboho heka waxidu roire. <sup>17</sup> Jesuisi rarybera tamyrenny: —Kaiboho bodoibedenyke wahemy. Tai tahe araerynanyrennykre iny rimykemy utura temyta wese. <sup>18</sup> Tahe aðwesele rià ririrennyrene. Roire Jesuisi-wana. <sup>19</sup> Iko roire Joað, Txiau, taseriðre-wana. Tiiboho heka Zebedu riðre roire. Tiiboho hãworo-ki ratximyhÿrenny rià riywinymyhÿrennyrene. <sup>20</sup> Jesuisi tamyrenny rarybera: —Wahemy bòðoike. Tahe aðwesele tybyrenny ririrennyrene teòdu-wana. Tahe tiiboho roire Jesuisi-wana ierydÿÿnamy roirekemy.

<sup>21</sup> Tiiboho rirònyrennyrene Kafanaò hãwã-ò. Judeu mahàdu aòmÿsÿdyÿÿna txu aòkò. Jesuisi ralore judeu mahàdu dohodÿÿna heto-ò erydÿÿmy. <sup>22</sup> Kowa mahàdu urile bede riòtiinyrene irybe-ki. Tii heka irurutyhy-di rierynanyrene, ierydÿÿdu mahàdu wese aòkò rohodÿÿnanymyhÿre. <sup>23</sup> Kia bedeu heka hàbu tyytybybina-di ratximyhÿre dohodÿÿna heto-ki. Tyytybybina hàbuwo-ribi rarybere: <sup>24</sup> —Aðhebo wadi botÿÿnykre Jesuisi Nazare ludu. Biwahubenykre aòbo? Jiarÿ araeryre mobo kai tatehe, kai heka hàbuðtyhy inatyhy Deuxu-ribi kai tate. <sup>25</sup> Jesuisi tarurumy rarybere: —Kai ryeboomyke. Iribi bòhònyke tyytybybina. <sup>26</sup> Tyytybybina hàbu riatyre riworÿsÿworÿsÿnylemy. Tyytybybina raryre rybe iteremy, idi ròhònyrene. <sup>27</sup> Ibutumy iny ribedeòtiinyrene. Ritÿÿraxinyrene ijò: —Aðwexe ratxireri, aðerydÿÿnatÿÿmyrabo ratxireri. Tii riteðnyrene tyytybybina. Tyytybybina Jesuisi rityhynyrene. <sup>28</sup> Ityhyninga Kalileia bede bedemy reare.

<sup>29</sup> Tahe dohodÿÿna heto-ribi ròhònyrennyrene. Jesuisi, Txiau, Joað-wana roirennyrene Simað, Andrebho heto-ò. <sup>30</sup> Simað riròre lahi roimyhÿ rubunamy. Tahe aðwesele tuu relyrene Jesuisiko. <sup>31</sup> Jesuisi rimyre tebò-ki, tahe, aðwesele irubuna ixãwira. Idi tahe hãwyy tamyrenny bede redere.

<sup>32</sup> Txu ralòmÿ rahudi, ibutumy tamy didydenyde inybina bina. Tule iny tyytybybina tamy didydenyde. <sup>33</sup> Ibutumy iny hãwã ludu iheto ijò wirotÿre. <sup>34</sup> Tii ibutumy binana òta òta riywinyrene. Sòwemy tyytybybina riòlòdÿÿnyrene. Tyytybybina Jesuisi rierymyhÿre. Tai tahe Jesuisi riijònyrene tyytybybina rarybekeò.

<sup>35</sup> Rudile Jesuisi rare bederahy-txi rexitònykremy. <sup>36</sup> Simað, ijò mahàdu-wana Jesuisi ijesityhummy roire. <sup>37</sup> Tiiboho Jesuisi raharennyrene. Tamy rarybere: —Ibutumy iny aràijereri.

<sup>38</sup> Jesuisi tamyrenny rarybere: —Rokoikehe rekexinoranyrennyrene hãwã wixira-ò. Jiarÿ tamyrenny rybe tyyriti aritÿnynykremy. Iurenana tahe jiarÿ anade. <sup>39</sup> Jesuisi rare ibutumy Kalileia bede-ò. Tyytybybina iny-ribi riteðnyrene. Tule dohodÿÿna heto-ki tii rybe tyyriti ritÿnynyrene.

<sup>40</sup> Hābu tyybina mahāduō Jesuisi-ò nade. Tii tatiowotimy resere Jesuisiko-ò. Tahe Jesuisi-ò hābu rarybere: —Adee awikeki tahe, biwateytenyke. <sup>41</sup> Jesuisi juhu urile riwotōnyre. Tii hābu ritorunyre. Tahe rarybere: —Wadee awire, atyy awimy relekre. <sup>42</sup> Tahe aōwesele ityybina reytera. <sup>43</sup> Jesuisi hābu riteōnyre. Rarybere: —Kai tahe inyōdee rybeōmykre. <sup>44</sup> Kai bexiteōsinykre Deuxu aōmysyd̄ȳdu-ò. Iwese Moisesi rōerynad̄ȳnyre wese, kai bexiteōsinykre. Kia heka inydee deōsinamy riteōsinyre. Kia iny rieryke tīmybo teytemy atximahātemy. <sup>45</sup> Tahe hābu rare ibutumy inyko relyyra. Kia heka Jesuisi tahe uritere hāwāhāk̄yō-ò ralōōhyre. Tahe bederahykile rarire. Ibutumy iny tamy rare ibutumy bede bede-ribi.

## 2

<sup>1</sup> Tiutxuōmybo Jesuisi dòōsede Kafanaō-ò. Idi tahe rybe reare rehemynymy ratximyh̄y heto-ki. <sup>2</sup> Tahe iny, aōriōre aōkō, tamy wirotyre heto ijō-ò. Tahe Jesuisi relyymyh̄y Deuxu rybemy. <sup>3</sup> Hābu inaubiōwa heka hābubina-di tamy detyydenyde. Kia hābu rawōronyry taumy-ki. <sup>4</sup> Jesuisi-ò rehemynyōhykylere iny sōwerekī. Tahe raōwōnyrenyry idi heto ratytyre-ò. Hetotyry riraynyrenyry tahe reru-di diberesed̄ȳnydenyde byretyre-ki Jesuisiko-ò. <sup>5</sup> Jesuisi rieryre hābu rityhnyrenyry, tai rarybere hābubina-ò: —Waexi aōaru-ribi araxitarasad̄ȳnyre. <sup>6</sup> Bede ywina eryd̄ȳ mahādu rorukurenryeri, ixideele rarybemy r̄ymyh̄y: <sup>7</sup> —Aōherekibo hābu kiawese rarybereri. Tii iōwe òwelemy rarybereri. Deuxu dee aōbina binalemymy rarybereri. Mobo tahe òraru-ribi iny ritake. Deuxule òraru-ribi iny ritake. <sup>8</sup> Jesuisile roholāōlere ihārele rieryre aōmybo raryberenyre. Tai tahe Jesuisi tamynyry rarybere: —Aōherekibo kiawese tarybetenyri. <sup>9</sup> Tibohe isiraōtyhyre, tuu ararybeke: —Aōraru-ribi anaixitarasad̄ȳnyre ada myike, abyre bimyke, mariake. <sup>10</sup> Kaiboho bierykemy Deuxu Riōre Hābutyhyh̄y irurudire iny òraru-ribi iny ritakemy. <sup>11</sup> Tahe hābubina-ò rarybere: —Boholake, myike, abyre bimyke tahe makre ahetō-ò. <sup>12</sup> Tahe hābu r̄yire, tabyre rimymy tahe rare ibutumy inyru-ò. Ibutumy bede riōtiinyre tahe realāre Deuxumy. Ibutumy rarybere: —Tiu heka aōmy kawese rabiōhyymyh̄y.

<sup>13</sup> Jesuisi rare ahohok̄y ijā-ò. Ibutumy tamy doide. Tii iny ribedeerynyre. <sup>14</sup> Levi, Afeu riōre, ronymyh̄y nierumynydu hetowo-ki. Jesuisi ibire-di rareò, tii robira. Jesuisi heka Levi-ò rarybere: —Waijoimymynake. Tahe r̄ymy reare Jesuisi ijoi-ò ralore.

<sup>15</sup> Jesuisi taeryd̄ȳna-wana rorukure Levi hetowo-ki. Tule nierumynydu mahāduō ronymyh̄yre òraru-du-wana. Ibutumy riroximyh̄yrenyry. Sōwemy heka kia iny mahādu Jesuisi riheludunyenryre. <sup>16</sup> Bede ywina eryd̄ȳ mahādu, lahi rybe-di eryd̄ȳna mahādu tuu robirenryra. Idi raryberenyry Jesuisi eryd̄ȳna mahādu-ò —Aōherekibo tii riroxireri òraru-du-wana, nierumynydu-wana. <sup>17</sup> Jesuisi roholareu, tamynyry rarybere: —Iny ibinaōkeki tahe luahidu tamy kanaōtyhy. Tahe iny ibinakeki, tamy kanake bina-ò. Ōbiti mahādu itxemy aōkō anade. Tahe òraru-du mahādu itxemy anade.

<sup>18</sup> Joaō eryd̄ȳna mahādu, lahi rybe-di eryd̄ȳdu mahādu-wana byreōhyky txuu tutyhyle r̄ymyh̄yrenyry. Tahe roire Jesuisi d̄ȳraxid̄ȳmy. Inyō Jesuisi rit̄ȳraxinyre: —Aōherekibo Joaō eryd̄ȳna mahādu byreōmy r̄yiōmyh̄y. <sup>19</sup> Jesuisi rirawyōnyre: —Heriduō, itxeredu-wana ratxireriu, byreōmy r̄yiōtyhy tutyhylemy. <sup>20</sup> Tiutxulemybo tahe heridu iribi kanatakre, tai tahe byreōmy k̄nyikre tutyhylemy. <sup>21</sup> Moheka tytȳmyra dōbōna ritid̄ikre tytyby-ò. Idi inatyhymy dōbōna rayjake tahe tytyby sōwemy raykake. <sup>22</sup> Moheka òteti bederatyrube t̄ymyra rihynymyh̄yre irōdutyw walabuutybywo-ò. Idi tahe raberyrōnymyh̄yreu, urile irōduty walabuu raykake tahe irube rejujuke. Tule irōduty walabuu ribinad̄ȳnymyh̄yre. Irubetȳmyra awire heka irōduty walabuu t̄ymyarakile.

<sup>23</sup> Judeu elehyd̄ȳnareny txu Jesuisiboho ririranymyh̄yrenyry maixōmo wesena oworumy, tai ieryd̄ȳna riōrōmyh̄yrenyry riroxirenykemy. <sup>24</sup> Tahe lahi rybe-di eryd̄ȳdu mahādu rarybere Jesuisi-ò: —Aōherekibo aeryd̄ȳna mahādu riwinyreri aōwid̄ȳna aōkō karare sabado txu. <sup>25</sup> Tahe Jesuisi tamy rarybere: —Kaiboho aōbo teriranyōletenya tyriti-di. Iwese Daviboho-wana aōhebo rot̄ȳnyreri aōmy rekoarenymahāu, rama rahumyh̄yrenyu. <sup>26</sup> Tii ralore hetotyhy-ò. Tai tahe orotxu sira ybina riyre, tule tamahādu-ò riwahinyre. Kia tahe Deuxu deōdule rir̄ys̄myh̄yre. Kia Davi aōhebo rot̄ȳnyre Abiata heka Deuxu deōdu wedurau. <sup>27</sup> Jesuisi tamynyry rarybere: —Sabado txu heka rawid̄ȳyre inydee, iny tahe rawid̄ȳyore sabado txu dee. <sup>28</sup> Deuxu Riōre Hābutyhyh̄y tahe sabado txu wedu rare.

## 3

<sup>1</sup> Ixityre Jesuisi ralore dohod̄ȳna hetowo-ò. Hābu debò binahāk̄yō tai ratximyh̄y. <sup>2</sup> Lahi rybe-di eryd̄ȳdu mahādu Jesuisi retehemyh̄yrenyry. Jesuisi sabado txuule riteytenykeki, ti-iboho rarybekemy aōbinabinakibo raharenymy Jesuisi. <sup>3</sup> Jesuisi heka hābubina-ò rarybere: —Manake. <sup>4</sup> Tahe Jesuisi ijō mahādu-ò rarybere: —Aōwihik̄ywid̄ȳ awire ada aōbinalemymy wid̄ȳy awire. Tibohe awire, itarasa-ki aōbo ada rubu-ki aōbo. Hābu mahādu urile riyryre.

<sup>5</sup> Jesuisi tamyreny retehere raðbinamy. Tii heka iaðna aðna riwotòenyrenymyhý. Jesuisi hàbu debò bina-ò rarybera: —Ebò biterenyke. Tai tebò riterenyreu, aðwesele awimy relere. <sup>6</sup> Lahi rybe-di erydýýdu mahàdu rara Iòlò Herodi mahàdu-ò. Tiiboho raryberenyre timybo tahe Jesuisi riubunyenye. <sup>7</sup> Jesuisi rexitare taerydýýna mahàdu wana ahò-ò. Tahe sòwemy iny Judeia mahàdu, Kalileia mahàdu riheludunyre. <sup>8</sup> Ibutumy aðna aðna roholare Jesuisi riwinyreò. Tahe sòwemy tamy nade: Jerusalè hāwā mahàdu, Idumeia hāwā mahàdu. Iny Jordaò bero ijā-ribi tule nade. Tule iny Tiro hāwā, Sidò beà hāwā-ribi iòhòmy tamy nade. <sup>9</sup> Tahe Jesuisi taery mahàdu-ò rarybere: —Walawò bidiwykre. Iny sòwemy dori rehemynyreri. Kidiwawotòmonykre òsana. <sup>10</sup> Ibutumy bina mahàdu ibymy tebò reareri ixideytedýýmy. Urile iny sòwemy riywinyre dori. <sup>11</sup> Tyytybybina Jesuisi reteherenyreu, urile iko-txi resere ryreri: —Kai Deuxu Riòre Tate. <sup>12</sup> Tai tahe Jesuisi rarybere tyytybybina-ò, uritere iteòsidýýòmykemy.

<sup>13</sup> Tii raòwònyre bedaratòòmy. Tahe taerydýýna-ò rryre tibo tamy reòbykemy. Tahe tamy nade. <sup>14</sup> Tahe ierydýýna waòinatxi reuròmny rarekemy, rybe ritýnyndýýkemy. <sup>15</sup> Tule iruru-di rarekemy inybina riteytenykemy. Tule irurudikemy tyytybybina riteònykemy. <sup>16</sup> Kie ierydýýnanirenyre: Simaò, (tii tahe Jesuisi ijòni riwahinyre, Pedromy) <sup>17</sup> Txiau ijò, tii Zebedeu riòre rare. Kia seriòre Jesuisi rininirenyre, Boanejimy, inireny. Kia heka irybereny rare, Biumytxy riòreneny. <sup>18</sup> Ijò heka Andre, Filipi, Bartolomeu, Mateu, Tome, Tadeu, Txiau. (Kia Txiau heka Afeu riòre rare.) Ijò Simaò iwitxira, (tii brebuòmny rybe-ki, tasubedeluudu wahe.) <sup>19</sup> Judasi Isariò ijòre, kia heka Jesuisi riwahinyre iòludu-ò.

<sup>20</sup> Tahe Jesuisi nalode taheto-ò. Ixityre iny sòwemy tamy nade. Tai tahe Jesuisi taerydýýna-wana riroxiòhyre. <sup>21</sup> Idi tahe Jesuisi leinarenny itxýtesana roholarennyreu, riòryrennyre. Tiiboho raryberenyre: —Jesuisi itxýte iòhòlere. <sup>22</sup> Bede ywina erydýý mahàdu doide Jerusalè-ribi rarybemyhýrennyre: —Belisibu idi ratximyhýre. Tyytyby wedu ruru-di tyytybybina iny-ribi riteònyeri. <sup>23</sup> Jesuisi inyko ijymy rilyre: —Timy taheka Satanasi rexitèònykre Satanasi. <sup>24</sup> Iòlòna wiribi rexihixinykeki tahe, rexihukre ibutumy wiludu. <sup>25</sup> Tahe sýro luduò wiribi rahitxikeki, rýiòtyhy. <sup>26</sup> Satanasi rýikeki reburemy, tii ixìòbitile rexirubunye. <sup>27</sup> Inyò heka hàbu rurutere hetowo-txi ralòòtyhy. Tai rawasinykeki, urile iny ritaataake. Urile hàbu rataataakeki, iròòbymy iny rawasinyke. <sup>28</sup> Inatyhy jiarý adee ararybereri, ibutumy òraru heka kanaixāwidinykre hàbu dee aòtxile aòbina binamy rarybemyhýre. <sup>29</sup> Kia inyò aòtxile aòbina binamy Deuxu Tyytybytyhymy rarybekeki, tiu heka iòraru rataòtyhy. Kia òraru riwinyre tiiehyymy rarekemy. <sup>30</sup> Jesuisimny kiamy narybedenyde: —Tii heka tyytybybina dire.

<sup>31</sup> Tadi tahelýýna-wana nade. Tahe ahanakile ritamanyre. Tamy riteònyrennyre iòrysismy. <sup>32</sup> Iny sòwemy iwerora-di ronnyre. Tahe Jesuisise-ò rarybere: —Adi aseriòre-wana ahanakile nyide, araijereri. <sup>33</sup> Jesuisi rarybere: —Mowe nadi rare, waseriòreboho rare. <sup>34</sup> Juhu urile idi retehereri iwerora-ki. Tahe rarybere: —Betehekre, kaiboho ibutumy kaki nadiwesere, waseriòre wese toite. <sup>35</sup> Inyò aðna aðna riwinymyhýkeki, Deuxu dee awira. Kia heka nadi, waseriòre roire.

## 4

<sup>1</sup> Jesuisi ròðsera ahobero ijā-ò iny dohodýýmy. Sòwemy iny wirotyre. Tai Jesuisi ronnyre hāworo-ò tahe rexitarannyre ahoro-ò. Aho ijā-ò iny wirotyre ijohonamy. <sup>2</sup> Tii aðna aðna sòwemy roerydýýnannyre ijyutyhydele. Kaa ijymy tii rilyre: <sup>3</sup> —Boholake, alòbòròna-di dehudu rara alòbòrònamy. <sup>4</sup> Alòbòròna-di rehumyhýu, ijò rryo-txi resere. Tahe nawixòmo rirore. <sup>5</sup> Ijò rejujure manarutāsu-txi. Tahe aðwesele raumynyre iraruxiòlemny su dori ibutere. <sup>6</sup> Irauxiòreki, bede tòtee alòbòròna rimoenyre idi rurura. <sup>7</sup> Ijò oworuty resere edehu-txi idi ruhunyre edewanale. Tai tahe ede-ò riòdesenyre tai raratynòlere. <sup>8</sup> Ijò resere su witxira wihiký-txi. Kia tahe raumynyre. Tahe sohoji oworuty 30my iraty raratynnyre. Ijò oworuty 60my raratynnyre. Ijò tahe 100my raratynnyre. <sup>9</sup> Tii rarybera: —Kaiboho aòbo òhòtidirenyre, inatyhymy warybe-ò boholake. Adee awikeki, bierybenyke.

<sup>10</sup> Iny robýtýreu, ijò rarilere ierydýýna mahàdu-wana. Tiiboho rýýraxire Jesuisi-ò: —Aòhekemny telyyta ijymy. <sup>11</sup> Jesuisi tamyrenny rarybera: —Deuxu Iòlòna rybemy Deuxu araerynanykre. Kia heka tuu teeryòmahāte. Kowaboho-ò jiarý urile ijymy rilyra. <sup>12</sup> Tai tahe kia wesele rilyra.

Iny retehemyhýkemy tahe robiòhyymyhýre. Roholamyhýre ta, rieryòhyymyhýre. Tai tahe ralòkemy aòkò, taòraru riixāwididýýnakemy aòkò.

<sup>13</sup> Tii tamy rarybere: —Kaiboho aòbo teeryòhyylytenyteri ijyy. Ihāre tahe timykibo bierybenyke ijyy ibutumy. <sup>14</sup> Aloborodu rehumyhý alòbòròna-di. Kia oworuty heka rybe wese rare. <sup>15</sup> Oworuty riyjāti ludu heka iwese uriiijohonadu wese heka rare. Rybe-ò roholarennyreu, Satanasi nade rybe iwo-ribi ritakemy. <sup>16</sup> Manarutāsu ludu iwese iny

reysamy roholareri. <sup>17</sup> Iny urihimyo le rarorehenymyhÿre iraruxi sôweôreki. Idihe rasirara irybe. Tule iny ralahatxinamyreki, ihyye tahe riixâwidinya. <sup>18</sup> Ede rawo ludu iwese iny wixira roholareri. <sup>19</sup> Tiiboho taaômydÿÿnadile rôhôtinymyhÿre. Sôwemy nieru-di ratxikemy rexinohôtinymyhÿre ta nieru riitxenanyimyhÿre. Ijô aôna aônadile rexinohôtinymyhÿre. Kia aôna aôna rybe rirarutxinymyhÿre. Tai tahe rybe raratynômyhÿre. <sup>20</sup> Suwihikÿ ludu iwese iny wixira roholareri. Kia inatyhymy rÿireri heka raratynre alôbôrôna raratynre wese. Ijô raratynre 30my, ijô tahe 60my raratynre. Ijô tahe 100my raratynre.

<sup>21</sup> Tii rarybera tamyreny-ô: —Uritere loosôna ideômyke butxi worawo-txi ada he-rina raworawo-ô-txi aôbo. Loosôna bidekre bedewiô-ô. <sup>22</sup> Inyô iwôteômy aôna aôna tiehyyimy. Tiutxulemybo ratÿnykemy ihÿre. Iwôteômy atximahâbenyke aôu bodobikemy atximahâtenyete. <sup>23</sup> Kaiboho aôbo ôhôtidirenyre, inatyhymy bohohake. <sup>24</sup> Tahe Jesuisi tamyreny rarybera: —Kaiboho inatyhymy bohohabeny tamy taholamahâtenyete. Urihixina iwese teôteri wesele, kai biwykre. Ihâre tahe biwykre ijô teôta-ribi ritamy. <sup>25</sup> Hâbuô ijôdikeki tamyle rawahidÿÿyke, tahe hâbuô ijôôkeki iribi ratatyahe.

<sup>26</sup> Jesuisi relyyra kia ijyymy: —Deuxu Iôlôna kia ijy wese rare. Hâbu rehumyhÿre alôbôrôna-di suô. <sup>27</sup> Hâbu rummy rôrômyhÿre txulemy rexixamyhÿre. Tii rieryôlemyhÿre timybo alôbôrôna ratybienymyhÿre. <sup>28</sup> Suu ixi dee sohojile raratymy. Juhuu iôle ramyhÿre. Idi tahe raratynymyhÿre, ihewonau, tahe, iraty rasônymyhÿre. <sup>29</sup> Bederaty rasônymyhÿreu, iyresydu riteônymyhÿre. Mayrabu-di riôrôkemy bederatysô butudÿÿna dori rexihumyhÿre.

<sup>30</sup> Tii rarybera, Deuxu Iôlôna wexe aôwesere. Aô-ô wexe rikioirenykre. Tiwexe ijy kawesere. <sup>31</sup> Kia heka mostardaty wesere. Tii heka iylatyhymy ratximyhÿre kabede-ki. <sup>32</sup> Tahe tii raumynymyhÿre wana, ireitôbôrôdÿÿ ratyre rarururunymyhÿre. Tahe nawii tamyle rasÿnymyhÿre. Iubôrôrô rawolemy taheto riwinyre.

<sup>33</sup> Tahe Jesuisi Deuxu rybemy rierynanyimyhÿre. Kia ijy wese sôwemy ijy rierynanyimyhÿre. Kialemy iny-ô Jesuisi relyymyhÿ ibutummy tamy reny ritynynymyhÿreki. <sup>34</sup> Kia-ô riôbitinyôlere ijyô. Tahe iny-ribi irehemy taerydÿÿna-ô riôbitinyre.

<sup>35</sup> Iu txu txiorolemy Jesuisi rarybere taerydÿÿna-ô: —Rikiôhorenyke kowa weribi ijâ-ô. <sup>36</sup> Sôwemy iny rarire aho ijâ-ki. Tahe taerydÿÿna tamy ralore. Roire hâwô-di. Tahe ijô hâwô idi ratximyhÿre. <sup>37</sup> Tahe bede binahakÿ rexidelenyry yhymy. Tahe ôbô hâwô rihâtenymyhÿ tai ritÿmynykemy ritelenyry. <sup>38</sup> Tai tahe Jesuisi rôrômy roimyhÿ tôro-ki irati tarahynatyre-ki. Tai tahe riixixanyre. Ijô rarybere: —Waerydÿÿdu, adeehe awimy aôbo iny ituerenykre. <sup>39</sup> Rexixamy Jesuisi. Tii yhy riixâwididÿÿnyre. Tii ahohokÿ-ô rarybere: —Biyyrke! Tai bede ruhuwihikÿre. <sup>40</sup> Tamyreny rarybere: —Aôherekibo kaiboho taberutenyteri? Deuxu aôbo tetyhynyômahâtenyete? <sup>41</sup> Tai tahe tiiboho bede riôtinyrenyra. Tahe widee raryberenyre: —Mowexe tuu yhy ahohokÿ-wana irybe riwinyke.

## 5

<sup>1</sup> Ritehemynyrenyre ijô berohokÿ weribi ijâna-ô. Kowa heka ibutummy hâwâhâkÿ Kadarena ninrenyre. <sup>2</sup> Jesuisi hâworo-ribi resereu, hâbu tyytybybina-di robire rôhônryeri wabede-ribi. <sup>3</sup> Kia heka tiemy rasÿnymy raremyhÿ wabede-ki. Katahe wiji moheka womati reroti-di rataataaôtyhy. <sup>4</sup> Aôdorihe ôhôte tebô iwa rataataare womati reroti-di. Tiiemy heka rimoenymyhÿ. Teôrutu ludu tawararu ludu tule ritôtynymyhÿre iyresymy. Moheka iruruôre iny erydÿÿmy. <sup>5</sup> Txuu ruu-wana heka tii rasÿnyre wabedewo-ki. Tii rariamyhÿre bederatôomy. Tule rirajuamy tai rexihâtenyry mana-di. <sup>6</sup> Tai tahe Jesuisi robireu, tii rajarynyre Jesuisi-ô. Resere tatiowotimy Jesuisiko-ô. <sup>7-8</sup> Jesuisi tyytybybina-ô rarybere: —Iribi bôhônkye. Tahe tyytybybina rarybera: —Aôwe wadi tate. Kai, Jesuisi, ibutummy inyô dee inyratyre tate. Kai Deuxu Riôre tate. Lâhâmy lâhâ, uritere aôbina binahakÿmy wahôrôdÿÿômykre. <sup>9</sup> Jesuisi ritÿÿraxinyre: —Mobohe anire. Tyytybybina rirawônyre: —Wanireny sôwetyhyre wasôwerynyreki. <sup>10</sup> Urile karibi wateôdÿÿrenyômykre. <sup>11</sup> Tahe kowa-ki ixÿni juramy riroximy rÿimyhÿ bederatôô-ki. <sup>12</sup> Ibutummy tyytybybina rexitôenyrenyre: —Biwateônnybenyke ixÿni jurawomy aralôrenykemy. <sup>13</sup> Tahe Jesuisi riteônnyre. Tyytybybina aôwesele rôhônnyre tahe ixÿniwomy ralore. Ixÿni jura tahe raôrunyry rejuxunyre ijôtira-ribi. Berawo-txi tahe rabôrôre ahohokÿ-ki. Inatxi mil ixÿni rabôrôre. <sup>14</sup> Ixÿni-di itxeredu reare ijyymy ibutummy hâwâ hâwâmy relyyrenyre. Tahe iny dirahude tamy itxeremy. <sup>15</sup> Tiiboho Jesuisi-ô doideu, tuu robirenyra hâbu tyytybybina-di raremyhÿ. Tii rexitynymy ronymyhÿre. Tii heka ôbitimy rôhôtinymyhÿre. Tai iny mahâdu rabe-deôtiidÿÿnyre. <sup>16</sup> Tiiboho tuu robirenyre, ijô-ô relyyrenyryre ixÿni ijyymy, timybo aôhebo rotÿÿnyremy hâbu tyytybybina-di ratximyhÿre. Tule relyyrenyryre timybo rotÿÿnyre ixÿni jura. <sup>17</sup> Iny rexitôenyre Jesuisi-ô rexitakremy isureny-ribi. <sup>18</sup> Jesuisi hâworo-ô ralore. Tahe hâbu tyytybybina-di ratximyhÿre, rexitôenyre Jesuisi-wana rakemy. <sup>19</sup> Tahe Jesuisi idy derare. Tamy rarybera: —Mahe asÿ-ô, aijoi-ô belyyke aôna aôna Deuxu adee riwinyremy,



iwese tii araruxetòenymyhÿre wese. <sup>20</sup> Tahe hābu rare Debòwiò hāwāreny-ò. Ibutumy Jesuisi aōna aōnamy ixidee riwinyremy relyyre. Ibutumy iny ribedeòtiidÿÿnymyhÿre.

<sup>21</sup> Ixityre Jesuisi rare ahohokÿ weribi ijā-ò. Ixidee iny sōwemy ributunyre. Tii heka ihÿmyhÿ ahohokÿ ijā-ki. <sup>22</sup> Tahe dehemynyde tamy dohodÿÿna heto weduò. Ijairu inire. Tii Jesuisi robireu, resere tatiowotimy iko-txi. <sup>23</sup> Ijairu rarybere Jesuisi-ò: —Wariòre irubu iòhòtyhylemy roireri. Kai manake tamy ebò bitidikremy. Tai awimy relekre, ruruòtyhy. <sup>24</sup> Tahe Jesuisi tii-wana rare. Iny sōwemy tule rare iòhòkile tamy rÿire.

<sup>25</sup> Kia heka hāwyyò binamy ramyhÿre. Ihālubu rejuxunymy raremyhÿ. Beòra waòinatxi reuròmy rejuxunymyhÿre, rihuòhyy raremyhÿ. <sup>26</sup> Tii aòhòkÿmy rotÿÿnymyhÿre sōwemy òhotibedu mahādu-di. Tahe awimy rotÿÿòlemyhÿre. Urile tanieru ibutumy rahure òhotibedu mahādu-ki. Awimy releòlemy, ire bede-ò resere. <sup>27</sup> Tahe roholare Jesuisi nina-ò tahe iòhò-ki nade inyy-ki. Idi ihewo-ribi rimyra ityynora-ki. <sup>28</sup> Hāwyy ixidee rarybemyhÿre: —Krile itykynora-ki karimyekeki, karekyteke. <sup>29</sup> Tahe aòwesele ihālubu ijera ixāwìre. Ixidee awimy ròhòtinyre. <sup>30</sup> Jesuisi rierye iruru iribi ròhònyremy, tai rarybere: —Mobo watyynora rimyra. <sup>31</sup> Tahe ierydÿÿna raryberenyra aòherekibo tuu tarybeta ibutumy taheka iny abirelemy rÿireri. <sup>32</sup> Jesuisi retehemyhÿre urile mobo rarekemy. <sup>33</sup> Hāwyy rierymyhÿ aòhebo rotÿÿnyre. Tii ruberumy Jesuisiko-ò resere relyykemy iko. <sup>34</sup> Jesuisi rarybera: —Lerÿ, atyhydÿÿna kÿnyhe aratara. Mahe, kai dori texiywinyta.

<sup>35</sup> Tii rarybemyhÿò, dohodÿÿna wedu deòdu rehemynyrenyri. Tiiboho raryberenyra: —Wawedu, Ijairu, ariòre rurumy roireri. Aòmybo tahe Erydÿÿdu-di atxiteri. <sup>36</sup> Jesuisi kia-ò roholara tahe rarybera dohodÿÿna wedu-ò: —Brebuòmy, urile bityhynykre. <sup>37</sup> Jesuisi-wana roire, Pedro, ijò Txiau, ijò Joaò. Joaò heka Txiau seriòre rare. Kaòle heka reòbyre tii-wana rakemy. <sup>38</sup> Dohodÿÿna wedu heto-ò dehemynydeu, ixiyjadÿÿ-ò roholara, robu-rieriò, rirajuarerìò. <sup>39</sup> Jesuisi ralore tahe rarybera: —Aòherekibo tabutenyteri. Hirarìihikÿ rurumy aòkò roireri. Tii urile ròòreri. <sup>40</sup> Juhu urile tai rutzunenyrenya Jesuisi-ki. Tahe Jesuisi ibutumy iny riòlòdÿÿnyra hetowo-ribi. Tahe iseie, tybyle, ixidee rimyrenya ratxirenkyemy. Tahe tamy rirònyrenyre tai hirarìihikÿ roimyhÿò. <sup>41</sup> Jesuisi hirarìihikÿ debò rimyre tahe rarybera: —Talita kumì. (Katahe iwitxira rybemy rarybera. Kiamyrieri heka, mynyikemy.) <sup>42</sup> Aòwesele hirarìihikÿ rÿimiy reara. Tahe rariara aòmyreki iwyrā waòinatxi reuròmy iwyrāmy. Tahe urile bede riòtiinyrenyre. <sup>43</sup> Jesuisi riteranyre moò rierydÿÿkemy aòkò. Jesuisi tule rarybere: —Rÿsÿna tamy biwahynykre.

## 6

<sup>1</sup> Jesuisi dexitade kowa bede-ribi. Tahe tauladu tybiena hāwā-ò dehemynyde. Taerydÿÿna mahādu riheludunyre. <sup>2</sup> Sabado txumy rierynanyre dohodÿÿna heto-ki. Sōwemy iny roholamy rÿimyhÿ bede riòtinymy. Tahe rarybere: —Tiribibo kia hābu aōna aōna bede rierye. Aòbedeeryhykÿbo ratximyhÿre. Timyta heka bedeòby riwinyre. <sup>3</sup> Kia aòbohe aòwidÿÿdule ratxireri, Marie riòrele. Tiiboho aòbohe Txiau, Jyje, Judasi, Simaò, seriòrebohòle ratxirenryeri. Terÿboho aòbohe tule kakile ratxireri. Ibutumy iny heka Jesuisi derarenyre. Irybe rityhynyòre. <sup>4</sup> Jesuisi rarybere tamyreny: —Deuxu rybedÿÿdu heka tyhydÿÿna ritaòlekre tahāwāreny-ribi, taijoi-ribi, tasÿ-ribi. <sup>5</sup> Tahe Jesuisi kowa-ki bedeòby riwinyòlere. Urile tebò ritidire inybina bina tyre, taile riteytenyre. <sup>6</sup> Jesuisi urile bede idireny riòtiinyre rityhynyòlemyhÿrenyeki. Tahe Jesuisi reurore hāwā hāwā-di erydÿÿmy.

<sup>7</sup> Tii ixidee ributunyre tawaòinatxi erydÿÿna mahādu. Tii riteònyre inatxi inatxi iubÿtÿnyre. Tamyreny taruru-ribi riwahinyre tytybybina deòdÿÿki. <sup>8</sup> Jesuisi tuu rarybere: —Urile biwykre adebòna. Uritere orotxu aòkò, nieruhyna aòkò, nieru wereyanawo-ki aòkò, iwidyrenyòmykre. <sup>9</sup> Uritere waubehetyòmy noòmykre. Uritere inatximy wirawomy ty-di ixitydÿÿòmykre. <sup>10</sup> Hāwā-txi malòkeki, tiemy taile bonykre tiubedemybo iribihyyle bòhònykre. <sup>11</sup> Titxi behemybenykeki, uritere iny erarenymy reakeki, roholaòkeki, txiòrare, urileta awareny bitòtynykre bede eranymy. <sup>12</sup> Tahe tiiboho roire. Rybe ritÿnydÿÿmyhÿre iny ixidee rexirahÿrenkyemy. <sup>13</sup> Tytybybina irehemy iny-ribi riri-radÿÿnykemy. Sōwemy inybina tyre òlyre ritxiwìre. Tai tahe riteytenyre.

<sup>14</sup> Kia heka iòlò Herodi roholara. Jesuisini dori erynatyhy my raremyhÿ. Tahe ijòboho rarybemyhÿreny: —Joaò Sebedÿÿdu rexixara rubu-ribi. Ijò rarybemyhÿreny: —Eliale ratxireri. <sup>15</sup> Ijò rarybera: —Deuxu rybedÿÿdu ratxireri. Deuxu rybedÿÿduò wese heka ratxireri. <sup>16</sup> Herodi roholareu aòbo Jesuisi riwinyreu, rarybera: —Kia hābu Joaò ratxireri. Kia heka irati reorore heka rare. <sup>17</sup> Kia heka iòlò Herodi riteònyre imynamy. Idi tahe ritisanyre ròtenawo-ò. Taseriòre hāwyy òraru-ki kia riwinyre. Filipi iseriòreni rare. Iseriòre hāwyyini Herodia rare. Herodi, Herodia-wana roire iseriòre riòrese-wana. <sup>18</sup> Juhuule Joaò rarybere Herodi-ò: —Kai aòkòre aseriòre hāwyy-di mabeòtyhy. <sup>19</sup> Herodia tamy icy reamyhÿ rirubunykyemy ratximyhÿ tahe aòkòhylyere. <sup>20</sup> Herodi tahe Joaò rityhynyre. Tii rierymyhÿre Joaò hābu whikÿò ratximyhÿ. Tai riyrubunyre ròtenawo-ki. Herodi Joaò

roholareu, urile bede riòtiinyre urile roholawihikÿre. <sup>21</sup> Kia txuu ibeòra reare Herodi lisina berenamy riwinyre. Tahe ibutummy hãwã dinodu, soldado wedu mahãdu, tule ibutummy hãbu ninihikÿ Kalileia mahãdu-ribi rihuòtere. <sup>22</sup> Ijadòma ralore resere, Herodia riòre. Herodi, iny huòtedu mahãdu-wana tamyreny awire. Iòlò ijadòma-ò rarybera: —Aòtxile aòma wadee bexitòenyke, adee ariwahinykre. <sup>23</sup> Inatyhymy adee ararybekre. Waaòna aòna iweeremy bexitòenykeki, adee ariwahinykre. <sup>24</sup> Ijadòma tadi ritÿÿraxinyre aòmybo tahe tamy rexitòenykre. Ise rarybera: —Joaò Sebedÿkÿdu rati kai bexitòenykre. <sup>25</sup> Tahe ijadòma ròòsere iòlò-ò. Tahe ijadòma rarybera: —Joaò Sebedÿkÿdu rati kai biwahinykre hyna tyre-ki. <sup>26</sup> Iòlò sòwemy rabadewore irybe-ki. Rexitòenykÿdù iny dori sòwemy ibire-ki. <sup>27</sup> Iòlò soldado rariare Joaò rati òrysmy. Tahe irati riorore ròtena-ki. <sup>28</sup> Tahe irati diwyde besetyre-ki. Ijadòma-ò riwahinyre, tahe ijadòma tadi-ò riwahinyre. <sup>29</sup> Joaò erydÿÿna rieryreu tahe, nade iumy òrysmy. Tahe iumy riwyre wabede-ò.

<sup>30</sup> Jesuisi erydÿÿna mahãdu ròòserenyre Jesuisi-ò. Tahe relyyrenyra ibutummy aòmydÿÿnana tule ibutummy rierynanymyhÿre. <sup>31</sup> Jesuisi tamy rarybera: —Inyboho sohojile rokoiyrene bederahy-txi ixielehydÿÿmy. Tii dori rarybera tamy heka byrena iòhòtyhòlere tamy roxina raòhòlere. Iny sòwemy tamy wii reutydynyri. <sup>32</sup> Tahe tiiboho sohojile hãwò-di roire bederahy-txi inyò-ò. <sup>33</sup> Iny sòwemy tuu robira ròhònyrerimy. Tahe iny ibutummy hãwã hãwã ludu rajaranyre tòròsòna-ò. Tiibohole juhu rehemyreny iko-ki. <sup>34</sup> Jesuisi rororeu, tahe inmy sòwemy robire, riraòrerid. Jesuisi tamy ratòenymyhÿre. Tiiboho dori iwese budoeni idi itxereduòmy rÿireri wesemy. <sup>35</sup> Txuu raloreu, ierydÿÿna mahãdu Jesuisi-ò roire. Tiiboho rarybera: —Ka kÿnyhe bederahy roire txuuke rexihura. <sup>36</sup> Kai tahe iny biteònykre hãwã hãwã mahãdu-ò rÿÿsÿna ixideereny òbradÿÿmy. <sup>37</sup> Jesuisi tamyreny rarybera: —Kaiboho tamy rÿÿsÿna biwahinykre. Tahe raryberenyre: —Timybo tahe inyboho 200 prata womati nieru-di orotxu rikiòbranyrenykre. Timy wexe tamyreny rÿÿsÿna rikiwahinyrenykre. Jesuisi tamyreny rarybera: <sup>38</sup> —Tiwese orotxu bohe rÿire. Maa tamy itxeremy. Idi tahe rieryrenyreu, rarybera: —orotxu iruyre, utura inatxi. <sup>39</sup> Idi tahe Jesuisi iny rabòròhòkÿ asityre rorukukremy. <sup>40</sup> Idi tahe iny rabòròhòkÿ wii rirareare, ijò sÿwètamy, ijò 100my. <sup>41</sup> Jesuisi orotxu utura-wana rimyre tahe rethere biu-ò Deuxu-ò rexitòenyre. Idi tahe orotxu reòròròre. Riwahinyre taerydÿÿna mahãdu-ò riwykremy iny-ò. Tule utura inatxi wirarea riwahinyre iny mahãdu dee. <sup>42</sup> Ibutummy iny riroxire. Rihydymy rÿimyhÿ. <sup>43</sup> Idi tahe ritÿÿinyre waòinatxi reurò weririmy orotxu yre yre utura-wana rauhenyredi. <sup>44</sup> Kia heka rerÿÿsÿre 5000 inmy rÿÿsÿna-di.

<sup>45</sup> Juhu Jesuisi riteònyre taerydÿÿna mahãdu ixiko-ò kanaijòwe-ribi ijà-ò, Besaida hãwã-ò. Tii tahe ririre iny riteònykremy. <sup>46</sup> Tahe riteònyreu, tii rare ixitòedÿÿmy bede ratòòhòkÿ-ò. <sup>47</sup> Txioro bedesou hãwò ahoyta-ki ratximyhÿre. Jesuisi suki ratximyhÿre ixisohojile. <sup>48</sup> Tahe yhy rebònymyhÿ iutedereny-ribi. Hãwò rariaòlemyhÿ. Tahe Jesuisi tuu robire txu ijera iòhò-di. Tahe betyredile tamyreny rariare. Jesuisi iratyrereny wese rariakre. <sup>49</sup> Tahe tuu robireu, betyre-di rariarerid, tiiboho unisÿna ròhòtynyreny, rirajuaryreny. <sup>50</sup> Tahe ibutummy tuu robira ibutummy ruberurennyre. Jesuisi aòwesele rarybera: —Urile beysabeny, breburennyomy. Jiarÿle watzireri. <sup>51</sup> Tii ralore tamyreny hãworo-ò. Yhy urile ixãwire. Ierydÿÿnaboho bede riòtiinyreny. <sup>52</sup> Tiiboho ruberurennyre, orotxu bedeòbyna dori rierykòreny.

<sup>53</sup> Tiiboho riòhòrenyreu, ritehemynyre Kenesare-ò. Kia-ki hãwò ritisarennyra. <sup>54</sup> Tahe hãworo-ribi ròtuòreriu, ibutummy iny Jesuisi rieryra. <sup>55</sup> Juhu raòrunyrennyre bina bina mahãdu òrysmy. Idi tahe didydenyde roholarennyre titxibo tai Jesuisi ratximyhÿ. <sup>56</sup> Tii raloreu iny hãwã-ò aòbo ada hãwãhãkÿ-ò aòbo ada bedero-ò aòbo, tiemy iny bina bina mahãdu iryko-txi ritidire. Tai tamy rexitòenihikÿre tamy debò reakemy itynnora-ò. Ibutummy tamy debò reareu, tahe riteytenyre.

## 7

<sup>1</sup> Jesuisi-ò ributunnyre fariseu mahãdu lahi rybe-di erydÿÿdu mahãdu wahe. Tule bede ywina erydÿÿ mahãduributunnyre. Jerusalè-ribi ritehemynyri. <sup>2-5</sup> Jesuisi erydÿÿna mahãdu tebò risuhòomy riroxireri. Fariseu mahãdu, Bede ywina erydÿÿ mahãdu-wana Jesuisi-ò ritÿÿraxinyrennyre: —Aòherekibo aerydÿÿna tebò risuhòomy riroximyhÿrennyre. Aòherekibo ihetxiu bede ywidÿÿnana rityhynyòreri. Lahì rybe-di erydÿÿdu mahãdu judeu mahãdu-wana ihetxiu iwidÿÿnana riwinymyhÿrennyre. Tii heka tebò tiu suròduòmy riroxiòmyhÿre. Tiiboho aòna aòna wydyna heto-ribi doòsemahãdeu, tiu heka ròhòdile riroxiòmyhÿre. Sòwemy iwidÿÿnarenny rityhynymyhÿre. Bemona butxi, womati bese-wana risuhòrennyre. <sup>6</sup> Jesuisi tamy dirawyònyde: —Isaia juhuule rarybera tiwesebo kaiboho toite. Kaiboho itxenadÿÿdu toite. Riritinymy rÿire: —Kaiboho riwawowydynymyhÿre tary-di. Tahe awo-ribi waluuòlemyhÿre.

<sup>7</sup> Kaiboho riwawowydynyre tahe watxi nohōti ijeraōlerenymy. Kai teerynanyteri erydŷŷna-di iny nohōti-ribi namyhŷdeōle.

<sup>8</sup> Kai Deuxu erydŷŷna tyhydŷŷōmy. Iny erydŷŷnale tetyhynytenyete. <sup>9</sup> Tii tamyreny rarybera: —Kaiboho aōbo ijō bihōrōnybenyeye, biaōmysŷnybenyeye. Deuxu rybe bede ywina kaiboho tetyhynyōlemyhŷtenyete. Arybe bede ywinale tetyhynyōlemyhŷtenyete. <sup>10</sup> Moisesi rarybera: —Kaiboho biytyhnybenyeye adirybe-ō, tybyrybe-ō. Inyō tadimy tybymy iehemy rarybekeki, aōtaxiny ruruke.

<sup>11</sup> Kaiboho teerynanyteri hābuō-ō tadi tybywana-ō rarybekemy: —Wanieru waribi bitaōke. Ariwahiny dori Deuxu-ō. Wanieru heka korbŷ rare. (Korbŷ heka uri wahidŷŷna rare, iwitxira rybe wahe.) <sup>12</sup> Jesuisi rarybehymy rare: —Kiwese riernanymy raremihŷ, kaiboho uritere hābuō tadiboho-ō aōmydŷŷōmy rarekemy. <sup>13</sup> Kawese ityhydŷŷrenyōmy Deuxu rybe, aerydŷŷna ōraru-ki. Sōwemy aōna aōna kawese tatŷŷnytenyete. <sup>14</sup> Tahe Jesuisi ixityre rarybera inysōwe-ō: —Bodoholabenyke, ibutumy bierybenykeny. <sup>15</sup> Aōbo iny-ō ralōmyhŷre, kia tahe iny risunyōlemyhŷre, inywo-ribi tahe namyhŷde kia tahe iny risunymyhŷre. <sup>16</sup> Inyō bierybenyeki, boholaawibenyke. <sup>17</sup> Tahe iny-ribi rōhōnyreu, heto-ō raloreu, ierydŷŷna mahādu tahe tamy rŷŷraxire ijyymy. <sup>18</sup> Tii tamyreny rarybere: —Kaiboho tule aōbo teeryōmahātenyete. Aōbo iny-ō ralōmyhŷre, kia iny risŷnyōlemyhŷre. <sup>19</sup> Tawotyhy-ō dori ralōōlemyhŷre. Urile weryri-ō ralōmyhŷre idi umy-ribi rōhōtinymyhŷre. (Ibutumy rŷŷna tahe awire riki.) <sup>20</sup> Tule rarybere: —Aōbo iny-ribi namyhŷde, kia risurisunymyhŷre. <sup>21</sup> Inywo-ribi tahe rōhōtinymyhŷre ibutumy nohōtinana binahakŷ. Kia heka rare nohōtinana binahakŷ: ōta ōtalem, wasilemy, rubudŷŷlemy, ijō hābu riōrese judym, <sup>22</sup> ibutumy aōna aōna wedu iny ratyrekemy, binamy rōhōtinymyhŷre, ruilemy, aōbina binaōle, itxeredu, aōbina binalem rybedu, tule itxŷtelemy. <sup>23</sup> Kia heka ibutumy bina bina inywo-ribi namyhŷde. Kia heka iny rexisunymyhŷre.

<sup>24</sup> Jesuisi rexitare. Tahe r re Tiro hāwāreny-ō, Sidō beā hāwā hāwā-ō. Tahe tii ralore hetowo-txi tahe moō rierykōdi ixidire hetowo-txi. Ralōrau tahe, rexiwōke aōkō. <sup>25</sup> Jesuisi tyhynina-ō hāwyy roholare, tahe tamy nade, tatiowotimy resere. Iriōre-riki tytybybina dire. <sup>26</sup> Kia heka hāwyy Grego mahādu rare. Ilahinanire heka Siru Senisia. Tii Jesuisi-ō rŷŷraxire tytybybina iriōre-ribi deōdŷŷmy. <sup>27</sup> Tahe Jesuisi tamy rarybere: —Txioiny, juhu inihe uladu mahādu riyoixkre. Wade awiōre uladu-ribi rŷŷna ritake ijōrōsa-ō. <sup>28</sup> Hāwyy rirawoyōnyra: —Inatyhy rare, Wāhī. Kurile rŷŷna kyre kyre rejujumahāre. Kōwōruku bese-ribi, kuladu-ribi. Kiamy heka itxoōrōsa rirakuximyhŷre. <sup>29</sup> Tahe Jesuisi tamy rarybera: —Kia rybe ōraru-ki heka kaa tarybeta tytybybina ariōre-ribi rohonyra. Kia bōōsekre aheto-ō. <sup>30</sup> Hāwyy taheto-ki rehemynyreu, iriōre-ki rahara byretyre-ki roire. Hāwyy rieryre tytybybina iribi rōhōnyre.

<sup>31</sup> Tai tahe Jesuisi ixityre rexitare Tiro hāwāreny-ribi, Sidō beā hāwā reny-ō rara Kalileia aho-ō. Tii raremihŷu, Debōwiō hāwā hāwā reny ririre. <sup>32</sup> Tahe tamy didydenyde hābuō nohōtityō. Tii roholaōlemyhŷre. Tule awimy rarybeōhyulemyhŷre. Tahe rexitōenyreny Jesuisi-ō, tebō ityre ritidikemy. <sup>33</sup> Jesuisi tii ritare inysōwehekŷ-ribi tahe tebō ritidire tōhōti-ō. Tahe rarybexinyre tahe idi tōrōtōbymy reare. <sup>34</sup> Tahe Jesuisi tarue ruwyyre biu-txi, ele-di reare. Tahe rarybere: —Ebata. (Kia heka rybe riwiurōsōdŷŷmy rare, —Biraynyke.) <sup>35</sup> Aōwesele tōhōti riraynyre. Tōrōtō riykoykonyre. Tii aōwesele awimy rarybere. <sup>36</sup> Jesuisi rarybere: —Uritere iny-ō ijyōmykremy. Ihārele tahe ibutumy kiamy iny-ō relyymyhŷre. <sup>37</sup> Idi bede riōtiinyreny. Tahe raryberenyre: —Ibutumy tii riteytynymyhŷre. Tii nohōtity aōwesele roholamyhŷre. Hābu rybeō aōwesele rirybedŷŷnymyhŷre.

## 8

<sup>1</sup> Kia txuu ixityre iny sōwemy ributunyre. Kiau tule aōrŷŷnami ijōōhyylere. Jesuisi taerydŷŷna mahādu inixee ributumy. Tahe tamyreny rarybere: <sup>2</sup> —Jiarŷ inysōwele wortōenyre. Tiiboho txuu inataō waki rŷŷre byreōlemy. <sup>3</sup> Jiarŷ byreōlemy ariteōnyrenyeki, ryrowetyakile reserenykre iōderawyrinymy. Tule, iny sōwemy irehe-ribi nade. <sup>4</sup> Ierydŷŷna tamy dirawoyōnyde: —Timytaka inyboho tamyreny orotxu rikiwahinyrenykre kabeder-ahy-ki. <sup>5</sup> Tii ritŷŷraxinyre: —Tiwesebo orotxu kai ijōdire. Tiiboho rarybere: —Debō inatxi reurōmy. <sup>6</sup> Jesuisi iny sōwemy risŷdŷŷnykremy sutyre-ō. Tii orotxu debōinatxi reurōmy rimyra. Tii rexitōenyreu tahe riorore. Tahe riwahinyre taerydŷŷna mahādu-ō riwkyemy iny sōwe-ō. <sup>7</sup> Tule utura ibutumy rŷŷimyhŷ. Tahe rexitōenyry rahudi tahe taerydŷŷna-ō rarybere: —Kaa tule biwybenyke iny sōwe-ō. <sup>8</sup> Tiiboho riroxirenyremy tahe rihydymy ratximyhŷ. Iyre yre rauhennyre riwyyreny weriri debō inatxi reurōmy riwyyreny rŷŷximy. <sup>9</sup> Inaubiōwa mil iny iōhōmy rŷŷimyhŷ. Tahe Jesuisi rexideōwarinyre iny sōwe-ō. <sup>10</sup> Tii ralore hāworo-ō taerydŷŷna-wana. Tiiboho roire Damanuta hāwāreny-ō.

<sup>11</sup> Lahi rybe-di erydŷŷdu mahādu nade fariseu mahādu wahe. Tiiboho tamy nade rybe ōbitidŷŷmy. Tiiboho rŷŷraxirenyra bede erydŷŷnaō kiditeōsinykremy. Lahi rybe mahādu

rierykemy tii inatyhy rare urenana. <sup>12</sup>Tii raelewesenanyre tawo-ki rarybere: —Aðherekibo kaa iny mahādu rýřaximyhýre bede erydýřnamy. Inatyhymy jiarý ararybekre: —Bede erydýřna heka tamy rawahidýřōtyhy. <sup>13</sup> Tahe idi Jesuisi rexitare. Hāworo-ò ralore. Idi rohorere kanawe-ribi ijā-ò.

<sup>14</sup> Ierydýřnaboho tahe tōhōti rosare orotxu wydysy-ribi. Sohojityhyle heka orotxu roimyhý hāworo-ki. <sup>15</sup> Jesuisi tamy ribedeerynyre: —Beteheiny, biyrubuny, lahi rybe mahādu, Herodi mahādu-wana wirýsýna uri-ribi. <sup>16</sup> Jesuisi erydýřna mahādu ixideele rarybere: —Aðherekibo Jesuisi kia rarybereri. Inyboho iorotxurenyōreriki ōsana. <sup>17</sup> Jesuisi heka rieryra tahe rarybera: —Aðherekibo raryberemy orotxu ijōōremy. Kaiboho aōbo teerytenyōte. Kaiboho aōbo arawoxierynyre.

<sup>18</sup> Kaiboho aōbo arueōreny. Tabiōletenyteri. Kaiboho aōbo itxi ōhōtirenny reaōlereri.

<sup>19</sup> Jiarý 5000my iny-ò orotxu reareareu, tiwesebo weririmy orotxu yre yre-di ritýxinyre. Tahe tiiboho rirawýōnyre: —Waōinatxi reurò weririmy. <sup>20</sup> Tahe debōinatxi reurò orotxumy reōrōra 4000 inmy, tiwesebo weriri orotxu yre yre-di ritýxinyre. Tiiboho rirawýōnyre: —Debōinatxi reurōmy. <sup>21</sup> Tahe tamyrenny rarybere: —Timyrekibo tahe teerytenyōte.

<sup>22</sup> Dehemynyde Besaida hāwā-ò. Tahe hābu ruetā-di tamy didydenyde. Rexitōenyrenny tamy debō reakemy. <sup>23</sup> Jesuisi tebōmy rimyre tahe ridyre hāwā-ribi bederahy-ò. Iruetyre rarybexinyre. Tebōmy tamy reare. Tahe ritýřaxinyre: —Aōmybo aōbo tabiteri. <sup>24</sup> Hābu tahe biu-txi tarue riukora, tahe rarybera: —Hābumy rabira, ōwōru wese rýřeriō, rariareri. <sup>25</sup> Ixityrele Jesuisi tebō reare irue-ò. Hābu heka irue reyteramy ōbitilemy retehereri. Robire irehetyhy-ò itýnyhýkýlemy. <sup>26</sup> Tahe Jesuisi riteōnyre isý-ò urile ihāwā-ribi rōōseōmykre.

<sup>27</sup> Jesuisi taerydýřna mahādu-wana rōhōnyrenny Sesaria Filipi hāwārenny-ò. Ryki taerydýřnarenny-ò ritýřaxinyre: —Mowe hābureny wamy raryberenya jiarý raremy. <sup>28</sup> Tiiboho rirawýōnyra: —Joaō Sebedýřdu riki, ijō Eliasi riki, ijō riki Deuxu rybedýřduō. <sup>29</sup> Tahe Jesuisi tamyrenny ritýřaxinyra: —Kaiboho, mōbo tarybetenyye jiarý raremy. Tahe Pedro rirawýōnyre: —Kai Kristu atximahāte. <sup>30</sup> Tii raraybinihikýmy ixi-ki rarybera: —Inyko wamy ijyōmykre.

<sup>31</sup> Jesuisi rexiranny erydýřmy: —Deuxu Riōre Hābutyhyhý heka aōna aōnany aōhōkýmy rotýřnynihikýkre. Matuari mahādu heka ixideramy ryanakre. Tule Deuxu aōmýsýdýřdu wedu, Bede ywina erydýř mahādu ixideramy ryanakre. Jesuisi kuduruke idi tahe txu inataō rýidi kedexiakre rubu-ribi. <sup>32</sup> Idi tahe iōruehekýlemy tamy rarybere. Pedro iny-ribi Jesuisi ritare, tahe tamy rarybere: —Kawese rybeōmyreke. <sup>33</sup> Jesuisi rōōsemny reare, retehemyhý taerydýřna-ò tahe Pedro-ò rarybere: —Bexitake wako-ribi Satanasi. Kai dori Deuxu ijoi aōkō atximahāte. Kai hābu ijoi tate. <sup>34</sup> Jesuisi ributunyye iny sōweheký, taerydýřna-wana tahe rarybere: —Inyō wahemy kanakeki, ixideele rexirahike, tahe taitxeō rimyke riwaheludunykemy. <sup>35</sup> Mōbo taumy tarasamy rurukeki, riononykre. Tahe aōtxile iny waluukeki, Rybewihiký luukeki, taumy wadee riononykeki, kia heka taumy ritakre. <sup>36</sup> Aōbo tahe awire, ibutumy aōna aōna bitake tai aumy biononyke. <sup>37</sup> Aōbo tahe iny riwahinykre taumy wydyna ōkesena aōbo. <sup>38</sup> Kai wijinabōdu ōrarudu mahādu rare, ōta ōtadu rare. Aōtxile iny walau warybe lau raixýrueki, tule Deuxu Riōre Hābutyhyhý ilau kanaixýrueki tii nadeu řjuwihiký-di boo wowydyna-ò.

## 9

<sup>1</sup> Tii tamyrenny rarybere: —Inatyhymy adeereny ararybekre. Ijōō kaki ratximyhýre ruruōtyhy Deuxu Iōlōnau taruru-di kedehemynykreu.

<sup>2</sup> Tahe debō sohoji txuu rýidi, Pedro, Txiau, Joaō-wana Jesuisi ridyre. Tiiboho sohojile bederatō-ò roire. Jesuisi tamyrenny rexiwixiranny. <sup>3</sup> Ity heka urile rabōtōranne. Iurahakýmy relere surōna ratyre heka rauranymy ritoosōnyre. <sup>4</sup> Tahe tamyrenny dex-itýnynde Eliasi, Moisesi-wana tahe rarybemyhýre Jesuisi-wana. <sup>5</sup> Pedro rarybere Jesuisi-ō: —Wawedu, awityhymy inihe kaki ratxirenyreri tahe rikiwinyrennykre inataō hetomy, ijō adee, ijō Moisesi-ò, ijō Eliasi-ò. <sup>6</sup> Pedro rieryōlemyhýre aōmybo rarybekemy ruberumyhýremy. <sup>7</sup> Nonoe dobehede iubōrōna bede ritōbōnyre. Tahe rarybere reare rybeuni iy-ribi: —Kia heka wariōre waluu rare. Kaiboho tami bohōlabenyye. <sup>8</sup> Tiiboho reteherenyye tahe inyō robiōlerenyye. Jesuisilemy robirenyre.

<sup>9</sup> Dohedeu tahe inydee Jesuisi rarybere: —Uritere inyō-ò tuu ijyōmykre aōmybo to-bitemy. Uritere Deuxu Riōre Hābutyhyhý rubu-ribi rexixareu, tai tahe tuu belybenyye. <sup>10</sup> Kia rybe wasimy riworennyre. Ixideerenyye wii ritýřaxinyrennyre: —Aōmybo rarybereri, rubu-ribi rexixamy nade. <sup>11</sup> Tiiboho tamy rýřaxinyrennyre: —Aðherekibo bede ywina erydýř mahādu rarybere Eliasi juhu kanakremy. <sup>12</sup> Tii rirawýōnyre: —Inatyhymy, Eliasi juhu nade. Ibutumy aōna aōna riywinykremy. Tewesebo raritinanymy rýřeri: —Deuxu Riōre Hābutyhyhý aōna aōnany aōhōkýmy rotýřnynihikýre. Tahe tii inydee awiōhykre.

<sup>13</sup> Adeereny ararybekre: —Eliasi nade. Tule iny ixideewilemy tamy riwinyrenyre. Kaheka iaõmydÿÿnana riritinanymy rÿire.

<sup>14-15</sup> Jesuisi dehemynde taerydÿÿna mahãdu-ò, tahe robire iny sõwehekÿmy tahe bede ywina erydÿÿ mahãdu taerydÿÿna-wana ritxiõnymyhyre. Tahe Jesuisimy robireu, tahe tiiboho riumysaõnyrenyre. Raõrunyrenyre irybedÿÿmy. <sup>16</sup> Tamy rÿÿraxire: —Aõmybo tamyreny tatÿÿraxinyteri. <sup>17</sup> Inyõ rirawõnyre: —Erydÿÿdu, wariõre adee redyteri. Tii tytybybina rybeõhõkÿ-di ratxireri. <sup>18</sup> Tytybybina rimyre tahe riatorye bede-ò. Idi tahe urile txuu riyiyinyre. Tahe tii rubureriwesele roire. Aerydÿÿna-ò jiarÿ rarybera tytybybina riteranykremy, tahe tiiboho iruruõhymyhy. <sup>19</sup> Jesuisi tamyreny rarybere: —Tiwesebededÿÿnanabo wijinabòdu ityhyõlemy rÿira. Tiwesebededÿÿnanabo awanareny ariijekemy. Wadee uladu bididyke. <sup>20</sup> Tahe didydenyde Jesuisi-ò. Jesuisimy robireu tahe tytybybina urile raitxÿteitxÿteny resere. Idi tahe urile bede-ki rara õhõremy raratyomyhy rybexi irywomy rõhõnymyhy. <sup>21</sup> Jesuisi rÿÿraxire uladutyby-ò tiubedemybo taheka kaa binana tamy dehemynde. Tii rarybere: —Uladuylale idi rõrunyde. <sup>22</sup> Tiwese wese aõkõ idi rehure bera-ò, heõty-ò rahukemy. Aõ biwinykeki, jiarÿboho biwawiohenanyke wijile. Kai biwaruxetõenybenyke. <sup>23</sup> Jesuisi rarybere: —Kai bityhynykeki, ibutummy aõna aõna rÿimyhÿre. <sup>24</sup> Aõwesele uladutyby ryryre idi tahe rarybere: —Jiarÿ retyhynyre, biwiohenanyke aõbo rauhenyde. <sup>25</sup> Jesuisi iny sõwemy robire wii rotyrerimy, tahe riteranyre tytybybina-ò: —Kai tytyby rybeõ tule roholaõ iribi bõhõnykre, tiu ixityre malõõthy. <sup>26</sup> Tytybybina ryryre. Uladu ritxÿtenyre idi tahe rõhõnyre. Uladu rubuwesele roire herimy. Tahe iny sõwemy rarybere: —Tii rurura. <sup>27</sup> Jesuisi rimyre tebõ ritamadÿÿnyremy tahe uladu rÿire lamamy. <sup>28</sup> Heto ralorenyre ierydÿÿna mahãdu tamy rÿÿraxirenyre: —Aõherikibo jiarÿboho tytybybina riteõnyõreny. <sup>29</sup> Tamyreny rarybere: —Kaiboho bexitõenybenykeki byreõna-di bonybenykeki, kiawesele heka rõhõnyke.

<sup>30</sup> Iribi rõhõnyre, Kalileia lowysy-di roirenyre. Jesuisi heka inyerydÿÿderamyhy tai ratximyhyki. <sup>31</sup> Taerydÿÿna mahãdu Jesuisi riernanyomyhyre. Jesuisi tamyreny rarybere: —Deuxu Riõre Hãbutyhyky heka rawahidÿÿkre hãburenyõ-ò. Tii hãbureny rirubunykre. Idi tahe txu inataõ txuu rÿidi tahe kedexixakre rubu-ribi. <sup>32</sup> Tiiboho rierykõlere tahe ruberurenyre tÿÿraxidÿÿki.

<sup>33</sup> Idi tahe rehemynde Kafanaõ-ò. Ralore heto-ò. Jesuisi tamyreny rÿÿraxire: —Aõmywe widee tarybetenyteri ryro-ki. <sup>34</sup> Tiiboho urile roholarenyre rybeõlemy. Ryro-ki dori rarybemyhy mowexe wiribi aõnomy rõhõnykre. <sup>35</sup> Tahe Jesuisi ronyrenyredi, Jesuisi taerydÿÿna mahãdu ributunyre erydÿÿmy: —Inyõ juhuludumy rarekemy ratxikeki, tai heka tii ihewoludukre. Tule tii reake ibutummy deõdumy. <sup>36</sup> Tahe Jesuisi uladuõ rimyre risÿnyre iubetya-txi tahe taerydÿÿna-ò rarybere: <sup>37</sup> —Moõ uladu kawese wadee riwiohenanykeki, riwawiohenanyre. Moõ riwawiohenanykeki, tule wateõdÿÿdule riwiohenanyre.

<sup>38</sup> Joaõ tamy rarybere: —Erydÿÿdu, jiarÿboho tuu rabirenyre inyõ tytybybina-di ani-ò rehureriõ. Tahe iny mahãdureny aõkõ rare. Tahe jiarÿboho tamy reijõnyrenyre iny mahãdureny dori aõkõ rare. <sup>39</sup> Tahe Jesuisi rarybere: —Biiõnybenyõkre. Inyõ wani-di bedeõby riwinykeki, wanimy heka ibinamy rarybeõthy. <sup>40</sup> Iny õluduõkeki, tii heka iny ijoj rare. <sup>41</sup> Inyõ beõ adeereny waninamy riwahinykre-wana, kai waerydÿÿna dori tate, inatyhmy adee ararybekre. Tii tawahidÿÿna ritakre. <sup>42</sup> Inyõ kaa uladu ityhydÿÿdu riatorye õraruna-txi, kia heka tamy awire tõti-ki myna ritaamy idi bera-txi rehure. <sup>43</sup> Ebõle araatykeki õraruna-txi, juhuule adee awire ebõ biõrõke. Kia heka awityhykre iny welytyle ralokre biu-ò, tahe awiõthykre heõtytõteehékÿ-ò ralõkeki debõ inatxi-di. <sup>44</sup> [Tai mohõ ruruõthy. Heõty ruruõthy.] <sup>45</sup> Awa araatykeki õraruna-txi, juhuule adee awire awa biõrõke kia awire iny rariake awa sohojilemy, awiõre heka heõtytõteehékÿ-ò ralokre awa inatxi-di. <sup>46</sup> [Tai mohõ ruruõthy. Heõty ruruõthy.] <sup>47</sup> Arue araatykeki õraruna-txi, bitake idi behuke juhuule adee awire arue sohoji-di Deuxu Iolõ biu-ò ralokre, tahe awiõre heõtytõteehékÿ-ò ralokre arue inatxi-di. <sup>48</sup> Tai mohõ ruruõthy. Heõty ruruõthy. <sup>49</sup> Ibutummy iny heka heõty-di rijjyranikyre. <sup>50</sup> Jjyra heka awire, saa wahe. Urile taruru riononykeki, tiwesebo tarÿsÿna uri icybyle tawo-ki bitidikre. Kaiboho ibutummy widee eysarenlyre.

## 10

<sup>1</sup> Jesuisi iribi rexitare. Tahe rare Judeia bede bede-ò, tule Jordaõ kanawe-ribi ijã-ò. Iny sõwemy tamy ributunyre, tahe tiiboho Jesuisi riernanyre. Tii reõarimy tuu ratximyhyre.

<sup>2</sup> Tamy lahi rybe-di erydÿÿdu mahãdu dehemyndenye irutaadÿÿrenyemy. Tahe tamy rÿÿraxinyre: —Hãbu aõbo tahãwyy ririleke, awire aõbo ibinare aõbo. <sup>3</sup> Tahe Jesuisi tamyreny rirawõnyre: —Aõrybe bede ywina-di Moisesi riernanyre. <sup>4</sup> Tahe tiiboho Jesuisi-ò dirawõnyndenye: —Tii riernanyre iny tahãwyy ririkemy. Urile juhuu hãwyy bede erydÿÿna rybe tyriti riwinykemy, idi tahe tahãwyy ririkemy. <sup>5</sup> Jesuisi tamyreny rarybere: —Õhõtixyre dori Moisesi kia rybe bede ywina adee riwahinyre. <sup>6</sup> Juhu bede Deuxu

riwinyre hābu, hāwyy-wana.

<sup>7</sup> Iurenana tahe hābu tadibohosy-ribi rōhōnymyhÿre tai roimyhÿre hāwyy-wana.

<sup>8</sup> Hābu inatyhy hāwyy-wana roimyhÿre, sohoji tyhylemy radenymyhÿre.

Iny inatxi inymy aōkō rÿimyhÿre, sohoji tyhylemy rÿimyhÿre. <sup>9</sup> Hābu hāwyy-wana Deuxu ributunyre, iny iwitxira wiribi ritōhōrarienyōtyhy. <sup>10</sup> Hetowo-ki tahe ierydÿÿna ritÿÿraxinyre kia rybe-ki. <sup>11</sup> Jesuisi tamyreny rarybere: —Aōtxile hābuō tahāwyy ririkeki tahe ijō-wana roikeki, kia heka ōtadu rare. <sup>12</sup> Hāwyy tahābu ririkeki tahe ijō hābu-wana roikeki, kia heka wedena rare.

<sup>13</sup> Tiiboho tamy didydenyde uladu tamy debò reakemy. Tahe ierydÿÿna riononymy rarybere tamy idyrenyōmykre. <sup>14</sup> Jesuisi kiamy robireu, rikyaranyre rarybere: —Txio, kididyke uladu wadee. Uladu wese dori Deuxu Iōlōna rare. <sup>15</sup> Inatyhymy ararybekre: —Moō heka uladuwesemy Deuxu Iōlōna ralōōkeki, kia heka Deuxu Iōlōna-ō ralōōtyhy. <sup>16</sup> Tahe Jesuisi rexiranyre uladu manamy taaxio-ō rimyre. Tahe tebò iratyytyre ritidimy tamyreny rarybewihikÿre.

<sup>17</sup> Tahe Jesuisi rydi raloreu, hābuō tamy reare. Tahe hābu iko-txi resere tatiowotimy. Rarybere: —Erydÿÿdu wihikÿ, aōwexe ariwinykre biu-ō hena aritakremy tiehyhymy umy-wihikÿ-di ararekremy. <sup>18</sup> Jesuisi tamy rarybere: —Aōherekibo wihikÿmy wadee tarybeta. Hābu awiōre. Deuxu sohojile tahe awire. <sup>19</sup> Bede ywina kai teeryte: rubudÿÿōmykemy, tule ōta ōtaōmykemy, wasiōmykemy, tule ruiōmykemy, iny wii itxenadÿÿōmykemy, adi bity-hynykemy, boo tule. <sup>20</sup> Hābu tamy rarybere: —Erydÿÿdu, kia bede ywina rewiny-hyylere, uladuule wiji-ō. <sup>21</sup> Jesuisi tamy retehere tuu reōaire tahe rarybere: —Kai sohoji aōmydÿÿnale aki nasirandy. Kai makre, ibutumy aōna aōna-ō bōhōnykre, idi tahe idi biwahinykre iny aōkō mahādu-ō. Kia tahe aōmydÿÿnadikre biu-txi. Tahe manakre biwaheludunykre. <sup>22</sup> Kia rybe-ki heka hābu rabadewore. Rexitare ibedewomy urile iaōna aōna sōwetyhyreki.

<sup>23</sup> Jesuisi retehemy iwerura-di tahe rarybera taerydÿÿna-ō: —Kia iny iaōna aōna sōwemy rÿireri, tamy Deuxu Iōlōna-ō ralōke isirare. <sup>24</sup> Ierydÿÿna mahādu bede ribedeōtiinyrenyre irybe-ki. Jesuisi ixityre rarybere: —Waexiboho, isiratyhy rare Deuxu Iōlōna-ō ralōkemy. <sup>25</sup> Kamelo tyyorenawo-di ralōkemy isirakeki, kia-ribi isiratyhyre iny iaōna aōnadikeki ralōke Deuxu Iōlōna-ō. <sup>26</sup> Tiiboho bede ratiinyre sōwemy. Widee rarybere: —Mobo tahe iōraru-ribi iny ritakre. <sup>27</sup> Jesuisi iwerora-di retehere tahe rarybera: —Inatyhymy kōaōboka hābu-ō isiratyhyre. Deuxu-ō tahe ibutumy aōna aōna isiraōre. <sup>28</sup> Pedro rexiranyre rarybere: —Boholake, jiarÿboho ibutumy rerirenyra araheludunykremy. <sup>29</sup> Jesuisi rarybere tamy: —Inatyhymy adeereny ararybekre. Moō waluukeki, ribewihikÿ luukeki, kia heka ririkre: heto, taseriōre, tyby tadi-wana, tariōre, tabede, ibutumy ririkre. <sup>30</sup> Wijile itarasamy rarekre: 100 sÿmy, 100 seriōre, 100 tybyboho, 100 tadiboho, 100 tariōreboho, 100 tabede. Iny tamy rarybebinanykre tule. Ijō bede kanakre tahe taumy tÿmyra-di tiemy rarekre. <sup>31</sup> Tahe sōwera julu ihewomy rōhōnykre. Ihewo ludu ijō iko-ō rōhōnykre.

<sup>32</sup> Tiiboho rydi raōwōnyrenyre Jerusalē hāwā-ō. Jesuisi heka rare ikorenymy. Ierydÿÿna mahādu bede ribedeōtiinyre. Tiiboho Jesuisi riheludunymy ihewo-ribi. Tahe Jesuisi reraōmyhÿ idi rare waōinatxi reurō taerydÿÿna mahādu-wana. Tii relyyre ixityre aōbo ixidee kÿnykremy. <sup>33</sup> Boholabenyke inyboho roirenyreri Jerusalē-ō. Kowa, jiarÿ Deuxu Riōre Hābutyhykÿ, inyō riwawahinykre Deuxu aōmysÿdÿÿdu mahādu wedu-ō, bede ywina erydÿÿ mahādu-ō. Kia warubudÿÿmy riwawahinykre tori-ō. <sup>34</sup> Tiiboho kidiwalahikre. Watyre kanarybexinykre. Ōhōte-di kidiwahātenykre. Idi tahe kidiwarubunykre inataō txu-di. Tahe rubu-ribi adexixakre.

<sup>35</sup> Joaō, ijō Txiau, wii Zebedu riōre, tamy nade. Tahe rarybere: —Erydÿÿdu, kai aōma aō wadeereny biwahinykre. <sup>36</sup> Jesuisi rarybere: —Aōbohe jiarÿ adeereny ariwahinykre. <sup>37</sup> Tahe tamy rarybere: —Kai, aiōlōnasÿ-ō kedehemynykreu, aruruwe-ribi aronykre, waseriōre ahywewe-ribi ronykre. <sup>38</sup> Tahe Jesuisi rarybere: —Kaiboho teeryōlemahāte aōmybo textitōenyteri. Kaiboho aōbohe wabemona-di biōbenyke idi Jerusalē-ō adiōkremy wahāredi. Kaiboho aōbohe wasebena-di mohōlebenyke idi jiarÿ anohōkremy wāhāredi. <sup>39</sup> Tiiboho dirawōnynde: —Kohe tulekre. Jesuisi tamyreny rarybere: —Bemona-di ariōkre kaiboho tule idi biōbenykre. Sebena-di jiarÿ adohōkremy, kaiboho tule idi mohōbenykre. <sup>40</sup> Tahe mobo wabire ronykre ruruwe-ribi hywewe-ribi kia heka jiarÿle ariwahinyōkre. Kia tahe iyrubudÿÿmy rÿireri Deuxule kidiwahinykremy. <sup>41</sup> Tai debōwō erydÿÿna mahādu heka Joaō-ō, Txiau-ō tamyreny iky reare. <sup>42</sup> Jesuisi tamyreny raryre tamy kanakemy, tahe rarybere: —Kaiboho teerytenytoriwedu irurusōwe dire. Iny nihikÿ heka inymy deōdu luure. <sup>43</sup> Jesuisi kiamy rarybere: —Kia wese tahe aworeny-ki aōkōkre. Kaiboho aōtxile mobo bōityhynhykykre, ijō iny deōdumy rarekre. <sup>44</sup> Mobo juhutyhy rarelekre, deōdumy

rarekre. <sup>45</sup> Deuxu Riöre Hābutyhyhkȳ nade teòdu sòwekemy aōkō tahe ixilemy reòdunyky. Nade taumy wahidỹmy sòwemy iny tarasamy.

<sup>46</sup> Idi tahe roire Ijeriò hāwā-ò. Jesuisi taerydỹna-wana iny sòwehekỹ-wana ròhònyrenyara. Tahe rahare Bartimeu ruetàhākỹ-ki. Bartimeu tahe Timeu riöre rare. Tii ronyre rywe-ribi aōna aōnamy rexitòenyneri. <sup>47</sup> Tii roholare Jesuisi Nazare ludu kia rare tahe tamy ryrara: —Jesuisi, Davi riöre, wadee maruxetòekre. <sup>48</sup> Sòwemy tamy rarybere: —Rybeòmyke. Tahe aòhe-wana tii rarybemyhỹre: —Davi riöre wadi mawotòeke. <sup>49</sup> Jesuisi riyryre tahe rarybere: —Tamy byryke wadee kodoikemy. <sup>50</sup> Tahe rexitareu rỹire, wylemy nade Jesuisi-ò. <sup>51</sup> Jesuisi tamy rarybere: —Aòmybo kai taruteri adee ariwahinykremy. Tahe hābu ruetàhākỹ tamy rarybere: —Wawedu, ixityre arobikremy. <sup>52</sup> Jesuisi tamy rarybere: —Makre, atyhydỹna kai arateytenyara. Kialehe rare. Aòwesele ixityre tii robire. Tahe Jesuisihemy rare, ryki.

## 11

<sup>1</sup> Jerusalē iòhòmy ritehemynyrenyreu, tahe inatxi taerydỹna riteònyra hāwā-ò. Inatxi hāwā-ò iòhòmy, Betabaji, Betỹnia-wana. Kia-ò Oliveira hāwālo roire. <sup>2</sup> Jesuisi rarybere: —Kaiboho boikre kowa hāwā-ò. Kowa-ò birònykreu jumentinho mahabenykre. Moheka ityre rariaòemy ratximyhỹre. Bieseke, wadee bididyke. <sup>3</sup> Inyò adeereny rarybekeki: —Aòhekremybo idi atxitenyteri. Tahe tamy marybebenykre: —Wanyrỹ tuu rurureri. Ixityre kaò kidiòkesedỹnykre. <sup>4</sup> Tahe hābu roire. Jumentinho ryro hetoiò-ki ritisanymy rỹimyhỹ. Tai riesere. <sup>5</sup> Kia hāwā mahādu rarybere: —Aòherekibo jumentinho kaiboho tetatenyta. <sup>6</sup> Tai tiiboho Jesuisi rybe tamy riwahinyra. Tai hāwā mahādu jumentinho riwahinyre. <sup>7</sup> Tahe ridyreny jumentinho Jesuisi-ò. Tiiboho tatyryeny ritidirenyre jumentinho tyremy. Tiiboho risỹnyrenyre Jesuisi ityre-ò. <sup>8</sup> Ijòbobo tahe horerule ritidire ryromy, ijò tahe tauwòhi ryromy ritidire ityre rariakemy. <sup>9-10</sup> Ihewo ludu, iko ludu rawyhyrarònyneri, tule ryrereri: —Tii heka wowydyna rare. Tii heka Wanyrỹ niwesekemy naderi. Wowydyna rare iny labie Davi Iòlòna. Kai Iòlòna kanakre. Wyhyrarò biu-txi kodoholakre.

<sup>11</sup> Kia wese Jesuisi ralore Jerusalē-ò. Dohodỹna heto-ò ralore, ibutumy retehere, idi tahe ròhònyre txiorotyhyreki. Tahe Betỹnia-ò roirenyre.

<sup>12</sup> Ijò txu biòwamy tahe Betỹnia-ribi rexitarenyreu tahe tii rama rahure. <sup>13</sup> Òwòru figueira rademy robirenymy irehe-ribi. Tahe tamy ritehemynyreu iraty-ki raharenyòlere, aòmyreki figueira raty bededỹnanamy aōkō bede rỹimyhỹre urenana. <sup>14</sup> Òwòru figueira-ò Jesuisi rarybere: —Tiu heka moò araty ritòòtyhy. Tahe ierydỹna roholare.

<sup>15</sup> Tahe ritehemynyrenyre Jerusalē hāwā-ò. Tahe Jesuisi dohodỹna hetowo-ò ralore. Tahe kia-ribi aōna aōna-di rohonymyhỹre mahādu, òbradu mahādu diteònyde. Tahe nieru wibydỹdu mahādu, òwòrubesedỹ-di Jesuisi rehure. Bòtòe dinodu mahādu rynana-di Jesuisi rehure. <sup>16</sup> Inyò heka ritxydỹnyòlere dohodỹna hetowo-ki. <sup>17</sup> Rierynanymyhỹre tahe tamy rarybere: —Raritidỹòlemy aòbo rỹireri:

Waheto kōaòboka inatyhymy ibutumy iny wixira wixira dee ixitòedỹna hetomy rỹirakre. Waheto tewinytenyte wasidu hetowesele.

<sup>18</sup> Bede ywina erydỹ mahādu, Deuxu aòmysỹdỹdu wedu mahādu roholarenyreu, ròhòtinyrenyre: —Timybo inyboho Jesuisi rubudỹmy ròkiwisỹnykre. Tiiboho ruberumyhỹrenyre iny sòwemy dori bede riòtiinyhỹ ibedeerydỹnareny-ki.

<sup>19</sup> Txioromy dehemynde, tiiboho rexitarenymyhỹre hāwāhākỹ-ribi.

<sup>20</sup> Txu ròhòny-di, rehemyrenyre òwòru figueira-ò. Tiiboho robirenyre rarubumy rỹireriò, taru-wana, tararoti-wana. <sup>21</sup> Pedro ixi-txi tòhòti reare tahe rarybere: —Erydỹdu, betehe inihe aōma òwòru figueira rarubumy rỹire arybebina-di tamy tarybetaki. <sup>22</sup> Jesuisi dirawyònyde: —Kaiboho Deuxu bityhynymyhỹbeny. <sup>23</sup> Inyò rarybekeki kaa bede ratòhòkỹ-ki: —Kai myike, adi adehu rỹikre berohokỹ-ki. Tahe irybe heka kedelekre. Tai inyò rityhnykeki, tumy heka kedelekre. Tahe uritere iseòdỹòmykre urile bityhnykre, irybe heka kedelekre. <sup>24</sup> Iurenana adee ararybekre: —Aòtxile aò bexitòenykre, kia heka bitakre. Bityhnykeki, inatyhymy bitake. <sup>25</sup> Kaiboho texitòenytenyteri wana aòbo iny-dee aký reamyhỹre kia biixāwididỹnyhỹke ratximyhỹre, Deuxu dori riixāwididỹnyke aòrarureny-ribi. <sup>26</sup> Kai iny wixira òraru biixāwididỹnyòkeki, boo biu-ki ratximyhỹre aòraru riixāwididỹnyòkre.

<sup>27</sup> Tiiboho ixityre doide Jerusalē hāwā-ò. Ririranymyhỹrenyreu dohodỹna hetowo-ki, bede ywina erydỹ mahādu, Deuxu aòmysỹdỹdu wedu mahādu, matuari mahādu tamy doide. <sup>28</sup> Tiiboho tamy ritỹraxyrenyre: —Mowe ateòdỹdu kia aōna aōnamy tatỹnymyhỹte. <sup>29</sup> Jesuisi dirawyònyde: —Adeereny tule araỹraxikre. Kaiboho bidiwawyònykeki, tahe jiarỹ akoreny ỹraxina arelyyke, aòrurudibo aōna aōna rewinyhỹre. <sup>30</sup> Tahe Jesuisi ritỹraxyrenyre: —Ratyysebedỹna, Joaò hòrò, kia heka tiribibo nade, biu-ribi ada hābu mahādu-ribi.

Kia manarybeke. <sup>31</sup> Tiiboho widee rarybera: —Biu-ribi inyboho raryberenykeki, tai tii rarybekre: —Aðherekibo tahe tii tetyhynytenyöte. <sup>32</sup> Håbu-ribi inyboho raryberenykeki, iny aruberumyhÿrenykre. Ibutumy iny rityhynyre Joað heka Deuxu rybedu raremyhÿ. <sup>33</sup> Tai tahe tiiboho raryberenyre: —Inyboho reeryörenyre. Tai tahe Jesuisi rarybera: —Hebo, jiarÿ adee arelyötyhy modeðdÿÿdubo jiarÿ watzireri.

## 12

<sup>1</sup> Iribi tahe Jesuisi tamyreny ijyy-di riernanymyhÿre: —Håbu uva oworuð wese rõbröre. Tahe riðtitynyre. Tahe håloo riare oworuubetya-ki, ruÿdÿÿnymy. Tahe utò riwinyre. Idi tahe rihuðtere hæbu mahådu-ð. Tahe rexitare tasÿ-ribi ijð bede-ð. <sup>2</sup> Tahe bederatsiredemy bededÿÿnana rehemynyreu, iwedu teòdu riteðnyre bederaty ritakemy. <sup>3</sup> Huòtedu mahådu teòdu rimyreny, rihetenyre tahe riteðnyre ixihyykemy. <sup>4</sup> Ixityre oworuwedu teòduð riteðnyre. Kia heka irati rihetenyre ta tamy rawobinarybenyre. <sup>5</sup> Ijð riteðnyre. Kia heka rirubunynyre. <sup>6</sup> Tahe oworuwedu iriöre sohojilere, tahe iluumy raremyhÿ ihewomy tii riteðnyre. tahe wedu rarybere: —Wariðrele heka tiiboho rityhynyrenykre. <sup>7</sup> Kia huòtedu mahådu widee raryberenyre: —Kia heka wedu aðna aðna tarasadu rare. Rikirubunykre tahe iaðna aðna inydeerenykre. <sup>8</sup> Tahe rimyrenyre idi rirubunyre tahe idi rehewonyre oworu-ribi. <sup>9</sup> Jesuisi ritÿÿraxinyre: —Aðhebo tahe oworuwedu rotÿÿnykre. Tii kodoikre huòtedu mahådu hudumy, tai tahe oworu riwahinykre inywitzira-ð. <sup>10-11</sup> Ritina-di aðbo tariaðletenyte kia ryberiti:

—Mana-di hetowidÿÿdu rehura. Kia mana heka hetohåtxi-ki ritidimy doide. Kia heka Wanyrÿ riwinyre kia iny ruereny dee aðna aðna nihikÿ rare.

<sup>12</sup> Tai ijohonadu mahådu Jesuisi mynomy ratximyhÿ tii dori rieryre ixidee lau Jesuisi ijyymy relymyyhÿre. Tiiboho ruberurennyre iny sðwehekÿ lau. Tahe rexitarennyre, rexixåwidinyre.

<sup>13</sup> Idi riteðnyrennyre Lahi rybe-di erydÿÿdu mahådu, Herodi mahådu-wana tamy imy-namy irybe-ki. <sup>14</sup> Tiiboho rarybere Jesuisi-ð: —Erydÿÿdu, jiarÿboho araerymy adi watziwåhårennyre kai inatyhy hæbu tate. Iny ibutumy adee wiwese wiweselere. Inatyhymy iny-ð Deuxurymy teernyanmahåte. Tahe tiiboho ritÿÿraxinyrennyre: —Awire aðbo ada ibinare aðbo nieru rawahinymyhÿre bede dinodu-ð. <sup>15</sup> Timybo tahe, rikiðwiny aðbo ada aðkøre aðbo. Jesuisi rierymyhÿre tõhõtinanareny, tahe ritÿÿraxinyra: —Aðherekibo kaiboho ti-waurihitenyteri. Wadee womati nieruð bidiwy waitxerenamy. <sup>16</sup> Tahe tamy diwydenyde. Tahe tii ixityre ritÿÿraxinyra: —Kawe moð tyytarasana rare, katahe moð tyyritina rare. Tiiboho dirawyðnyde: —Kiahe bede dinoduhõrõ rare. <sup>17</sup> Jesuisi rarybere: —Hÿdebo, bede dinoduhõrõ tahe tamy biwahinybeny tule tahe Deuxu aðna aðnahõrõ tamy biwahinybeny. Tiiboho bede riðtiinyrennyre.

<sup>18</sup> Saduseu mahådu tamy nade. Kia heka iny rubu-ribi rexixamy aðkøre-riki ri-erynanymyhÿre. Tiiboho ritÿÿraxinyre Jesuisi: <sup>19</sup> —Erydÿÿdu, Moisesi raritinyra bede ywina-di: —Håbuð rurukeki, tahåwyy iriöre ijðdiðkeki, tahe kia hæwyy tahåbu seriðre-wana roike. Iriðredikre taseriðre rubuðwymy roikre. <sup>20</sup> Seriðre debðinatxi reurðmy raremyhÿ. Juhuu ijð roire hæwyy-wana. Tahe tii rurure iriðreðlemy. <sup>21</sup> Tahe ihewo ludu iseriðre wytese-wana roire. Tii rurure iriðreðlemy. <sup>22</sup> Iheweludutyhy tule ibutumy roire wytese-wana, tahe ituerennyre iriðreðlemy. Irððbymy tahe hæwyy tule rurure. <sup>23</sup> Ixixanau tahe mohåbuo tuu rarekre. Ibutumy dori wytese-wana roire. <sup>24</sup> Tai tahe Jesuisi tamyreny rarybere: —Kaki kaiboho teðsamy toite aðma ritina teeryðtenyteki. Tule Deuxururu teeryðtenyte. <sup>25</sup> Ixixanau heka moð roiðtyhy. Ibutumy iny ÿju wese rarekre biu bede-txi. <sup>26</sup> Kaiboho aðbo tatyritinytenyðta iny rubu-ribi kedexixakremy. Kia heka raritinyry rÿire Moisesi tyyriti-ki, õworusõmo ijyy-ki rÿimyhÿ. Iwese Deuxu rarybere Moisesi-ð: —Jiarÿ heka Abrað Deuxu rare. Ijai Deuxu rare. Ijað Deuxu jiarÿ rare. <sup>27</sup> Jiarÿ heka rubu mahådu Deuxu aðkøre rare, tahe iru mahådu Deuxu jiarÿ rare. Kaiboho teðsamy toite.

<sup>28</sup> Bede ywina erydÿÿ mahåduð nade ijohonamy. Tahe tiiboho widee raryberenyry roholareu, Jesuisi tamyreny rirawyðnywhikÿreu, tahe tii Jesuisi-ð ritÿÿraxinyre: —Tibo rybe bede ywina juhuure. <sup>29</sup> Jesuisi rirawyðnyre: —Ka heka juhu ludu rare: —Boholake Israeli mahådu, judeu ijai mahådu wahe. Wanyrÿ, iny Deuxu sohojile rare. <sup>30</sup> Kia aDeuxu luuke ibutumy awo-ribi, aumytytyby-ribi, ibutumy aruru-ribi. <sup>31</sup> Ka heka ihewo ludu rare: —Kai abireluduluuke iwese ixiluuke wese. Ijð bede ywina heka ka ratyreðre. <sup>32</sup> Tahe Bede ywina erydÿÿ mahåduð rarybere: —Inatyhymy kai tarybeta. Deuxu heka sohojile ratximyhÿre. <sup>33</sup> Ibutumy awo-ribi iluukemy. Ibutumy aruru-wana iluukemy. Tule ibutumy aeryna-wana iluukemy. Iwese kai ixiluure wese, abire ludu mahådu luukemy. Kia heka ibutumy irðduxiweloo ratyre rare. Ibutumy wahidÿÿnaloodÿÿna ratyre rare. <sup>34</sup> Jesuisi rieryre kia hæbu rirawyðnywhikÿre tai tamy rarybere: —Kai heka Deuxu Iðlõna-ribi irehemy aðkøre. Tai tahe ibutumy ilau ruberure tÿÿraxidÿÿki.



<sup>35</sup> Jesuisi dohodŷŷna heto-ki riernyanymyhyre, rarybere: —Timybo Bede ywina erydŷŷ mahādu rarybemyhyre Kristu Davi riōre raremy. <sup>36</sup> Davi rarybere aōmybo Deuxu Tytybytyhy tamy narybedemy: —Wanyrŷ rarybere Wanyrŷ-ō: —Bodony warurunawe-ribi. Txiohe rare, aōludu awarawo-txi aritidikre. <sup>37</sup> Tahe Davile Wanyrŷ rininire. Timybo tahe Davi iriōremykre. Tahe iny sōwemy deysana-di roholarenymy.

<sup>38</sup> Tii riernyanymyhyre, rarybera: —Bexiemyhybeny bede ywina erydŷŷ mahādu lau. Tiiboho heka tyrehe-di riraluurenymy. Tiiboho heka rybedŷŷluurenymy hāwāhākŷ riranaki. <sup>39</sup> Dohodŷŷna heto-ki juhurnana luurenymy. Tule ta anarŷŷ rŷiwana, juhu ryanadile tamyreny awire. <sup>40</sup> Tiiboho tule wytese urimynydu aōna aōna ritarenymy. Ixitōedŷŷna rehehekŷ rexitōenymyhyrenymy. Tiiboho heka aōnihikŷmy aōhōkŷmy dŷŷnana riōwynyrenymykre.

<sup>41</sup> Jesuisi retehemy rŷimyhŷ dohodŷŷna heto nieruhyna ratya-txi. Tii retehere timybo iny sōwemy tanieru-di tamy rehummyhy. Tahe ityhyhikŷ tamy sōwemy nieru-di rehure. <sup>42</sup> Tahe nade wytese iaōkōdu mahāduō tii rare. Tii inatxi nieru sōmo-di rehure. Tanieru tahe nierukonana rare. <sup>43</sup> Jesuisi ryryre taerydŷŷna-ō: —Inatymy adee araybekre. Kowa heka wytese nieru-di rehure ibutumy iny wixira ratyre. <sup>44</sup> Kaa mahādu ibutumy nieru-di rehure rauhenyredile. Tahe wytese idi rehure ibutumy tanieru-di rexihummy taumy-ribi idi rehure.

## 13

<sup>1</sup> Dohodŷŷna heto-ribi rōhōnyre, ierydŷŷna tamy rarybere: —Erydŷŷdu, beteheke inihe mana nihikŷ-ō, hetohokŷ-ō. <sup>2</sup> Jesuisi rirawōnyre rarybere: —Kaiboho betehebennykre heto nihikŷ-ō. Kia heka mana ijō wityre-ki rŷiōtyhy, ibutumy heka kedexumykre.

<sup>3</sup> Oliveira bederatōhōkŷ-ki tii ronyre dohodŷŷna hetoko-txi, tahe Pedro, Txiau, Joaō, ibutumy tamy doide rŷŷraximy iny-ribi irehemy. <sup>4</sup> Wakoreny bedelyyke, tiubo kia kŷnyykre. Ibutumy aōna aōna kŷnyykre wana tibo iny bedeernyrenymykre. <sup>5</sup> Jesuisi rexiranyre tamyreny rarybere: —Kaiboho anaitxenanydenyheny lau bexiebenykre. <sup>6</sup> Sōwemy dori roikre wanimy rarybemy rarekre: —Jiarŷ dori Kristu rare. Tahe iny sōwemy anaitxenanykre. <sup>7</sup> Kaiboho wounarybe-ō, aōbinarybe-ō, boholakre, breburenyōmykre. Kia heka kanakremy ratximyhŷre. Urile bededŷŷnana ikonamymy aōkōhyulemyhyre. <sup>8</sup> Uritere inylahinarenymy, ijōlahinarenymy-wana wii kidiaōbinanykre. Tule iōlōna mahādu ijō iōlōna mahādu-wana wii kidiaōbinanykre. Bede bedesu ijō hāwā-ki kanamytatakre. Tahe aōkōre rama kedekre. Kia heka juhu aōhōkŷmydŷŷnana rarekre.

<sup>9</sup> Kai bexieke anamydenyheny lau. Tiiboho anawahinydenykre aōludu wedu-ō, iōlō-ō. Tiiboho anahatenydenykre dohodŷŷna hetowo-ki. Kiabohoko-txi wadee kaiboho kedelyykre inatymymy aōna aōna rŷiremy. <sup>10</sup> Rybewihikŷ juhuu ibutumy bede hāwā hāwā-ō kiditŷnydŷŷnykre. <sup>11</sup> Tiubo aradyrenykeu, urile nohōtiōmy aōbo kaiboho marybebenykre. Kiautyhyle aōmybo rarybekremy bierykre. Kia tahe marybekre. Kai dori aōkō tarybe-mahāte, Deuxu Tytybytyhy tahe rarybemyhyre. <sup>12</sup> Seriōre seriōle wii kidirubunykre. Tyby heka tariōre kidirubunykre. Uladule tadi, tyby kidirubunykre. <sup>13</sup> Ibutumy heka iny iy kedekre wani ōraru-ki. Kia heka ikonana-ō rijekre, taumy tarasanakre.

<sup>14</sup> Aōna aōna binahakŷ kanakre, ibutumy rahukemy. Tiiboho kanakeu itxinonana-txi aōkō rarekemy, kaiboho mahenybenykre bederatōhōkŷ-ō, Judeia hāwā hāwā-ki ratxikeki, mahenybenykre. <sup>15</sup> Inyō hetotyre-ki ratxikeki, urile rōteōmy aōna aōna wydysymy. <sup>16</sup> Inyō bedero-ki ratxirekeki, uritere ōkeseōmy tyy ōrysmy. <sup>17</sup> Kobexe heny hāwymy bōtōmy rŷira, tule hāwymy tariōre ritōnymy rŷira. <sup>18</sup> Bexitōenykre kia kanaheny bededŷŷnana sirau. <sup>19</sup> Aōhōkŷmydŷŷnana kanakre tii heka tuuōre. Juhule Deuxu bede riwinyreule wiji tuu yrubule bede roimyhŷre. Tii heka kiamy bede roiōtyhy aōhōkŷmydŷŷnanamymy. <sup>20</sup> Deuxu bede iōhōmy rirawyyōrōkeki, moheka irumy rōhōnyōtyhy. <sup>21</sup> Inyō adee rarybekeki: —Kaki heka Kristu ratxireri. Kowa-ki ratxireri. Uritere ityhydŷŷōmy. <sup>22</sup> Sōwemy Kristu kanakre, urile Kristu inatymy aōkō rarekre. Tule Deuxu rybedŷŷdu kanakre. Kia Deuxu rybedŷŷdu inatymy aōkō rarekre. Tiiboho heka bedeo by riwinykre tule bede eryna. Deuxu hōrō riitxenanykemy inatymymy kōaōboka. <sup>23</sup> Kaiboho warybe biyubunykre. Adee ibutumy juhuule reōbitinyre.

<sup>24</sup> Idi webōhōna rŷira txuu, aōhōkŷmydŷŷnana itue-di, txuu heka rurunykre. Ahādu tule rurunykre.

<sup>25</sup> Taina heka kedexumykre biu-ribi. Biururu raðweōwenykre.

<sup>26</sup> Iny retehekre Deuxu Riōre dehemyynana-di. Biurawetyky-ribi kodobehekre. Kia heka lobixina kanabōtōranymykre. <sup>27</sup> Tahe taŷju kiditeōnykre tawedu ijōihōrō butudŷŷmy. Kidibutumykre ibutu bede bede konana-ribi, tule ibutu biukonana-ribi.

<sup>28</sup> Tahe figueira ōwōru-ribi erydŷŷna bierybenykre. Tahe iruru raixinykre tahe, txiru rōhōnykre, tai tahe bierybenykre wyra iōhōreri. <sup>29</sup> Tule kia aōna aōnamy bobibenykre, tii iōhōlereri. Ijōkile wese nyide. <sup>30</sup> Inatymymy adee ararybekre, kia wijinabōdu itueōtyhy aōna

aõna rÿikre hãrele. <sup>31</sup> Biu, bede-wana ituekre, tahe warybe itueõtyhy. <sup>32</sup> Moõ heka rieryõtyhy tiubededÿñanamyo tii kòdòõsekre. Tule ÿju biutxile rieryõre. Tule iriõre rieryõre. Tule tyby sohojile rierye.

<sup>33</sup> Kaiboho bexieke, beteheke. Kai dori teeryõtenyete tiubededÿñanamyo kòdòõsekre. <sup>34</sup> Kedehemynkremy dori iwese hãbu tÿimy rarewese tii rexitareu, ririre tadeõdu. Tadeõdulemy tule ridyre itxeredu retehemyhÿkemy. <sup>35</sup> Tahe betehe inihe teeryõteri dori tiubo kanakre heto wedu, txioromy ada ruwetya aõbo, ada hãnie hãbu ryry-dí aõbo, ada txumy aõbo. <sup>36</sup> Betehe inihe iny araraõõlemy tii rehemynryeri aki rahakre atÿi-ò. <sup>37</sup> Aõna aõnamy jiarÿ rarybemyhÿre, rarybera ibutu-ò: —Biijebyeny.

## 14

<sup>1</sup> Kia-ribi inatxi txumy riuhenymy ratxireri anarÿÿ kodohònykremy. Kia anarÿÿ wehityhynamy heka iny ratya-di reare. Tule orotxu anarÿÿ kia ròhònyre. Tule Deuxu aõmysÿdÿÿdu wedu mahãdu tule bede erydÿÿdu mahãdu Jesuisi rimykemy ratxireri idi rirubunykemy. <sup>2</sup> Tiiboho rarybemyhÿrenyre: —Kiahe aõkõre anarÿÿ rÿireriu, iny sòwemy inydeereny kana aõbinanyheny.

<sup>3</sup> Jesuisi Betÿnia hãwã-ki ratximyhÿu, Simaõ tyybina heto-ki ratximyhÿre. Jesuisi õwòru besedÿÿbire-ki roimyhÿ. Tahe hãwyy aderòna õwynihikÿ-di lÿnyrena wihikÿ-di nade. Tai ihyna riwebòhònyra tahe Jesuisi ratityre-ò ritxiwira. <sup>4</sup> Inyõreny rexiykaranyke. Tahe widee rarybera: —Aõherekibo aderòna rahura. <sup>5</sup> Inywitzira tahe iõwynykwewi sòwemy nierumy kia-ò. Kia nieru-di tahe iny aõkòdu-ò rawahidÿÿnykre. Tahe tiiboho rexibynryeri hãwyy dee. <sup>6</sup> Tahe Jesuisi rarybere: —Txiohe rare, uritere ixibÿdÿÿõnyke. Tii heka aõwihikÿbo wadee riwinyra. <sup>7</sup> Kiamy aõu aõu iny aõkòdu rÿikremy. Aõule heka tamy aõwihikÿ biwinybenyke. Jiarÿ tahe, aki aõu aõu aõkòlekre. <sup>8</sup> Tii heka rexikonananymy ròwidÿÿre. Aderòna-di watyre ritxiwire wabede-ò jiarÿ raõule. <sup>9</sup> Inatyhymy adeereny ararybekre. Aõtxile Deuxu Rybewihikÿ iny relyykre. Kia-ò kahãwyy ijyymy relyykre, ibutumy iny idi ròhòtynkremy aõbo riwinyredi.

<sup>10</sup> Tahe Judasi Isariò Deuxu aõmysÿdÿÿdu-ò rara Jesuisi tamy rawahidÿÿnykemy. <sup>11</sup> Tiiboho tamy roholarenyreu, reysare. Tahe tamy nieru riwahinykemy riurenanyre. Tahe Judasi riijemyhÿre aõu aõu bedewihikÿ tamyreny riwahidÿÿnykemy.

<sup>12</sup> Juhu orotxu anarÿÿtxure budoeni xiweloo rirubuny rahudi tahe Jesuisi erydÿÿna mahãdu tamy rarybere: —Titxibo anarÿÿ rÿsÿnamy biroxikemy atxiteri. Jiarÿboho kowa-ò aroikre. <sup>13</sup> Tahe Jesuisi tamy rarybere: —Kaiboho boikre hãwãhãkÿ-ò. Tahe hãbu-wana wii biòbnykre butxi-di riwyreriò. Tahe tii biheludunyenbeny. <sup>14</sup> Aõtxile heto-õ-txi ralòke, kaiboho marybebenyke hetowedu-ò: —Waerydÿÿdu rarybera: —Titxiwexe anarÿÿ rÿsÿna arirÿsÿkre waerydÿÿna-wana. <sup>15</sup> Tii heka adee kiditeòsinykre hetowowitxiraõ biu-txi. Ibutumy rexihumy rÿire inydeereny. Kowa rÿsÿna inydeereny biywinykre. <sup>16</sup> Tahe ierydÿÿna rexitare. Roire hãwãhãkÿ-ò. Tahe ròhònyre iwese Jesuisi relyyre wese. Tahe ibutumy rexihurenre anarÿÿ-ò.

<sup>17</sup> Txiorou Jesuisi nade taerydÿÿna waòinatxi reurò-wana. <sup>18</sup> Tiiboho õworubesedÿÿ riroximahãu, Jesuisi rarybere: —Kaiboho wawana teroxitenyteri sohojiò biwawahinykre. <sup>19</sup> Tahe urihimyo rexiranyre rabedewomy. Tahe widee raryberenyre: —Jiarÿle heka ariwahinykre. <sup>20</sup> Tii rirawyõnyre: —Kaiboho, waòinatxi reurò mahãdu sohojiò. Kia mahãduò orotxu-di wawana rebenymyhÿ besero-ki. <sup>21</sup> Inatyhymy Deuxu Riõre Hãbutyhyhykÿ rakre iwese iritina rÿirewesele. Kobexeheny kowa hãbu heka kidiwahinykre. Tamy iny awire kedaõlede.

<sup>22</sup> Tiiboho riroxireriu, Jesuisi orotxu rimyreu, raorore, rexitònyre, tahe tamyreny riwahinyre. Rarybere: —Åhãxe, kia heka waumy wese rare. <sup>23</sup> Tahe viñnynamona rimyre, rexitònyre, tahe tamyreny riwahinyre. Ibutumy ibute bute iribi tuu riõrenyre. <sup>24</sup> Tamyreny rarybere: —Kia wãhãlubu wese rare. Kia hãlubu heka rybe tÿmyra ywidÿÿna hãlubu rare. Kia inyboho kidinohòtjuadenykre. Wahãlubu heka kedexunykemy iny rabòrònihikÿ dee. <sup>25</sup> Inatyhymy ararybekre: —Ariõtyhy heka õtetibederatyrube tÿmyra ihyy tahe tiutxumybo Deuxu Iòlõna-ki ariòkre.

<sup>26</sup> Deuxuwimy rawinyrenyreu, tahe rexitarenre Oliveira bederatòhòkÿ-ò.

<sup>27</sup> Jesuisi tamyreny rarybere: —Kaiboho ibutumy wijirumy biwaribenykre. Kia heka iritina rÿire.

Itxeredu tahe riròrenyeki, budoeni rahenykre.

<sup>28</sup> Tahe rubu-ribi adexixakreu, arakre akomy Kalileia-ò. <sup>29</sup> Pedro rarybera Jesuisi-ò: —Ibutumy ararikeki, ariòtyhy. <sup>30</sup> Jesuisi tamy rarybera: —Inatyhymy ararybekre. Wijirumy hãniehãbu inatxi kydyrykreule, kai iny wixira-ò biwatxiõnykre inataò bedemy.

<sup>31</sup> Tahe Pedro rarybera tarurutyhymy: —Aõkõre, aratxiõnytyhy, ihãrele tahe awanale arurukre. Ijò mahãdu tule kia wese rarybera.

<sup>32</sup> Tahe roire Kesemani hāwāmy ninadu-ò. Taerydǝȳna-ò rarybera: —Biwaraòmy bonykre kakile. Kowa-ò arexitòenykre. <sup>33</sup> Tii ridyrenyure Pedro, Txiau, Joaò-wana. Jesuisi rexiranyure rabadewomy ihyy rexitòenyure. <sup>34</sup> Tahe tamy rarybera: —Watyytyby heka rabadewomy ratxireri rubuhyy-ò. Kaki bonykre biijemy. <sup>35</sup> Tahe iko-txi urihimyo rareu, resere. Rexitòenyure: —Waha, adee arexitòenykre. Adee awikeki, kia òraule tiu waròeona. <sup>36</sup> Tii rarybere: —Waha, adee ibutumy isiraòre. Kia bemona inye waròbi bitake inihe. Tahe wadeewi wadeewi-ki aòkò watzireri, tahe adeewi-ki. <sup>37</sup> Tii rehemynyure tai rahare ròròrenyure roireriò. Rarybere Pedro-ò: —Simaò, Taròteri aòbo. Biijeotyhy sohoji òramy bededǝȳnana. <sup>38</sup> Biijebyenykre, bexitòenykre, uritere rutaanamy ròeòmykre inatyhymy atyytyby irurudire tahe ade iruruòre. <sup>39</sup> Tahe Jesuisi ixityre rare rexitòenyure ixiwesele. <sup>40</sup> Ròòsereu, ijò-ki rahare ròròmy ixiwesele, irurureny rautxienymyhǝ dori. Tiiboho rierykòre idi rirawònyrenyure. <sup>41</sup> Tahe ixbybyle ròòsere tahe rarybere: —Moròbeny bexielehynybeny. Òra iòhòreri. Kia heka Deuxu Riòre Hābutyhyhykǝ kanawahidǝȳykre òrarudu mahādu-ò. <sup>42</sup> Bitǝymnybenyke, rokoiireny, walòsedǝȳdu iòhòmy rareri.

<sup>43</sup> Tii rarybereriu, aòwesele Judasi nade. Kia heka waòinatxi reurò mahāduò rare. Tii-wana doide hābu mahādu mayrehe-di, òhòtemy debòna. Kia heka hābu mahādu doide matuari mahādu-ribi, Bede ywina erydǝȳ mahādu-ribi, Deuxu aòmǝsǝdǝȳdu wedu-ribi. <sup>44</sup> Lòsedu tamyreny juhuu bede eryna riwahynyure. Kawese heka rarybere: —Kowa heka inyò-ò aruwokre, tii heka hābu rare. Bimybenykre, birarenynybenywhikǝȳkre. <sup>45</sup> Judasi rehemynyrenyure, tahe rarybere: —Wedu, wedu. Tahe tamy ruwore. <sup>46</sup> Juda ijoi Jesuisi rimyra. <sup>47</sup> Kia ijoiò mayrehe ritare tahe Deuxu aòmǝsǝdǝȳdu wedu deòdu nohòti riorore. <sup>48</sup> Tahe Jesuisi òrawyònyure: —Kaiboho mayrehe-di tiwaòrnyteri wasidu-wesemy aòmǝ, òhòte-di. <sup>49</sup> Jiarǝ tahe dohodǝȳna heto-ki watximyhǝ txuò txuòlemy adeeremy araerynanywāhādenyde. Kowa-ki heka tiwamyòlemyhǝtenyde. Tahe aòbo iritina-ki rǝireri, kia heka kǝnyikremy. <sup>50</sup> Ibutumy ierydǝȳna mahādu ririrenyure, rihenyrenyure.

<sup>51</sup> Kia heka hābuò riheludunymyhǝ tyy tayredile rexitynymy tiiboho ridyrenyure. <sup>52</sup> Tii tahe tyy ririre tahe rahenyre tadelemy.

<sup>53</sup> Deuxu aòmǝsǝdǝȳdu wedu-ò tiiboho Jesuisi ridyure. Bede ywina erydǝȳ mahādu, matuari mahādu-wana ributunyre. <sup>54</sup> Pedro riheludunyre irehetyhytyhymy. Rehemynyure Deuxu aòmǝsǝdǝȳdu wedu heto-ò. Tai tahe ixitòeenymy heòtywera-ò rorukumyhǝ heto itxeredu mahādu-wana. <sup>55</sup> Deuxu aòmǝsǝdǝȳdu mahādu wedu, tule dohodǝȳdu mahādu alobixidu riijemyhǝre aòlemy Jesuisi òludu relyymyhǝre, Kia òraru-ki rirubunyenkyemy. Rahaòre. <sup>56</sup> Sòwemy iny ruimy relyymy rǝimyhǝ. Iruinareny wiribi hitxi hitxilera. <sup>57</sup> Ijò mahādu rǝimyhǝre relyrèhāre ruimy rarybere: <sup>58</sup> —Inyboho irybe-ò roholarenymy: Jiarǝ heka dohodǝȳna heto ariixāwididǝȳnykre kia heka hābu iwidǝȳna rare. Txu inataò-di ijò ariwinykre iwidǝȳnaweseòre. <sup>59</sup> Kia heka aòmǝbo tuu relyyrenyuremy irybe wiribi hitxi hitxire. <sup>60</sup> Deuxu aòmǝsǝdǝȳdu mahādu rǝire inyòwetya-txi. Tii Jesuisi ritǝȳraxinyure: —Kai aòbo biwarawònykre aòmǝbo relyyrenyuremy adee òludumy. <sup>61</sup> Tii rerawyònyòlere ixbyby tahe Deuxu aòmǝsǝdǝȳdu mahādu ritǝȳraxinyure: —Kai aòbo Kristu tate, Deuxu wityhy riòre. <sup>62</sup> Jesuisi rarybera: —Jiarǝ heka. Kaiboho betehemybenykre

Deuxu Riòre Hābutyhyhykǝ Deuxu rurunaweribi-ò ronyreri. Kaiboho tii betehemybenykre Deuxu Riòre Hābutyhyhykǝ biuwetyky-ribi naderi.

<sup>63</sup> Deuxu aòmǝsǝdǝȳdu wedu ityy riykara idi rarybera: —Aòherekibo ijò alobixidumy iny rururenryreri. <sup>64</sup> Kaiboho taholatenyta aòbina binalemy rarybereriò aòmǝbohe kaiboho tahòtinymyhǝtenyde. Ibutumy heka tawo riraòhòrenyura rubudukremy. <sup>65</sup> Tahe ijò ityre rybeximy rarutaara rexiruehetynyure tahe tule rihetenyure. Tahe rarybere: —Mota làhā arahātenyura. Idi tahe heto itxeredu tule rihetenyure.

<sup>66</sup> Pedro heka ratximyhǝ bedeube-ki tahe ijadòma dehemynyde, Deuxu aòmǝsǝdǝȳdu deòdu. <sup>67</sup> Pedro rexitòeenymyhǝ heòtywera-ò tahe ijadòma tamy retehere. Tahe rarybera: —Kai tule Jesuisi Nazare ludu-wana atximahāte. <sup>68</sup> Tahe tii rexitxiònyure: —Jiarǝ reeryòre aòmǝbo kai tarybeteri. Tahe Pedro hetowo-ribi ròhònyure. <sup>69</sup> Ijadòma ixbyby ixbyby itxeremy rarybere kowa ijoi-ò: —Kowa heka tii mahāduò rare. <sup>70</sup> Tahe tii ixityre rexitxiònyure. Ixybyle kowa ijoiò Pedro-ò rarybera: —Inatyhymy kai ijò mahāduòle tate. Kai dori Kalileia mahādu tate. <sup>71</sup> Tii inatyhytyhyrybemy rarybera: —Jiarǝ reerykòre hābumy riybetenyteri. <sup>72</sup> Tahe hānie hābu rryyra, inatxi hewoludumy. Ta Jesuisi rybe-txi Pedro tòhòti reare. Iwese Jesuisi rarybere: —Inatxi hānie rryrykredi, ihewoludukomy rryrykre, wadee bedexitxiònykre inataòmǝ. Pedro tahe iribi rexitareu, rahinyure.

## 15

<sup>1</sup> Txuu reareu, Deuxu aòmǝsǝdǝȳdu wedu, matuari mahādu, Bede ywina erydǝȳ mahādu ibutumy ributunyre. Tahe Jesuisi ritaataare tahe ridyrenyure Pilato-ò. <sup>2</sup> Pilato Jesuisi-ò ritǝȳraxinyure: —Kai aòbo judeu iòlò tate. Tii rirawònyure: —Kai ka tuu tarybeta. <sup>3</sup> Deuxu

aõmysýdýýdu mahádu wedu rarybere Jesuisi aõna aõna awimy aõkõ riwinyre. Tahe Jesuisi riwawyõnyõhyllere. <sup>4</sup> Pilato ixybyle rýýraxire: —Kai birawyõnyõtyhy aõbo. Kai aõbo taholaleteri aõmybo tiiboho autedé-ò raryberenyre. <sup>5</sup> Tahe Jesuisi rarybeõhyllere tahe Pilato urile bede riõtiniymyhýre.

<sup>6</sup> Kia heka juhuu iny deõwarixina rare hábu ròteduõ ritakemy anarýýtxuu. Aõtxile iny tamy rexitõenyke. <sup>7</sup> Rõtenawo-ki raremyhý inyõ Barabamy ninadu-ki. Tii tahe iny-witxira aõbinadu mahádu-wana ratximyhý. Kiamy inydinodu õraru-ki aõbina rýireki, tii iny rirubunyre. <sup>8</sup> Iny sõwehekýky-ki doide, tahe rexiranyre ixitõedýýmy: iny deõwarixina kòdòhõnykre. <sup>9</sup> Pilato dirawyõnyde: —Adeereny ariòlòdýýnykekò aõbo ka judeu iòlò. <sup>10</sup> Tii rieryre dori Deuxu aõmysýdýýdu mahádu wedu tamy Jesuisi ridyrenyre iwobinanareny lau. <sup>11</sup> Deuxu aõmysýdýýdu wedu inysõwe riixitõedýýnyre Baraba riòlòdýýnykemy. <sup>12</sup> Pilato ritýýraxinyre ixybyle: —Aõhebo tahe idi arotýýnykre. Kaiboho tuu teninimyhýtenye judeu iòlòmy. <sup>13</sup> Tiiboho rirajuarenyre: —Bitamadýýnyke itxeò nihiký-ò. <sup>14</sup> Ta Pilato tamyreny ritýýraxinyre: —Aõbina taka riwinyre. Aõhe-wana ixityre rirajuamyhýrenyre: —Bitamadýýnyke itxeònihiký-ò. <sup>15</sup> Pilato inydee aõ riwahinykemy rõhõtynra, tai ta Baraba riòlòdýýnyre. Idi tahe Jesuisi riyhytanymy rahudi, riteõnyre itxeònihiký-ò riukõrenykre.

<sup>16</sup> Soldado ridyrenyre heto woube-ò. Tai tahe ibutummy soldado ributunyre. <sup>17</sup> Tahe tyyõboreheký-di ritynyrenyre. Tahe ede rataana ritidire ira-ò. <sup>18</sup> Tahe rirybenyrenyre: —Adee nihikýre judeu iòlò. <sup>19</sup> Tahe rihetenyre bòtõre-di irati-ò, tahe ityre rarybexinyre tahe rýire tatiowotimy rityhykemy. <sup>20</sup> Tahe tyyõbore iribi ritara, tahe ityyle tamy ritidira. Inatyhymy ridyrenyre itxeònihiký-ò riukõrenykre.

<sup>21</sup> Kowa-di rekoarenyre hábuõ. Simaõ Sireni inire. Kia heka Alexýdre, Rufu-wana tyby rare. Tii nade bedero-ribi. Tiiboho tahe riitxydýýnyre itxeò-di retyykemy.

<sup>22</sup> Riwyrenyre bederahy-ò Kòkòta ninadu-ò. Kia heka iwitxira rybe rare. Kia heka rubu ratitybyho wese rare. <sup>23</sup> Tiiboho vïi riurinyre õwòruburu-wana. Tahe tii tuu riõõlera. <sup>24</sup> Itxeònihiký-ò raukõrenymy rahudi tahe itty wirarea riatyre, tahe itty-di rarudeõsanyre tibo iny sohoji sohoji itty riwykemy. <sup>25</sup> Biurasò txu Jesuisi itxeò-ki raukore. <sup>26</sup> Iratya-ki tahe ritina rýire: JUDEU IÒLÒ. Kia heka iny tuu rarybemyhýrenyre. <sup>27</sup> Tahe tii-wana inatxi wasidu itxeònihiký-ò riherinanyre, ijõ ruruweribi-ò, ijõ hyweweribi-ò. <sup>28</sup> Tahe rotýýnyre aõbo Deuxu ritina-ki rýire wese: Tii ratximyhý õraru mahádu-wana. <sup>29</sup> Iny reareare tara riohowimy rarybere aõbina binamy: —Kobe, kai korihe dohodýýna heto biatykemy inataõ txudile tahe ixityre bidiwinykre. <sup>30</sup> Kaile inyhe bexitakre itxeò-ribi. <sup>31</sup> Iwesehyyle Deuxu aõmysýdýýdu wedu, bede ywina erydýý mahádu-wana widee raryberenyre. Jesuisinimy raujõmorenyre: —Tii iny witxira ritare, tiile tahe rexitaõtyhy. <sup>32</sup> Kristu, judeu iòlò, bodobeke itxeò-ribi jiarýboho arobirenykemy, tai tahe aratyhynyrenykre. Tule wasidu tii-wana raukõrenyre itxeò-ki Jesuisimy raujõmorenyre.

<sup>33</sup> Txutyeyu ibutummy bede runyrene. Tahe roire txu kaõ resemy. <sup>34</sup> Kiaule tahe Jesuisi rarybeterenyre: —Elõi, Elõi, lema sabatani. Kia heka iwitxira tybe rare. Kia rare: —WaDeuxu waDeuxu, aõherekibo kai tiwarite. <sup>35</sup> Ijoiò heka tamy roholareu, rarybere: —Tii heka Eliasi-ò rryreri. <sup>36</sup> Hábuõ reare bexi ritýxinyre vïi juberere-di idi tahe ritidire tabòtõrejura-ò. Riwahinyre Jesuisi ritòkemy. Tahe rarybere: —Deinyhe tamy inye reketerenyre Eliasi kanakremy aõbo inye itarasamy. <sup>37</sup> Jesuisi rryre irariemy idi rurure. <sup>38</sup> Dohodýýna hetowetyy raykare inatxi weryna tyymy, biu-ribi, bede-ò. <sup>39</sup> Soldado dinodu Jesuisiko-txi ratximyhýre. Tahe rurureu, irubumy robire. Tahe rarybere: —Ka heka inatyhymy Deuxu riõre rare. <sup>40</sup> Tule háwyy maháduõ retehemy rýimyhý irehe-ribi, tõwysyreny-ki, Marie Madalena, Marie (Txiause, Jyrese tii rare. Txiahe heka Jyje hewoludumy rare.) Salome tule ihýre ijõ-wana. <sup>41</sup> Kia heka Jesuisi Kalileia raremyhýu, tiiboho tahe sõwemy iny-wana doide Jerusalẽ-ò.

<sup>42</sup> Txioromyhe dehemynde. Wirareasanatu rare. Kia heka sabadotxukokile rare. <sup>43</sup> Jyje Arimatea háwá ludu dohodýýdu nihikýõ rare. Tule heka tii riraõny riximyhý Deuxu iòlòna. Tii ruberuõlemy rare Pilato-ò Jesuisiumymy ixitõedýýmy. <sup>44</sup> Pilato rabedeõiidýýnanyre Jesuisi rurumy roimyhýdi tai rryre soldado dinodu-ò. Tai Pilato ritýýraxinyre. Jesuisi rurumy roimyhýdi. <sup>45</sup> Soldado rarybereu Jesuisi rurumy roiremy tahe Pilato riteõnyre Jesuisiumy Jyje-ò iwahidýýmy, <sup>46</sup> Jyje ritare itxeònihiký-ribi tahe ritýtenyre tyyuraháký-di. Idi tahe ritidirenyre mana háloo wabedewo-ò. Tahe mananihiký-di riijòtòbõnyra. <sup>47</sup> Marie Madalena, ijõ Marie Jyrese reteherenyre titxibo tii ritidirenyreò.

## 16

<sup>1</sup> Tahe nobiutxu, Marie Madalena, ijõ Marie-wana ihewoludu Marie, Txiause, Salomese-wana rare. Tiiboho lýnyrena riõbranenyre. Tahe roire Jesuisibymy idi rekoakremy lýnyrena-di. <sup>2</sup> Juhutxu semana bededýýnanau txuu deadeule roire wabede-ò. <sup>3</sup> Widee raryberenyre: —Mowexe mana ritakre ijò-ribi. <sup>4</sup> Tahe tuu robirenyre. Mana nihiký ritamy

rỹire. <sup>5</sup>Wabede-ò rirònyrenyire, robirenyire weryrybòweselemy rononymhỹ ruruweribi-ò. Ityy urahakỹmy rononymhỹ. Tahe tiiboho bede riòtiinyrenyire ruberurenymy. <sup>6</sup>Tii tamyreny rarybera: —Uritere breburenyòmy. Kaiboho aòbo teòrytenyta Jesuisi Nazare ludu. Kia itxeò-ki rurure. Tii aòkò kaki ratxireri. Rexixara rubu-ribi. Betehebenny inihe tai ritidiraò. <sup>7</sup>Makre. Marybekre ierydỹna-ò tule Pedro-ò. Tii rakre akorenymy Kalileia-ò kaiboho tuu lobiximy boikre tuu adeereny raryberemy. <sup>8</sup>Tahe tiiboho rihenyrenyire wylemy wabede-ribi ruberumy. Tiiboho moò heka rarybeòhyylerenyire ruberumyhỹrenyki.

<sup>9</sup>Juhutxu semana bededỹnau Jesuisi rubu-ribi rexixare. Idi tahe juhuru àsitereribile rexitỹnynyre Marie Madalena dee. Kia-ribi heka juhuule ritare debò inatxi reurò tyytybybinamy. <sup>10</sup>Tii rare Jesuisi-wana raremyhỹ mahādu-ò. Tiiboho rabadewomy ratximyhỹreny, rahinymyhỹreny. <sup>11</sup>Tamyreny relyyreu iwese Jesuisi tamy rexitỹnynyre wese Jesuisi irulemy ratximyhỹmy tuu robireke, rityhynyòlerenyire.

<sup>12</sup>Jesuisi rexixamy rahudi tahe, iwitxiramy rexisỹnyny inatxi erydỹna-ò. Tiiboho heka roimyhỹrenyire bedero-ò. <sup>13</sup>Tahe dòòsede relyyrenyire taijoi-ò, tahe tule rityhynyòlerenyire.

<sup>14</sup>Tahe waòsohoji reurò erydỹna-ò Jesuisi àsitereribile rexitỹnynyre. Tiiboho rirox-  
imyhỹrenyò rexitỹnynyre. Tahe Jesuisi tamyreny rarybera: —Aòherekibo kaiboho iny wamy robira mahādu tetyhynyòteri. <sup>15</sup>Kaiboho boibenyke ibutumy bede bede-ò Rybewihikỹ bitỹnynykremy. <sup>16</sup>Inyò Rybewihikỹ rityhynykeki, idi kidisebenykeki, tii Deuxu ritake. Inyò rityhynyòkeki, Deuxu ixi-ribi riteònykre iòraru-ki. <sup>17</sup>Kia bede eryna ityhydỹdu kidiheludunykre. Tiiboho tyytybybina kiditeònykre wani-ki. Tule heka tiiboho itỹmyra rybe kanarybedenykre. <sup>18</sup>Hemylala rimyrenyreu, aòhe rotỹnyòlere tule rubuna monamy riòkeki, rotỹnyòlere. Tiiboho tebò ritidirenykre bina mahādu-ò tahe riteytenykre.

<sup>19</sup>Idi tahe Jesuisi tarybe rahuredi, Deuxu ridyre biu-ò. Tahe ronyre Deuxu ruruweribi-ò. <sup>20</sup>Tahe tiiboho roire ibutumy bede bedemy tai bede ritỹnynyrenyire. Wanyrỹ riwiòhenanyrenyire tahe bede eryna-di irybe ixidee rimyrenyire ihelududỹdu mahādu-ò.

## Luka Deuxu Rybe Wihikĩ Tĩmyra, Luka Tyyritidĩyĩdu

1-3 Wyla, Teòfilo. Adee heka watyyriti ariwahinykre timybo Kristu rotĩyĩnyre. Tuu lobixidu mahādu tuu relyymhĩre-ribi, jiarĩ ire ariòbitinytyhykre. Kia heka jiarĩ adee reritinyhĩre, waiòlò, iwese ibutumy reeryrenyre juhu bededĩyĩna-ribi. Aōma inatyhymy kia rotĩyĩnymy rare wahe. <sup>4</sup> Kia wese wahe. Iwese iny adee relyyre wese, jiarĩ adee arelyyre inatyhymy aōbo rotĩyĩnyre. <sup>5</sup> Zacaria heka Deuxu xiwe wahidĩyĩdu rare, Abia ijoio ò wahe. Iriòrese Isabeli tahe tule xiwe wahidĩyĩdu riokore mahāduò rare. Kiau heka Herodi judeu bedesĩ iòlòmy raremyhĩ, Araò riokore mahāduò wahe. <sup>6</sup> Wiwanale heka awirenyre Deuxuru-ò. Òbitihy heka ratximhĩyĩnyre ibutumy Deuxu bededĩyĩnanako-ò. <sup>7</sup> Tiiboho iriòreòhyre. Ihāwyy Isabeli heka rasenadunyre, uladu herina dori awiòre. Ihābu tule ramatuarinyre.

<sup>8</sup> Aòutxumy tahe Zacaria raaòmysĩdĩyĩnymhĩre aōma templo-ki. Kiatxu heka iròtenatxumy bede rĩimhĩre templo-ò. Tahe iwo-ki ratximhĩre. <sup>9</sup> Hewydysi lĩnywi ritoonymhĩyĩ Deuxu kia deālānāmy, iwese riwinyhĩrewesehyyle. <sup>10</sup> Iu ahana-ki tahe sòwemy iny rexitòenymhĩyĩ. <sup>11</sup> Iu Zacaria xiwena ruuwe-ribi loosòna-ò rĩyire, hewydysi lĩnywi ritoonymhĩyĩre. Tahe aòwesele yĩjuò rexitĩnynyre Zacariako-ò. <sup>12</sup> Tii tuu robireu heka rexiraòmy ruberumy reare. <sup>13</sup> Yĩju rarybere: —Brebuòmykre, Zacaria. Deuxu roholare aixitòedĩyĩna-ò. Tai heka adee ijyymy rareri. Ahāwyy Isabeli rariòrenykre. Kai heka Joaòmy bininikre. <sup>14</sup> Tai kaiboho heka iura heka beysabenyke sòwemy; ijò iny tule reysakre iòraru-ki. <sup>15</sup> Tii heka hābutyhyhykĩmy rarekre Deuxu dee tiu heka wĩ riòòtyhy mona hārihikĩ riòòtyhy. Deuxu Tyytybytyhy. Juaòtykymy ralokre tii reareu. <sup>16</sup> Sòwemy heka aōma Israeli mahādu Deuxu rityhinykre iòraru-ki wahe. <sup>17</sup> Tii heka hābutyhyhykĩmy rarekre Deuxu rybedumy Elia wesemy. Tii heka aōma Deuxu deòdĩyĩna juhuu rehemynymy reakre ikòlemy iny ywisidĩyĩnakre rehemynykre juhuu, aōma Deuxu Tyytybytyhy dehemyrynna rijemy tuu rehemynymy rakre. Tii bede ywina riòbitinykre inyy-ki. Tyby tariòre-wana wii riwoxinikyremy. Tii heka iny ribedehynykre aōma òbitimy rĩyirakremy. Deuxu luumy rĩyirakre aōma ilahireny rĩra wesemy juhuu.

<sup>18</sup> Zacaria rarybere yĩju-ò: —Jiarĩ ramatuarinyre timykre heka? Hāwyy tule rasenadunyre ihārele òsana tukre. <sup>19</sup> Yĩju rarybere: —Jiarĩ Gabrieli watxireri, Deuxu deòdutyhy wahe. Tii heka diwateònyde kaò adee rybemy wahe. <sup>20</sup> Kai tetyhinyòhytyeri tai kai marybeòkre uladu reakre xiery tahe marybekre. Kaa adee rarybereri dori òbitimy rarybereri warybemy nāmy ibutumy rĩyikre. <sup>21</sup> Iny riraòmy rĩimhĩyĩ Zacaria òlòna, tahe raroorehenymhĩyĩ. Iroorehena rieryòhyymhĩyĩreny. Dòhònydeu ta, rybe-ki rexisiranymy rarybeòhyyre. <sup>22</sup> Tii rehemynyreu tamy rybeòhykyre rahòra. Idi tebò-di raraminyre urile rybe riwisĩnymy rarybeòhykymhĩyĩre aōma timybo aòhebo rotĩyĩnyrá heka riòbitinykemy heka rarybeòhyymyhe timyrabo. <sup>23</sup> Tahe taàòmysĩdĩyĩna rihudi, taheto-ò ròòsere ixyby.

<sup>24</sup> Idi tahe Isabeli rabòtònyre iruwyyre ahādumy bede riijere rexiwòmy. <sup>25</sup> Isabeli rarybere: —Deuxu awi heka rare, riwatare waixĩruna-ribi. Kuladu wadeke riwahinyreri.

<sup>26</sup> Ijò ahādu tahe Deuxu Gabrieli riteònyre Nazare hāwā-ò Kalileia bede-ò. <sup>27</sup> Yĩjuò heka rybe-di ijadòma-ò. Kia ijadòma heka wii ritobinymy rĩyireri tybyboho iseboho jyje-wana roikremy. Jyje heka iòlò Davi kia mahāduò rare. Ijadòma tahe Marie inire. <sup>28</sup> Yĩju heka kiamy rarybere: —Beysakre Marie! Inynyrĩ heka awana ratxireri. Bedeòbyhykĩ adee kidiwahinykre. Tii arāwowydinyreri. <sup>29</sup> Kia rybe-di tahe Marie rexiraykynyre. Tii rieryòmy aòmybo rare. <sup>30</sup> Tahe yĩju tamy rarybere: —Marie, Brebuòmy! Deuxu teteysanyte. Kai awi heka rare. Tii aòwihikĩyò bede kidiwahinykre. <sup>31</sup> Kai heka mariòrekre, uladu heka Jesuisimy raninikre. <sup>32</sup> Tii heka hābu nihikĩyĩ rarekre. Tii Deuxu riòremy raninikre. Deuxu heka tii iòlòmy risĩnykre, iwese Davi alabiehekĩyĩreny ronryre wese, tii ronrykre. <sup>33</sup> Tii heka ibutu Ijaò mahādu iòlòmy rarekre. Iòlòna heka tii itueòtyhy. <sup>34</sup> Tai tahe Marie yĩju-ò rarybere: —Jikarĩ heka ijadòkòmatyhy watxireri. Timykihohe krabòtònykre. <sup>35</sup> Tahe yĩju rirawoyònyre: —Tyytybytyhy adee kanalokre. Deuxu ruru heka adee kanakre. Tai heka kia uladu Deuxu òbiti riòremy raninikre. <sup>36</sup> Nohòti lusaòmy anymy-ribi Isabeli riki bòtòkòmy rareke-ribi tahe bòtòmy ratxireri. Debò sohoji reurò ahādumy iahādu. <sup>37</sup> Deuxu dee heka tii aò isiraòre. <sup>38</sup> Marie rarybera: —Jikarĩ Wahĩ dekòdu rare. Anomybo tarybeteri ka ibutumy rekyrubunyreri. Wadeke awire. Anowaxina tuukre irybemy nāmy karotĩkĩnykre. Idi yĩju rikòmy reare.

<sup>39</sup> Idi ta tii heka Isabeli roramy rare. Zacaria sĩmy Judeia bede hāwāìò hāwā bede-ki. <sup>40</sup> Iu Marie rehemynyre tahe wii rirybenyreny: <sup>41</sup> Tii kia aòbo uladu Isabeli kia-ki

iule rexiwatzinximyhÿ Marie-ò. Isabeli heka tÿxiykÿle Deuxu Tyytybytyhy-di ratximyhÿ. <sup>42</sup> Rijaumy rare deysana-di sòwore: —Kai hãwyy ibutu-ribi deysana rarekre. Auladu tule deysana rarekre. <sup>43</sup> Anoherekibo Wahÿse waroramy naderi. Jikarÿ ano anakò rare. <sup>44</sup> Adeke rahokujareku, kuladu wawoku-ki rexilòrelòrenymyhÿ tabedesa-di. Tai tahe Isabeli rÿÿraximy ratximyhÿre Deuxu Tyytybytyhy-di. <sup>45</sup> Kai bekysabenyke kia tetyhnyteki. Deuxu rybe dokuri adeke nade. Iwese tiki raryberewesele ibutumy rãikre. <sup>46</sup> Marie rarybere: —Jikarÿ wawoku-ribi Wahÿ rewokuwidyntyre. <sup>47</sup> Wawokuribityhy wadekysareri Wahÿ watarasadu dokuri rare. <sup>48</sup> Ihky tahe tiki tekòdu-ribi walanokonakona-ribi tòhòti rosakre. Tahe iny ibutumy hãwyy dekysanamy riwaninikre. <sup>49</sup> Deuxu dokuri anomydÿkÿnana wiwihikÿ wadeke riwahinyre. Tii tahe ityhy rare.

<sup>50</sup> Tikiemy inydeke ruxetòena riwahinymyhÿre iny tamy wowydyna riwahinyreki.

<sup>51</sup> Ixityhy nohòtidu mahãdu tiki rehure. <sup>52</sup> Bede ikòlò sòwemy tiki rehure. Tule iny ianokò mahãdu Deuxu riwikòhenanymyhÿre.

<sup>53</sup> Rama risamahãdu deke rÿsÿna tiki riwahinyre.

<sup>54</sup> Irybe tahe tiki rityhinyre anobo tiki inytybyreny deke tiki raryberemy. Tikiboho tahe Deuxu riwikòhenanyre. <sup>55</sup> Ruxetòena tahe Abraò deke riwahinyre tule tikiemy iriokore deke riwahinymyhÿre.

<sup>56</sup> Marie tahe inataò ahãdu Isabeli-wana riwyya. Idi tahe tasÿ-ò ròòsera.

<sup>57</sup> Bededÿÿnana Isabeli-ò rehemynyre. Iriòre reakremy ratxireriu, Iriòre reare. <sup>58</sup> Isÿ mahãdu heka teysana-ò roholarennyre, iery mahãdu tule rabedesarennyre tamy Inynyrÿ raruxetòenyredi, Inynyrÿreny ruxetòena tamy riwahinyreki. <sup>59</sup> Tahe debò inataò txu-di, uladu notyky resynamy bede rÿire. Zacaria raninykemyre. <sup>60</sup> Tai tahe ise rarybere: —Anokòre, Joaòmy rarekre. <sup>61</sup> Isÿ mahãdu rarybere: —Joaòmy ninadu taheka ijòkòhkyre inysÿreny-ki. Anoherekibo tuukre? tai tuu raninike wahe. <sup>62</sup> Tuu Zacaria-ò rÿÿraxireny: —Momybo raninykre? <sup>63</sup> Tahe Zacaria tababese riòreò rimyre. Riritinyra kia: —Joaò heka inikre. Tahe ijò mahãdu ibutumy ribedètiidÿÿnyre. <sup>64</sup> Iu tahe Zacaria rarybere Deuxu riwowydnyre. Tahe ibutumy isÿ mahãdu heka ruberure. <sup>65</sup> Ibutumy heka tii relymy raremyhÿ Judeia mahãdu hãwàlò nihikÿmy. <sup>66</sup> Ibutumy tamy roholaré heka raryberenyre: —Timybo uladu rarekre? Inynyrÿ idi tarukimy iweribikre.

<sup>67</sup> Tahe Deuxu Tyytybytyhy heka Zacariatykymlaore. Tahe Deuxu aòmydÿÿnanamyhe relyre timybo rabededÿÿnananykemy. Tii rarybere:

<sup>68</sup> —Judeu mahãdu Deuxu awi rare. Tii dori taijoi roramy nade.

<sup>69</sup> Iwiòhedÿÿmy tulemy tarasadu tyhy Tii heka Iòlò Davi mahãduy rare. <sup>70</sup> Deuxu Rybedÿÿdu mahãdu kia wesemy tuu raryberenyre.

<sup>71</sup> Inydireny òludu mahãdureny-ribi riki iny ritarennykre. Iny-di heka raruxetòerenyra.

<sup>72</sup> Tahe iny-ribi tòhòtirenny rosaòhkyra. Tahe rarybekre timybo raryberemy inytybyrenny. <sup>73-75</sup> Tii heka iny ritarennykemy inydireny ratxireri inyòludureny-ribi. Kia-ò heka rarybere inylabiereny Abraò-ò. Tai heka rikiwiòhenananyrennyke brebuòlemy. Òbitimy iko-ò rakatxirenyhyyke. <sup>76</sup> Kai wariòre Deuxu rybedumy mabekre. Kai heka mabekre Deuxuhukÿ rybemy rybedumy. Kai heka bòhònykre Inynyrÿ-kò iry biywinykemy.

<sup>77</sup> Asÿ mahãdu-ò marybekre biu-ò hena kanakremy ihÿre. Deuxu heka tòhòti rosakre iòarunarenny-ribi. <sup>78</sup> Iny Deuxurenny dori inydeereny ruxetòedu rare. Tii heka biu-ò hena ibutu-ò kidiòkre, tarasana wahe.

<sup>79</sup> Kia bede lurumy rÿira mahãdu biuloosònany robikre.

Zacaria rybe tahe rikonananyre. Loosòna ywinary-ò tahe ritÿnynykre.

<sup>80</sup> Ihewo-ribi tahe uladu ratybiennyre taumy-di Deuxu tyhydÿÿna-ki tule. Tii heka bederahy-ki raremyhÿ. Tiutxumy rexitÿnynykemy judeu mahãdu-ò.

## 2

<sup>1</sup> Kia mahãdu iòlò Augusto inire. Kia heka ibutumy bede-ki inyni rityyritinykemy bede riywinyre. <sup>2</sup> Kurina heka Siria bede dinodu rare. <sup>3-4</sup> Jyje heka Nazare hãwã-ki rasÿnymy raremyhÿ. Tai tahe Kalileia bede-ribi tiiboho roirennykemy Judeia bede-ò. Iòlò Davi dori tai reare, Belê hãwã-ki. <sup>5</sup> Jyje tahe rare, tii dori Davi ijoimny rareki. Marie bòtòmy tii ridyre tai ihãwyy. <sup>6</sup> Tahe Belê hãwã-ò rehemynyre. Tahe herina roxina heto ihoòre herina tamyrenny. Taihe awaru roxina heto-ò roire. <sup>7</sup> Tai hãwyy ratohouãseny. Idi rihetyntyre awaru roxina hynaro-ò ritidikemy.

<sup>8</sup> Iu tahe budoeni-di itxeredu mahãdu bedero-ki ratximyhÿrenny. <sup>9</sup> Idi tahe ÿjuò tamy nade Deuxu-ribi. Deuxu loosòna tamy ritynyre. Ruberurennyre. <sup>10</sup> ÿju tamy rarybere: —Brebuòmyrennyke. Rybe wihikÿ-di adee rehemynyrenny. Ibutumy iny reysakre ka rybe-di. <sup>11</sup> Atarasadu heka ratohouãnyra Davi hãwã-ki, abiu-ò hedu wahe. Tii heka Kristu rare,

Inynyrÿreny wahe. <sup>12</sup> Kaiboho heka awaru roxinað-ò inihe bòike itxeremy. Tai heka tohouã roireri tyy-di rarahananymy. <sup>13</sup> Iule tahe sòwemy ÿju widotyde Deuxu dee rawiunykremy, kiawese rawiunyrenyriewowodynyrenymy:

<sup>14</sup> —Biu-ki Deuxu loosòna ratxihyymyhÿre.

<sup>15</sup> Tahe ÿju ròðserenyre biu-ò. Budoeni-di itxeredu mahädu widee raryberenyre. Wylemy Belè-ò ròkòrenyke itxeremy kia aòmydÿñnamy Deuxu inydee riteòsinyeriò. <sup>16</sup> Tahe roirenyre idi tahe Marie, Jyje-txi rekoarenyre. Tuu robirenyre. Tahe broreni dòròtòhòhyna-ki uladu roire. <sup>17</sup> Tai tahe budoeni-di itxeredu mahädu timybo ÿju tamy raryberamy, rarybere. <sup>18</sup> Tai tahe ibutumy kia tamy roholaré ribedeòtiinyry ÿrire. <sup>19</sup> Marie heka tòhòti itxi reare. Tahe sòwemy raraykywydynanymy ronyre. <sup>20</sup> Budoeni-di itxeredu mahädu ròðserenyre rawiunyrenymy Deuxu-ò Deuxumy reàlàre ibutu òraru-ki. Iwese ÿju raryberewesetyhyle heka ibutumy ÿrire.

<sup>21</sup> Iribi tahe txu ÿrire tahe rare Jesuisi notyky orokré. Debò inatað reurotxu ÿrireu Jesuisi notyky raorokremy raywire. Tahe rinirenyre Jesuisimy iwese ÿju rarybere myna.

<sup>22</sup> Xiwena rÿikemy bede ÿrire Moisesi bede ywidÿñnamy. Aòutxumy tahe dehemynde Marie Jyje-wana kia idi riwinyrenykemy. Tahe Jyje ridykemy Jerusalè-ò idi ratxireri. Tai uladu-di roirenyre Deuxu-ò riteòsinykemy. <sup>23</sup> Kiamy heka Inynyrÿ Ritidÿñna-ki roire. Weryrykeki, Deuxu dee rawahidÿÿkre. Tii uladudela weryrykreki.

<sup>24</sup> Iwese tule bòtòe inatximy rawahidÿÿkre ada bòtòerurà inatxi heka xiwenamy reake Moisesi bede ywidÿñna myna.

<sup>25</sup> Hãbuð tai ratximyhÿre Simeað inire. Jerusalè hãwädu wahe. Deuxu rityhynymyhÿre hãbuwi rare. Tii Kristu riraòmyhÿre Deuxu deòdÿñna wahe. Iijoi aòbina bina-ribi tarasadumy Deuxu Tyytybytyhy heka tai ratximyhÿre. <sup>26</sup> Deuxu Tyytyby ihetxiu tamy rarybere: —Kai buruòtyhy Deuxu deòdÿñnamy bobiòdi. <sup>27</sup> Iu Jesuisise tyby-wana rehemyre Deuxu Tyytybytyhy heka Simeað riteònyre kowa-ò. <sup>28</sup> Simeað uladu taãxiò-ki rimyreu. Tahe Deuxu riwowydynyriewowodynyre:

<sup>29-31</sup> —Kiamy heka Wanyrÿ Iòlò arybe retyhynyre timybo tarybete wahe. Ibutumy dorihe tewinyta. Tahe aòwaxinyhe arurukre. Abiuòhenamy heka rabira. Tii ibutu iny tarasadumy rareke biu-ò hena wahidÿÿdu wahe.

<sup>32</sup> Kia heka ibutumy iny-ò loosòna tewahinyta judeukòdu mahädu-ò. Tai judeu mahädu tahe wowydynamy tii rarekre.

<sup>33</sup> Tai tahe Jyje Marie-wana bede riòtiinyre aòmybo rarybereki. <sup>34</sup> Simeað tahe Deuxu deysanamy tamyreny rarybere: —Deuxu biu-ò henamy heka kia uladu rare. Sòwemy judeu mahädu tarasadumy rarekre, tule sòwemy tasÿ ituekre. Kia heka Deuxu deòsina rare. Sòwemy heka Jesuisimy rakyararybenynykre. <sup>35</sup> Ibutumy iny rayky-ribi heka ibutumy ritÿnyrenynykre. Bederyry sòwemy bieryke tai aòhòkÿmy botÿnykre. <sup>36</sup> Tule Deuxu rybe erydÿñnaò rehemyre. Ana inire. Hãwy rare. Tii heka Fanueli riòre rare. Asere mahädušÿò rare. Tii heka rasenadunymy raremyhÿ. Ijadòmamy raremyhÿu heka roire hãbu-wana. Debò inatxi reurò beòralemy heka tii-wana raremyhÿ tahe tii rawytesenyre. <sup>37</sup> Tii 84 beòramy heka bede idi ÿrire wytesemy. Tii Deuxu dohodÿñna heto-ribi ròhònyòhyymyhÿre. Tii heka rexitòenymyhÿre rummy txumy tabyreò-di. <sup>38</sup> Tahe tii rehemyre Deuxu dohodÿñna heto-ò. Deuxumy reàlàre. Idi Jesuisimy imahädu-ò rarybere tii tarasadumy rarekre.

<sup>39</sup> Iu Marie, Jyje-wana ibutumy bede ywidÿñnamy ituereu, riòðserenyre tahãwã-ò Nazare-ò. <sup>40</sup> Jesuisi raumynymyhÿre beòra beòramy. Iruru, ibede eryna sòwemy ijòdire Deuxu dori idi tarukimyhÿre.

<sup>41</sup> Pascoa worana bedehesi riòlòdÿñnyre Jerusalè hãwã-ki. Jesuisi tyby heka iseboho roihyymyhÿreny tamy. <sup>42</sup> Tule Jesuisi waòinatxi reurò beòra-di ridyreny tamy. <sup>43</sup> Worana bedehesi rexihureu kidiòkesedenykre doide. Tahe Jesuisi naride Jerusalèkikhÿle. Tii-boho rieryrenyòhyre naridemy. <sup>44-46</sup> Taijoiirenywanale ratxirerilemy idi ròhòtiinyreny. Txusohojimy heka bede idi rÿidi, riereny. Tai rahaòhyrenyra iijesemy diòkesedenyde Jerusalè-ò icyby. Inatað txu-di tahe tai nahadenyde, Deuxu dohodÿñna hetowo-ki wahe. Tii heka bede erydÿÿdu mahädu-wana ronyre. Roholamyhÿreny irybe-ò ronymyhÿreny. Tule rÿÿraximyhÿreny. <sup>47</sup> Tii heka ibutumy rirawònymyhÿre. Tii dori bede ery nihikÿ rare. <sup>48</sup> Iseboho tahe bede riòtiinyreny tai ronyreki wahe. Ise tamy rarybere: —Waritxòre, anoherekibo kai icykyreny-ki tanyte. Anoherekibo tuu wadekereny tewinyteri ajesereny-di watxireri. <sup>49</sup> Tahe Jesuisi rirawònyre: —Wajeserenykoemyke. Waha heto-ki watxireri, Waha aòmysÿdÿñnamy reywinnyhy watxireri. Kia aòbo teeryòhytyente. <sup>50</sup> Tii-boho rieryrenyòhyre aòmybo Jesuisi rarybereri. <sup>51</sup> Idi tahe dòðsedenyde Nazare-ò. Tahe Jesuisi tyby rybe rityhynyhy raremyhÿ. Tahe Jesuisise kia ibutumy riyrubunyhy raremyhÿ tarayky-ki.

<sup>52</sup> Jesuisi tahe raumynyre. Bede erytyhymy relere. Ibutumy he iny iluure. Deuxu wowydyna-di ihÿre.



## 3

<sup>1</sup> Tiberiò heka waiyre beòramy iòlòmý raremyhÿ. Poncio Pilato heka Judeia bede dinodu. Ijò heka Herodi inire. Inataò inymy heka bede dinodumy raremy. Herodi heka Kalileia bede dinodu. Iseriøre, Filipi tahe Itureia bede, Traconite bede-wana dinodu rare. Ijò iny tahe Lisÿnia inire. Tii Abileni bede dinodu rare. <sup>2</sup> Anasi, Kaifa-wana heka inatxi hæbu roire. Tiiboho wiwana xiwena wahidÿÿdu wedu raremyhÿ. Kia bedeu heka Joaò rehemynyre bedero-txi. Tii iny-ò Deuxu rybe tÿnydÿÿdu rare. Zacaria riøre rare. <sup>3</sup> Tii kia bede ibutumy rybe ritÿnynyre, Jordaò beroweramy ibutumy wahe. Kia wesemy rarybere: —Aòraru-ribi bòhònkye. Maratisebenyke. Tahe Deuxu aòraru riixãwididÿÿnykre. <sup>4</sup> Iwese Isaia ròritidÿÿre wesemy heka wiji rÿire.

Inyò heka ryrymyhÿ bedero-ki.

Kia:

—Inynrÿry bexiywinybenyke. Ryòbitihikÿ biwinybenyke. Hãloo bitÿxinybenyke wimyny biijaranybenyke. Iry iòewòwena ramyÿre heka, biòbitinybenyke.

<sup>5</sup> Iratòratokeki, wimyna biijaranybenyke. <sup>6</sup> Ibutumy iny heka Deuxu biu-ò henamy robirenykre. <sup>7</sup> Sòwemy iny nade riratisebenykremy Joaò-ò. Tahe tii tamyreny rarybere:

—Kaiboho hemylalaweselemy toite. Deuxu ykarana-ribi bexitabenyke, aòwiwihikÿ.

<sup>8</sup> Uritere kawese ryberenyòmykre: —Abraò dori iny labiereny rare. Tai tahe ibutumy awityhy rare inydeerenÿ.

Jiarÿ dori adeereny ararybekre: —Deuxudeewikeki, Tii kia manadile iny riwinyke. Abraò dee ijò riøreòmý kia manadile riwinyke. <sup>9</sup> Woma heka òwòruraruti riòòmÿhÿre. Kia raratynyòkeki heka, raòòkre. Heòty-di wòmý ririradÿÿnymyÿhÿre. <sup>10</sup> Tai tahe iny rÿÿraxire Joaò-ò: —Timybohe rakatxirenykre. <sup>11</sup> Tai tahe rarybere: —Inyò tøre inatximy ijòðikeki, sohoji iny ijò-ò riwahinyke. Irÿsÿnadikeki, tule ritxuatxuake ijòkò mahãdu-ò. <sup>12</sup> Iny wixiraò Joaò-ò rehemynyre. Tiiboho nieru tarasadu mahãdu rare bede dinodu-ò. Tai rÿÿraxirenyre: —Timybo aòhebo rokotÿÿnyrenykre. <sup>13</sup> Joaò rirawoyònyre: —Uritere aònihikÿmy itarasarenyòmykre. Bede wwidÿÿna tyriti myna ta tuukre. <sup>14</sup> Tai tahe soldado tamy rÿÿraxire: —Inyboho tahe aòhebo rokotÿÿnyrenykre. Joaò rirawoyònyre: —Inyò biteranyòtyhy adee nieru kanakemy. Inieru dori ahòrò aòkò rare. Beysake, adinodu-ribi tiwesebo nieru tetamahãte-di. <sup>15</sup> Tahe kia iny mahãdu raraykynyre Joaò-di. Kowa aòbo hæbu Kristu ihÿre. <sup>16</sup> Tai heka Joaò rarybere: —Jiarÿ heka bedi araratisebenyreni. Ijò wahewo-ribi kanakre tahe woratyre inihikÿ rarekre. Tii heka awityhy rare. Jiarÿ heka raixÿruwãhãre iwataana aritake lau. Tii heka akanaratisebenykre Deuxu Tytybytyhy-di. Heòty-di tule wahe. <sup>17</sup> Iti tebò-ki ratxireri. Maixòmo ruxity hitxina-di wahe. Tii heka ritakre. Maixòmo riyrubunykre ihyna-ò. Iruixity tahe ritoonykre. Kia heòty heka tiu ruriothyhy. <sup>18</sup> Aò heka Joaò rarybere. Sòwemy aòna aònamy iwesele rarekemy. Dohodÿÿna wihikÿ-di tamyreny rarybera. <sup>19</sup> Bede dinodu Herodi heka taseriøre riòrese-wana roire. Aòbina binahakÿle riwinyre kia. Tai tahe Joaò tamy rarybere: —Kia awi aòkò rare. Ibina heka rare. Sòwemy aòna aòna bina tule tii riwinyre. <sup>20</sup> Tai Herodi heka Joaò mynymy riteranyre ròtenawo-ki roikemy. <sup>21</sup> Joaò ixiwesehyyle rexitÿmyranymy iny riratisebenyre. Tahe tule iny wixirahe-ki Jesuisi riratisebenyre, Jesuisi rexitòenyreu, biuwetyhy rarayre. <sup>22</sup> Biuwetyky-ribi tahe Deuxu Tytybytyhyle dobehemy nade bòtòerurã wesemy. Biu-ribi rybeò-ò iny roholare: —Kai heka Wariøre tate. Aluure heka jiarÿ wadeysatyhyre. <sup>23</sup> Jesuisi 30 beòramy raremy taaòmysÿdÿÿna tyhy ritelenyreu, iny heka Jyje riòrelemy ròhòtinymyÿhÿre. <sup>24</sup> Jyje heka Eli riøre rare. Matate, Levi, Maki, Janai, Jyje, Ibutumy labiehekÿ Jyje rare. <sup>25</sup> Ijò tahe Matatias, Amos, Naum, Eslì, Nagai, <sup>26</sup> Maate, Matatias, Semei, Jyje, Joda, <sup>27</sup> Joana, Resa, Zorobabe, Salatieli, Neri, <sup>28</sup> Meki, Adi, Cosã, Elmadaò, Er, <sup>29</sup> Josue, Elièzer, Jorim, Matate, Levi, <sup>30</sup> Simeao, Juda, Jyje, Jona, Eliaki, <sup>31</sup> Melea, Mena, Matata, Natã, Davi, <sup>32</sup> Ijese, Obede, Boasi, Sala, Nasaò. <sup>33</sup> Aminadabe, Adimim, Arini, Esraò, Peresi, Juda. <sup>34</sup> Ijaò, Ijai, Abraò, Tera, Nakò, <sup>35</sup> Serui, Raau, Faleki, Eber, Sala, <sup>36</sup> Aina, Arfaxade, Sem, Noe, Lamei, <sup>37</sup> Metusalè, Enoi, Jarete, Maleleel, Aina, <sup>38</sup> Enosi, Sete, Adaò. Tii tahe Deuxu juhuyu riwinyre iriøre wese.

## 4

<sup>1</sup> Bero Jordaò-ribi Deuxu Tytybytyhy heka Jesuisi diòòsedÿÿnyde Tai heka tule bederò-ò rexiykynyra. <sup>2</sup> Tahe Satanasi Jesuisi riurihire, 40 txu-di wahe. Aò heka rirÿsÿòhyre Jesuisi kia itxumy txu rÿireu wahe. Idi tahe sòwemy rama risare. <sup>3</sup> Satanasi tamy rarybere: —Kai Deuxu Riòretyhy tate-wana heka, mana bitxienykre hinamy. <sup>4</sup> Tai Jesuisi dirawoyònyde: —Deuxu Rybe tule kiamy rarybere.

—Hãbu hewa byre sohojiribile aòkò irumy rÿimÿhÿre.

<sup>5</sup> Tai Satanasi heka Jesuisi ridyre heto raty tyre. Ibutumy hãwãhãkÿ riteòsinyre bede bede rÿirà. <sup>6</sup> Tahe Jesuisi-ò rarybere: —Kai biwalãhãnanykeki, ibutumy aòna aòna adee

ariwahinykre, ibutumy hāwāhākŷ dinodumy tule wahe. <sup>7</sup> Wahōrō heka rare. Inyō-ò aōtxile ariwahinykre. <sup>8</sup> Idi tahe Jesuisi dirawyōnyde: —Deuxu-ò sohojile walàhàna biwahinykre. Kiamy Deuxu Rybe rarybere. <sup>9</sup> Idi Satanasi Jesuisi ridyre Jerusalē hāwā-ò. Biu-txi tahe rŷire, Deuxu dohodŷŷna heto tyre-ki wahe. Tii narybede, kai Deuxu Riōre tyhy tate wana heka bexiwatxixinyke inihe karibi hetoratyti-ribi. <sup>10</sup> Ŷju riki arayrubunykre wa. Deuxu taŷjuò bede riywinyre aramykemy. <sup>11</sup> Tule kia rarybemyhŷre Deuxu Rybe.

Awa riki manaò riwotōmonyōtyhy.

<sup>12</sup> Tahe Jesuisi dirawyōnyde: —Tule Deuxu Rybe rarybere: —Inyō heka Deuxu uri urihixiōtyhy. <sup>13</sup> Rexihure tahe Jesuisi urihixina. Tahe Satanasi heka Jesuisi ririre. <sup>14</sup> Idi tahe Jesuisi ròsere Kalileia bede-ó. Deuxu Tyytybytyhy ruru tahe tii-wana ratximyhŷre. Ibutumy heka kia hāwā-ki ibededŷŷnana rierymy hŷreny. <sup>15</sup> Jesuisi heka dohodŷŷna heto-ki ròbedeerydŷŷmyhŷre. Ibutumy tuu rarybere. Tuu reàlāmy rarybemy rŷimyhŷ. <sup>16</sup> Iribi tahe Jesuisi ròsere tai raumynrēò, Nazare hāwā-ò. Sabado txuu tahe dohodŷŷna heto-ò reamy rarem yiwesehyyle. Tii tahe lamamy rŷire tyriti-di rariakremy. <sup>17</sup> Tahe tamy Isaia tyriti riwahinyrēò. Tahe Jesuisi riijemyhŷre rybeò idi rariakemy. Tai idi rariare:

<sup>18</sup> —Wanyrŷ Tyytybytyhy waki ratxireri. Rybe Tŷmyra wihikŷ inyko arotohodŷŷkremy. Iny aōkò mahādu-ò rybe wihikŷ ararybekemy riwatare. Tule iny ròtena-ki rŷira mahādu, jiarŷ ariòlòdŷŷnykemy. Kiamy heka tamyreny ararybekre. Tule ruetŷmyra ariwahinykre rueta mahādu-ò. Iny idi rarŷŷnymyhŷre mahādu-ribi, aritakre idi risinymyhŷreki. (Aōna aōnamy risŷnyrenymyhŷreki wahe.)

<sup>19</sup> Tibedeubo Inynyrŷreny tajoi ritakremy ararybekre. <sup>20</sup> Idi tasŷ ixyby riwerasenyre. Tahe riwahinyre ixyby kia hābu riyrubunymyhŷrēò. Tii ronyre. Ibutumy kia dohodŷŷna mahādu idi retehemy rŷimyhŷre. <sup>21</sup> Tahe Jesuisi ritelenymy rarybera: —Wiji idi rariarā heka aōbo tamy ibededŷŷnanamy roire. Kia aōbo ritidŷŷna-ki roireri ihetxii. Kaimy tahe wiji rarybereri, jiarŷ heka tii rare. Tii adeereny tyriti rariarā wahe. <sup>22</sup> Tai tahe bede riòtiinyreny. Kia tahe aōmybo raryberakí. Tahe widee raryberenyre. Kaa heka Jyje riòrele ratxireri. <sup>23</sup> Tahe Jesuisi ixityre tamyreny rarybere: —Aōu kaiboho wamy tarybetenyteri rybeòmy, myŷ manarybeke: Kai bexidetynyke, hàri, òhotibedu. Kiamy aōbohe wadee manarybebenykemy atxitenyteri:

Iwese Kafanaò bede-ki tewinyte wese ariwinyrenykemy wadi atxitenyteri, ahāwā-ki.

<sup>24</sup> Adeereny inihe tuu ararybekre. Rybe tŷnydŷŷdu heka òmo rityhnyōtyhy ihāwāreny-ki. <sup>25-26</sup> Tahe iwitxiramy ararybekre. Ibedeu kia raremyhŷu, sōwemy heka rama reamy raremyhŷ judeu sŷ mahādu. Sōwemy wytese mahādu heka ramamy rurumyhŷre. Biu heka roaòhykre tai inataò beòra weeremyhŷ wahe Sareta hāwā heka Sidò bede-ki tii rasŷnymyhŷre. Tahe Deuxu bede riywinyre Eliasi rakemy iny sohoji wytese-ò, rŷsŷna riwahinykelemy wahe. <sup>27</sup> Eliseu bede heka sōwemy tybinadu rŷimyhŷ. Sohoji inyle riteyteny. Naamy heka inire. Tii heka Siria bede luduò rare. <sup>28</sup> Kia dohodŷŷna mahādu heka ibutumy iu tamy rakyananyre. <sup>29</sup> Rimyreny heka Jesuisi. Idi retŷhirenyre hāwālò ralya-ò ridyreny. Idi rehurenkemy riwŷŷnyreny. <sup>30</sup> Tahe Jesuisi inysòwehekŷy-txi ralore. Idi rahenyre. <sup>31</sup> Iribi tahe Jesuisi rare Kafanaò-ò, Kalileia bede-ò. Sabado txuò txuòlemy heka Jesuisi iny ribedeerynymyhŷre. <sup>32</sup> Sōwemy heka iny ribedeerynymyhŷre mahādu tamy awimy rŷira, irybe dori awireki wahe. <sup>33</sup> Hābuò raremyhŷ dohodŷŷna hetowo-ki tyytybybinahakŷ-di tahe taumywo-ki ratximyhŷ. Tai tahe tii ryrre: <sup>34</sup> —Jesuisi, Nazareludu, aòhebohe ijoi bisŷnykremy atxiteri? Biwahubenykre aōbo? Jiarŷ heka araeryre mobò taté. Kai heka Deuxu deòdu atxiteri. <sup>35</sup> Tai tahe Jesuisi tamy rarybere tyytybybina iumywo-ki rirykemy. Iribi riòlòdŷŷnyre. Tahe idi rehure iutyde-ò idi iribi ròhōnyre. Hābu aòhe risŷnyòhyre. <sup>36</sup> Ibutumy heka iny ribedeòtiidŷŷnyre. Iny sohoji sohoji widee rarybere: —Aōrybemy aōwe tii rarybereri? Timybo iny-ribi tyytybybina riteònyke. <sup>37</sup> Ibutumy timybo Jesuisi riwinyre, ijyynamy reare. <sup>38</sup> Tahe Jesuisi ròhōnyre Simaò heto-ò idi rare. Simaò riòrelahi webinadumy roire rubuna-di. Tai Jesuisi-ko tuu rilyreny. <sup>39</sup> Tai Jesuisi ibireweribi-ò rare. Tahe irubuna iribi riòlòdŷŷnyre. Tahe tii ritamadŷŷnyre. Rŷsŷnaò tamy riwahinyre. <sup>40</sup> Ibutumy iny tawebinadu mahādu didydenyde. Ibutumy Jesuisi riteyteny tibo iratityre rilidimyhŷre. Sōwemy iny tyytybybina-di rŷireri mahādu riòlòdŷŷnyre. <sup>41</sup> Iu tahe ryrmy reamy rŷimyhŷ: —Kai Deuxu Riòretyhy tate. Tii Jesuisi rierymyhŷ tii Deuxu deòdu reamy, tyytybybina wahe. Tai Jesuisi tamy rarybere rybeòkemy. <sup>42</sup> Txu ijiramy Jesuisi rare bedero-txi ixisohojile. Iny sōwemy riijemyhŷ. Itxi rearenyre, iatysy deramy rekoamyhŷreny. <sup>43</sup> Tai Jesuisi rarybere tamyreny: —Jiarŷ heka Rybewihikŷ Tŷmyra arelyykre iwitxira hāwā Deuxu Òlona Tŷmyramy arelyykre. Tuu Deuxu diwateònyde. <sup>44</sup> Jesuisi ibutumy Judeia mahādu bede bedemy dohodŷŷna rŷiraki rotohodŷŷmyhŷre.

## 5

<sup>1</sup> Jesuisi tahe aho ijà-ki rÿire Kenesare aho ijà-ki. Iny heka sôwemy Deuxu rybe-ò roholakemy iu rÿimyhÿ. <sup>2</sup> Tii robire hâwôô inatximy roinyimyhÿre. Waxidumy mahâdu heka rirahure rià-dì risuhòneri. <sup>3</sup> Idi tahe rimyre hâwôô. Simaô hâwô heka rare. Tii tahe ixi-dì ritaranyre beroro-ò. Tai tahe tii rexidelenymy relyyre. Kia iny rÿimyhÿ mahâdu heka ribedeerynymy relymyhÿre. <sup>4</sup> Rexihure rybe-ribi. Idi tahe Simaô-ò rarybere: —Make wa bera-txi. Rià bitidike. Bimykemy utura. <sup>5</sup> Tahe Simaô rirawônyre: —Wanyrÿ, ruu wa wadireny aôkôhykylemy bedewadireny rareri, uturamy ho aôkô. Tarybete urenana anakre. Aritidikre heka rià. <sup>6</sup> Tahe ritidireu tahe, rià utura sôwemy rimyre, kia rautxienyre. Tule riykamyhÿ rià. <sup>7</sup> Talawô biôwa mahâdu-ò rryre: —Bôdôibedenyke bidiwawôhenanybenykemy. Inatxi hâwô heka rÿxire. Ritÿxinyre utura-di. Iny berahatxi-ò ijiramy riwisÿnymyhÿ ilawôreny. <sup>8</sup> Simaô tuu robire. Tii Jesuisi ratximyhÿre tahe tatiowomy resere Jesuisiko-txi. Simaô Pedro rarybere: —Wanyrÿ, aribi kÿny iôhòmy arÿiôtyhy. Jiarÿ heka waôrarudimy rare. <sup>9</sup> Simaôboho bede riôtiinyimy rabadewore aôma utura sôwemy tamyreny riwahinyraki wahe. Tii tuu iximy rarybere. <sup>10</sup> Ibutumy tiiboho mahâdu ribedeôtiidÿÿnyrenyre Zebedeu riôre kia Txiau, Joaô-wana. Jesuisi rarybere Simaô-ò: —Brebuômyke heka ikonana-ò heka utura bimyoôkre. Wadee dori maaômysÿdÿÿnykre hâbu wadee bimykemy. Tamyreny biwatÿnynykre. Iwese utura temymyhÿte wese, wadee hâbu wiji bimykre waerydÿÿna mahâdumy rarekemy. <sup>11</sup> Tahe waxidumy mahâdu ibutumy kaa tawaxi tarià iu ririra Jesuisi riheludunykemy.

<sup>12</sup> Rôirenyre rirônyrenyre ibutumy hâwâ-ò. Idi tahe hâbuô rare ityyjyÿhykyle. Hâbu Jesuisi robireu tahe resere iko-txi, rexitôenyre: —Wanyrÿ, adeewikeki biwateytenykre. <sup>13</sup> Jesuisi tamy tebô ritetemy rarybere: —Kohe, arateytenykre. Tii reytemy reare. <sup>14</sup> Tai Jesuisi rarybere tamy: —Inyô-ò tahe ijyyômykre. Xiwena wahidÿÿdu mahâdu-ò make. Tai maxiwekre tuu Moisesi bede riywinyre myna. Xiwenaô heka biwinyimy biwahinykre. Moisesi rarybere wese wahe. Iny mahâdu-ò heka biteôsinykre. Kia riteôsinykre teytetamy. <sup>15</sup> Tahe ihârele Jesuisi ibutumy rieryre. Sôwemy iny heka wirotyre raholakemy. Ijô nade aôma iwebinaduna ibina-ribi riteyteuykemy. <sup>16</sup> Tahe Jesuisi iribireny aôma rexitôenykemy rexitare.

<sup>17</sup> Ijô txuu rôbedeerydÿÿmyhÿu, fariseu mahâdu, bede ywina rybe bede erydÿÿduô-wana ronymyhÿreny. Ibutu hâwâ hâwâ-ribi dotydenyde wese tahe sôwerenyre, Kalileia bede-ribi Judeia bede-ribi, Jerusalê hâwâ-ribi. Deuxu deytana Jesuisi-ki ratximyhÿ. Jesuisi hâwâlô-ribi dobehede tii-wana, taerydÿÿna mahâdu-wana wahe. Tahe sôwemy iny iube-ki ributumy ronymyhÿre. <sup>18</sup> Iny mahâduô heka hâbu iumymy manadu kididydenykemy ratxireri Jesuisiko-ò ritidirenykemy. Idi tahe hâbu webinadu wahe Jesuisi-ò rakemy bede riywinyre. Inatyhyle riathyrenyre. <sup>19</sup> Inysôwereki tahe tamy rehemyrenyôtyhy. Tai tahe hetoratyti-ò raôwônyre hâbu webinadu-di. Iribi tahe diberesedÿÿnyde reroti-di. <sup>20</sup> Jesuisi robire, rieryre aôma rityhynymy ratxirenryeri. Hâbu-ò Jesuisi rarybere: —Wy, aôraru heka raixâwidÿÿnyra. <sup>21</sup> Tahe fariseu mahâdu he widee raryberenyre: —Mobo kia hâbu ratxireri, timyhe tuu kia irybeôna rybe-di. Deuxu-ò kia rybe ibinatyhy rare. Deuxu sohojile ôraru-ribi iny riixâwididÿÿnymyhÿre. <sup>22</sup> Tahe Jesuisi rierymyhÿ timybo rexinohôtinymyhÿreny. Tai rarybere: —Aôherekibo kia wesemy texitraykynytenyteri. <sup>23</sup> Tibohe irutaôre webinadu-ò rybe: —Aôraruna reixâwididÿÿnyra ada myimy mariake aôbo. <sup>24</sup> Deuxu Riôre Hâbutyhykyÿ jiarÿ rare. Tai waruruna wadee Deuxu Riôre ôraruna ixâwididÿÿnamy. Katahe bierybenykre inatyhymy aôbo rarybereri: —Myike, abyre biwymy asÿ-ò ta mahe. <sup>25</sup> Hâbu tabyre rimymy tahe aôwesele tasÿ-ò rare. Deuxu riwowydynymy rare. <sup>26</sup> Sôwemy iny ribedeôtiidÿÿnyrenyre. Riwoydynymy rÿimyhÿ. Tiiboho raryberenyre: —Aôwitxiramy wiji inyboho robirenyra. Tiu juhuu tukôre-ribi wahe robirenyra.

<sup>27</sup> Iribi tahe nieru bede dinodu nieru mynydumy robire, Levi heka inire. Tii heka raaômysÿdÿÿnymyhÿ titixbo nieru tarasana-ki. Jesuisi tamy rarybere: —Manakehe wawana. <sup>28</sup> Tahe taaôna ibutumy ririre, idi ihemy rare.

<sup>29</sup> Levi tahe taheto-ki roxinaô riôlôdÿÿnyre Jesuisi dee. Tamy rehemyrenyre nieru arisidu mahâdu, tule fariseu mahâdu. Ibutumy iny iarixina mahâdu. <sup>30</sup> Kia fariseu mahâdu kia bederydÿÿdumy mahâdu tyyritirybedÿÿdu mahâdu kie heka aôbina binahylemy rarybereri Jesuisimy. Jesuisi terydÿÿna mahâdu-wana kiamy rarybereny: —Aôherekibo kaiboho teroxitenyteri, nieru arixidu-wana, iôrarudu sôwe mahâdu-wana. <sup>31</sup> Jesuisi rirawônyre: —Iny awimy ratxireri-wana, ôhotibedumy reaômyhÿre. Webinadu mahâdule ta tuu reamyhÿre. <sup>32</sup> Ôbiti mahâdu-ò aôkô heka jiarÿ anade rybemy. Tiibohole heka ixi-txi tôhòti reakemy idi watxireri.

<sup>33</sup> Tahe tiiboho Jesuisi-ò rarybere: —Joaô heludu mahâdu roxiômy txumy rÿire. Tule tiiboho rexitôenyrenyre. Sôwemy rexitôenyryhÿre fariseu mahâdu erydÿÿna tule. Tahe aijoi

tahe riroximyhÿrenyre riðmyhÿrenyre. <sup>34-35</sup> Tahe Jesuisi tamy rarybere: —Hãwyymy heridu tÿmyra ijoi ratxikeki heka tiu itobidÿynana mahãdu wahe. Kia heka riroximyhÿke. Kia tahe tÿmyra iribireny ratakreu, ijoi mahãdu renarehekre. <sup>36</sup> Tyky tÿmyrað tiu tykytyby dðbðnamy iny ritidiðtyhy. Timyki dori wii wiðbydÿÿðna. <sup>37</sup> Vÿi tÿmyra heka tiu aðirðu tyky watxiwe yla tyby-ð rarareðmyhÿre, tukeki ta kia raykake idi vÿi urile rejujukre. <sup>38</sup> Vÿi tÿmyra heka hyna tÿmyra-ð rararemyhÿke. <sup>39</sup> Inyð vÿi tybyhykÿ riðekei, itÿmyra rexitðenyðtyhy. Kiamyki rybe. Vÿi tyby dori itÿmyra-ribi awi rare.

## 6

<sup>1</sup> Judeu elehydÿÿnymyhÿrenyre txu kia idi rekoarenyre maixðmoho-di. Ierydÿÿna mahãdu rimirya maixðmo, maixðmo, debð-di riroxityxiwimyhÿ riymy idi rare. <sup>2</sup> Fariseu mahãdu tuu robire. Tamy rÿÿraxire: —Aðherekibo kia wese tewinyteri. Kiamy heka iwidÿÿðmyke bede ywina rybe rarybemyhÿre judeu elehydÿÿnymyhÿrenytxumy. <sup>3-4</sup> Jesuisi tamyreny rarybere: —Ihetxiu Davi tamahãdu-wany rama risareu, Deuxu dohodÿÿna hetowo-ð rirònyre. Tai Davi xiwena rÿsÿnale tajoi-wana rirÿsÿre. Xiwena wahidÿÿdule heka irÿsÿdure, inywitxira ta aðkð. <sup>5</sup> Jesuisi ritÿnyrenyre tamy: —Hãbutyhyhykÿ jiarÿ rare, Deuxu Riøre wahe. Kiata sabado wedu jiarÿ rare, elehydÿÿnymyhÿrenytxu wedu wahe.

<sup>6</sup> Ixityre ralore dohodÿÿna mahãdu heto-ð ròbedeerydÿÿkemy. Hãbuð tai rare tebò rabinamy. <sup>7</sup> Tahe fariseu mahãdu Jesuisi-ð retehere. Riteytenykye kia hãbu webinadu judeu elehydÿÿnymyhÿrenytxu. Rexiwodohonanyre. Kiatxuu tii riwinyrekeki tahe ribinanyke judeu elehydÿÿnymyhÿrenytxu, riwinykeki wahe. <sup>8</sup> Jesuisi rierymyhÿre aomybo tiiboho raraykynyrenyteri. Jesuisi tamy rryyre, —Aðma hãbu debðbina-ð: —Mynyke ini, ityareny-txi. <sup>9</sup> Tahe fariseu mahãdu-ð Jesuisi rarybere: —Arÿÿraxire inihe adeereny, awire adee ka hãbu debð ariteytenyke sabado txuu. Aðbo adeereny awire sabadotxu widÿÿ. Aðwihikÿwidÿÿmy aðbo ada aðbina widÿÿmy. Rubu-ð wahidÿÿ aðbo ada rubu-ribi itarasa aðbo. <sup>10</sup> Retehere! Ibutu-ð idi hãbu-ð rarybere: —Ebð inihe biditeðsinyke. Tiu hãbu tebò riteðsinyre tahe, reytere. <sup>11</sup> Reburerenyre heka. Timybo Jesuisi risÿnyrenykye rexinohðtinyrenyre.

<sup>12</sup> Idi tahe Jesuisi heka hãwãlòraty-ð rare ixitðedÿÿmy Deuxu-ð. Rureherehemy heka tamy rexitðenymy bede idi rÿire. <sup>13</sup> Txuijaramy tahe ludu mahãdu-ribi waðinatxi reurð taheludutyhy mahãdu ritare. Tarybemy rybedumy rininurenyre. <sup>14</sup> Sohoji ijð heka, Simað inire, Pedromy idi ranire, ijð tahe Andre rare, iseriøre. Idi Txiau, Joað, Filipi, Bartolomeu. <sup>15</sup> Mateu, Tome, Tadeu Txiau, (Kia Txiau heka Afeu riøre rare.) Ijð Simað Kana bedeluduð rare, tasubedeluudure. <sup>16</sup> Juda Txiau riøre, ijð Juda Isarið tahe Jesuisi tyhedÿÿdu rare. <sup>17-18</sup> Jesuisi dohedede bedero-ð hãwãlò-ribi. Tahe sòwemy iny iheludu mahãdu tii-wana rÿimyhÿ. Judeia bede mahãdu Jerusalè hãwã mahãdu. Tule Kalileia bede, Tiro hãwã, Sidð hãwã mahãdu. Tiiboho wii ributunymy hãwã mahãdu Jesuisi-ð roholakemy idi reytekemy. Kia tai ròteytedÿÿmyhÿ. <sup>19</sup> Ibutumy Jesuisi tyky-ð tamy adereximy risÿnymyhÿre adeytena iribi ròhònymyhÿ.

<sup>20</sup> Tamyreny retehere tai ibutumy riernanyrenyre: —Kaiboho aðkðrenyre-ki, beysebenyke. Deuxu òlona dori ahòrøreny rare. <sup>21</sup> Rama arasareri-wana beysabenyke. Bihydymy dori mabekre. Tule tahinyteri wana beysakre ihewo-ribi. <sup>22-23</sup> Beysamy butxuenyke, inyð umy radðnykeki tule. Kaiboho dori Deuxu Riøre tetyhinyteny jiarÿ tiire, Hãbutyhyhykÿ Riøre wahe. Kia mahãdu eramy ijira Riøre rÿikeki beysake. Beysa tyhyki tai. Biu-ki dori aðwihikÿ bitakre. Deuxu rybemy rybedu mahãdu tule rotÿÿnyrenyre iðraru-ki. <sup>24</sup> Kobe lãhãxe kaiboho ityhy mahãdu abedesanareny dorihe rexihura. <sup>25</sup> Kobe lãhãxe ahãdyreny mahãdu, aramasanareny dori rehemyrenyre. Kobe lãhãxe abedesareny, ahinanareny dori abrunareny rehemyrenyre. <sup>26</sup> Kobe lãhãxe atyhydÿÿ sòwereny tule dori. Ilabiereny rybemy rybedutyhy aðkð rityhinyrenyre.

<sup>27</sup> Warybe-ð taholatenyteriki inihe ararybekre. Aðludu luumy atxibenyke amykyaraduren-y-di, awimy idi mabeke. <sup>28</sup> Ibinamy aðma umy rarybekeki aðbinahakÿ riwinykeki, tamy bexitðenyke Deuxu-ð. <sup>29</sup> Aðsÿny-ribi anahatenykeki iyre-ribi iwyoðÿÿmy tamy bexirahòreke. Inyð atyky riwykeki tule tamy arahana biwahinyke. <sup>30</sup> Iwese aðtxiu aðna inyð adee rexitðenykeki, tamy biwahinyke ixiby iribi iwidykðkemy. <sup>31</sup> Aðbina inyð adee riwinykðkemy atximahãte. Iwese tiu kia aðhòkÿmy inyð isÿdÿÿomyke. <sup>32</sup> Kai aluu mahãdu sohojile iluuyomyke; òrarudu mahãdu dori tuu rÿimyhÿre. <sup>33</sup> Kai aery mahãdule tawotðmahãte, timyki Deuxu-ribi að atarasaðna. Iny itxÿte iehehe mahãdu dori widee rawotðemyhÿre. <sup>34-35</sup> Òrarudu mahãdu heka widee rihuðtemyhÿre. Iribi tahe iwesele ixiby kidiwykemy idi riwisÿnymyhÿ. Kai ta buhuðtemyhÿke idi tehuðtete ixiby iraròsòkomyke. Tukòkeki ta Deuxu-ribi að atarasaðna. Aðludu luumy atximahãbenyke. Tai Deuxu-ribi aðwihikÿ bitakre. Tai Deuxu wihikÿ riðremy mabekre. Tii dori inywi-ð inybina-ð awire.

<sup>36</sup> Awimy kaiboho boibeke, iwese boreny awimy biu-ki ratximyhÿre wese. <sup>37</sup> Inyõdee kyarakõmyke tai Deuxu adee rakyarananyheny. Inyõ taõraruna biixãwididÿnyõkeki, Deuxu tahe aõraruna riixãwididÿnyõkre. <sup>38</sup> Ainytyhyke inyõdee imyna Deuxu adee rainytyhynanyhyyke. Deuxu ibutumy aõwi adee riwahinykre. Tiwesebo tõwahite wesemyna idi Deuxu adee rõwahikre.

<sup>39</sup> Aõmybo ribedeerynyre ijyõmy relyyre: —Inyõ ruetã heka riwiõhenanyõtyhy iwitxira iny ruetã. Tukeyi heka hãloo-txi wiwana resekre. <sup>40</sup> Ierysydÿÿ iõrysydÿÿdu, kia ratyre aõkõ ratximyhÿ. Kia uladu ratyryritinyre nihikÿmy tahe erysydu tiu taerysydÿÿdu ratyre ratxiõmyhÿre. <sup>41-42</sup> Õwõrukre nihikÿ aruety-ki roire. Aõherekibo aseriõre ruety-ribi õwõru rÿnysiõ tarasamy tewisÿnyteri. Kia heka itxenadÿÿdu tate. Juhuu õwõrukre aruewo-ribi bitakre. Idi tahe betehemy iruewo-ribi aõsõmo bitakre. <sup>43-44</sup> Õwõru wihikÿ tiu bederaty binaõ riwahinyõhyymyhÿre. Tule õwõru binahakÿ bederatywimy raratnyõmyhÿre. Õwõru raerymyhÿre iraty-õ itxere rÿimyhÿreu, beraty-õ retehemy awire ada ibinare aõbo beraty-õ retehemy awire ada ibinare aõbo. Figoraty uvaraty tiu iwitxira õwõru-ribi raheõmyhÿre. <sup>45</sup> Hãbuwi heka aõwimy rotÿÿnymyhÿre iwo-ki tuu rÿimyhÿremyna. Tule hãbu bina aõbinamy rotÿÿnymyhÿ iwomy tuu rÿimyhÿremyna aõbina bina. Inyõ dori aõmy raraykymyhÿremyna rarybemyhÿre.

<sup>46</sup> Kai rarybere boholaõkeki aõbo biwinykeki. Uritere wanidÿÿõmy. Wanyrÿmy tiwanimimyhÿtenyte tahe warybemynamy atxõhyylemyhÿtenyte. <sup>47</sup> Tiwese hãbu warybe riywinyre wese adee ararybekre. Tiu heka ariteõsinykre. <sup>48-49</sup> Hãbuõmy akoreny arelyyke. Tii warybe-õ roholare idi imynany rotÿÿnyre. Tii kiata taheto riwinyre manadelemy ria-di. Beõra iheto reseõhyre manatyre-ki relereki wahe. Ikõmyta warybe-õ roholakõre, kawese rotÿÿnyre. Taheto uritere sukile riwinyre. Beõrau ta, urile resere. Ikyhynakõreki wahe. Kiamyta rotÿÿnyre warybe tyhydÿÿdu-õ idi ityhydÿÿdukõ-õ.

## 7

<sup>1</sup> Jesuisi tarybe rahu-di tahe Kafanaõ hãwã-õ rare.

<sup>2</sup> Tai Roma soldado dinoduõ tai ihÿmyhÿ. Teõduõ tahe binamy irubu iõhõmy roimyhÿ. <sup>3</sup> Soldado dinodu Jesuisini-õ roholareu tahe, iõrysmy rarybere. Taita judeu mahãdu kia matuariõ rexitõenyre aõma kididykremy riteytenykremy kia webinadumy roireri. <sup>4</sup> Tahe Jesuisi nade juhu be kiamy Jesuisi rarybere: —Ka hãbu heka awi biwiõhenanykre heka. <sup>5</sup> Ka hãbu heka wajoi luu nihikÿ rare ihymy ta dohodÿÿna hetoõ riwinyre wajoi-õ. <sup>6-7</sup> Tai tahe Jesuisi rare tiõboho-wana. Tehemyny sÿ iõhõmy rare. Idi tahe ryrowetyakile Jesuisi-wana wii riõbynyre. Aõma soldado dinodu kia biõwa-õ wahe. Rarybere he aõma soldado dinodu kiamy rarybereri: —Noõmy heka. Ihãrele teka awimy rareõle heka bedehemy mynyke. Awi tate tÿmy heka anaixiranyõtyhy dori raixÿruwÿhÿre alau adee ixitõedÿÿ-õ aõma dori adee rybe rÿikekile aõweseleke wadeõdu kia reytemy reake. <sup>8</sup> Jiarÿ dori inydee radÿÿdu jiarÿ rare. Aõbo riwinykemy. Kia riwinyre warybemynale kia heka jiarÿ rare. Wadeõdu-õ rarybewãhãraki heka: —Kia biwinybenyke. Riwinymyhÿreny. Kai tule marybeke, beyteke. Tahe aõwese reytemy reake. Robedeõtiidÿÿnyre, kia tuu rarybereki wahe. <sup>9</sup> Jesuisi røkesereri kia rarybemyhÿõ wahe: —Jiarÿ ka tiu judeu mahãduy-ki. Hãbuõmy rabiõ watyhydÿÿnamy. Rabireri riwatyhynyreri rabireri. <sup>10</sup> Soldado dinodu deõdu rõkesereri. Ixyby reytereri idi ronyre.

<sup>11</sup> Jesuisi rare terydÿÿna mahãdu-di ijõ hãwã-õ. Naï hãwã-õ heka rare. Kiemy rahymy heka rahyire. Sõwemy iny iheki rare. <sup>12</sup> Hãwã ijõ-ki rehemynyreu tahe kia ibutumyle rehemynyre. Sõwemy iny rubudu rareõ wabede-õ. Weryrybõõ rurure. Ise, wytese, heka iriõre sohojihylyere. Iny sõwemy heka riheludunyre tahi-di taibru-di. <sup>13</sup> Tai Jesuisi tuu robireu, idi rexiwõtenymy kamy rarybere: —Ibrukõmyke! <sup>14</sup> Jesuisi debõ ritidire caixaõ-õ. Iu idi itxydy ruhereynyre. Idi tahe rarybere: —Weryrybõ, bexixake wahe. <sup>15</sup> Weryrybõ rexixamy reamy ronyre. Idi rarybere. Tai tahe Jesuisi ise-õ riwahinyre. <sup>16</sup> Ibutumy tasÿ mahãdu ribedeõtiidÿÿdunyre. Tai tahe Deuxu riwowydynymyhÿreny: —Ebe, aõherewe, Rybedu nihikÿ kÿnyhe wixijumy inydeereny rehemynyre. <sup>17</sup> Kia taheka bede bede hãwãmy Jesuisini reare.

<sup>18</sup> Joaõ heludu mahãdu ibutumy tuu relyyre iko. <sup>19</sup> Inatxinareny Joaõ riteõnyre Jesuisi dÿÿraximy kamy wahe: —Kaiwe nodu aõbo tate, ada txiõ aõbo ini nodutyhy ariraõrenykre? <sup>20</sup> Idi Jesuisi-õ ròirenyre tuu itÿÿraxidÿÿmy; —Kai we nodutyhy tate? Ta txio aõbo ini ijõ ariraõrenykre? <sup>21</sup> (Iu ta Jesuisi yla aõkõ webinadu, binamamy binana mahãdu riteytenyra, tyytybybinamy ykydu mahãdu, iruetã mahãdu sõwemy tule.) <sup>22</sup> Irahu-di ta Jesuisi rarybere Joaõ ijoi-õ: —Bõõsebenyke. Ibutumy kamy tabitenyta taholatenyta Joaõko-õ tuu belyybenyke: —Iny ruetã bina mahãdu retehererimy, Iny rutiãre mahãdu rariarerimy, tyybinamy binana mahãdu reytererimy, iny nohõtity mahãdu roholarerimy. Iny rubu

mahādu heka rubu-ribi rexixaririmy, urimynodu mahādu heka Rybewihikŷ Tŷmyra-ò roholarerimy. <sup>23</sup> Iny bedesa heka rare, warybe tyhydŷŷdu mahādu.

<sup>24</sup> Joaō heludu mahādu iribi rōhōnyreu tahe Jesuisi rarybere Joaō bededŷŷnanamy: — Aōmybo wahe Joaō-di tōhōtinytenyete aōmy tubedi nohōtinyrenyete tamy itxerena bederahy tōitenyeki wahe. Otxirarade wese yhy-ki idi tahōtinytenyete. <sup>25</sup> Aōma hābu urimynodutyhy aōbo tahōtinytenyeteri. Hābu tywihikŷdiremy tahe tahōtinytenyete. Iwese iōlō taheto wihikŷ-ki ratximyhŷre wesemy aōbo tahōtinytenyeteri. <sup>26</sup> Wadee manarybeka aōbo betehekemy tahōtinytenyeteri. Deuxu rybeduōmy aōbo tahōtinytenyete. Inatyhy tii rare. Kia ratyre heka tii rare. <sup>27</sup> Aōma dori tyryiti-ki rarybemyhŷre:

—Tii heka wakoki kadehemynykemy ratximyhŷre, tamy relyykemy, ryō riywinymyhŷre.

<sup>28</sup> Inatyhy kaa rare. Tie heka ibutu hābu ratyre ratximyhŷre. Ihārele tahe inyō Deuxu Iōlōna-ki ratxikeki heka iratyre ratximyhŷre. <sup>29</sup> Tahe nieru butudŷŷdu mahādu kia-ò roholare. Tule sōwemy iny kia-ò roholare. Tiiboho Deuxu bede ywina tyhydŷŷdu mahādu roire. Tule Joaō Sebedŷŷna mahādu roire. <sup>30</sup> Fariseu mahādu tahe, bede ywina erydŷŷdu mahādu tahe Deuxudeewina dera rare. Tai Joaō-ò ratisebemy roiōtyhy. <sup>31</sup> —Mowesebo heka wijinabōdu mahādu wesemy ratxireri. <sup>32</sup> Uladu mahādu wesemy tiiboho ratxireri. Tiiboho ijō uladu mahādu-ò ryrymyhŷre: —Inyboho rawiunyre, tahe kaiboho teseōtyhy. Wobina wiu rawiunyre tahe kaiboho tahinyōtyhy. <sup>33</sup> Joaō Sebedŷŷdu renareherenyōmy rŷre, vīi riōōre. Ihāre tahe kaiboho tarybete: —Tii tytybybina-di ihŷre. <sup>34</sup> Hābutyhyhŷkŷ jiarŷ rare, Deuxu Riōre wahe. Jiarŷ reroximyhŷre tule reōmyhŷre. Tai tahe tarybemahāte jiarŷ wabyre nihikŷlemy wamomohōkŷremy. Jiarŷ riki ōrarudu liinatyhy heka jiarŷ rare, nieru tarasadu liina wahe. <sup>35</sup> Ihāre tahe aōikōkōlemy heka taraykynymyhŷtenyete ihāre taheka ōbitilemy ixī-di tahōtinymahātenyete.

<sup>36</sup> Fariseu mahāduō heka Jesuisi ritobinyre taheto-ò roximy. Jesuisi tahe rare idi ronyre roximy. <sup>37</sup> Kia hāwā-ki tahe hāwyyō rasŷnyre, wydena wahe. Tii heka Fariseu heto-ki riroxirerimy roholareu, tii tule rare. Tahe hyna ōwyhykŷ rimyre. Alabastro aderōnahynani rare. <sup>38</sup> Hāwyy tahe Jesuisi hewomy ronyre, iōhōmy. Tahe aderōna ritxiwure iwatyre. Tule iwa-ki ruworuwōmy ratximyhŷ irube-di iwa risuhōra idi irade-di rawiunyre. <sup>39</sup> Fariseu kiamy robireu, ixideele rarybera: —Kia hābu Deuxu rybeduō aōkō rare. Tuukeki tii hāwyy rieryke aōhāwyybo tii ratxireri. <sup>40</sup> Jesuisi tahe fariseu-ò rarybere: —Simaō, adee ararybekemy watxireri. Simaō tahe rarybere: —Manarybeka Waerydŷŷdu! <sup>41</sup> Tahe Jesuisi rarybere: —Nieru huōteduō heka inatxi hābu-ò nieru riwahinyre. Ijō 500 rihuōtera, ijō tahe 50my rihuōtera. <sup>42</sup> Idi tahe hābu inatxi nieruōhŷmy rŷre ōōsemy tanieru tamy. Tai tahe nieru huōtedu riwotōenyrenyete tahe ritusanyre, wiwana iōwy riixāwididŷŷnyre. Tibo huōtedu ilāhānadŷŷdu tyhyre. <sup>43</sup> Simaō dirawōnyde: —Kia ōsana 500my rihuōtera. Tahe Jesuisi rarybere: —Inatyhy rare. <sup>44</sup> Jesuisi tahe hāwyy, riijemy, tahe Simaō-ò rarybere: —Kahāwyy ini bidijjeke. Jiarŷ nadehemynydeu, tii tarube-di wawa risuhōra. Kai beēō tadiwyōte. Tii tarube-di riwawasuhōra. Iu tarade-di riwawarabunyra. <sup>45</sup> Kai tiwawehityhynanyōte rehemyryrau, tii tahe riwaatyōhŷmy ratxireri. <sup>46</sup> Kai warade-ki ōlŷre tetxiwiōta tii tahe aderōna wawatyre-ki ritxiwire. <sup>47</sup> Tai tahe adee ararybekre. Tii inatyhymy waluure. Taōraruna ixāwidŷŷna-ki. Inyō iōaruna ibutemy raixāwidŷŷnymyhŷreki, tii inatyhymy aōkō taōraruna ixāwidŷŷdu luure. Ijō tahe inatyhyhŷkŷlemy taōraruna ixāwididŷŷdumy reamyhŷre. <sup>48</sup> Tai Jesuisi hāwyy-ò rarybere: —Aōraruna reixāwididŷŷnyre. <sup>49</sup> Tai roxidu mahādu widee raryberenyre: —Mohābubo kia rare? Tii ōraruna riixāwididŷŷnyrerimy. <sup>50</sup> Tahe Jesuisi hāwyy-ò rarybere: —Atyhydŷŷnamy textitarasadŷŷnyte aōraruna sōwe-ribi biu-ò hena teta-teri. Mata hŷny.

## 8

<sup>1</sup> Rexideleny raremyhŷ ralōralōmy hāwā hāwā ikōkōmy reamy rare kia aōma Deuxu Rybewihikŷ Tŷmyra relyymy rare. Tai ierdŷŷna mahādu waōinatxi reurōmy idi rōirenyre. <sup>2</sup> Tule hāwyyō tiiboho wana rōirenyre Ijōta Marie Madalena heka rare. Juhuu tahe tytybybinahakŷ-di raremyhŷ. Idi debō inatxi reurōmy tytybybina iribi riōlōdŷŷnyre. <sup>3</sup> Ijōta Joana Kusa hāwyy rare. Tii iōlō Herodi heka aōmŷŷdŷŷdu heka rare. Tule ijō hāwyyō Susana inire. Idi tule ihona hona Jesuisi taijoi-wana ibutumy tanierureny-di riwiōhenyrenymyhŷre.

<sup>4</sup> Idi iny sōwemy titxiribibo dirahude kia-ò. Kia mahādu-ò heka Jesuisi ribedeerynyre ijyyōmy. <sup>5</sup> Alōbōrōna-di dehudu heka rōhōnyre taoworu-ò. Alōbōrōna-di imahādu ijō ryro-txi resere. Tai heka iny rariamyhŷre alōbōrōna tyre-ki. Nawii tule tuu riroximyhŷ. <sup>6</sup> Mana rotysu-txi ijō rejuxunyreri mana rotysu-txi suu dori ibututere tai tahe iraruxiōlemy raumynyre. <sup>7</sup> Ijō tahe edey-txi resere. Raumynyreu tahe edemy riōhŷtŷnyre. <sup>8</sup> Ijō resere suwi-txi. Tai ta raumynyre idi sohoji alōbōrōnaty-ribi 100my ratatnyre. Jesuisi tamy rarybere: —Kaiboho ōhōtirenidykeki heka inatyhymy warybe-ò bohōlabenyke.

<sup>9</sup>Tai tahe Jesuisi-ò rÿÿraxinyrenyre: —Aòwe kaa tekewesenanyteri? <sup>10</sup>Jesuisi rirawònyre: —Kaiboho heka teerytenyete aòbohe wasimy ijyy rare Deuxu dori adeereny ritÿÿnyrenyre. Kia tahe rare, Deuxu Iòlòna aòmÿdÿÿnana wahe. Ijò iny-ò tahe rarybere ijyy-di relyyre.

Tai robikre tahe, rieryòtyhyke. Roholarenkyre tahe rieryòtyhyke, timybo juhuhu Deuxu rybemy rybedu mahàdu rarybere wese.

<sup>11</sup>Aòmbo kia aòijyybo kia rare wahe. Alòbòròna heka Deuxu Rybewihikÿ wese rare.

<sup>12</sup>Ryro-txi resere heka ijohonadu wesemy rare. Deuxu ijyy heka resera ede sòwey-ki. Tii heka Deuxu Rybe-ò roholamÿhÿre mahàdu wese rare. Idi tahe Satanasi heka ritamÿhÿre iworeny-ri. Tai rityhynyrenykomÿ idi biu-ò rahenyòkremÿ. <sup>13</sup>Ijò tahe manasuò-txi resere heka, kia Deuxu Rybe-ò roholamÿhÿre mahàdu wese rare. Rybe-ò juhuhu roholamÿhÿre deysana-di rityhynymÿhÿre. Kia manatyre resera heka irarutiòhykre. Iny mahàdu wese heka rare. Idi ikyhynakòreki, iwodelòlòtòmoreki urile tatyhydÿÿna riatymÿhÿre. <sup>14</sup>Ijò tahe edesuyky-txi resere heka, kia Deuxu rybe-ò roholamÿhÿre, idi iworekena sòwemy, iaòdelòlòtòmomy, idi ityhyna wahe urile riòhòtÿÿnymÿhÿre. Tai ròiwiòhenadÿÿhÿymÿhÿre Deuxu tyhydÿÿna-ki. (Kia tahe alòbòrònaò ede yky-txi resera tahe iny witiwira wesemy heka rare. Iny umy tyhyna idi ratxireri heka kia wesemy kia ede-txi iny reseremy. Aòmbo kia inytyhyna ratxireri. Tiu heka ityhydÿÿna riòlòdÿÿòtyhy. Kia alòbòròna tahe tai heka rokuòtyhy.) <sup>15</sup>Kia ijò alòbòròna suu witiw-txi reserá tasÿ iwitiwira inywesemy rare. Kia ijohonadu aòmbo rierymÿhÿre. Irayky-ò ralòmÿhÿre. Kia iwotyhywo-ò òbitimy ratxireri tahe, òbitilemy aò riwinymÿhÿre. Iwese kia alòbòròna sòwemy raty rawahinyre wese tahe tii rare. <sup>16</sup>Ijò ijyy tahe kiamy roire. Uritere inyò loosònaò rideòmkyre butxi rawo-txi ada herina rawòò-txi aòbo. Loosòna bidekre bedewiò-ò. Tai tahe ibutummy bede ritoosònanykre. <sup>17</sup>Aò heka tai wasimy ratxiòhÿymÿhÿre. Aòutxummy dori ibutummy erynany rarekre. <sup>18</sup>Tahe bexijebenykre ijohona-ò. Kia sòwemy idi rÿirerimy ihÿre heka sòwemy rimykre. Kia urihimÿò iwo-ki rÿireri heka iribi ritakre. Idi ibutummy rÿireri heka iribi ritakre. Urihimÿò iribi iny ritakre. Urihimÿò iwo-ki rÿireri heka hulemy iribi ritakre.

<sup>19</sup>Jesuisise, tariòreboho tami doide. Tii ròbedeerydÿÿmyhÿki isirare tami dehemyÿ iny sòwe òraru-ki. <sup>20</sup>Tai inyò Jesuisi-ò rarybere: —Adihe wa aseriòre boho hewa ahanakile ratxireri umy robikemy ratxirenryeri. Adeer rarybekemy. <sup>21</sup>Tai Jesuisi rarybere: —Waseriòre wa kia Deuxu rybe erydÿÿnaò rare. Kia tami roholamÿnyrele heka rityhynymÿhÿrele heka nadi wesele rare. Tii-wana iwesele rarybere.

<sup>22</sup>Iribi tahe hãworo rorukurenyre Jesuisi rarybere: —Ròkòireny kanawe-ribi ijà-ò. Idi tahe roirenyre. <sup>23</sup>Jesuisi ròròmÿ tòru-ki. Idi tahe yhynihikÿ òbònihikÿ-wana tamyreny reare. Ruberurenÿre tiibohe rÿmyrenyke lau. <sup>24</sup>Tai tahe wylemy riixixanyrenyre: —Erydÿÿdu, Erydÿÿdu rekekoarenkyre berahatxi-ò. Idi Jesuisi donymy deademy tahe yhy dee rarybere: —Biyryke, Biyrykewa. Yhy ruhummy resere. Òbò tule ruhummy ibutummy riyyre, iny rurukre. <sup>25</sup>—Kaiboho tiwexe ainatyhynany? Tiibohe rabedeotiòdÿÿmy ruberummy widee raryberenyre: —Aòhãbuwe kaa rare. Yhyhykÿ dori òbò dori irybemy reòbyeri.

<sup>26</sup>Kanawe-ribi ijà-ò rehemynyrenyre Kerase bede-ò kalileia aho weribi-ò. <sup>27</sup>Hãbuò heka tamyreny dobehede hãwãhãkÿ-ribi tamyreny dobehede. Tiibohe riòtyròny hãwãro-ribi iu ta tyytybybina-di ratximÿhÿre hãbu tiu rexityynyòhÿymÿhÿre tatyy-di hÿymÿhÿre. Kiamy wabedekihÿyule ratximÿhÿre. <sup>28</sup>Jesuisimÿ robireu tahe bedetxile resere tairy-di ryryre: —Aòhebo biwasÿnykre Jesuisi. Kai Deuxutyhy Riòre atxiteri. Uritere aòhòkÿmy wasÿdÿÿòmykre. <sup>29</sup>Tahe Jesuisi heka tyytybybina iribi riòlòdÿÿnyre. Sòwemy dori riuwinyre hãbu rimymÿta. Riuwinyre idi rihure. Tai heka tii uritiere womati roreti-di ritaataamy rijemÿhÿre. Ihãre tahe ixi-ribi riòròmÿhÿre. Tai bedero-txi reamÿhÿre tyytybybinamy rawonumÿ. <sup>30</sup>Idi tahe Jesuisi rÿÿraxire tami: —Mobo anire? —Sòwemy wanire. Tyytybybina sòwemy dori tuu rexikyrenyeki. <sup>31</sup>Tiibohe raryberenyre: —Uritere bedebinahakÿ-ò wateòdÿÿrenyòmkyre. Uritere sÿu-ò noòmbo rarekremÿ hãlootxi-ò. <sup>32</sup>Iu tahe ixÿni juramy rioximÿhÿ hãwãlò-ki. Tai tyytybybina mahàdu Jesuisi-ò rarybere: —Biwateònyòke. Kowa ixÿnijura-ò biwateònybenyke aralorenkyre. Tai Jesuisi riròtenyrenyre. <sup>33</sup>Iu kia hãbu-ribi tyytybybina ròhònyrenyre tahe ixÿniwo-ò ralòreki wahe. Raòlònyra ijò-di rejuxunyre taraò wahe. Ibutummy ahoro-txi rejuxunyre. Ibutummy rururenÿre berahatximÿ. <sup>34</sup>Ixÿni-di itxeredu mahàdu ibutummy rajiranyra hãwã-ò tule relyyrenyre tuu iny rasÿÿnymÿhÿre mahàdu-ò. <sup>35</sup>Tai iny dirahude tami itxeremy. Idi tahe rare Jesuisi-ò. Hãbu robimÿhÿrenyre tatyky-di ronimÿhÿ ibutummy rexiywinumÿ Jesuisi-ribi iòhòmÿ ronyre. Kia iny mahàdu heka sòwemy ruberure rabedeotiòdÿÿnymÿhÿre. <sup>36</sup>Ibutummy relyyre. Kia tyytybybina timybo aòhebo rotÿÿnyrenyre. <sup>37</sup>Kia Kadara bede ludu kia mahàdu tahe rexitòenyre Jesuisi-ò iribi ròhònykremÿ, ilau ruberurenÿreki wahe. Idi tahe Jesuisi ròkòsere ixÿbyle reare hãworo-ò. <sup>38</sup>Hãbu tahe rexitòenyre Jesuisi-wana rakremÿ, kia tyytybybina-di iwo-ki ratximÿhÿ wahe.

Tamy rarybere: <sup>39</sup>—Aòkòre bòkese aheto-ò. Ibutumy belyeke aòbo adee Deuxu riwinyremy. Tai ta ibutumy hāwā hāwā-ò rēlyyre aòhebo Jesuisi risĩnyremy.

<sup>40</sup> Kia iny sòwehekỹ mahādu heka teysa-di rimyre ridyremyhỹre riraòhyyemy ratx-  
imyhỹreny. <sup>41</sup> Kia hābu dohodỹydu hetowo erydỹydu tahe nade Jesuisi-ò. Tii heka do-  
hodỹyana dinoduò rare. Ijairu inire Jesuisi-ò sutxi resere: —Mynake wasỹ Jesuisi <sup>42</sup>Jiarỹ  
wa wariòre sohojile rare waòinatxi reuròmỹ iwyrā. Tii ka rurukremy roireri. Idi ta Jesuisi  
rare isỹ-ò. Sòwemy iny Jesuisi riheludunyre.

<sup>43</sup> Hāwyyò raremyhỹ heka hāwyy webinadu rare iòhò Jesuisi rexisỹny waòinatxi beòramy  
heka idi ròhònyre hykyky hālubu ratxireri. Tiu heka inyò reteytenyòhyyemyhỹre luahidỹydu,  
òhotibedu mahādu he risiranyre. <sup>44</sup> Tai tahe Jesuisi tykysi-ò reare. Tai ta aòwesele reytemy  
reare. <sup>45</sup> Jesuisi rarybere: —Mowe watxi reare? Ijò rarybereri: —Erydỹy mahādu  
aòkòre, jiarỹboho aòkòre. Pedro rarybere: —Aòheta sòwe iny kaki rỹireri. Timykibo  
tuu tỹyayiteri. <sup>46</sup> —Jiarỹ dori reeryre. Mobo watxi rearaule reytera. <sup>47</sup> Tiihe hāwyy  
ratxiremyhỹ ramyatatamy. Tamy ramyatatamy heka tamy rehemynyre. Iòraò rexibedenyre.  
Ibutumy iko tuo rēlyyre. Aòherekibo itxi reriramy. <sup>48</sup> Tai tahe Jesuisi tamy rarybere: —Lerỹ,  
atyhydỹyana myna teyteta. Ta bexyiwinymytahỹny maa!

<sup>49</sup> Kie raryberemyhỹwanale tasỹ iny wixiraòle dehemynyde. Kia aòma dohodỹyana wedu  
heto-ribi dehemynyde. Ijairu-ò rarybere: —Ariòre wa rurura. Uritere ta òhotibedu-ò  
ijiraòma ixinamy tii rakre. <sup>50</sup> Jesuisi kia-ò roholareu tahe Ijairu-ò rarybere: —Urile  
bityhybenykre. Breburenỹoma tii reytekre. <sup>51</sup> Tii rehemynyre heto-ò. Jesuisi ralòre iny  
deramy reare. Tii wana rake lau. Kia uladuse, uladutyby, Pedro, Txiau, Joaò wana kiale  
ralòre tamy tiiboho wana. <sup>52</sup> Ibutumy rasỹbinamyhỹ Jesuisi rarybere: —Ibryrenyòmyke  
hewa rurumy aòbo roire, urile ròròmỹ roireri. <sup>53</sup> Ibutumy rieryrenykeri tiiboho urile  
tai idi risinyrenyre rurumy roimyhỹki. <sup>54</sup> Jesuisi ihāre ta hirari debò-ki rimyre. Tai  
tahe idi rarybere: —Hirari, bexixamy, bodonyke. <sup>55</sup> Itytyby aòwesele ixityre tamy  
ralore. Dexixade, donyde. Rỹsỹna hirari-ò riwahinykemy Jesuisi rarybere. <sup>56</sup> Tai tahe  
tybyboho sòwemy rabeòetòidỹyrenyre rabedesarenyre. Jesuisi rarybereri: —Urile wamy  
ijyrenyòmyke. Aòbo adeereny rewinyramy.

## 9

<sup>1</sup> Jesuisi tahe tawaòinatxi reurò taerydỹyana mahādu ributunyre. Taruru tamy riwahinyre  
tytybybina iny-ribi ritakremy. Tule iny webinadu mahādu riteytenykremy. <sup>2</sup> Tule rary-  
bere tamyreny: —Kaiboho belyybenykre Deuxu kia Iòlònamy tule webinadu biteyteny-  
benykre. <sup>3</sup> Aò awanareny wydyrenyòmyke debòna aòkò, aòna hyna tule aòkòre. Tule  
rysỹnake aòkò, nieruke aòkò. Ainatxityyke aòkòkòre. <sup>4</sup> Hāwā-ki hetoò-txi malòkeki taile  
bonykre. Hāwāribihyye bòhònykreu, kia heto-ribi bexitakre. <sup>5</sup> Ibinamy aramyrenykreki,  
urile bixitakre. Idi òlòna-ki, awa bitòtynykre ibinamy tai tahatenyaki. <sup>6</sup> Tiiboho ròirenyre  
hāwā sòmo sòmo-di Rybewihikỹ Tỹmyramy rēlyrenyemỹ roirenyre. Tule iny webinadu  
ibutumy iteytenyrenyre hāwā hāwā-di.

<sup>7</sup> Idi tahe iòlò Herodi ibutumy heka aòna aòna rierymy ratximyhỹ. Tai tii bede rry  
rieryòhyyemy ratximyhỹ aòbo riwinykre. Roholamyhỹre heka iny rybe rybe-ò. Joaò heka  
rexixamy ratxireri. <sup>8</sup> Ijò tahe kiamy rarybereri: —Eliasile ratxireri. Ijò rarybere Deuxu  
rybemy rybeduò ratxireri. <sup>9</sup> Tai tahe Herodi kiamy rarybereri: —Jiarỹ heka Joaòra resymy  
rewahinyre. Mobo ratxireri iwese Joaò raremy wese he ratxireri. Moobo ta kiamy  
raholamy watxireri. Tai Herodi tuu robikemy riwisỹnymyhỹ.

<sup>10</sup> Jesuisi eryna iko relymyhỹreny ibutumy aòbo aòhebo rotỹnyrenyremy tabededỹyana.  
Jesuisi riòlònyrenyre ijò hāwā wixira-ò, Besaida hāwā-ò wahe. <sup>11</sup> Tai iny sòwemy hekỹ  
rieryòlemy idi ta rieryreu tahe sòwemy ihemy rare roirehe. Jesuisi he ributumy ikole  
rēlyyre. Deuxu Iòlòmỹ relymyhỹre. Tai ròteytedỹymyhỹ webinadu mahādu. <sup>12</sup> Aòtxu  
tahe katxioromy Jesuisi eryna mahādu, waòinatxi reurò mahādu tamy raryberenyre: —  
Bede biywinyke ibutumy iny rỹireri hāwā-ò tarỹsỹna òbradỹymy. Inyboho dori bedero-ki  
ratxirenryeri. <sup>13</sup> Tahe Jesuisi rarybere: —Kaibohole rỹsỹna biwahinybenyke. Ri-  
rasỹnyrenyemỹ ierydu mahādu diwyònydenyde: —Aòheretahaka, iruyre orotxu idi inatxi  
uturale heka roireri. Aroikemy aòbo wadireny atxiteri rỹsỹna òbradỹymy inysòwe-ò. <sup>14</sup>  
Txibo 5000 hābu sòwemy heka rỹimyhỹ. Jesuisi rarybere: —Bihitxinybenyke 50 iny  
heka iny bisỹnybisỹnybenyke. <sup>15</sup> Tii myna ieryna mahādu rotỹnyrenyre. <sup>16</sup> Idi tahe Jesuisi  
utura inatxi, orotxu iruyre rimyre. Biu-txi reteheremy rexitòenyre. Deuxu reàlāre tamy  
rexitòenyemy riyyrenyemy riwahiny taerydỹyana mahādu-ò. Riwyrenyre tahe riwahiri-  
wahinyrenyemy idi roire. <sup>17</sup> Ibutumy riroxirenyre idi rihydyrenyre. Ihāre ta waòinatxi  
reuròmỹ hyna ixbyby rỹximy rauhenyre. Idi ierydỹyana mahādu ixbyby ributunyre.



<sup>18</sup> Jesuisi heka ixisohojile rare ixitòedÿÿmy. Ierydÿÿna mahâdu heka irarò-ki rÿimyhÿ rijemy rÿimyhÿ. Idi tahe tamy nade tÿÿraximy: —Mobohe jiarÿ raremym wamy raryberenyre? <sup>19</sup> Tai narybedenyde: —Ijò Joaò Sebedÿÿnamy adireri. Ijò ta Eliasimy adireri. Ijò ta juhuu Deuxu rybedu mahâduomy adireri. <sup>20</sup> Jesuisi tamy rarybere: —Adeereny tahe. Mobo jiarÿ watxireri. Idi Pedro rirawònyre: —Kai Kristu tate, Deuxu deòdÿÿna wahe. <sup>21</sup> Tahe Jesuisi tamy rarybereri: —Uritere tuu iny-ò ijyàkòkremy. <sup>22</sup> Jiarÿ Hâbutyhyhkÿ, Deuxu Riòremy, aòhòkÿmy arotÿÿnykre. Judeu wedu mahâdu, xiwena wahidÿÿdu wedu mahâdu, bede ywina erydÿÿdu mahâdu waderamy reakre. Jiarÿ arurukre. Inataòna txu-di arexixakre. <sup>23</sup> Idi ibutu-ò rarybere: —Wahemy kanake mahâdu urile ixi dee rexiiònykre. Txuò txuòlemy taitxeò rimymy kidiwaheludunykre. <sup>24</sup> Waòrary-ki rubudu heka biu-ò hedukre. Tukòkeki urile ixinany inatyhymy rurukre. <sup>25</sup> Aòmydÿÿnanamy iny ritakeki, tahe taumy riònonykeki, kia heka aòmy aòkòkre. <sup>26</sup> Inyò raixÿrukeki warybe lau tule jiarÿ Hâbutyhyhkÿ, Deuxu Riòre wahe, tai ilau araxÿrukre. Deuxuko-ò ÿjuko-ò iu adehemynysÿu Deuxu Iòlòna-ki wahe. <sup>27</sup> Inatyhymy heka adeereny ararybekre. Ijò kaki rare. Deuxu Iòlònamy robikre tarubukòtyre

<sup>28</sup> Tahe debò inataò txuu rÿidi, Pedro, Txiau, Joaò-wana Jesuisi ridyre. Tiiboho sohojile bederatòò-ò roire Deuxu-ò rexitòenykemy. <sup>29</sup> Jesuisi rexitòenyre tii tamyreny rexixiranyre iu rexitòenyre ity heka urile rabòòraneyre. Iurahakÿmy relere. <sup>30-31</sup> Tahe tamyreny dexitÿÿnynde Eliasi, Moisesi-wana tahe rarybemyhÿre Jesuisi-wana. Jesuisi rubunamy Jerusalè hâwâ-ki widee rarybemyhÿreny, kia Deuxu bedeywidÿÿnana myna. <sup>32</sup> Pedroboho ròròrenyri. Idi tahe rexixarenyre, tiiboho Jesuisi loosònamy robirenyre. Eliasi, Moisesi-wana tiiboho tuu robirenyre. <sup>33</sup> Ròireri, Pedro rarybere Jesuisi-ò: —Wawedu, awityhymy inyhe inyboho kaki ratxirenyre tahe rikiwinyrenykre inataò hetomy, ijò adee, ijò Moisesi-ò, ijò Eliasi-ò. Pedro rieryòlemyhÿre aòmybo rarybemyhÿ. <sup>34</sup> Tai rarybere Nonoe dobehede iubòròna bede ritòònyre. Pedro, Txiau, Joaò-wana ruberumyreny. <sup>35</sup> Tahe ròhònymy reare rybeuni iuribi: —Kia heka Wariòre waluu rare. Kaiboho tamy bohobanyke. <sup>36</sup> Tiiboho reteherenyre tahe inyòmy robiòlerenyre Jesuisilemy ta robirenyre. Tahe rybeòmy rÿirenyre. Iu inyò-ò aòmy raryberenyre tuu.

<sup>37</sup> Tai tahe ijò txu ratò-ribi dehemynde iny sòwehekÿmy Jesuisi-ò ròirenyre. <sup>38</sup> Inyò rarybere: —Erydÿÿdu, wariòre adee redyri. Beteheke wariòre sohoji-ò. <sup>39</sup> Tytybybina rimymyhÿre tahe riatyre bede-ò. Idi tahe urile txuu riyiyidÿÿnymyhÿre. <sup>40</sup> Aerydÿÿna-ò jiarÿ rarybera tytybybina riteònykremy, tahe tiiboho riixawidÿÿnyòhyreny. <sup>41</sup> Jesuisi tamyreny rarybere: —Tiwesebededÿÿnanabo wijinabòdu ityhyòlemy rÿira. Tiwesebededÿÿnanabo akynyre-ki ariiжекemy. Wadee uladu bididyke. <sup>42</sup> Tahe didydenye Jesuisi-ò. Tahe tytybybina urile riitÿÿteitÿÿtenymy resere. Idi tahe urile bede-ki rexiraòhòòremy sutxi resere. Idi rarybexinyre. Rybexi irywomy ròhònymyhÿ. Jesuisi tahe tytybybina iribi riòlòdÿÿnyre uladu riteytere. Idi uladu tyby-ò riwahinyre. <sup>43</sup> Ibutumy iny Deuxu aòwidÿÿna-dì bede riòtiinyre.

Jesuisi taerydÿÿ mahâdu-ò rarybere:

<sup>44</sup> —Boholatyhyki warybe-ò, Deuxu Riòre Hâbutyhyhkÿ heka rawahidÿÿkre hâbu mahâdubinaò-ò. <sup>45</sup> Tiiboho rierykòlere. Kiamy dori ilaurenny riwore. Tahe ruberurenny tÿÿraxidÿÿki.

<sup>46</sup> Ryo-ki ierydÿÿna mahâdu widee rarybemyhÿre: —Mowexe wiratyre ityhykremy. <sup>47</sup> Jesuisireny rexiraykynymyhÿreny rieryre. Idi tahe uladuò rimymy rarybere. Jesuisi uladuò wana ronyreny. <sup>48</sup> Tahe taerydÿÿna-ò rarybere: —Moò uladu ka wese wadee riwiòhenanykeki, riwawiohenanyre. Moò riwawiohenanykeki, tule waha riwiòhenanyre. Mobo deòdumy reakre, tii ibutu ratyrekre.

<sup>49</sup> Joaò tamy rarybere: —Erydÿÿdu, jiarÿboho riòlòdÿÿnyrerimy tuu rabirenyra inyò tytybybina-dì animy rehureriò. Tahe iny mahâdurenny aòkò rare. Tahe jiarÿboho tamy rejònyreny iny inyjoirenyre aòkòki. <sup>50</sup> Tahe Jesuisi rarybere: —Biijònybenyòkre. Inyò inymyrenyòdukòkeki, inyweribireny-ki tii rare.

<sup>51</sup> Tahe Jesuisi bededÿÿnana iixihidu iòhòmy idi biu-ò rakre, tii Jerusalè hâwâ-ò rakremy rexiiwinyra. <sup>52</sup> Tahe takomy inyubte bede riywinyre. Tai itÿÿhinamy rutòmy Samaria hâwâ-ò. <sup>53</sup> Tai tahe Jesuisi deramy rekoarennyre Jerusalè-ò ramyhÿreki. <sup>54</sup> Txiau Joaò-wana kia rierymy tahe narybedenyde: —Wanyrÿhÿkÿ, adee wikeki heòty biu-ribi ityreny kedesekey aritxuhorennyre risòrennykremy. <sup>55</sup> Tahe Jesuisi irybereny-ki ibinamy rahare tahe reburemy taò riòòsere iribireny. <sup>56</sup> Idi ta iwitxira hâwâ-ò roire.

<sup>57</sup> Tahe Jesuisi taerydÿÿna mahâdu-wana roirenyre, hâbuò tamy rarybere: —Ihymy awana arakre titxibo makre, ahékile arakre. <sup>58</sup> Tahe Jesuisi tamy rarybere: —Ijòò heka ihâloo dire. Nawii tÿÿ dire. Tahe jiarÿ, Deuxu Riòre wahetòòre, Hâbutyhyhkÿ rare hârele. <sup>59</sup> Tahe ijò hâbu-ò rarybere: —Biwaheludunyke. Tahe tii dirawònyde: —Wanyrÿ, Waha heka rurura. Tai tahe juhuu arituunyke. <sup>60</sup> Jesuisi rarybere: —Txioinihe,

rubu mahādu wii rituunyke. Kai tahe makre Deuxu Iòlònamy belyykre. <sup>61</sup> Ijò rarybere: —Wanyrÿ, araheludunykre. Urile juhuu wasÿ mahādu arawehityhynanykre. <sup>62</sup> Tai Jesuisi dirawyoñde: —Inyò ritelenykeki, tahe ixby òòsemy rexinohtëinykeki, tii waheludu mahāduomy rareòtyhy.

## 10

<sup>1</sup> Jesuisi 72 hābu heka ritare inatximi tako-ò tihāwāhāwātixibo rakreò bede riywinyre. Kiamy tamyreny rarybere: —Waijyymy rybemy boibenyke. <sup>2</sup> Kiamy heka tamyreny rarybere: —Waaòmÿsÿdÿÿna heka inihikÿ-di isirare. Iwese maixòmo iny riòromyhyre wese heka waaòmÿsÿdÿÿna rare. Maixòmo oworu heka inihikÿre, idi aòmÿsÿdÿÿdu heka ibutere. Tai oworuwedu-ò aòmÿsÿdÿÿdumy bexitòenybenyke, Deuxu-ò wahe. <sup>3</sup> Kiaboho heka budoeni wesemy iyreny-ki boibeke. Kia-ribi nohòti losaòmÿkre. <sup>4-5</sup> Tai heka bexiijebyenykre anierureny wydyòmÿ. Aõna aõna renyhynykeò aõkò awareny wydyòmÿ iny-ò ryberenyòmÿ iny iny-ò ryberenyòmÿ, rywetyatyamy abededÿÿna nodÿÿmy. Inyheto-ò malokreu Deuxu deysanamy birybenybenyke. <sup>6</sup> Tii adee awirenykre wana heka teysakre kahetoludu. Tai tahe ixibile adee Deuxu deysana ròðsekre adee awiòhÿykeki wahe. <sup>7-9</sup> Aõma hāwā-ò malò-wana uritere deuròsò deòròsòòmÿ matximahāke. Tai tehemynymy atxiterikile bexiijemahā tetxilemy. Uritere rÿsÿna òta òtaò aubeò ritidi wana uritere rybeòòmÿ. Awìòhedÿÿmy ruruke wana bimymyhyr aõbo adee riwahinyomyhyre. Iny raaòmÿsÿdÿÿmyhyre heka ròtamymhyre. Kia wese heka biwinymyhyrke. Birÿsÿmahāke aõbo adee riwahinyomyhyrke. Binaò roiwana biteytenymahābenyke. Kia wesemy tamy marybeke: —Deuxu Iòlòna heka iòhòmÿ ihÿre. <sup>10-11</sup> Hāwā-ò birònykeki, inyò aradyrenyòkeki, boibenyke hāwāky-di. Myÿ marybebenyke tamyreny: —Aõbo wawa-ki hāwā-ki rÿireri. Wawa aritòtynykre bryby iribi ròhònykremy. Adeereny ariteòsinykre nohòti ijaranamy tamyreny. Nohòti losarenymy Deuxu Iòlòna adeereny iòhòmÿ dehemynyde. Tahe kaiboho teramy tekoatenyte. <sup>12</sup> Aõma ywisidÿÿnatxu heka tiiboho aòhòkÿmy rotÿÿnyrenykre. Jesuisi rarybere: —Tiro hāwā Sidò hāwā heka awimy aribireny ròhònykre. <sup>13</sup> Kobe làhaxe kai Korasì hāwā, tule Besaida hāwā. Òhotibe ayreny-ki rÿire, kia heka Txiru hāwā, Sidò hāwā tule kire-wana taò òta òtareny-ribi rexiatyreny. Tii-boho tykysausuhukÿtyre rexisÿnyre bryby-di rexiereny. <sup>14-15</sup> Òhotibetxumy heka Deuxu raruxetòenykre Txiru hāwā mahādu, Sidò hāwā mahādu! Kaiboho tahe aõkore. Deuxu araruxetòenyòkre. Kai Kafanaò hāwā yludu mahādu aõbo adeereny rotÿÿnykre. Biu-ò aõbo bòibenykre. Aõkò heka heòtybina bede-txi heka boibenyke. <sup>16</sup> Tahe Jesuisi taerydÿÿna mahādu-ò ixby rarybere: —Inyò aradyrenykre wana tasÿ-ò. Iwese riwadyomyhyre wesele, aradyrenykre. Moo adeereny roholamyhyre iyubu wadee roholamyhyre. Wana tahe waderalemy reamyhyre. Waderamy reamyhyre tahe tule Waha deramy reamyhyre. Deuxu wateòdÿÿdu wahe.

<sup>17</sup> Tanonanareny-ribi iribi tahe kia erydÿÿna mahādu ibutumy dòòsedenyde. Tiiboho heka teysa nihikÿmy dòidenyde. Tybybinanahakÿ heka irybe-ki ròhònyhyre irybereny-ki. Riòlòdÿÿnyomyhyreny wana Jesuisini-di heka ròhònyomyhyre kiamy Jesuisiko-ò tuu relyreny. <sup>18</sup> Tii rarybere tamyreny: —Bexiijebyenyke jiarÿ dori Satanasimy biu-ribi rabire, biudelaa wesemy reseremy tuu rabire. <sup>19</sup> Inatyhy rare waruruke nyderi rewahinyre. Tai hemylala tyre-ki mariabenykeki. Tiu inyò ruruòtyhy ityitibòrò nihikÿ arawerenykeki, tiu buruòtyhy. Tule kai aòludu rururatyre arurureny-di boibeke. <sup>20</sup> Ihārele tahe uritere deysarenymy atxibenyke ka ruru òraru-ki tyytybybina deòdÿÿna, ruru wahe. Kaiboho dori anireny raritinyomy roimymhyre biu-ki kia ta ateysanarenykre.

<sup>21</sup> Tule tahe Jesuisi reysare heka Deuxu Tyytybytyhy iwomy reareu. Kiamy rexitòenyre: —Waha, kai wa biuwedu tate ibutu bede wedu tate. Umy realàmy watzireri tamy retòenyre. Wadeysamy watzireri ka aõma dÿÿnana bederaremy nihikÿ iribi tewòmÿ atxiteriki wahe. Tamy hete iwese iny uladu wesemy rityhynomyhyre heka. Tai tahe tamy ritÿÿnyomyhyre. Kia adeewimy tuu rare. <sup>22</sup> Jiarÿ heka ibutumy Waha wadee riwahinyre. Inyò rieryòhyomyhyre Waha wahe. Waòrarakile tahe iny rieryomyhyre. Mòbo Waha rare wahe. Waòrarakile dori rieryomyhyre. Ijò aritÿÿnykemy watzireri. Tai tahe tiki tule riery iruru. Taile rierykre. <sup>23</sup> Rexitòenyomy rahudi tahe wasimy iwòtemy heka rarybere taerydÿÿna mahādu-ò: —Kaiboho heka sòwemy aòwiwihikÿmy tabimymhytenyte. Tai kaiboho beysabenyke. <sup>24</sup> Ihethixu heka Deuxu rybedÿÿdu wana kia aòmÿsÿnanamy iòlò mahādu wana. Kaireny aòmÿdÿÿnanamy robikemy risÿnyre, tahe aòkòhyre. Wijile heka tuu robireri aòrarureny-ki. Tule tabitenyteri kaiboho ratximyhyr inatyhymy aõbo òbitimy Jesuisi ijyy-ò roholarenymy tahe aòkòhyre.

<sup>25</sup> Moisesi bede ywina rybe-di rāire Jesuisi lÿÿraxidÿÿmy. Iwese kai ixiluure wese, iny wixira luuke! Tii tahe Jesuisi rihixidÿÿmy rarybere: —Aõhebo arotÿÿnykre biu-ò

arahenykemy. <sup>26</sup> Jesuisi dirawyònyde: —Tímybo kýnyhe Moisesi bede ywina tyriti-ki roimyhýre? Tímybo tuu manarybekre. <sup>27</sup> Tii tahe diwyònyde tímybo tyriti-ki roimyhýre myna:

—Deuxu adinodureny, ibutumy awo-ribi iluuke, ibutumy arayky-ribi aruruna-ribi, ayky-ribi heka iluuke. Tule ibutumy iny ixiwesemy idi atximaháke.

<sup>28</sup> Tai tahe Jesuisi tamy rarybere:

—Kai inatyhymy tarybeteri tai inatyhymy mahenykre biu-ò.

<sup>29</sup> Kia hábu heka rexiòbitinykemy idi ratxireri. Taita rarybere Jesuisi-ò: —Mobota waerye?

<sup>30</sup> Tahe Jesuisi ikò relyyre ijyymy. —Judeu mahádu hábu heka ratýinamyhý Jerusalé háwá-ribi, Ijeriò háwá-ò. Iribi tahe kia wasidu mahádu rimyrenyere. Inieru ibutumy iribi ritarenyere. Ity hýre raòhòtere irubudýýle rasiranyere ririre. Tahe ruruòki rýimyhý.

<sup>31</sup> Aóma judeu xiwenawahidýýduò heka idi rare. Tahe hábumy robire. Idi hábu-ribi irehemy rexiemy reare. Tahe týtxi rerikòle rare raty resere. <sup>32</sup> Hábuò rehemynyre tíe-ki dohodýýna wiòhedýýduò rare, Levita wahe. Tule ratyresemy ririre. <sup>33</sup> Tahe ijò nade Samaria bede háwá luduò heka rare. Judeu mahádu heka Samaria mahádu luukòre. Idi tahe kia judeu mahádu roimyhý. Tahe Samaria mahádu hábu sówemy riruxetòenyre. <sup>34</sup> Idi tahe tamy rexitýmynymy tahe iwotòmona rituahinymy ritaataamy iwotòmona. Idi tahe ka hábu relymy idi rare. Aóma ijumenta tyre-ò ritidimy. Idi rare rirarehu heka heto-ò ritidikremy ririkremy ridymy heka idi rare. Rummy heka ritòenyre hykyky idi bede nade awimy risýnykemy. <sup>35-37</sup> Rudile heka heto òwy-di iwedu-ò heka nieru riwahinyre riòwynyere inatxi womati nieru. Tamy rarybere: —Biwiòhenanyre idi mabekre adòòsekre riròkre. Moma arýnaderenykre Arýnadebenykre heka adiòwynykre adòòsekrey wahe. Ka hábuhe rarybere: —Hábu bireludu ratxireri. Kia taruxetòenyre tiòsinyre waha tieka idi hábubireludu ratxireri. Wimy raòludumyhýre hárele taheka riwiòhenanyre. Jesuisi tamy rarybereri. —Iwesele biwinykre iweseka hábu riwinyra weselemy biwinykre. Kai aóhebo botýýtyhy mahake. Iwesele wahe. Jesuisi rýýraxire: —Mobo hábu aótxino biòwa rare? Mobo ibireludu wahe? Bede ywina erydu tai rirawyònyre: —Iwiòhedýýdu wahe.

<sup>38</sup> Jesuisi, ijò mahádu-wana ròrenyere. Háwá-ò rirònyrenyere. Háwyyò rare Marta inire. Tahe ridyre tasý-ò tai ratxirenykemy. <sup>39</sup> Tahe Marta heka iseriòre dire. Marie inire. Marie urile ibire-txi ronryra aóbo tarybeke roholakelemy. <sup>40</sup> Marta heka raelelemy ratxireri. Aóna aónale rotýýnymyhýle riwinyry taile rare ratximyhý. Tai tahe nade Jesuisi-ò rarybere: —Jikarý sohojile wa watxireri waseritxòre riwawikòhenanykòhykyreri. Kai anobohe kòbitimy tai tahateri. Tamy marybeke riwawikòhenyky. <sup>41</sup> Tai tahe Jesuisi he tamy rarybereri: —Marta, Marta, aóherekibo kai taelelemy teamy atxiteri? <sup>42</sup> Sohoji aómydýýnale heka awire. Marie awityhy aómydýýnana ixidee rimyre. Kia moo iribi ritaòtyhy. Riwinymyhý awityhyreki wahe. Tamy rarybeòtyhyò wadee roholareri iribi ariòlòdýýnyke wahe.

## 11

<sup>1</sup> Tiutxubo Jesuisi rexitòenyryhýre, iny rieryòlemyhýre. Jesuisi rexihudi, ijoi rarybera: —Biwaerynanybenykre iwese textitòenyteri wese, Joaò tahe taijoi rierynanyre. <sup>2</sup> Tai rierynanyre. Kai bexitòenykeki, kawese marybekre:

—Waha, ani ibutumy tamywimy. Wylemy mynake iny òlòdýýmy.

<sup>3</sup> Rýsýna txuò txuòlemy biwahinybenykre.

<sup>4</sup> Inyòraruna biixáwidinykre, iny iwitxira-dori taòraruna ariixáwidinykre. Waatysyrenyòmy òraruna-txi.

<sup>5</sup> Jesuisi heka taerydýýna mahádu rierynanyre ijy-di: —Kai arýsýnaòmy bonykeki, abiòwa-ò make ruetya rexitòedýýmy rýsýnaò huòtemy bidiwykemy: —Wy, ahina inataò wadee bidihuòteke. <sup>6</sup> Wabiòwa rehemynyreri bedetýi-ribi. Aò heka wawahisidýýkònare.

<sup>7</sup> Tii ósana myý adee rarybekre: —Wadee ixitòedýýòmyke ruetyahakýmy. Arýiòtyhy wahe-ri-na-ribi rexiyrubunymy heka ráireri. Ibutumy iny heka ròrómy rýireri. Uladu, tule iumy ròrómy rýireri. Wadee ixitòedýýòmyke. <sup>8</sup> Rexitòenyhyhy tai hyhyhy rýikeki tai ihárele rýike. Abiòwatòenamy aòkò kýnyhe rýike. Textitòenyterikile rýike. <sup>9</sup> Tai heka adeereny rarybereri. Bexitòenykeki, biwyke. Biijeke aóbo teijeteri, tai tahe mahake. Ijòtòbòna bihetenyke tahe adee riraynymy tahe malòke. Tai tahe adeereny rarybera. Ibutumy rexitòenymaháke, tamy riwahinymaháke. Ibutumy iny riijemaháke, tai rahake. Iny rihetenymaháke riraynyke.

<sup>10</sup> Tai adeereny rarybere: —Ixitòedýýki iny aò rimymyhýre. Aóitxe-ki aótxi ijara rýimyhý. Ijò-di ròtemy ijara-ki iny ralómhýre. Ijò-di ròtemy ijara-ki, iny ralómhýre. <sup>11</sup> Uladuò tyby-ò uturamy rexitòenykeki aóbo, hemylalaò tyby tamy riwahinyke irýsýnamy? Tímyki tuukòna! Kaiboho kiamy aóbo botýýnybenykre? Tímyki tuukòna! <sup>12</sup> Uladuò tyby-ò hániesimy rexitòenykeki aóbo, itytibòrò tamy riòkre. Tímyki tuukòna! <sup>13</sup> Kaiboho aóbina binahakýdile tahòtínymahàtenyté, aówihiký aóbohe ariòrereny-ò biwahinyke. Boreny aratyre heka bede riereke, Deuxu wahe. Tamy bexitòenybenykeki, tii Deuxu Tytybytyhy adeereny riwahinyke.

<sup>14</sup> Ixityre tasý hãbuõ raremyhý irybeõmy. Jesuisi taile ratximyhý tahe tyytybybina riõlõdýnyre iribi. Iu tyytybybina iribi rohonyreu tahe, hãbu rarybere kia rybeõmy ratximyhýre wahe. Tahe iny sõweheký mahãdu sõwemy idi rabedeõtiimy rýire. <sup>15</sup> Inyõ tahe, inysõweheký yluðuõ tahe kiamy rarybere: —Kia diabo ruru-di, Belisibu ruru-di heka iribi riõlõdýnyre. Tii tyytybybina mahãdu wedu rare. <sup>16</sup> Ijõ tamy rarybere: —Jesuisi, araeryrenyke inihe aõ biditeõsinykre wadeereny. Inatyy aruru biuludu ratximyhýre. Widýnaõ inihe wadeereny bitýnynyke kialemy heka rarybemyhýre urile riurihimy tamy aõ itxerenamy riwinykelemy. <sup>17</sup> Jesuisi tahe rierymyhý aõmybo raraykynymyhýreny. Tai heka tamy tuu rarybere: —Kia iny mahãdu wiribi hitximy raraykywydynykeki, tii tahe rexihuke itueke, sý mahãdu tule wahe. <sup>18</sup> Timybo Satanasiboho bede widee ribinanymyhýrenykeki, awityhymy roirekre. Jiarý araeryrenyreri timybo taraykynytenyteri. Aõma Satanasu ruru-di tyytybybina ariõlõdýnykemy tarybetenyteri heka reeryeri. <sup>19</sup> Kia riki ariwinykeki, kaiboho tule wawesele tewinyteny. Timybo? Mobo awiõhedýýdureny rare? Satanasu aõbo? Kaiboho boibenyke ixitõedýýmy awiõhedýýdureny-õ. <sup>20</sup> Jiarý Deuxu ruru-di ariõlõdýnykeki, kaiboho bexiijebenyke, Deuxu Iõlõna tahe adeereny iõhõra. <sup>21</sup> Hãbu debureheký tadebõna-di taheto riyrubunykeki, rexityhynymy ronyke. Iaõmydýýna ibutumy iyrbudýýnamy rýike. <sup>22</sup> Tahe ijõ kedehemynyke iratyre teburetyhy, tahe iaõmydýýna ibutumy iribi riwyke. <sup>23</sup> Iny wawana aõkõ ratxirerimy ihýre, tii heka waribi hitximy ratximyhýre. Iny wawana aõkõ ratxireri, tii tahe aõtxile ramyhýre ixideõna. <sup>24</sup> Jesuisi ijõ ijyy relyyre: —Iny-ribi tyytybybina rõhõnymyhýreu, tii heka rake ixitawo-di rake titxibo. Rubumy rarunymy rake. Bedeõ-ki rahakeki tahe, rõhõtinyke. Arõõsekre, tikibo rarawãhãõle. <sup>25</sup> Ixyby kõdõõsekeu tahe, isý ibutumy, tytymy roike iruxeraõ. <sup>26</sup> Idi ixityre ijõ rimyke debõ inatxi reurõ tyytybybinaõ. Idi tahe tamy rasýnyrenyke. Iratyre tyhy wahe ibina. Iu kia ixisohojimy tyytybybina-di aõmysýdýýmy raremyhýu tahe, ihewo-ribi rimyra tahe iroona-ribi tahe aõnityhymy releke. Ibinatyhymy tamy rare.

<sup>27</sup> Iribi tahe hãwyõ rryre ibutu ijohonamy: —Hãwyky heka aratxurananyre, aratibienyre heka iny bedekõby rare. <sup>28</sup> Tahe Jesuisi rarybere: —Deuxu Rybe tyhydýýdumy iratyre wadee awire. Deuxu deysanamy tamy kanakemy idi watzireri.

<sup>29</sup> Idi tahe inysõwetyhymy dehemynyde Jesuisi-õ. Jesuisi kiamy rarybere: —Iny heka kia mahãdu ibinatyhymy rýire aõwihikýle heka riijemy rýire. Itxerenaõmy robikre ratxireri tahe itxerena Jonasi-ribi nadelemy tahe robikre. <sup>30</sup> Jonasi heka Ninive hãwã mahãdu-õ itxerenaõ heka tii rare. Tule jiarý heka Deuxu Riõre Hãbutyhyhyký rare wijinabõdu mahãdu dee itxerenaõ jiarý rare. <sup>31</sup> Ibõõ mahãdu bede konana-ribi iõlõ hãwy Salomaõ bede eryhyký-õ ijõhonamy irehe-ribi nade. Wijinabõdu mahãdu taheka naõhyymahãde wadee ijohonamy. Salomaõ ratyre heka jiarý watzireri. Ikonana txu tahe ibõõ iõlõhãwy rýikre rarybekremy. Tii rarybekre: —Anoherekibo Jesuisi deramy teakamahãteny tahe. Timykibohe irybe bedekeryna-kõ ijohokuna rýikõmyhýreki wahe. <sup>32</sup> Ninive hãwã mahãdu tule rýikre rarybekremy iwesele. Jonasi rybe týnydýýna-ki rexirãhýreny. Kaki heka Jonasi ratyre hãbuõ ratximyhýre, jiarý wahe. Wadee ijohonadu aõkõ heka toite.

<sup>33</sup> Moheka loosõnaõ rideõhyymyhýre herinarawo-txi toosõ iwasihikýmy roosõmyhýkemy. Tiiemy heka biuõhyy rademyhýre ibutumy bede ratýnymyhýkemy. <sup>34</sup> Arue umy dori itýnymy roimyhýre. Arue awikeki heka ibutumy aumy awikre. Arue ibinakeki tasý aumy heka bedelorokile rýimyhýkre. <sup>35</sup> Awo toosõmy ratximyhýre wana, bexiijemahãke. Aumy biemahãke bedeloro-ki rurunyhenny. <sup>36</sup> Bedelorohoký aumy-ki rýiõmyhýre wana, tai tahe boosokre ibutumy titxibo bede-txi mamahãkre wana.

<sup>37</sup> Jesuisi kiamy rarybere tahe, fariseu mahãduõ tamy rarybere: —Manake wasý-ki rikiroxikremy. Tai tahe Jesuisi rare, ralore, ronyre roximy. <sup>38-39</sup> Jesuisi ronyreu, tebõ risuhõõre. Tai tahe idi bede riõtiinyre. Jesuisi rarybere: —Kaiboho fariseu mahãdu, ibutumy heka txisuhõõmahãteny. Ebõ tesuhõmahãte, aumy ibutumy tesuhõmahãteny. Webõrõsityyludu wahe. Kaiboho heka isuhukýlemy toimyhýte ibutu aõikõkõ-di isumy roimyhýre aworeny-ki. <sup>40</sup> Iu heka õbitimy taraykynytenyõhyymahãteny. Deuxu heka iwebrõ ludu riwinyre, inatyyhy? Tule aworeny, araykyreny wana riwinyre. <sup>41</sup> Iny aõkõ mahãdu-õ maruxetõemyhýbenyke. Tai tahe byrananykre heka. Ibutumy awo-ki, ahana-ribi tule rryanakre.

<sup>42</sup> Kobe lãhãxe kaiboho fariseu mahãdu. Kaiboho Deuxu dee tewahinymahãtenyke uriõno. Debõwiõ aõ tetatenywana heka, sohoji tewahinymahãteny. Tule aõmydýýnareny aoworurõludurenyõ tewyteny wana, tule tewahinymahãteny. Kia awire, biwahinymahãbenyke. Urile tahe teerytenyõhyymahãteny Deuxu luuna, Deuxu õbitina. Biwahinymahãbenyke heka Deuxu dee aõmydýýnaõ. Tii tahe awire. Tule nohõti losarenyõmyke, luuna, õbitina. <sup>43</sup> Kobe lãhãxe kaiboho fariseu mahãdu. Dohodýýna heto luureny ikoõhõkýle heka torokomahãteny. Kaiboho arybedýýnareny-ki awimy

tahamyh̄ytenyete. <sup>44</sup> Kaiboho kobe làhàxe. Wobrona wesemy toite. Iwese iny rubuhāloo tiryemy iny rariamyh̄yre wese ierykōnamy, kiawesele toite.

<sup>45</sup> Bede ywina bede eryd̄ȳđuò heka tai ratximyh̄y. Tii tahe Jesuisi-ò rarybere: —Eryd̄ȳđu, kai heka aōbinahak̄ylemy wamyreny tarybeteri, kia wese rybe-ki. <sup>46</sup> Inatyhy rare. My tahe Jesuisi ris̄ȳnyre: —Inatyhy dori tule bironybenyke aōhōk̄ym̄yd̄ȳnana. Iny dori adeereny rarybemyh̄yre iny rybe bityhynymyh̄ybenykemy tahe ihārele tetyhynyōhyymahātenyete. Bede ywina ritid̄ȳđu tewnymahātenyete, ihārele tahe tiu heka tetyhynyōhyymahātenyete. <sup>47</sup> Kobe làhàxe kaiboho, alahireny, alabiereny wese toite. Iwese tiiboho Deuxu rybedu rirubunyre wese kaiboho toite. <sup>48</sup> Kaiboho rubud̄ȳđumy toite. Ōbitile tewinymahātenyetelemy ixidee tahōtynymahātenyete. <sup>49</sup> Deuxu tahe rarybere umyrenymy wahe: —Tahe jiar̄y aditeōnykre heka Deuxu rybedȳđuò tule Deuxu deōd̄ȳđuò heka aditeōnykre. Imahāđuò birubunymbenykre ihona tahe biteōnybenykre. <sup>50</sup> Kaiboho heka bede òrarumy bobekre kia rubud̄ȳđu òraru erydumy wahe. <sup>51</sup> Abeli hālubu txiwina tahe xiwina hure rubuna. Idi tule Zacaria hālubu txiwina wahid̄ȳđu bira-ki heka Deuxu hetobire-ki. Kohe, ihure rubureny òraru-ki aōhōk̄ȳh̄k̄ymy biōwynybenykre. <sup>52</sup> Kobe làhàxe, kaiboho bede ywina eryd̄ȳđu mahāđu, bedeeryna ij̄ò rayna dinoduboho wahe. Kaiboho tahe terōnyōmy bede eryny heto-ò. Tule inywitxirāò tetōenytenyete irōte lau.

<sup>53</sup> Jesuisi rōhōnyreu, teburemy tiiboho rit̄ȳraxinymyh̄yre aōna aōnamy. <sup>54</sup> Tuu rōt̄ȳȳraxid̄ȳđuymyh̄yre timykibo rirutaōnnyrenykemy.

## 12

<sup>1</sup> Sōwemy iny tahe ributunyre. Ube tahe r̄yximy ratxireri. Tahe juhū Jesuisi taeryd̄ȳđu mahāđu-ò rarybere: —Fariseu mahāđu, saduceu mahāđu urina biebenyke. Tiiboho dori ruidu mahāđu roire. <sup>2</sup> Wasimy wiji adeereny relyyre. Tiu ta ibutumy ijyynamy r̄ykre <sup>3</sup> Aōbo wasimy wiji taholate heka ibutumy biurasōmy rat̄ȳnykre. <sup>4</sup> Uritere iny lau brebuōmyke. Aumyle tii riubunyre. Ij̄ò ibinamy adee aōk̄ō tii rot̄ȳnykre. <sup>5</sup> Iny lau sohojile breburenyōmykre. Deuxu lau ta buberukre. Tii dori atytyby bede bina-ò rahuke ixideewikeki. <sup>6</sup> Nawiiō kaiboho bidymyh̄ybenyke iōwy riōre iny heka riwymyh̄yrekre. Ibutumy heka Deuxu nawii rierye sohoji sohojimy. <sup>7</sup> Deuxu ara erymy heka aōma arati-ki tiwesebo aradeti r̄yimyh̄yre rierymyh̄yre. Brebuōmyke, aōma Deuxu heka anaerymyh̄yre nawii sōmo ratyre heka rierymyh̄y. <sup>8</sup> Kai marybeke: —Jiar̄y Deuxu retyhynyre dori tahe umy arelyyke Deuxu ŷjukomy rarybeke biu-ki wahe, jiar̄y Deuxu Riōre Hābutyhyh̄y wahe. <sup>9</sup> Iny sōwehek̄ȳ-ki riwatxiōnykeki tule aritxiōnykre jiar̄y Deuxu ŷjuko-ò. <sup>10</sup> Inyō Deuxu Riōremy aōbina binamy rarybekeki, irybe-ribi nohōtilosa r̄ykre. Deuxu Tytybytyhymy tahe inyō ibinabinamy rarybekreki tahe, aōhōk̄ymy rot̄ȳnykre irybe òraru-ki. <sup>11</sup> Aramykeu heka uritere nohōtiōmyke aōmobo marybekremy ywisid̄ȳđu-ki. Bede heka ariwahinykre rybedȳđu nanau. Rybeōmyke ikotyre. <sup>12</sup> Kai ixiwanale aōk̄ōre marybeke. Deuxu Tytybytyhy arāwiōhenanymyh̄yreny.

<sup>13</sup> Hābuō inysōwey-ki tahe Jesuisi-ò rarybere: —Wanyr̄y, Waha rurura. Waseriōre tahe ibutumy waha aōna aōna riwyrā ixidee sohojile. Tamy marybeke wadee ritxuranykemy. <sup>14</sup> Jesuisi tamy rarybere: —Hābu, kia waaōmyd̄ȳđu aōk̄ō rare. Timybo ayreny-ki araywisid̄ȳđu nyke? <sup>15</sup> Tahe Jesuisi ibutumy iny-ò rarybere: —Warybe-ò bodoholabedenyke. Ixityhyōmy! Arutyhy heka aāna aōna-ki aōk̄ō rare aōna aōna sōwerek̄e. <sup>16</sup> Tahe Jesuisi ijyymy rōkewesenad̄ȳđu: —Hābutyhy riki ioworu nihik̄ȳre. Tahe sōwemy r̄ys̄ȳna ributunyre. <sup>17-18</sup> Itheto tahe iyjare ibutumy ributunykemy. Tahe ixidee rarybere: —Aōhebo arot̄ȳnykre? Waaōnaheto binamy aritxiwiykre. Ij̄ò iribi inihik̄ymy ariwinykre. Tai ibutumy waaōwiwi, tamy aridekre. <sup>19</sup> Tai tahe ibutumy waōwiwi-di areysakre. Arexielehynykre, ariroxikre, ariōkre. Waruhyy areysakre. <sup>20</sup> Deuxu tahe kia hābu-ò rarybekre: —Hābu itx̄ytere. Kai wijirulemy burukre. Tai tahe mobo aōna rimykre.

<sup>21</sup> Jesuisi tajjyy rihure rexirybenymy. Kia heka aōhebo rot̄ȳnyre iny ityhy mahāđu. Tiiboho dori Deuxuōle ityhymy aōk̄ō ih̄yreny.

<sup>22</sup> Kia heka Jesuisi taeryd̄ȳđu mahāđu-ò rarybereri. Uritere nohōtiōlemy ar̄ys̄ȳna tule atyymy, idi matyknymy. <sup>23</sup> Aumy heka r̄ys̄ȳna ratyre aōnityhy ratximyh̄yre. Aumy heka atyky ratyre aōniny ratximyh̄yre. <sup>24</sup> Nawii-di betehēbenyke. Tiiboho heka ioworuōrenyre. Tar̄ys̄ȳna riyrubunyōhyymyh̄yrenyre. Deuxu heka nawii riyrubunymyh̄yre, ir̄ys̄ȳna tamy riwahinyh̄yre. Kaiboho tahe nawii ratyretyhy toite Deuxu dee. <sup>25</sup> Sōwetyhymy maraykywydynanykeki aōbo arumy arirarehemy mariake? Aōk̄ōre! <sup>26</sup> Kia aō iyjare tahe Deuxu-ò. Kia biwinybenyōkeki, aōherēkibo ij̄ò aōna aōna nihik̄ȳ-di tahōtynymyh̄yete? <sup>27</sup> Betehemy inihe noijasa-di. Aōma tiiboho raaōmys̄d̄ȳđuōhyymyh̄yrenyre. Ihāre tahe iruxerarenyre ity wiwihik̄ȳrenyre wese. Tyy ixidee riwinyōtyhy Deuxu rityyny wihik̄ȳ heka tyy wihik̄ȳ tamy riwahinyreri. Salomaō heka ityynihik̄ȳ rare. Ihāre tahe ity heka awityhymy aōk̄ō noirōsō wese. <sup>28</sup> Deuxu heka noijasa rityynymyh̄yre kia wijilemy idi ih̄yre. Biurasōmy

tahe ixāwimy reamyhÿre. Tii heka tyy adee kidiwahinykre. Tai tii atyryeny. Tai ta ixinohōtiyredÿÿrenyōmy. Aōherekibo ainatyhyna ibutere? <sup>29</sup> Tahe raykyōmy nohōtiōmy titxiribibo arÿsÿna adee kanakredi. <sup>30</sup> Tyhydÿÿdukōdu mahādu heka tuure. Inytybyreny heka rierymyÿre aōmybo tarumahāte. Ibutumy heka arerymyÿre aōmybo teamyhÿte. <sup>31</sup> Tii Deuxu aōmy dÿÿnana sohojidile maraykinykeki heka tii ibutumy adee riwahinykre. <sup>32</sup> Brebuōmy ahābenyke warioroboho. Deuxu Iōlōna adee kanakemy, Deuxudeewina wahe. <sup>33</sup> Aaōna aōna-di bohonybenyke. Iōwy tahe iaōkōdu mahādu-ō biwahinyke. Anieruhyna wiwihikÿdile boibeke. Kaki ibutudÿÿlemy heka biu-ō bibutunyke. Tai heka judōera aō rirōōtyhy tule rararyōtyhy. Tule tai wasidu ralōōtyhy. <sup>34</sup> Tikibo aōwireny rÿikeki, tai heka arakyreny ratximyÿre.

<sup>35</sup> Ijō tahe Jesuisi rarybere: —Kaiboho bexiywinybenyke, ibutumy aōhebo rotÿÿnykremy bexiywinyke. Awereysanareny-di atyky heximyke. Aloosōna bitoonyke. <sup>36</sup> Deōdu mahādu wesemy boibenyke. Bexiywinybenyke awedu dehemyynna-ō, tii worana bedehesi-ribi rehemynyremy wahe. Iu rehemynyreu, teōdu mahādu heka ijō riraynyke. <sup>37</sup> Tiiboho riraōrenykeki, deysamy rÿikre. Iwedu dori reximykre ityky wereysana-di tahe rÿsÿna teōdu mahādu-ō riwahinykre. <sup>38</sup> Tii ruwetyakile rehemynykeki, deōdu mahādu reysakre. Tiiboho dori rexiraōmy rÿimyhÿreny. <sup>39</sup> Tai heka iny rexiywinymy rÿimyhÿkemy rybe roimyhÿre awedureny kanakredi. Aōma hābuō kanakeki heka tii aōma hābuō itxeredumy ronykeki heka, tii hābuō iribi rawasinyōtyhy. <sup>40</sup> Kaiboho tule bexiywinybenyke wadehemynna txu heka biijemy bonymyÿbenyke.

<sup>41</sup> Tahe Pedro rarybere: —Wanyrÿ, kai wadeerenyle ijyymy telyyte ada ibutumy iny-ō aōbo telyyte? <sup>42-44</sup> Tahe Jesuisi riwyōnyre: —Aōtxile inyōdee, tibo deōdu taaōmysÿdÿÿna riywinymyÿre, kia idinodu tai awimy rahamyÿre tii dori rÿsÿna òbitimy riōriōmyhÿre. Idi tamy aōwiwi riwahinykre taōna aōna-di itxeredumy tule risÿnykre. <sup>45</sup> Tii iwitxiramy rexiraynykeki tahe, ijō teōdumy raōhōtemy urile idi risinymy kamy rexirybenymy: —Wawedu dori wiji aōkō rarerikre. <sup>46</sup> Tai ierykōna-di iwedu kedehemyynna. Tuu rierymy iaōmysÿdÿÿna-ribi ritamy aōhōkÿmy risÿnykre ityhydÿÿdukōdu mahādu wese. <sup>47</sup> Deōdu tawedudeewi rierymyÿre. Tai heka tuu rotÿÿnyōkeki, tii tahe sōwemy aōhōkÿmy rotÿÿnykre, òhōtemy wahe, tamy riywinyōreki. <sup>48</sup> Ijō deōdu tahe tii iwedudeewimy rieriyōkeki, tii tahe aōbinamy riwinykeki, tamy tahe urihimiyō òhōte tai rÿikre. Inyō sōwemy ityhykeki, sōwemy ijō iny tamy rexitōenykre.

<sup>49</sup> Jesuisi ijō rarybere: —Heōty-di bede ariworonykemy heka jiarÿ anade. Tii òte ratoronykremy idi watxireri. <sup>50</sup> Jiarÿ ratisebenaōwesemy aralokre. Arurukre dori. Ele elemy rÿikemy ixi-di watxireri. <sup>51</sup> Kaiboho tahōtinyte wadehemynna-di. Ywina adiwidyemy wadi tahōtinyte. Aōkōrehe, bede jei jeidÿÿmy anade iribi widee rahitxihitximy rÿikremy. <sup>52</sup> Iruyure inysÿ mahādu heka widee rahitxihitximy rÿikre. Inataō iny iuhe òludumy rÿikre. <sup>53</sup> Hābu mahādu heka tyby òludumy rarekre. Hāwyw tule tadi òludumy rarekre. Iriokorese heka tariōrelahi òludumy rarekre.

<sup>54</sup> Ijōmy Jesuisi rarybere: —Iu biuwetyky biura-ribi rōhōnyreu, Kaiboho kia rybemy tarybemahātenyete biu kōdōakre. Inatyhymy biu rōamyÿre. <sup>55</sup> Tule tarybemahāte. Yhy ibōō-ribi rebonyreu, bede ratōteekre. Inatyhymy tuu ratōteemymyÿre. <sup>56</sup> Itxenadÿÿdu mahādu! Kaiboho kia terymahātenyete bede, biu aōmydÿÿna tule iwitxira aōmydÿÿnana teerytenykolamahātenyete, bededÿÿnana konana eryna wahe. <sup>57</sup> Ijō Jesuisi rarybere: —Kaibohole teywinyōmyhÿtenyete, aōòbitinamy wahe. <sup>58</sup> Aōōrarumy heka aōludu umy rarybekeki, idi ywisidÿÿna ube-ō aradykemy ratxireri, tii-wana widee marybeke idi widi bede biòbitinykemy. Aōkōkeki, tii aradykre ywisidÿÿdu-ō idi rōtenawo-ō soldado mahādu ararōtenykre. <sup>59</sup> Tii heka aōlōkōmy heka mabekre. Ibutumy iōwy biōwinyke xiery bōhōnyke.

## 13

<sup>1</sup> Tahe inyō Jesuisi-ō relyyre: —Pilato rybemynamy Kalilea mahādu rururenyre Deuxu-ō raxiwerenyeriō. <sup>2</sup> Kia ta Jesuisi narybede: —Kaiboho timybo irubureny-di texinohōtinytenyteri. Ijō wiratyre raōrarunanyrenyrekre aōbo? <sup>3</sup> Ture aōkō, kaiboho bexiāhīōbenykeki tule burubenykre irubureny wese. <sup>4</sup> Iasÿse ijō. Iu Silōe hāwā mahādu tyre heka heto rarie resereu 18 iny sōwe rirubunyenre. Arāÿÿraxikre Yerusalā hāwā mahādu ratyre raōrarunanyrenyrekre aōbo? Aōbo tahōtinytenyteri? <sup>5</sup> Kaiboho bexiāhīōbenykeki tule burubenykre irubureny wese.

<sup>6</sup> Tahe Jesuisi kaa ijyy-wana rikewesenanyre, Figoratyō wese heka. Tahe Jesuisi kaa ijyymy delyyde: —Hābu oworu-ki figoōō rÿimyhÿre. Tii iraty dilawijunyde tiubo. Tahe iraty-txi reakōre. <sup>7</sup> Tahe hābu taoworu-di itxeredu-ō narybede: —Inataō wyramy relawijunyre tahe aōkōhyra. Urile ta biōrōkre. Iraty ihoōreki, awi aōkō rare. <sup>8</sup> Tahe oworu-di itxeredu dirawyōnyde: —Wawedu, txiōini kawyramy idi warukikre, isu ariywinykre. <sup>9</sup> Aōkōhykrekre tahe urile raorokre ijō wyrau.

<sup>10</sup> Judeu mahādu elehyna txuu Jesuisi rotohodŷŷmyhŷ judeu mahādu dohodŷŷna heto-ki. <sup>11</sup> Tai ta hāwyyō ratximyhŷ. Tii 18 beōra webinadumy ratximyhŷ tyytybybina ōraru-ki. Tii iumy rarabunumy rariamyhŷre. Ixitaradŷŷ risiranumyhŷre. <sup>12</sup> Jesuisi tuu robireu, tamy narybede: —Hāwyy, kai heka teytemy tate. <sup>13</sup> Tahe Jesuisi tebōmy rimyre iuleta reytere. Tai tahe hāwyy heka Deuxu riwowydnyre. <sup>14</sup> Dohodŷŷna heto wedu tahe ibinamy Jesuisi-ki rahare, judeu mahādu elehynatxureki wahe. Takamy inyreny-ō narybede: —Debō sohoji reurō txumy aōmysŷdŷŷnamy rŷimyhŷre iu heka adeytemy ixi-di bōdōimyhŷke, judeu mahādu elehynatxu ta aōkōre. <sup>15</sup> Tahe Jesuisi dirawyonŷde: —Kai, itxenadŷŷdu tate uriteremy iximy rybedu. Kaiboho judeu mahādu elehynatxu dori abroreni, aawaru heto-ō toimahāte tuu teesenyumahātenyete, tedyamahātemy idi ibemomodŷŷmy bidybenykre.

<sup>16</sup> Kaa heka Abraō riore riōreō heka Satanasi 18 beōramy rimyre. Aōherekibo ta iribi retarakī sabadotxu ibinamy tahateri. <sup>17</sup> Tahe Jesuisi ōludu mahādu raixŷrurenre Jesuisi rybe ōraru-ki. Tahe ixŷ mahādu awityhymy tai rahamyhŷ iōraru-ki. Ibutumy reysarenre.

<sup>18-19</sup> Tii rarybera: —Deuxu Iōlōna wexe aōwesere. Aō-ō wexe rikiweseanŷrenykre. Tiwexe ijyy kawesere? Deuxu Iōlōna heka alōbōrōna sōmo sōmo wesemy ratximyhŷre. Raumynyreu heka ōwōru rariwesele relemyhŷre. Nawille tuu rŷtŷnymyhŷre kia ōwōru-ō.

<sup>20</sup> Ixityre tamy rarybere: —Aō ijyy wese heka Deuxu Iōlōna rare. Aōwexe rikiweseanŷrenykre. <sup>21</sup> Paō ixiōlōdŷŷna wese rare, iuri rare. Hāwyy paō riwinumyhŷreu, inataō urihixina-ki iuribemy riurinumyhŷre. Tai tahe raubŷtŷmyhŷre, rexiōlōnymyhŷre.

<sup>22</sup> Jesuisi tahe Jerusalē hāwā-ō rareu, hāwā hāwāmy rotohodŷŷmy. <sup>23</sup> Iu inyō ritŷŷraxinyre: —Wanyrŷ, Hedu mahādu we sōwekre aōbo? <sup>24</sup> Jesuisi tamyreny narybede: —Bexityhnybenyke ijōya-di birōnybenykre. Sōwemy iny tahe rōtemy reakre tahe ralōdōhykre. <sup>25</sup> Hābuō kie taheto ijōtōbōna ritōbōnyre. Iu kaiboho uritere bydrydenykre: —Wanyrŷ, aralōrenyke ini. Kiata tii anawōnydenykre: —Tiludubo toite, araeryrenyōre. <sup>26</sup> Kamy ta bidiwōnydenykre: —Inybohōle riroximy roiremyhŷ. Wahāwāreny-ki tōbedeerydŷŷmyhŷ. <sup>27</sup> Ixityre anawōnydenykre: —Boibenyke aōbina bina widŷŷdu.

Tiludubo toite dori reerykōre. <sup>28</sup> Deuxu iōlō-ki Abraōmy, Ijaimy, Ijāōmy, tule ibutumy Deuxumy rybedu mahādumy bobibenykre, kaiboho malōbenyōtyhy. Tai hii, ibru, jumytata rŷikre. <sup>29</sup> Iny ibutu bede bede-ribi, Ibōō-ribi, Iraru-ribi, Biura-ribi, Beā-ribi Deuxu iōlō-ō hāwāmy. <sup>30</sup> Kiaremy ta, koludu mahādu heka ibutuhewomy kedeakre. Ikōmyta, hewoludu mahādu, koludumy kedeakre.

<sup>31</sup> Iu ta fariseu mahādu Jesuisi-ō narybedenyde: —Mahenyke, Herodi dori arubudŷŷmy araijereri. <sup>32</sup> Jesuisi dirawyonŷde: —Bōōsebenyke kamy ijōrō-ō marybebenykre: —Jiarŷ tyytybybina iny-ribi retareri, tule rōteytedŷŷreri wiji biurasōmy. Ijō txumy ta waaōmysŷdŷŷna arihukre. <sup>33</sup> Kiaremy ta kia rewinyreri arihukre. Deuxumy rybedu dori Jerusalē hāwā-ki sohojile rurukre, iwitxira hāwā-ki ta aōkōre. <sup>34</sup> Jerusalē, Jerusalē hāwā, amahādu heka rirubunyrenre Deuxu rybedu mahādu wahe. Iwese hānie tariōre ributunumyhŷre wese terawo-ō, kia wesele arayrubunykemy rexinohōtŷnyre tahe kaiboho terarenre. <sup>35</sup> Ahetō-ribi heka Deuxu rexitakre. Kaheka ararybekre adeereny: —Wamy heka bobīōtyhy ixityre. Tiutxumy kamy bexirybenykre bede-ō, myŷ: —Deuxunimy nodu awityhy heka rare. Kiaule wamy bobikre.

## 14

<sup>1</sup> Sabadoōu Jesuisi heka fariseu mahādu wedu mahāduō heto-ō ralore roximy. Tahe iny idi retehemyhŷreny. <sup>2</sup> Iu inyō taruti, tadera-di taritari-di tamy dehemynyde. <sup>3</sup> Tahe Jesuisi narybede bede ywina erydŷŷdu-ō, fariseu mahādu-ō: —Sabado txuu deytedŷŷwe awire aōbo, aōkōre aōbo. <sup>4</sup> Tiiboho rirawyonŷōhyre. Tahe Jesuisi hābu riteytenymy bede riywinyre iribi tahe riōlōdŷŷnyre. <sup>5</sup> Ixyby narybede Jesuisi: —Txibo kaiboho ariōreō ada abroreniō hāloo-txi resekeki, bitabenyke Sabadotxu hārele. Aōhe inatyhy. <sup>6</sup> Tiiboho rirawyonŷōhyre.

<sup>7</sup> Tahe Jesuisi roxidū mahādu-di retehemyhŷre. Tiiboho dori rynana wihikŷ-txi ronumyhŷreny. Tai kamy tamyreny rarybere: <sup>8</sup> —Txibo inyō bedesanaō araarikeki. Uritere ryanawi-ō rŷōmykre. Txibo dori inyō aratyre ityhy kanake lau. <sup>9</sup> Tukeki bedesa dinodu inyō aratyre-ō arynana-txi ronykemy adee kanarybekre. Tai tahe maixŷrumy rynana bina-ō bonykre. <sup>10</sup> Kialemyta inyō araarikeki, rynana bina-txi bonykre. Tahe bedesa dinodu adee kanarybekre: —Wy, katxi bodonyke ryanawihikŷ-ō. Tai tahe kai mabedesakre ibutuko-ō. <sup>11</sup> Tahe ixityhydŷŷdu mahādu uritere reakre. Kōmyta uriixi dinodu mahādu rawowydykre.

<sup>12</sup> Tahe Jesuisi bedesa dinodu-ō rarybere: —Txibo roxina biwahinykeki, uritere aŷ mahādu, aery mahādu, ityhy mahādu aarixiōmykre. Urikō-ribi iwese teariteri wese araariheny. <sup>13</sup> Tukōmyta roxi biwahinykeki, uriteremy rŷira mahādu, iny tiere mahādu, iny rueta

mahādu biarikre. <sup>14</sup>Tai adeasatyhymy mabekre. Tiiboho dori tiu ixiwesemy araariōtyhy. Deuxu tahe aōwydŷdyukre iu bede awikre.

<sup>15</sup>Ijō roholare Jesuisi rybe tai tamy rarybere: —Deuxu Iōlōna-ki, òwòrubese rŷdu mahādu reysamy rarekre. <sup>16</sup>Tahe Jesuisi rarybere: —Inyō roxina nihikŷō riwinykemy ratxireri. Sōwemy iny ritobinyre. <sup>17</sup>Rexihumy rŷireu, teòdu mahādu bede riwinyre iny kididykremy. <sup>18</sup>Sohoji sohoji tahe tarybe tamy riwahinyre. Ijō taoworu tŷmyra-ò reteheke. Ijō kanaōtyhy heka. <sup>19</sup>Ijō tahe broreni debòtue riòbranyre tai riurihikreki kanaōke. <sup>20</sup>Ijō tahe hāwyy herinamy rexihumy rŷire tai kanaōke. <sup>21</sup>Teòdu tahe ròòsera tawedu-ò tamy relyyre. Tii reburere tahe rarybere: —Wylemy makre ibutury-di hāwā-ki. Ibutumy iny wixira wixira bididyke, iaōkō mahādu, itiere mahādu, ruetā mahādu wahe. <sup>22</sup>Iribi tahe teòdu ròòsera rarybere: —Ibutumy rewinyre wawedu, tahe heto rŷxiōmy rŷire. <sup>23</sup>Tahe iwedu ixybymy bede riywinyre hāwā-ribi ibryrari-ò iny kididykemy: —Aruru-di bididyke, waheto dori rŷximy rŷirakremy idi watzireri. <sup>24</sup>Juhuu watobidŷŷna mahādu warŷŷna riurihiōtyhy.

<sup>25</sup>Iu sōwemy iny Jesuisi heludumy roire. Tai Jesuisi tamyreny rarybere: <sup>26</sup>—Kaiboho aōbo inatyhymy waluu mahādumy toite. Tuu tarybeta. Tahe boluu, adiluu, ahāwyyлуу, ariòreluu, aseriòreluu, ixiluu ratyre waluuòkeki, wamahādumy aōkō boibeke. <sup>27</sup>Inyō riwaheludumy ratxireri, tii juhuu taixeo riwykre. Kialemy tahe riwaheludumy inatyhymy. <sup>28</sup>Inyō heto rarie riwinykemy ratxikeki, juhuu iōwy-di rōhōtinykre. Inieru rimykeki tahe riwinyke, aōkōkeki tahe riwinyōtyhy. <sup>29</sup>Tii tuu rōhōtinyòkeki, tii ibutelemy riwinykre tahe inieru ituereu, ibutumy iny idi risinykre: <sup>30</sup>—Tii taheto rarei ritelenyre tahe rexihuōtyhy. <sup>31</sup>Iōlōò wou riwinykeki, juhuu taaòbinadu mahādu-di rariamyhŷre. Idi rōhōtinyre. Ijō iōlò wawìò mil soldadomy ijòdikeki, tahe tii debòwiò mil ijòdikeki, tahe wou riwinyōtyhy. <sup>32</sup>Juhuu tahe teòdu riteònyre ijō iōlò-ò ireheribile tii-wana wou ixāwidŷŷmy rarybekemy. <sup>33</sup>Akireny tule iweselere. Ibutumy aōna aōna biriòbenykeki, waheludu mahāduōmy boibeōtyhy.

<sup>34</sup>Saa heka aōni awi rare. Tatxuberere rexihukeki tahe turibi ixāwike. <sup>35</sup>Tai tahe suurina-ki ahirana silŷna binakōki awiòhōtidirenykeki boholabenyke warybe-ò. Suò awiōre, tule ahirana bitòbonykemy awiōre. Urile idi behuke. Kaiboho òhōtidirenykeki, boholabenyke!

## 15

<sup>1</sup>Idi nieru tarasadu mahādu sōwemy tamy roholamy doide. Tule ijō iny òrarudu mahādu rehemyre. <sup>2</sup>Fariseu mahādu, tule bede ywina erydu mahādu kawesemy rarybere: —Kahābu ibinare. Tii òrarudu mahādu-wana riroximyhyre, iny iehehe-wana.

<sup>3</sup>Idi Jesuisi rierynanyre ijyy-di rawesenanyre. <sup>4</sup>Kaiboho ò òsana 100 budoeni ijòdire. Sohoji heka iy-ribi iōre. Kai aōbo makre ijesemy? Kohe, iuhe, 99, birike bedero-ki tahe biòryhyyke. Aōhe inatyhy? <sup>5</sup>Mahakre wana tahe eysamy atxikre. Tahe bidyke iuhe-ò. <sup>6</sup>Taheto-ò rehemyre, tasŷ mahādu-ò tahe ritobinyre: —Wawana ini kŷny bedeysabedenyke. Wabudoeni-ki rahara, iōreò wahe. <sup>7</sup>Iwesetyhlyemy taheka adee reerymahāre iny òrarudu mahādumy. Iu sohoji iny rexirahŷikeki, biu-ki deysana sōwemy rŷikre. Iny òbiti 99my tahe urihimyo biu-ki deysana rŷikre.

<sup>8</sup>Ijō Jesuisi relyyre: —Hāwyyò òsŷny womati ura nieru debòwiò dire. Sohoji iōre-wana, tii riijeke inatyhy? Loosona ritoonyre, iube riwysynyre, sōwemy riijeke ihyyymy tahe tai rahara. <sup>9</sup>Tii itxi reakre, reysamy rŷira. Iu tasŷ mahādu ritobinyre: —Wawana inihe bedeysabedenyke. Wanieru-txi dokuri rahara. <sup>10</sup>Jesuisi tahe ritŷnyre: —Iwesetyhlye iu-ki rare. Deuxu ŷju mahādu reysamy roirenyre, sohoji òrarudu rexirahŷre.

<sup>11</sup>Ixyby tahe Jesuisi narybede: —Hābuò iriōre inatxire. <sup>12</sup>Tiutxumyta ihelŷŷna tyby-ò rarybere: —Waha, ibutumy aōna aōna burukre wadee rawahikre, wijile bidiwahinykre. Tyby tahe iaōna aōna jura tamy riwahinyre. <sup>13</sup>Iriōre helŷŷna tahe ibutumy taaōna aōna-di rare irehe-ò, iwixira bedehāwā-ò. Tai aōbina binale riwinyumyhyre. Ibutumy tanieru tai rahure. <sup>14</sup>Taaòwiwi rahu-di ta, tai rama ibede mahādu rahumyhyre. Tii uritere reamyhŷ wahe. <sup>15</sup>Tahe aōmysŷdŷŷnyamy rarunyre. Hāwāduò tahe taixŷniòwedŷŷdumy bede riywinyre taoworu-ò. <sup>16</sup>Tai rama risamy ta ixŷni rŷŷna rŷŷmy rexinohōtinyre. Tahe aōkōre. <sup>17</sup>Kia tahe tōhōti deade. Kamy dixinohōtinyde: —Yla aōkō waha aōmysŷdŷŷdu mahādu irŷŷnadireri iwana jiarŷ kaki rama warubudŷŷmyreri. <sup>18</sup>Ixyby aròsekre. Kamy Waha-ò arexirybenymy: —Waha, Deuxuko-ò ako-ò rexiitxŷtenyre jiarŷ raòrarunyre wahe. <sup>19</sup>Ariōre wese aōkōmy wadi mabeke, waitxŷte òraru-ki. Aaōmysŷdŷŷdu mahādu wese ta ararekre myŷ tii rōhōtiny. <sup>20</sup>Tii tahe tyby heto-ò rare. Irehemy nadeò, tyby tuu dovide. Idi rexiwobrunymy tamy rajjaranyre iwehityhydŷŷmy. <sup>21</sup>Tahe tii narybede: —Waha, Deuxuko-ò, ako-ò rexiitxŷtenyre jiarŷ, raòrarunyre wahe. Ariōre wese aōkōmy wadi mabeke, waitxŷte òraru-ki. <sup>22</sup>Jule ta tyby teòdu mahādu-ò rarybere: —Wylemy tywhikŷ tmyra-di bitynybenyke. Debòò tebò-ò roikre. Waò-di rawanykre. <sup>23</sup>Tasŷse broreni riōre dedi birubunbenyke. Idi rikiroxirenykemy rekeysarenykre dori. <sup>24</sup>Wariōre dori rubu-ribi



wese rexixara. Ikō-ribi itxi ijara rjira. Tahe rawobedesarenyre. <sup>25</sup> Iwana ta iumydela tahetoreny-ò dehemynymy nade taaōmysydjyina-ribi. Tahe wobedesana-ò roholamy. <sup>26</sup> Tahe deòdu-ò narybede: —Aōhereriwe. <sup>27</sup> Dirawyònyde: —Aheljyina kie ròðsereri aōhe rotjyinyòhyulemy. Tai boo broreni rirubunya. <sup>28</sup> Iumydela tai reburere ròte deramy reare. Idi tyby tamy nade riròtenykye. <sup>29</sup> Tahe iriòre dirawyònyde: —Aōhe òhòkò adee raaōmysydjyinyumyhyre. Ibutumy arybe retyhynmy woximahaře. Ihãreta budoeni wadee tewahinyòhyumyhyte, wajoi mahãdu-wana idi arexideysanykemy. <sup>30</sup> Katahe ariòre urile aōnawiiwi rahura wedena mahãdu-wana. Ròðsemyta kai broreni riòrede tamy terubunya. <sup>31</sup> Tai tyby dirawyònyde: —Wariòre iny ratximyhyre kiaremyta ibutumy waaōwiwi heka ahòròle rare. <sup>32</sup> Iny bedesarenymy heka kawese rewinyre, wadee awireki. Aheljyina dori ruruwese-ribi rexixara. Ikō-ribi itxi ijara rjira. Tahe rawobedesarenyre.

## 16

<sup>1</sup> Jesuisi taerydjyina mahãdu-ò relyyre iyyò: —Hãbuò inieru sòwere. Tamy deòduò ibutumy inieru-di raaōmysydjyre ijò nieru ributunykemy. Ijòtxu tahe inyò rarybere: —Eòdu riki heka anieru-di òbitimy aòkò raaōmysydjyinyumyhyre. Anieru sòwemy rexihumyhyre. <sup>2</sup> Tahe didyde ixidee taconta retehekemy. Tamy rarybere: —Inatyhymy aòbo umy iny rarybemyhyre? Wanierumy tyariti aretehekemy watxireri. Òbitimy aòkòkeki, waribi areteònyke. Wanieru-di tiu maaōmysydjyinyòkre. <sup>3</sup> Tahe teòdu iximyy rexiraykynyre: —Wadinodu riwateònyke. Aōhebo aròtjyinyke? Warurukòre dori tahe aōmysydjyinsira arinyòtyhy. Tule ijò iny-ribi iixitòedjyina riwaixyrure. <sup>4</sup> Reeryre tahe, aōhebo aròtjyinykemy. Aōwiwihikj wabiòwa dee ariwinykre. Riwateònykeki tahe wabiòwasj-ò arake. <sup>5</sup> Ibutumy nieru huòtedu mahãdu-wana rarybere, tawedu-ribi huòtedu wahe. Tamyreny rarybere: —Tiwesebo tewyta wawedu-ribi? <sup>6</sup> Tahe diwyònyde: —Adjy rehuòtera, 100 hynamy wahe. Tai tahe rarybere ijò: —Iwekre tahe wylemy biritinyke, 50 wahe. <sup>7</sup> Ijò-ò tahe rarybere: —Tiwesebo adeve? Diwyònyde: —Trigo rehuòtera, 1000 prato wahe. Tai tamy rarybere: —Kai 800my biritinyke. <sup>8</sup> Iribi tahe hãbu ityhy heka teòdumy rarybere: —Tii inatyhy nieru erydu ratxireri. Tahe Jesuisi rarybere: —Kabede wijinabòdu mahãdu heka aōmydjyynana erydytyhy rare, ityhydjydu mahãdu ratyre wahe. <sup>9</sup> Tai tahe adee ararybekre. Kabede mahãdu biòwamy boibeke, anieru-di. Tahe anieru ituekeki, Deuxu taheto wiwihikj-ò aradykre, biu-ò heto wiwihikj wahe. <sup>10</sup> Aōmydjyynana aō aòkòmy kai òbitimy masjnykeki, tule aō nihikjmy kai iweselemy mabeke. Inyò heka ibutemy wasikeki, tii tule aō nihikjmy rawasinykre. <sup>11</sup> Kaiboho heka kabede nieru-di òbitimy aòkò atxibenykeki, tule biu-ki araròðna bitaòtyhy, aō wiwihikj inatyhy wahe. <sup>12</sup> Iny wixira nieru-di heka òbitimy boibebeonykeki, timybo anieru tyhy-di òbitimy boibeke. <sup>13</sup> Inyò iny inatxi deòdumy aòkò rarekre. Inatxinaò dori iluukre, ijò ta iluukòkre. Deuxu dee maaōmysydjyòtyhy. Tii nierurahi inatyhymy teamyhyteki.

<sup>14</sup> Fariseu mahãdu tamy roholareu, urile idi nierurahi risinyrenyre, tiiboho ire nieru ributunymyhyrenyre bòdjyyluurenyre. <sup>15</sup> Tahe Jesuisi tamyreny rarybere: —Kaiboho heka òbitimy inyko-ò ixi-di atximahãtenyte. Ihãre tahe Deuxu timybo toimahãte rierymyhyre aōna aōnareny bina. Aōmy hãbu rexinohòtinymyhyre, aòtxi-ki Deuxu-ò awiòhyure. <sup>16</sup> Moisesi bede ywina rybe tahe tule Deuxu Rybedu mahãdu awi rare, Joaò Sebedjydu rehemynyre tahe ixãwire. Iu tahe Deuxu Iòlòna Rybe wihikj tamyra ròhònyre. Kia tahe iny rito-hodjyynre. Ibutumy iny kia-ò ralokremy idi ratxireri. <sup>17</sup> Biu, bede rexihuke tahe isiraòre. Deuxu rybe tahe rexihuòtyhy. Kia isiratyhy rare. Ityriti rybe wedenaò riònonjytyhy. <sup>18</sup> Hãbuò tahãwyy-ribi ixãwikeki, idi iwixira-wana roikeki, tii òtaðu rare. Hãwyy ixedu-wana tii roikeki, òtaðu rare.

<sup>19</sup> Ityhy mahãduò riki tyy òwyhykjiwii-di rexityynymyhyre. Tii idi rexirabedesirananyumyhyre. Awimyyhyre tuu ratximyhyre. <sup>20</sup> Tahe urimynodu tyymy binadumy iijò-ki ixbyy ixbyy ratximyhyre. Lazaru inire. <sup>21</sup> Tii ityhy rjyinauheri riřsỹkemy raòbirenymyhyre. Ijòròsa dori itybinatòmyy dirahumyhyde. <sup>22</sup> Lazaru rurureu, jju mahãdu ridyrenyre biu-ò ilabiereny rora-ò, Abraò wahe. Tule ityhy rurure idi rituunynyre. <sup>23</sup> Tahe rubu-ki rubu mahãdu bedebina-ribi aòhòkmy djyynana ityhy Abraòmyy robire irehe-ò Lazaru tule irora-ki. <sup>24</sup> Tahe ityhy dnyde: —Abraò, walabie, wadi inihe bedexiwoboronyke. Lazaru ini wadee tebò-ki beruty-di kanake wadòròtò elehynamy. Jiarj dori raòhỹtyhỹtyreri kaheotywo-ki. <sup>25</sup> Tukòleta, Abraò narybede: —Dàa aòwiwihikj-di tatemyhy-di bexinohòtinyke. Tukòlemyta Lazaru aòbina binahakjle rimyre. Tahe kaki aòwimyy Lazaru ratxireri. Tukòmtya kai ibymy atxiteri. <sup>26</sup> Ihãre ta hãloohukj inyko-ki rjyre. Timyki kaludu kia-ò iòhòreseòna. Tule kia ludu kaò iòhòreseòna. <sup>27</sup> Hebose, Abraò walabie, kamy ityhy narybede, Urile Lazaru wasj-ò biteònykekò aòbo. Waseriòreboho deòwarisidjyymy. <sup>28</sup> Waseriòrereny dori iruyrerenyre urikò-ribi kabedebina-ò kòdòiheny. <sup>29</sup> Tahe Abraò diwyònyde: —Tiiboho dori Moisesi tyriti, Deuxu rybedu mahãdu tyriti dire. Tii tahe tamy roholareny

rityhynyrenye. <sup>30</sup> Ityhy narybede: —Aðkõre Abraõ walabie. Kia inyõ tarubu-ribi rexixamy rôsekeki xiery ta, taðrarunareny-ribi rexirahirenyke. <sup>31</sup> Tahe Abraõ dirawyõnyde ixiby. —Moisesi tyriti rybe-ò, Deuxumy rybedu mahãdu rybe-ò roholaõkeki, tii mobo rexixake tule ityhydýýõna.

## 17

<sup>1</sup> Tahe Jesuisi taerydýýna mahãdu-ò rarybere: —Kiemy inyõ wodohonadýýmy aradykre òraruna-ò besekemy. Kobe làhãxe tii kiawesemy rotýýnykreki. <sup>2</sup> Tii dori ibinatyhy rare. Wade heka kabera-txi mana-di rataataamy sýy-ò reakenawi rare. Tukõmy uri-ribi watyhydýýdu týmyraõ riðrarudýýnyheny. <sup>3</sup> Bexiijebeny ta. Aityhydýýdu seriðre rexidiðrunanykeki, tamy marãhike. Tii rexirãhikeki, iaõna aõna bina-ribi bexinohõtilosanyke. <sup>4</sup> Txu sohojiõmy adee rexibinanykeki, kai tule ibinamy tai mahamy. Tii xixi-di rexiwotõdeny my adee nakeki, tule idi bexiwobruny my bexinohõtilosanyke iaõna aõna-di.

<sup>5</sup> Jesuisi erydýýna mahãdu dexitõenydenyde: —Wanyrýreny, wainatyhynareny ini bisõwedýýnyke. <sup>6</sup> Jesuisi dirawyõnyde: —Ainatyhynareny heka sunyisõmo wesekeki, kamy bederarede-ò marybebenyke: —Bexitake inihe idi bera-txi myike. Tahe tii aratyhynykre. <sup>7</sup> Titxibo kaibohoõ eõdudirenykeki aoworu-di itxeredu ada budoeni-di itxeredu wahe. Tii taaõmysýdýýna-ribi kanalõkreu, kawesemy aõbo tamy manarybekre? Wy, wylemy rikiroxikre dori. <sup>8</sup> Timyki kawese tamy arybeõna. Tukõmyta tamy marybeke: —Warýsýna biywinyke idi wadee, idi manakre. Ariroxikre dori. Wabyre arihu-di ta bexiõenykre. <sup>9</sup> Teõdu deõdumy rearahu-di aõbo, txiõtõetuukemy tamy rarybere aõbo. Timyki tukõna. Kiemy dori taaõmysýdýýnale riwinyre. <sup>10</sup> Iu aõmysýdýýnareny bihudi, iwese heka atx-imahãbenyke kamy bexirybenymyhýbenyke: Inyboho deõdule roire, aõtyhy aõkõ mynodu, iny aõmysýdýýnarenyle heka inyboho riwinyreny.

<sup>11</sup> Jesuisi Jerusalẽ hãwã-ò ramyhýreu, Samaria bede, Kalileia bede wotyã-di rare. <sup>12</sup> Iu hãwã-txi raloreu, debo ituemý sõwreny tyymy binamy mahãdu iry-ò doide, tahe irehemy rexiereny. <sup>13</sup> Iribi tamy dyrydenyde: —Jesuisi, Erydýýdu, wadireny ini bexiwobrunyke. <sup>14</sup> Tureny robireu, narybede Jesuisi-ò: —Xiwena wahidýýna mahãdu-ò xixi-di itxerenamy boike. Kia-ò rariamy roirenyre, tahe reyerenyre. <sup>15-16</sup> Ijõreny Samaria ludu mahãduõ reytemy iximy robireu, Deuxu riwowydydýýny my tamy dõõsede, rawiunymy. Tatiowomy Jesuisiko-ò resere. Tahe rarybere: —Txiõtõetuuke. <sup>17</sup> Tahe Jesuisi ritýýraxinyre: —Debõ itue wese, asõwreny? Titxibo ta debõ inaubiõwaboho roire? <sup>18</sup> Aõherekiwe kaa iny wixira sohojile Deuxu wowydydýýmy dõõsede, Samaria luduõ wahe? <sup>19</sup> Tahe Jesuisi tamy rarybere: —Mynyike, idi makre. Atyhydýýna òraru-ki dori teyteta. <sup>20</sup> Idi fariseu mahãdu Jesuisi-ò rýýraxirenyre: —Tiubo Deuxu Iõlõna kanakre? Tii diwyõnyde: —Timyki Deuxu Iõlõna dehemynsýnyamy inyõ robiõtyhy. <sup>21</sup> Tule inyõ kiau rarybeõtyhy: —Betehebeny inihe ka-ò: —Tukõmy aõbo: —Kowaki heka rare? Deuxu Iõlõna dori aworeny-ki rare.

<sup>22</sup> Tahe taerydýýna mahãdu-ò rarybere: —Tiutxumy heka Deuxu Riðre Hãbutyhyhyký txumy bobibenykemý tahe bobibenyõtyhy. <sup>23</sup> Tahe ijõ adeeremy kanarybekre: —Bedetehebeny inihe kaõ ada kowa-ò. Tahe itxerenyõmykre. <sup>24</sup> Iwese tiribi tiõ biu relaanymyhýre wese heka Deuxu Riðre Hãbutyhyhyký txu kýnykre. <sup>25</sup> Delemý tahe tii aõhõkýmy rotýýnykre. Wijnabõdu mahãdu teramy reakre. <sup>26</sup> Noe bededýýnana wesemy heka rýimyhýkre. Iu beõra rariareu. Tahe Deuxu Riðre Hãbutyhyhyký kedehemynykre iu. <sup>27</sup> Ibutumy heka worana bedehesi rýire. Lisisõ tahe rýire. Hãwy herina lisina rýire iu. Iu tahe beõra rariare. Ibutumy ituere. <sup>28</sup> Lõõ bededýýnana tule iwesere. Tiiboho worana bedehesidile rýire. Tiiboho rityhynyõtyhy. Urile hetomy riwinymyhýre, oworumy riwinymyhýre, aõna-di rohonomyhýre. <sup>29</sup> Iu tahe Lõõ ihãwã-ribi rõhõnyre, Deuxu heõty ityre riteõnyre. Biu-ribi heõty ityre resere enxofre-wana. <sup>30</sup> Iwesele txu tii heka rarekre heka, Wadehemynna Deuxu Riðre Hãbutyhyhyký wahe. <sup>31</sup> Kiau tahe inyõ ihetotyre heka rýire. Malõkekõ heka ahetowo-ò aõnamynamy. Inyõ tule oworu-ki rýire, taheto-ò aõkõ rõðseke. <sup>32</sup> Lõõ hãwy-di mohõtinyke. <sup>33</sup> Inyõ taumy riyrubunykeki, tii ruruke. Ijõ tahe wadeewimy rurukeki, tii taumy rayrubukre. <sup>34</sup> Adee rarybere: —Bede rurureu heka inatxi hãbu rõrõrer. Ijõ heka rakre dynamy reakre. Ijõ tahe rarikre. <sup>35</sup> Inatxi hãwy heka rýsýna-di raaõmysýdýýny my heto-ki ratxikre. Ijõ heka dynamy reakre, ijõ heka rarikre. <sup>36</sup> Inatxi hãbu heka oworu-ki raaõmysýdýýkre. Ijõ heka rakre dynamy reakre, Ijõ tahe ririkre. <sup>37</sup> Ierydýýna mahãdu rýýraxire. Titxibo rýikre, Wanyrý? Tii rirawyõnyre: —Titxibo iumy rubu roire-wana, rara tai wii ributunyre.

## 18

<sup>1</sup> Jesuisi heka rõkewesenanyre ribedeerynyre. Kia wese heka tii ijyymy relyyre. Rex-itõenyhykemý tii ribedeerynyre tule ixitõedýý-ò ixirarenyõmy. <sup>2</sup> Hãwã-ki tahe hãbu matuariõ rare, tii tahe ibinare. Juizimy heka ratximyhýre ywisidýýdu wahe. Tii iny

rityhynyōtyhy, Deuxu lau ruberuōmyhỹre. <sup>3</sup> Tule heka hāwyy wyteseō tai rasỹnynyhỹre. Kia tamy ramyhỹre sōwemy. Tamy rarybera: —Biwawikōhenakykre wahe. Wakōludu tahe riwahureri. Kywisidỹkỹdu kai atxiteri. Anoherekibo tiwawokutōenykōteri. <sup>4-5</sup> Aōōhōkōmy hābu iaōna aōna ōbitidỹy deramy reamyhỹre. Tahe Hābu ixidee rarybehyyra. Inatyhymy jiarỹ inyō retyhynyōtyhy. Tahe hāwyy wytese sōwemy wadee rarybereki, jiarỹ ariōbitinykre iaōna aōna ibutumy iōludu-wana. Aōkōkeki tiemy kidiwarulōlōnyke. <sup>6</sup> Tahe Jesuisi ritỹnyre: —Juizi bina rybe-ō kaiboho bohobabenyke. My wahe. <sup>7</sup> Deuxu heka taijoi mahādu-ō roholake. Ōbitimy iōludu-di riywisinykre. Taijoi mahādu dori tamy rexitōnyre. Tii wymy riwiōhenanyke. <sup>8</sup> Tii inatyhymy taijoi mahādu riwiōhenanykre. Jiarỹ, Deuxu Riōre Hābutyhykỹ wymy adehemynykre, watyhydỹydu-txi aōbo areakre.

<sup>9</sup> Tule Jesuisi kia ijyy relyre, iny ixityhymy ixi-di ratxityhymy kia ijō inymy kiale radōnymyhỹre. Kia tahe rikewesenanyre. <sup>10</sup> —Iny inatxi hābumy heka templo-ō rōirenyre rexitōnykemy. Ijō fariseu rare, ijō tahe nieru arisidu rare. <sup>11</sup> Fariseu tahe rỹmy rexitōnykemy ixidee. My wahe: —Deuxu, jiarỹ aōhābubina aōkō rare. Tai tahe umy reālāmy wahāre. Jiarỹ aōwasidu aōkō, aōōrarudu aōkō, aōōtadu aōkō. Iwese kowa nieru arisidu wese aōkō jiarỹ rare. Txiōtōetuuke tai. <sup>12</sup> Semana sohoji heka wabyreō-di inatxixumy rewymyhỹre. Tule waaōna aōna ibutumy ijura adee rewahinyre. Debōwiōna-ribi sohoji rewahinyhỹre wahe. <sup>13</sup> Nieru arisidu tahe irehemy rỹire. Biu-ō aōkō retehere, tahe rexihetenyre rexitōnyrerimy Deuxu-ō. My wahe: —Deuxu, biwawotōnyke. Jiarỹ ōrarudu rare. <sup>14</sup> Jesuisi ijyy ritỹnyre: —Adee ararybekre. Mobo teysamy taheto-ō nade? Ixityhydỹydu aōbo ada ijō aōbo. Kohe ijō tuure, ixityhydỹydukō wahe.

<sup>15</sup> Tiiboho heka uladu tamy didydenyde. Iu Jesuisi tebō iratityre ritidimy ritxuhore awimy roirekemy. Tahe ierydỹyina mahādu tamy idyrenyōkremy raryberenyre. <sup>16</sup> Jesuisi rarybere: —Txiō, kididyke uladu wadee. Uladu wese dori Deuxu Iōlōna rare. <sup>17</sup> Inatyhymy ararybekre: —Moō heka uladu wesemy Deuxu Iōlōna rityhynyōkeki kia heka Deuxu Iōlōna-ō ralōōtyhy.

<sup>18</sup> Idi tahe iweduō rarybere: —Erydỹydu wihikỹ, aōwexe ariwinykre idi biu-ō arahenykemy. <sup>19</sup> Jesuisi tamy rarybere: —Aōbo wa wihikỹmy wadee tarybeta. Hābuō tii awiōre. Deuxu sohojile tahe awira. <sup>20</sup> Bede ywina tyriti kai teeryte:

—Rubudỹyōmykemy, tule ōta ōtaōmykemy, wasiōmykemy, tule ruiōmykemy, iny wii itxenadỹyōmykemy, adi biywinykemy, boo tule.

<sup>21</sup> Hābu tamy rarybere. —Kia bede ywina rybe retyhynyhyllere, uladudihyye wahe. <sup>22</sup> Jesuisi rarybere: —Kai sohoji aōmydỹyinale aki nasirandyde. Kai makre, ibutumy aōna aōna-di bohonykre, idi tahe kia nieru biwahinykre iny aōkōdu mahādu-ō. Kia tahe aōmydỹyinaidike biu-ki. Tahe manakre biwaheludunykere. <sup>23</sup> Kia rybe-ki heka hābu rabedewore. Rexitare ibedewomy iaōna aōna sōwetyhyreki. <sup>24</sup> Jesuisi retehemy ibederyry-di tahe rarybera taerydỹyina-ō: —Kia iny iaōna aōna sōwemy rỹireri, Deuxu Iōlōna-ō ralōke isirare. <sup>25</sup> Kamelo tyyorenawo-di ralōkemy isirakeki, kia-ribi isiratyhyre iny iaōna aōnadikeki ralōke Deuxu Iōlōna-ō. <sup>26</sup> Ijohonadu tahe widee rarybere: —Mobo tai biu-ō hedukre. <sup>27</sup> Jesuisi rarybera: —Inatyhymy kōaōboka hābu-ō isiratyhyre. Deuxu-ō tahe ibutumy aōna aōna isiraōre. <sup>28</sup> Pedro rarybere: —Boholake, jiarỹboho ibutumy rerirenyra araheludunykemy. <sup>29</sup> Jesuisi rarybere tamy: —Inatyhymy adeeremy ararybekre. Moō waluukeki, rybewihikỹ luukeki, kia heka ririkre: heto, taseriōre, tyby tadi-wana, tariōre, tabede, ibutumy waōraru-ki, Deuxu Iōlōna ōraru-ki, ririkre. <sup>30</sup> Ka bedekile ritakre sōwetyhymy ibutumy aōna aōna. Ihāreta biu-ō rahenykre Deuxu-wana rasỹnykemy.

<sup>31</sup> Jesuisi taerydỹyina mahādu ridyre inysōwe-ribi tamyreny rarybekemy: —Boholabenyke wajoi! Jerusalē-ō rokoiyenykre. Tai iny riwarubunykere jiarỹ Hābutyhy rarehāre, Deuxu Riōre rarehāre wahe. Iwese Deuxu Rybemy rybedu mahādu rarybere wese. <sup>32</sup> Tiiboho riwahahinykre judeukōdu mahādu-ō. Tiiboho riwabinabinadỹyinykre, riwalahikre, watyre rarybexinykre. <sup>33</sup> Riwahetenykere ōhōte-di, idi riwarubunykere. Ihāre tahe inataō txu-di tahe adexiakre rubu-ribi. <sup>34</sup> Jesuisi erydỹyina mahādu urile bede riōtiinyrenyre. Aōmybo tii rarybere rierityhyōrenyre. Irybe tamyreny dori ierynatyhykōreri.

<sup>35</sup> Iu Ijeriō hāwā-ribi iōhōmy roirenyreu, inatxi iny ruetāmy heka rononymhỹ Jesuisi ibire-di rareu. Tiiboho nierumy rexitōnymyhỹrenyre. <sup>36</sup> Inysōwe-ō roholarenyreu tahe, tii rỹraxyrenyre: —Aōhereriwe. <sup>37</sup> Tahe tamy rarybere: —Jesuisi wa rareri Nazare hāwā ludu wahe. <sup>38</sup> Tahe ruetaō rryre: —Jesuisi, Davi riokore! Biwatōnyke hewa! Wadi lāhā inihe bexiruxetōnyke. <sup>39</sup> Iny sōwemy tamy rarybere: —Iryōmyke! Ihāre ta tii rryrymyhỹre: —Davi riokore, wadi mawotōeke! <sup>40</sup> Jesuisi rryre tahe rarybere: —Tamy byryke wadee kanakemy. <sup>41</sup> Jesuisi tamy rarybere: —Aōmybo kai taruteri adee arutỹnykemy. Tahe hābu ruetāhākỹ tamy rarybere: —Wawedu, ixityre arobikremy. <sup>42</sup> Jesuisi tahe tamy rarybere:

—Makre, atyhydÿÿna kai arateytenyra. Kialehe rare. <sup>43</sup> Aõwesele ixityrele tii robire. Tahe Jesuisihemy rare ryy-di. Taihe ibutumy iny heka Deuxu riwowydynymyhÿ.

## 19

<sup>1</sup> Ijeriõ hãwã-ki Jesuisi rehemyntyre. Idi rariareri. <sup>2</sup> Tahe hãbuõ tahe Jesuisi riere. Zaquau inire. Inieru sõwere. Tii nieru tarasadu weduõ rare. Inieru sõwere. Tii heka iyjare tahe Jesuisimy robiõtyhy. Raõwõnyre tahe õwõru-txi. <sup>3</sup> Tii Jesuisimy robikemy risÿnymyhÿ, tiu tuu robiõhyymyhÿreki. Iyjare-ki tahe rexisiranyre. Kiemy dori iny rarie rarie iko-ki rÿimyhÿ. <sup>4</sup> Tahe ijoiko-õ rexiraõre tai õwõruõ-õ raõwõnyre Jesuisimy robikemy iribi idi kanakreõ. <sup>5</sup> Iu Jesuisi tamy rehemyntyreu, biu-txi retehemy Zaquau-õ. Narybede: —Wylemy bedeseke Zaquau. Wiji dori aheto-ki bede wadi rÿike. <sup>6</sup> Tahe rabedesamy wymy resere. Awimy Jesuisi rybe-ki rahare. <sup>7</sup> Tahe inyõ mahãdu iõraru-ki kamy rexirybenyrenyre: —Aõhewe Jesuisi iheto-õ rara? Tii iny õbikõmy nodu hãrele wahe. <sup>8</sup> Zaquau tahe Jesuisi rarybere: —Bodoholake ini, Wanyrÿ. Tahe waõõna aõna iwekre iaõkõdu mahãdu-õ ariwahinyntyre. <sup>9</sup> Tai Jesuisi narybede: —Wijityhyle kahãbu sÿmahãdu-õ henana rehemyntyre. Kahãbu tule Abraõ riore riõrele rare. <sup>10</sup> Deuxu Riõre Hãbutyhyhykÿ dori iny õranunamy resere mahãdu õrysmy itarasamy nade. Jiarÿ tiire.

<sup>11</sup> Jesuisi tamyreny rawesenanyre timybo Deuxu Iõlõna raremy. Jerusalẽ hãwã-õ iõhõmy ratximyhÿre. Tai tahe Deuxu Iõlõna iõhõmy ratximyhÿremy roholare. <sup>12</sup> Tahe Jesuisi rarybere iny ityhyõ heka: —Inyõ nihikÿ heka rakemy ratximyhÿre ijõ bede-õ ratÿinykemy. Tai iõlõmy ronykremy rare. Iribi tahe rõõsere. <sup>13</sup> Tii tahe taaõmysÿÿÿnana ririre teõdu mahãdu-ki. Teõdu mahãdu debõwiõmy heka womati tÿrÿrÿhÿkÿ nieruõ sohoji sohoji tamyreny riwahinyntyre. Tamyreny rarybere: —Nieru bitakre, idi bibutunybenykremy adireny watxireri adoosekreu. <sup>14</sup> Tahe kia bede ludu mahãdu iõlõ deramy ratximyhÿre tai tahe tamy rybemy iny mahãduõ riteõnyre: —Kahãbu aõkõ iny iõlõreny ronykre. <sup>15</sup> Ihãre tahe iõlõmy ronyre. Idi tahe tanieru wedu mahãdu-õ rarariõwyre. Tiwesebo teõdu mahãdu nieru ritare rierykemy. <sup>16</sup> Juhuludu tahe rehemyntyre: —Wawedu, betehe inihe ijõ debõwiõ anieru ratyre rebutunyre. <sup>17</sup> Tahe iõlõ sõwemy riwowydynyre: —Awityhymyhe taaõmysÿÿÿÿta. Kai heka deõdu wihikÿ tate. Kai ibutedile sõwemy tewinyte tahe debõwiõ hãwã adee ariwahinyntyre. <sup>18</sup> Ijõ tahe rehemyntyre: —Wawedu, betehe iny iruyre anieru tyre rebutunyre. <sup>19</sup> Tahe iõlõ tamy rarybere: —Kai sÿ iruyre hãwãmy dinodu mabekre. <sup>20</sup> Ijõ deõdu rehemyntyre: —Wawedu, ahãxe anieru. Jiarÿ tyky-di reraserasenymy rerarenyre. <sup>21</sup> Jiarÿ alau raberure. Kai dori hãbu nieru tarasaery heka tate. Aõ taaõmysÿÿÿÿteri-ribi aõkõ heka nieru tetamahãre. <sup>22</sup> —Kai heka deõdu awi aõkõ heka tate. Arybe iyry waribi arateõnykre. Kai tiwaeryte jiarÿ nieru tarasaery heka watxireri. Aõ raaõmysÿÿÿÿre-ribi aõkõ nieru retamahãre. <sup>23</sup> Aõherekibo. Kia nieru yrubuna heto-ki terikõte. Tai iximyna ratyre ini iribi ratare. <sup>24</sup> Iõlõ teõdu inatxi-õ rarybere: —Wanieru iribi bitabenyke. Ijõ hãbu sõwemy rõtareõ rawahinyntyre. <sup>25</sup> Ijõ raryberenyre: —Tii heka debõwiõ nieru ijõdire. <sup>26</sup> Adee ararybekre: —Inyõ õbitimy raaõmysÿÿÿÿkeki, tii sõwetyhymy ritakre. Tule inyõ õbitimy raaõmysÿÿÿÿkeki, tii ibutumy rõõnodÿÿÿÿke. <sup>27</sup> Iwedu rarybekre: —Waõludu mahãdu tahe wadee bididybedenyke. Wadera mahãdu wahe. Wako-ki birubunybenyke.

<sup>28</sup> Tarybe rahudi tahe Jesuisi rare Jerusalẽ hãwã-õ.

<sup>29</sup> Jerusalẽ iõhõmy ritehemynyntyreu, tahe inatxi taerydÿÿÿna bede riywinyra hãwã-õ roikemy. Inatxi hãwã iõhõmy roire, Betabaji, Betÿnia-wana. Kia-õ Oliveira hãwãlõ roire. <sup>30</sup> Jesuisi rarybere: —Kaiboho boikre kowa hãwã-õ. Kowa-õ birõnykreu jumenta riõre mahabenykre. Moheka ityre rariaõlemy ratximyhÿre. Biesemy, wadee bididybedenyke. <sup>31</sup> Inyõ adeereny rarybekeki: —Aõhekremybo idi atxitenyteri. Tahe tamy marybebenykre: —Wanyrÿ tuu rurureri. Ixityre kaõ kidiõkesedÿÿÿnykre. <sup>32</sup> Tahe hãbu roire. Iwese Jesuisi rarybere wese ibutumy rÿire. Jumenta riõre ryro hetoiõ-ki ritisanymy rÿimyhÿ. <sup>33</sup> Tai riesereu, iwedu rarybere: —Aõherekibo teeseteri. <sup>34</sup> Tai tiiboho Jesuisi rybe myna tamy raryberenyre: —Inynyrÿ tuu rurureri. <sup>35</sup> Tahe ridyrenyre jumenta riõre Jesuisi-õ. Tiiboho tatyreny ritidirenyre jumenta riõre tyremy. Tiiboho risÿnyrenyre Jesuisi ityre-õ. <sup>36</sup> Jesuisi rehemyntyreu, ijõboho tahe tauwõhi ryromy ritidire ityre rariakemy. <sup>37</sup> Jerusalẽ iõhõmy rehemyntyreu, Oliveira hãwãlõ-ribi, ierydÿÿÿna mahãdu rawyhyrarõnyteri, tule ryryteri.

<sup>38</sup> Tii heka wowodyna rare. Tii heka Wanyrÿ niwesekeymy naderi. Wowodyna rare Deuxu Iõlõna. Kai Iõlõna kanakre. Wyhyrarõ biu-txi kodoholakre.

<sup>39</sup> Ijõ fariseu mahãdu rarybere Jesuisi-õ: —Marybeke aerydÿÿÿna mahãdu-õ tiiboho riyrykemy. <sup>40</sup> Jesuisi tamy riawayõnyre: —Tiiboho riyrykeki, manale wowodynamy riryke.

<sup>41</sup> Jesuisi Jerusalē hāwā-ò iòhòmy rehemyrenyreu, rahinyre. <sup>42</sup> Tii rarybere: —Kaiboho ywinatyhy teeryòte. Inatyhomy teeryte wana wadee awire, tahe aòkòre. <sup>43</sup> Ijò txu kanakre. Ahāwā ibutumy rirurawonykre aòbina mahādu, aòludu. <sup>44</sup> Ibutumy hāwā ituekre. Iny iwo-ki tule rurukre. Mana ibutumy kedesekeke. Rierykòre dori tiubo jiarý ahedýýrenymy nanade.

<sup>45</sup> Tahe Jesuisi dohodýýna hetowo-ò ralore. Tahe kia-ribi aòna aòna-di rohonymyhýre mahādu, óbradu mahādu diteonyde. <sup>46</sup> Rierynanymyhýre tahe tamy rarybere: —Raridýýòlemy aòbo rýireri: —Waheto kòaòboka inatyhomy ixitòedýýna hetomy rýirakre.

Idi kaiboho tewinytenyete wasidu hetowesele.

<sup>47</sup> Txu ibutumy Jesuisi dohodýýna heto-ki ròbedeerydýýmyhý. Xiwe wedu mahādu, Deuxu aòmýsýdýýdu wedu mahādu roholarenyreu, ròhòtynyreny: —Timybo inyboho Jesuisi rubudýýmy rikiwisýnyrenykre. <sup>48</sup> Tiiboho tahe aòkòhykyre iny sòwemy dori bede riòtiinymyhý ibedeerynadýýna-ki.

## 20

<sup>1</sup> Ijò txu tahe Jesuisi ròbedeerydýýmy, Ijyy Týmyra Wihiký wahe. Ririranymyhýrenyreu dohodýýna hetowo-ki, bede ywina erydýýna mahādu, Deuxu xiwena wahidýýdu mahādu wedu, tule matuari mahādu tamy doide. <sup>2</sup> Tiiboho tamy rýýraxirenyre: —Mowe atèdýýdure kia aòna aònany tatýýnymyhýtemy. <sup>3</sup> Jesuisi dirawyònyde: —Adeereny tule arayýraxikre. Kaiboho bidiwawyònykeki, tahe jiarý akoreny ýraxina ariwýòkre aòrurudibo aòna aòna rewinymyhýre. <sup>4</sup> Tahe Jesuisi ritýýraxirenyre: —Mobo Joaò ratisebedýýmy riteranyre? Deuxu aòbo ada iny aòbo? <sup>5</sup> Tiiboho widee rarybera: —Deuxu riteranyreny inyboho rakaryberenykeki, tai tii raryberke: —Aòherekibo tahe tii tetyhynytenyòte. <sup>6</sup> Inyò riteranyreny rakaryberenykeki, iny aruberuwýhýrenykre. Ibutumy iny dori Joaò rityhynyre tii Deuxu rybe-di rybedumy. Ijò ijoì mahādu urile inyreny kidihetenykre. <sup>7</sup> Tai tahe tiiboho raryberenyre: —Jiarýboho reeryòreny. Tai tahe Jesuisi rarybere: <sup>8</sup> —Hebo, jiarý adeereny iximy ararybeòtyhy modeòdýýnany jiarý tuu watxiririmy.

<sup>9</sup> Iribi tahe Jesuisi tamyreny ijyy-di rierynanymyhýre: —Hābu uva oworuò wese ròbròre. Tahe riòtiinyre. Tahe hāloo riare oworu ubetya-ki, ruýdýýnymy. Tahe utò riwinyre. Idi tahe rityhere hābu mahādu-ò. Tahe rexitare tasý-ribi ijò bede-ò. <sup>10</sup> Tahe bederaty siredemy bededýýnana rehemyrenyreu, iwedu teòdu riteònyre bederaty ritakemy. Tahe oworu-di itxeredu oworu wedu deòdu rimyrenyre, rihetenyrenyre idi riteònyrenyre ixihyulemy. <sup>11</sup> Ixityre oworu wedu teòdu riteònyre. Kia heka irati rihetenyre ta tamy rawobinarybeny. <sup>12</sup> Ijò riteònyre. Kia heka rirubunynyreny. <sup>13</sup> Iwedu iki dee rarybere: —Aòhebo arotýýnykre. Tahe oworu wedu iriòre sohojilere, wariòre kie kie sohojile ariteònykre. Tai tiiboho rityhynyrenykre. <sup>14</sup> Kia oworu-di itxeredu mahādu widee raryberenyre: —Kia heka wedu aòna aòna tarasadu rare. Rurukre, idi tahe iaòna aòna inydeerenykre. <sup>15</sup> Tahe rimyrenyre idi rirubunynyreny tahe idi rehurenyre oworu-ribi. Jesuisi ritýýraxirenyre: —Aòhebo tahe oworu wedu rotýýnykre. Tai Jesuisi ixityre narybede: <sup>16</sup> —Tii kanakre oworu-di itxeredu mahādu hudumy, tai tahe oworu rityhekre iny witxiraò-ò. Kia-ò tiiboho roholareu, tahe raryberenyre. Timyki tukòna. <sup>17</sup> Jesuisi idi reny retehemy tahe rarybere: —Ritina-di aòbo tariaòletenyte kia ryberiti:

—Mana-di hetowidýýdu rehura. Kia mana heka hetohàtxi-ki heridu rare.

<sup>18</sup> Inyò kia manatyre resekeki, kia urile raoroorokre. Mana tahe inytyre resekeki, kia urile risyrisinykre.

<sup>19</sup> Bede ywina erydýýna mahādu, tule xiwena wahidýýna mahādu wedu rimykemy riwisýnyre kiaule. Brebumy ta turenýkòre. <sup>20</sup> Tiiboho hābubinaò riòwinyre tamy imynamy irybe-ki. Tai tahe Dinodu-ò riwahinykremy aòsirakòmy timykibo irutaòmy rirybewitxiranyrenykemy. <sup>21</sup> Tiiboho rarybere Jesuisi-ò: —Erydýýdu, jiarýboho araerymy adi watximahāreny kai inatyhy hābu tate. Iny ibutumy adee wiwese wieweselere. Inatyhomy iny-ò Deuxurymy teerynanymahāte. Tahe tiiboho ritýýraxirenyre: <sup>22</sup> —Awire aòbo ada ibinare aòbo nieru rawahinymyhýre bede dinodu-ò. Timybo tahe, imposto raòwomy aòbo ada aòkòre aòbo. <sup>23</sup> Jesuisi rierymyhýre tòhòtinanareny, tahe ritýýraxinyra: —Aòherekibo kaiboho tiwaurihitenyteri. <sup>24</sup> Wade womati nieruò bidiwy waitxerenamy. —Kawe moò tyttarasana rare, katahe moò tyritina rare. Tiiboho dirawyònyde: —Kiahe bede dinodu hòrò rare. <sup>25</sup> Jesuisi rarybere: —Hýdebo, bede dinodu hòrò tahe tamy biwahinybeny, tule tahe Deuxu aòna aònahòrò Deuxu-ò biwahinybeny. <sup>26</sup> Tiiboho aòkòre. Irybe-ki rimynamy aòkò. Urile ribedeòtiinyre.

<sup>27</sup> Saduseu mahādu tamy nade. Kia heka iny rubu-ribi rexixamy aòkòre-riki rierynanymyhýre. Tiiboho ritýýraxirenyre Jesuisi: <sup>28</sup> —Erydýýdu, Moisesi raritinyre bede ywina-ò, kaimy:

—Hābuò rurukeki, tahāwyy iriòre ijòdiòkeki, tahe kia hāwyy tahābu seriòre-wana roike. Iriòredikre taseriòre rubuòwomy roikre.

<sup>29</sup> Seriore debòinatxi reuròmy raremyhÿ. Juhuu ijò roire hãwyy-wana. Tahe tii rurure iriòreòlemy. <sup>30</sup> Tahe ihewoludu iseriòre wytесе-wana roire. Tii rurure iriòreòlemy. <sup>31</sup> Ihewoludutyhy tule ibutumy roire wytесе-wana, tahe ituerenyire iriòreòlemy. <sup>32</sup> Iròòbomy tahe hãwyy tule rurure. <sup>33</sup> Ixixanau tahe mohãbubo tii-wana rarekre. Ibutumy dori wytесе-wana roire. <sup>34</sup> Jesuisi rirawònyre: —Kabede-ki hãwyyiny iny roimyhÿre. <sup>35</sup> Ixixanabedeu heka moò roiòtyhy, inyò dori bede kia riòbynykre. <sup>36</sup> Ibutumy iny ÿju wese rarekre biu bede-txi. <sup>37</sup> Moisesi tatyriti itÿnyhÿkÿlemy rarybere: —Iny rubu-ribi kedexiakremy. Tai ta heòty òwòru sòmo riworonymyhÿki ixbybesÿ rarybera:

—Deuxu heka Abraò, Ijai, Ijaò kia Deuxu rare.

<sup>38</sup> Tai Deuxu inyru mahãdu Deuxu dori rare. Iny rubu mahãdu ta aòkòre. <sup>39</sup> Inyò rarybere: —Arawyònakyhyna, Wanyrÿ Tate. Bede ywina tabohe teertyhyte! <sup>40</sup> Tai tahe ixby rÿÿraxiòhyrenyire.

<sup>41</sup> Jesuisi rarybere: —Timybo bede ywina erydÿÿdu mahãdu rarybemyhÿre Kristu Davi riòre raremy. <sup>42</sup> Davi rarybere aòmybo Deuxu Tytybytyhy tamy narybedemy iwiuna-ki:

—Wanyrÿ rarybere Wanyrÿ-ò:

—Bodony warurunawe-ribi.

<sup>43</sup> Txiohe inihe, aòludu awarawo-txi aritidikre.

<sup>44</sup> Tahe Davile tanyrÿmy rininire. Timyki tahe Davi itybmykre.

<sup>45</sup> Tii taerydÿÿna mahãdu rierynamyhÿreu. <sup>46</sup> Tii rarybera: —Bexiemyhÿbeny bede ywina erydÿÿdu mahãdu lau. Tiiboho heka tyrehetyhÿwidihikÿle rexityynymyhÿrenyire. Tiiboho heka ixi rybedÿÿluurenyre hãwã riraki. Dohodÿÿna heka-ki ryananawi luurenyre. Tule ta anarÿÿ rÿi-wana, tyhytyreke ryananawamyre ny awire. <sup>47</sup> Tiiboho tule wytесе aò aòkò mahãdu aòna aòna ritamyhÿrenyire. Ixitòedÿÿna rehehekÿ rexitòenymyhÿrenyire. Tiiboho heka aònihikÿmy aòhòkÿmy dÿÿnanamy rotÿÿnyrenyire.

## 21

<sup>1</sup> Jesuisi retehemy rÿimyhÿ dohodÿÿna heto nieruhyna-txi. Tii retehere tibo iny tanieru-di rehumyhÿdi. Tai inieru sòwe mahãdu nieru sòwemy ritidimyhÿ. <sup>2</sup> Tule tahe nade wytесе aò aòkò mahãduò. Tii inatxi nieru sòmo-di rehure. <sup>3</sup> Tai Jesuisi rarybere: —Kowa heka wytесе nieru-di rehure ibutumy iny wixira ratyre. <sup>4</sup> Ijò mahãdu tanieru uhedile rehumyhÿ. Tahe wytесе idi rehure ibutumy tanieru-di rexihumy taumy-ribi idi rehure. <sup>5</sup> Dohodÿÿna hetomy ierydÿÿna tamy rarybere: —Erydÿÿdu, beteheke mana wihikÿ ruxera ruxera-di eryna heto riruxeranyreridi. <sup>6</sup> Jesuisi rirawònyre: —Kaiboho betehebennykre hetonihikÿ-ò. Kia heka mana ijò wityre-ki rÿiòtyhy, ibutumy heka kedejuxynykre. <sup>7</sup> Tiiboho ritÿÿraxinyre. Tiubohe ibutumy kidiiixãwididÿÿnykre. Tiiboho ibutumy bede konanadÿÿnamy reakre. Timybohe arieryrenykre, aòma bede ibutumy rexihukre. <sup>8</sup> Jesuisi tamyreny rarybere: —Kaiboho anaitxenanydenyheny lau bexiebenyke. Sòwemy dori rÿikre wanimy rarybemy rarekre: —Jiarÿ dori Kristu rare. Tahe iny sòwemy itxenadÿÿmy reakre. <sup>9</sup> Kaiboho wounarybe-ò, aòbina rybe-ò, boholakreu, breburenòmykre. Kia heka kanakremy ratximyhÿre. Urile bededÿÿnana ikonanatyhy aòkò rare.

<sup>10</sup> Tii tamyreny rarybere: —Uritere iny lahinareny, ijò lahinareny widee kanaaòbinanykre. Tule iòlòna mahãdu, ijò iòlòna mahãdu-wana widee kanaaòbinanykre.

<sup>11</sup> Bede bedesu ijò hãwã-ki kanamytatakre. Tahe aòkòre rama kedeakre. Kia heka juhu aòhòkÿmydÿÿnana rarekre. Aòbrebuna brebuna kÿnyikre. Idi biu-ki aòwitxira kÿnyikre. <sup>12</sup> Tiiboho arawahinyrenykre aòludu wedu-ò, iòlò-ò. Kaiboho heka aòhòkÿmy iu botÿÿnybenykre, watyhydÿÿ òraru-ki. Tiiboho arahatenyrenykre dohodÿÿna hetowo-ki. Kiabohoko-txi wadee kaiboho kedelyykre inatyhymy aòna aòna rÿiremy. <sup>13</sup> Rybewihikÿmy ibutumy bede bede hãwã hãwã-ò belyybenykre. <sup>14</sup> Tiubo aradyrenykeu, urile nohòtiòmy aòmybo kaiboho marybebenykre. <sup>15</sup> Kiautyhyle aòmybo marybebenykremy bierykre. Kia tahe marybekre. Kai aòkò dori marybekre, Deuxu Tytybytyhy tahe rybedukre.

<sup>16</sup> Asÿreny dori ròtenawo-ò araròtenyrenykre. Seriore seriòrele wii kidirubynykre. Tyby heka tariòre kidirubynykre. Uladule tadi, tyby kidirubynykre. <sup>17</sup> Ibutumy heka iny iy kedeakre wani òraru-ki adeereny. <sup>18</sup> Ibedeu araderenytiò reseòtyhy. <sup>19</sup> Bexityhymy ta tai ixiery dori biu-ò mahenybenykre. <sup>20</sup> Ijò tahe Jesuisi rarybere: —Woudu mahãdu Jerusalè rirurawonykre heka bierybenykre aòhuluhudunamy bede rÿirerimy. <sup>21</sup> Judeia hãwã hãwã-ki ratxikeki, mahenybenykre bederatòòhòkÿ-ò. Inyò Judeia hãwãkikeki, iribi òlò rÿikre. Idi inyò bederokeki ixby Jerusalè-ò ròteòmykre. <sup>22</sup> Kia txuu heka òwynatxumy rare. Ibutumy rybe tyriti myna heka bede rÿikre. <sup>23</sup> Kobexe heny hãwyy bòtòmy rÿira, tule hãwyy tariòre ritònymy rÿira. Aòhòkÿmydÿÿnana kanakre tiu heka tuòre. Debure nihikÿ heka kanake kia iny tyre-ki. Tiu heka kiamy bede roiòtyhy aòhòkÿmydÿÿnanamy. <sup>24</sup> Sòwemy iny rurukre mayrehe-di. Iny sòwemy radykre ijò bede-ò aòhòkÿmy tai rotÿÿnykremy. Ityhydÿÿdukòdu mahãdu rasÿnykre Jerusalè hãwã-ki iu.

<sup>25</sup> Ixityre tahe Jesuisi rarybere: —Idi webòhòna rýira txuu, aòhòkýmýdýýnana itue-di, txuu heka rurunykre. Ahàdu tule rurunykre, tule taina. Beòò lau iwodýý lau ibutumy iny ruberukre inihiký òraru-ki. <sup>26</sup> Iu bede bede iny mahàdu aòhebo rotýýnny, tatòhòtibre-di tiiboho reserenyire sutyre-ki tai. <sup>27</sup> Iny retehekre

Deuxu Riòre, Hābutyhyhyký dehemyynana-di. Biurawetyky-ribi kodobehekre tatyhy-di.

<sup>28</sup> Tahe kia aòmýdýýnana rýikre, ywinamy bòibenyke, iòhòlereri.

<sup>29-30</sup> Tai tahe Jesuisi figeiraò-wana tahe bede ròkewesenanyre: —Figueiraò-di ini bex-inohòtinybenyke. Tii heka tairu-txi, tanoiròsò ritýmyranymyhýreu, tai tahe bierybenykre wyra iòhòleri. <sup>31</sup> Tule kia aòna aònamy bobibenykre, tii iòhòlereri. Ijò-ki iòhòwesele rýire. <sup>32</sup> Inatyhymy adee ararybekre, kia wijinabòdu itueòtyhy aòna aòna rýikre hàrele. <sup>33</sup> Biu, bede-wana ituekre, tahe warybe itueòtyhy.

<sup>34</sup> Tahe Jesuisi tarybe rihumy rarybere: —Kaiboho bexiebenyke, betehebennykre ix-inohòtidýýrenythykòmy. Roxina worana bedehesi-di timybo kaiboho atximyhýtenytedi. Mona juberere biòbenykemy mohòtinyòke. Kaiboho dori teeryòteny teubedemybo adòòsekre. <sup>35</sup> Kiatxu kanakre tahe iwese nawii mynyna wese aòwesele rimykre ibutumy bede iny mahàdu rimykre. <sup>36</sup> Biebenyke tahe, Deuxu-ò bexitòenybenyke. Kia tahe aòhebo rotýýnykre-ribi mahenyke. Bityhynyke Deuxu Riòre, Hābutyhyhyký, jiarý wahe.

<sup>37</sup> Txuò txuòlemy tii Dohodýýna heto-ki ribedeerynyre ihàre tahe rummy Oliveira hāwālò-ò rara. <sup>38</sup> Rudile tahe sòwemy iny dohodýýna heto-ò rehemynymyhýre Jesuisi rybe-ò ijohomy.

## 22

<sup>1</sup> Iòhòmy ratxireri Pascoa worana bedehesi kodohònykremy. Kia anarýý wehityhynamy heka iny ratya-di reare. Tule orotxu anarýý kia ròhònyre. <sup>2</sup> Deuxu aòmýsýdýýdu wedu mahàdu, tule bede erydýýdu mahàdu Jesuisi rimyky ratxireri idi rirubunykemy. <sup>3</sup> Satanasi heka Judasi Isariòwo-ki ralore, tii Jesuisi erydýýnaò ihýre. <sup>4</sup> Juda Isariò heka Deuxu aòmýsýdýýdu-ò rara Jesuisi riwahinykemy. <sup>5</sup> Tiiboho tamy roholarenyreu, reysare. Tahe tamy nieru riwahinykemy riurenanyre. <sup>6</sup> Tahe Juda rijemyhýre aòu aòu bedewihiký tamyreny riwahinykemy. Wasimy riwahinykemy tii roholare.

<sup>7</sup> Juhu orotxu anarýýtxure budoeni xiweloò rirubuny rahudi tahe Jesuisi erydýýna mahàdu tamy rarybere: —Titxibo anarýý rýsýnamy biroxikemy atxiteri. <sup>8</sup> Tahe Jesuisi heka Pedro, Joaò-wana riteònyre: —Kaiboho boike iny rýsýnareny ywidýýmy. <sup>9</sup> Tiiboho rýýraxire. Titxibo ariwinyrenykre? <sup>10</sup> Jesuisi tamy rarybere: —Kaiboho boike hāwāhāký-ò. Tahe hābu-wana wii biòbnykre butxi-di retyreriò. Tahe tii biheludunybeny. Titxibo heto-txi ralokreò, kaiboho tule bironybenymy bitýýraxinybenykre heto wedu: <sup>11</sup> —Wawedureny rarybera: —Titxiwexe anarýý rýsýna arirýsýkre waerydýýna mahàdu-wana. <sup>12</sup> Tii heka adee kiditeòsinykre hetowoò-txi biu-ki. Ibutumy rexihumy rýire inydeereny. Tai rýsýna inydeereny biywinybenykre. <sup>13</sup> Tahe ierydýýna rexitare. Roire hāwāhāký-ò. Tahe rotýýnyrenyre Jesuisi rybe myna. Tahe ibutumy rexihurennyre anarýý-ò.

<sup>14</sup> Kia txu rimyreu tahe Jesuisi nade taerydýýna waòinatxi reurò-wana byremy ronnyrenykre. <sup>15</sup> Tii tamyreny rarybere: —Jiarý awanareny ariroxikemy watxiwāhàre. Karibi dori warubuna-ò arakre. <sup>16</sup> Inatyhymy ararybekre: —Jiarý konanamy ayreny-ki ariroxikre. Ixyby ta Deuxu Iòlònakile tahe rikiroxirenykre. <sup>17</sup> Tahe vī mona hyna rimyre, rexitòenyre, tahe tamyreny riwahinyre. Ibutumy ibute bute iribi tuu riòrenyre. <sup>18</sup> Inatyhymy ararybekre: —Tiu ixyby tuu ariòòtyhy Deuxu Iòlòna-ki kotyre. <sup>19</sup> Tiiboho riroxireriu, Jesuisi orotxu rimyreu, raorore, rexitòenyre, tahe tamyreny riwahinyre. Rarybere: —Ahàxe, kia heka waumy wese rare. Iu biroxikeu, warubuna-di mohòtinybenykemy. <sup>20</sup> Biòbenyke! Kaa dori wahàlubu wesemy ratxireri. Tahe tamy riwahinyre riòrenykre. Tai sòwemy iny ròhònyke biu-ò hena-ò ibutumy òraru na ixāwididýýmy. Tuu ròhònyra. Kia heka wadeewimy iny Deuxu-wana ratxiinyhýre, wahàlubu òraru-ki. <sup>21</sup> Boholabeny inihe watyhedýýdu inykyrenykyre ronyre. <sup>22</sup> Iwese tyriti-ki roire wese heka arurukremy, Deuxu Riòre, Hābutyhyhyký, jiarý wahe. Kobe làhàxe watyhedýýdu. <sup>23</sup> Tiiboho tahe widee rarybere: —Mobo tahe rare? Mobo Jesuisi riwahinykre.

<sup>24</sup> Iribi tahe widee rarybereny, mobo wiratyremery? <sup>25</sup> Tahe Jesuisi tamyreny rarybere: —Kabede iòlò mahàdu-ki iruru dire. Bede dinodu tahe iny rininire: Iny biòwa. <sup>26</sup> Tahe ayreny-ki kawese aòkò ihýre. Inihikýtyhy inyò ratxikeki, tii inyuhe deòdumy ratxikre. <sup>27</sup> Tibo inytyhy rare? Roxidu mahàdu ada deòdu mahàdu? Roxidu mahàdu, aòhe inatyhy? Jiarý tahe ayreny-ki deòdu wesemy jiarý rare. <sup>28</sup> Kaiboho heka wawanahyy atxitenyete aòhòkýmý ratýýnymyhýreu. <sup>29</sup> Tai tahe adee ruruna ariwahinykre. Iwese Waha wadee riwahinyre wese, adee ariwahinykre. <sup>30</sup> Waiòlòna-ki kaiboho wawana biroxibenykre, biòbenykre. Tule rynana wiwihiký tyre-ki rýdu mahàdumy bonybenyke. Israeli iny mahàdu heka kaiboho biòbitinybenykre, ibutumy judeu mahàdu wahe.

<sup>31</sup> Jesuisi ijō rarybere: —Simaō, Simaō, wadee bohoholatyhyke. Satanasi arauri-hirenkyemy wadee rexitōenyre. Tahe adeereny kanake araurihidỹỹmy. <sup>32</sup> Dori rexitōenymyhỹre, Simaō, kai bityhynyhykemy. Wadee bōdōōsekeu, abiōwa mahādu bi-wiōhenanyke. <sup>33</sup> Tahe Pedro diwyoñyde: —Awanahyy arakre, wanyrỹ, arurukre hāre, rōtenawo-ō arakre hāre. <sup>34</sup> Jesuisi tamy rarybere: —Pedro, kai biwatxiōnyke, hānie hābu ryrỹkōule biwatxiōnyke inataōmy.

<sup>35</sup> Jesuisi tamyreny rỹrỹraxire: —Juhu arateōnyrenyreu anieruhynakōmy, asaurenykōmy, awarenyōmy, adeereny aōbo aō rasiranyre? Tiiboho dirawyoñy: —Aōkō, aō rasiranyōhyre. <sup>36</sup> Tahe Jesuisi narybere: —Wiji tahe txibo inyō inieruhynadikeki, saudikeki, biwykre. Txibo inyō imayrehedikōkeki tayhyitxena-di rohonykre iōwy-di tahe tii riōbranykremy. <sup>37</sup> Kamy dori Deuxu rybe tyryiti-ki roire:

—Ōbitikōmy nodu mahādu-wana tii rỹire.

Ibutumy tĩmytu tyryiti wamy rarybere heka rỹikre. <sup>38</sup> Tamy ierydỹỹna mahādu rarybere: —Wanyrỹ, kaa inatxi mayrehe rỹire. Tahe Jesuisi rỹire rarybere: —Awire kia.

<sup>39</sup> Tahe Oliveira hāwālō-ō roirenre, taerydỹỹna mahādu-wana. <sup>40</sup> Tiiboho kowa-ō rehemynyreu, Jesuisi rarybere: Bexitōenyke! Tai tahe òraru-na-txi beseōke. <sup>41</sup> Tahe iko-txi urihimyo rareu, taowotim� resemy. Rexitōenyre: <sup>42</sup> —Waha, adee arexitōenykre. Adee awikeki, aōhōkỹmy dỹỹnana waribi biixāwidỹỹnyke. Tahe adeewikom�kre, wadeewi ta aōkōre. <sup>43</sup> Ŷjuō tamy nade biu-ribi tamy ruru riwahinyre. <sup>44</sup> Sōwemy tahe rexitōenyre, iōsana-ribi resere bee wahe. Hālubu wese heka ihỹre resereri bede-ō. <sup>45</sup> Tii rehemynyre tai rahare rōrōrenymy roireriō. Tiiboho ele risarenre sōwemy rabadeworenyreki. <sup>46</sup> Tamyreny rarybere: —Aōherekibo tarōtenyteri? Bijebenykre, bexitōenykre.

<sup>47</sup> Tii rarybereri, aōwesele Judasi nade. Tii-wana doide hābu mahādu. <sup>48</sup> Jesuisi rarybere Judasi-ō: —Judei, Deuxu Riōre bityhenykre aōbo, jiarỹ hābutyhyhykỹ wahe? Waōbuō-di aōbo biwatyhenykre? <sup>49</sup> Jesuisi erydỹỹna mahādu tuu robireu, tamy rarybere: —Iny mayrehe-di araaōbinanyrenykre, Wanyrỹ. <sup>50</sup> Kia ijoio mayrehe ritare tahe Deuxu aōmysỹdỹỹdu wedu deōdu nohōti riorore. <sup>51</sup> Tahe Jesuisi rarybere: —Ixāwike. Tahe hābu nohōti riteytenre. <sup>52</sup> Tahe Jesuisi dirawyoñyde tamyreny, Xiwe wahidỹỹdu mahādu-ō, dohodỹỹna heto itxedu wedu-ō, matuari mahādu-ō: —Kaiboho mayrehe-di, òhōte-di ti-waōrytenyteri jiarỹ wasiduōrysy wese. <sup>53</sup> Jiarỹ tahe dohodỹỹna heto-ki watximyhỹ txuō txuōlemy adeereny anaerynanymahādenyde. Kowa-ki heka tiwamyōlemyhỹtenyteri. Kia heka bededỹỹnana rexihure. Bede luru ruru roirerim�. Tahe aōbo iritina-ki rỹireri, kia heka kỹnyikremy.

<sup>54</sup> Xiwena wahidỹỹdu mahādu dinodutyhy-ō wedu-ō tiiboho Jesuisi ridyrenyre. Pedro ri-heludunre ireheriōremy. <sup>55</sup> Rehemynyreu tai Pedro ixitōteenymy heōtywera-ō ronyre heto itxeredu mahādu-wana. <sup>56</sup> Pedro ratximyhỹ-ō tahe deōduō rehemynyre, ijadōma wahe. Pedro-di ijadōma retehemy ta rarybere: —Tii tule Jesuisi Nazareludu-wana ratximyhỹre. <sup>57</sup> Tahe tii rexitxiōnyre: —Jiarỹ reeryōre aōmyboho kai tarybeteri. <sup>58</sup> Ixybyle kowa ijoio Pedro-ō rarybera: —Inatyhymy kai ijō mahāduleō tate. Tii inatyhytyhyrbemy rarybera: —Jiarỹ reerykōre hābumy tarybetenyteri. <sup>59</sup> Ijō òrau tahe ijō rarybere: —Inatyhy rare kai Jesuisi-wana ahāte, Kalileia mahāduōreki. <sup>60</sup> Tahe Pedro rarybere: —Hābu, reeryōre aōmybo tarybeteri! Tahe hānie hābu robura. <sup>61</sup> Jesuisi heka Pedro-ō retehere. Tahe Jesuisi rybe-txi Pedro tōhōti reare. Iwese Jesuisi rarybere: —Hānie inataōmy robukre myna, kai waheludumy bedexitxiōnykre. <sup>62</sup> Pedro tahe iribi rexitareu, ixidee iky reamy rahinyre.

<sup>63</sup> Tahe hābu mahādu Jesuisi rihetenymy, rilahrenymyhỹre. <sup>64-65</sup> Tiiboho riruehetynymy rihetenymy idi ritỹrỹraxinymyhỹre: —Mowe arahātenyra. Idi tahe sōwemy idi risinymyhỹreny.

<sup>66</sup> Rudile tahe judeu wedu mahādu ributunre xiwena wahidỹỹna mahādu-wana. Jesuisi ridyrenkyemy raryberenyre dohodỹỹna mahādu-ō. <sup>67</sup> Tamy ritỹrỹraxinyre: —Kai aōbo Kristu tate, Deuxu Riōretyhy. Jesuisi rarybera: —Jiarỹ heka kohemy ararybekeki, kaiboho biwatyhynyōtyhy. <sup>68</sup> Adeereny arỹrỹraxikeki, kaiboho biwawyoñybenyōtyhy. <sup>69</sup> Kaiboho bierybenykre

Deuxu Riōre heka jiarỹ rare. Idi Waha rurunaweribi-ō aronykremy.

<sup>70</sup> Ibutumy tahe tamy rarybere: —Kai aōbo Deuxu Riōre tate? Tii riawyoñyde: —Iwese kaiboho tarybetenyteri wese jiarỹ inatyhy rare. <sup>71</sup> Tahe tiiboho raryberenyre: —Inyō irybe-ō ijohoke heka aōkōre, inybohole dori tuu roholarenyre.

## 23

<sup>1</sup> Kia iny ka ibutumy Jesuisi ridyrenyre Pilato-ō, bede dinodu-ō wahe. <sup>2</sup> Idi tahe aōbina binahakỹmy tuu raryberenyre: —Kahābu heka bede rijeijeinyreri iōlōmy ijoio radōnykemy. Iribi iōlō-ō òwydỹỹ rỹiōmỹhykemy rarybere. Ihāreta Deuxu Deōdỹỹnamy raremy idi iōlōmy rexininimyhỹre. <sup>3</sup> Tahe Pilato rỹrỹraxire Jesuisi-ō: —Inatyhywe kai Deuxu mahādu iōlōtyhy



tate? Tai tahe Jesuisi riwiyõnyre: —Kai tuu tarybeteri, Wanyrÿ. <sup>4</sup> Tai tahe Pilato rarybere xiwe wahidÿÿdu mahãdu dinodu-ò, tule inysõwe mahãdu-ò: —Timyki kahãbu aõhõkÿmy wasÿdÿÿõna, aõõ bina dori riwinyõlere. <sup>5</sup> Tai ixbyby idi risÿnyrenyire: —Kahãbu heka Kalileia bederibi bede riijeinyeny rareri, idi Judeia bededi tule katahe kakile tuu rotÿÿnyre. <sup>6</sup> Taita Pilato rÿÿraxire: —Tii aõbohe Kalileia mahãduõ ratxireri? <sup>7</sup> —Tii Kalileia mahãdu rare. Kia Pilato rieryreu, Herodi-ò riteõnykemy rexinohõtinyre. Tii kia dinodureki. Ihãreta Herodi Jerusalẽ hãwã-ki iu ratximyÿhÿ.

<sup>8</sup> Herodi Jesuisi robireu heka reysare. Jesusimy robikemy riwisÿnymyÿre sõwemy. Idi tahe tuu robireke, reõsare. Tai tahe reysare. Ini-ò roholahyymyÿre. Tule aõwihikÿ wixira riwinykemy idi riwisÿnymyÿre. <sup>9</sup> Idi tahe Herodi sõwemy rÿÿraximyÿre. Jesuisi tahe rirawõnyõhyre. <sup>10</sup> Aõbo xiwena wahidÿÿdu mahãdu wedu, tule bede ywina erÿdÿÿdu mahãdu sõwemy aõna aõna binamy tuu raryberenyre. <sup>11</sup> Herodi tasoldado-wana tuu raõhõtemy idi risinymyÿreny. Tyywihikÿ-di rirahananyrenyire. Iribi riõkesedÿÿnyre Pilato-ò. <sup>12</sup> Juhuu heka Herodi Pilato õludumy widi raremyÿhÿ. Kia txule tahe widee rowoixirenyre.

<sup>13</sup> Idi tahe Pilato tahe ibutumy xiwena wahidÿÿdu wedu, tule matuari mahãdu tule ijõ iny mahãdu ributumyrenyire. <sup>14</sup> Tamyreny rarybere: —Kaiboho heka wadee tedtyenyteri bede jei jeiwidÿÿdumy tuu tarybetenye tebutenyteri heka. Jiarÿ akoreny-ò retÿÿraxinyre idi aõhe tai ibinamy rahaõhyre. <sup>15</sup> Tule iõlõ Herodi tai ibinamy rahaõhyre. Tai diõkesedÿÿnyde. Tai iurenana ta aõhereki timyki irubuõna. <sup>16</sup> Urile raõhõtedÿÿkemy bede reywinyre idi ta ixinamy rakre. <sup>17</sup> Kiemy dori worana bedehesiu, rõtëna-ribi inyõ heka rõtõnymyÿÿke. <sup>18-19</sup> Sõwemy iny heka rirajuare: —Aõkõre uritere ta Baraba biteõnyke. Kia hãbu urile ruruke. (Baraba inrubudÿÿdure. Bede jei jeidÿÿki heka rõtëna-ò ralore.) <sup>20</sup> Tai Pilato Jesuisi õlõdÿÿmy riwisÿnymyÿhÿ tai ixbyby rarybere: —Aõkõre Jesusile ariteõnykre. <sup>21</sup> Sõwemy iny ixbyby rryre: —Aõkõre, itxe-õ ki bitamadÿÿnyke! <sup>22</sup> Tahe Pilato tainatãõnamy narybede: —Aõherewe, aõwe tii ibinamy riwinyre. Aõheka tai ibinaõhyreri rubu-ò rawahikemy. Õhõteole ta arawahinyke idi ariteõnykre. <sup>23</sup> Ihãre ta iny sõtëwe mahãdu ire rirajuamnyÿreny itxe-õ nihikÿ-ò rurukemy. Ixierya iryreny-ò roholare idi tukremy. <sup>24</sup> Iu Pilato heka Jesuisi riwahinyre rubu-ò tumyena rexitõnymyÿreny. <sup>25</sup> Ijõ hãbu-ò ta rõtënowo-ribi riõlõdÿÿnyre, iixitõedÿÿreny myna wahe. Tii hãbu aleerydu rare, tahe bede jei jeidÿÿdu tule. Iwana ta Jesuisi rawahire irybemynarenymy aõhebo rotÿÿnykremy.

<sup>26</sup> Tahe Jesuisi ridyrenyire. Ryki tahe hãbuõ iutedereny-ò nade, Simaõ inire, Sireni hãwã ludu wahe. Nohõtõlemy ta ityre itxe-õ nihikÿ ritidirenyre, iherenymy idi kanakremy.

<sup>27</sup> Sõwemy ihemy nodu sõwe. Iy-ki hãwyy mahãdu Jesuisi-di robumyÿreny. <sup>28</sup> Tii tahe tamyreny rexiõkesemy narybede: —Jerusalẽ hãwã ludu hãwyy mahãdu! Ixirahi bobubenyke ariõre rahi tule warahi ta aõkõre. <sup>29</sup> Tiutxumybo bexirybenybenykre: —Hãwky bedekõby heka raritxõrenyõkõre mahãdu rare, tohokuã ritõnykõre mahãdu tiku kuladu-di tarukikõre mahãdu. <sup>30</sup> Tiutxumybo bexirybenybenykre hãwãlõ-ò: —Watyreny bedeseke

tule hãwãlõ riõre-ò bexirybenybenykre: —Biwawõbenykre.

<sup>31</sup> Wiji kawesemyÿre hee itukure hãre. Timykrebo tahe hee irubukreu.

<sup>32</sup> Ihãre tasÿse iny inatxi hãbu õbitimy nodu aõkõ ridyrenyire Jesuisi-wana rururenkremy.

<sup>33</sup> Tahe hãwãlõ riõre-ò ratitybimy ninadu-ò ritehemynyrenyire. Tahe tii-wana inatxi wasidu itxe-õ nihikÿ-ò rilamadÿÿnyrenyire. Ijõ rururwibi-ò ijõ hyweweribi-ò. <sup>34</sup> —Waha, idireny bexiruxetõenyke rieryõhyrenyreny dori aõmybo rotodÿÿnyreri.

Tai tahe ityy wimy ritxuatxukremy dado-di rehumyÿreny tibo iwidydukremy.

<sup>35</sup> Iny retehemy rÿimyÿ taile wahe. Judeu wedu mahãdu tule Jesusimy rarybere: —Tii iny sõwemy rihedÿÿnyre, kia aõherekibo tii rexitaõreri rubu-ribi, tii Deuxu deõdÿÿna rarehãre.

<sup>36</sup> Tule soldado mahãdu rarybere aõbina binahakÿlemy. Diwyde tii aõna ta iny kremy rirahõreny tamy idi reare rijeny: <sup>37</sup> —Kai inatyhymy judeu mahãdu iõlõmy atxiteri wana heka kaa bexitakre iribi. <sup>38</sup> Itxe-õ ratya-ki tahe aõma timy roire tyrytidÿÿna.

—Kaa Heka judeu Mahãdu iõlõ Rare.

<sup>39</sup> Ijõ heka rarybereri Jesuisibire-ki roireriõle tamy rarybereri: —Deuxu deõdÿÿna tateki, bexitake tule biwatabenyke. <sup>40</sup> —Wy, Deuxu lau taberuõlemahãte aõbo tule dori iny aõhõkÿmy rokotÿÿnykrelemy iny roireri. <sup>41</sup> Lõwudu tamy rarybereri: —Iny heka rurureri, aõbina binahakÿ iny riwinyre õraru-ki. Iny rurureri. Kaa hãbu rÿire tii aõbina riwinyõhykre. <sup>42</sup> Jesuisi-ò rarybere: —Jesuisi, watxi õhõti beakre iõlõmy bonykreu. <sup>43</sup> Jesuisi tamy rarybere: —Wijile heka biu-ò heka rakakre.

<sup>44-45</sup> Txutyemy bede roronyre idi txioro txu rehehekÿ-ò bede tuu rÿire. Inatã õramy bede rybynyre, rÿire. Heto-ki rahanaheridu urile raykare templowo-ki wahe. <sup>46</sup> Tahe Jesuisi rirajuare: —Waha, watytyby adee rawahinyreri. Iu irybe rexihureu rurure. <sup>47</sup> Soldado

mahādu wedu tuu robire kia aōhebo rotŷŷnara tuu rarybere: —Kia inatyhymy hābu ōbitityhy rare. <sup>48</sup>Ibutumy iny kia robire Jesuisi rubu-ò rahinymy ròsere rexihetenymy tabreti-ò. <sup>49</sup>Ibutumy tii mahādumy ratximyhŷre iribi ireheriòremy rexijemyhŷ.

<sup>50-51</sup>Tii judeu bede mahāduò rare. Jyjemy inire. Tahe Kristu rubuna-ki awimy rahaōhŷŷre taijoi mahādu-ribi. Tii dori Deuxu iòlona riraōmyhŷre. Ihāwā Arimatea inire. <sup>52</sup>Tai ta rare ixitòdēŷŷmy Pilato-ò, Jesuisi umy kidiwahinykremy. <sup>53-54</sup>Tai tahe ritare itxeò-ribi tyy ura nihikŷ-di tyy-di ritŷtetŷtenyere. Manawabedewo-ò ritidire. Tai tiu iny rahāloonaōmyhŷre. Aōma judeu mahādu elehyna txu wahe ixiywidŷŷnatxumy txu rŷyreu heka aōma worana bedehesi txu. <sup>55</sup>Hāwyy mahādu Kalileia-ribi Jesuisi-wana. Tiiboho doide Jyje-wana Jesuisi hāloo-ò itxeremy. <sup>56</sup>Tahe timybo roimyhŷ riòtudunyenre. Dòòsedenyde iribi aderòna lŷnyre ywidŷŷmy iumy tŷnyrenamy.

Kia rexielehynyrenyere sabado txu bede ywidŷŷna myna-di.

## 24

<sup>1</sup>Juhu txu semana bededŷŷnana txu deadeu hāwyy roire wabede-ò. Tiiboho riwyre lŷnyrena. <sup>2-3</sup>Rehemynyrenyere, mana nihikŷ tahe ijò-ribi ratamy rŷyire. Tahe ralòrenyreu, Jesuisiumy ihoōhyyre. <sup>4</sup>Wabede-ò rirònyrenyreu, robirenyre inatxi hābu. Ityy urahakŷmy ronmyhŷre tai. <sup>5</sup>Tahe tiiboho bede riòtiinyrenyere idi tabrebu-di suò reserenyere. ŷjyò tamyreny rarybere: <sup>6</sup>—Iny irumy kaiboho tejeteri kaki wabede-ki aōbo? Tii kaki ratxireri. Tii rexixara rubu-ribi adereny rarybere wese Kalileia bede-ki: <sup>7</sup>—Inyò riwawahinykre inybina-ò Deuxu Riòre Hābutyhyhykŷ. Itxeòtyre-ki arŷykre tai arurukre. Inataò txu-di tahe rubu-ribi arexixakre. <sup>8</sup>Tahe hāwyy irybe-di rōhòtiinyrenyere. <sup>9</sup>Wabede-ribi rajjaranyrenyere Jesuisi erydŷŷna mahādu-ò ijyymy. <sup>10</sup>Kia tiibohore: —Marie Magdalena, Joana, Marie Txiause. Ijò hāwyy tule tii-wana roirenre. <sup>11</sup>Iu tamy relyyreu, rityhnyòlerenyre. <sup>12</sup>Pedro tahe rŷimy reare idi rajjaranyre wabede-ò. Urile tykylemy robire tahe dòòsede, rexiòtiinyre.

<sup>13</sup>Itxuleu ta iny inatxi hābu Jesuisi tyhydŷŷdu mahādu tahe roirenre Emau hāwā-ò. Jerusalē hāwā-ribi txibo 10 km wese irehere. <sup>14</sup>Ibutumy aōhebo rotŷŷnyramy wiko relymy roimyhŷre. <sup>15</sup>Iuleta Jesuisi tamyreny dehemynyde idi tiiboho-wana roire. <sup>16</sup>Tiiboho tuu robirehāre timykibo rierykōhykyrenyere. <sup>17</sup>Tahe Jesuisi ròtŷŷraxire: —Aōmywe wídee tarybetenyteri. <sup>18</sup>Iijòreny Klopamy nidu narybede: —Kai sohojilewe Jerusalē-ki aōhebo bede rŷira teerykòte. <sup>19</sup>Tii dotŷŷraxide: —Aōherabo ta. Tiiboho tuu relyyre: —Jesuisi Nazare ludu kie. Tii Deuxumy rybedu nihikŷ heka rare, Deuxu-ò dori ibutu iny-ò heka rybe-ki aōni heka aōmywidŷŷ-ki heka ihŷŷna rare. <sup>20</sup>Waxiwenareny wahidŷŷdu wedu tahe wadinodureny itxeò nihikŷ-ò rurukremy riwahinyrenyere. <sup>21</sup>Tule judeu mahādu tarasadukresŷna raholarenyere. Ihāreta tukòlemyta inataò txumy rubu-ki bede idi rŷira. <sup>22</sup>Bederarasò-di wajoiireny hāwyyò ihāloo-ò roire. <sup>23</sup>Tai itxi rekoāōhyyre. Dòòsedenydeki tahe ŷjyomy riki robirenyremy delyydenyde. Tii Jesuisi rubu-ribi rexixamy tamyreny rarybere riki. <sup>24</sup>Wajoiirenyò tule ihāloo-ò roirenre. Inatyhy rikihe rare. Urileta riki Jesuisimy robiòrenyere. <sup>25</sup>Tahe Jesuisi tyhy Klopaboho-ò narybede: —Aōherewexe Deuxu Rybedu mahādu rybe awo-ki teximtyenyteri tetyhnykòtenyteri ki wahe. <sup>26</sup>Kialemy dori Kristu dori aōna aōnamy rotŷŷnykremy tai Deuxu riwowydynyremy. <sup>27</sup>Tahe Jesuisi rexidelenyere aōbo rybe ritina roiremy. Moisesi ryberiti juhumy ritŷnynyrenyere. Timybo Deuxu rybe ritidŷŷdu raremy. Tiiemy heka iximyhŷylye rarybere. <sup>28</sup>Ibutumy tamy relyyhyyre ramyhŷrehy tahe ritehemny Emau hāwā-ò, tai inatxi hābu rarikreò wahe. Tahe Jesuisi rarybere: —Aōkō arexinoranykre. <sup>29</sup>Tai ta tamy ihārele rarybemyhŷre: —Txioinihe bodonyke kakile. Aōma bede ratxinyra ratxioronytyhyra. Taile tiiboho-wana rare ihetoreny-ò. <sup>30</sup>Rorukurenyre riroxirenykremy. Tahe Jesuisi orotxu rimyre rexiòtenyere Deuxu-ò. Tahe orotxu rioriorore imynareny. <sup>31</sup>Iu tahe aōwesele rierny reare Jesuisi. Tai iruereny raraymy rieryrenyere. Tahe aōwesele iōmy iribi reny reare. <sup>32</sup>Tai wídee raryberenyre kiamy. Iu tii Ryberitimy inydeereny rydi relyyreu, urile wawo ratooteemy. Kai tahe. Ijò diwyònyde: —Kohe jiarŷ tulere. <sup>33</sup>Iribi tahe ritamanyrenyere. Diòòsedenyde ixiby Jerusalē hāwā-ò. Tiu wadošohji reurò erydŷŷna itxi rekoarenyere. Tai tiiboho narybedenyde: <sup>34</sup>Inynrŷyrenyhe rexixara. Pedro heka tuu robira: <sup>35</sup>—Jiarŷboho tulerenyra wawanaale ròirenrya rydi. Tule wadeereny orotxu riyreyrenyera. Taile reeryrenyere.

<sup>36</sup>Iu kiamy relymyhŷrele, Jesuisi dehemynymy deade ityareny-txi. Riryberenyre ibutumy: —ŷwina heka akirenyke! <sup>37</sup>Ibutumy ruberenyere ilau. Urile raresŷny tamy raholarenyere. <sup>38</sup>Jesuisi rarybere: —Aōhebo taberutenyteri. Breburenyōmyke hewa biwatyhnybenyke. <sup>39</sup>Jiarŷle ratxireri. Wadebò-di bedetehebedenyke, wawa-ò tule. Jiarŷ karare wadee inihe bideribedeny. Jiarŷ uni aōkō watxireri. Uni dori idedire aōkō wawese aōkōre bedetehebedeny inihe. <sup>40</sup>Tai tahe tebò wotò mona, tawa wotòmona, riteòsinyre tamyreny. <sup>41</sup>Ihārele tahe rityhynyrenyore, ibedesamy bede riòtiinyhŷnyre. Jesuisi tahe

rexitònyre tamyreny aõ rirÿsÿkemy. <sup>42</sup> Tamy riwahinyrenyure utura wòsi deyreõ. <sup>43</sup> Rirasÿre ikorenyõle.

<sup>44</sup> Idi tamyreny rarybere: —Aõma wawanale ratximahãre, õhõtireny itxi reara. Aõma wawana atximahãtenyete juhuu. Ibutumy heka adeereny retÿnynomy rarybere aõmybo wamy rybe roimyhÿremy. Ibutumy heka Moisesi rybedu ritidÿÿnaki iritina-ki roimyhÿre. Wiuna tule wamy riritinyre. <sup>45</sup> Tai tahe ritÿnynyure õbitimy irakylene riraynyre. <sup>46</sup> Ihetxiu rybe wãhã aõma Deuxu Deòdÿÿna rurukre heka aõhõkÿmy rotÿÿnykremy. Ruru-riibi inataõ txu-di rexidakremy bede roire. <sup>47</sup> Kaa rybe wihikÿ ritidÿÿna heka kaa Jerusalẽ bede-ki robÿtÿkre ihãreta ibutumy iny iny kõkõmy bede bedemy robÿtÿkre. Kiamy heka ibutumy inyde marybekenyke. Iny riwatyhynomy rÿirakre heka ibutumy iõraru-riibi ariixãwididÿÿnyke. <sup>48</sup> Tule terytenyteri ibutumy aõhebo rotÿÿnykremy. <sup>49</sup> Tahe adee ariwahinykre iwese Deuxu rarybere wesemy heka adee ariwahinykre. Kaki hewa matxibenykre hãwã-ki. Tahe kanakre heka adee ruruõ biu-riibi. Iribi tahe bõhõnykre karibi.

<sup>50</sup> Iribi tahe Jesuisi ridyrenyure Betÿniary-õ. Tai tahe rilãhãnanyrenyure tuu tamy rexitònyrenyure ibutumy tamyreny. Tamy rexitònyre heka ilãhãnamy tamy rexitònyre biutxile ire rexidymy ramyhÿre ryananamy ramyhÿre. <sup>51</sup> Iu rilãhãnanyrehÿrenyu, biu-õ rare. <sup>52</sup> Tamy rexitònyra aõma lãhãnamy, wowodynomy rexitònymyhÿre Deuxu-õ. Tai riwowodynomyhÿreny. Teysa-di diòkesedenyde Jerusalẽ-õ ixyby. <sup>53</sup> Tai tahe Deuxu dohodÿÿna heto-ki ixyby ixyby rowowodynanyrehÿrenyure.

## Joaõ Deuxu Rybe Wihiký Tÿmyra, Joaõ Tyyritidÿÿdu

<sup>1-2</sup> Ibutu aõna aõnakõu, Jesuisi rarehyomy raremyhÿ. Tii rybehymy raninira. Tii Deuxu-wana ihÿre. Ihãre tahe tii Deuxule rare. <sup>3</sup> Tii ibutuhukÿlemy riwinyre. Tiiõhyykeki tahe, aõ releõtyhy.

<sup>4</sup> Umytuedeõna wahidÿÿdu tii ihÿre kia-di iny mahãdu rayky ritoosõnymyhyre ritÿnymyhyre wahe. Kia loosõna heka bede luru ludu loosõna rare. <sup>5</sup> Bede luru tÿnyna loosõna rare. Loosõna ròtamymyhyre, bede luru tahe ròanodÿÿmyhyre.

<sup>6</sup> Deuxu teõduõ diteõnyde, Joaõ inire. <sup>7</sup> Tii loosõnamy rarybekremy nade. Kia rybe-di roholamymyhyreki, ibutumy iny rityhynyrenykremy. <sup>8</sup> Joaõ loosõna aõkõ rare. Urile tuu rarybekemy nade.

<sup>9</sup> Jesuisile loosõnatyhy rare. Tii bede-õ nadeu, ibutumy iny rayky ritoosõnyre. <sup>10</sup> Tii bede-ki raremyhÿ, bede widÿÿdu rare, ihãre tahe iny rieryõhyre mobo tii ihÿre. <sup>11</sup> Tasÿ mahãdu-õ dehemynyde, judeu mahãdu-õ wahe. Ihãre tahe ridyõhyre, rityhynyõhyre urile teramy reare. <sup>12</sup> Iu inyõ Jesuisi rityhynmy ridyreu. Deuxu riõreõlemy risÿdÿÿnyre inimy rityhynyreki. Kia-õ tahe ruru tamy riwahinyre. <sup>13</sup> Kia ityhydÿÿdu tahe Deuxudeewilemy tule iriõreõmy roirekemy. Hãlubu-ribi aõkõ ratybyenyre, urariribike aõkõ, hãbudeewike aõkõ. Deuxudeewilemy iny ihÿmyhyrenyre.

<sup>14</sup> Rybe tahe umyõ rimyre, demy rexiienyre, inyyreny-ki rasÿnymyhyre. Tii tÿxihikÿlemy Deuxu loosõna-di ratximyhyre, ruxetõena-di inatyhyna-di nade. Inyboho tuu robirenyre. Deuxu Riõre delamy ratximyhyre, sohojihyyre. <sup>15</sup> Joaõ Jesuisimy rarybere kia wese: — Kiamy heka adeeremy rarybere. Tii wahewomy kanakre heka waratyre awityhyre. Tii dori wako-ki rarehyymyhyre waribi juhuutyhy wahe. <sup>16</sup> Inyboho dori sõwemy ruxetõena iribi ritarenyre. Luuna sõwetyhymy tawo-ribi Jesuisi inydeereny diwahinyde. <sup>17</sup> Deuxu bede ywina tahe Moisesi õraru-ki nade inydeereny. Ruxetõenamy tahe inatyhyna Jesuisi Kristu õraru-ki nade. <sup>18</sup> Inyõ heka tiu Deuxumy robiõtyhy. Deuxuriõre delale heka itÿnydÿÿdu rare. Tuunatyhy-di taãxiõti-ki rimyre. Tiile iny-õ Deuxu ditÿnynde.

<sup>19</sup> Judeu mahãdu Jerusalẽ-ribi xiwena wahidÿÿdu mahãduõ diteõnyde Joaõ dÿÿraxidÿÿmy. Levita mahãduõ tule diteõnyde. Tahe roirenyre ritÿÿraxinykemy mobo tii raremy. <sup>20</sup> Tahe Joaõ-õ rÿÿraxirenyre aõhereriwe mobo atxiteri. Joaõ dirawyõnyde inatyhymy rexitiõnyreri: — Jiarÿ Kristu Deuxu deõdÿÿna aõkõ jiarÿ rare. <sup>21</sup> Tai tahe ixityre tamy rarybere: — Mobo tahe atxiteri, Elia aõbo. Aõkõre, Joaõ rarybere. Tahe Deuxu dee rybedu atxiteri inyboho riraõrenyteriõ wahe? Joaõ rarybere aõkõremy. <sup>22</sup> Tamy tahe ixityre raryberenyre: — Wakoreny bedelyke mobo atxiterimy. Tai iny deõdÿÿdu mahãdu-õ arellyrenyke. Aõmybo iximy manarybeke? <sup>23</sup> Tahe Joaõ rarybere: — Jiarÿ Isaia Deuxumy rybedu wesele adeeremy ararybekre. Jiarÿ rybeterenaduõ jiarÿ rare. Jiarÿ bederahy-ki iny-õ rarywãhã. Inynyrÿ-õ ryõ biõbitinyke.

<sup>24</sup> Fariseu mahãdu-ribi kia mahãdu roirenyre. <sup>25</sup> Tai tamy rarybere: — Kai Kristu aõbo tate? — Aõkõre. Elia aõbo? — Aõkõre. Deuxu dee rybedu aõbo? — Aõkõre. — Aõhereki tahaka iny teratysebenyteri? <sup>26</sup> Joaõ dirawyõnyde: — Jiarÿ bedi iny reratysebenyteri. Inyõ tahe ayrenykile ratxireri. Tii tahe teeryõmahãtenyte. <sup>27</sup> Tii wahewo-ribi kanakre. Jiarÿ raixÿrumy watxireri iwataana ese-ki, tii waratyreki. <sup>28</sup> Kia ibutumy aõhebo rotÿÿnyre Betÿnia hãwã bede-ki. Jordaõ bero kowa weribi ijã-ki ihÿre. Tai iule Joaõ iny riratysybenymyhyre.

<sup>29</sup> Txubiõwau tahe Jesuisi Joaõ-õ kedehemynykemy nade. Tahe rarybere: — Beteheke, kowa Deuxu budoeni naderi. Tii õraru-ribi iny ritakremynade. <sup>30</sup> Tuu jiarÿ rarybereu, inyõ wahewomy kanakre. Tii waratyre awityhy rare. Tii dori wako-ki rarehyymyhyre waribi juhuure. Kia rarybereu tule jiarÿ tuurarybemahã. <sup>31</sup> Reeryõre heka tii, ihãre tahe anade tii aritÿnykemy judeu mahãdu-õ. Tai tahe anade iny bedi reratysebenymahãremy. <sup>32</sup> Tahe Joaõ tamyreny rellyre: — Jiarÿ Deuxu Tyytybytyhymy rabire tamy dobehede-õ. Bõtõre wesemy ityre-õ desede. <sup>33</sup> Deuxu riwateõnyre bedi iny ariratysybenykemy. Tahe riwateõnyre tahe wadee rarybere: — Aõmy kai bobikre? Deuxu Tyytybytyhy ronymy resekele inyõtyre-õ. Tii sohojile tahe Deuxu Tyytybytyhy-di iny riratysybenyke. <sup>34</sup> Jiarÿ tuu rabire, tai tahe reeryre, tule taheka relywãhãre, tii inatyhymy Deuxu Riõre raremy.

<sup>35</sup> Itxubiõwau tahe Joaõ taerydÿÿna inatxiõ-wana raremyhÿ. <sup>36</sup> Tahe Jesuisi nadeõ tuu robire. Tahe tamahãdu-õ rarybere: — Kowa tahe Deuxu Budoeni naderi. <sup>37</sup> Kia rybe-õ tiiboho roholareu, tahe roirenyre Jesuisi riheludunyrenykemy. <sup>38</sup> Jesuisi tahe tuu robire ihemy roirerimy. Tahe tamyreny rarybere: — Aõbo teijetenyteri. Tahe dirawyõnyde: — Rabi (kia rybe tahe irybereny-ki, erydÿÿdu rare), titxibo kai tasÿnymahãte. <sup>39</sup> Jesuisi rirawyõnyre:

—Bòdòibedenyke betehebennykemy. Tahe tii-wana roirenyre, tamy reteherenyre. Tahe txioromy tii-wana ihÿmyhÿ. <sup>40</sup> Joaõ rybe-ò ijohonaduò, Jesuisi helududÿÿduò, Andre rare. Tii Simaõ Pedro seriòre rare. <sup>41</sup> Andre tahe taseriòre Simaõ aõwesele rioryre. Tahe tamy rarybere: —Mesia-ki inyboho rahamy ratximyhÿreny. (Ka rybe, Mesia, heka. Kristumy rare, Deuxu deòdÿÿna rare.) <sup>42</sup> Tahe Andre Jesuisi-ò Simaõ didyde. Jesuisi Simaõ-ò retehere urihimÿy idi tamy rarybere: —Kai Simaõ tate, Joaõ riòre. Iribi tahe ani Sefamy rarekre (Kani heka Pedro rare.)

<sup>43</sup> Itxubiòwau Jesuisi Kalileia-ò rakremy ixi-di ròhòtynyre. Tahe Filipi riijere. Tamy rarybere: —Wahemy manakekò aõbo. <sup>44</sup> (Filipi tahe Besaida hãwã luduò rare Pedro, Andre-wana ihãwãluduòle rare.) <sup>45</sup> Filipi tahe Natanaeli wexti reare. Tamy rarybere: —Moisesi bede ywina tyyriti-ki inyòmy rarybere: —Tule Deuxu dee rybedu tyyriti-ki rarybere. Taile rahare. Jesuisi ihÿre. Nazare hãwã luduò rare. Jyje riòre rare. <sup>46</sup> Tahe Natanaeli ritÿÿraxinyre: —Aõwihikÿ aõkãbo Nazare hãwã-ribi kadòhònykre. Filipi rirawyònyre: —Manake betehekemy. <sup>47</sup> Jesuisi Natanaelimo robire naderimi tahe tuu rarybere: —Kowa judeu mahãduò inatthy rare. Tii hãbu òbiti rare. <sup>48</sup> Tahe Natanaeli rarybere: —Timykibo tiwaeryteri. Jesuisi rirawyònyre: —Figueira òra-ki tanyteò, umy rabire. Filipi aòrysmy raòreule, umy rabire. <sup>49</sup> Natanaeli rimasajuamy rirawyònyre: —Kai Deuxu Riòre tate Inerydÿÿdu tate. Kai judeu mahãdu Iòlò tate. <sup>50</sup> Jiarÿ adee rarybera: —Figueiraòra-ki umy rabireki. Kiakile aõbo, tiwatyhnyteri. Iratyre aõna aõna wiwihikÿ adee ariteòsinykre. <sup>51</sup> Inatthytyhymy adee araybekre: —Biuwetyy riranykre. Jiarÿ biuloosòna hãbu jiarÿ rare. ÿjuboho Deuxu-ribi wadee doideò kai bobikre. Idi waribi roireò bobikre.

## 2

<sup>1</sup> Inatã txu-di tÿmyra herina txumy reare. Kana hãwã-ki Kalileia bede-ki. Jesuisis tai ratximyhÿre. <sup>2</sup> Jesuisi tule ritobinyre tamy rakremy taerydÿÿna mahãdu-wana. <sup>3</sup> Lisinaube tya-ki vÿi mona ituere. Tai Jesuisise Jesuisi-ò rarybere: —Vÿi mona ituere, imona kòre. <sup>4</sup> Jesuisi rarybere: —Nadi, aõhebo arotÿÿnykre. Aõka wawidÿÿkòna wabededÿÿnanamy aõkòka bede rÿireri. <sup>5</sup> Tahe Jesuisise deòdu mahãdu-ò rarybere: —Anowidÿÿkÿmy adekereny tiki rarybekeki, ibutumy biwinybenyke. <sup>6</sup> Debòsohoji reurò mana butxi nihikÿ tai rÿimyhÿ judeu mahãdu ibe-di brebu òraru-ki aõna aõna risuhòmyhÿre worana bedehesinau. Mana butxi sohoji sohoji 80 urihixina ratyre rimyre. <sup>7</sup> Jesuisi tamyreny rarybere: —Ibutumy bedi bitÿxinybenyke. Tahe ibutumy ijã ratyre ritÿxinyreny. <sup>8</sup> Katahe iribi bitake. Worana bedehesi wedu-ò biwinybenyke imona. Tahe riwyreny. <sup>9</sup> Kia bee heka Jesuisi riwitxi-ranyre vÿi monamy. Tahe iwedu riurihire, rieryòre tiribibo nade. Deòdu tahe rieryre juhoo bee rare. Tahe iwedu rarybere weryrybò heridu-ò: <sup>10</sup> —Katahe awityhyre. Kai ijò-ribi iwitxiratyhmy tewinyteri. Ijò iny heka awityhy iko-ò ritxiwimyhÿ. Ihewomy tahe awiriòre ritxiwimyhÿre. Kai tahe awityhy ikonana-ò teyrubunya. <sup>11</sup> Katahe aõna aõna wiwihikÿ iny itxeremamy juhu ludu rare. Kana hãwã-ki Kalileia bede-ki ihÿre. Tii tarurutere riteòsinymyhÿre taerydÿÿna mahãdu-ò. Tai ierydÿÿna mahãdu rityhnyre.

<sup>12</sup> Iribi tahe Kafanaõ hãwã-ò Jesuisi dobehede tadi, taseriòre, taerydÿÿna mahãdu tii-wana roirenyre. Ijòtxumy tahe tai bede tÿnyrna rÿira.

<sup>13</sup> Pascoa worana bedehesi iòhòmy rÿireu, Jerusalê rotuore kia tahe judeu mahãdu worana bedehesina rare. <sup>14</sup> Tai Jesuisi Deuxu dohodÿÿna hetowo-ò ralore. Tahe iwo-ki itxi reare sòwemy aõna aõna-di rohonyrerì, broreni-di ijohodu-txi, budoeni-di ijohodu-txi, bòtòe-di ijohodu-txi, tule nieru wixira wixira wibydyÿÿdu mahãdu-txi reare tai ronymyhÿki. <sup>15</sup> Jesuisi reroti awaru hãtena wesemy riwinyre. Idi tahe dohodÿÿna hetowo-ribi ibutumy riòlòdÿÿre, budoeni, broreni-wana, tahe nieru wibydyÿÿdu mahãdu oworubesedyÿ-di Jesuisi rehure, tai nieru rejuxunyre. <sup>16</sup> Tahe rare bòtòe-di ijohodu-ò. Tamy rarybere: —Biòlòdÿÿnyke wa. Waha heto dori aõ-di ijohona aõkò rare. <sup>17</sup> Tahe Jesuisi erydÿÿna mahãdu tòhòti-txi reare aõbo Deuxu Tyyriti-ki roiretxi: —Waha heto yrubudÿÿna-ki dori riwasamyhÿre. Ariyrubunykeny dori watxireri, tai riwasareri.

<sup>18</sup> Judeu mahãdu Jesuisi-ò rÿÿraxire: —Aõherekibo kai teòlòdÿÿnyteri. Moba he arateranyreri tuu biwinykeny. <sup>19</sup> Tahe Jesuisi rirawyònyre: —Deuxusÿ-di behuke tahe inatã txu-di aditamadyÿnykre. <sup>20</sup> Tahe judeu mahãdu rarybere: —Ka heto 46 beòra-di relere, timykibo kai inatã txu-di biwinykeny. <sup>21</sup> Jesuisi tahe Deuxusÿmy taumylemy rarybere. <sup>22</sup> Iribi tahe iu rubu-ribi iixixana-txi tòhòtirenny reare, kia tuu rarybere-txi. Tai heka iritina rityhnyre, tule Jesuisi rybe rityhnyre.

<sup>23</sup> Jerusalê-ki Jesuisi Pascoa worana bedehesidyÿna riwyre. Aõna aõna wiwihikÿ inyy-ki ritxienyri riwinyre. Tai sòwemy iny inityhy rityhnyre. <sup>24</sup> Jesuisi tahe urihimÿyòle iny rityhnyre. <sup>25</sup> Tii dori ibutumy iny rayky rierymyhÿre. Inyò timy iny raremy tiu tamy aõna relyyòtyhy tii ibutumy aòerydu rareki.

## 3

<sup>1</sup> Nikodema fariseu mahāduō rare. Tii judeu mahādu weduō rare. <sup>2</sup> Tii rudimy Jesuisi roramy rara. Tahe tamy rarybere: —Wanyrŷ, reeryrenyre kai Deuxu-ribi erydŷŷdu tate. Inyō Deuxu-diōkeki tii aō wiwihikŷ riwinyōtyhy. Iwese aō wiwihikŷ kai tewinyte wese. <sup>3</sup> Tahe Jesuisi rirawŷnyre: —Inatyhytyhymy adee ararybekre: —Inyō ixityre reakōkeki, tii Deuxu Ōlōnasŷmy robiōtyhy.

<sup>4</sup> Nikodema rŷŷraxire: —Timykibo matuari ixityre reakemy. Timyrabo, icyby tadiwo-ō iny ralōkeki aōbo icyby iny raumynyke. <sup>5</sup> Tahe Jesuisi rirawŷnyre. Inatyhytyhymy rarybere. Inyō bera-ribi ratybienyōkeki Deuxu Tyytybytyhy-ribi ratybienyōkeki, tii ralōtyhy Deuxu Ōlōna-ō. <sup>6</sup> Deribi tybie heka dee rare. Deuxu Tyytybytyhy-ribi tybie tasŷ tyytyby rare. <sup>7</sup> Idi wanaōtaōmy aōmybo rarybereridi ixityre ijiranamy. <sup>8</sup> Tiō tiō yhy ribonymyhŷre: —Iwodŷŷ taholate, tahe tiribibo namyhŷde teeryōmahāte tiōhe ramyhŷre teeryōte, kia wesele iny Deuxu Tyytybytyhy-ribi tybie iny rŷire. <sup>9</sup> Tahe Nikodema rŷŷraxire: —Timyrebohe kia ratxike. <sup>10</sup> Jesuisi dirawŷnyde: —Kai judeu bede ersydŷŷdu tate ihārele teeryōte aōbo. <sup>11</sup> Inatyhytyhymy adee rarybere aōmybo reeryre, aōmybo rabire. Ihārele tahe kia tetyhynyōte. <sup>12</sup> Bede aōmydŷŷnanamy rarybere tahe tetyhynyōte. Timybo bityhynyke biu aōmydŷŷnanamy ararybekēki. <sup>13</sup> Iny sohojile biu-ō raōwōnyre, Deuxu Riōre Hābutyhyhykŷ rare. Tiile iribi juhu dobehede. (Tiile isŷre. Taile isŷ roire.) <sup>14</sup> Iwese Moisesi bederahy-ki womati hemylala ritamadŷŷnyre wese, Kiawesele jiarŷ, Deuxu Riōre Hābutyhyhykŷ, wadi kidiwatamadŷŷnykre. <sup>15</sup> Tahe inyō wadi rityhynykeki, umytedeōna tuu ritamy rŷihyy rakre.

<sup>16</sup> Deuxu Riōre sohojihyyle rare. Deuxu bede ludu mahādu ibutumy iluutyhyre. Tai tahe tariōre diteōnyde iny rityhynykre. Inyō tii rityhynyre-wana, umytedeōnahakŷ ritakre. Tii ruruōtyhy rubu bina bede-ō. <sup>17</sup> Deuxu taRiōre bede-ō diteōnyde bede iny mahādu tarasadumy rarekemy. Aō iny ywisidŷŷna-ō rirutykemy aōkō. <sup>18</sup> Inyō rityhynymyhŷreki, tii ywisidŷŷdu idi rehuōtyhy. Iny rityhynyōmyhŷreki tihe aōhōkŷmy dŷŷnana-txi riteōnykre Deuxu idi ratximyhŷre, tii dori Jesuisi rityhynyōhymyhŷre, Deuxu Riōre dela wahe. <sup>19</sup> Ibinatyhymy iny aōmydŷŷnana bede bedemy rŷira, tai bede luru-ki rira tamy awira. Tuu loosōna nadeu, tamy ibinare. Tai tahe Deuxu riteōnykemy idi ratximyhŷre. <sup>20</sup> Inyō aōbinahakŷ rotŷŷnymyhŷre, loosōna dera heka tuu rŷira; loosōna-ō rehemynyōtyhy, rehemynyre-wana, iny taaōbina bina rierymyhŷre. <sup>21</sup> Iny tahe awiwihikŷle rotŷŷnymyhŷre-wana tii tahe loosōna-ō rehemynykre rŷira, taaōmydŷŷnana dori Deuxudeewimy ririmyhŷre, ibutu iny rierykemy ririre.

<sup>22</sup> Iribi tahe Jesuisi taerydŷŷna mahādu-wana Judeia bede-ō rōirenyre. Tai heka bededŷŷnanaō riwryre. Tiiboho iny ityhydŷŷdu mahāduō tai riratysebenyrenyre. <sup>23</sup> Joaō iribi iōhōmy ratxireri. Iny riratysebenymyhŷre. Tii Eno hāwā-ki Salī hāwā-ribi iōhōmy roire. Tai riratysebenyre sōwemy bee tai roimyhŷreki. Sōwemy iny tamy ratysebenymy rare. <sup>24</sup> (Joaō iu rotenamy ralōōlemy ratximyhŷre.) <sup>25</sup> Judeu mahāduō, Joaō erydŷŷna mahādu-wana rybetere txiōdŷŷna rōhōnyra, bede ywina ōbiti aōmydŷŷnanamy wahe. <sup>26</sup> Tahe Joaō erydŷŷna Joaō-ō doidenyde rarybekremy: —Waerydŷŷdurenŷ. Kai hābumy telymy tatemahā, kia Jordaō kanawe-ribi ijā-ki umy-wana raremyhŷ, tii rōratysebenyrenri. Sōwemy iny tamy wirotyre. <sup>27</sup> Tahe Joaō tamy rarybere: —Kia wadee awire aō aōkō iny ritamyhŷre, biu-ribi kanakēkile tahe iny aō ritake. <sup>28</sup> Jiarŷ heka Jesuisi nonanamy ijyymy diwateōnyde wahewo-ribi kanakremy. Jiarŷ tii aōkō rare. Tii tahe Kristu tyhy rare. Jiarŷ kiamy juhūu rarybewāhāre: —Kia tahe teerytenyde. <sup>29</sup> Inatyhymy tahe hābumy heridu wesemy Jesuisi rare. Ibutumy iny tuu robikemy tamy wirotyre. Ibiōwa weselemy jiarŷ rare. Tahe irybe-ō raholareu, reysamy rarewāhā. <sup>30</sup> Tai wadee awire iny tii rieryreki, waribi tahe nohōti rosakemy idi watxiwāhāre.

<sup>31</sup> Tii biujuxahakŷ-ribi nadeki ibutu ratyremy ratximyhŷre. Bede-ribi jiarŷ anadeki, tahe bede ludu jiarŷ rare, bede aōmydŷŷnanamy rarybewāhāre. <sup>32</sup> Tii rarybere aōmybo roholare, robire, tahe ijō iny rityhynyōhyre irybe. <sup>33</sup> Inyō tahe rityhynykeki, tii tule ijō-ō rarybere, Deuxu inatyhy rare wahe. <sup>34</sup> Deuxu deōdŷŷna heka irybelemy rarybere Deuxu dori Tatyytybytyhy ibutumy tamy diwahinyde. <sup>35</sup> Tyby taRiōre luure, tai tahe ibutu aōmydŷŷnana ywisidŷŷmy tamy diwahinymy diteōnyde. <sup>36</sup> Iny Jesuisi rityhynymyhŷreki, umytedeōnahakŷ-di iny rŷira. Inyō tamy ratxiōkeki, tii umytedeōna robiōtyhy, Deuxu ykarana dori tii-wana ratximyhŷre.

## 4

<sup>1-4</sup> Inyō fariseu mahādu-ō rarybere: —Jesuisi Joaō-ribi iny sōwemy diratysebenymyhŷde. Sōwemy iny ritamyhŷre ierydŷŷmy. Tahe Jesuisi aōkō rōratysebedŷŷmyhŷre, ierydŷŷnale tahe riratysebenymyhŷre. Iu Jesuisi kiamy rieryreu tahe, Judeia-ribi rexitare. Roirenyre

Kalileia bede-ò ritehemynkemy. Roirenyreu tahe Samaria bededihyyle riòhòrenyre. <sup>5</sup> Samaria bede hãwã-ò tahe ritehemynyre. Sika inire. Ijaò riòresu-ribi iòhòmy ròira, tariòre Jyje-ò riwahinyre wahe. Ijaò behãloo tai rÿimyhÿ. <sup>6</sup> Txutyeu tahe Jesuisi elerihynymy rononymhÿ tatilemy nadeki berysyna werora-ki. <sup>7</sup> Tahe Samaria mahãdu hãwyyò dobehede beixemy. Jesuisi tamy rarybere: —Beò inihe wadee bidiòke. <sup>8</sup> Jesuisi erydÿÿna mahãdu tahe juhuu roirenyre hãwã-ò rÿsÿna itxemy. Tai Jesuisi riraòmy rononymhÿ. <sup>9</sup> Tahe hãwyy rarybere: —Kai judeu mahãdu tate, jikarÿ samaria mahãdu rare. Anoherekibo wadeke textiòenyteri bemomomy. (Judeu mahãdu Samaria mahãdu-wana wiyemy reaòhyymyhÿre. Widi òludu wesemy rare.) <sup>10</sup> Tahe Jesuisi rirawyyònyre: —Kai heka teeryòhytyteri mobo jiarÿ rare wahe. Tule, Deuxu wahisidÿÿna teeryòte. Tiwaeriteriwana kai bedexitòenyeke, tahe bee irумы ihÿre adee ariwahinyke. <sup>11</sup> Hãwyy rarybere: —Wahì, timybo bee irумы ihÿre wadeke kanakre. Kai ahynakòre, hãloko heka behekyre bee irehere. Timybo bee iru kumy-wana ratxireri. <sup>12</sup> Kai anohe inytyby Ijaò ratyrene. Tiki heka behãloko wedu juhuku rare; idi riwahinyre inydekereny. Iribile iritxiòre riòmyhÿre tiki-wana, ibroreni riòmyhÿre. <sup>13</sup> Jesuisi tahe tarybetyhy-di rarybere: —Inyò kahãloobemy riòkeki, ixityre bemomomy ruruke. <sup>14</sup> Jiarÿ bee ariwahinyke. Inyò tahe kiabemy riòke-wana, tiu bemy tamy umyuedeònahakÿ riwahinyhymyhÿre. <sup>15</sup> Tahe hãwyy rarybere: —Wahì bee tuedeòdu ikuny tuu kariòke. Tai kakò kanakòtyhy berysmy. <sup>16</sup> Tahe Jesuisi rarybere: —Maa hÿny, ahãbu biòryke, tahe manake. <sup>17</sup> Hãwyy dirawyyònyde: —Anokòre, wahãbukòre. Jesuisi rarybere: —Inatyhymy tarybeteri ahãbuòremy. <sup>18</sup> Kai heka iruyre ahãbu tate. Wijina tahe ahãbu aòkò rare atÿhibiòwale wahe. Kia tahe inatyhymy tarybeteri. <sup>19</sup> Wahì, wiji tahe arakeryra, kai Deuxu rybeduò tate. <sup>20</sup> Wahareny Deuxumy reallãmyhÿre kahãwãlò-ki. Amahãdu anokò, tamy tahe Jerusalè Deuxu deallana rare. <sup>21</sup> Tahe Jesuisi rarybere: —Lerÿ, warybe bityhinyke. Kanakre itxu kahãwãlò-ki aòkò, Jerusalè-ki aòkò Waha Deuxu deallana rarekre. <sup>22</sup> Kaiboho aòmybo tealate teeryòtenyte. Jiarÿboho tahe aòmybo reallãre, reeryrenyre, tarasana dori judeu mahãdu-ribi nade. <sup>23</sup> Kia bededÿÿnanamy reara. Inyò Waha Deuxu àlanamy ratximyhÿreki Deuxu Tyytybytyhy-di, inatyhyna-di reallãmyhÿre. Tui deallana mahãdu Deuxu riijemyhÿre. <sup>24</sup> Deuxu Tyytyby rare: —Tai tahe tudeallãnadu tatyytyby-ki inatyhyna-ki tuu reallãmyhÿre. <sup>25</sup> Kia tahe jikarÿ rekeryre, Mesia kanakre, Deuxu deòdÿÿkÿnamy wahe, Kristu inire. Tiki kanakreku wahe, ibutumy inydekereny anona anonamy relykykre. <sup>26</sup> Jesuisi rarybere: —Jiarÿ tahe tiire, umy-wana wiji rarybereri wahe. <sup>27</sup> Tahe Jesuisi erydÿÿna mahãdu rehemynyre. Hãwyy-wana rarybereriki tahe ribedeòtiidÿÿnyrenyre. Tahe inyò tamy rÿÿraxiòhyre. Aòmybo tamy rÿÿraxire, ada aòherekibo tamy rarybereriki. <sup>28</sup> Iu tahe hãwyy tabutxi ririre, hãwã-ò rara. Tahe tahãwã mahãdu-ò rarybere: <sup>29</sup> —Bodoibedenyeke wahemy. Betehebenykemy hãbu-kò. Tiki wakoku relykyre ibutumy anohebo ratÿkÿnymahãremy. Tiki kòsana Kristu ratxireri. Deuxu deòdÿÿkÿna rare. <sup>30</sup> Hãwã-ribi roirenyre Jesuisi-ò. <sup>31</sup> Iu hãwyy hãwã-ki rareamyhÿreu, tahe ierydÿÿna Jesuisi-ò rarybere: —Iny erydÿÿdurenÿ rÿsÿnaò birÿsÿke. <sup>32</sup> Tahe Jesuisi rarybere: —Warÿsÿnadire wahe. Kaiboho heka kia rÿsÿna teeryòtenyte. <sup>33</sup> Tahe widee raryberenyre: —Inyò kòaòboka tamy rÿsÿnaò riwyneri. <sup>34</sup> Jesuisi rarybere: —Wadeòdÿÿdu deewimy ariwinykemy idi watxireri. Kia tahe warÿsÿnare, iaòmysÿdÿÿna arihukemy wahe. <sup>35</sup> Maixòmo butuna inaubiòwa ahãdu-di bidiòrarunybenykemy kaiboho tahòtintenyteri. Tahe aòkòre adeereny ararybekre. Betehebenyeke bedero-ò. Maixòmo redenamy rÿire. <sup>36</sup> Kia maixòmo butudÿÿdu iòwy ritake, tahe umyuedeònahakÿ-ò iny ributunyre. Tahe wivanale riwodeysanymyhÿre ibròdÿÿdu ibutudÿÿdu-wana. <sup>37</sup> Iwese inyò rarybere wese, inatyhy rare. Ijò tahe ibòròdÿÿdu rare. Iwitxira tahe ibutudÿÿna rare. <sup>38</sup> Jiarÿ kaiboho arateònymahãre. Aòbo tebòrònyòtenyte tahe bibutunyeke. Juhuu inyò raaòmysÿdÿÿre: —Kaiboho tahe iraty temytenyte.

<sup>39</sup> Tahe hãwyy òraru-ki sòwemy Samaria hãwã mahãdu rityhynyre. Hãwyy rarybere juhuu: —Tiki wakoku relykyre ibutumy anohebo ratÿkÿnymahãre walananonamy relykyre. Kia rybe òraru-ki tahe rityhynynyre. <sup>40</sup> Samaria hãwã mahãdu tahe Jesuisi-ò rexitòenyre tii-wana roirekemy. Tahe Jesuisi tii-wana inatxi txumy riwyre. <sup>41</sup> Sòwemy tahe rityhynyre Jesuisi Rybe òraru-ki. <sup>42</sup> Tahe hãwyy-ò rarybere. Wiji tahe arybe òraru-ki aòkò retyhynyeri. Tamy tyhy-ò jiarÿle raholare, tahe reeryre tii bede iny tarasadu tyhymy raremy.

<sup>43</sup> Inatixtu-di tahe Samaria-ribi rare Kalileia bede-ò. <sup>44</sup> Jesuisi dori rarybere: —Deuxu rybeduò uladumy ijirana bede-ki iny rityhynyòhyymyhÿ. Tiu tamy wowydynaò riwahinyòtyhy. <sup>45</sup> Kalileia mahãdu juhuu Jerusalè-ò tule roirenyre, worana bedehesi rÿimyhÿraò. Ibutumy aòbo Jesuisi riwinyra heka tiiboho reteherenyre. Tai Jesuisi tasubede-ò rehemynyre tiiboho awimy ridyrenyre.

<sup>46</sup> Tahe ixityre Jesuisi rehemynyre Kana hãwã-ò. Juhuu tai bee riwitxiranyre vÿi monamy wahe. Bede dinodu aòmysÿdÿÿdu Kafanaò-ki rasÿnyre. <sup>47</sup> Jesuisi Kana hãwã-ki ratxirerimy hãbu roholareu, tamy rara. Tariòre dori ibinamy roire taheto-ki. Jesuisi-ò hãbu rarybere: —Manakekò aòbo waheto-ò wariòre biteytekemy. <sup>48</sup> Jesuisi rirawyyònyre: —Kaiboho bede

aõmydÿÿnana wiwihikÿ tetehtenyteule tetyhynytenyete. <sup>49</sup> Hãbu heka Jesuisi-ò rarybere: —Wanyrÿ, wylemy manake wariõre rurukreko-txi. <sup>50</sup> Jesuisi rarybere: —Bõõseke, ariõre dori awimy relera. <sup>51</sup> Tahe tii Jesuisi rybe rityhynyra tai ròõsere taheto-ò rakemy. Ijõ txu tahe ryro-ki teõdu-wana witxi reare. Tii rarybere: —Ariõre reytera aheto-kile. <sup>52</sup> Hãbu ritÿÿraxinyre tiubo reytera. Tahe relyyre. Kaule, txutyeu reytera. <sup>53</sup> Jesuisi rarybereu, kiale i riõre reytera. Hãbu rieryre. Tai tahe idi ibutumy hãbu sÿmahãdu Jesuisi rityhynyre. <sup>54</sup> Kia tahe Jesuisi inatxina aõna aõna wiwihikÿ iny itxeranamy riwinyre Kalileia bede-ki.

## 5

<sup>1</sup> Iribi tahe judeu mahãdu worana bedehesimy rÿimyhÿ. Tai tahe Jesuisi rare Jerusalẽ-ò. <sup>2</sup> Hãwãy-ki tahe hãloo ibedÿÿ roimyhÿ budoeni ryijõ iõh-ò-ki rÿimyhÿ. Beteta inire, hebraika rybe ini rare, judeu rybe wahe. Iruyre iwõtena ube iwerora-ki rÿire. <sup>3</sup> Sõwemy webinadu ube-ò wii rotyre, iny rueta ijõre, iny tiere ijõre, inytibina ijõre. <sup>4</sup> Tiibocho ÿjuõ riraõmyhÿre. ÿju beõ rerireu tahe raukÿre. Mobo juhu itxi resekeki tahe, tii reytemyhÿre. <sup>5</sup> Hãbuõ 38 beõramy ibinamy roimy raremyhÿ. <sup>6</sup> Jesuisi tamy retehereu, rieryre tiwesebeõdrabo ibinamy roimy rare myhÿ. Tahe tamy rarybere: —Kai aõbohe beytekekõ. <sup>7</sup> Hãbu dirawyõnyde: —Aõkõre Wanyrÿ, wawidhedÿÿduõre. Bee rexiukÿnyrau, ijõ wako-ò ralõmyhÿre. <sup>8</sup> Jesuisi tamy rarybere: —Myikewa, abyre bimyke, mariake. <sup>9</sup> Aõwesele hãbu rÿimy reare, awimy. Tabyre rimyre tahe rariare. Kia txu tahe sabado txu rare. Kia txu tahe judeu aõmysÿdÿÿna txu aõkõ rare. <sup>10</sup> Tai tahe judeu mahãduõ tamy rarybere: —Abyre-di riraõmy, sabado txu dori õbiti aõkõ rareki. <sup>11</sup> Tahe dirawyõnyde: —Wadeytedÿÿdu wadee rarybere wabyre arimykemy. <sup>12</sup> Tahe tamy rÿÿraxire: —Mobo adee rarybere abyre bimykemy idi mariakemy. <sup>13</sup> Tahe hãbu deytedu rieryõre mobo rare. Jesuisi dori dexitade iribi. Sõwemy iny tai rÿimyhÿ. <sup>14</sup> Deuxu dohodÿÿna heto-ki Jesuisi idi hãbu-ki rahara. Tamy rarybere: —Kai teyteta, inatyhy. Tai tahe aõraruna biixãwidyneke, aõbinatyhy aõhe adee rotÿÿnyheny. <sup>15</sup> Hãbu tahe rare. Judeu mahãdu-ò rarybere, mobo teytedÿÿdu raremy, Jesuisi wahe. <sup>16</sup> Tai tahe judeu mahãdu Jesuisi ibinamy rexidelenyemy rarybere, sabado txuu kia riwinyreki. <sup>17</sup> Jesuisi tahe rarybere tamyreny: —Waha, Deuxu aõu raõmysÿdÿÿre, jiarÿ tulere. <sup>18</sup> Tai tahe sõwemy irubudÿÿmy rurumyhÿre. Sabado txu bede ywina-ribi tii riywinyõre. Tule Jesuisi Deuxu wesemy rexioire, Wahamy dori rarybemyhÿreki.

<sup>19</sup> Tai tahe Jesuisi tamyreny rarybere: —Jiarÿ ixi-di aõkõ aõmydÿÿnanamy ratÿÿnymahãre aõbo Waha riwinyemyhÿre, jiarÿ tule rewinywãhãre iweselemy. <sup>20</sup> Waha Deuxu dori waluure. Aõbo riwinyre wadee riteõsinyre, tai tahe aõruxerakahÿtyhymybo bobibenykre, idi bede biõtiinybenykre. <sup>21</sup> Waha Deuxu dori rubu-ribi iny riixixanyemyhÿre. Tai tule jiarÿ iny areixixanyke ixideewikeki. <sup>22-23</sup> Ibutumy iny hitxidÿÿna Waha wadee tuu rarybera, tii dori iny rihitxidÿÿnyõtyhy. Jiarÿle tahe iny ywisidÿÿdumy arõhõnykre, tai iwese Deuxu iny riwowydnyemyhÿre wesele iny riwawowydnyemyhÿre. Adeeremy Deuxu diwateõnyde. Tai inyõ riwawowydnyõkeki, tii Deuxu riwowydnyõreki. <sup>24</sup> Inatyhytyhymy adeeremy ararybekre. Inyõ warybe roholakeki, wateõdÿÿdu rityhynykeki, tii wijityhyle umytedeõna ritake, ywisidÿÿduko-ò rõhõnyõtyhy, rubu ryribi rõhõnyre umy irumy ihÿre ryõ iny ralõmyhÿre. <sup>25</sup> Inatyhytyhymy adee arelyykre: —Bededÿÿnana-ki kõhõra, bede dÿÿnanamy reara. Tahe rubu mahãdu Deuxu Riõre rybe-ò roholakre. Roholamy rÿikeu tahe irumy rÿike. <sup>26</sup> Tyby dori iumyõnanaõhyre wese tule iRiõre rare. Umytedeõna wedu rare. <sup>27</sup> IRiõre heka hitxidÿÿna wedumy relera. Tii dori Deuxu Riõre Hãbutyhyhykÿ tii rare, jiarÿ wahe. <sup>28</sup> Bedeõtiidÿÿõmy tahe bededÿÿnanamy he reare. Rubu mahãdu wabedey-ki warybe-ò roholakre, tai iribi rõhõnykre. <sup>29</sup> Ibutumy aõwibo riwinyre mahãdu kedexixakre umytedeõnahakÿ-di. Kia ibinamy riwinyemyhÿre mahãdu ywisidÿÿdu-ò rexixakre.

<sup>30</sup> Jiarÿ ixi-di aõkõ aõmydÿÿnanamy ratÿÿnywãhãre. Iwese Waha-ò raholare wese iny ywisidÿÿmy arõhõnykre. Waywisidÿÿna heka õbiti rare. Wadee wimy aõkõ dori tuu watxiwãhãre. Waha wadeõdudeewimy tuu watxiwãhãre. <sup>31</sup> Iximy ararybekeki, inyõ riwatyhynyõtyhy. <sup>32</sup> Iwitxira heka tuu rarybereri wamy wahe. Reeryre inatyhy raremy. <sup>33</sup> Kaiboho inywitxira teteõnytenyete. Joaõ ratysebedÿÿdu-ò rÿÿraxikemy ibutumy kia wamy rarybere inatyhy rare jiarÿ inatyhy rare. <sup>34</sup> Iny wamy rarybemyhÿre, tahe jiarÿle kia rejjeõhyymahãre inale rieryõre wamy rybe, wahe. Tahe kiamy adee relyywãhãre kaiboho ritamy rÿikemy. <sup>35</sup> Joaõ tahe loosõna wesemy raremyhÿ. Tii urihimyo bededÿÿnana ritoosõnyemy raremyhÿwesemy tahe kaiboho atximahãtenyete. Idi urihimyo-ò teysatenyete iloosõna-di, idi iribi kaiboho tarerenyete. <sup>36</sup> Jiarÿ Waha õrau-ki aõmydÿÿnana wiwihikÿ, rewinymahãre. Kaheka inatyhymy urihixina rare. Joaõ wamy rarybere ratyre heka kaa roire, Deuxu Waha inatyhymy wadeõdu raremy riteõsinyre. <sup>37</sup> Waha wadeõdu wamy tule relyyre. Kaiboho irybe-ò taholaõtenyete tule tii tabiõtenyeta. <sup>38</sup> Kaiboho tamy taholaõhyymahãtenyete, tiwatyhynyõteki, jiarÿ dori iteõdÿÿna rare. <sup>39</sup> Tyyriti-ò tetehtenyete iwo-ki dori umytedeõna-ki mahakemy tahõtinytenyete. Ritidÿÿnakile wamy rellymyhÿre.



40 Ihārele tahe wadee taõmahāte adeeremy umyuedeõna ariwahinykemy. 41-42 Aõmybo wamy iny rarybemahākeki, aõ aõkõ rare wadee, jiarỹ dori reeryre Deuxu luuna-di aõkõ atxitenyteri. 43 Jiarỹ Wahani-di anade, tahe kaiboho tiwatyhynyõmy wadi ahāte. Inyõ ixideewilemy kanakeki, kaiboho bityhynybenykre. 44 Tai heka tetyhynyõmahātenyete. Wídee dori kaiboho tewowydynamahātenyete, tahe Deuxu-ribi wowodyna ritakemy terarenyre, sohojihyire heka Deuxu. 45 Kíamy tahe Waha-õ arelyyõkre, Moisesi tahe relyykre. Moisesi bede ywina dori, ararõsõnyrenyre rare. 46 Inatyhymy Moisesi tetyhynymahāte-wana tule jiarỹ biwatyhynymahāke, wamy dori Moisesi rorātidỹyre. 47 Irybe bityhynyõkeki, timybo warybe bityhynyke.

## 6

1 Iribi tahe Jesuisi Kalileia aho-ki ixiby reurore, Teberíade ahoniõre. 2 Tahe sõwemy iny riheludunyre tuu robireki, aõna aõna wiwihikỹ, deytedỹyna wiwihikỹ robireki. 3 Tahe hāwālõratyy-õ Jesuisi raõwõnyre taerydỹyna mahādu-wana —rorukurenyre tai. 4 Judeu mahādu worana bedehesi rexidelenykemy iõhõre. 5-6 Tahe Jesuisi retehere inysõwehekỹ-õ, tamy rehemynererì. Tai Filipi-õ riurihimy rarybere: —Tikibo orotxu tamyrenyre rikiõbranyke riyrenykemy. Jesuisi rierymyhỹre aõbo riwinykremy ratxireri ihārele tahe Filipi-õ kia rarybere. 7 Filipi tahe dirawyõnyde: —Inyõ sohoji sohoji orotxu yre sohoji riykeki, 200 prata womati nieru rakahurennye ihāre rimyõtyhy. 8 Andre Jesuisi erydỹyna-õ rare, Simaõ Pedro seriõre rare. Tii tahe Jesuisi-õ rarybere: 9 —Weryryboõ kaki ihỹmyhỹ. Iruyre cevada orotxu idi ratximyhỹ, utura inatxi. Kia tahe aõ aõkõ rare inysõwe-õ. 10 Tahe Jesuisi taerydỹyna-õ rarybere: —Tamy marybebenyke ranyrenykemy asityrekile. Tahe rorukurennye íbutumy. Hābu 5000 ronyre ijõ inyõ tahe sõwetyhymy rorukure. 11 Jesuisi orotxu rimyre. Deukumy realāre, idi tahe tamyrenyre riwahinyre. Tule utura-wana wiwesele risỹnyre. Tuu rotỹnyre. Ibutumy heka ixideewina rirỹsỹrenyre. 12 Rihydyrenyreu, Jesuisi rarybere taerydỹyna mahādu-õ: —Bibutunyenye rauhenyru uritere ixinamy itxiwixirenyõkemy idi watxireri. Uritere idi dehurennyõmy. 13 Tahe ributunyenyre iuhe waõinatxi reurõmy weriri ritỹxinyre orotxu yrere-di. 14 Jesuisi aõwiwihikỹ widỹnyam robirenyre kíamy tahe raryberenyre. Tii inatyhymy Deuxu Rybedutyhy rare. Juhuu dori tuu rarybere kabede-õ kanakemy. Inyboho tii riraõmyhỹre.

15 Rõhõtinenyre: —Jesuisi inyiõlõrenymy rikimynenykre. Tamy røkõirennye. Iu Jesuisi kia rieryreu, ixisohojilemy rexitare ixiby, hāwālõ-õ.

16-17 Íbedesou aho ijā-õ ierydỹyna mahādu riberenyre riraõkemy. Bede rurunyre tahe Jesuisi rehemyõhyire. Tai hāwõõ rimyrenyre idi reurõkemy ijõwe-ribi ijā-õ, Kafanaõ hāwā-õ. 18 Tahe yhy deborehekỹ tiribi tiribi rebonymyhỹ. Òbõ tahe resemyhỹ. 19 Sohoji urihixina iõhõmy rõireny tahe Jesuisimy robirenyre. Tii betyredile tamyrenyre nariamy nade. Tiiboho ruberunihikỹrenyre. 20 Jesuisi tamyrenyre rarybere: —Jiarỹle wa rare, breburennyõmyke. 21 Tai tahe hāwõro-õ Jesuisi ronykemy tiiboho disỹnydenyde. Aõ wesele tahe rehemyrenyre tiõbo rõirennyre.

22 Itxubiõwamy sõwemy iny wii ributunyre aho kanawe-ribi ijā-ki. Hāwõ sohojile tahe tai roire aho-ki. Jesuisi erydỹyna mahādu roirennyre rieryrenyre. Tahe Jesuisi aõkõ idi rare. 23 Tahe hāwõõ dehemyrenyde. Teberíade hāwā-ribi Jesuisi tai ratximyhỹ iõhõ-õ. Tai juhu Jesuisi rexitõenymy rỹimyhỹ tahe orotxu tamy riwahinyre. 24 Jesuisi iõre tai, ierydỹyna mahādu iõre. Kia tahe iny sõwemy robirau, hāwõ-õ rimyrenyre. Iõrysmy roirennye, Kafanaõ-õ. 25 Kanawe-ribi ijā-õ rehemyrenyre, tii-wana witxi reare. Tahe tamy rỹraxyre. Waerydỹdurennyre, tiubo kaõ tadehemynyete. 26 Aõwiwihikỹ rewinyrenyre aõkõ tiwajetenyteri, rỹsỹna adeeremy rewahinyrakile, tehydymy terỹsỹtenyatakile. 27 Rỹsỹna tyhy ituemyhỹre kiaõle aõkõ maaõmysydỹbenyke, tahe iwitxira rỹsỹna-õ maaõmysydỹbenyke, kia ituedeõna-di aõkõ rare. Deuxu Riõre Habutyhyhykỹ dori adee riwahinykre. Kia rỹsỹna umyuedeõnahakỹ wesemy rare. Taile tahe Deuxu Waha riwateõnyeri. 28 Tahe Jesuisi-õ rỹraxyre: —Tímybo iny Deuxudeewimy arotỹnyrenykemy. 29 Jesuisi dirawyõnyde: —Kíalemy, biwatyhybenyke: —Deuxu dori wateõdỹdumy rare. 30 Tahe raryberenyre tamy: —Aõwiwihikỹbo inyko-õ biitxeredỹnyke. Aõhebo botỹnykre, iny aratyhynykemy. 31 Inybyrenyre orotxu riyrenyre bederahy-ki. Kia wese Tyyriti-ki roire: —Moisesi tamy orotxu riwahinyre biu-ribi.

32 Jesuisi rirawyõnyre: —Inatyhy tyhymy Moisesi aõkõ tamy riwahinyre. Waha dori biu-ribi orotxu tyhy adee riwahinyre. 33 Deuxu orotxu tahe irutyhymy inydee riwahinyhỹre, biu-ribi diwahinymyhỹde. 34 Tahe raryberenyre: —Wanyrỹ, tiu kia orotxu bidiwahinymahākre. 35 Jesuisi iximy rarybere: —Jiarỹ orotxu irutyhymy rare. Inyõ wadee kanakeki, tiu rama risaõtyhy. Inyõ riwatyhynykeki, tiu bee risaõtyhy. 36 Adeeremy heka rarybere: —Wamy tabitenyete, ihārele tiwatyhynyõtenyete. 37 Ibutumy iny Waha wadee riwahinymyhỹre wadee kanakre. Tiu ixi-ribi ariteõnyõtyhy. 38 Adobehede dori

aõ ixideewimy aõma arotÿÿnykemy aõkõ. Wadeòdÿÿdudeewimy arotÿÿnykemy watxiwãhãre. <sup>39</sup> Tiu ariõnonyõtÿhy wadee diwahinydeò kiaboho ibutummy ikonana txuu rubu-ribi ariixanykre. Kia tahe wadeòdÿÿdu deewimy rare. <sup>40</sup> Inatÿhymy Waha deewimy kia rare. Iny iRiõremy robireu, rityhynykeu, umy tuedeõna ritake. Ikonana txuu tahe rubu-ribi ariixanykre.

<sup>41</sup> Jesuisi rarybere: —Jiarÿ biu ludu orotxu rare. Tai tahe judeu mahãdu aõbina binahakÿlemy rarybemyhÿre. <sup>42</sup> Kia wese rarybemyhÿre: —Kaa Jesuisile rare. Jÿje riõre rare. Tyby he jÿoi eryna rare ise tule. Aõherekibo tii rarybereri biu-rubu nademy. <sup>43</sup> Tahe Jesuisi dirawyõnyde: —Tuu wamy ryberenyõmyke ayludurenymy. <sup>44</sup> Wadeòdÿÿdu iny wadee rayky-ò rarybemyhÿre namyhÿde. Kia wesele iny wadee kedehaminykre, ikonana txuu tiiboho rubu-ribi ariixanykre. <sup>45</sup> Deuxu rybedu Tÿyriti-ki kia rybe rÿire: —Deuxu ibutummy iny ribedeerydÿÿnykre.

Tai tahe Waha-ribi iny rierymy roholamyhÿre, tii tahe wadee reheminykre. <sup>46</sup> Inyõ Wahamy robiõhymyhÿre jiarÿle tahe tuu rabimahãre, iribi anadeki. <sup>47</sup> Inatÿhytyhymy adee rarybemahãre. Inyõ riwatyhynykeki, umy tuedeõnahakÿ tiiwanale ratxireri. <sup>48</sup> Jiarÿ orotxu wesemy jiarÿ rare. Umytuedeõna wahidÿÿdu jiarÿ rare. <sup>49</sup> Boreny dori biu-ribi orotxu rÿire bederahy-ki. Irabihy ibutummy tiiboho ituereny. <sup>50-51</sup> Jiarÿ tahe biu ludu orotxu wese rare, inyõ tahe kia orotxu rÿykeki, tiu uruõtÿhy. Wauemy ariwahinykre rubu-ò ibutummy iny òraruna òwydÿÿmy. Tamyreny umytuedeõna riwahinykre rubu-ò ibutummy iny òraruna òwydÿÿmy. Tamyreny umytuedeõna riwahinykre.

<sup>52</sup> Judeu mahãdu tahe txiõdÿÿna rybemy widee raryberenyre: —Timybo tadelemy inyboho riõwenyrenyemy wahe. <sup>53</sup> Jesuisi rirawyõnyre: —Inatÿhytyhymy adee ararybekre. Kaiboho Deuxu Riõre Hãbutyhyhykÿde biròõbenykeki, umytuedeõna bitabenyõtÿhy. Ihãlubu biõbenykeki, umytuedeõna-di aõkõ atxitenyteri. <sup>54</sup> Inyõ waderòdu wahãlubumy momodu tii umytuedeõna-di ratxireri. Tii tahe ikonana txuu rubu-ribi adiixanykre. <sup>55</sup> Wade heka juhu irònatyhy rare, wahãlubu tu monatyhy rare. <sup>56</sup> Inyõ wadi rirokeki, wahãlubu riõkeki, wawana tÿhyy ratxireri. Jiarÿ tule tii-wana watxihyreri. <sup>57</sup> Waha irumy ratxireri. Tii wadeòdÿÿdu rare iòraru-ki warumy watxireri. Tule waderòdu irumy ratxike waòraru-ki. <sup>58</sup> Jiarÿ biu ludu orotxu inatÿhy jiarÿ rare. Iwese bederahy orotxu heka boreny rÿyrewesemy aõkõ jiarÿ rare. Ihãrele tahe ituereny. Inyõ riwaykeki, rexixahymy rarekre. <sup>59</sup> Kia ibutummy Jesuisi rarybere Kafanaõ judeu dohodÿÿna-ki, rierynanymyhÿreu.

<sup>60</sup> Iribi tahe Jesuisi-ò ijohona mahãdu rarybere: —Kia isira tyhyre iny rÿykeki. Inyõ heka kia rityhynyõtÿhy.

<sup>61</sup> Jesuisile heka rexierymyhÿre tiiboho tuu rarybemyhÿreki, tahe tamy rÿÿraxire: —Kaa aõbohe arabinadÿÿnyrenyke.

<sup>62</sup> Tahe jiarÿ Deuxu Riõre Hãbutyhyhykÿ, ixÿby biu-ò aròõsekeki, timybo marybebenyke, kaiboho wamy bobibenykeki. <sup>63</sup> Deuxu Tÿytybytyhyle umytuedeõna riwahinymyhÿre. Umydetyhy umytuedeõna-di aõkõ rare. Urile adee rarybemahãre Deuxu Tÿytybytyhymy rybena rare, adeereny umytuedeõna rare. <sup>64</sup> Tahe inyõ ayreny ludu riwatyhynyõreri. Jesuisi tahe juhuu-ribi rierymyhÿre mobo rityhynyõmyhÿre, tule mobo atxiõdÿÿdumy rarekremy. <sup>65</sup> Jesuisi rarybereny tii-wana: —Jiarÿ juhuu rarybewãhãre. Inyõ Waha wadee riteõnyõkeki tiu wadee kanaõtÿhy. Tai heka tuu adee jiarÿ rarybere.

<sup>66</sup> Kia rybe òraru-ki sòwemy taerydÿÿna mahãdu ririrenyre. Tahe roirenyre. <sup>67</sup> Tahe Jesuisi rÿÿraxire taerydÿÿna waõinatxi reurò mahãdu-ò. Ka bexe boibenyõkre aõbo biwaribenyõkre aõbohe. <sup>68</sup> Tahe Simaõ Pedro rirawyõnyre. Wanyrÿ moobo aròirenykre. Kaille heka umytuedeõna rybe-di atxiteri. <sup>69</sup> Jiarÿboho ka aratyhynmahãreny. Araeryreny ka, kai Deuxu-ribi hãbu òbitityhymy atximahãte. <sup>70</sup> Jiarÿ aratareny waõinatxi reurò inymy erydÿÿna mahãdumy. Ihãre tahe inyõ ratximyhÿre diabòõ heka tii rare. <sup>71</sup> Jesuisi tahe Judasi Isariõmy rarybereri. Iwò inatxinamy wahe. Simaõ-Isariò riõre tii rare. Judasi dori Jesuisi riwahinykremy ratxireri iòludu mahãdu-ò.

## 7

<sup>1</sup> Judeu mahãdu Jesuisi rubudÿÿmy rumumyhÿre. Tai tahe Judeia bede ludu hãwã-ò ralòomyhÿre. Kalileia bede hãwãdile rariamyhÿre. <sup>2</sup> Tahe judeu mahãdu worana bedehesi iòhòmy rÿimyhÿ. Kiani tahe heto riõre worana bedehesi rare. <sup>3</sup> Tahe Jesuisi seriòreboho tamy rarybere: —Make wa karibi Judeia mahãdu bede-ò aerydÿÿna mahãdu dori aõwiihikÿ kai tewinyteò tuu robikemy. <sup>4</sup> Aõwiihikÿmy tewinyteri, tai tahe ixinamy iny tuu ibutummy robikre. Ibutummy iny ixierysmy tahòtÿnyteri-wana urile iny lau iwòteõmy aõna aõna wiwihikÿ. <sup>5</sup> Jesuisi seriòre mahãdu tule rityhynyõre. <sup>6</sup> Jesuisi tahe dirawyõnyde: —Wiji araõkre wabededÿÿnanamy dori tuu reaõmy ratxireri. Kaiboho tahe adohotalemy bòike. <sup>7</sup> Bede ludu mahãdu iny dori aluurennyre, tahe waderamy rekoarennyre. Iòaranamy dori jiarÿ tamy rarybemahãre, ibinatÿhyremy. <sup>8</sup> Kaiboho boibenyke worana bedehesi-ò. Jiarÿ

tahe wiji araõkre, wabededÿÿnanamy reaõmy doimyhÿde. <sup>9</sup> Kia tahe Jesuisi tamyreny rarybere. Tahe Kalileia-ribi Jesuisi rõhõnyõmy rÿimyhÿre.

<sup>10</sup> Tahe iseriõre roirenre worana bedehesi-õ. Idi tahe tule tii rare iherenymy itÿnymy aõkõ wahe, wasimy inyõ tuu robiheny. <sup>11</sup> Judeu mahãdu tahe Jesuisi riijemyhÿre worana bedehesi õrake-õ. Rarybemyhÿre: —Titxibo tahe tii ratximyhÿre. <sup>12</sup> Jesuisimy rybe ixitxiõdÿÿna rõhõnyre inysõwehekÿÿ-ki. Inyõ heka awimy tuu rarybemyhÿre. Ijõ tahe ibinamy tuu rarybemyhÿre, tii iny itxenadÿÿdu raremy. <sup>13</sup> Inyõ tuu rarybeõhyymyhÿre ibutumy ijohonamy judeu mahãdu lau ruberureki.

<sup>14</sup> Worana bedehesi tya-ki Jesuisi Deuxu dohodÿÿna heto-õ ralore ribedeerynkemy. <sup>15</sup> Ribedeerynyre tahe judeu mahãduõ ijõ-õ rarybere: —Timykibo he kia ritidÿÿna rierymy tuu rarybemyhÿre. Rierykõ ihãrele iny riernanymyhÿre. <sup>16</sup> Tahe Jesuisi dirawõnyde: Waerydÿÿna-di aõkõ rebedeeryre, Deuxu wateõdÿÿdu rybe-di wahe. <sup>17</sup> Inyõ Deuxudeewimyratkikeki, tii rierykre aõerydÿÿnabo õbitimyratkireri. Tii rieryke Deuxu-ribi aõbo rarybereri ada ixi-ribi rarybereri. <sup>18</sup> Iny ixi-ribi rarybekeki, tiile rexiloosõnanyke. Tahe iny iteõdÿÿdumy rarybekeki, tii tahe inatyhy rare. Tii inatnymy õbiti rare. <sup>19</sup> Moisesi adee bede ywina riwahinyre: —Tahe kaibohoõ tetyhynyõhyymahãtenyete. Tai tahe aõherekibo biwarubunykemy atxitenyteri. <sup>20</sup> Tamy inyõ dirawõnyde. Kaita itxÿyeteri. Inyõ ka ararubunykemy aõkõ ratxireri. <sup>21</sup> Jiarÿ inyõ reteytenyre sabado txu tahe kaiboho wadi bede teõtiinytenyete. <sup>22</sup> Boholake, Moisesi bede ywina arateõnyke ariõre ritõtyky arõkemy resynanykemy. (Boboho tahe kia tuu ritelenyre Moisesi aõkõ.) Tahe notyky resyna txu rÿikeki, tuu tewinyete sabado txu hãrele. <sup>23</sup> Kia sabado txu biwinybenykeki Moisesi bede ywina riwinynkemy, tahe aõherekibo wadee taykarananyteri hãbu sabado txu reteytenyrekiki. <sup>24</sup> Aõ õbitimy aõkõ rare, õbitimy tahõtinyterikile. Õbitinale-di maraykynybenyke.

<sup>25</sup> Ijõ Jerusalẽ hãwã ludu mahãduõ rarybere: <sup>26</sup> —Kia rarybemy rÿirerile, tii irubudÿÿmy rexinohõtinyreri. Beteheke. Butumy ijohonanamy kia rarybemyhÿre. Ihãrele taheka inyõ tamy rarybeõhyymyhÿre. Wedu mahãdu rõhõtinyymyhÿre: —Ina aõkãbo Kristumy inatnymy tii rare. <sup>27</sup> Inyõbo tahe rierymyhÿre titxiribibo tiõ namyhÿde. Kristu Deuxu deõdÿÿna tahe kanakeu, inyõ tahe rieryõtyhy titxiribibo kanake. <sup>28</sup> Jesuisi tahe Deuxu dohodÿÿna heto-õ ribideerynymyhÿre rarybere: —Kaiboho tiwaerytenyete, titxiribibo anade tule teerytenyete. Tahe wateõdÿÿdu teeryõtenyete. Terõwmy heka jiarÿ anade. Tule tii inatyhytyhymy rare. <sup>29</sup> Iribi jiarÿ anade Tii riwateõnyre, tai jiarÿ tii reeryre. <sup>30</sup> Inyõ riijemyhÿ riõrõnykemy, Tahe rimyõhyyre ruberureki, ibededÿÿnanamy aõkõ bede rÿireki. <sup>31</sup> Iny sõwehekÿ-ribi sõwemy iny rityhynyre. Tahe inyõ rarybere: —Kristu Deuxu deõdÿÿna iratyre aõna aõna wiwihikÿ riwinykemy tahõtinyteri. Aõkõre, tii dori inatnymy Kristu rare. <sup>32</sup> Fariseu mahãdu kia-õ roholareu, tahe wii ributunyre xiwe wahidÿÿdu wedu mahãdu-wana. Tahe tiiboho soldadu mahãduõ riteõnyrenyre Jesuisi rimykemy. <sup>33</sup> Jesuisi tahe tamyreny rarybere: —Urhimyo umyreny-wana watxikre, idi ta arõsekre wateõdÿÿdu-õ icyby. <sup>34</sup> Kiaboho biwaijebenykre, waki mahabenyõtyhy. Titxibo watxireri kia-õ heka bitehemyõtyhy. <sup>35</sup> Judeu mahãdu tahe widee rarybere: —Titxiwexe tii rakremy ihÿre, tuu rokobirenyõtyhy tai rakaharenõtyhy, myÿ rarybemyhÿre wahe: judeukõdu mahãdu bede-õ aõbo rakremy ixi-di ratxireri. Tai ribedeerynkemy, judeu mahãdu-wana rasÿnykremy. <sup>36</sup> Timybohe rarybere: —Waki mahabenyõtyhy, titxibo watxireri-õ behemyhÿtyhy, myÿ rarybereri.

<sup>37</sup> Ihewotxu worana bedehesi aõnihikÿtyhy rare. Jesuisi iu rexikuõnyre rarybekemy: —Inyõ bemomy risakeki, wadee kanake, riõke. <sup>38</sup> Inyõ riwatyhynykeki, Tyyritina-ki kia wese rybe rÿire:

—Iwo-ribi benihikÿ iru rõhõnyke.

<sup>39</sup> Iu Jesuisi kia rarybereu, Deuxu Tyytybytyhy aõmy dÿÿnanamy rarybere. Iny dori rityhynykeki, iwo-õ Deuxu Tyytybytyhy ralõke. Urile tahe Deuxu Tyytybytyhy riwahinyõmy rÿire. Jesuisi dori rõõseõre biu-õ. <sup>40</sup> Tahe roholare mahãdu tahe rarybere: —Ka heka hãbu Deuxu Rybedutyhy rare. <sup>41</sup> Ijõ tahe rarybere: —Tii Kristu rare. Ijõ tahe rarybere: —Kristu aõkõ Kalileia bede-ribi dori tii rareri. <sup>42</sup> Tyyritina rybe-ki roire: —Kristu, Davi sÿ-mahãdu ribi kanakremy. Belẽ hãwã-ribi; titxibo Davi rasÿnyre-ribi. <sup>43</sup> Tai tahe wiwese wese aõkõ rõhõtinyrenyre Jesuisi-di. <sup>44</sup> Inyõ rirõnykemy ixi-di ratximyhÿ, ihãrele tahe inyõ rimyõhyyre.

<sup>45</sup> Tahe soldadu mahãdu rõõsemy rare rimyõhyylemy fariseu mahãdu-õ xiwewahidÿÿdu mahãdu wedu-õ. Tahe soldado-õ rÿÿraxirenyre: —Aõherekibo tedyõteri. <sup>46</sup> Tahe dirawõnyde: —Timybo inyõ kowa hãbu wesemy rarybeõhyyre rybe iwitxira wihikÿmy tii rarybere. <sup>47</sup> Tahe fariseu mahãdu rarybere: —Kaiboho aõbo tule araitxenanyrenyra. <sup>48</sup> Inyõbo mahãdu reny-ribi moõ rityhynyõhyymyhÿre, fariseu mahãdu wahe, wedu mahãdu wahe. <sup>49</sup> Inyõ rityhynyre, tahe tiiboho Moisesi bede ywina rieryõre tai Deuxu aõhõkÿmydÿÿnana-txi idi rehukre. Aõhõkÿmydÿÿnana-õ ritamadÿÿnykre. <sup>50</sup> Nikodema

iyreny-ki ratximyh̄y. Fariseu mahāduō tii rare, juhuu Jesuisi raraō rare wahe. Tii heka rarybere imahādu-ō. <sup>51</sup> Juhuu roholamyh̄re aōhebo rotŷyñraō wahe idi tahe ibinakeki rirōtenykremy riijemyh̄y. Kia tahe iny bede ywinareny rare. <sup>52-53</sup> Tahe rirawyōnyreny: —Kai wa tule Kalileia mahāduō atxiteri. Tyyriti-ō beteheke timybo rarybereriō: —Kalileia-ribi rybeduō rōhōnyōthy wahe.

## 8

<sup>1</sup> [Tahe ibutumy he tasŷ-ō reareare. Iu tahe Jesuisi rare Oliveira hāwālō-ō. <sup>2</sup> Biura-di tahe dōōsede Deuxu dohodŷŷna heto-ō icyby. Sōwemy iny tamy rare; Jesuisi ronyre; ribedeerynyre. <sup>3</sup> Hāwyyō ratximyh̄y hābu wixiraō-wana wasimy ratximyh̄y. Tahe inywixiraō itxireny reare. Tai tahe Deuxu rybe erydŷŷdu mahādu fariseu mahādu-wana hāwyy didyde Jesuisi-ō. Tahe hāwyy-ō rarybere rŷikemy iny sōwehekŷy-ki. <sup>4</sup> Tahe raryberenyre Jesuisi-ō: —Bede erydu: —Kahāwyy tŷwe rare inyō itxi reara. <sup>5</sup> Iny bede ywina Moisesi riwawahinyre tahe rarybere mana-di rurumŷŷkemy. Tahe aōmybo kai mynary-beke. <sup>6</sup> Tiiboho kiamy rarybere Jesuisi riurihire timybo rarybekemy. Tai tahe ibinamy tamy rarybekemy idi ratxireri. Jesuisi tahe suō resera rōritidŷŷkemy tebō-di suki riritinyra. <sup>7</sup> Tahe ritŷŷraxinyhy ihŷmyh̄y. Tahe Jesuisi rŷire; rarybere: —Inyō ōrarukōmy ratxireri. <sup>8</sup> Ixityrele sŷ Jesuisi rōritidŷŷre suō. <sup>9</sup> Kia rybe-ō roholarenyre, tahe rexitarenyre sohoji sohojilemy, tarayky dori ribinadŷŷnyrenyra. Matuari mahādu tahe juhuu rexitare. Ikonanatyhy dori rare, tahe Jesuisi hāwyywanale tai rŷire. <sup>10</sup> Jesuisi retehere: —Hāwyy sohojilemy robire rŷŷraxire tamy: —Hāwyy, titxibo mana-di arubudŷŷmy rybedu mahādu rirahura. Inyō aōhe arasŷnyōhyra. <sup>11</sup> Tahe dirawyōnyde: —Anokōre, Wahī. Tahe Jesuisi rarybere: —Jiarŷ tulere! Mahe, ōraruna-txi tahe icyby ixēōmy.]

<sup>12</sup> Ixityre Jesuisi rarybere tamy: —Jiarŷ wabede loosōna rare. Inyō wahemy kanakeki, bede luru-ki rariaōthy. Tii heka loosōna-di tarayky-ki rarekre. <sup>13</sup> Tahe fariseu mahādu tamy rarybere: —Aōkōre, kai wa iximy tarybeteri tai tahe arybe inatyhmy aōkō rare. <sup>14</sup> Jesuisi dirawyōnyde: —Inatyhmy iximy rarybereri jiarŷ, tahe warybe inatyhy rare, jiarŷ dori reeryre titxiribibo anade, tule tiobo arakre reeryre. Kaiboho tahe kia teeryōteny. <sup>15</sup> Kaiboho waywisidŷŷmy tadiōlōnyte, ihāre tahe ōbitimy tiawaywinytenyōte tiwaerytenyōteki. Tahe jiarŷ inyō reywinyōreri. <sup>16</sup> Jiarŷ inyō ariwinykeki, waywisidŷŷna tahe ōbiti rare. Jiarŷ dori ixiwānāle aōkō rare. Waha, wadeōdŷŷdu wawana raremyh̄y. <sup>17</sup> Abede ywina-ki kia rybe riritinyrē rŷimyh̄y: —Inatxi hābūmy wiwesehyylemy rarybekeki kia tahe inatyhy rare. <sup>18</sup> Jiarŷ iximy rarybemahāre tule Waha wadeōdŷŷdu wamy adeereny rarybemyh̄y. <sup>19</sup> Tahe tiiboho Jesuisi-ō rŷŷraxirenyre: —Titxibo boo ratximyh̄y. Jesuisi rarybere: —Kaiboho tiwaerykōmahāteny, Waha tule teeryōmahāteny. Kai biwaerybenyōkeki, tule Waha bierybenyōthy. <sup>20</sup> Kia Jesuisi rarybere Deuxu dohodŷŷna hetowo-ki, iuberi yrubudŷŷna ube-ki. Tahe inyō rimyōhyre, ibededŷŷnanamy aōkō bede rŷireki.

<sup>21</sup> Iribi tahe ixityre tamy rarybere: —Jiarŷ he arakre karibi. Kaiboho biwaijebenykre tahe aōrarurenydile burubenykre. Boiōthy titxibo arakre-ō. <sup>22</sup> Tai tahe judeu mahādu widee raryberenyre: —Inatyhmy aōbo tii rexirubunykre. Tii raryberaki: —Titxibo arakremy boiōthy, myki tuu idi rōhōtineny. <sup>23</sup> Tahe Jesuisi rarybere: —Kaiboho kaludu toite; jiarŷ aōkōre, biu ludu rare. Kaiboho bede ludu toite, jiarŷ tahe kabede ludu aōkō jiarŷ rare. <sup>24</sup> Tai heka adeereny rarybereri aōrarureny-di burubenykre. Inatyhmy jiarŷ tii rare: —Iwese rarybere wesemy. Tahe kia warybe bityhnyōbenykeki, aōrarureny-di burubenykre. <sup>25</sup> Tahe tiiboho rŷŷraxirenyre Jesuisi-ō: —Mobo he tate. Jesuisi dirawyōnyde: —Timybo adeereny rarybewāhāre, juhuu wahe. <sup>26</sup> Jiarŷ sōwemy rŷire aōna aōnamy umyreny ararybeke umyreny ariwinyke ta ararybekre Waha tuu wadee rarybelemy. Tii diwa-teōnyte tii inatyhmy rare. Irybelemy bede iny-ō ararybekre. <sup>27</sup> Rieryōhyre tamyreny rarybere, tybmy. <sup>28</sup> Kaiboho heka biwatamadŷŷnybenykre, bierybenykre mobo jiarŷ rare. Tule ixi-ribi aōkō aōna aōna rewinywāhāre bierybenykre; tule iwese Waha riwaerynanymyh̄y wese, rarybemahāre. Kia tule bierybenykre. <sup>29</sup> Wateōdŷŷdu wawana raremyh̄y. Iximy riwariōthy, jiarŷ tamy wimy rewinyhyamahāreki. <sup>30</sup> Kiamy tarybe rahudi tahe, sōwemy iny rityhnyre.

<sup>31</sup> Judeu ityhydŷŷdu mahādu-ō Jesuisi rarybere: —Kaiboho warybe tyhy-di mohōtinenybenykeki, inatyhmy watyhydŷŷdu waheludumy boibekre. <sup>32</sup> Inatyhna tahe bierybenykre. Kia dori aratarenyke, deōdumy aōkō boibekre. <sup>33</sup> Dirawyōnydenyde aōkōre inyboho Abraō riōkōre roire, tii heka modeōdumy roirekōmahāre. Timybo tarybeta: —Deōdu-ribi riwatakemy. <sup>34</sup> Tahe Jesuisi tamy rarybere inyō ōraru-di hyy rexiōrarunykēki, tii ōraruna deōdu wese hyyle rare. <sup>35</sup> Deōdu heka heto wedu ijoihymy aōkō rarekre. Iwedu ixinamy rakre. Riōre tahe ijoihymy rare. <sup>36</sup> Tahe Deuxu Riōre heka ixinamy arateōnykeki, tii ōraruna deōdu wesemy icyby bonybenyōthy. <sup>37</sup> Abraō riōkōre inatyhmy

toite. Kia tahe reeryre. Ihãrele tahe biwarubunybenykemy atxitenyteri warybe dori araykywo-di aõkõ ratxireri. <sup>38</sup> Waha-wana ranymahãu, aõmybo rabire, wiji tuu rarybereri. Kaiboho tule boo-ribi tabitenyte tuu tewinytenyteri. <sup>39</sup> Rirawyõnyrenyre: —Wahareny heka Abraõ rare. Jesuisi rarybere: —Abraõ riõremy inatyhymy toite-wana, Abraõ aõmydõyõnana iwesemy biwinybenyke. <sup>40</sup> Katahe warubudõyõmy wadi atxitenyteri. Inatyhyna Deuxu-ribi raholarem, adeeremy rarybemahãre, tai tahe warubudõyõmy atxitenyteri. Abraõ tahe tiu tahe tuu rotõyõnyõtyhy. <sup>41</sup> Kaiboho heka borentytyhy wesele tatõyõnymahãtenyte. Dirawyõnyde: —Aõkõre, jiarõboho waxiriõre aõkõ roire. Deuxuhyye iny tybyreny rare. <sup>42</sup> Tahe Jesuisi rerawyõnyre: —Deuxu boo inatyhymy rare-wana inihe kaiboho waluurenre. Jiarõ dori Deuxu-ribi anade. Ixidee wimy aõkõ anade tii diwateõnyde. <sup>43</sup> Aõherekibo teerytenyõte warybe. Isiratyhyre aõbo ijohona. Aõkõre, ityhydõyõ isirare adeeremy. <sup>44</sup> Kaiboho Diabo riõre toite tamywimy biwinykemy atxitenyteri. Tii juhuhu rubudõyõdu hyy rare. Tii heka raruireri inatyhwesehekõle wahe. Tii ruidu rare. Ruiwedu tii rare. <sup>45</sup> Kaiboho heka tiwatyhynyõhyymahãtenyte inatyhymy dori jiarõ rarybemahãre. <sup>46</sup> Inyõ inihe wamy rarybeõtyhy jiarõ õrarudu raremy. Adeeremy inatyhynamy rarybereri. Aõherekibo tiwatyhynyõteri. <sup>47</sup> Iny Deuxu-ribi ratxireri, Deuxu rybe roholamyhyre. Kaiboho Deuxuhõrõ aõkõ toite. Teõdu aõkõ toite. Taita warybe-õ taholaõteri.

<sup>48</sup> Jesuisi-õ tiiboho dirawyõnydenyde: —Inatyhymy rarybewãhãrenyre. Kai Samaria mahãdu tate. Kaludu mahãdu aõkõ tate. Kai tyytybybina dire. <sup>49</sup> Jesuisi rirawyõnyre: —Aõkõre, tyytybybina-di aõkõ watxireri. Waha tahe rewowydynywãhãre. Kaibohole tiwabina-dõyõnymahãtenyte. <sup>50</sup> Wowydyna ixi-di aõkõ reijereri. Waha tahe kia aõmydõyõnany riywinykre, tii rierymyhõre. <sup>51</sup> Inatyhytyhymy adee ararybekre: —Inyõ warybemy reõbykeki, tiu rubumy tii robiõtyhy. <sup>52</sup> Tai judeu mahãdu rarybere: —Katahe inatyhymyhe inydeeremy aerysydõyõna rõyra tyytybybina-di tate wahe. Abraõ tahe rurure; Deuxu rybedu tule. Tahe timybo kai tarybeta: —Inyõ warybemy reõbykeki tiu rubu urihixinamy roiõtyhy tamy. <sup>53</sup> Kai aõbo inatybyreny Abraõ ratyre awikemy aõbo ixi-di tahõtinymahãte. Abraõ rurure Deuxu rybemy rybenadu amahãdu tule rurure. Mobo raremy he tahõtinymahãte. <sup>54</sup> Tahe Jesuisi rirawyõnyre: —Jiarõ ixi-di wowydyna ariijekeki, tahe wawowydyna aõ aõkõmy rareke. Waha tahe riwawowydynywõhõke aDeuxumy raremy tu tarybeteri. <sup>55</sup> Tahe aõkõ teeryõtenyte. Jiarõ tate reerymahãre. Jiarõ reeryõmahãremy ararybekeki, tai ruidumy rareki, iwese kaiboho toite wesele wahe. Tahe reerywãhãre, tule irybemy reõbymahãre. <sup>56</sup> Boreny Abraõ, wamy dobide, wabededõyõnana kanakremy tuu dobide, wabededõyõnana kanakremy tuu dobide tai tahe reysatyhymy rare. <sup>57</sup> Tahe judeu wedu mahãdu rarybere: —Kai 50 beõramy aõkõ atxiteri timyrekiõ tarybeta Abraõ tabitemy. <sup>58</sup> Jesuisi dirawyõnyde: —Abraõ reaõule, jiarõ rarehyymahã.

<sup>59</sup> Tahe manadile rimymy reserenyre idile rirabunykemy. Jesuisi tahe rexiwõmy iribi rõhõnymy rare, dohodõyõna heto-ribi.

## 9

<sup>1</sup> Jesuisi rariamy rare, tii robimy rare hãbu ruetãmy. Tii iruetãhãkõmy ratohouãmy herinanyre. <sup>2</sup> Ierydõyõna mahãdu rõyõraxire tamy. Erydõyõdu, aõherekibo hãbu ratohouãnyra iruetymy, ise tyby iõrarudireki aõbo ada taõrarumy aõbo. <sup>3</sup> Tahe Jesuisi rirawyõnyre: —Tahe aõkõre tyby ise-ke aõkõ tiike aõkõ. Deuxu ruru wiji riteõsinykremy tahe tii kiawesemy rohonyre. <sup>4</sup> Wateõdõyõdu aõmydõyõnanamy arotõyõnyrenykemy watxiwãhãrenyre. Inyboho rikiwinyrenyke ibededõyõnany rõyõkre, iwese txumy rõyõkre wese tahe rummy heka kanakre tai raãmysõdõyõmyhõre. <sup>5</sup> Kabede-ki watxiwãhãreõle tahe jiarõ bede ludu mahãdu loosõnatyhy jiarõ rare. <sup>6</sup> Tarybe rahudi tahe rarybexinyre suõ idi tahe subororomy ritxienyre. Idi ta hãbu ueyre-õ subororo ritidire. <sup>7</sup> Tahe hãbu ruetã-õ rarybere: —Make wa bexisuhõke Silõe ahobe-di. Silõemy ninadu heka iny rybe-ki deõdõyõna wesemy rare. Hãbu tahe rare, risuhore, dõõsede robimy. <sup>8</sup> Tahe ierydu mahãdu, tuu robire idi itxeredu mahãdu raryberenyre widee: —Kabe hãbu ixitõedõyõdu rare, nierumy kowa-ki rexitõenymy ronymyõhõre rare. <sup>9</sup> Ijõ rarybere tule rare. Ijõ rarybere: —Aõkõre, iwesele tahe iwitxirari. <sup>10</sup> Rõyõraxirenre tamy: —Timykibo arue reytera. <sup>11</sup> Rirawyõnyre: —Hãbuõ Jesuisi inire. Tii tahe suboro borole riwinyra warue-õ ritidire. Tahe wadee rarybera: —Make Silõe ahobe-õ aõ bisuhõke. Tahe rare, resuhore, tai rabimy watxireri. <sup>12</sup> Rõyõraxirenre titxibo tahe tii rara. Rirawyõnyra: —Reeryõre.

<sup>13-14</sup> Kia ruedeytena Jesuisi riwinyre sabado txuu, judeu aõmysõdõyõna txu aõkõ. Tahe tiiboho hãbu ridyrenyre fariseu mahãdu-õ. <sup>15</sup> Ixityre hãbu-õ rõyõraxirenre: —Timykibo riteytenyra. Tahe rirawyõnyre: —Subororole waruetyre-õ ritidira, idi resuhõra, iule tahe retehera. <sup>16</sup> Tai tahe fariseu mahãdu-õ narybede: —Ka hãbu Deuxu-ribi aõkõ nade. Kakõny sabadotxu bede ywina riywinyõhyre. Tahe ijõ imahãduõ rarybere: —Hãbu õraruduõ tii

deytenawihikĩyō kia wesemy riwinyōtyhy. Tai tahe wiribi hitximy raraykynrenyre. <sup>17</sup> Tahe ixityre hābu-ō rỹraxire: —Tii arue arue riteytenyra: —Tai tahe timybo tuu marybekre. Hābu rarybere: —Tii Deuxu rybemy rybeduō rare. <sup>18</sup> Tahe judeu mahāduō rarybere: —Ise-wana tybywana widee ararybekekile, arityhnykre. Tai riteōnyre tybybohoōrysmy. <sup>19</sup> Rehemyrenyre, tahe tami rarybere: —Kaa aōbo ariōre rare. Inatyhymy aōbo iruetāmy reare. Timykibo tahe wiji robira. <sup>20</sup> Tahe tybyboho rirawyoñnyre. Inatyhymy wariōreny rare. Iruetālemy ka reare. <sup>21</sup> Reerykōrenyre timykibo retehera. Iruer riraynyre dori, reeryōhyre. Tamy marybebenyke. Ibeōra dire ka, iximy relyyleke. <sup>22-23</sup> Tybyboho ruberumyhyrenyre judeu mahādu lau. Judeu mahādu dori, rarybemyhyre: —Inyō Jesuisimy rarybekeki, tii Kristu Deuxu deōdỹna raremy rarybekeki, tahe dohodỹnawo-ribi riteōnykemy idi rỹira. Tai tahe hābutybyboho kia wesemy raryberenyre. Tii ibeōra dire: —Tamy marybebenyke.

<sup>24</sup> Juhuu iruetāmy raremyhō ixityre rōtedỹmy rarybere. Ōbiti rybe-di marybeke. Inydeereny tahe ka dori ōrarudu rare. Tai tahe Deuxu biwowydynyke. Tahe tii rarybere: <sup>25</sup> —Tii ōrarudu rare, reerykōre. Sohoji aōmydỹnana reeryre. Juhuu waruetāle heka reeryre, wiji tahe retehereri. <sup>26</sup> Tahe ixityre tami rỹraxire: —Aōbo tii riwinyre. Timybo arue roire. <sup>27</sup> Hābu rarybere: —Adeereny tuu rarybere tahe taholaōhytenya. Aōherekibo ixityre ijohonamy rarybetenyteri. Ierydỹnamy boibekemy aōbo atxitenyteri. <sup>28</sup> Tuu raryberenyre aōbina binalemy. Kai heka ijoiō atxiteri. Jiarỹboho Moisesi erydỹna jiarỹboho roire. <sup>29</sup> Deuxu Moisesi-ō rarybemyhyre. Kiamy reeryrenyre. Ka hābumy tahe aōmy raholaōmahāreny, tiludubo rare. <sup>30</sup> Kia wa riwateytenyra bedēōtiidỹna urenana tii rare. Ihārele tahe kaiboho teeryōmy tuu tarybetenyteri. Wadee kia ajuedena rare. <sup>31</sup> Deuxu wa ōrarudu ixitōedỹna-ō roholaōtyhy. Kia reeryrenyre. Tahe inyō Deuxu rityhnykeki tamywimy rỹirakeki, kia-ō Deuxu roholakre. <sup>32</sup> Bede rexidelenyre, inyō roholatyhy iruetāmy raumnyre heka reytere. Inyō tiu riwinyōre, wiji tahe diwinyde. <sup>33</sup> Kia hābu Deuxu-ribi nokōduō aōkōkeki tii aō riwinyōtyhy. <sup>34</sup> Tahe fariseu mahādu aōbinahakỹlemy tuu rarybere: —Kai uladumy teateu, ōrarudutyhymy tate. Kai aōmybo biwabedeerynybenykemy aōbo wadireny tahōtinenyteri. Tahe riteōnyre dohodỹna heto-ribi. Ihyymy riteōnyre.

<sup>35</sup> Kia-ō Jesuisi roholareu hābu riijere tahe rỹraxire tuu: —Kai Deuxu Riōre Hābutyhykỹ aōbo tetyhnyte. <sup>36</sup> Hābu rarybere: —Mobo tii rare, Wanyrỹ, arityhnykemy watxireri. <sup>37</sup> Wamy wa tabita, jiarỹleheka watxireri. Adeer rarybererile watxireri. <sup>38</sup> Tahe rarybere: —Wanyrỹ aratyhnyra he. Tahe hābu Jesuisi riwowydynyre. <sup>39</sup> Jesuisi rarybehyyra: —Jiarỹ anade kabede-ō iny rueta aritobixidỹnykemy; tule robimyhỹre mahādu ariruetādỹnykre. Iny ōwydỹnamy anade. <sup>40</sup> Fariseu iōhōmy iribi rỹimyhỹ roholare irybe-ō. Tahe tami rỹraxire. Inatyhykō aōbo ka jiarỹboho tule waruetārenyre. <sup>41</sup> Jesuisi rarybere: —Aruetāmy ahātenyteki, aōraruna-di aōkō toite. Tahe tarybetenyte reerywāhā, rabiwāhāre. Tai aōraruhy-di toite.

## 10

<sup>1</sup> Inatyhytyhymy adeereny ararybekre: —Inyō budoeni yrubudỹna ijōtōbōna-di, ralōōkeki, tii tahe wasidu ixiwatxidỹdumy rare, raōwōnomy heka ralōmyhyre. <sup>2</sup> Ijōtōbōna-di rōtedu, tii budoeni-di itxeredutyhy rare. <sup>3</sup> Iu ijōtōbōna-ō rehemynymyhỹre, ijōtōbōna ludu tami riraynymyhỹre. Tule budoeni irybe rierymyhỹre. Sohoji sohoji-ō ininimy tami ryrymyhỹre, tahe idi rōhōnomy ridymyhỹre. <sup>4</sup> Ihōrō ahana-ō ridyre, tii iko-ō rỹimy idi ramyhỹre. Riheludunomy idi raremyhỹ rierymyhỹreki irybe. <sup>5</sup> Budoeni ieryōdu riheludunōtyhy, irybe rieryōreki. Iny ieryōdu-ribi rahenykre. <sup>6</sup> Jesuisi tami kia bede eryna ijyymy relyyre. Tiiboho tahe rieryōhyrenyre timybo ibede erydỹnamy rororerimy.

<sup>7</sup> Tahe Jesuisi ritỹnynyre tamyreny: —Jiarỹ budoeni ijōtōbōna wesemy rāimahāre. <sup>8</sup> Ibutumy iny wakōle rehemyrenyre wasidu ixiwatxidỹdumy rỹiramyhỹ. Wabudoeni ityhydỹdu wesemy rỹirerimy ihỹre. Tiiboho wasidurybe-ō roholaōhyymyhỹrenyre. <sup>9</sup> Jiarỹ ijōtōbōna wesemy rāiwāhāre. Inyō wamy ralōkeki, tii heka tarasanaomy rarekre. Iwese wabudoeni ralōmyhyre idi rōhōnymyhỹre asi wiwihikỹmy riroximyhỹre wesemy, tule ityhydỹdu mahādu rỹirakre, bedēōbina wiwihikỹ ritakremy. <sup>10</sup> Wasidu heka rubudỹmy nade, bedehudumy wasimy, jiarỹ tahe anade inyō umytedeōna ariwahinykemy, irutyhytyhy wihikỹmy wiji rỹirakremy. <sup>11</sup> Jiarỹ budoeni-di itxeredu wihikỹ rare. Ihy ta waumy ariwahinykre terōwrenymy. <sup>12</sup> Inyō budoeni-di itxeredumy deōdumy risỹnykeki, tii riwisi-nanyōtyhy, tii dori budoeni wedu aōkō rare, deōdule rareki. Tahe irōdu rebunāō tami kanakeki tahe rahenyke iribi, tai ijō rimyke, ihona tahe raōrunyke. <sup>13</sup> Deōdu heka rahenyke tii iwedu aōkō rareki, tii aōmy aōkō idi rōhōtinymyhỹre, iōwydimy aōkō. <sup>14-15</sup> Jiarỹ heka itxeredu wihikỹ rare wabudoeni riwaerymyhỹre. Jiarỹ tule tii mahādu reerywāhāre. Waha riwaeryre, tule tii reeryre. Iwesetyhyle wabudoeni-wana wii reerynyre. Iōraru-ki tahe wamy ariwahinykemy idi wāhāre. <sup>16</sup> Jiarỹ wabudoeni-ō di watxiwāhāre. Aō kabede-ki

aõkõ. Ibutumy aributunykemy idi watzireri. Tai tahe sohoji ijoihyylemy heka roikre. Ibutu-di itxeredumy ararekre. <sup>17</sup>Tai heka Waha waluure, waumy ariwahinykreki wahe. Ihãrele tahe ixyby idi arexiumpydÿÿnykre. <sup>18</sup>Inyõ heka ixideewiõkeki riwarubunyõtyhy. Arexiwahinykre tamyreny riwarubunyrenykremy. Ixideewikure, arexiwahinykre, tule waumy arimymy arexiixanykre. Waha dori wadee rarybere tii ariwinykremy.

<sup>19</sup>Kia rybe òraru-ki judeu mahãdu rybe rexijeijeinyre. <sup>20</sup>Sõwemy iny ritxiõnymy rarybere: —Tii tytybybina-di ratximyhÿre ada raitxÿtemy aõbo ihÿre. Aõherekibo tamy taholamahãteny. <sup>21</sup>Ijõ tahe rarybere: —Aõ tytybybina-di aõkõ rarybemyhÿre. Tytybybina aõbo hãbu ruetã riruedÿÿnyõtyhy.

<sup>22</sup>Jerusalẽ hãwã-ki heka beõrahy rare. Worana bedehesi hetxina Tÿmyradÿÿna rÿire. <sup>23</sup>Salomaõ Ube-ki, Deuxu dohodÿÿna heto ubeõ-ki. <sup>24</sup>Jesuusi rariamy ihÿmyhÿ. Tahe judeu mahãdu rirurawonyre itÿÿraxidÿÿmy. Tiwese bededÿÿnanymybo nohõtidihiy bede ariwinykre. Kai inatyhymy Kristumy tate-wana, tahe manarybeke itÿÿny. <sup>25</sup>Jesuusi dirawõnyde: —Rarybere wahe, tahe kaiboho tiwatyhynytenyõhyte. Inatyhymy ierysymy mohõtinybenykeki, waaõmydÿÿnana wiwihikÿ rewinymahãre-di betehebnyke. Wahani-di kia rewinyamahãre. <sup>26</sup>Kaiboho tahe tiwatyhynyõlemahãteny, wabudoeni wesemy aõkõ toite. <sup>27</sup>Wabudoeni warybe rierymyhÿre, riwaheludunymyhÿre; jiarÿ heka ibutumy wabudoeni reerymahãre. <sup>28</sup>Tamy umyuedeõna rewahinywãhare tii heka ruruõtyhy. Inyõ waribi ridyõtyhy. <sup>29</sup>Waha wadee riwahinyre. Tii heka ibuturatyre rare. Inyõ iribi ritaõtyhy. <sup>30</sup>Jiarÿ Waha-wana sohojihyyle watziwãhare.

<sup>31</sup>Ixityre tahe judeu mahãdu mana-di rirubunykre idi rÿire. <sup>32</sup>Tahe Jesuusi tamyreny rarybere: —Jiarÿ sõwemy bedeõbyna inydee rewinywãhare Waha ruru-di. Aõòrarakibo biwarubunybnykre. <sup>33</sup>Tahe judeu mahãdu rirawõnyre: —Kai aõmydÿÿnana wiwihikÿle tewinyte. Kia òraru-ki aõkõ ijoi adi rÿireri mana-di arubudÿÿmy Deuxumy binatyhymy tarybeteriki. Kai dori hãbu tate, ihãrele Deuxumy texiniteri. <sup>34-35</sup>Jesuusi rarybere: —Abede ywina-ki ryberiti rÿire. Deuxu Rybe õbitihymy raritinymy rÿire. Kiamy: —Jiarÿ rarybere: —Kaiboho Deuxu toite. Deuxu Rybe heka inyõ-õ diteõnyde. Kia mahãdu tahe Deuxulemy rininire. <sup>36</sup>Deuxumy tiiboho rininirenyre-wana, aõherekibo wadee takarananyteri jiarÿ tule Deuxu Riõrelemy rexininireki. Waha dori, riwatamy diwateõnyde. Timykibo kaiboho tarybetenyteri Deuxumy ibinamy jiarÿ rarybererimy <sup>37-38</sup>Waha-riibi bedeõbyna ariwinyõkeki, biwatyhynybenyõtyhy. Tahe ariwinykeki, aõbo rewinyre-wana bityhynybenyke, biwatyhynybenyõke hãrele. Tai tahe bityhynybenymy boibeke jiarÿ Waha-wana wãhare tule Waha wawana ratximyhÿre. <sup>39</sup>Kabedeu ixityre riijere Jesuusi rimykemy tii rexitamy rexihedÿÿnyre.

<sup>40</sup>Jesuusi ixityre Jordaõ bero kowa weribi-õ reurore. Joaõ juhuu ròsebedÿÿmyhÿõ rare. Taille tahe tii raremyhÿ. <sup>41</sup>Tahe sõwemy iny tamy roirenyre. Tamy rarybere: —Inatyhymy Joaõ bedeõby iny itxerenamy riwinyõre. Tahe ibutumy tii Jesuisimy rarybemyhÿre, inatyhy rare. <sup>42</sup>Sõwemy heka taille Jesuisimy rityhynymyhÿre.

## 11

<sup>1-2</sup>Lazaru ibinamy roimyhÿ Betÿnia hãwã-ki. Marie, Marta-wana iseriõrereny rare. Juhuu Marie Jesuusi-wana raremyhÿu, tii Jesuusiwa tyre-õ tarinalÿnyrehekÿõ ritxiwire, idi tahe tarade-di rirubudÿÿnyre. <sup>3</sup>Lazaru ibinamy roimyhÿki tahe tiiboho riteõnyre Jesuusi-õ rarybekremy: —Wahã, abiõwa tyhy binanihikÿmy roireri. <sup>4</sup>Jesuusi kiamy roholareu rarybere: —Kabinana hãwã Deuxu wowydynamy tamy nade. Tule riwawowydynykemy jiarÿ dori Deuxu Riõre rare. Kabinina tahe rubuhymy aõkõ tany rÿike. <sup>5</sup>Jesuusi heka ibutumy iluurenyre, Marta, Marie, Lazaru-wana. <sup>6</sup>Iu Jesuusi rieryreu Lazaru webinaduna, tahe taille ratximyhÿre, rerihãrele inatxixumy. <sup>7</sup>Iribi tahe rarybere taerydÿÿna mahãdu-õ: —Rõkõirenyke ixyby Judeia bede-õ. <sup>8</sup>Tahe ierydÿÿna mahãdu tany rarybere: —Erydÿÿdu aõherekibo ixybonymy tamy tarybeteri judeu mahãdu adi heka riwisinymy rÿimyhÿ mana-di arubudÿÿmy. <sup>9</sup>Jesuusi dirawõnyde: —Txu heka waõinatxi òra bededÿÿnanam rare. Aõhe inatyhy. Inyõ txumy rariakeki, tii aõ òraru-ki reseõtyhy loosõnana dori ibutumy robimyhÿre. <sup>10</sup>Bede lurumy rariakeki tahe, aõ òraru-ki reseke, loosõna dori ihõõreki wahe. <sup>11</sup>Tahe ijõmy Jesuusi tamyreny rarybere: —Iny biõwareny rõrõmy roireri. Tamy arakre ariixixanykremy. <sup>12</sup>Tahe imahãdu rarybere: —Wanyrÿ tii rõrõmy roireri-wana bohe, reytekre. <sup>13</sup>Jesuusi heka rarybemyhÿ Lazaru rubumy roirerimy. Tiiboho tahe rõhõninyreny urile rõrõmy roirerimy. <sup>14</sup>Tahe Jesuusi ritÿÿnyntyhyra tamyreny: —Lazaru rurure. <sup>15</sup>Jiarÿ wa aõrarureny-ki wadeysamy watzireri tai watzioraki. Ka tahe biwatyhynybenykre. Rõkõirenykre tamy. <sup>16</sup>Tome ierydÿÿna mahãduõ rare. Didimomy iniõre. Tamahãduõ rarybere: —Rõkõirenyke, tule tii-wana rukururenykremy.

<sup>17</sup>Jesuusi rehemyre, Lazaru inaubiõwatxumy hãloo iwodÿÿwo-ki roimyhÿ. <sup>18</sup>Betÿnia Jerusalẽ hãwã-riibi sohoji urihixinamy roire. <sup>19</sup>Judeu mahãduy-riibi sõwemy doidenyde

Marta Marieboho wotòenamy, iseriòreny rurureki. <sup>20</sup> Marta Jesuisi kanakre rieryere, tahe ròhònyre tii-wana wixti reakemy. Marie tahe tahetokile rononymhỹ. <sup>21</sup> Tahe Jesuisi-ò Marta rarybere: —Wahĩ, kakile atxiberi-wana waseritxòre rurukòhykyra ikuny. <sup>22</sup> Ihãrele tahe rekeryere ibutumy Deuxu-kò bexitòenyeki, tiki adeke kidiwahinykre. <sup>23</sup> Jesuisi tahe tamy rarybere: —Aseriòre wa rubu-ribi kedexixakre. <sup>24</sup> Tahe Marta rarybere: —Rekeryere jikarỹ ikunanatxu-ku rubu-ribi rexixakre, ibutumy ixixanatxu-ku. <sup>25</sup> Jesuisi rarybere: —Jiarỹ waixixanadỹỹdu rare, inyũtuedeõna wahidỹỹdu rare. Inyõ riwatyhynyeki, tii rubu-ki roire hãrele, kedexixakre. <sup>26</sup> Ibutumy irumy roirekeki, tiu rururenyõtyhy, tii dori riwatyhynyreki. Kai aõbohe kia tetyhynyteri. <sup>27</sup> Tii dirawyõnyde: —Kohe, Wahĩ, aratyhinywãhãre. Kai Kristu tate, Deuxu ritxòretyhy. Deuxu tuu rarybereki, bede-kò kanatekònyde wahe. <sup>28</sup> Tahe Marta ròsere Marie taseriòre-ò rarybere: —Inyhĩ rehemynyreri, kai makremy rarybereri. <sup>29</sup> Kiamy roholareu, tahe, wylemy rỹimy reare tamy rare.

<sup>30</sup> Jesuisi dori hãwã-ò ralòõlemy raremyhỹ Marta tamy raryberekile raremyhỹ. <sup>31</sup> Tii rỹimy ròhònyre, judeu mahãdu tuu robire. Tahe riheludunyre, wabede-ò robukremy raresỹny tamy roholare. <sup>32</sup> Marie rehemynyre Jesuisi-ò. Tahe tii tuu robireu, resere iko-ò, tahe rarybere: —Wahĩ, kaki atxiberi-wana ikuny waseritxòre rurukòhykyra. <sup>33</sup> Jesuisi Marta ibru-di tule judeu mahãduhi-di retehereu tule tii rabadewonihikỹre. <sup>34</sup> Iule Jesuisi rỹĩraxire: —Titixewe tii tetidinyre. Tiibohe rirawyõnyre: —Wanyrỹ, manake itxeremy. <sup>35</sup> Jesuisi tahe rahinyre. <sup>36</sup> Tai tahe judeu mahãduõ rarybere: —Betehebenyke sòwemy heka tii Lazaru luure. <sup>37</sup> Ijõ tahe rarybere: —Tii iny ruetã riteytenyre. Aõherekibo Lazaru irumy ratxireriule riteytenyõra.

<sup>38</sup> Jesuisi ixiby tawo-ki bederiòtiinyre. Tahe rariamy rare wabede-ò Lazaru suiwodỹwo-ò roire. Mana-di tahe ritxiotòbònyre. <sup>39</sup> Tahe Jesuisi rarybere: —Mana bitake Marta tahe iseriòre rarybere: —Wahĩ, rarònyreri wahe inakubikòwa txumy dokuri txuu idi rỹira. <sup>40</sup> Tahe Jesuisi rarybere: —Rarybere taheka, bityhynyeki, Deuxu rumy bobike. <sup>41</sup> Tahe mana iribi ritarenyre. Jesuisi retehere biu-ò rexitòenyre: —Umy reallãmy wahe watzireri kai wadee taholataki. <sup>42</sup> Wadee taholahy atxiteri mahãte: —Kia reeryre, kata inysòwehekỹ òraru-ki kiamy rarybera adee, tai tiibohe rityhynyrenykemy wahe, kai tiwateònyteki. <sup>43</sup> Kia rexihureu tahe rryre: —Lazaru, bodohonyke wa ahana-ò. <sup>44</sup> Kia rumy roimyhỹ-ribi tahe dòhònyde. Iwa heka tebò-wana widee ritỹtenyemy roimyhỹ. Irati tahe tyybese-di ritỹtenyemy ihỹmyhỹ. Jesuisi rarybere: —Biesebenyke wa ixinamy rake.

<sup>45</sup> Tahe judeu mahãduy-ribi, Marie Martabohe roraludu mahãdu, aõbo Jesuisi riwinyremy robireu tahe, rityhinyre. <sup>46</sup> Ijõ tahe fariseu mahãdu-ò roirenyre tamy re-lykemy aõbo Jesuisi riwinyremy.

<sup>47</sup> Iribi tahe xiwe wahidỹỹdu wedu, fariseu wedu mahãdu-wana heka ywisidỹỹna mahãdu ributunyre. Dohodỹỹna mahãdu wedu heka imahãduni rare. Tahe inyõ rarybere: —Ka hãbu heka aõwiwihikỹ sòwemy diwinymyhỹde. Aõhebo he rokotỹỹnyrenykre. <sup>48</sup> Tiihyyle riwinymy rarekeki, heka ibutumy rityhynykre. Idi tahe Roma hãwã mahãdu soldadu kanakre iny riòlòdỹỹnyke inysỹ rahurenkyre. <sup>49-50</sup> Kaifa imahãduõ rare. Kabeòrau tahe tii ibutu xiwena wahidỹỹdu wedu rare. Tahe tii rarybere: —Kaibohe aõ teeryõhytyente. Hãbuõ tahe rurukre ibutu inyde. Tai tahe ibutu iny itueõtyhy. <sup>51</sup> Kia heka irayky-ribi aõkò ròhònyre. Deuxu irayky-ò ritidire, tii dori xiwena wedu tyhy rare kabeòrau. <sup>52</sup> Kiamy rarybereu, tahe Jesuisi rubunamy rarybereri. Jesuisi dori ibutumy judeu mahãdu dee rurukre. Tamy sohojile aõkò rurukre. Tahe sohoji mahãduõle rabutukre Deuxu riore bede bedemy rỹira mahãdu wahe. <sup>53</sup> Itxuule tahe Jesuisi rubudỹỹmy ròhòtynyrenyre.

<sup>54</sup> Tai tahe ihãwãyi-ki rariaõre, Judeia mahãduy-ki. Tahe iribi rexitare bederahy-ò iòhòmy. Hãwãõ-ò heka rare, Efraĩ heka inire. Taile taery mahãdu-wana ihỹmyhỹ. <sup>55</sup> Judeu mahãdu worana bedehesi iòhòmy rỹimyhỹ Pascoa heka inire. Ritelenykoùle heka sòwemy roirenyre Jerusalẽ hãwã-ò, tai rexiiwinyrenykemy iwese bede ywina rarybere wese Pascoakomy wahe. <sup>56</sup> Sòwemy iny Jesuisimy robikemy rỹimyhỹ. Tahe Deuxu dohodỹỹna hetowo-ki widee rarybemyhỹre tahe rarybere: —Kanakre aõbo Jesuisi worana bedehesi-ò. <sup>57</sup> Xiwena wedu fariseu-wana juhuu inyõ rarybemahãre: —Inyõ Jesuisimy robikeki, tuu wadeereny kanarybekre, tii ramykremy wahe.

## 12

<sup>1</sup> Jesuisi rare Betỹnia hãwã-ò Pascoa worana bedehesi rỹikrekoki. Debòsohoji txumy rauhenyemy rỹimyhỹ tamy. Tai heka Lazaru rasỹnymyhỹre rubu-ribi rexixare-ribi wahe. <sup>2</sup> Martabohe tahe rỹsỹna wiatãdana riwinyrenyre Jesuisideewina. Lazaru Jesuisi-wana riroxikremy rononymhỹ. Tahe Marta tamyreny rỹsỹna riwinyhỹ. <sup>3</sup> Marie tahe sòwemy aderõna lỹnyre-di ratximyhỹ, iòwyhykỹre heka. Tahe tii Jesuisiwaytre ritxiwire idi tahe taradedile risuhore. Heto tahe tỹnyrehekỹlemy roire. <sup>4</sup> Judasi Isario tule Jesuisi erydỹỹnaõ rare tii tai ratximyhỹ. Tii Jesuisi rityhynyreny tii raremyhỹ ihewo-ribi. Tii tahe rarybere:



<sup>5</sup> —Kaa aderõna heka iõwvhykÿ rare. Aõherekibo idi tahonyõte nieru idi bitakemy iny aõkõ mahãdu-ò nieru biwahinykemy. <sup>6</sup> (Judasi heka iny aõkõ mahãdu luu aõkõ rare. Erydÿÿna mahãdu nieru rubudÿÿdu tii rare. Kia nieruõ tahe ixideele ritosinymyhÿre. Tai tahe aderõna õwy ixidee ributunykemy idi ratximyhÿ). <sup>7</sup> Tahe Jesuisi rarybere: —Ixinamy wawatyre ritxiwike, wahãloo-ò waherina heka riryrymy tuu ritxiwireri. <sup>8</sup> Kaiboho heka aõu biwõhenanymy ahãbenyke iny aõkõ mahãdu awanareny dori rarehymy rarekre. Jiarÿ tahe kaki aratxihyyke aõkõ rare.

<sup>9</sup> Judeu mahãdu Jesuisi rehemynryeriò roholare. Tahe sõwemy iny tamyreny nade itxeremy. Tule Lazaru-ò itxeremy nade rubu-ribi rexixareki. <sup>10</sup> Tai tahe xiwewahidÿÿdu mahãdu wedu tule Lazaru rubudÿÿmy rarybere. <sup>11</sup> Lazaru òraru-ki dori sõwemy judeu wedu Jesuisi rityhynyre.

<sup>12</sup> Itxubiõwau tahe Jesuisi nade Jerusalẽ-ò kia-ò tahe roholare ibutumy worana bedehesi ludu mahãdu. <sup>13</sup> Tai tahe roirenyre tii-wana witxi reakemy horeru riwre ityre-di kanakre. Riryrenyre Jesuisi-ò: —Waiõlõreny, kai arawowydynryeri, kai bedeõbydÿÿdu tateki! Kai Deuxuni-di tateri. Kai judeu iõlõtÿhy tate. <sup>14</sup> Jesuisi nade jumenta riõre tyre-ki, tuu dori ihetxina tyryiti-ki roire wesemy. <sup>15</sup> Kiamy wahe roire:

—Judeu riõre mahãdu uritere brebuõmy atximahãbeny aiõlõreny dori kanakre jumenta riõre tyre-ki.

<sup>16</sup> Iery mahãdu kia rieryõhyyre juhuu. <sup>17</sup> Iribi tahe tõhõti itxi reare ritidÿÿna hetxina-ki roiremy, Jesuisi biu-txi rõõsemy rareu wahe tõhõtireny itxi reare. Tule sõwemy iaõmydÿÿnana rybe hetxina-ki riritinymy rÿimyhÿre. Kia-di tahe idi tõhõtireny reare. <sup>18</sup> Inyõ itxeredu heka Lazaru ixixanamy relyyre. Tai tule iny sõwemy doidenyde. Kia Jesuisi riwinyreõ heka roholareny. <sup>19</sup> Tai tahe fariseu mahãdu widee raryberenyre: —Ibutumy ihemy roirenyre. Timyõre, aõhe heka rikisÿnyrenyõtyhy.

<sup>20</sup> Inyõ worana bedehesi-ki grego rybedu mahãduõ ratximyhÿ. Tii tai Deuxu reãlakemy ratximyhÿ. Tii Besaida hãwã ludu-ò Kalileia bede luduõ ratximyhÿ. <sup>21</sup> Tahe grego rybe mahãdu tamy rarybere: —Wanyrÿ, jiarÿboho, Jesusimy arobikemy watzixenryeri. <sup>22</sup> Filipi tahe Andre-ko relyyre. Ta wiwana roirenyre Jesuisi-ò. <sup>23</sup> Jesuisi rarybere: —Aõkõra, Wabededÿÿnana iõhõra Deuxu Riõre Hãbutyhyhykÿ rubuna-ò, wahe. <sup>24</sup> Inatyhymy adeereny ararybekre: —Jiarÿ alõbõrona rijuxunymyhÿre wesemy aresekre suò, arurukremy. Aruruõkeki ixiwanahyyle ararekre. Arurukre-wana sõwemy araratynkre. <sup>25</sup> Inyõ ixiluukeki heka, ruruke. Kabede-ki tahe ixiluõkeki, tii rexiiwinymy umtyudeõna-ò ratxike. <sup>26</sup> Inyõ wadeõdumy ratximyhÿkeki, tii riwaheludunyke. Tai titxibo aratxikeõ tii wawana ratximyhÿke. Inyõ wadeõdumy rareke-wana, tii Waha riwowydynkre.

<sup>27</sup> Katahe wabedewonihikÿmy watzixenryeri. Timybo ararybekre, Waha, kia rubu aõmydÿÿnana-ribi biwatake. My õsana arexitõenykre. Aõkõre, kiaõle heka kabede-ò anade. <sup>28</sup> Waha, anityhy-ò iny riwowydynykemy watzixenryeri. Tule tahe rybe-ò roholareny: —Kia rotÿÿnyre ihãre ta ixityre tuu rotÿÿnykre. <sup>29</sup> Tahe iny sõwehekÿ kia rybe-ò roholare. Tahe rarybere: —Biumytxyle rare. Tahe ijõ rarybere. Aõkõre jÿju rare. <sup>30</sup> Tahe Jesuisi rarybere: —Waõraru-ki aõkõ kia rybe rÿyeri, aõrarureny-ki, tamy boholabenykemy. <sup>31</sup> Wiji tahe ywisidÿÿna kÿnykre, bedemy iny rÿira mahãdu-ò. Kia mahãdu iõlõ, Satanasi, kanahitxidÿÿyke. <sup>32</sup> Iu jiarÿ itxe-ò ki riwaukokre, ibutumy iny heka ixidee adiwuõtadãnykre riwatyhnykremy. <sup>33</sup> Iu tii kia rarybereu, tarubuna ritÿÿnyre timybo rurukre. <sup>34</sup> Iny sõwehekÿ dirawyõnyde: —Jiarÿboho raholarenyre bede ywina-ò. Tii rarybere: —Tiemy Kristu rarehymy rarekre. Timybo kai tarybeteri: —Biwaukokremy. Mobo tahe Deuxu Riõre Hãbutyhyhykÿmy tuu tarybeteri. <sup>35</sup> Tahe Jesuisi dirawyõnyde: —Urihimyõle loosõna awana rariamy ratxireri. Idi atxiteriule idi mariake, bede luru atxi kanakelau. Inyõ bede luruki rariakeki, tiobo rake rieryõhyyre. <sup>36</sup> Waloosõna atxiteriule, biwatyhnyke waloosõnamy, taile waloosõna mahãduõmy boibeke. Kiarybe rahu-di tahe Jesuisi iribi rexitamy rexiwore. <sup>37</sup> Tii sõwemy bedetidÿÿna ikoreny-txi riwinyre. Ihãrele tahe sõwemy rityhynyõre. <sup>38</sup> Kia tahe Isaia tyryiti-ki roire, tahe iwesele tuu rarybere wese wiji rÿira rotÿÿnyre:

—Wanyrÿ, Iny rybe tÿnydÿÿnareny tiiboho rityhynyõhyyre, Deuxu taruru tamy riteõsinyrehãrele rityhynyõre.

<sup>39</sup> Tai rityhynyõhyyre. Isaia, Deuxu rybedu ijõmy ròritidÿÿre:

<sup>40</sup> —Deuxu riruetañnyre, irayky riteredÿÿnyre. Tai rieryõhymy robiõhymyhÿre. Tiu heka Deuxu rityhynyõhyyre. Tiu riteytenyõhyyre.

<sup>41</sup> Isaia Jesuisi loosõnamy robire. Tai tahe tuu ròritidÿÿre. <sup>42</sup> Ihãrele tahe dohodÿÿna mahãdu wedule sõwemy rityhynyre. Urile fariseu mahãdu òrarukile, ijõ-ò tuu rarybeõre, dohodÿÿna mahãdu-ribi riõlõdÿÿnyheny. <sup>43</sup> Tiiboho dori Deuxu wowydyna luurenyõre inywowydynale luurenyre.

<sup>44</sup>—Iny riwatyhynymyhÿkeki, wadeòdÿÿdule rityhynymyhÿre. <sup>45</sup>Inyò wamy robikeki, iule wadeòdÿÿdumy robike. <sup>46</sup>Jiarÿ loosõna wesemy anade bede-ò. Tai tahe iny riwatyhynnykeki, bede luru ribi rõhõnyke. Tai heka anade. <sup>47</sup>Inyò warybe-ò roholake hãrele riywinyòkeki, tahe jiarÿ tii wiji ariywidÿÿnyòke. Jiarÿ dori tarasaduhyllemy anade. <sup>48</sup>Inyò riwatyhynnyòkeki, warybe-ò roholaòkeki, ikonana txuu tahe ywisidÿÿna-ò ralòke, warybe-ò rityhynnyòmyhÿreki aòhòkÿmy dÿÿnana-ò heka kia ralokre. <sup>49</sup>Jiarÿ ixi rayky-ribi aòkò rarybemahãre. Wahale rybe wadee riwahinymyhÿre. Kia wesele relyymahãre. <sup>50</sup>Deuxu rybe bede ywina-di diwateònyde umytuedeõna wahidÿÿna kia rare. Kiale heka reeryre.

## 13

<sup>1-3</sup> Pascoa worana bedehesi txumy txuu rÿire. Tahe Jesuisi rexieryre icyby tyby-ò rõðsekremy ihÿre, ibededÿÿnana iòhõmy roireki. Tule rexieryre tyby ibutumy tamy riwahinyremy. Tii tyby-ribi nade tule icybyle tamy rakemy. Txioro roxinau Jesuisi taerydÿÿna mahãdu-wana riroximyhÿreny. Judasi Isariò (Simaò riòre) taile ratximyhÿ. Juhuu diabo tamy rarybere iruule Jesuisi rityhenykemy. <sup>4</sup>Jesuisi sòwemy taerydÿÿna mahãdu luure. Tai tahe rÿire, tatytyre ludu ritare òsurõna rimyre, idi rexiwetyataare. <sup>5</sup>Hynaro-ò bee ritxiwire taerydÿÿna mahãduwaa risuhokremy tahe òsurõna-di tawetya-ki ihÿmyhÿ-di iwa rirubudÿÿnyre. <sup>6</sup>Tahe Jesuisi rehemynyre Simaò Pedro-ò, Pedro rarybere: —Aòkòre kai wawareny suròdòòmyke. <sup>7</sup>Jesuisi rirawònyre: —Kai heka teeryòte aòherekibo resuhòreri. Thewo-ribi tahe bierykre. <sup>8</sup>Pedro rarybere: —Aòkòre, wawasuròdòdÿÿòmy. Jesuisi rirawònyre: —Arisuhòòkeki wawanahyy aòkò mabeke. <sup>9</sup>Pedro rarybere: —Wawasohojile aòkò bisuhokre, wadebò warati-wana tule wahe. <sup>10</sup>Tahe ritÿnyre Jesuisi; inyò rõhõre-wana iwale rasuhòke. Iuhe ibutumy tyralemy rÿimyhÿre. Kaiboho yralemy toite. Sohoji tahe aòkòre. <sup>11</sup>Jesuisi tatyhedÿÿdu rayky rierymyhÿre. Tai tahe rarybera, ibutumy aòkò tyraremy.

<sup>12</sup>Jesuisi iwasuròdò rexihureu, tatytyre ludu retyynyra roxina-ò rõðsere. Tamyreny rÿÿraxire: —Kaiboho teerytenyete. Aòhebo jiarÿ kia ratÿÿnyra. <sup>13</sup>Adeereny aritÿnynykre. Kaiboho tiwaninitenyete anyrÿmy, aòhe inatyhy? Aerydÿÿdumy, inatyhy heka jiarÿ rare tahe òbitimy tarybetenyete. <sup>14</sup>Jiarÿ aerydÿÿdureny anyrÿreny heka awareny resuhore. Tai tahe kaiboho wiwa bisuhòbenykre. <sup>15</sup>Iwese jiarÿ rexideòsinyre wese kaiboho biwinybenykre. <sup>16</sup>Inatyhymy adeereny ararybekre. Deòdu dori tawedu ratyre aòkò rare. Rybe-ò ijohonadu dori rybedutyhy ratyre aòkò rare. <sup>17</sup>Kia warybe teerytenyete. Tahe biywinybenykeki bedeòbnyatyhy adeereny kanakre. <sup>18</sup>Ibutumy umyreny aòkò rarybereri jiarÿ aaeryrenyre, aratarenyreki, wahe. Rybe tyritti-ki roire kiamy: —Kia wawana riroximyhÿrele heka riwatyhenykre. Ele elemy tuu rotÿÿnykre.

<sup>19</sup>Wiji rarybereri heka wylemy kia tuu rotÿÿnykre. Tuu rotÿÿnykreule, kaiboho bierybenykre òbitimy raryberé wahe; jiarÿ biwatyhynybenykemy wahe. <sup>20</sup>Inatyhytyhymy ararybekre: —Inyò adee aditeònykre. Inyò tii rityhynmy kididykeki, tii riwadymyhÿre. Inyò kidiwadykeki wadeòdÿÿdu ridymyhÿre, Deuxu rityhynymyhÿre wahe.

<sup>21</sup>Tahe Jesuisi rabadewonihikÿmy ronymyhÿ. Tahe rarybera: —Iny sohojiò ayyeny-ribi riwatyhenykre. <sup>22</sup>Tahe wii riijerijerenyre. Mokobo rarekremy rõhòtynyrenyre. <sup>23</sup>Jiarÿ, Joaò Jesuisi weribi ranywÿhÿ, tii dori sòwemy waluure. <sup>24</sup>Tahe Pedro wadee narybewasidi: —Tamy inihe myÿraxike mobo raremy. <sup>25</sup>Tahe jiarÿ retorunyre: —Wanyrÿ, mowexe ratxireri. <sup>26</sup>Jesuisi rarybere wadee: —Kia orotxu ituudÿÿ tamy ariwahinykrele tiikre. Tahe Jesuisi orotxu yre rituunyre idi tahe Judasi Isariò-ò riwahinyre. Tii Simaò riòre rare. <sup>27</sup>Tahe Judasi riyre. Iribi tahe Satanasi aòwesele tamy ralore. Jesuisi heka Judasi-ò rarybere: —Aòhebo botÿÿnykre wylemy makre biwinykremy. <sup>28</sup>Tahe riroximy rÿimyhÿ mahãdu rieryòre aòmybo Jesuisi rarybemahÿ. <sup>29</sup>Judasi Isariò dori nieru hyna yrubudÿÿdu heka rare. Tai tahe rõhòtynyrenyre Jesuisi worana bedehesi aõna aõna riwykemy riteònyre, ada iny aokòdu mahãdu-ò nieruò riwahinykemy. <sup>30</sup>Judasi orotxu yre riymy rahudi tahe rõhònymy rare bede luru-txi.

<sup>31</sup>Judasi rõhònymy rahudi tahe Jesuisi rarybere: —Wiji tahe Deuxu Riòre Hãbutyhyhykÿ loosõnamy iny robimyhÿre taraykywo-ki. Tii heka jiarÿ rare. Deuxu-ò waòraru-ki wowydyna riwahinykre. <sup>32</sup>Deuxu loosõnamy tahe waki iny robikeki, Deuxu riwatoosõnyreri aòwesele ibutumy iny tuu robike. <sup>33</sup>Waluudu mahãdu wariòre wesemy atximahãtenyete, umywanareny urihimyoòle arekrekre, idi tahe arakre. Tahe biwaijebenyhãrele waki mahabenyòtyhy. Iwese judeu mahãdu-ò rarybere wesele adeereny ararybekre: —Titxibo arakre-ò kaiboho boibenyòke. <sup>34</sup>Bede ywina tÿmyra wese adeereny ariwahinykre kiamy wahe: —Wiluurenykemy wahe: —Iwese jiarÿ aluurenyre wese tule kaiboho wiluurenykre. <sup>35</sup>Wiluurenykeki ibutumy iny rieryrenykre kai waerydÿÿna mahãdumy tate.

<sup>36</sup>Tahe Simaò Pedro ritÿÿraxinyre: —Wanyrÿ, titxibo kai makre. Jesuisi dirawònyde: —Titxibo arakre-ò wiji kaiboho boibenyòke, iribi tahe wahemy bodoikre. <sup>37</sup>Tahe Pedro

rarybere: —Wanyrÿ aõherekibo araõkre wiji ahemy waumy kie aõraru-ki ariwahinykemy watxireri. <sup>38</sup> Inatyhymy aõbo aumy biwahinykre waõraru-ki. Inatyhytyhymy ararybekre: —Hãnie hæbu robukõule kai biwatxiõnykre inataõmy.

## 14

<sup>1</sup> Kaiboho bedeõtidiõnyrenyõmyke bedewona-ki. Kaiboho Deuxu tetyhynytenyete, tai tahe biwatyhynykre. <sup>2</sup> Wahasÿ-ki sõwemy sÿÿ rÿimyhÿre kialemyre heka tai. Kaweseõkeki adee inatyhymy rarybemahãre. Jiarÿ tahe arakre sÿÿ adeereny ariwinykemy. <sup>3</sup> Ariwinymy arahudi tahe ixbyle aõrysmy adõõsekre. Tahe aradyrenykre titxibo-txi aratxireriõ kaiboho tule matxibenykre. <sup>4</sup> Kaiboho dori teerytenyete titxibo wasÿry roire. <sup>5</sup> Tahe Tome rarybere tamy: —Wanyrÿ, titxibo makreõ reerykõrenyete. Tai tahe timykibo asÿry reeryrenyemy. <sup>6</sup> Jesuisi dirawyõnyde: —Jiarÿ wa ryy rare. Deuxu inatyhyna jiarÿ rare. Umytuedeõna wahidÿÿdu jiarÿ rare. Inyõ waõrarukile Waha dee rakre. <sup>7</sup> Kaiboho tiwaerytenyete-wana tule Waha teerytenyete. Wiji tyhyule Deuxu teerytenyete, tuu tabitenyete. <sup>8</sup> Idi Filipi rarybere: —Wanyrÿ, boo inydee biteõsinyke, tai tahe awike. <sup>9</sup> Tahe Jesuisi rarybere: —Filipi, sõwemy bededÿÿnana umy-wana rewyre. Ihãrele tahe tiwaeryõte. Inyõ wadee kanakeki, Wahamy robike. Aõherekibo wadee tarybeta boo wadee biteõsinykemy. <sup>10</sup> Jiarÿ Waha-ki watxiwãhãre tule Waha waki ihÿre. Kia aõbohe tetyhynyõte rarybewãhãre, kia iximy aõkõ rarybewãhãre. Waha waki ratximyhy tii taõmydÿÿnanamy rotÿÿnyre waumy-ribi. <sup>11</sup> Waha-ki watxiwãhãre, tule tii waki ihÿre, kia bityhynybenyke. Aõwiihikÿ rewinywãhãre õraru-ki biwatyhynybenyke. <sup>12</sup> Inatyhytyhymy adee ararybekre: —Inyõ riwatyhynykeki, wawesele aõwiihikÿ riwinykre. Tahe watyreleaõ riwinykre. Jiarÿ dori Waha-õ arakre. <sup>13</sup> Tai wanimy aõmy bexitõenybenykeki, tii tahe ariwinykre. Iny Waha-õ wowydyna riwahinykemy idi watxireri, iRiõre wahe jiarÿ rare. <sup>14</sup> Tai aõma wani-õ bexitõenybenykeki, tii tahe riwinykreadeereny. <sup>15</sup> Inyõ waluukeki tii wabede ywina riwinytyhyke. <sup>16</sup> Waha-õ arexitõenykre iÿõ wiõhedÿÿdu adeereny kiditeõnykemy waderõwymy. Tii aõu aõu adeereny hyyle rarekre. <sup>17</sup> Tii Deuxu Tyytybytyhy rare. Tii inatyhynamy rieryrenyete, iny bedede mahãdu wahe. Deuxu Tyytybytyhy ixidee ridykemy. Tuu dori robiõtyhy rieryõtyhy. Kaiboho tahe teerytenyete. Tii dori umywanareny ratximyhÿre, aworeny-ki ratxikremy. <sup>18</sup> Jiarÿ heka ixisohojimy ararisidÿÿnyõtyhy. Jiarÿle adee adoosekre. <sup>19</sup> Wijile arurumy arakre bede-ribi. Bede bede mahãdu tiu wamy robiõtyhy. Kaiboho tahe wamy bobilebenykre, jiarÿ dori ixityre rubu-ribi adexixamy arearekre. Tai tahe tule kaiboho rubu-ribi bexixamy boibekre. <sup>20</sup> Kia txuu kaiboho bierybenykre jiarÿ heka Waha-ki watxiwãhãremy. Kaiboho tasÿ waki ahãtenyete. Jiarÿ tule akireny watxiwãhãre. <sup>21</sup> Inyõ wabede ywinareny dikeki tahe, riwinykeki, waluudu rare. Waha tule iluukre. Jiarÿ tule iluutyhyre. Tamy tule arexideõsinykre. <sup>22</sup> Judasi tamy rarybere: (aõ Isariõ aõkõ kÿny, iwitxi-raõ.) —Wanyrÿ, aõhekremyõ wadeereny bedexideõsinykre tahe bedede ludo mahãdu-õ aõkõ wahe. <sup>23</sup> Jesuisi rarybere: —Inyõ waluukeki, wabede ywina riwinytyhyke. Waha, heka iluutyhykre. Jiarÿboho tamy adoidenykre tamysÿmy. <sup>24</sup> Iny waluõkeki, warybe tiu rityhynyõtyhy. Aõ warybe-di aõkõ heka rarybereri. Waha wadee riwahinyredi heka rarybereri.

<sup>25</sup> Tai arakrekoki tuu rarybereri adeereny. <sup>26</sup> Tahe Deuxu Tyytybytyhy, awiõhedÿÿdu, tii araerynanykre ibutumy aõna aõnamy. Timybo jiarÿ adeereny raryberemy akananohõtijaranydenykre. <sup>27</sup> Ywina adeereny adiwahinykre waywina wahe. Iwese bedede ludo mahãdu riwahinyhÿre wese aõkõ ariwahinykre. Uritere nohõtiryõõmy brebuõmy. <sup>28</sup> Rarybere dori arakremy tule adoosekre. Waha waratyre rare. Tamy he arakre. Kaiboho waluukeki, beysabenykre tamy arakreu. <sup>29</sup> Kaa bedede reakoki tuu rarybereri. Tuu reakreu tahe, kaiboho biwatyhynybenykre. <sup>30</sup> Sõwemy heka adeereny ararybeõkre, bedede dinodu dori themynysÿ iõhõmy ihÿre, Satanasi wahe. Tii heka wadee iruruõhyre, riwateõnyõtyhy. <sup>31</sup> Jiarÿ Waha luure. Rewinywãhãre aõbo Waha ariwinykemy riwateranymyhÿre. Botamanyke: —Rõkõirenyke.

## 15

<sup>1</sup> Hãjutõ õwõna wese wihikÿ jiarÿ rare. Waha tahe bedede rade wysydÿÿdu wese rare. Bede õbebure iratyõkeki iõ riõrõke. Iratydikeki iõsõmo iribi risihere. Tai tahe sõwetyhymy nihikÿmy raratynyke. <sup>2</sup> Kaiboho bedede rade-õ wesemy toite. Warybe-di aõsõmoreny aribireny resihemahãre. Katahe õbitimy toite bederatymy raratynykemy. <sup>3-4</sup> Kaiboho biwamymy wadi mykire. Iwese bedede radeõ raõrõõmyhÿkeki irulemy rÿikre raratynyke. Aõkõkeki ruruke. Kaiboho iwesele toite. Waki beãrenyõbenymyhÿkeki, tiu Deuxudeewimy atxibenyõtyhy. <sup>5</sup> Jiarÿ hãjutõ õwõna wese rare. Kaiboho ibede radeõ wese toite. Waki beerenybenykeki, jiarÿ aki ararike, tai bederaty wese sõwemy maratynyke. Wahoõkeki tiu aõ biwinybenyõtyhy. <sup>6</sup> Inyõ waki rariõkeki, iwese iny bedede rade rubu-di rahuleke,

tii iwesele inyõ rahukre. Juhuu rimyre, idi heõty-ò rehure, tai roomyhÿre. <sup>7</sup> Kaiboho waribi boibenyõkeki, warybe õhõti-ribi rosaõtyhykeki, aõtaxina wadee bexitõenybenykre, tai ibutumy adee ariwahinykre. <sup>8</sup> Iwese bede rade sõwemy raratynymyhÿre wese, kaiboho, aõna aõna wiiwhikÿ biwinybenyke Deuxu dee. Kiakeki tahe Deuxu deãlãna sõwemy ritakre. <sup>9</sup> Iwese Waha waluure wese jiarÿ aluurenyre waluuna-ribi boibenyõke. <sup>10</sup> Wabede ywina inyõ riywinykeki, tii waluuna-ribi raõtyhy. Iwese Waha bede ywina reywinymyhÿre wese tahe Waha luuna-ribi jiarÿ tiu rahõnyõhyre. <sup>11</sup> Wadeysana awo-ki ratxikemy jiarÿ adi watxireri. Eysana sõwemy mabekemy adi watxiwãhã. Tai tahe warybe adee rarybere. <sup>12</sup> Wabede ywina heka kaa rare: —Wiluukemy. Iwese jiarÿ aluure wese wiluurenykemy. <sup>13</sup> Inyõ taery dee rurukeki taluunadireki, tii luunatyhy ijõdore. <sup>14</sup> Kaiboho wadeewi biwinybenykwana tai inatyhymy wabiõwa toite. <sup>15</sup> Tahe aõ wadeõdumy aõkõhe araninirenykre. Kaiboho wabiõwa toite jiarÿ dori Waha-ribi raholare adee tuu relywãhãre. <sup>16</sup> Kaiboho tahe tiwatatenyõhyte, jiarÿ tahe aratarenyre kaiboho boibenykemy. Sõwemy aõna aõna wiiwhikÿ botÿÿnybenyke. Tule kia aõna aõnany tuu roihyykemy. Tai tahe aõmy Waha-ribi wani-di bexitõenybenykeki, adee riwahinyhy rareke. <sup>17</sup> Wiluubenyke: —Kia tahe wabede ywina adeereny adiwahinyde. <sup>18</sup> Bede ludu iny mahãdu eramy reakeki myÿ uritere nohõtiõmy juhoo dori waderamy waluuõre. <sup>19</sup> Kai bede ludu iny tate-wana iny aluuke, tahe aõkõre. Tai tahe iny eramy reamyhÿre. Bede ludu mahãdu ribi jiarÿ aratara. Bede ludu mahãdu aõkõ tate urenana. <sup>20</sup> Adee heka rarybere aõmybo. Uritere iribi nohõti lusaõmy kia wahe: —Deõdu tawedu ratyre aõkõ rare. Tai wadee aõbina binamy iny rotÿÿnymyhÿre. Adeereny tule aõmy rotÿÿnykemy wahe. Tii boho warybe riywinyrenykeki, arybe tule tiibo ho riywinyrenykre. <sup>21</sup> Kia tahe adee ratÿÿnymyhÿre wanimy rybe õraru-ki, tiibo ho dori wadeõdÿÿna rieryõreki. <sup>22</sup> Tuu ararybeõre wana inihe tiibo ho õrarudiõhyrenyre. Katahe rarybere tai tahe tiibo ho rarybeõtyhy rieryõremy. <sup>23</sup> Inyõ waluuõkeki, tule Waha luuõtyhy. <sup>24</sup> Jiarÿ heka ibutuko-ò wowydyna itxerenarenymy rewinyõrewana, tiibo ho iõrarudiõhyre inihe. Tahe rewinyamahãre, tuu robimyhÿrenyre, ihãrele tahe waluuõre tule Waha luuõre. <sup>25</sup> Kiamy heka rotÿÿnyre bede ywina ritidÿÿna-ki roireki. Tai heka tuu rotÿÿnymyhÿre. Kiamy wahe ritidÿÿna-ki roire:

—Tii heka bede õraru aõkõ rare, ihãrele tahe iluuõrenyre.

<sup>26</sup> Deuxu Tyytybytyhy adee ariteõnykre. Tii, wiõhedÿÿdu rarekre inatyhynamy rierynanykre. Tahe, tii kedehemynykreu wamy rarybekre. <sup>27</sup> Tule kaiboho wamy marybenykre, wawana hyy ahãtenyteki.

## 16

<sup>1</sup> Kiamy adee rarybemahãre õraruna-txi ixekõkemy. <sup>2</sup> Tiibo ho heka anatakre tohodÿÿna hetowo-ribi. Kobe, bede dÿÿnana iõhõmy kadeakreu inyõ anarubonykeki, kia Deuxudeewimy tuu konohõtinkyre. Tii Deuxu wiõhedÿÿdu raremy xixi-di kõnohõtinkyre. <sup>3</sup> Tiibo ho Waha rieryõhyymyhÿrenyre tule riwaeryõmyhÿre. Tai tahe kiamy adeereny rotÿÿnymyhÿrenyre. <sup>4</sup> Iu adeereny aõmydÿÿnana kedehemynykreu, õhõtirenny itxi reake timybo adeereny rilyretxi. Tiu heka tuu rarybeõhyre, mywanarenhyhy dori wãhãre. <sup>5</sup> Katahe arakre wadeõdÿÿdu-ò. Kaiboho bÿÿraxibenykekõ aõbo tiobo arakre-ò. <sup>6</sup> Kaiboho heka tabedewomy toite kamy rarybereriki. <sup>7</sup> Ihãrele tahe inatyhymy adeereny ararybekre: —Adeereny awikre arakreki wahe. Jiarÿ araõkeki awiõhedÿÿdu, Deuxu Tyytybytyhy kanaõkre. Arakeki tahe tii aditeõnykre adeereny. <sup>8</sup> Iu kanakreu, tii inydee kiditeõsinykre irayky binadiremy, iõbitina-di aõkõremy, iõrarunadiremy. Deuxu dori õrarudu riywisidÿÿnykre. <sup>9</sup> Taõraruna ixidee kiditeõsinykre tiibo ho riwatihÿnyrenyriki. <sup>10</sup> Tahe ixidee kiditeõsinykre. Jiarÿ iratyre waõbitina direki. Waha-ò dori arakre, wamy bobibenyõtyhykemy. <sup>11</sup> Deuxu ixiywisidÿÿna ixidee kiditeõsinykre kabede dinodu dee rarybere tii rexihukremy. <sup>12</sup> Jiarÿ heka sõwemy adee ararybekemy watxireri, ibutumy tahe isiramy ixidee bohobalenykre. <sup>13</sup> Txiohe rare. Deuxu Tyytybytyhy kanakreu, inatyhymy adeereny rarybekre inatyhyna-di ibutumy. Tarybe-di tahe rarybeõkre. Deuxu-ribi aõmybo roholaremy tahe rarybekre. Tule timybo aõna aõna rarekremy kanarybekre. <sup>14</sup> Tii waaõmydÿÿnana adeereny ritÿÿnykre. Tai kidiwa-toosõnanykre. <sup>15</sup> Ibutumy Wahahõrõ heka wahõrõ rare. Tai heka tuu adeereny rarybereri waaõmydÿÿnana adeereny kiditÿÿnykemy. <sup>16</sup> Urihimyõ riõre heka waõkre, idi tahe ixityre wamy bobibenykre. <sup>17</sup> Tahe ijõ ierydÿÿna mahãduõ widee rarybere: —Timybo tii rarybere: —Urihimyõ iõkremy tii rarybereri, tule ixiryre wamy bobibenykre. Tule Waha-ò arakre. Timybo heka rieryenyõhyre aõmybo rarybera. <sup>18-19</sup> Tiibo ho Jesuisi-ò rÿÿraxirenykremy ratxirenyreri. Tahe Jesuisi rieryenyhÿre tuu rÿÿraxikre. Tahe Jesuisi tamyreny rÿÿraxikre: —Kaimy ixidee tÿÿraxitenyteri. Wananamy waõkesenalemy. <sup>20</sup> Inatyhymy adeereny ararybekre: —Iny bede mahãdu urile reysakre, kaiboho tahe araeryreny urile mahinybenykre, birajuabenykre, mabedewobenykre. Idi tahe kaiboho beysabenykre. <sup>21</sup> Iwese hãwyy ijera iõhõreki, rabedewomyhÿre, taaõhõkÿmydÿÿnana-di rõhõtinyinmyhÿre. Idi tahe

reamyhyre. Iu tahe tõhõti rosamyhyre tohouã tÿmyradile reysamyhyre. <sup>22</sup> Iwesele kaiboho mabedewobenkykre, ixityre wamy bobebenkykreu tahe, kaiboho beysabenykre. Inyõ heka deysana aribireny ritaõtyhy. <sup>23</sup> Kiatxu tahe uritere watÿÿraxisidÿÿõmykre inatyhymy adeereny rarybereri. Waha-ribi aõmy bexitõenybenkykeki. Tii adeereny kidiwahinykre wani õraru-ki. <sup>24</sup> Tiu heka aõmy texitõenytenyõmahãte wani-di. Bexitõenybenkyke, tai bitabenykre. Tai tahe kaiboho beysabenykre.

<sup>25</sup> Ibutumy rybewõtemy adeereny rarybewãhãre wahe. Idi tahe tuu adeereny ararybeõkre. Idi tahe itÿnytyhymy Waha aritÿnynykre adeereny. <sup>26</sup> Kiatxu tahe bexitõenybenkykre wani-di jiarÿ ararybeõkre umyreny Waha-õ. <sup>27</sup> Waha dori aluurenre, kaiboho waluurenreki, Deuxu-ribi anade tetyhynnytenykeki. <sup>28</sup> Waha-ribi anade, bede-õ adehemynnyde ihãrele bede-ribi arakremy Waha-õ. <sup>29</sup> Jesuisi ierydÿÿna mahãdu rarybere: —Wiji tahe itÿnytyhymy tarybeteri. Rybewõte-di aõkõ tarybeteri. <sup>30</sup> Kai ibutumy teeryte. Inyõ dÿÿraxisidÿÿõmy adee. Kai inatyhymy Deuxu-di tanate. Kia jiarÿboho retyhynnyrenre. <sup>31</sup> Tahe Jesuisi tamy rÿÿraxisire. Inatyhymy wijityhyle tetyhynnytenyke. <sup>32</sup> Wabededÿÿnanamy heka reara. Kaibohoõ sohoji sohojimy tasÿ tasÿ-õ rakre. Biwaribenykre ixi sohojilemy arÿikre. Tahe ixi-wana aõkõ watxikre, Wahawanale arÿikre. <sup>33</sup> Kaheka aõna aõnamy adeereny rarybere ywina-di araykyreny-ki boibekre. Bede-ki kaiboho aõhõkÿmy botÿÿnybenkykre. Ihãrele beysabenykre, Jiarÿ heka Deuxu õludu mahãdu-di rõtara.

## 17

<sup>1</sup> Jesuisi rarybemy rahudi tahe reterehe biu-õ rarybere: —Waha, wabededÿÿnanamyhe reara. Ariõre watxiwãhãre. Wowydyna wadee biwahinyke tai tahe adee wowydyna adee ariwahinykre. <sup>2</sup> Kai, Waha, ibutumy wadee ruruna tewahinyta iny deõdÿÿnamy. Tai umytedeõna ariwahinykre biu-õ hedu mahãdu-õ. <sup>3</sup> Kia heka umytedeõna rare: —Deuxu inatyhy tate sohojityhy tate. Tii araerynykeki tahe eõdÿÿna Jesuisi Kristu rieryrenykeki. Kia umytedeõna rare tamyreny. <sup>4</sup> Aõ aõmysÿdÿÿnabo wadee tewahinyte, ibutumy adee rewinyre. Tai heka arawowydynra kabede-ki. <sup>5</sup> Iu bede rexidelenyreu umywanahyy rarewãhã. Sõwemy loosõna nihikÿ-di rawãhãre. Tahe wiji, Waha, kia loosõnale ixityre bidiwahinykre umywanahyy ararekre. <sup>6</sup> Kai iny mahãduõ wadee tewahinyte bede mahãdu-ribi. Tamyreny umy rarybemahãre. Juhu tiiboho ahõrõ roire. Idi wadee tewahinyte. Tiiboho arybe riywinymyhyre. <sup>7</sup> Ibutumy waaõmydÿÿna aribi retamahãre. Kia heka wiji tiiboho rieryrenyra ibutumy aribi nade. <sup>8</sup> Aõrybebo wadee tewahinytamy tamy rarybemahãre. Tiiboho rityhynnyrenre, rieryreny aribi jiarÿ anade, kai wateõdÿÿdu tate. <sup>9</sup> Iõraru-ki adee rexitõenyre. Tiiboho amahãdu roire. Wadee tewahinyte, bede mahãdu-õ raru-ki aõkõ adee rexitõenyre. <sup>10</sup> Ibutumy wahõrõ, ahõrõ rare. Tule ahõrõ, wahõrõ rare. Tai heka iny mahãdu riwatoosõnanymyhyre. <sup>11</sup> Jiarÿ adee arakre tai kaki arareõkre. Tiiboho heka kaki rarirenykre. Tiiboho biyrubunykre, Waha, ani õbiti-di biyrubunykre, wadee tewahinyteki. Tai tahe iraykyreny wiwesehyy roirekre. <sup>12</sup> Tiiboho-wana rarewãhãu ani õraru-ki reyruunymahãre, wadee tewahinyteki. Timy heka reõnonyõhyre ijõ, sohojile tahe reõnonyre. Juhuu dori Ritidÿÿna roire ijõ sohojiõ ariõnonykremy. Ihyy tahe reõnonyre, Judasi Isariõ õnodÿÿduhyy rarekre. <sup>13</sup> Ka tahe arakre arara-õ. Tii heka inyõ rarybemahãre ibutumy wadeysana iworeny-õ ralõmyhÿkemy. <sup>14</sup> Jiarÿ arybe tamyreny rewahinyamahãre. Bede mahãdu iny dori terarenre, tiiboho bede mahãdu iny aõkõ roireki. Iwese jiarÿ bede ludu hãbu aõkõ rare wese. <sup>15</sup> Bede-ribi tarasamy aõkõ heka adee rexitõenyre. Urile ibina bina widÿÿ-ribi biyrubunykemy. <sup>16</sup> Tiiboho tahe wiji ijõ bede wixira ludu roire, iwese jiarÿ rare wese, wahe. <sup>17</sup> Arybe-di tiiboho biõbitinyke, tai ahõrõ mahãdumy rarekre. Arybe dori õbitityhy rare. <sup>18</sup> Iwese bede iny-õ tadiwateõnyte wesemy, jiarÿ tiiboho reteõnyre bede ludu mahãdu-õ rarybekremy. <sup>19</sup> Tamyreny xiwena wesemy adee arexiwahinykre. Õbitihyy ararekre, tai tiiboho õbitihyy roirekremy inatyhyna-di. <sup>20</sup> Aõ tamy sohojile aõkõ heka rexitõenyre. Ibutumy kia rityhynny rÿirakre-õ dori rexitõenyre. <sup>21</sup> Tai tahe ibutumy wiwese wesemy rõhõtynyrenykre. Iwese, Waha, kai waki atxiteri wesemy tule aki watxireri wesemy tiiboho iny-ki roirekre. Tai bede iny mahãdu rityhynnykre atedÿÿna watxireri urenana. <sup>22</sup> Kai loosõna wadee tadiwahinyte, tahe tamyreny rewahinyre. Tiiboho sohojihyy weselemy roirekremy, iwese iny sohojihyy rare wesemy. <sup>23</sup> Jiarÿ tairenre wãhãre, kai waki ahãte. Tai tahe inyboho butuhyy rokoirekre. Wii riõbitinymyhyrenykre. Tai bede mahãdu rierykre tadiwateõnyteki. Tule wamahãdu luu tate urenana Waha, iwese waluure wese. <sup>24</sup> Waha, titxibo ararekre, tiiboho wawanahyy roirekre, wamahãdumy wadee tewahinyteki. Tai tiiboho waloosõnamy robikre. Kai dori bede ihokõule waluure, tahe loosõna wadee tewahinyte. <sup>25</sup> Waha õbiti, bede mahãdu araeryõre Jesuisi tahe araeryre. Wamahãdu tule rieryre tadiwateõnyte. <sup>26</sup> Jiarÿ tiiboho reerynanyre ani-di. Ihãre ta arierynanykre. Tai aluuna iwese waki ratxireri wesemy tairenre rarekre, tule jiarÿ tairenre ararekre.

## 18

<sup>1</sup> Jesuisi rexitōenyra rahudi tahe roirenyre taerydŷŷna mahādu-wana Cedrō beāwe-ribi kowa ijā-ō heka reurōrenyire, tahe bederaty oworuro-ō rirōnyrenyire. <sup>2</sup> Judasi heka Jesuisi tyhedŷŷdu heka ibede rieryre, Jesuisi dori taerydŷŷna mahādu-di tamy rahyymyhyre. <sup>3</sup> Tahe Judasi, soldado mahāduō tadinodu-wana ributunyre. Fariseu mahādu-ribi xiwena wedu wahidŷŷdu-ribi Judasi soldado yrubudŷŷdu mahādu rihitxinyre tule xiwena deōdu mahāduō rihitxinyre tii-wana rakremy roirenyre. Tahe tamy ritehemynyrenyire tōbōra heōty-wana. <sup>4</sup> Jesuisi rexieryre ibutumy aōmybo tamy kodotŷŷnykre. Tahe iny mahādu-ō rexidōrunyre. Tahe rŷŷraxire tamy: —Mowe teijetenyteri. <sup>5</sup> Tahe dirawyōnyde: —Jesuisi Nazare hāwā ludu rejjereri. Tahe Jesuisi rarybere: —Jiarŷ wa tiile rare. Tahe Judasi ityhedŷŷdu tii mahādu wanale nade. <sup>6</sup> Jesuisi tamyreny rarybereu, tahe rexilōhōriarienyre iribi, tahe suōle reserenyre. <sup>7</sup> Ixityre Jesuisi tamy rŷŷraxire: —Mowe teijeteri. <sup>8</sup> —Jesuisi Nazare hāwā ludu, tiiboho dirawyōnyde. —Rarybera tahe jiarŷ rarem ywahe. Tiwajeteri-wana tahe biwadyke urile ixinamy wajoi rirahuke. <sup>9</sup> Kawesemy wahe irybe hitxina wadee tewahinyteō heka tiu reōnonyōhywāhāre. Jesuisi, kiamy rarybere tamyreny irybe hitxina wesemy ibutumy tuu rotŷŷnykremy. <sup>10</sup> Tahe Pedro tamaydese ritamy reare tahe xiwena wedu deōdu riwotōmonyre. Malōō heka inire. Pedro Malōō nohōti riorore ruruwe-ribi ludu wahe. <sup>11</sup> Jesuisi rarybere Pedro-ō: —Amaydese birutyke. Jiarŷ Waha deewimy aōhebo arotŷŷnykreō aōbo wadi tahōtinyteri. Aōhōkŷmy arotŷŷnyōkemy aōbo wadi tahōtinyteri.

<sup>12</sup> Tahe soldadu, tadinodu-wana, judeu yrubudŷŷdu-wana Jesuisi rimyre ritaataamy ridyre. <sup>13</sup> Kia beōra Kaifa xiwena wedu tyhy rare. Anasi iriōre labie rare. Tai tahe juhū Ana-ō ridyre. <sup>14</sup> Kaifa tahe juhū judeu mahādu-ō rarybere: —Wiji beōramy hābuō iny mahādu ōraru-ki rurukremy rahōtinyteri.

<sup>15</sup> Simaō Pedro inyō-wana rare Jesuisi hewomy. Kia Pedro-wana rare, kia xiwena wedutyhy eryna rare. Tai tahe ralore ōity ijōrore-di. <sup>16</sup> Pedro tahe ahanakile rŷire. Kia Pedro-wana rare. Rohonyre hetowo-ribi hetoiō-di itxeredu-ō rarybere, tahe Pedro ridyre hetowo-ō. <sup>17</sup> Kia ijadōma, heto ijō-di itxeredu rarybere Pedro-ō: —Kai Jesuisi erydŷŷkŷna mahādunokō anobo tate. Tahe Pedro dirawyōnyde: —Aōkōre. <sup>18</sup> Tahe soldado yrubudŷŷdu tai rahetōmy rŷimyhŷ, heto ludu deōdu mahādu-wana txutātā riki. Pedro iyrenyikile rŷimyhŷ rahetōmy.

<sup>19</sup> Tahe xiwena wedu tahe Jesuisi-ō rŷŷraxire. Aōhebohe aerydŷŷna mahādu-wana tadotŷŷnymahāte. Timybohe tebedeerynymahāte. <sup>20</sup> Tahe Jesuisi ritŷnynyre: —Ibutumy inyko relymahāre iwasiy aōkō heka relymahāre. Judeu dohodŷŷna hetokile relymahāre Deuxu dohodŷŷna heto-wana. Titxibo judeu mahādu ributunymyhyremy relywāhāre. <sup>21</sup> Tai aōherekibo wadeele tŷŷraxiteri. Myŷŷraxike wadee ijohonadu-ō. Tiiboho ka rieryrenyre aōmybo rarybere. <sup>22</sup> Jesuisi kia rarybereu, soldadu itxeredu rihetenyre. Tahe rarybere: —Tu heka rybeōmyke xiwena wedutyhy-ō. <sup>23</sup> Jesuisi dirawyōnyde: —Jiarŷ ibinamy aōmybo rarybera-wana, manarybeke tuu. Aōkōkeki, awimy rarybera-wana aōherekibo tiwahetenyte. <sup>24</sup> Anasi tahe Jesuisi ridykemy riteōnyre tataanadihyyle Kaifa-ō, xiwena wedutyhy wahe.

<sup>25</sup> Kowa tahe Simaō Pedro ratximyhŷre rahetōmy rŷimyhŷ. Inyō rŷŷraxire: —Kai aōbo ierydŷŷna mahāduō tate. Tahe rexitxiōnyre. Jiarŷ ijō aōkō rare. <sup>26</sup> Xiwena wedu deōduō Pedro-ō rŷŷraxire: —Tii heka Pedro ritōhōtiorore ijoio rare. Tahe tamy rarybere: —Umy taheka rabire tii-wana bederaty oworuro-ki atximahā-ō. <sup>27</sup> Pedro ixityre rexitxiōnyre. Aōwesele tahe hānie hābu robure.

<sup>28</sup> Idi tahe Kaifa heto-ribi Jesuisi ridyrenyre ywisidŷŷna-ō bede dinodu heto-ō rudiulere. Tiiboho rirōnyōhyre brebuna-di rexisunrenyheny. Rirōnyrenyeki, tahe Parscoa worana bedehesi rŷŷnaō rirŷŷōtyhy. Tiiboho dori rōhōtinyre rirōnyeki, brebuna raryme. <sup>29</sup> Tahe Pilato rōhōnyre tamy rarybekremy: —Tahe Jesuisim tamy rŷŷraxire kia hābumy teraju-atenyteri aōhebohe rotŷŷnyra. <sup>30</sup> Tahe dirawyōnyde: —Aōbibina binamy rotŷŷnykōhyra wana inihe aridyrenyōhyreri. <sup>31</sup> Tahe Pilato rirawyōnyre: —Bidyke abede ywina rybe-di biywinyke. Tahe judeu mahādu rarybere: —Wabede ywina rybe warubudŷŷmy rybe aōkō rare. Inyō heka arirubunynyrenyōtyhy. <sup>32</sup> Kia rybe tahe Jesuisi rybe wesemy rare. Tii dori iximy rarybere timybo rurukremy. Tai timybo irybe hitxina wesemy raryberemy ibutumy rarekre.

<sup>33</sup> Ixityre Pilato ralore ywisidŷŷna-ō Jesuisi-ō rŷŷraxire: —Kai aōbo judeu mahādu Iōlō tate. <sup>34</sup> Jesuisi ritŷŷraxinyre: —ŷŷraxina aōbo ahōrō rare ada ijō aōbo wamy kia rarybere. <sup>35</sup> Tahe Pilato rarybere: —Jiarŷ wa judeu mahādu aōkō wāhāre. Aōbinatyhymy aōbo he tewinyte. Judeu mahādu wadee tiwadyte. <sup>36</sup> Jesuisi dirawyōnyde: —Waiōlōna hāwā bede ludu aōkō rare. Waiōlōna kaki ratxikeki wamahādu wadee raaōbinanyke. Tai tahe judeu mahādu-ō riwawahinykemy aōkō watxiwāhāre. Tahe aōkōre kabede ludu aōkō Waiōlōna

rare. <sup>37</sup> Pilato tahe rarybere: —Kai aõbo inatyhy iòlòmý tate. Tahe Jesuisi dirawyònyde: —Kai ka wamy tarybeta. Kia-ò uludumy anade. Kia-ò anade, inatyhynamy arelyykemy. Inyò inatyhynamy luukeki warybe-ò roholamyhÿre. <sup>38</sup> Tahe Pilato rÿÿraxire: —Aõbo inatyhyna rare. Ta rybe rahudi tahe judeu mahädu-ò rarybekemy rare. Tiu kÿny kahäbu-ki aõ ibinamy tai rahaõhyra. <sup>39</sup> Inyò ariteònykemy watzireri kaiboho wadi tõhòtinhyytenyeri ka woranabedehesi-ki. Tahe judeu Iòlò aõbohe ka ribi ariteònykre ywihyyle. <sup>40</sup> Tahe ixityre ibutumy rryryrenyre: —Kia häbu aõkõre, Baraba biteònyke (Baraba heka häbu debore wasidu rare.)

## 19

<sup>1</sup> Idi tahe Pilato Jesuisimý erotiyhyta-di raòhòtekremy soldado mahädu riteranyre. <sup>2</sup> Soldado mahädu edehékÿ rataanadile ira-ò ritidire, iumy tahe tylÿrehekÿ-di rityynye iòlòtywesekemy. <sup>3</sup> Tamy rehemynymhÿre: —Aõherebo iòlòtyhy wesena, tahe ri-hettenyrenyre. <sup>4</sup> Pilato tahe ixityre rõhònymy iny-ò rarybekemy: —Ixityresÿ adeereny redyreri. Bierybenyke. Aõ heka tai ibinaõhyymy idi retehewähäre. <sup>5</sup> Tahe Jesuisi rõhònyre ede rataana-di tylÿrehekÿ-di. Tahe Pilato tamy rarybere: —Kakÿnyhe tiire. <sup>6</sup> Tahe xiwena wedu mahädu, yrubudÿÿdu mahädu tuu robireu, rryryrenyre birubunybenyke, itxeò dee bitamadÿÿnyke. Pilato rarybere: —Kaibohole itxeò-di bitamadÿÿnybenyke. Jiarÿ tahe tai ibinamy aõki rahaõhyymahäre. <sup>7</sup> Tahe judeu mahädu rarybere: —Jiarÿboho kÿny wabede ywina renydire. Rurukemy heka tuu bede ywina roireri, tii dori Deuxu Riòremy rexininimÿhÿre. <sup>8</sup> Pilato kia-ò roholareu tahe, ruberutyhyre. <sup>9</sup> Ixityre ralore ywysidÿÿna heto-ò: —Rarybere Jesuisi-ò, tiribi wexe tanate. Jesuisi rirawyònyòhyre. <sup>10</sup> Tahe Pilato rarybere: —Bidiwarawyònyòkre aõbo. Jiarÿ warurudire anarubunyke aõbo ada arateònyke aõbo. <sup>11</sup> Jesuisi rirawyònyre: —Aruru-di aõkò tate. Deuxu kidiwahinykekile tahe biwateònyke ada biwarubunyke. Tai tahe adee wawahidÿÿdu aratye iòharu dire. <sup>12</sup> Tai tahe Pilato iteodÿÿmy rurure. Tahe judeu mahädu tamy rryryre: —Kai biteònykeki tahe, Iòlò Cesar biòwa aõkò tate. <sup>13</sup> Kiarybe-ò Pilato roholareu tahe, Jesuisi diòlòdÿÿnyde ahana-ò. Pilato tahe ywysidÿÿna ryna-ò rexisÿnyre. Kia ubeni heka Rirana Ijàti inire. Tahe judeu rybe-ki heka Kabata inire. <sup>14</sup> Pascoa worana bedehesitxu sexta feira rÿire. Txutye iòhómý tahe bede rÿire. Tahe Pilato rarybere judeu mahädu-ò: —Betehebenyke aiòlòreny-ò. <sup>15</sup> Tahe tiiboho rryryrenyre. Bidybenyke! Itxeònihikÿ-ò birubunybenyke. Pilato tahe tamy rarybere: —Aiòlò aõbo, birubunybeny. Tahe xiwena wedu rirawyònyre: —Iny iòlòreny sohojile wa rare: —Cesar heka inire. <sup>16</sup> Tahe Pilato Jesuisi tamyreny riwahinyre rirubunyrenyke.

<sup>17</sup> Tiiboho heka Jesuisi ridyrenyre. Iitxeò tamy riwahinyre idi retyykemy. Tahe Kalvariu-ò idi ridymy rare. Kalvariu heka Kòkòta inire judeu rybe-ki. <sup>18</sup> Tai itxeò nihikÿ dee ritamadÿÿnyre ijò häbu inatxiò-wana Jesuisi itxeònihikÿ itya-ki rÿire. Häbu wiò wiòmý idi rÿire. <sup>19</sup> Pilato riritinyre ritidÿÿna-ò Jesuisi tyre-ò ritidire. Kawesemy ritidÿÿna roire: —JESUISI, NAZARE HÄWA LUDU, JUDEU MAHÄDU IÒLÒ. <sup>20</sup> Håwå-ribi ireheriòremy roire. Tai tahe sòwemy judeu mahädu tuu robire iritidÿÿnamy. Inataõ rybemy wixira riti heka inataõmy roire. Judeu rybe ijõre, latim rybe ijõre, grego rybe ijõre. <sup>21</sup> Judeu xiwena wedu mahädu Pilato-ò rarybere: —Judeu mahädu Iòlò rarybere: —Iritidÿÿnyke wa. Kawesemy biritinyre: —Tii rarybere judeu mahädu Iòlò raremy. <sup>22</sup> Tahe Pilato dirawyònyde: —Iwese reritinyre wesemy rarehykre.

<sup>23</sup> Soldado Jesuisi itxeònihikÿ-ò ritamadÿÿnymy rahudi tahe, itty ritxuatxuakremy diwyde. Inaubiòwa heka riywinyra. Wirarea riwykremy soldado mahädu idi rÿireri. Iyhyitxena tahe iretydyna-di aõkò rare. <sup>24</sup> Tahe ijò widee rarybere: —Iyreyredÿÿrenyònyke wa urile ta idi rikihurenkre mobo ritakremy. Kia ryberiti-ki tuhyy roire: —Watyy ritxuatxuare ijò yre wimy riywinyrenyre. Tule wayhyitxena tyre-ki rehurenkre mobo ritakremy. Tahe iwese Tyriti rarybere wese, soldadu mahädu ibutumy aõhebo risÿnyre.

<sup>25</sup> Inaubiòwa håwyy retehemy rÿimyhÿ Jesuisi itxeònihikÿ iòhómý. Jesuisise taseriòre-wana, Marie Madalena ijõre, Klopa håwyy ijõre. <sup>26</sup> Jesuisi tadimý robireu, Joaõ, taerydÿÿna luunadu bire-ki, tahe rarybere: —Nadi beteheke wa kowa ariòre rare. <sup>27</sup> Tahe Joaõ-ò rarybere: —Kaa adi rare. Ierydÿÿna Joaõ tahe ridyre taheto-ò tai rasÿnykemy.

<sup>28</sup> Jesuisi tahe rieryre ibutumy rexihuramy tahe rarybere: —Ariòkemy watzireri. Kaimy heka rarybere aõbo Ritidÿÿna-ki roire riwinykemy. <sup>29</sup> Tai tahe vii mona silÿnyhÿkÿ-ki raharenyre. Tahe Jesuisi-ò iwereheni wese-ò rituunymy idi riteònyre iry-ò teòdimy. <sup>30</sup> Jesuisi tuu riòre idi tahe rarybere: —Ibutumy Waha aõmysÿdÿÿna rexihumy roire. Tahe ròtiòròmý resere iule ta rurure.

<sup>31</sup> Kia sabadotxu heka worana bedehesitxu nihikÿò rare, brebuna rare. Tai tahe häbu rubu itxeò-ki ririkòkemy tuu rarybemyhÿre. Tai Pilato-ò judeu mahädu rexitòenyre häbuti riòròmý riteònykemy, itxeò-ribi ritakemy. <sup>32</sup> Tahe soldado mahädu häbuti wiòle riorore.

<sup>33</sup> Jesuisi tahe rurumy roireki iti riòròõre. <sup>34</sup> Soldadoõ tahe Jesuisi-ki rojyre iweki tahe hãlubule rohonyre bewana. <sup>35</sup> Kia tuu rabire tahe òbitimy tuu jiarý rarybere, Joaõ wahe. Waritidýýna inatyhy raremy, reeryre. Kaiboho bityhynybenykemy, adireny watxireri. <sup>36</sup> Kaheka ibutumy iritina hetxina tuu rarybere heka ibutumy tuu rotýýre. Kia wesemy roire: —Iti riòròõkre, sohoji aõkõ. <sup>37</sup> Ijõ iritinaõ kawesemy roire: —Riorenkyre tõnor-di idi reteherenykre tamy.

<sup>38</sup> Jyje heka Arimatea hãwã luduõ rare. Idi tahe tii Pilato-ò rexitòenyre Jesuisi umymy rituunykremy. Tii heka Jesuisi heluduõ rare. Judeu mahãdu lau ruberumyhý tai Pilato-ò rare wasimy. <sup>39</sup> Pilato tahe awiremy rarybere. Tahe Jesuisi umy riwyre. Nikodema tule rare Jyje-wana. Tii juhule rumy Jesuisi-wana widee raryberele rare. Tii òwòrutyby òwòruòbru-wana aderõna wesemy diwyde sõwemy, 45 urihixinamy riutxienanyre. <sup>40</sup> Tahe Jesuisi umy tyky jurarehe-wana ritýtenyre aderõna wanahyyle. Kawesemy dori judeu mahãdu iny rituunymyhýre. <sup>41</sup> Itxeòalamana-ribi bederaty oworu iòhõmy roire. Ityi-ki tahe wabede tamyra roire. Mana hãloo rýire tai heka moo rawabedenõhyyre. <sup>42</sup> Tai tahe rawabedenyire iòhõreki, tule judeu worana bedehesina txumy roireki.

## 20

<sup>1</sup> Semana juhu ludu txu Marie Madalena rehemynyre wabede-ò, rudile wahe. Mana ijòtòbõna iraylemy rýiremy idi retehere. <sup>2</sup> Tahe rajjaranyre Simaõ Pedro-ò, ijõ Jesuisi luu-naduõ wahe, Joaõ-ò, jiarýle wahe. Tahe wadeereny rarybere: —Wahí tahe hãlokowoku-ribi ritakarenyra. Tixibõ ritidira, rekerykõre. <sup>3</sup> Pedro tahe ròhõnyre, Joaõ-wana wabede-ò roire. <sup>4</sup> Wiwana rajjaranyre tahe jiarý Pedro ratory rajjaranyre tamy. Jiarýle heka juhu tamy rehemynyre. <sup>5</sup> Tahe rawebesere iwo-ò itxeremy. Irahanalemy rabire. Ta ralòõhyyre tamy. <sup>6</sup> Idi Pedro rehemynyre ralore tamy. Tule irahanamy robire. <sup>7</sup> Jesuisi rati rasirahana rihitxinyumy roire ixiwanale. <sup>8</sup> Tahe jiarý juhu rehemynyre tahe Pedro hewomy ralore. Tuu robire, retyhynyre. <sup>9</sup> Tiiboho dori ritina rierenyre ihãre tahe rierityhykõlerenyre. Jesuisi rubu-ribi rexiixixanykemy ritina roire. Tii tahe rierityhykõlerenyre. Tahe wiji rierirenyra. <sup>10</sup> Tahe ixyby raòkeserenyire inyhetoreny-ò.

<sup>11-12</sup> Marie tahe robumy wabede-ribi iòhõmy rýire. Rawebesere tahe wabedewo-ò itxeremy. Inatxi ýjumy ròbire iwo-ki itykyuramy roimyhý. Ijõ heka rýmy rononymhý Jesuisi ratiherina tyre-ki. Ijõ tahe iwaherina-ki rononymhý. Jesuisi umy tahe iõre. <sup>13</sup> Tahe ýju Marie-ò rýýraxire: —Hãwyy, aõherekibo tabureri. Rirawyõnyre: —Wahí kumy dokuri riwumy ramyhýre. Rekerykõre tixibõ ritidira. <sup>14</sup> Iu rarybereu tahe tahewoõle roosere. Jesuisimy robire rýimyhý. Tii heka rieriyõhyymyhý tii Jesuisi raremý. <sup>15</sup> Tahe Jesuisi rýýraxire: —Hãwyy aõmybo tabuteri, mobo teijeteri. Bederaty oworu ywidýýdu raremy heka tii ròhõtinyre: —Tahe dirawyõnyde: —Wahí, kai anobo karibi tetakata-wana wakoku tuu belykyke. Tahe jikarý karikorykremy. <sup>16</sup> Tahe Jesuisi tamy ryryre: —Marie! Marie rokesemy reare riijemy: —Wahí, erydýkýdu! (Tii hebraika rybe tuu rarybere: —Raboni, wahe.) <sup>17</sup> Jesuisi rarybere tamy: —Waroorehedýýõmyke wa. Waha-ò dori raõlemy wãhãre tahe arakre. Kai tyhydýýdu seriõre-ò makre tamy rybemy. Jesuisi rarybere kawesemy: —Arakre inytybyreny-ò, iny Deuxureny-ò. <sup>18</sup> Idi tahe rarybere erydýýna mahãdu-ò Wanyrýmy rabira. Marie Madalena relyyre timybo raryberamy.

<sup>19</sup> Semana juhu ludu txuu, txioromy heka Jesuisi erydýýna mahãdu wii ributunymy rýimyhý hetowoõ-ki. Ibutumy ijõ ritòbòtòbõnyra judeu mahãdu lau brebumy. Jesuisi tahe nade iyreny-ò rexitýnyre. Rarybere: —Ywina arakywo-ki atxikemy idi watxireri. <sup>20</sup> Kia rarybereu tahe tebò rurena riteòsinyre, tawerurena tule riteòsinyre tamy. Iule tahe reysarennyre Jesuisimy robireki wahe. <sup>21</sup> Ixyby tamy Jesuisi rarybere: —Ywina arakywo-ki rarekemy idi watxireri. Iwese Waha diwateõnyde wese tule arateõnykre. <sup>22</sup> Iu tahe ribunumy rarybere: —Deuxu Tytybytyhy tetateri. <sup>23</sup> Inyòrarunaõ biixãwididýýnykeki tule kia òraruna ariixãwidinyke. Tule aõkõkeki, ijõ òraruna biixãwididýýnykõkeki, kia tule ariixãwididýýnyõke.

<sup>24</sup> Tome (Inatxina iniõre) tii waòinatxi reurò mahãduõ rare, tahe tairenyõre heka Jesuisi nadeu. <sup>25</sup> Jesuisi erydýýnaõ rarybere: —Wanyrýmy rabirenyra. Tahe Tome tamynyre rarybere: —Retyhynyõre kýnyhe.

<sup>26</sup> Semana sohoji bededýýnanamy idi rýire, ixyby wii ributunnyre Jesuisi erydýýna mahãdu. Iu tahe Tome tii mahãdu-wana ratximyhý. Ijõ ritòbòtòbõnnyrý rýimyhý. Tahe Jesuisi nade iyreny-ò. Tamynyre rarybere: —Ywina-di arakywo-ki atxikemy idi watxireri. <sup>27</sup> Tahe Jesuisi Tome-ò rarybere: —Betehe inihe wadebòrurena-ò ebò inihe tamy biditidike. Tule wawerurena-ò ebò biditidike. Itxiõdýýõmyke wa, bityhynyke. <sup>28</sup> Tome tai dirawyõnyde: —Wanyrý, waDeuxu. <sup>29</sup> Tahe Jesuisi rarybere: —Tome, kai aõbo biwatyhynykre wamy tabiterikile. Sõwemy deysana inyõ kanakemy wãhãre tiiboho dori wamy robiõre hãrele riwatyhynyrenyre.



<sup>30</sup> Jesuisi heka sōwemy aōwiihikĩbo riwinyre. Ierydỹyna mahādu heka kia aōmybo robire. Kia aōmydỹynana heka ihoōre kaki iritina-ki. <sup>31</sup> Kaa ritidyỹna reritinyre Jesuisi Kristumy rare. Deuxu deōdỹyna rare. Kia bityhynybenykemy wahe, Deuxu Riōre wahe tetyhynyteri-wana tahe umytuedeōna bitakre, ini ōraru-ki wahe.

## 21

<sup>1</sup> Iribi tahe Jesuisi rexitỹnynyre Tiberiade ahohokỹ jà-ki. Kia wesemyre heka. <sup>2</sup> Ibutumy heka juhu rỹimyhỹ: —Simaō Pedro, Tome Didimo iniōre, Natanaeli. Tii Kana hāwā ludu rare, Kalileia bedeki. Zebedeu riōreboho ijōre, inatxi Jesuisi ierydỹynaō ijōre. Rarekie. <sup>3</sup> Tahe Simaō Pedro rarybere tamyreny: —Riā teredyỹmy arakre. Imahādu rarybere: —Jiarỹboho aroirenykre ahemy. Tahe roirenyre hāwō-di. Aōhomy aōkō ruu idireny nade. <sup>4</sup> Tahe bedeki ratỹnyrau heki Jesuisi ŷnyrakile ratximyhỹ. Ierydỹyna mahādu tahe rieryōhyymyhỹre. <sup>5</sup> Jesuisi rryre tamyreny rỹraxire: —Ijoi moō rokoreny. Utura aōbo temytenyta? Rirawyōnyre: —Aōkōre wa. <sup>6</sup> Kaihohe biterebenyke rurunawe-ribi taita bimbybenykre. Tahe riterenyre sōwemy rautxienyre iriā heka ritusinyōhyymyhỹreny utura sōwereki. <sup>7</sup> Kia ierydỹynaō Jesuisi luunaduō rare jiarỹ, Joaō wahe. Jiarỹ tahe Pedro-ō rarybere: —Inynrỹle wa rare. Pedro Jesuisi raramy roholareu, tatyky tawetyamy ritaamy tamy resere, tade hekỹlemy rareki. Tahe resere bera-txi tamy rakremy. <sup>8</sup> Ijoi mahādu riā-di narurunymy nade utura sōwereki. Tahe 100 urihixinamy ŷnyra-ribi ratximyhỹreny. <sup>9</sup> ŷnyra-ō rejuxunyreu tahe, robirenyre heōtymy obiurawo-ki. Orotxu tule tai rỹre. <sup>10</sup> Jesuisi tamy rarybere: —Uturaō bidiwybedenyke wiji temytenytaō. Simaō Pedro hāworobile riā-di rarurunyre. Sōwemy heka tai utura nihikỹ rỹimyhỹ, 153 wahe. Ihāre tahe riā raōrōōhyre. <sup>11</sup> Tahe Jesuisi rarybere: —Manake hewa biroixibenyke. <sup>12</sup> Ibutumy ierydỹyna mahādu rieryre tii inynrỹreny raremy. Tai tahe inyō rỹraxiōhyre: —Mobo tii raremy. <sup>13</sup> Tahe Jesuisi orotxu rimyre. Tamy riwahinyre. Ixiyrubule utura tamy riwahinyre. <sup>14</sup> Kia tahe ihewotyhyomy Jesuisi rexideōsinyre taerydỹyna mahādu-ō, rubu-ribi dexixade hewomy wahe.

<sup>15</sup> Riroximy rahudi tahe Jesuisi Pedro-ō rỹraxire: —Simaō, Joaō riōre, kahābu mahādu waluure. Kai tahe iratyre aōbo waluure. Tii rirawyōnyre: —Kai tiwaeryte, aluure. Tahe Jesuisi rarybere: —Wabudoeni riōre bidiōwenyke. <sup>16</sup> Ixityre rỹraxire: —Simaō, Joaō riōre, kai aōbo waluure. Tahe Pedro rirawyōnyre: —Kohe, Wanyrỹ aluure jiarỹ, tiwaeryta. Tahe Jesuisi rarybere: —Bidyke wabudoeni biōwenykemy. <sup>17</sup> Ihewotyhyomy tahe Jesuisi rỹraxire: —Simaō, Joaō riōre, kai aōbo waluure. Iu tahe Pedro rabadewomy ronyre, ixityremy rỹraxireki. Tahe dirawyōnyde: —Wanyrỹ, ibutumy teeryte aōna aōna. Aluure heka, tiwaeryta. Tahe Jesuisi rarybere: Wabudoeni biōwenyke. <sup>18</sup> Inatyhyomy adee ararybekre. Iu ijoi morōkōmy tatemahāu, ixiwanale textyynmahāte ixidee wimy titxibo tamahāte. Iu tahe mamatuarinykre inywitxira aratyynykre, Ebō biteōsinykre iny arataataanykre tahe inyō aradykre titxibo noderamy beakreō. <sup>19</sup> Kiamy heka Jesuisi rarybere ritynynykremy timybo Pedro rubu-ō rỹikremy. Tai Deuxu riwowydynykre. Idi tahe Jesuisi rarybere: —Biwahaludunyke wa. <sup>20</sup> Tahe Pedro retehere Joaō Jesuisi hemy rareriō, Joaō Jesuisi luumy raremyhỹ. Joaō ihetxiu Jesuisi-ō iōhōmy rỹraxire jiarỹ wahe: —Mobo iwahisidỹdukremy, ihewo ludu roxina rỹireu. <sup>21</sup> Tahe Pedro Joaōmy robireu, rỹraxire Jesuisi-ō Joaōmy. Aōbo he tamy rotỹnykre. <sup>22</sup> Tahe Jesuisi rirawyōnyre: —Tii rurukōlemy adōōsekemy idi watxikeki, timybo tahōtinyte. Adee tahe biwahaludunyekile awike. <sup>23</sup> Ierydỹyna mahādu rarybemy raremyhỹ: —Kiamy wahe Joaō rurukōlemy Jesuisi rarybere. Tahe kiamy aōkō Jesuisi rarybere. Jesuisi juhuu rarybere: —Tii rurukōle adōōsekre-wana, timybo tahōtinytenyteri.

<sup>24</sup> Jiarỹ tahe kia aōmydỹynanamy relymahāre, Joaō wahe, reritinyamahāre. Inatyhyomy kia tuu rare, jiarỹ tuu relymahāre.

<sup>25</sup> Sōwemy aōmydỹynanamy tahe Jesuisi riwinyre. Inyō ibutumy riritinykeki, iritina heka bedeki rityxinykre tyyriti sōwekre-wana.

## Aõhebo Rotÿÿnyre Aõhebo Rotÿÿnyre Jesuisi Erydÿÿna Mahãdu

<sup>1</sup> Juhuu adee ratyyritinyreu, Teõfilo, relyyre ibutummy Jesuisi aõbo riwinyré, aõmybo bede rierynanyrémy. <sup>2</sup> Deuxu Tytybytyhy bede erydÿÿnamy taerydÿÿna woludu mahãdu rierynanyre. Tahe taerydÿÿna mahãdu-ò bede ywina riwahinyre. Iribi tahe Jesuisi ròdsere biu-ò. Kia ibutummy juhuu adee relyyre. <sup>3</sup> Iribi itxeõnihikÿ-ki rurureu, taerydÿÿna woludu mahãdu-ò rexitÿnynyre hãbu irudilemy. Tamyreny rexideõsinyre sõwetxu-di rulemy ratximyhÿmy. Inatyhy wa warybetyhy rare, tamyreny rarybere. Rexitÿnynyre, tamyreny rierynanyre Deuxu Iõlõnamy. Txuõ txuõlemy iny inatxiwaitue txummy rierynanyrehÿ. <sup>4</sup> Tiiboho-wana riroximy raremyhÿu, Jesuisi tamyreny rarybere: —Uritere Jerusalë-ribi ixitarasenyõmy. Urile Deuxu Tytybytyhy awo-ò kanakre, Jerusalë-ribi boibenyke. Deuxu rarybere Tatytybytyhy kiditeõnykremy. Tule juhuu Jesuisi kia rarybere. <sup>5</sup> Deuxu Tytybytyhy aworeny-ò kanalokre. Kia ratisebenaõ wesele rare, Deuxu Tytybytyhy ratisebena. Iwese Joaõ juhuu bero-ki iny risebenyre wese, kia rare. Kia-txu tahe, iõhõmy roire.

<sup>6</sup> Tahe, juhuu ibutummy wirotynyrenyreu, Jesuisi dee rÿÿraxirenyre: —Wanyrÿ, kai aõbo wiji iny Iõlõreny bediwahinyleke inywedureny wesemy ixby ronykemy. <sup>7</sup> Tahe Jesuisi dirawõnyde: —Waha-ki ywisidÿÿnatxu doimyhÿde. Tiile rierymyhÿre. Kai aõkõhykre. <sup>8</sup> Tahe Deuxu Tytybytyhy aworeny-ò kanalokre, rurunatyhy arayky-ò bitabenyke. Kia tahe warubu-ribi waixixanamy belyykre ibutummy Jerusalë hãwã mahãdu-ò, Judeia hãwã bede mahãdu-ò, Samaria hãwã bede mahãdu-ò, iribi tahe ibutummy bedekonana bede iny-ò. <sup>9</sup> Tarybe rahudi tahe Jesuisi ixihyy rexidy my raõwõnyre biu-txi. Iõre biuwetyky-txi. Tiiboho rarirenyre bede-ribi idi rethehenyre. <sup>10</sup> Idi rethehenyÿ iõtududÿÿtyhymy. Inatxi hãbumy ity uramy aõwesele rÿimy reamyhÿre hãbu mahãduko-txi. <sup>11</sup> Tahe tiiboho raryberenyre: —Hãbu, Kalileia bede mahãdu, itxereõmahãbenyke. Jesuisi ka ramyramyhÿre biu-ò, Deuxu sÿ-ò. Iwese rarawesele ka ixby kòdòðsekre.

<sup>12</sup> Jesuisi erydÿÿna mahãdu ratximyhÿrenyre Oliveira õwõruraty hãwãlò-ki. Tahe dòðsedenyde Jerusalë hãwã-ò. Jerusalë rehe iribi doide sohoji urihixina rehelymy rimyõlemy. <sup>13</sup> Tahe wii rotynyreny rorukure ixitõedÿÿmy hetoratyawo-ki. Kahekani-di rirana rarekre tai rÿimyhÿreny: Pedro, Joaõ, Txiau, Andre, Filipi, Tome, Bartolomeu, Mateu, ijõ Txiau (tii Afeu riõre rare), Simaõ Zelõte, Judasi (ijõ Txiau iwitxira, kia riõre rare). <sup>14</sup> Ijõ iny tule tai rononymhÿ, Jesuisise, hãwyy ijõ rononymhÿ, Jesuisi seriõre mahãdu tule rorukumyhÿreny. Ibutummy rexitõenymyhÿreny wiwese wiweselemy rõhõtinymyhÿreny.

<sup>15-16</sup> Ijõ txubiõwamy 120 inymy wii ributunyre ixbyle. Tahe Pedro rÿire kiamy tamyreny rarybere: —Waityhydÿÿdu seriõre mahãdu, iwese Judasi aõhebo rotÿÿnyre wesemy Davi tyritinamy roimyhÿre. Kiamy wahe: —Jesuisi taõluduboho-ò rõhõnyre, Judasi tiiboho riwõhenanyre. Iwese ka tyritina-ki roire wesele, inatyhymy ibutummy rotÿÿnyre. <sup>17</sup> Judasi inybohoõmy raremyhÿ. Tii nieruõ ritare Jesuisi õludu-ribi tamyreny ridyrekre. Tahe kia nieru-ò subutebedeõ riwyy. <sup>18</sup> Tahe idi Judasi rexibõtõtaara. Idi tahe tasubute bedero-txi taratytiikÿle-ribi resere. Tahe iumy ruare iwona rejuxunyre. <sup>19</sup> Iribi ijyy heka ibutummy Jerusalë mahãdu-ò tuu ijyy rÿire. Tahe kia subutebede rininirenyre hãlubu bederomy. <sup>20</sup> Iõlõ Davi kia wese riritinyre tawiunatyriti-ki:

—Ixinamy iheto rÿike, inyõ taisÿõmy.

Ijõ:

—Inywitxiraõ terõwmy tai rarekre iaõmysÿdÿÿna rimykremy.

<sup>21-22</sup> Inyõ tahe terõwmy iaõmysÿdÿÿna rimykremy. Tule rikimyrenyke Jesuisi ixix-anamy ijyduõ inwanahyy rybe ritÿnynykemy. Inyõ Jesuisi sebedÿÿna-di itxereduõ rikimyrenyke, inyõ tuu robire Jesuisi nonanamy tule rikimyrenyke. <sup>23</sup> Tahe inatxi hãbumy ritarenyre: Jyje (Basaba inire) Justu iniõrysna rare, ijõ hãbu tahe Matxia rare. <sup>24</sup> Iribi tahe rexitõenyre: —Kiamy heka Deuxu dee raryberenyre:

Kai Wanynyrÿny, ibutummy inyrayky teryte, Deuxu. Biteõsinyke tibo rikitarenkemy.

<sup>25</sup> Tii ritÿxinykre ixihymy ratximyhÿre mahãdu. Judasi derõwmy rarekemy, Judasi dori iny-ribi rõhõnyre taõrarunaõwydÿÿnamy rare aõhõkÿmy rotÿÿnykemy. Tahe rare tiobo rareõ.

<sup>26</sup> Wyhy raheto lisina wesemy idi rehure. Kiamy heka riwinyre tibo ròtakemy. Matxia tahe iribi ròtare. Tii tahe ralore waõsohoji reurõ erydÿÿnaky-txi.

## 2

<sup>1</sup> Pentocostemy ninadu lisina kia txummy txuu rÿireu, ibutummy iny rorukurenyre tarynanakile. <sup>2</sup> Aõwesele biu-ribi wodÿÿõ nade yhynihikÿwesele ibutummy heto-ò ralore tai

rorukumyhyrenyrewo-ò. <sup>3</sup> Heòty helÿÿresi wesemy nade. Iny sohoji sohoji tyre resere. <sup>4</sup> Ibutumy iny tykumy heka Deuxu Tytybytyhy ralòmy rÿire. Ta raryberenyre iwixira rybemy. Deuxu Tytybytyhy tamy rybe riwahinyre wese tahe raryberenyre.

<sup>5</sup> Deuxu dee òbitimy hàbu mahàdu noduò rasÿnymy raremyhÿ Jerusalê hãwã-ki. Judeu mahàduò ihÿre. Ibutumy bede bede hãwã hãwã-ribi nade. <sup>6</sup> Kia-ò roholareu, wii ributunyre ijhonamy. Tahe rexieryòhykre aòmybo ròhòtinyrè tahe widi bede riòtiinyre iny sohoji sohoji tarybe tarybeòlemy roholareki. <sup>7</sup> Urile bede riòtiinytyhyrenyre. Tahe raryberenyre deysana-di:

—Betehebeny iny, kowa rybedu Kalileia bede ludu mahàdu ratxireri.

<sup>8</sup> Timykibo iny ryberenyry rarybereri. Iny sohoji sohoji tarybeòle raholareri. <sup>9-10</sup> Kaheka inyboho bede bede ludu roire: Partia mahàdu, Media mahàdu, Elaò mahàdu, tule ka bede ludu mahàdu: Mesopotamia, Judeia, Kapadosia, Ponto, Asia, Frigia, Panflia, Egito, Libia Sireni-wana iòhòre, Roma hãwã luduò tule kaki ihÿre. <sup>11</sup> Timybo inyrybereny iwixira wixira-ò iny roholarenryeri. Deuxu rybemy rarybereri ibutumy inyryberenyry. Ibutumy inyboho: Judeu, Judeuerydÿÿna ityhydÿÿdu, tule Kreta mahàdu, Arabia mahàdu, Deuxu aòmydÿÿnana wihikÿ-ò raholarenryeri. <sup>12</sup> Tahe bede riòtiinyrenyre. Rieryòenyre aòbo rare. Tahe wídee rÿÿraxirenyre iny sohoji sohoji-ò aòbo raremy. <sup>13</sup> Ijò tahe tawobinarybe rarybere:

—Tiiboho rururenryeri, itxÿtemonamy riòreri.

<sup>14</sup> Tahe Pedro rÿire waòsohoji erydÿÿna-di, tahe tii rexidelenyre rarybekemy:

—Boholake inihe, ibutumy kaiboho, Judeia mahàdu, Jerusalê sÿludu-wana —kia bierybenykemy.

<sup>15</sup> Inyò rarybereri itxÿtemonamy riòrerimy. Tahe inatyhymy aòkò rare. Txuu rati rariarerile heka rudletyhyre. <sup>16</sup> Joel juhúu Deuxu rybeduò rare. Tii narybede wijitxumy. Tahe iwese tii rarybere wesele, wiji ratximyhÿre. Tii rarybere:

<sup>17</sup> —Kiamy Deuxu rarybere:

—Ikonanatxuu watytybytyhyhykÿ aditeònykre ibutumy inydee. Ariòrereny, hãwyy hàbu-wana, warybe rierynanykre. Weryrybò tahe matuari-wana rarasinatyhykre.

<sup>18</sup> Ibutumy wadeòdu-ò, lerÿ, hàbu, ibutuwo-ò Deuxu Tytybytyhy kanalokre. Tuu raryberenykre, ritÿnynyrenykre.

<sup>19</sup> Aò tÿmyra ariteòsinykre biu-ki, bede-ki. Hãlubu, heòty, worona-wana ròhònykre.

<sup>20</sup> Txuu heka ilybyhykÿlemy relekre. Ahàdu isòhòkÿlemy relekre. Iribi tahe Inynyrÿtxu-ò rehemyntykre. Kia txu awimy roikre. Inynyrÿ kòdòhònykre.

<sup>21</sup> Kia bede, inyò Inynyrÿnimy rexitòenykeki, tii jiarÿ aritakre iòraru-ribi. Kia Deuxu rybe rare.

<sup>22</sup> Judeu mahàdu, Israeli mahàdu, bohobalenykre warybe-ò: Deuxu sòwemy aòna aòna wixira wixira-di, bedeòby-di riwahinyre. Inatyhymy Jesuisi Nazare hãwã ludu mahàduò riteòsinyre. Inatyhymy rare. Kaiboho heka teerytenyete. <sup>23</sup> Kaiboho Jesuisi temyete, Deuxu juhúu rimykremy rierymyhÿre. Rexierymy ròhòtinyre kawesemy bede roimy rarekre. Kaiboho Jesuisi terubunyenye. Kaiboho itxeò nihikÿ-ki tetamadÿÿnytenyete hãubina debòreny-di. <sup>24</sup> Tahe Deuxu ritare rubu-ribi riixixadÿÿnyre. Wabede Deuxu ribòhònyre. Iribi Jesuisi riòlòdÿÿnyre. Rubu heto tii rimyòtyhy. <sup>25</sup> Davi juhúu rarybere iwese Jesuisi rarybekremy:

—Wanyrÿ wawana ratxireri, brebu-di watxiòkre. Tii riwawiòhenanymyhÿre. Tai wawo deysana-di ritÿxinymyhÿre.

<sup>26</sup> Wadòròtò wowydyna tamy rehahinymyhÿre. Reeryre ibutumy rubuhetowo-ki awityhymy wãhãré, iribi dori aròhònykre.

<sup>27</sup> Kai watytyby teriòte rubuheto-ki. Jiarÿ ariòre òbitityhy rare, tai waumyde rasunyòtyhy.

<sup>28</sup> Kai tiwaeryte ibutumy umytÿmyra aòmydÿÿnana awana aratxikreu, deysana-di tÿximy biwasÿnykre.

[Kia ibutumy Jesuisi rarybekremy Davi rarybere.] <sup>29</sup> Pedro ijò rarybemyhÿre: —Tahe kiamy heka mohòtinybenyke, Waseriòreboho. Davi heka aò iximy aòkò rarybereri. Tii tahe hãloowo-ò roire. Itityby heka kakile iny-wana ihÿre. <sup>30</sup> Tahe Davi Inynyrÿ deròwomy rybeduò raremyhÿ. Deuxu inatyhyna rybe-di Davi-ò narybede. Kia tahe: Iriòre riòreò bede dinodumy kodonykremy taiòlò ryna-ki. Kia iòlò Davi rieryre. <sup>31</sup> Davi tahe Kristu ixixanamy juhúu narybede. Kristu umy dori rubu-ki rariòhyre. Iumyde rarònyòre. <sup>32</sup> Jesuisi Kristu, Deuxu riixixanyre. Ibutumy inyboho tuu robirenyre. <sup>33</sup> Jesuisi rononymhÿre Deuxu rurunawe-ribi. Iwese rarybere wese Deuxu Tatytybytyhy tamy diteònyde. Tii adee diwyde. Kiamy tahe wiji tabitenyteri, taholatenyteri. <sup>34</sup> Davi raòwònyòre biu-ò. Tahe kiamy rarybere:

Deuxu rarybere Inynyrÿ-ò:

—Bodonyke katki warurunawe-ribi.

<sup>35</sup> Aòludu awarawo-ki arisÿnykre. Aòludu-di arehukre.

Kيامي tahe Deuxu Jesuisi-ò rarybere. <sup>36</sup> Boholake judeu mahàdu. Kaa inatyhy hyy rare. Itxeònihikÿ-ki Jesuisi terubuntyentye. Deuxu tahe Jesuisi ritidire ibutu-ò wedumy, ibutu-ò Kristumy, aõma, Deuxu deòdÿna.

<sup>37</sup> Tahe Pedro rybe-ki urile ròhòtinyrenyre. Tai tahe Pedro-ò ijò erydÿÿna-ò rÿÿraxirenyre: —Waseriòreboho, aõhebo rokotÿÿnyrenykre.

<sup>38</sup> Tahe Pedro dirawyònyde: —Bòòsebenyke aòrarureny-ribi ixbyby Deuxu-ò. Idi tahe Jesuisi-idi maratysebekemy aòraru ritakemy. Tai bimykre Deuxu Tytybytyhy wahidÿÿna wesemy awo-ki rarekremy. <sup>39</sup> Kristu juhoo rarybere:

—Ibutumy heka Deuxu Tytybytyhy bimbybenykre, ariòre rimykre, iny hãwã wixira ludu rimyke. Ibutumy Deuxu dee wimy tahe rimyke.

<sup>40</sup> Pedro relyymy raremyhÿ. Tamyneny rarybere tarasamy roikemy:

—Iny bina binahakÿ-ribi bexitabenykre.

<sup>41</sup> Kia rityhynyrè heka tahe ratisebedumy roiremyhÿ. Ralore kiatxuu 3000 iny iòhòmy Jesuisi tyhydÿÿdu mahàdu-ò. <sup>42</sup> Tahe Jesuisi erydÿÿna mahàdu rierynanymyhyre, wii ributunymy roiremyhÿ, paò rioroororenyre wideereny: rexitòenymy roiremyhÿ.

<sup>43</sup> Iny sohoji sohoji bede riòtiinymy rabrebumy hitxinymyhyre. Jesuisi erydÿÿna mahàdu bedeòby sòwemy riwinymyhyre. Aõna aõna wiwihikÿmy riwinymyhyre. <sup>44</sup> Ibutumy rityhynymyhyre mahàdu, sòwemy wii riwiutyre. Ibutumy aõna aõna wimy riywinyre.

<sup>45</sup> Taaòmydÿÿna, tasu-wana idi rohonyre. Wimy tahe ritxuatuare. Ibutumy ityhydÿÿdu iaòkò mahàdu dee riwahiriwahinyre. Inyò aõna aõna rauhenykeki, tamy riwahinyre.

<sup>46</sup> Deuxu dohodÿÿna heto-ki txuò txuòlemy wii ributunyre. Tahe tota hetomy paò riyreriyrenyre. Riroxirenyre ibutumy teysarenymy wii wese ròhòtinyrenyre. <sup>47</sup> Tuu reàlarenyre Deuxumy. Ibutumy iny hãwãhãkÿ mahàdu awimy tai raharenyre. Deuxu rimyre txuò txuò lemy ralore mahàdu kia ritakemy.

### 3

<sup>1</sup> Pedro, Joaò-wana rare Deuxu dohodÿÿna heto-ò rexitòenykemy, inataò òra bedeu.

<sup>2</sup> Deuxu dohodÿÿna heto ijò inyò rininire, ijò ruxerahakÿ. Txuò txuòlemy hàbu tibina ridyhyhyymy iny tamy reamyhyre. Tamy iny ralòmhykèò tamy nierumy rexitòenykemy. Tii tuu hyy uladumy reareu ihyy itibinare. <sup>3</sup> Pedroboho rirònyrenyre, hàbu tibina tuurenny robire. Nierumy tahe tamyneny rexitòenyre. <sup>4</sup> Pedro juhu tamy retehere idi rarybere:

—Bedeteheke wadireny.

<sup>5</sup> Tai hàbu retehemy ronyre, nieruò iribi riwykemy ròhòtinyre. <sup>6</sup> Pedro rarybere:

—Aò ijòkòre, womati tÿrÿrÿhÿkÿ ijòkò, pratakò. Tahe aõbo idi watxirerile ta adee ariwahinykre. Jesuisi Nazare hãwãludunimy adee ararybekremy idi mariakremy. Kia deytana adee ariwahinykre.

<sup>7</sup> Pedro, hàbu debò rimymy ritamadÿÿnyre. Aòwesele iruru iti-ò ralore. <sup>8</sup> Hàbu rexiwatxinymy tahe, ririradÿÿnyre. Ihyy ralore dohodÿÿna heto-ò. Deuxu dee deysamy rexiwatxinymy ralore. <sup>9</sup> Ibutumy iny idi retehere rariarerimy, Deuxumy reàlärerimy. <sup>10</sup> Inyò rarybere: —Tii ijò ruxerahakÿ-ki nierumy rexitòenymyhyre, inyboho tii reerenyre. Tai tahe idi bede riòtiinyeri tymykibo aõna aõnamy rotÿÿnyramy.

<sup>11</sup> Hàbu ta Pedro, Joaòboho werora-ki xiery. Idi tahe ibutumy ributunyre Salomaò heto ijò ahanawo-ò. <sup>12</sup> Pedro kia robireu tahe, tamy rarybere: —Judeu mahàdu, wadireny itxereòmy, bedeòtiidÿÿòmy. Jiarÿboho inyruru-di aòkò ka hàbu reteytenyrenyra, Deuxu rurudile wahe. <sup>13</sup> Abraò, Ijai, Ijaò kiaboho Deuxu heka hàbu riteytenyra. Tybyreny Deuxu kia heka riwinyra. Deuxu, Kristunimy riwowydynyre, rubu-ribi riixixanyraki. Kaiboho tahe Jesuisi Kristu tedtyentye Pilato-ò. Pilato tii riteònykemy ratxireriu, kaiboho tamy rarybere: —Aòkòre, tii deòdÿÿòmy. Ijò biteònyke. Tai tahe rubudÿÿduò riteònyre. <sup>14</sup> Jesuisi òraru widÿÿdu aòkò rarehymy raremyhÿ, ityhydÿÿdu ihÿre, òbiti widÿÿdu ihÿre. Kaiboho tii tetxiònytenynte, tewahinytenynte. <sup>15</sup> Umytuèdeõna wahidÿÿdu tii rare. Kaiboho tahe terubuntye. Deuxu tahe tii riixixanyre rubu-ribi. Inyboho ierydu, iitxeredu ratximyhyrenyre.

<sup>16</sup> Rityhynyrekile hàbu tibina reytemyhyre. Kia hàbu teerytenynte. Jesuisini tyhyna kia riwinyre. Hàbu ibuturu-ò reytera, tai òbitimy raramy ratximyhyre. <sup>17</sup> Jiarÿ reeryre kaiboho teeryòte aõbo tewinytemy. Tule adinodu rierykòlemy kia riwinyre. <sup>18</sup> Tahe Deuxu tarybe riwahinyre ihetxiu rybedu mahàdu-ò kia wahe tii rarybere Jesuisi rurukremy. Idi tahe irybe uludumy Jesuisi rurure. Iwese Deuxu rarybere wesemy heka irybe uludumy ròhònyre.

<sup>19</sup> Kaiboho ixi-txi òhòti reakemy Deuxu-ò biòòsekemy. Tai tahe aòraru aribi tii ritakre. Inynyrÿ adeereny kiditeònyke aòwihikÿmy Deuxu-ribi, biu-ribi. <sup>20</sup> Jesuisi Kristu wijityhyle kanaòkre. Aõna aõna juhu rÿimy rareke rexihudi, tahe kanakre. <sup>21</sup> Tii biukile rarekre wiji. Ijò bede tÿmyra wihikÿkre iòhòmy rahudi tahe kanakre. Kia bededÿÿnanau tahe rarybere ihetxiu rybedu mahàdu. <sup>22</sup> Tahe Moisesi ijòmy rarybere: —Deuxu rybeduò kedelekre

asÿ, aijoi-ribi tii rarekre. Iwese Deuxu riwatare wese rybeduõmy ararekremy, iwesele tii Inynyrÿ kiditakre. Tamy bohohabenykre irybe aõmybo kanarybekremy. <sup>23</sup> Kia, Deuxu rybedu rybe-õ inyõ roholakõkre-wana, Deuxu tii kanahukre. Kia Moisesi rybe rare, Pedro rarybere. <sup>24</sup> Deuxu rybedu sõwemy kia bededÿÿnanamy rarybere. Samueli juhuu rarybere. Idi sõwemy ijõ kiamy rarybere. Ihymy ta wiji kabededÿÿnana roimyhÿre. <sup>25</sup> Kaiboho Deuxu ihetxiu rybedu roire atximahãnyteri Deuxu juhuu rarybere Abraõ-õ. Ariõre-ribi iny sõwemy ruaruakre. Kia ibutumy ariõre hãwã hãwã-ki rasÿnykre. Kia iny-ribi inyõ rõhõnykre ibutumy iny wiõhedÿÿdumy rarekre. <sup>26</sup> Deuxu tariõre Jesuisi adeereny riteõnyre aõraru-ribi arahitxinykemy, arawiõhenanykemy. Kia tahe Pedro tamyreny rarybere.

#### 4

<sup>1</sup> Pedroboho tamyreny rarybereu, tamyreny rehemynre Deuxu heto dohodÿÿna mahãduõ, ijõ tahe kia heto itxeredu dinoduõ, ijõ, saduseu mahãduõ. Inataõ ijoi tamy rehemynre. <sup>2</sup> Pedro, Joaõ-wana iny-õ relymy raremyhÿ: —Inyõ Jesuisimy rityhnykeki, tii tule rubu-ribi riixixanykre. Jesuisi dori riixixanyre. Tahe Jesuisi ixixanamy tiõboho relymyhÿreki, kia hãbu mahãdu riykaranyreny. <sup>3</sup> Taita rimyre, Pedro, Joaõ-wana. Rõtena-õ ridyre. Wijile tahe tamy ixidee roholaõreny, txiorotyhyreki. Biurasou tahe roholakremy riõlõdÿÿnykre. <sup>4</sup> Iny sõwemy Deuxu rybe-õ kia txuu roholare. 5000 hãbumy, ijõ iny tule. Tiõboho Pedroboho-õ roholare. Tahe sõwemy rityhnyreny.

<sup>5</sup> Itxu biõwamy tahe Jerusalẽ-õ rehemynre dinodu mahãdu, matuari mahãdu, judeu bede ywina erydÿÿna mahãdu. Kia ijoi mahãdu ibutumy rehemynre. <sup>6</sup> Anasi tule rehemynre. Deuxu-õ xiwena wahidÿÿdu mahãdu wedu tii ratximyhÿre. Tule Kaifa ijõ, Joaõ ijõ, Alexÿdre ijõre. Anasi sÿ mahãdu tule ijõre. <sup>7</sup> Tahe dinodu mahãduõ Pedroboho ritamadÿÿnyre ibutu kia mahãdu koõ. Tahe ritÿÿraxinyre: —Aõrurudibo iny tetytedÿÿnymahãte. Monidibo kia tewinyntenye. <sup>8</sup> Ta Pedro tykmy heka Deuxu Tyytybytyhy ralore. Idi tamyreny rarybere: —Iny dinodu mahãdu, matuari mahãdu, adeereny ararybekre. <sup>9</sup> Hãbu tibina aõmydÿÿnanamy tiwatÿÿraxinyte-wana, adeereny kiamy arirawyõnykre. <sup>10</sup> Jesuisi Kristu Nazare hãwã luduni-di kia rybe ruru-di rewinyreny. Kia tahe bierybenyke. Kaiboho dorikÿhe Jesuisi itxeõ nihikÿ-õ teukotenye. Deuxu tahe riixixanyre rubu-ribi. Tai tahe ka hãbu reytemy rÿimyhÿre. <sup>11</sup> Jesuisi manaõ wesemy ratxireri. Kia-di rehure heto widÿÿduõ. Wiji tahe heto idile rÿimyhÿre. Kaiboho Jesuisi-di tehute heto widÿÿdu mana-di rehure wese. Wiji tahe Jesuisi Deuxu heto dinodu rarekre. <sup>12</sup> Tamy inyõ rityhnyõkeki, õraru-ribi ritaõtyhy. Ijõni aõkõ iny rityhnyke, Jesuisi nile iny rityhnyomy rÿikrele, õraru-ribi ritamy rÿirakre.

<sup>13</sup> Pedro, Joaõ-wana brebuõ-di kia rybe ritÿÿnyre. Tai iny bede riõtiinyreny, tiõboho dori tyyriti erydu aõkõ roire. Urile Jesuisi-wana roiremyhÿ, kiale iny rieryreny. <sup>14</sup> Hãbumy inyboho robirenyra juhuu itibinamy. Tai tahe inyõ aõbinamy tamyreny rybedu aõkõ rare, hãbu tibina riteytenyreny. <sup>15</sup> Tahe ibutumy iny dohodÿÿna heto wo-ribi riteõnyre. Tahe wimy rarybere: <sup>16</sup> —Aõhebo rokotÿÿnyrenykre kia hãbu-di. Inatyhmy tiõboho aõwiihikÿ riwinyreny. Kia rikixiõnyrenyõtyhy. Ibutumy Jerusalẽ hãwã mahãdu kia rieryre. <sup>17</sup> Tai kiamy rokotÿÿnykre. Tamy rakarybekre tiu Jesuisimy ixby rybeõmykremy. Tai Jesuisimy rybe-di rikixãwãdidÿÿnykemy. Inyõ-õ kiamy rarybeõtyhy. Kia wese rarybereny rybe ywidÿÿdu mahãdu. <sup>18</sup> Idi tahe rarariõwre Pedro Joaõ-wana tamyreny rarybere: — Jesuisi nimy rybeõmy, bibedeerynyõtyhy irybemy. <sup>19</sup> Tahe Pedro, Joaõ-wana tamyreny dirawyõnyde: —Aõbo awityhyre. Inyboho arybe arityhnykre aõbo ada Deuxu rybe aõbo arityhnykre. <sup>20</sup> Aõbo jiarÿõboho rabirenyrẽ, raholarenyrẽ, kialemy araryberenykre. Inyõ riwarybebinanyõtyhy. <sup>21</sup> Idi ta ixityre tamyreny raryberenyre, rybedÿÿõkemy. Tahe riteõnyreny. Tamy aõwidÿÿõmy rÿimyhÿ hãwã mahãdu dee ruberurenreki. Hãwã mahãdu dori Deuxu reãlamyhÿre hãbu riteytenyraki. <sup>22</sup> Kia hãbu dori 40 beõra ratyremy tabeõra-di ratximyhÿre riteytenyrau.

<sup>23</sup> Pedroboho rexitamy roirenyreu, ityhydÿÿdu seriõre õrysomy roirenyre. Tahe tiõboho tamyreny relyrenyre iwese dohodÿÿna heto wedu matuari mahãdu-wana tamy rarybere wesemy. <sup>24</sup> Tahe iwese wesele rõhõtynyreny wese, Deuxu-õ rexitõnyreny: —Kai, Waha, inylõlõreny atximahãte. <sup>25</sup> Kai, ibutuwidÿÿdu tarybete: Davi, inybyreny-di tarybete Atytybytyhy tamy ritÿÿnyre, iwese tii rarybekemy. Davi eõdumy raremyhÿ. Irybe tyyriti-ki roimyhÿre kiamy:

—Judeukõdu mahãdu raykaranyreny. Kia awimy aõkõ ihÿre. Waijoi aõ õbitinadibo aõkõ rõhõtynyreny.

<sup>26</sup> Dinodu mahãdu wiributunre Deuxuõludumy rÿikremy. Tule Kristu, kia Deuxu deõdÿÿna õludumy rÿikremy.

<sup>27</sup> Arybe-ki, Waha, kia ritidÿÿna roire. Tule Waha, inatyhy rare. Ka hãwã-ki, Herodi, Poncio Pilato, Judeu mahãdu, Judeukõdu mahãdu, kia ibutumy ributunre ariõre Jesuisi

òludu rÿirakremy. <sup>28</sup> Tiiboho riwinyre iwese kai tarybete wese, Waha, kia aõmydÿÿnanamy rÿirakremy. <sup>29</sup> Kai, Waha, teeryte iwese tiiboho raryberemy, aõma, rybeõmykemy. Tahe eòdu biwiòhenanykre arybe-di ihãrele rarybekemy brebuò-di. <sup>30</sup> Biwiòhenanykre, Waha, eòdu mahãdu, webinadu mahãdu riteytenykemy. Tule aõna aõna wiwihikÿ riwinykremy, Jesuisi, Ariòreni òraru-ki kia riwinykremy. <sup>31</sup> Tahe ixitòedÿÿna rexihureu, heto ramytatamy. Deuxu Tyytybytyhy ibutumy iny tykmy ralore. Tai tahe Deuxu rybe rarybemyhÿre. Brebumy aõkò tiiboho relymyhÿreny.

<sup>32</sup> Ityhydÿÿdu mahãdu iaõna aõna-di wii riwiòhenanyre. Inyò rarybeòhyra: —Kaa wahòrò sohojile rare. Ibutu aõna aõna ibutu hõròmy rÿimy raremyhÿ. <sup>33</sup> Deuxu Jesuisi erydÿÿna mahãdu riwiòhenanytyhyre irybemy relyrenyreu, kia Jesuisi rubu-ribi ixixana rybemy. Deuxu teysana tamy riwahinyre tule iny sòwemy iluurennyre. <sup>34-35</sup> Tai tahe ityhydÿÿdu mahãdu aõna aõnamy rasiranyòhyra. Ityhydÿÿdu ityhymy rÿirakeki, taheto, tasubede rohonyre tahe nieru Jesuisi erydÿÿna mahãdu-ò diwyde. Idi tahe tii ritxuatxuumy riwahinyre ibutu-ò timybo iny sohoji sohoji tuu rurumy rÿiramy.

<sup>36-37</sup> Jyje tule kiawesele riwinyre. Tasubedeò-di rohonyreu, idi iòwy nieru diwyde Jesuisi erydÿÿna mahãdu-ò. Jesuisi erydÿÿna mahãdu Jyje rininire, Banabemy. Kiani inyrybe-ò riwiurònananyre, rybe-di wiòhedÿÿdu kiani rare. Tii Levi mahãduò rare, Xibri bedebutesÿdu tii raremyhÿ.

## 5

<sup>1</sup> Idi tahe tule ijò hãbu, Anania ninadu, tahãwyy Safira-wana tasubederenyò-di rohonyreny. <sup>2</sup> Iòwy tahe txuralemy diwyde Jesuisi erydÿÿna mahãdu-ò tasubede òwreny ibutumy risÿnyrenyteri. <sup>3</sup> Tahe Pedro tamy rarybere: —Aõherekibo Satanasi-ò taholamy arakywo-ki atxiteri Deuxu Tyytybytyhy-ò taruiteri. Aõherekibo iòwyyjura-di atxiteri. <sup>4</sup> Juhuu asubede tahonyòte, ahòrò rare. Aõhe, inatyhy? Inyò adee rarybeòre idi bohonykemy. Idi tahonyte, tahe, nieru ahòrò rare, aõhe inatyhy. Aõherekibo aõbinahãkÿmy tahòtinyteri. Hãbu-ò aõkò heka taruiteri Deuxu dee. <sup>5</sup> Kia-ò Anania roholareu, rurulemy resere. Tai ibutumy iny ruberutyhyre. <sup>6</sup> Weryrybò tahe iumy rihetynyre. Tahe ritamadÿÿnomy riwyre rihãloonykemy.

<sup>7</sup> Inataò òra bededÿÿnanamy reare tahe Safira, Anania hãwyy rehemynyre. Aõ heka rieryòhyre tahãbu rubuna rieryòhyre. <sup>8</sup> Pedro tamy rÿÿraxire: —Tiwesemybo asu teòwynyta —ahãbu rarybere wesele aõbo. Tahe tii dirawyònyde: —Kohe, iwesele rakòwònyre. <sup>9</sup> Ixityre Pedro rarybere: —Aõherekibo ahãbu-wana kai taruiteri. Tii teurihite aõbo riwinykeò. Beteheke, weryrybò ahãbu loodyÿ-ribi rehemynyteri. Tule tii aradykre rubumy. <sup>10</sup> Tule tii aõwesele rurulemy resere. Weryrybò mahãdu ralore. Tai riwyre ritoonykre tahãbu biremy roikremy. <sup>11</sup> Tai tahe ibutumy ityhydÿÿdu mahãdu ruberure. Ibutumy kia-ò roholareu, tule ruberumyhyre.

<sup>12</sup> Jesuisi erydÿÿna mahãdu sòwemy wowydyna aõmydÿÿnana riwinyreny. Tule deytewawiwihikÿtyhy sòwemy riwinyreny. Ityhydÿÿdu mahãdu wii ributunymyhyre Deuxu dohodÿÿna heto ube-ò. Salomaò ubetyhy inire. <sup>13</sup> Kaa hãwã mahãdu dori sòwemy ruberumyhyre Jesuisi erydÿÿna mahãdu-ò wiuatà lau. Tamy rabutuòhyre ijohonamy. Ihãrele tahe ijò rityhynymyhyre, ityhydÿÿdu mahãdumy ralokemy. Aõbinatyhy heka inyò ityhydÿÿdu mahãdu dee raryberenyòhyre. <sup>14</sup> Ityhydÿÿdu mahãdu rasòwerenymyhyre. Hãbu, hãwyy tule ralòmyhyre Inynyrÿtyhy-ò. <sup>15</sup> Webinadu mahãdu iny ridymyhyre ryò, hãwã hãwã-ribi. Tai Pedro nonana-ki riraòmy roimyhÿ byretyre-ki, herina tyre-ki. Pedro ubòrò webinadu-txi reakemy tai riteytenykemy rexinohtinyre. <sup>16</sup> Ibutumy Jerusalè-ribi iòhòmy rÿira mahãdu nade webinadu-di, tule iny tyytybybina-di didyde. Tai tahe ibutumy reytere.

<sup>17</sup> Xiwenawidÿÿdu wedu mahãdu, Jesuisi erydÿÿna mahãdu-ò rexinaanymyhyre. Tule kiawedu eryna mahãdu riwiòhenanyre. Saduseu imahãdu ni rare. <sup>18-20</sup> Tai tahe xiwe wedu mahãdu, Jesuisi erydÿÿna mahãdu rimyrenyre idi rehurennyre hãwã ròtenawo-ki. Rummy tahe Inynyrÿ ÿjuò riraynyre ijò, tahe ridyre ahana-ò. Tamyreny rarybere: —Boibenyke Deuxu àlana heto-ò. Bexideòsinybenyke iny sòwehekÿ-ò. Tamyreny bitÿnnybenyke timybo Jesuisi umytÿmyra inydee riwahinymyhyre. <sup>21</sup> Iwese ÿju rarybere wese, txuu ratÿnyreu, dohodÿÿna heto-ò ralomyhyre. Tai riernarenymyhyre. Tahe xiwena mahãdu wedu dehemynde, tii-wana ratximyhÿ-wana. Israeli nohòti juradÿÿdu mahãdu ributudÿÿnyre. Ibutumy judeu mahãdu, matuari mahãdu bederytyhy mahãduò rare. Tahe soldado itxeredu-ò riteònyre ròtena-ò iòryreny. <sup>22-23</sup> Tahe roirenyre. Ròtena-ki tai rahaòre. Ròsere tamy relyre: —Ròtena-ò rehemynyra. Txioòbòhòkÿlemy rÿire. Tahe reraynyreu, aõho aõkò rare. <sup>24</sup> Dohodÿÿna wedu xiwena wedu-wana kia roholareu, tiiboho rexieryrenyòhyre aõbo riwinyrenykemy, aõhebo rotÿÿnyrenykemy. <sup>25</sup> Iwesemy ròhòtinyerikònalemy, inyò dehemynde. Tai rarybere: —Ròtena-ki tetidite mahãduò, dohodÿÿna heto-ki ratxireri. Iny kowa rihonyteri. <sup>26</sup> Tai tahe soldado dinodu, soldado itxeredu-wana riòryre ta

didydenyde ywilemy. Tamy heka aõhe risÿnyõhyre mana huna-di tamyreny kedehukemy heka soldado rõhõtinyre. <sup>27-28</sup> Tahe dehemynde ritamadÿÿnyre inysõwe weduko-txi. Tahe wedutyhy rybe ritelenyre: —Jiarÿboho heka juhu adeereny rarybere uritere Jesuisi nimy bede erydÿÿrenykõmykemy. Ihãrele tahe tuu tebedeeryntyenta ibutummy Jerusalẽ hãwã iny-õ. Ibutu-õ aeryna-di tariate. Wamy tarybetenyteri jiarÿboho Jesuisi rerubun-nyramy. <sup>29</sup> Tahe Pedro tajioi-wana rarybere: —Iwese Deuxu wadeereny rarybere wese, arityhynyrenykre. Hãbuõ iwitxiramy wadeereny rarybekeki, tiu arityhynyõtyhy. <sup>30</sup> Kaiboho inatyhymy Jesuisi terubuntyentye. Owõru nihikÿ itxe-õ-õ tetamadÿÿnyntyente. Inytyby Deuxu tahe rubu-ribi rixixadÿÿnyre. <sup>31</sup> Deuxu tarurunawe-ribi debõ-di biu-õ ritamadÿÿnyre ibutu iõlõmy rarekemy, ibutu tarasadummy rarekemy. Tai ibutu Israeli ijoi mahãdu-õ õraru bedewona ixãwina riwahinykemy. <sup>32</sup> Inyboho heka kia aõmydÿÿnamy robimyhÿnyre, tai heka reerymahãrenyre inatyhy raremy. Inyõ Deuxu rityhykeki, tii Taitytybytyhy tamy kidiwahinyke. Tii tule kia aõmydÿÿnamy rarybemyhÿre.

<sup>33</sup> Xiwena wahidÿÿdu mahãdu wedu tamy roholarenyre, rakyarananyrenyre, irubudÿÿmy idi ratximyhÿ. <sup>34</sup> Tahe fariseu mahãduõ lamamy rÿire. Onosõna erydÿÿduõ tii ihÿre. Ibutummy iny tii riijemyhÿre rityhynymyhÿreki. Kamalie heka inire. Tahe tii rarybere: —Jesuisi erydÿÿna mahãdu-di biõlõnyke urihimyo ahana-õ. <sup>35</sup> Idi tahe tajioi-õ rarybere: —Hãbu, Israeli mahãdu, bexiijebenyke kia hãbu-õ, aõhebo botÿÿnybenykre. <sup>36</sup> Kaiboho dori õhõtireny beabenyke Teudani-txi. Juhuu dori dinoduõmy tii raremihÿ. Tii ixidõlõdÿÿnihikÿmy iximy rarybere. Sõwemy heka iny tii-wana raremyhÿ tahe 400 hãbumy ihemy rare. Inyõ tahe rirubunyre rityhynymyhÿre mahãdu tahe iribi raubÿtÿre. Tahe aõ heka rimyõhyre, ibutummy iõre. <sup>37</sup> Iwitxirau ijõ-txi õhõtireny rearenyke. Judasi inire. Tii Kalileia mahãduõ rare. Iu bede dinodu iny-di jariaru tahe, tii rexidõlõdÿÿnyre. Sõwemy iny riheludunyre. Tii tule rurure. Taityhydÿÿdu mahãdu tule raubÿtÿre. <sup>38</sup> Tule wahe kahãbu mahãdu rare ixinamy biteõnyke. Hãbu kia aõmydÿÿnana dinodukeki, aõmy aõkõ relekre. <sup>39</sup> Deuxu tahe idinodukeki, tiu heka idi behuõtyhy. Deuxu õludu wesemy heka kai tesumahãte. Tai tahe Kamalie rybe-õ ibutummy rityhynnyre. <sup>40</sup> Didyde he Jesuisi erydÿÿna. Rihetenyre. Idi tamyreny rarybere: —Rybeõmyke Jesuisi nimy. Tahe ixinamy riteõnyre. <sup>41</sup> Tiiboho iribi rexitarenyre, reysatyhymy ratximyhÿ, Jesuisini õraru-ki dorikÿhe tiiboho aõhõkÿmy rotÿÿnyrenyraki. <sup>42</sup> Txuõ txuõlemy Rybewihikÿ ritÿÿnynymyhÿrenyre dohodÿÿna hetomy dori, heto hetomy tiiboho rarybehyymy rÿimyhÿre: —Jesuisi inatyhymy Kristu rare, Deuxu deõdÿÿnamy nade.

## 6

<sup>1</sup> Tahe ityhydÿÿdu rasõwetyhynymy rÿiramyhÿ. Iu ityhydÿÿdu wytese mahãdu-õ rÿÿsÿna riwahinyomyhÿre, grego rybedu rexinaanymyhÿre rÿÿsÿna wahidÿÿdu mahãdu dee. Judeu mahãdu wytese sõwemy rÿÿsÿna ritamyhÿrenyre waratyreny. Kia wesemy heka judeukõdu mahãdu rarybere. <sup>2</sup> Jesuisi erydÿÿna waõ inatxi reurõ mahãdu, ibutummy ityhydÿÿdu didydenyde kia aõmydÿÿnana-õ roholakemy. Tahe raryberenyre: —Deuxu rybe erydÿÿ rixixãwidinyrenykeki, wytese rÿÿsÿna ariwahinyrenyke, kia heka õbiti aõkõ rare. <sup>3</sup> Tai tahe kaiboho hãbu mahãduõ bitabenyke ayreny-ribi debõ inatxi reurõ hãbumy bitabenyke. Hãbu tyhydÿÿnale, Deuxu Tytybytyhy-di tÿximy rÿiralemy, iny bedeeryhykÿle, kiaweselemy hãbu bitake. Tiiboho dori aõna aõna ywisidÿÿdumy roirekre, kiawesemy iaõmwydÿÿnarenyke. <sup>4</sup> Tai jiarÿboho arexitõenywãhãrenyke watzixiwãhãrenyre. Deuxu rybemy arierynanymahãrenyke. Kiawese Jesuisi erydÿÿna mahãdu rarybere. <sup>5</sup> Ibutummy heka tuu raryberẽ, tamyreny awire. Tai tahe hãbu mahãdu ritarenyre. Estevaõ ijõre, tii Deuxu Tytybytyhy-di tÿximy rÿira, tatyhyna-ki tÿximy rÿira. Filipi ijõre, Prokoro ijõre, Nikanu ijõre, Timaõ ijõre, Parmena ijõre, Niolau ijõre, rjõre Alexÿdria hãwã luduõ juhuu rare. Judeu bede erydÿÿna tyhydÿÿdu juhuu tii rare. <sup>6</sup> Ityhydÿÿdu mahãdu tiiboho didydenyde Jesuisi erydÿÿna mahãdu-õ. Deuxu-õ rexitõenyrenyre tahe Jesuisi erydÿÿna ityre tebõ ritidirenyre.

<sup>7</sup> Deuxu rybe heka ibutu ijohonanamy rÿire. Ityhydÿÿdu mahãdu-õ sõwetyhymy tamy ralõmyhÿre Jerusalẽ hãwã-ki. Xiwena widÿÿdu tule sõwemy Jesuisi rityhynyre.

<sup>8</sup> Estevaõ heka Deuxu luuna sõwemy ratximyhÿre. Sõwemy Deuxu ruru-di ratximyhÿre. Deuxu urihixina nihikÿmy inyko-õ riwinymy raremyhÿ. Aõdeytenawiwihikÿ wesemy tule riwinyre. <sup>9</sup> Kowa hãwã-ki tahe judeu dohodÿÿna heto iwitxira rÿimyhÿre. Libertu mahãdumy rexininire tajioi. Imahãduõ Sireneu ludu rare, ijõ Alexÿdria hãwã luduõ rare. Tiiboho doidenyde Estevaõ-wana rybe ritxiõnykemy. Silisia bede luduõ-ribi, Afia bede luduõ-ribi tii-wana doidenyde. <sup>10</sup> Estevaõ rarybere bedeerynihikÿ-di. Kia mahãdu tahe irybe weseõre. Estevaõ dori, Deuxu Tytybytyhy-di ihÿre. <sup>11</sup> Tai tahe hãbu-õ raryberenyre: —Kaiboho heka Estevaõ dee maruibenykre. Jiarÿboho dori araõwynyrenykre.

Kawesemy maruibenykre, my: —Jiarÿboho Estevaõ rybe-ò raholamy rãiwãhãrenyre. Tii Deuxemy aõbinahakÿlemy rarybemyhÿre, Moisesimy tule. <sup>12</sup> Kia-ki heka Estevaõ dee iny raykarananyre, judeu matuari mahãdu tule tamy raykarananyre. Ibutumy Estevaõ õrussymy roirenyre tahe rimyrenyre, ridyrenyre rybe ywisidÿÿna-ò. <sup>13-14</sup> Tahe ruidu mahãdu didydenyre. Tahe tiiboho raryberenyre, my: —Ka hãbu heka Deuxu dohodÿÿna hetomy ibinamy narybede. Tii rarybere Jesuisi Nazare luda iny dohodÿÿna heka kidibõhõnykre. Jesuisi iny aõmydÿÿnana kidiwixiranykre, ibutumy Moisesi inydeereny rierynanyre. <sup>15</sup> Ibutumy iny ywisidÿÿna mahãdu Estevaõ-ò retehere. Iõsana, ÿju õsÿnÿwesehekÿlemy tamy rõhõtinyrenyre.

## 7

<sup>1</sup> Tahe xiwe wedu Estevaõ-ò rÿÿraxire: —Kia aõbohe inatyhy rare. <sup>2</sup> Estevaõ tahe dirawyõnyde. Wanyrÿboho, Wahaboho, Ijyymy adeereny arelyykre. Warybe-ò boholabenykre. Mesopotamia bede-ki Deuxu biu-ribi-ò rexitÿnyrenyre Abraõ-ò, inytybyreny-ò, Harã hãwã-ki rasÿnyõreu. <sup>3</sup> Tamy Deuxu rarybere: —Abede-ribi boibenykre. Alahi riõkõre mahãduy-ribi makre. Manakre ijõ bede-ò adee dori asÿbede ariurihikre. <sup>4</sup> Iribi tahe byruurure, Deuxu kaò didyde ka bede-ò titxibo kaiboho wiji tasÿnymahãtemy. <sup>5</sup> Abraõ-ò sÿõ riwahinyõre timy urihimyoðhyy. Tahe idi tamy riwahinykemy, iriõre-ò riwahinykemy Deuxu tamy rarybere. Abraõ iriõreõre, ihãrele Deuxu tusÿmy tamy rarybere. <sup>6</sup> Tule Deuxu tamy rarybere: —Ariõkõre ijõ bede-ki rasÿnykre 400 beõramy. Kowa ariõkõre heka deõdu wesemy raaðmysÿdÿÿkre. Iwedu mahãdu heka ibinamy idi rarekre. <sup>7</sup> Jiarÿ tahe iny ariõwynykre, Deuxu rarybere, ibinamy widi rÿira mahãdu. Iribi ka bede-ò kòdõhõnykre wamy kaki realãmhyhÿkemy. <sup>8</sup> Idi urihixinaõ Abraõ-ò Deuxu riwahinyre, tõhõti itxi reakemy. Uladu notyryresyna aõmydÿÿnana tamy riwahinyre. Idi tahe Ijai rareu, Abraõ Ijai notyriõre debõ inataõ reurõ txu-di. Iribi tahe Ijai tariõre Ijaõ ritõtykyõre. Iribi tahe Ijaõ tariõre notyky riorore. Tiiboho waõ inatximy riõrenaduõ roire. Inatyhymy tiiboho inytybyreny rare. <sup>9</sup> Idi waõsohoji inytybyreny mahãdu Jyje dee rexiwobinanymyhyre. Idi rohonyre Egito-ò ramyhÿre mahãdu-ò. Tahe Deuxu tii-wana raremyhÿ. <sup>10</sup> Iaõhõkÿmy dÿÿnana-ribi Deuxu ritamyhÿre. Egito iõlõ, Faraõmy ninadu rare. Deuxu heka Jyje lumy Faraõ risÿnyre. Faraõ rue-ò heka Jyje bedeerydÿÿna sõwemy ratximyhÿre. Faraõ ibutu dinodumy Jyje risÿnyre. Tule Iõlõheto-di itxeredu tyhymy Jyje ronyre. <sup>11</sup> Ramamy rubu nihikÿ dehemynde ibutusu-ò, Egito-ki, Kanaã bede-ki. Sõwemy iny aõhõkÿmy rotÿÿnyre. Inytybyreny rÿsÿnaõ-ki rahaõhyre. <sup>12</sup> Egito maixõmo rÿimyhÿreõ, Ijaõ roholare. Tahe inytybyreny riteõnyre iõrussymy. <sup>13</sup> Idi tahe ixityre iõrussymy riteõnyreu, Jyje tamyreny rexiðõsinyre. Tai tahe Faraõ Jyje sÿmahãdu rieryre. <sup>14</sup> Tahe tyby-ò Jyje tarybe riwahinyre tamy sÿmy kanakemy ibutu imahãdureny-wana. Tiiboho 75 inymy rimyre ibutumy. <sup>15</sup> Tai tahe Egito bede-ò Ijaõboho roirenyre. Iribi tahe Ijaõ rurure. Idi tahe ibutumy inytybyreny rurure. <sup>16</sup> Tahe iumyreny diwyde ritoonyre wabede-ò, Siken i hãwã-ò. Abraõ kia wabede juhuu riwyre nieru-di, Emo riõre-ribi. <sup>17</sup> Deuxusÿ-ò wahidÿÿna juhuu rarybere Abraõ-ò. Ibededÿÿnana iõhõre Deuxu tamy riwahinykemy. Inyboho Egito-ki rasõwemyhyrenyre. <sup>18</sup> Ikonanau tahe iõlõ iwixiramy rõhõnyre Egito bede iõlõmy. Tii Jyje rieryõre. <sup>19</sup> Tii iny ijoji riitxenanymyhÿre. Tii heka ibinatyhyre inytybyreny-ò. Uladu-di heto-ribi rehukemy riteõnyre. Tai iny riõreereny ituerenyre. <sup>20-21</sup> Iu tahe Moisesi reare. Tii uladu ruxeratyhyre. Tii tahetotyhykile raumynyre inataõ ahãdumy idi rÿire. Heto-ribi tõhõnydeu, Faraõ riõre rimyre itibiedÿÿmy tariõre wesemy. <sup>22</sup> Ibutumy Egito bedeerydÿÿnana tamy rierynanyre. Tii heka rexiõlõnyre rybedunihikÿmy aõmydÿÿna widÿÿdu nihikÿmy. <sup>23</sup> Moisesi iny inatxiwa itue beõra-di rÿireu, tamahãdu, Israeli mahãdu roramy nade. <sup>24-25</sup> Egito mahãduõ Israeli mahãduõ rihetenyreu, Moisesi tuu robire. Tahe Moisesi tii rirubunyre, Israeli mahãduõ riwihõenanykemy, Egito mahãduõ rexiõwynymy. Deuxu Moisesi debõ-di iny ritakre. Kiamy tahe Moisesi mahãdu rierykremy Moisesi rõhõtinyre. Tahe aõkõre rieryõhyre. <sup>26</sup> Ijõ txu biõwamy tahe Israeli hãbu inatximy wiwana rõrenymyhÿ. Moisesi ronyre iyreny-txi riixãwididÿÿnykemy. Rarybere: —Kaiboho seriõre toite, aõherekibo whi tetetenytenyeri. <sup>27</sup> Kia õhõtedu Moisesi ritorunyre rarybere: —Mobo he wawuderenymy arasÿnyra, awaywisidÿÿdu renymy. <sup>28</sup> Kai biwarubunyekõ aõbo, iwese kau Egito mahãduõ terubunyte wesemy. <sup>29</sup> Kiarybe-ò roholareu, Moisesi rahenyre Midiã bede-ò rasÿnykemy. Idi tahe inatxi Moisesi riõmyre kowa reare. <sup>30</sup> Iny inatxiwaitumy beõra-di bededÿÿnana riwyre. Tahe Sinai hãwãlõ bederayhy-ki raremyhÿu, ÿjuõ tamy rexitÿnyrenyre bede rade tõbõhõky-ki tamy roomyhÿre. <sup>31</sup> Moisesi kiamy dobideu, bede riõtiinyre. Tamy itxeremy rehemynyre. Tahe Deuxu rybe-ò roholare. <sup>32</sup> Jiarÿ borenny Deuxu watxireri, Abraõ Deuxu, Ijai Deuxu, Ijaõ Deuxu. Tahe Moisesi ruberutyhyre, timy heka tamy reteheõhyre. <sup>33</sup> Tahe Deuxu tamy rarybere: —Awa bitake, suu awarawo ludu dori, brebuna rare. Jiarÿ heka Deuxu



watxireriki, biwatyhynye. <sup>34</sup> Wiji tahe waijoimy rabireri Egito-ki. Tiibohe aõhõkÿmy rotÏÏnyrenye. Ibru-õ raholareri, iohitxi-õ raholareri. Jiarÿ heka aditadenykre iribi. Manake, Egito-õ arateõnykre. Kia heka Deuxu rarybere Moisesi-õ. <sup>35</sup> Ka Moisesi heka Israeli mahãdu juhuu teramy reare. Tamy rarybere juhuu mobo wawedurenymy arasÿnyra, waywisidÿÿdurenymy. Tiile heka Deuxu riteõnyre idinodumy rarekemy, tarasadumy rarekemy. Bederade tõbõhõkÿ ÿju, heõtywoludu, iwidõhedÿÿdure. <sup>36</sup> Tahe Moisesi Egito-õ iribi iny ritamhyÿre. Egito bede-ki bedeeryna aõna aõna wiwihikÿ-wana. Iwese ahohokÿbes-õ-ki tule bederahy-ki iny inatxiwaitue beõramy aõmydÿÿnana wiwihikÿ riwinyre. <sup>37</sup> Kaa Moisesi heka rarybere Israeli mahãdu-õ: —Ayreny-ribi, amahãdu-ribi rybedu nihikÿmy Deuxu kiditamadÿÿnykre iwese riwatamadÿÿnyre wese. <sup>38</sup> Kaa Moisesi tajoi-di wii ributunyre, bederahy-ki ihÿmyhÿ inybybyreny-wana heka ratximyhÿ. ÿju-wana tii ratximyhÿ Sinai hãwãl-õ-ki iu tamy rarybere. Deuxu rybe tyhy iru-di ratximyhÿ. Tahe rybe bede ywina heka Moisesi-õ Deuxu riwahinyre inydeereny kidiwahinykemy. <sup>39</sup> Tahe inybybyreny ityhydÿÿ deramy rare. Reõbyõrenye. Ixybyle Egito-õ rõõsekemy rõhõtinyre. <sup>40</sup> Tahe iny Araõ-õ rarybere: —Ritxoo deouxõ inydeereny biwinyke inykorenymy rakemy. Moisesi, Egito-õ iribi iny ritarenye, tahe titxibo ihÿre reeryrenyõre. <sup>41</sup> Kiatxu tahe broreni riõreõ riwinyre. Tahe xiwemy ritoonyrenye iko-õ, ritxooko-õ. Rexideysanyrenye aõbo tebõ-di riwinyrenyeki. <sup>42</sup> Tai tahe Deuxu rexitare iribi, taina rityhinykemy. Iwese rybeduõ iu tyriti-ki riritinyre wese:

—Israeli mahãdu, kaiboho xiwena tetoonytenyte, irõdu xiwena tetoonytenyta. Wadee aõkõ tahe kia tetoonytenyta 40 beõramy bederahy-ki.

<sup>43</sup> Kaiboho tewytenyta ritxoohe riõre. Mõlõki inire, aritxoo deouxuni. Tule Renifa taina ijõ aritxoonire. Kia tewytenyte, tetyhynytenyte wahe. Tai tahe arateõnyrenykre Babilonia weribihikÿ-õ wahe.

<sup>44</sup> Inybybyreny heka Deuxu rybe bede ywina tyky heto riwinyhyÿre bederahy-ki. Iwese Moisesi-õ Deuxu riteõnyre wesemy kia riwinyhyÿrenye. <sup>45</sup> Iribi tahe inybybyreny tatyby-ribi tyky heto ritare, tii-wana riwymyhÿre kabede-õ, Josue tadinodu-wana. Iu Deuxu iko-ribi riteõnyre, ibutumy tai sÿ mahãdu tii-wana riwymyhÿre, ihyy tahe Davi reare. <sup>46</sup> Deuxu heka sõwemy Davi luure. Davi heka rexitõnyre Ijaõ Deuxu dee heto riwinykemy. <sup>47</sup> Tahe tii aõkõ riwinyre, Salomaõ iwidyÿdure. <sup>48-49</sup> Deuxu biukisÿdu tahe hãbu widÿÿna heto-ki rasÿnyõmyhÿre. Iwese Deuxu rybeduõ rarybere wese:

—Biu tahe warynana rare, bede tahe wawa elehyna rare. Timybo inyõ wadee heto riwinyke, Inynyrÿ rarybere. Iwo-ki tahe waelehyna arihynyõkre.

<sup>50</sup> Deuxu rarybere:

—Ibutumy aõna aõna jiarÿ rewinyre.

<sup>51</sup> Tahe Estevaõ rakonananyre he tamyneny rybena heka rõhõnyre: —Kaiboho araykytererenye. Deuxu Tyytybytyhy rybe-õ taholaõhyymahãtenyte. Iwese iny tybyreny riwinyrenye wesemy. <sup>52</sup> Ibutumy Deuxu rybedu mahãdu-õ ibinamy iny tybyreny riwinyhyÿrenye. Tiu ihetxiu Deuxu õbiti hãbu kanakeõ, tiibohe raryberenyre, rirubunyre irybedu. Kaiboho tahe Deuxu õbiti hãbu-di ijõ-õ tewahinytenyte, terubunyenyte. <sup>53</sup> Deuxu bede ywina ÿju mahãduõ adeereny diwahinydenyde, kia bede ywina kaiboho tetatenyte, tahe tetyhynyõhyymahãtenyte. <sup>54</sup> Tahe kiamy Estevaõ rarybereu, tiibohe heka rebure nihikÿre. Urile txyde-ki ruruamhyÿre tamy. <sup>55</sup> Estevaõ tahe Deuxu Tyytybytyhy-di iwoki ratximyhÿre. Tahe biu-õ rethere: Deuxu loosõnamy robire. Jesusimy robire lamamy rÿire Deuxu rurunawe-ribi. <sup>56</sup> Tahe Estevaõ rarybere: —Jiarÿ wa rabireri biu juxahakÿmy. Jesusimy rabireri Deuxu deõdÿÿna. Lamamy heka rare Deuxu rurunawe-ribi. <sup>57</sup> Tahe ryrymyhÿre, tõhõti ritõbõnymyhÿrenye, rajjeranyre tamy. <sup>58</sup> Ridyre hãwãy-ribi, mana-di tahe tamy rehumyhÿre, rirubunyenye. Erydÿÿna ijydu tahe taderamy ririrenye Saluko-txi tamy riyrubunykemy. <sup>59</sup> Iu mana-di rehureu, Estevaõ rexitõnyre: —Wanyrÿ, Jesusi, watytyby kai bimyleke awana ararekemy. <sup>60</sup> Tahe tatiowotimy resere, ryrre: —Wanyrÿ, kia õraruna iõwydÿÿomyke. Idi tahe rurure.

## 8

<sup>1</sup> Salu tahe kia õbitimy raremyhÿ rõhõtinyre, Estevaõ rurureu. <sup>2</sup> Iribi tahe ityhydÿÿdu mahãdu aõhõkÿmy rotÏÏnymyhÿre. Judeia wedu mahãdu dori, iõludumy rÿimyhÿre. Tai tahe ityhydÿÿdu sohoji sohoji Jerusalẽ hãwã-ribi rõhõnyre. Urile Jesusi erydÿÿna mahãdu sohojile rÿire. Judeia bede hãwã mynamyna robÿtÿre, Samaria bede-õ tule. Tahe hãbu ityhydÿÿduõ Estevaõ umy riwinyrenye rihãloonykemy. Tahe rahinyhyÿrenye, rirajuamhyÿrenye. <sup>3</sup> Salu tahe ityhydÿÿdu mahãdu hudumy. Wii risÿnymyhÿre. Ihetorenywo-õ ralõmyhÿre tahe ridymyhÿre hãwy, hãbu, rõtenawo-õ rirõtenykemy.

<sup>4</sup> Iu tahe ityhydÿÿdu mahãdu ijõ bede-õ roire mahãdu Deuxu rybemy relymyhÿre ibutu hãwã-ki. <sup>5</sup> Filipi ijõ raremyhÿ. Tii Samaria hãwã-õ rehemyre. Tahe Kristumy tamyneny

relyyre. <sup>6</sup>Iny swemy rityhynrenyrene ambybo Filipi rarybemyhyremy. Tahe deytedyna wi-wihikmy iny robimyhrenyrene, tyytybybina dedynamy tule robirenyre. <sup>7</sup>Tahe ritenyre, tyytybybina iny-ribi rhnyre, rirajuamyhre. Tule iny webinadu raraserasemy roimyhre, tule inytiere-wana. Tahe ibutumy riteytenymyhre. <sup>8</sup>Tai tahe ka hw-ki deysana nihik ryre.

<sup>9</sup>Samaria hw-ki tahe hbu raremyh. Sima inire. Tii wodohonana widydu ihre. Iny riitxenanymyhre. Tahe ritiinyrenyre. Tii iximy rarybemyhre mo wiwihikmy raremyhmy. <sup>10</sup>Ibutumy iny tii rityhynrenyrene, hbu wedu mahdu tule, hbu atxile mahdu tule. Tiiboho raryberenyrene: —Sima Deuxu ruruna rare. Ruruna nihik inire. <sup>11</sup>Tiu bedeu ak iny riitxenanymy raremyh, ritiinyrenyre. Tai tahe rityhynymyhrenyre. <sup>12</sup>Iu tahe Filipi Jesuisi Kristunimy, Deuxu ònmy tamy relyymyhre. Tai tahe rityhynymyhre, raratysebemyhrenyre. <sup>13</sup>Iribi tahe Sima itxenadydu tule Jesuisimy rebyre, raratysebenyre. Tahe Filipi-wana ihyy rirenyre bedu detidyna-di retehemyhre abo Filipi riwinyrenyre.

<sup>14</sup>Samaria hw mahdu tahe Deuxu rityhynyre. Kia- Jesuisi erydyna mahdu roholare Jerusal-ki. Tai tahe Pedro Joa-wana ritenyrenyre kowa-. <sup>15</sup>Rehemynrenyre, Deuxu- rexitenyrenyre Deuxu Tyytybytyhy tamy kanakemy. <sup>16</sup>Iny dori Deuxu Tyytybytyhy-di riomyh. Urile Jesuisi Inynyrni-di raratisebedymy riramyh. <sup>17</sup>Tahe Pedro Jua-wana tebreny ityreneny ritidire. Tahe Deuxu Tyytybytyhy tamy nade. <sup>18</sup>Kiamy Sima robire, ama, debtidina-di Deuxu Tyytybytyhy nade. <sup>19</sup>Tai tahe tamy rexitenyrene: —Ka heka wanieru rare. Bidiwahinyke kia ruruna. Tahe iny tyre wadeb aritidikeki, tamy Deuxu Tyytybytyhy kanakemy. <sup>20</sup>Tahe Pedro tamy dirawynyde: —Akre, anieru rakemy watzixereri awanale rububede-. Deuxu ruruna dori anieru-di biwykemy mohtinyke. <sup>21</sup>Kia heka amydynakre wayreny-ki. Arayky, awo, bitimy ak ratximyhre Deuxu dee. <sup>22</sup>Mabedewomy atximahke araruna-ki, abo tahtinyte. Bexitenyke Inynyr- tii sana araruna-ribi araxawidynyre. <sup>23</sup>Kai dori textiwaritmahte. Araruna adi nararotnymyhde. <sup>24</sup>Tahe Sima tamy rarybere: —Wadee bexitenybenyke Inynyr-, kia ak waki knyikemy, ambybo tarybetenyteki abo.

<sup>25</sup>Iribi tahe, Pedro Jua-wana Inynyr rybemy rarybemyhrenyre, relyymyhrenyre tai. Swemy Samaria bedu hw hw-ki Rybewihik relyymyhre, Jerusal- rserenyrene.

<sup>26</sup>Filipi Samaria hw-ki raremyh. Tahe Inynyr yju tamy rarybere: —Bexiywinyke, make ib-. Kasa hw ryhyk bimyke. Jerusal-ribi ryy rare, bederahy-ki rare. Tahe Filipi rare. <sup>27-28</sup>Tahe iny-wana wibymy reare. Tii Etiopia bedu ldu rare. Etiopia bedu il hwy rare. Kanasi inire. Inieru-di itxeredu kahbu rare. Tii enuku rare. Tii rsereri Jerusal-ribi. Kowa Deuxu relmy rare, tahe tas- rsere iawarutewedile. Isaia Deuxu rybedu tyyriti-di rariamy tii rononymyhre. <sup>29</sup>Deuxu Tyytybytyhy Filipi- rarybere: —Make, awarutewe-, mariake ibire-di. <sup>30</sup>Tahe Filipi tamy rajjaranya. Roholare tyyriti-di rariareri. Tahe Filipi ryraxire: —Kai abo teeryte abo rare, adibo tariateri. <sup>31</sup>Tahe dirawynyde: —Akre, iny dori wadee ritnynyre. Timybo arierykremy. Manawnyke wabire- bodonyke. Tahe Filipi rawnyre. <sup>32</sup>Tii kia-di rariareri tyyriti-ki:

—Iwese iny budoeni rubudydu- riwyre wese, tii iwesele ridyrenyre. Budoeni-ribi iny isira riororeu, rirajulere. Iwesetyhyle Tii rarybelere.

<sup>33</sup>Iehehenamy tamy raryberenyrene hbu ehehe wesena, bitimy ak idi riwinyrenyre. Iny rarybetyhy irikremy, iumy dori bedu-ribi ituera.

<sup>34</sup>Tahe tii Filipi- rarybere: —Wadee manarybeke momybo rybedydu rarybereri, iximy abo ada ijmy abo. <sup>35</sup>Tahe Filipi kia Tyyritidile rexidelenymy relyyre. Jesuisimy Rybewihik Tmyramy tamy relyyre. <sup>36</sup>Rydi rariamyhre idi rehemynrenyre be-. Tahe tii Filipi- rarybere: —Kowa bera rare. Biwaratisebenyke abo, adee awikeki.

<sup>37-38</sup>Tahe Filipi dirawynyde: —Awire wadee. Inatyhymy arayky-ki tetyhynyte-wana, aratisebenyke. Tahe rarybere: —Retyhynyre, inatyhymy Jesuisi Kristu Deuxu Rire raremy. Tahe tewe irira riixawidnykemy ritenyre. Tahe itewe-ribi rhnyra, bera- riberenyre. Tahe riratisebenyre. <sup>39</sup>Bera-ribi rotuoreu, Filipi awesele imy reare. Inynyr Deuxu Tyytybytyhy ridyre. Hbu ixby Filipimy robihyyre. Tahe tary-di rariamy rare. Teysanatyhy-di tximy rare. <sup>40</sup>Idi tahe Filipi rexieryre, Asoto hw-ki rehemynmy raremyh. Iribi tahe Rybewihik-di relyyre ibutumy hw hw-ki. Ikonana tahe Sesaria hw- rehemynyre.

## 9

<sup>1</sup>Salu rarybemy raremyh, Inynyr Jesuisi ityhydydu mahdu rubudymy. Tii rarybemy raremyh Deuxu dohodyna heto wedu-. <sup>2</sup>Tamy rexitenyrene: —Arybe tyyriti ariwykremy watzixereri Damasu hw dohodyna heto wedu-. Tai tahe kowa-ki ityhydydu-txi areakeki, atxile hbu hwy abo, aridykemy Jerusal hw-, arirtenykemy. <sup>3</sup>Tahe

iòhòmy Salu rare Damasu hãwã iròte iòhò-di, idi tahe loosònahakÿ Salu tyre resere. <sup>4</sup> Tahe bede-txi resere, tahe rybeò roholare: —Salu, Salu, aòherekibo aóna aónamy ibinamy wadee tatÿÿnymahãte. <sup>5</sup> Tahe tamy rarybere: —Mowexe, Wanyrÿ atxiteri. Tahe rirawyònyre. —Jiarÿ Jesuisi watzireri, aóna aónabina binamy wadee tadotÿÿnymahãte wahe. <sup>6</sup> Myike, mariamy tahe hãwãhãkÿ-ò malokre. Taita inyò adee rarybekre aòhebo botÿÿnykremy. <sup>7</sup> Tahe Salu ijoì riòryre rybeòhye rÿimyhÿ. Rybe-ò roholare, tahe tuu robiònyre. <sup>8</sup> Salu suribi rÿireu, iruetã wesele heka ratximyhÿ. Tahe hãbu tii-wana ihÿmyhÿ heka iaxiò-ki idi rimymy idi rare Damasu hãwã-ò. <sup>9</sup> Tahe hãwãhãkÿ-ki txu inataò txu idi rÿire aòmy robiòhyre, riroxiòhyre, bemy riòòhyre.

<sup>10</sup> Damasu hãwã-ki ityhydÿÿdu wihikÿ rasÿnyre. Anania inire. Wanyrÿ Jesuisi tamy rarybere rasi weselemy: —Anania. Tahe rirawyònyre: —Aòbo rare, Wanyrÿ, kakile watzireri. <sup>11</sup> Tahe Jesuisi riteònymy rarybere: —Myike, make òbitiry-ò, Judasiÿ heto-ò. Tai bitÿÿraxinke titxibo Salu ratxirerimy. Tarso hãwãludu tule rininire. Tii wiji wadee rexitònyreri. <sup>12</sup> Tii umy robireri tarasi-ki. Kai tehemynteri wesele, irue-ò ebò bitidikemy, biteytenykemy. <sup>13</sup> Anania Jesuisi-ò rirawyònyra: —Wanyrÿ, sòwemy kia hãbumy rybe-ò raholara. Aòbina binamy ityhydÿÿdu-ò risÿnymy raremyhÿ Jerusalê-ki. <sup>14</sup> Deuxu dohodÿÿna heto wedu tyriti diwyede kaki ityhydÿÿdu rutysÿny rirutekemy. <sup>15</sup> Tahe Inynrÿ tamy rarybere: —Aòwaxina tamy makre, Jiarÿ dori, kia retara wadee aòmysÿÿÿdu nihikÿmy rarekemy, judeukòdu mahãduko, iòlòrenyko, tule Israeli mahãduko wanimy rarybekre, aóna, warybetÿmyra wihikÿmy. <sup>16</sup> Tamy aritÿÿnynykre tiwesebo aòhòkÿmy rotÿÿnykre wanimy rybeòraru-ki. Kia ibutumy Jesuisi rarybere Anania-ò. <sup>17</sup> Idi ta Anania rare tamy Judasi heto-ki. Ralòmy rahudi, tahe, tebò ityre ritidira. Tahe rarybera: —Salu, waseriòre, Inynrÿ adee riwateònyra. Tiile, Jesusile heka ryro-ki adee rexitÿÿnyre. Tiile heka riwateònyra arue ritxuakemy, tule Deuxu Tyytybytyhy atykmy ralòkemy. <sup>18</sup> Tahe aòwesele irue-ribi rejujura aò yjy wesele. Tahe ixityre robira. Idi rÿimy rahudi tahe, Anania riratysebenyre. <sup>19</sup> Idi riroximy rahudi tahe, inatÿhymy raruruterenyre. Tahe Damasu hãwã-ki tiwese txubo idi rÿire kia erydÿÿna mahãduy-ki. <sup>20</sup> Idi dohodÿÿna heto-ki rybe ritÿÿnyre. Rarybere: —Jesuisi heka Deuxu Riòrele rare. Kiawesele rybe-di ritynnymyhÿre. <sup>21</sup> Tahe uri ijohonadu mahãdu urile bede riòtiinymy rÿimyhÿ. Tahe inyò rarybere: —Kia aò heka ityhydÿÿdu rubudÿÿdule ratxireri, Jerusalê-ki. Kiale heka kaò nade ityhydÿÿdu ritaataamy ridykemy dohodÿÿna heto wedu-ò. <sup>22</sup> Salu tahe ire riixiòlòdÿÿnymyhÿhyre. Judeu Damasu hãwã ludu rieryòhyymyhÿ aòmybo rarybemy. Tii rarybere: —Jesuisi Kristule rare, Deuxu deòdÿÿna rare.

<sup>23</sup> Tiwese txubo txu idi rÿidi tahe judeu mahãdu rarybere irubudÿÿmy. <sup>24</sup> Tahe Salu rierymy rÿimyhÿ tahe inonana-ò rexiywinymy rÿimyhÿ. Rummy tahe, txumy hãwã ijò-ki rirubunykemy retehemy rÿimyhÿ. <sup>25</sup> Tahe ijò erydÿÿna mahãdu weriri nihikÿ riwinyre. Rummy tahe Salu riòlòdÿÿnyre òtity nihikÿ kanaweribi-ò, hãwã ahanaube-ò.

<sup>26</sup> Salu Jerusalê-ò rehemynyre, ityhydÿÿduky-ò ralòkemy ratxireri, tahe urile ilau ruberumy rÿimyhÿ. Erydÿÿna mahãdu ròhòtynyre: —Tii ityhydÿÿdu inatyhy aòkò ratximyhÿremy. <sup>27</sup> Banabe tahe rityhynymy ridyre Jesuisi erydÿÿna mahãdu-ò. Tahe rellyre iwese Jesuisi Salu-ò ryki rexitÿÿnyremy tamy raryberemy. Tule rellyre iwese Jesusinimy Salu rybe ritÿÿnydÿÿnymyhÿremy, Damasu hãwã-ki. <sup>28</sup> Tahe taihyu Salu ratximyhÿre. Tiò tiòle reamy ratximyhÿre rybe ritÿÿnydÿÿnyrerimy ihÿre, ruberumy aòkò. <sup>29</sup> Salu rarybera grego rybe heka erydÿÿna mahãdu-ò. Widee rarybehymyhÿrenyre. Idi tahe kia mahãdu Salu rubudÿÿmy roromyhÿre. <sup>30</sup> Ityhydÿÿdu seriòre kia rieryre, tahe Salu ridyrenyre Sesaria hãwã-ò. Iribi tahe Tarso hãwã-ò riteònyre.

<sup>31</sup> Idi tahe ywina reare ityhydÿÿdu mahãduy-ki. Ibutumy hãwã bedemy, Judeia, Kalileia, Samaria, ityhydÿÿdu mahãdu iruruteremy relere. Ibutumy Inynrÿ dee òbitina-ki rariamyhÿre, rityhynymyhÿre. Deuxu Tyytybytyhy teysatÿhymy tamy riwahinyre. Sòwemy tahe ralore iheki ityhydÿÿmy.

<sup>32</sup> Ibutumy hãwã hãwãmy Pedro rariamyhÿre. Tule robehere Lida hãwã-ò ijò ityhydÿÿdu mahãduÿ-ò. <sup>33</sup> Tai Eniamy ninadu-txi Pedro reare heka rare. Iumy heka imyremyrehekÿ heka rare. Debò inataò reurò beòramy heka herina-ki bede idi rÿire <sup>34</sup> Pedro rarybere tamy: —Enia, Jesuisi Kristu arateytenykre. Myike, aherina biyrubunyke. Aòwesele hãbu rÿira. <sup>35</sup> Ibutumy Lida hãwã mahãdu Saronã hãwã mahãdu tuu robire, tai Inynrÿ rityhynnyre.

<sup>36</sup> Jòpe hãwã-ki hãwyy ityhydÿÿdu rasÿnyre. Tabita inire. Kiani riwiurònyre, watxi wese heka rare. Kia heka aòwiihikÿ widÿÿdu heka rare. Aóna aóna sòwemy iny-ò riwahinymyhÿre. <sup>37</sup> Ijòtxu heka webinadumy resere, ihyy ta, rurure. Risuhòmy rahudi tahe, ritidire hetowo ratyaluduwo-ò. <sup>38</sup> Laida hãwã iòhòmy rÿire, Jòpe hãwã-ribi, Ityhydÿÿdu roholare Pedro Lida hãwã-ki ratximyhÿreò, tahe hãbu inatxi diteònyde Pedro òrysmy. Uritere eleòkòmy kanakemy tii-wana. <sup>39</sup> Pedro tahe tii-wana rare. Rehemyrenyre, tahe

ridyre hetoratya ludu wo-ò. Ibutumy wytese mahādu robumy rÿimyhÿre, rubuweroramy. Tahety, tatybohō ritzeredÿÿnymy tamy riwinyreò. <sup>40</sup> Tahe Pedro rarybere ibutumy rexitakemy. Tahe rexitōenyre taowotimy resemy. Tahe rexiòkesere rubu-ò rarybekemy: — Tabita, myike. Tahe irue raraynyre tahe Pedromy robire, tahe ronyre. <sup>41</sup> Pedro tebò tamy riwainyire tahe rÿire. Tahe wytese-ò, ityhydÿÿdu-ò rryryre. Tamy riteòsinyre hāwyy irulemy roirerimy ihÿremy. <sup>42</sup> Jòpe hāwā mahādu ibutumy kia rieryre. Sòwemy iny tahe Inynyrÿ rybe rityhnyre., <sup>43</sup> Txu sòwemy Pedro Jòpe hāwā-ki ihÿmyhÿ Simaõmy ninadu heto-ki. Simaõ heka iròduty wysydÿÿdu rare.

## 10

<sup>1</sup> Italia soldado mahādu dinodumy raremyhÿ. Oreniliu inire. Sesaria-ki rasÿnyre. Tii òbitimy nodu rare, isÿ mahādu-wana. <sup>2</sup> Tii uriwahidÿÿna diwahinyde tule sòwemy rexitōenyre Deuxu-ò. <sup>3</sup> Aòutxu inataò òra bedeu iòhòmy, rasina wesemy Deuxu ÿjumy tii robira, tamy rehemynyri. Tahe tamy rryryre:

<sup>4</sup> —Oreniliu, rimasajuare-ribi riwawyònyre: —Aòherekibo, Wanyrÿ. Tahe ÿju rarybere Oreniliu-ò: —Aexitòedÿÿnamy Deuxu rierymyhÿre. Tule ijò-ò awahisina Deuxu rierymyhÿre.

<sup>5</sup> Biteònyke eòdubohō Jòpe hāwā-ò Simaõ Pedro òrmysy. <sup>6</sup> Tii Simaõ iròdutyky iyxidÿÿdusÿ-ki ihÿre, bera ijā iòhò-ki. <sup>7</sup> Ýju rybedu rexitareu, teòdu inatxi-ò rryryre. Tule tasoldado mahādumy-ribi inyòwihikÿ rihitxinyre. <sup>8</sup> Kia ibutu-ò relymy rahudi tahe riteònyre Jòpe hāwā-ò.

<sup>9</sup> Ijòtxu txutyetxuu, tiiboho hāwā-ò iòhòmy ròire. Kiaule Pedro raòwònymy rÿimyhÿ hetotyre-ò rexitōenykemy. <sup>10</sup> Rama risamy ratximyhÿ tahe riroxikemy ixi-di ihÿmyhÿ. Rÿsÿna riraòmy rÿimyhÿ. Idi rasi wesemy ròhòtinymy rÿire. <sup>11</sup> Tahe robire: kiuwetye ruamymhÿre wese tuu robire. Riā wesemy aòna tamy dobehede. <sup>12</sup> Riā wo-ki ibutumy iròdu, nawii, hemylala, aòbo dòkònakònale. <sup>13</sup> Rybeò-ò roholare: —Myike, Pedro, birubunyke, biroxiike. <sup>14</sup> Pedro rirawyònyra: —Aòkòre, Wanyrÿ. Kia dòkòna reròkòhywāhāre, isuisure dori. Ixityre tamy rarybere: <sup>15</sup> —Aòbo Deuxu risuhore wese isuisumy rybeòmyke. <sup>16</sup> Ixityre narybede. Iu tahe aòwesele ridyre biu-ò.

<sup>17</sup> Tahe Pedro kia aòbo raredi heka ròhòtinyreu, Oreniliu-ribi hābu mahādu rehemynyre. Simaõ heto riijemyhÿ tahe ijòhòkÿkile rahare. <sup>18</sup> Tahe rryrynyre: —Simaõ Pedro aòbo kakile raxireri. <sup>19</sup> Pedro, tatxuu rasina-di ròhòtinyreu. Deuxu Tytybytyhy tami narybede: <sup>20</sup> —Myike tahe, bobeheke. Inataò hābu dori araijereri. Tii-wana makre adee dori aditeònyde. <sup>21</sup> Tai Pedro robehere. Tamy rarybere: —Jiarÿ aòrmysdu rare. Aòherekibo tòitenyte. <sup>22</sup> Tahe rirawyònyre: —Oreniliu hābu òbiti rare. Tii Deuxu dee ijohonaduò rare. Ibutumy judeu bede mahādu awiremy tuu rarybemyhÿre. Ýjuò tamy rarybere aòrmysy kiditeònykremy, adee roholakremy. <sup>23</sup> Tahe Pedro tamynyre rarybere: —Kakile inybohō ròkòròrenykre.

Ihewoludu txu, rÿidi tahe Pedro tiiboho-wana ròirenyra. Ijò

ityhydÿÿdu seriòre tule roirenyra. <sup>24</sup> Ijò hewo ludu txu Sesaria-ò rehemynyreny. Oreniliu tii riraòmyhÿre. Tajjoi mahādu tabiòwawoludu mahādu-wana ributumymy rÿimyhÿre. <sup>25</sup> Pedro rehemynymy raloreu, Oreniliu ròhònyra heto-ribi tahe tatiowotimy iko-txi resere riwowydynykemy. <sup>26</sup> Tahe Pedro ritamadÿÿnyre. Rarybere: —Mynyke wahe. Jiarÿ hābule watzireri. <sup>27</sup> Tahe rarybemy ralòmyhÿ, sòwemy wii ributunyreriò itxi reare. <sup>28</sup> Ta Pedro tamynyre rarybere: —Judeu mahādu iny witzira mahādu-wana wibutudÿÿòmy, iòhòmy wiribi riraòmy. Kia teertytenyte. Deuxu dori riwaerynadÿÿnyre kia wese aròhòtinykre. Iny wiwese wiwesele raremý aròhòtinykemy. <sup>29</sup> Tahe tai waòrmysy teteònyteu, aòtaximý anademy wanohòti rÿire. Tai tahe adeereny arÿÿraxikre. Aòherekibo waòrmysy aòtaxina teteònyte. <sup>30</sup> Ta Oreniliu rirawyònyre: —Inaubiòwa txumy txu rÿire tahe hābu tyky tÿrÿrÿhÿkÿ-di wako-txi rexitÿÿnyra. Iule wesemy tahe waheto-ki rexitōenywāhāre. <sup>31</sup> Tahe wadee rarybera: —Oreniliu aexitòedÿÿna-ò Deuxu roholara, ijò-ò awahisina rieryra. <sup>32</sup> Biteònyke Jòpe hāwā-ò Simaõ Pedro òrmysy. Simaõ, iròdutyky iyxidÿÿdusÿ-ki ihÿre bera ijā iòhò-ki. <sup>33</sup> Aòwesele tahe, aòrmysy riteònyre. Awimý tahe tateriki rahara. Inybohō kakile ributumymy ihÿrenyire, aroholakemy ibutumy Deuxu-ribi aòmybo manarybekemy. <sup>34</sup> Tahe Pedro rarybere: —Deuxu dee iny ibutumy wiwese wiwesele rare. Kia reeryre. <sup>35</sup> Ibutumy bede bede hāwā ludu Deuxu rityhnykeki, aòbo tamy òbiti riwinykeki, tii Deuxu ixidee rimyke. <sup>36</sup> Kia rybe tahe Deuxu riwahinyre judeu mahādu-ò. Rybewihikÿwina kia diwyde inydeereny bedeynamy. Kia Jesuisi Kristumy rarybere ibutunyrÿna kia rare. <sup>37</sup> Joaò ijò ratysebenamy rarybere, idi tahe kia rybe hāletedÿÿmy rexidelenyre Kallieia-ki. Tahe ibutu judeu mahādu bedemy rarybere. Kia kaiboho teertytenyte. <sup>38</sup> Iwese Deuxu Tytybytyhy, taruru-wana Jesuisi Nazare ludu tyre-ki ditziwide wesemy relymyhÿre. Iwese

Jesuisi reamy raremyhÿ wesemy aõwihikÿ riwinymyhÿremy, tule iny Diabo rururawo-ki ratxirerimy ihÿre Jesuisi iribi riteõnyre, ta reteytenymyhÿre. Deuxu dori Jesuisi-wana ihÿre. Ibutumy kia teerytenyte. <sup>39</sup> Tahe ibutumy judeu mahãdu hãwã-ki riwinymyhÿre, idi itxeredumy inyboho roiremymhÿre. Ihãre tahe tii Jesuisi rirubunyunyreny, ðwõru itxeõ nihikÿ-ki ritõhãletenyry ritamadÿÿnyreny. <sup>40</sup> Inataõ txu-di tahe Deuxu rubu-ribi riixix-anyre, tahe tii riteõsinyre inyõ-ð. <sup>41</sup> Tatarasanaõõle Deuxu Jesuisi ritÿnydÿÿnyre. Kia heka inyboho roire tii-wana riroxirenreki, riõrenyrenki, iixixana hewomy. <sup>42</sup> Deuxu rarybere: —Jesuisi hitxidÿÿdu iny wiribi ywisijuradÿÿdu rareke, iru mahãdu dee, rubu mahãdu dee. Kiamy heka Deuxu iny-ò ritÿnytedÿÿmy, ta inyboho rokoirekemy diwahinyde. <sup>43</sup> Ibutumy iny Jesuisinimy tamy rityhynykeki, iõraru-ribi iny riixãwididÿÿnyre. Kia ibutumy ihetxiu rybedu mahãdu rÿimy rarybemy raremyhÿre. Kia heka Pedro tamyreny rarybere.

<sup>44</sup> Pedro rarybemy raremyhÿu, Deuxu Tytybytyhy ibutu rybe-ð ijohonadu tyre-ki resemy ralore. <sup>45</sup> Pedro-wana rare mahãdu, judeu mahãdu òbiti, tahe riõtiiynre judeukõdu mahãdu-ki Deuxu Tytybytyhy ralõmy rareki. <sup>46</sup> Raholare dori rybe wixira-di raryberenyreð, tiiboho Deuxumy heka reãlãmyhÿre. Tahe Pedro tamyreny rarybere: <sup>47</sup> —Inyõ rarybeõkre, iratysebedÿÿõmykemy, tiiboho dori Deuxu Tytybytyhy-di ratxirennyre inywesereny. <sup>48</sup> Tahe Jesuisi Kristu nimy iratysebenykemy riteõnyre. Tahe rexitõenyrennyre Pedro idi iyreny-ki ijõ txumy ramyhÿre.

## 11

<sup>1</sup> Judeukõdu mahãdu Deuxu rybe roholamy rityhynymyhÿre. Kia-ò tahe Jesuisi erydÿÿna mahãdu roholare kiamy ityhydÿÿdu seriõre mahãdu tule roholare. Judeia bede ludu ratximyhÿ mahãdu ibutumy kia rare. <sup>2</sup> Pedro ixityre Jerusalẽ-ð rehemynyreu, tahe judeu ityhydÿÿdu mahãdu tuu tamy narybede. <sup>3</sup> Kia heka, Pedro, judeukõdu mahãdu-wana wiwo-ki atxiteri, tii-wana teroxiteri. Tai tahe ibinamy raharennyre. <sup>4</sup> Iribi tahe Pedro ikoreny relyyre ibutumy taaõna aõnamy. Kia wesemy Pedro rarybere: <sup>5</sup> —Jõpe hãwã-ki watxiwãhã. Tahe rabire rasinawesemy riã nihikÿ biu-ribi robehere-ð. Iwese inyõ iõhõti inaubiõwa-ki rimymyhÿre wesemy wadee robehemymy roimyhÿre. <sup>6</sup> Tahe aõbo heka iwo-ki ratximyhÿdi, retehenihikÿmy rãiwãhã irõdu deborehekÿ wesemy ratximyhÿ iwo-ki. Abõrõrõ wesemy tai ratximyhÿ, irõdu wese, nawii wese tai ratximyhÿ, inyboho rirÿsÿõmyhÿre wesemy. <sup>7</sup> Iribi raholare rybeð-ð: —Myike, Pedro, birubunyke hewa aõtxile birubunyke tibo birõkemy. Aõkõrewa Wanyrÿ, tiu heka rerõðwãhãre. Judeu mahãdu bede ywina heka tiu iny kia rirõðtyhy. <sup>8-9</sup> Tahe ixityre rybeð tamy rarybere: —Marybeõke kia ibinamy. Aõbo Deuxu awimy rarybere, kia wiji tahe ibinamy aõkõ rare. Deuxu dee awikeki, kia awi rare. <sup>10</sup> Inataõ heka tuu rotÿÿnyre. Iribi tahe kia riã, ibutu-wana iõre biuribihyy heka iõre. <sup>11</sup> Iribi tahe hãbu inataõ dehemynymy deade tai watxiwãhã-ð. Tii diwaõryde riwadykremy Sesaria hãwã-ð. <sup>12</sup> Tahe Deuxu Tytybytyhy wadee rarybere tii-wana arakremy. Nohõtioimymy heka aõbo judeukõdu mahãdu raremy. Tii-wana makre ele elemy. Tahe kia debõ sohoji reurõ seriõremy wahemy rare. Tahe retehemynnyrennyre waõrysmy riteõnyrennyre heto-ð tahe ralõrennyre Oreniliu heto-ð. <sup>13</sup> Iribi tahe Oreniliu rarybere iwese ÿju ihetowo-ki tamy rexitÿnyrennyre rarybereri: —Oreniliu, inyõ biteõnyke Simaõ Pedro ðrÿsmy Jõpe hãwã-ki. <sup>14</sup> Tii rybe tÿmyraõmy adeerenny kanarybekre. Tai tahe ibutumy asÿ ijoi-wana aõraru-ribi kanatakre. Kia Oreniliu inydee rarybere. <sup>15</sup> Iribi tahe jiarÿ Rybewihikÿmy rexidelenymy rarybere tamy. Pedro rarybere. Urile tahe roholare, tahe aõwesele Deuxu Tytybytyhy ityrenny resere iwo-ð ralõkemy iwese watyrenny resere wesele juhuy. <sup>16</sup> Tahe Jesuisi rybe wanohõti itxi reare tiubo raryberemy: —Joaõ heka inatymy bedi iny ratisebennyre, kaiboho tahe Deuxu Tytybytyhy-di akanasebedÿÿdenykre. <sup>17</sup> Judeukõdu mahãdu Inynyrÿ Jesuisi Kristu rityhynymyhÿre. Tai Deuxu tamy diwahinyde iwese waderenny juhu riwahinyre wesetyhyle. Deuxu Tytybytyhy uriõno wesele tamyrenny diwahinyde. Mobo jiarÿ raremy wahe tuu Deuxu dee aõmy ararybekemy. <sup>18</sup> Iribi Pedro rybe-ð roholare tahe timyhe tamy irybekõna. Tule Deuxu riwowydnyrennyre: —Inatymy wa rare Deuxu heka judeukõdu mahãdu-ð heka unytedeõna riwahinyre. Inyõ rityhynykeki, ixirahikeki, tarasana rimyrennykre.

<sup>19</sup> Iu tahe Estevaõ rurureu, ityhydÿÿdu aõhõkÿmy rotÿÿnyreu tahe, ityhydÿÿdu mahãdu Jerusalẽ-ribi rõhõnyre. Tii heka relyymyhÿre Rybewihikÿmy judeu mahãduõle kÿny wahe, iwixira wixira-ð aõkõre. Tahe ibutu bede-ð ritelenymy rõrennyre. Senisia-ki relyyre. Xibri bedebute-ki tule relyyre, Atxiõkia hãwã-ki tule relyyre. <sup>20</sup> Ijõ ityhydÿÿdu mahãdu Jesuisi Rybewihikÿ tÿmyra rarybere. Tiiboho Xibri bedebute-ribi rõhõnyre, Sireni-ribi ijõ rybedu rõhõnyre Atxiõkia-ð. Tiiboho relyyre judeukõdu mahãdu-ð tule. <sup>21</sup> Deuxu riwiohenanyre sõwemy iny rityhynyre, Jesuisi ryõ ralõrennyre. <sup>22</sup> Jerusalẽ ityhydÿÿdu mahãdu kiamy roholare. Tai tahe Banabe riteõnyrennyre Atxiõkia-ð. <sup>23</sup> Banabe rehemynyreu tahe, tuu robire aõbo Deuxu kowa riwinyrerimymy. Tai tahe reysare. Tahe ityhydÿÿdu tÿmyra-ð

dohodÿÿmy, riwiòhenanykremy: —Iòhòtyhymy Deuxu-ribi atximahãbenyke, aworibityhy Deuxu bityhynybenyke. <sup>24</sup> Banabe heka hàbu wihikÿ rare. Tÿxihikÿlemy Deuxu Tyytybytyhy-di ratximyhÿre. Ibutumy ratximyhÿre tyhydÿÿna-di. Sòwemy iny rexiròtenyrene Inynyrÿ mahãdu-ò. <sup>25</sup> Idi tahe Banabe rare Tarso hãwã-ò Salu ijesemy. <sup>26</sup> Tai rahareu tahe, didymyhe dòòsemy nade Atxiòkia-ò. Sohoji beòramy idi bede rierenyrene. Sòwemy iny ribedeerynymyhÿre. Atxiòkia hãwã-ki ityhydÿÿdu mahãdumy raninira Kristu wese mahãdumy. Kiani tamyreny riwahinyrene.

<sup>27</sup> Aòutxu tahe dehemynyde Deuxu rybedu mahãduò Jerusalê-ribi Atxiòkia-ò. <sup>28</sup> Ijò Abusi inire. Iribi tahe tii rarybere Deuxu Tyytybytyhy rybemy. Ramamy rubu nihikÿ kanakremy raxireri, ibutu suò. Laujiu iòlòmy raremyhÿu, kiamy rotÿÿmyhÿre. <sup>29</sup> Tai tahe ityhydÿÿdu mahãdu he nieru riwahinykremy rÿire Judeia bede sÿdu ityhydÿÿdu riwiòhenanykremy. Tahe nieru riwahinyrene tiwesebo idi ratximyhÿre wesemy tamy riwahinyrene. <sup>30</sup> Tahe nieru riteònyrene, moma-wana Banabe Salu-wana Jerusalê dohodÿÿna heto matuari mahãdu-ò riwyre.

## 12

<sup>1</sup> Kia bededÿÿnanamy heka Herodi judeu iòlòmy raremyhÿ. Iribi tahe rexidelenymy riwinyrene heka ityhydÿÿdu mahãdu kia òludumy risÿnykre myhÿ. Tii riteònyrene aòna aònamy risÿnykemy ityhydÿÿdu mahãdu-ò. <sup>2</sup> Tii mayrehe-di rubudÿÿmy riteònyrene Joaò seriòre wahe, Txiau wahe. <sup>3</sup> Tai tahe judeu wedu mahãdu heka tamy wihikÿlemy tuu rotÿÿnyrene. Herodi rierumy raremyhÿ idi Pedro rima. Tahe worana bedehesi rÿire. Paò taurina ihoò inire. Kia ibutumy rotÿÿnyrene kia bedehesi rÿire. <sup>4</sup> Tahe Pedro riròtenyrene, ròtenawomy wirutyrene. Aòmamy soldado mahãdu inaubiòwamy iitxeredumy rÿimyhÿre. Pascoa kia worana bedehesi konana txu rexihumy rÿireu tahe, judeu mahãdu-ò riwahinykre. Kia Herodi rexinohòtidÿÿnyrene. <sup>5</sup> Ròtenawo-ki tahe Pedro ratximyhÿre. Ityhydÿÿdu mahãdu tahe Deuxu-ò rexitòtenyrymymyhÿre Pedro tòenamy. <sup>6</sup> Txubiòwamy tahe itxu riywinyrenyrene iny sòwehekÿ-ò Pedro riwahinykemy. Kiamy Herodi ròhòtinymy. Ruu tahe Pedro ròròmymy roimyhÿ. Inatxi soldado heka idile ratximyhÿre. Pedro womati reroti inatxi-di ratsamymy roimyhÿ. Ijò soldado rotena ijà-ki ratximyhÿre. <sup>7</sup> Inynyrÿ ÿju heka Pedro weribi rihetenyrene riixixanykemy. Loosòna itÿnyhÿkÿlemy ròtena ritoosònyrene. Tamy rarybere: —Wylemy wa rexiukÿnyke. Tahe aòwesele Pedro axiò-ribi womati rerotihikÿ rejuxunyrene. <sup>8</sup> Tahe ÿju tamy rarybere: —Awamy birutyke, bexitynyke. Kiamy riwinyrene. Ijò arahana birutyke tahe biwaheludumy. <sup>9</sup> Iribi ròhònyra he tai ròròreri-ribi wahe. Kia ibutumy heka rasi weselemy Pedro ròhòtinymy rieròre inatyhy aòbo ada rasi aòbo. <sup>10</sup> Juhu heka ikoludu soldado mahãdumy reare idi ihewoludumy reare iribi rehemynymy rÿire ahana ijòtyhy-ò. Womatilere heka ijòtòbònare. Ixiwanale heka rarayre ijòtòbòna. Iribi tahe roirenymy hãwãry-di ririranyrenyrene. Idi tahe ÿjuhe iòre iribi. <sup>11</sup> Tahe Pedro ròhòtinymy, rierymy heka aòhebo rotÿÿnyraò. Wanyrÿ ÿju riteònyrene riwatara Herodi-ribi judeu mahãdu-ribi. Katahe wadee aòhe rotÿÿnyrenyòtyhy. <sup>12</sup> Ròhòtinymy rÿire juhuu urihimyo idi tahe rare Marie heto-ò. Joaò Markuse heka tii rare. Tai ityhydÿÿdu mahãdu rÿimyhÿ tahe rexitòtenyreniò Pedro tamy rehemynymy. <sup>13</sup> Tahe ijò he rihetenyrene. Ijòtòbòna-ò nade mobo raremy rierymy ijadòma deòdu. Rode inire. <sup>14</sup> Tahe Pedro rybe rierymy. Reysamy raijaranyrene iwo-ò. Pedro tahe ralòòlemy rÿire. Tahe relyyre Pedro heto ijò-ki rÿimyhÿmy. <sup>15</sup> Tiiboho raryberenyrene: —Kai tabinamy atxiteri. Ixityre rarybere: —Aòkòre tii taile naderi. Tahe raryberenyrene: —Pedro aòkò rare, taÿjulemy tahe rare. <sup>16</sup> Tahe Pedro riheterihetenymy rÿimyhÿre. Idi riranyrenyrene. Pedromy robirenyrau, bede ròtòtinymyrene. <sup>17</sup> Pedro tahe tamyreny tebò reara roholarenymy. Tahe tamyreny relyyre timybo Inynyrÿ ròtena-ribi rexiòlòdÿÿnyramy. Tule tamy riteònyrene: —Kiamy belyyke Txiau-ò tule inyseriòre-ò. Tahe rexitare, rare ijòsÿ-ò.

<sup>18</sup> Txuu ratÿnyrene, soldado mahãdu ierysymy wii risÿnyrene timybo Pedro aòhebo rotÿÿnyramy. Tahe jei jei aònire. <sup>19</sup> Herodi ijesemy riteònyrene tai moò tai rahaòhyllera. Tai soldado itxeredu sohoji sohoji dÿÿraximymy riteònyrene. Idi irubudÿÿmy riteònyrene. Iribi tahe Herodi Judeia bede-ribi ròhònyra. Sesaria hãwã-ò bededÿÿnanaò riwyrã.

<sup>20</sup> Tiro hãwã mahãdu Sidoma beà hãwã mahãdu-wana Herodi derarenyrene. Tahe tiiboho ributunyrenyrene tamy ròirenykemy rybe-di. Iòlò heto-di itxeredu Blastu inire. Tahe iny mahãdu Blastu ròtarenyrene iwe-ribi mahãdureny. Tahe ròirenyrene Herodi-ò tamy rexitòtenyrenyrene, tamy ykaraòmykemy. Tarÿsÿna dori diwyde iòlò bede-ribi, Herodi bede-ribi. <sup>21</sup> Herodi tahe itxu riywinyrene. Kia txuu tahe ròhònyrene tamy. Rexitynyrene taiòlòtyyrehe-di tahe tarynana tyre-ò ronyrene, tamy Rybewihikÿmy rarybere. Tai tahe iny rirajuare: —Katahe hàbu aòkò rarybereri, Deuxu wahe. <sup>22-23</sup> Aòwesele Deuxu ÿju heka Herodi rirubunyre, tii Deuxutyhymy realàòreki. Woudò rubudÿÿnamy rurure.

<sup>24</sup> Deuxu rybe tahe ibutumy roholare. Sòwemy iny tahe rityhinyrene.

<sup>25</sup> Banabe Salu-wana nieru riwahinymy rahudi tahe, diòòsede Jerusalê-ribi Atxiòkia-ò. Joaõ Marku tii-wana ridyre.

## 13

<sup>1</sup> Atxiòkia dohodÿÿna heto mahâdu-ki rybe tÿnydÿÿdu mahâduò, bede erydÿÿdu mahâduò rÿimyhÿre. Kaheka inireny rare: Banabe, Simaò, iniraròsòna Nike rare. Lusu ijòre, tii Sireni hâwâ ludu rare. Manaì ijòre, tii Herodisÿ-ki ratibienyre, Salu ijòre. <sup>2</sup> Ibutumy tahe Inynyrÿmy reâlâre, riroxiòhÿy heka bede riemyhÿ. Tahe Deuxu Tyytybytyhy tamyreny rarybere: —Jiarÿ waaòmysÿdÿÿna dire Banabe-ò, Salu-ò. Kaiboho heka biteònybenykre kia riwinykre. <sup>3</sup> Tahe roxiòhÿmy bede riemy, rexitòenyrenyre. Tebòreny iratytyre ritidirenymy, idi riteònyrenyre tabede tÿina-ò.

<sup>4</sup> Deuxu Tyytybytyhy tahe tiiboho riteònyrenyre. Selusia hâwâ-ò tamy riberenyrenyre. Tahe hâwòò rimyrenyre Xibri bedebute-ò. <sup>5</sup> Tahe rehemynyrenyre Salamina hâwâ-ò. Tai judeu dohodÿÿna heto-ki Deuxu rybemy raryberenyre. Tule Juaõ Marku rare tii-wana wiòhedÿÿdu wese heka rare. <sup>6</sup> Tahe ibutumy bedebutemy rekoarenyre. Ritehemynyrenyre hâwâ-ò Pafumy ninadu-ò. Tai tahe judeu mahâdu wixi deade, Bajesuisi heka inire. <sup>7</sup> Tii Deuxu rybeduòmy raremÿhÿmy iximy rarybere tahe aòkòre, raruire, riitxenanyre. Tii bedebute hâwâ dinodu-wana rare. Kadinoduni tahe Sergio-Paulo inire. Tii hâbu bedeery nihikÿ rare. Tii Deuxu rybe-ò roholakemy ratxireri. Tahe didyde Salu, Banabe-wana tamy roholakemy. <sup>8</sup> Bajesuisi, Elimasi ijò ini rare. Tahe tii bedebute dinodu-ò rarybere uritere Salu rybe-ò, Banabe rybe-ò ijohonakòmykemy. Wanyrÿ tyhydÿÿkòmykemy dori tuu risÿnyre. <sup>9</sup> Salu tahe, Paulo ijò ini rare. Deuxu Tyytybytyhy heka itykumy ralòmy rÿimyhÿre. Tahe Paulo retehere Elimasi-ò tamy rarybere: <sup>10</sup> —Kai Satanasi riòre tate. Kai heka ibutu itxenadÿÿ-di tÿxihikÿlemy ahâte. Kai heka awihikÿ òludu tate. Tiubo heka bexiuhkre Inynyrÿ-ribi iny riixâwididÿÿnyre. <sup>11</sup> Deuxu heka wiji araòwinykre, aòhòkÿmy arasÿnykre, aruetâmy bonykre. Txu bobòkòre bede biwyke. Iule tahe aòwesele bede torohokÿlemy reare. Robiòhÿmy reare. Urile riemy ratximyhÿre, iny riwiòhenanykemy, ryy tamy ritÿnykemy. <sup>12</sup> Tahe kia bedebute dinodu tuu robire aòhebo rotÿÿnyramy, tai bede riòtiinymy ronymyhÿ tahe tii Inynyrÿ rityhynyre.

<sup>13</sup> Iribi tahe Paulo ròhònyra taijoi-wana Pafu hâwâ-ribi. Rakremy riberenyra hâwâ nihikÿ-ki Panflia bede-ò, Peke hâwâ-ò. Juaõ Marku iribireny rexitara, dòòsede Jerusalê-ò. <sup>14</sup> Tahe Paulo Banabe-wana roirenyre. Peke-ribi riòlònyre tahe rekoarenyre Atxiòkia-ò. Kaa iwixira Atxiòkia hâwâ rare, Pisidia bede-ki ratxireri. Tahe riòlònyrenyre judeu mahâdu dohodÿÿna heto-ò. Sabado txu rÿire. Ronymyhÿre ijohonamy. <sup>15</sup> Kia hâbu mahâdu heka Moisesi bede ywina tyyriti-di, Deuxu rybemy rybedu mahâdu tyyriti-di rariamyhÿre. Tahe dohodÿÿna heto wedu Pauloboho-ò raryberenykemy rarybere: —Waseriòre, arybemy idi atxiteri-wana marybeke aòwaxiny bitÿnyke. <sup>16</sup> Tahe Paulo rÿire lamamy. Iwese rybedÿÿmy ròteòsidÿÿmyhÿre wese rÿire. Tahe rexidelenyre: —Hâbu, Israeli mahâdu, tule ibutumy Deuxu rityhynymy rÿira mahâdu, bodoholabedenyke kaa ijyy-ò. <sup>17</sup> Israeli mahâdu Egito-ki rasÿnyreu, taDeuxu iribi ritare, moma, inytybyreny Deuxu, Israeli mahâdu tybyreny wahe. Deuxu rasòwedÿÿnyre. Iribi tahe Deuxu Egito-ribi ritarenyre tebò ruruteretyhy-di. <sup>18</sup> Tiiboho bederahy-ki 40 beòramy bede riereu, Deuxu taàòbina bina riòludunyre. <sup>19</sup> Kanaã bede-ki debò inatxi reuròmy ixÿju ixÿju mahâdumy rahure. Idi tamyreny riwahinyre bede, isÿhyymy rarekemy. Idi tahe rybe ywisidÿÿdu mahâdu tamy riwahinyre. <sup>40</sup> beòra rahureu, tahe Samueli Deuxu rybeduòmy raremyhÿ. <sup>20</sup> Idi tahe rybe ywisidÿÿdu mahâdu tamy riwahinyre. Tahe 40 beòra rahureu, Samueli Deuxu rybeduòmy raremyhÿ. <sup>21</sup> Iribi iny Deuxu-ò rexitòenyre iòlòmy tamy kadiwahinykemy. Tahe Deuxu Salu tamy riwahinyre, iòlòmy. Salu tahe Kixi riòre rare. Benjami mahâdu rare. Tahe 40 beòramy iòlòmy ronyre. <sup>22</sup> Salu iribi ritareu, tahe Davi, Deuxu ritamadÿÿnyre iòlòmy. Deuxu Davimy rarybere: —Davi Ijese riòre rare. Jiarÿ iluure. Tii ibutu wadee wimy riwinykre. <sup>23</sup> Tahe Davi riòkòre-ribi Jesuisi ròhònyre, Israeli tarasadumy rarekemy. Iwese juhuru Deuxu rarybere wese. <sup>24</sup> Jesuisi naòdeu, Juaõ ritÿnyrenyre Israeli mahâdu-ò iòrarureny ririkemy idi raratisebenykeny. <sup>25</sup> Juaò rybe tÿnydÿÿna kònanau, tamyreny rarebere: —Jiarÿ wa iwese tahòtintenyteri wese aòkò riarÿ rare. Kaiboho tiwaraòhÿmahâtenyete. Betehebenyke, tii, wahewomy kanakre. Jiarÿ aò aòkò rare, iwatisana arieseòtyhy iwa ritakemy, tii dori waratyre wihikÿreki. <sup>26</sup> Waseriòrebobo, Abraò riòre riòremy ibutumy inyboho roire, tule Deuxu reâlâmy rÿira mahâdu kaki ratximyhÿ. Deuxu inydeereny biu-ò hedu rybe diwahinyde. <sup>27</sup> Jerusalê mahâdu, iwedurenny-wana raeryòhÿyrye tii tarasadu rare. Ibutumy sabado txu rybedu tyyriti-di rariamyhÿre tohodÿÿna heto-ki, tahe aòbo rare rieryòhÿyrye. Jesuisi rubudÿÿmy raryberenyreu, iwese rybeduò rarybere wese, tiiboho rotÿÿnymyhÿre. <sup>28</sup> Tiiboho aòbina bina-ki tai rahaòhyra, ihârele irubudÿÿmy rexitòenyre Pilato-ò. <sup>29</sup> Iwese ibutumy Jesuisimy riritinymy roireri wese, ibutumy tuu ròhònyre. Tahe itxeò nihikÿ

tyre-ribi ritarennyre. Tahe mana hãloo rawo-ò ritidirenyre. <sup>30</sup> Tahe Deuxu rubu-ribi riixixadÿÿnyre. <sup>31</sup> Tii-wana iny mahãduò roirenyre juhuu Kalileia-ribi Jerusalè-ò. Rexixamy rahudi tahe, tii mahãdule tuu robihyomy txuu widireny rÿire. Kia mahãdule inysõwey-ki relymyhÿre. <sup>32-33</sup> Deuxu juhuu rarybere inytybyreny-ò aõhebo rotÿÿnykremy. Inydeereny tahe tii riwinyre Jesuisi riixixanyreki. Kia Rybewihikÿmy adeereny relymahãrennyre. Iwese inatxi wiuna ritidÿÿna-ki roire wese:

—Kai waRiòre tate. Wiji tahe bomy watziwãhãre.

<sup>34</sup> Kiamy heka Deuxu rarybere Jesuisimy: —Rubu-ribi ariixixanykemy, tii rasunymyhyre bede-ò ròðseõthy. Iwese Davi-ò jiarÿ rarybere wesemy ibutumy adee bede ariywynykre.

<sup>35</sup> Deuxu ijõ wiuna Ritidÿÿna-ki tule rarybere. Iwese Jesuisile rarybere wese, kiamy roire: —Eòdutyhy umy rasÿnyõthy kai dori waumysudÿÿ-ò tejjemahãte.

<sup>36</sup> Iu Davi Deuxu deé taijoi riwiòhenanymy rahudi tahe, rurure. Tybyreny-ò tii rara. Iumy tahe rasunyre. <sup>37</sup> Jesuisi umy tahe rasunyõre Deuxu dori rubu-ribi riixixadÿÿnyreki.

<sup>38-39</sup> Jesuisi bityhynybenykeki, aõraru riixãwidinyke. Kiamy Moisesi bede ywina ihoõhyre adeereny. Kia bierybenyke waseriðreboho, tiile, Jesuisi, adeereny relywãhãrennyre.

<sup>40</sup> Bexijjbenyke, kiamy adeereny rotÿÿnyke lau iwese rybedu ritina-ki roire wese:

<sup>41</sup> —Kaiboho inatyhy derare. Betehebenyke, burubenyke, bede biòtiinybenyke, aõbo jiarÿ rewinyrerio. Inyò adeereny ritÿnynye ihãrele. Tii heka bityhynybenyõthy.

<sup>42</sup> Tahe Paulo irybe rexihura. Iribi ròhõnyre Banabe-wana. Rexitõrennyre ijõ sabado biòwau tarybetybydile ixbyle relykemy. <sup>43</sup> Iny ritobinymy rahudi, judeu mahãduò, judeu bede erydÿÿna ityhydÿÿdu mahãduò tule Banabe Paulo-wana riheludunyre. Tahe tamynre raryberenyre: —Deuxu ruxetõena-ki idi mariahyomyhÿkemy.

<sup>44</sup> Ijõ sabado rehemynyreu, ibutu iny hãwã-ribi doimyhÿdenyde Deuxu rybe-ò ijohonamy.

<sup>45</sup> Judeu mahãdu tahe inysõwemy robireu, tiiboho rexiiwaritinyomyhÿrennyre. Tiiboho raryberenyre aõbinahãkÿlemy Deuxuru-ò. Paulo riki inatyhymy aõkõ tii rarybemyhÿre. <sup>46</sup> Paulo Banabe-wana ihãrele brebuõlemy raryberenyre: —Juhuu adeerõ Deuxu rybe dobehede. Tahe kaiboho tetyhynyõteny, tai judeukõdu mahãdu-ò aroirenykre. Kaiboho Deuxu rybe terarennyreki, ixi sohojile tahe tetaõte adeereny aõ aõkõreki. <sup>47</sup> Kia Inynyrÿ bede ywina wadeereny riwahinyre: —Kai loosõna wesemy atxikre judeukõdu mahãdu-ò. Kai tarasany ritÿnynykre ibutu inyko-ò. <sup>48</sup> Judeukõdu mahãdu kia-ò roholareu, tahe reysarennyre. Deuxu rybe riwowydynnyrennyre tai. Tahe rityhynyre, timybo Deuxu juhuu ritare wesele tamynre umy tuedõna riwahinyremy. <sup>49</sup> Inynyrÿ rybemy kia bede-ki ibutumy relyre.

<sup>50</sup> Tahe judeu mahãdu rarybere hãwyywihikÿ ityhy-ò, tule hãwã wedu-ò. Tai tahe Paulo Banabe-ò ðludu sõwemy resere. Tahe isubede-ribi riteõnyrennyre. <sup>51</sup> Paulo Banabe-wana tawa-ribi bryby riòhõwinyre tamynre tiiboho ibinareki. Tahe Ionio hãwã-ò roirenyre.

<sup>52</sup> Atxiõkia ityhydÿÿdu mahãdu tahe reysamy rÿimyhÿre. Deuxu Tytybytyhy-di tÿximy ihÿre.

## 14

<sup>1</sup> Ionio hãwã-ò Paulo Banabe-wana rare. Judeu mahãdu dohodÿÿna heto-ò. Tahe rybe ritÿnyrennyre, tarurumy he relyrennyre. Sõwemy judeu mahãdu, judeukõdu mahãdu-wana rityhynyrennyre ijyy. <sup>2</sup> Tahe ijõ judeu mahãduò rityhynyõre. Ijyy deramy reamyhÿre, tule ijõ-ò tule rarybere ityhynyõkemy. Tahe Paulomy, Banabemy aõ õta õtalemmy rarybemyhÿrennyre.

<sup>3</sup> Ihãrele tahe Paulo Banabe-wana bede nihikÿ riwinyrennyre tai. Tamy rybe ritÿnyhy roiremyhÿ ibrebuõlemy. Inynyrÿ taruxetõena rybetyhydÿÿnamy riwiòhenanyre tiiboho bedeõbyna widÿÿdu renyreki. <sup>4</sup> Hãwã mahãdu ritxuare. Ijõ heka judeu wedu mahãdu rityhynyomyhÿre, ijõ tahe Paulo Banabeboho rityhynyomyhÿre. <sup>5</sup> Judeukõdu mahãdu, judeu mahãdu, tawedureny-wana widee rarybere Paulo Banabe-wana riòkòròrennykemy tamy mana-di rehurennykemy. <sup>6</sup> Tahe tiiboho rexiiyrennyre tahe rihenyrennyre. Tahe ròirenyre Listra hãwã-ò, Debi hãwã-ò, kia Laonia hãwã hãwã-ò rare. Tule rariarennyre kowa bedewo-ki. <sup>7</sup> Tahe kowa tiemy ritÿnyhy roiremyhÿ Rybe rÿmyra wihikÿ-di.

<sup>8</sup> Listra hãwã-ki heka hãbu-õtxi rekoarennyre, itierere heka. Taihy heka ronmyhÿre. Tuuhyy heka ratohouãmy ijarananyre. <sup>9</sup> Tii tahe Paulo rybe-ò roholare. Paulo tamy retehere. Kia tahe Paulo rieryre hãbu teytetyhynadire Paulo riteytennykemy. <sup>10</sup> Tai tahe tamy rarybere tarybe riterenymy: —Mynike, õbitimy. Ta hãbu rexiiwatzinyre, rariare. <sup>11</sup> Ijohona mahãdumy robireu, aõbo Paulo riwinyremy tahe rirajuare tarybe-di, Laonia rybe-di: —Ka hãbu mahãdu heka deoux wesemy idi rexinohõtidiÿÿnyomyhÿre. Inydeereny deoux wesemy dobehede. Iumyreny tahe hãbu wesemy rare. <sup>12</sup> Banabe heka, Jupitemy tadeuxurennyõmi rininire. Paulo tahe ijõnimy, Meuriumy rininirenyre irybe sõwetyhyreki, tii rybedureki. <sup>13</sup> Jupite xiwena wydydu horeru bederade-di dehemynde. Tohodÿÿna heto hãwã ahana ube-ki rÿire. Broreni xiwe wesena tamynre hãwã mahãdu riworonykemy, riwahinykemy. <sup>14</sup> Kiamy roholareu, Paulo Banabe-wana tatykyreny riykaranyre idi rihurennyre. Tahe ralõmy reare inysõwey-txi rarybekemy. <sup>15</sup> Tamy ryrre: —Aõhebo tatÿÿnyntenyteri. Jiarÿboho



hãbulemy watxirenryeri. Kialemy adeereny rarybewãhãre, Deuxu rybetÏmyra wihikÏ. Adeuxureny-di nohõtirenÏomy. BedewidÏÏdu ta mohõtinybenyke. Tii dori benihikÏ riwinyre, ibutumy biu-ki riwinyre, tahe Deuxutyhy-di mohõtinybenyke. <sup>16</sup> Ihetxiu Deuxu ibutumy bede bedemy sÏdu ririre ixidee wimy aõna aõnamy rotÏÏnykemy. <sup>17</sup> Urile tahe tami rexideõsinyre tami biu riwahinyre taoworumy raratnykemy. Tai tahe kaiboho arÏsÏna dire, Deuxu debõ-ribi, awo-ki eysanadire. <sup>18</sup> Ihãrele iny tami xiwe wesena tami riwahinykemy ratxireri. Paulo tamyreny rarybere: —Aõkõ, inydeereny bidiwahinyõke.

<sup>19</sup> Iribi tahe judeu mahãdu-õ Atxiõkia-ribi, Ionio-ribi tamyreny raryberenyre Paulo rubudÏÏmy. Hãwã õtityube-õ Paulo ridyreny. Mana-di tami rehumyhy. Tahe rubu wesemy ririrenyre. <sup>20</sup> Idi tahe ityhydÏÏduõ tami wirotyre. Paulo tahe soribi rÏire tahe tii-wana nalõde hãwã-õ. IjõtXu biõwamy tahe Banabe-wana Paulo rexitare ijõ hãwã-õ, Debi hãwã-õ. <sup>21</sup> Ka hãwã-ki tahe Paulo rybe tÏmyra wihikÏ ritÏnynyre. Sõwemy tai rityhynyre, Pauloboho rõõserenyre Lистра hãwã-õ, Ionio hãwã-õ, Atxiõkia-õ. <sup>22</sup> Ibutumy hãwã-ki Pauloboho ityhydÏÏdu mahãdu riwõtihenanyreny, tiiboho rityhynyhyomy ratximyhykemy. Tamyreny rarybere: —Kaiboho aõhõkÏmy botÏÏnybenyke, ihãrele malõkemy titxibo Deuxu iõlõ ratximyhyre-õ. <sup>23</sup> Ibutu ityhydÏÏdu mahãduy ribi ritamy rÏimyhÏ rarekemy, idinodumy. Matuari mahãdu-ribi tii ritare. Iu ritareu tahe, rexitõenyre Deuxu-õ tule byreõhÏy txuõ riwinyreny. Inynyry-õ rexitõenyre: —Kia ibutumy aratyhynyri, tai tahe biwinyreny ahãke. <sup>24-25</sup> Pisidia bede-ki rekoamyhyreny Panfilia bede-õ. Kowa-õ RybewihikÏ tÏmyramy relymy rahudi Peke-ki, Atalia hãwã-õ dobehede. <sup>26</sup> Tai hãwõ nihikÏ welõdi-di rimyreny. Tahe Atxiõkia-õ rorore. Kowa-ribi juhuule rybe tÏmyra wihikÏ ijy-di dõhõnyre. Kowa juhuu rexitõenyre tamyreny Deuxu ruxetõena-wana rarekemy. <sup>27</sup> Atxiõkia-õ rehemyreny, Paulo, ibutumy ityhydÏÏdu mahãdu ditotynyde. Tai heka tamyreny rarybere iwese Deuxu riwõtihenanyre wese ibutumy iaõmydÏÏnana-di. Iwese judeukõdu mahãdu rityhynykemy. Deuxu tami ityhyna ijõtõõna riraynyre wese. <sup>28</sup> Idi bededÏÏnana riwinyhikÏre ityhydÏÏdu mahãdu-wana.

## 15

<sup>1</sup> Hãbuõ Judeia mahãduõ ditehemynydenyde ta teõsamy ribedeerynyreny. Kawese ribedeerynyre: —Moisesi Tyriti bede ywina, notykyresynamy, rityhynyõkeki, iny rataõtyhy. <sup>2</sup> Iribi tahe Paulo Banabe-wana tamyreny rarybehyy rare. Tai tahe inyõ tami rarybere Jerusalemã matuari mahãdu-õ roirenykemy aõmydÏÏnana rexiõbitinyreny. Iny wixira-õ Jesuisi erydÏÏna mahãdu-õ rarybekemy heka tami, Pauloboho iteõdÏÏmy rarybere. Tahe ijõ hãbu mahãduõ tule tiiboho-wana riteõnyreny. <sup>3</sup> DÏÏraximi heka tami rõirenyre, aõ aõmydÏÏnabo ratxirerimÏ wahe. Sõwemy dohodÏÏna mahãdu ihemy roirenyre urihimÏ, tai tahe ririrenyre. Tahe Senisia bede bedemy, Samaria bede bedemy riõhõreny. Relyre judeukõdu mahãdu tule ityhydÏÏdu mahãdu-ki rÏirerimÏ. Tai ibutumy ityhydÏÏdu mahãdu reysare. <sup>4</sup> Tahe ritehemynyreny Jerusalemã-õ. Wihe ritotynyreny ityhydÏÏdu dinodu-wana, tule matuari mahãdu-wana, Jesuisi erydÏÏdu mahãdu-wana. Tiiboho relynyreny aõmybo Deuxu rotÏÏnyre iyreny-ki, timybo riwõtihenanyre. <sup>5</sup> Tahe hãbu mahãduõ tai raremyhy heka. Juhuu heka fariseu mahãduy ihÏre, idi tahe ityhydÏÏdumy ralore. Imahãdu-ribi ijõ rÏire ribedeerynykemy. Tahe rarybere: —Inydeereny kia wese rare. Judeukõdu tyhydÏÏdu ibutumy notykyresyna-di rõhõnyke. Tule ibutumy Moisesi bede ywina ibutumy rityhynykemy. Kawesemy tami ribedeerynyre õbitimÏ aõkõ watxireri.

<sup>6</sup> Idi tahe Jesuisi erydÏÏna, matuari mahãdu-wana wii ributumy rybe õbitidÏÏmy. <sup>7</sup> Rybe sõwemy rahude tahe, Pedro rÏire tamyreny rarybekemy: —Waseriõreboho, Deuxu juhu riwatate RybewihikÏ rybedumy judeukõdu mahãdu-õ tuu aritÏnynykemy, tiiboho tule rityhynyreny. Tai rarewãhã. Kaiboho kia ibutumy teertynyte. <sup>8</sup> Iwese inydeereny riwahinyre wese, Deuxu Tytybytyhy tamyreny tule riwahinyre. Judeukõdu mahãduõ tule ixidee rimykemy. Kia wese tuu riteõsinyre inydeereny. <sup>9</sup> Deuxu wiribi lahitimÏ aõkõ iny riwinyreny. Wiwesehyyle ihÏre. Tiiboho inywesele ihÏreny. Tiiboho rityhynyreny, heka irayky rityranyreny ritarenyke. <sup>10</sup> Kia wese Deuxu teurihitenyteri. Kia bede ywina itxyynautxiehekÏ wesere ityhydÏÏdu mahãdu tyre-ki tetiditenyteri. Inytybyreny tii retyõre tule inyboho idi retyõre. <sup>11</sup> Inynyry, ruxetõenale-di iny ritamyhyre. Tule judeukõdu mahãdu kia weselere ritamyhyre.

<sup>12</sup> Tahe aõmy rarybeõhyreny. Ibutumy he Paulo Banabeboho rarybereõ, roholareny. Tiiboho heka relynyreny tule bedeõby wihikÏ aõna aõna-wana Deuxu riwinyreny tadebõ-di wahe. <sup>13-14</sup> Iribi tahe rexihurenyreu tasÏ, Txiau rÏire rarybekemy: —Waseriõreboho, bodoholabedenykre inihe warybe-õ: —Pedro kÏny adeereny rarybere, timybo Deuxu judeukõdu mahãdu roramy rare iny mahãduõ ixidee ritakemy tanityhy-õ. <sup>15</sup> Kiawesemy he tule ihetxiu Deuxu rybemy rybedu mahãdu riritinyre, kamy wahe: <sup>16</sup> —Wanyry heka rarybera: —Addõsekre, icyby ariwinymy aritamadÏÏnykre aõdõhodÏÏna

heto Davi juhuu riwinyre. Idi tahe resere. Ixyby ariwinykre. <sup>17</sup> Tai tahe judeukõdu mahãdu-ribi iuhe riwaõrykre wamy rityhynykemy. Wanyrÿ, Deuxu, kiamy heka tiiboho rarybekre, ibutumy jiarÿ retarenyreki. <sup>18</sup> Kawesemy Wanyrÿ tuhy rarybemy raremyhÿ, tule wiji ihÿre. <sup>19</sup> Tai heka kiawidÿõomy rakatximyhÿrenykre. Tamyreny rybeõomy rakatximyhÿrenyke. Judeukõdu mahãdu Deuxumy rityhynyrenyreu, iny bede ywina reny tyhydÿÿmy tamyreny rybeõomy. <sup>20</sup> Kialemy heka tamyreny rakaryberenykre: Suritxoo xiwe-ribi irõdude rõrenyõmy. Tule òta òta òraruna widÿõomy, irõdu hãlubu-di rõrenyõmy, ihãlubu rejuxunyõmyhÿre-wana. <sup>21</sup> Kiamy heka rakatximyhÿrenyke. Moisesi bede ywina-di dori ibutu hãwã-ki judeu dohodÿÿna heto-ki rariamy raremyhÿ. Sabadotxu ihyymy aõkõ kia ritÿÿnymy raremyhÿ.

<sup>22</sup> Tahe kiamy heka rahõtinyreny, Jesuisi erydÿÿna mahãdu, ibutumy dohodÿÿna mahãdu-wana, hãbuõ ayreny-ribi rikitakre. Tai Atxiõkia-õ riteõnyreny Paulo Banabe-wana. Tahe Judasi ritarenyre tule iniõrysina Basaba rare. Ijõ tasÿ Sila inire. Ka hãbuboho ityhydÿÿdu mahãdu awimy tai rahareny. <sup>23</sup> Katyriti tiiboho-wana rakre. Kawesemy tyyriti rare: —Jiarÿboho, erydÿÿna, matuari, seriõre mahãdu adeereny rybe wehityhyna rewahinyreri. Ibutumy judeukõdu mahãdu ityhydÿÿdu-õ ka tyyriti rakre Atxiõkia hãwã-õ, Siria bede-õ, Silisia bede-õ. <sup>24</sup> Inyõ rare wayreny-ribi adeereny notykyresymy rybemy. Tai tahe araykyreny riwerydÿÿnyre. Jiarÿboho reteõnyrenyõhyre. Kia reerymy watxirenryeri. <sup>25</sup> Tahe wiwesele rahõtinyreny riki, hãbubohoõ Paulo Banabe inyluudu-wana reteõnyrenryeri. <sup>26</sup> Kia hãbu Paulo Banabe-wana hãwã binahakÿ-õ roimyhÿreny Jesuisi Kristu Inynyrÿni-di. Ixi-txi rõhõtinyõlere, brebumy. <sup>27</sup> Judasi-wana tule adee raryberenykre kia aõmydÿÿnanamy, katyriti rewahinyreny wese. <sup>28</sup> Kawese inyboho rõhõtinyryhÿre, Deuxu Tyytybytyhy dori inyrayky rewiohenanyre. Kia bede ywinalemy adeereny rarybereri biywinynyreny. <sup>29</sup> Uritere, suritxoo xiwe-ribi irõdude rõrenyõmy irõdu, ihãlubu-di rõrenyõmy, ihãlubu rejuxunyõmyhÿre-wana. Tule òta òtana òraruna widÿõomy. Ka bede ywina biywinynyrenykeki, awimy boibeke. Deuxu deysana tahe adeereny kanakemy watxiwãhãre.

<sup>30</sup> Tahe hãbuõ iny inaubiõwamy Atxiõkia hãwã-õ rõreny. Tahe Atxiõkia tyhydÿÿdu mahãdu ributumy. Iu tahe tamyreny tyyriti riwahinyre. <sup>31</sup> Tahe idi rariarenyreu, ritÿÿnymy tamyreny. Ribedeeryreny. Tai tahe reysareny. <sup>32</sup> Judasi Silaboho tule Deuxu dee rybeduwihikÿ roire. Sõwemy dohodÿÿna-ki seriõre mahãdu-wana rohonymyhÿre. Tai tahe rirurudÿÿnymyhÿre. <sup>33</sup> Aõutxumy rarooreheny, tahe seriõre mahãdu tamyreny rarybere: —Bõibenye he ateõdÿÿdu mahãdu-õ. Biõkeseke wowina-di Jerusalẽ hãwã-õ. <sup>34</sup> Tahe Sila rõhõtinyre rarikremy Atxiõkia-ki. <sup>35</sup> Tahe Paulo Banabe-wana naride Atxiõkiakile. Inynyrÿ rybemy riernanyrenryeri, ritÿÿnyrenryeri, ijõ seriõreõ-wana.

<sup>36</sup> Aõutxumy tahe Paulo rarybere Banabe-õ: —Rõkõõsekre kÿnyhe, ibutumy hãwã hãwã-di tai juhuu Inynyrÿ rybemy ritÿÿnymahãreõ wahe, rikiwehityhynanykremy timybo ityhydÿÿdu mahãdu nyimyhÿde-õ. <sup>37</sup> Tahe Banabe Joaõ-Marku ridykemy tamy reare. <sup>38</sup> Paulo heka Joaõ-Marku ridyõkemy ratxireri, Panfilia hãwã-ki dori iribireny rõhõnyreki, riwiohenanyõreki. <sup>39</sup> Marku ridykemy wiwese wesemy aõkõ rõhõtinyreny teratyhylemy ratximyhÿ. Tai tahe wiribi rexihitxinyreny, Banabe Paulo-ribi. Banabe Marku ridyra Xibri bedebute-õ, hãwõ-di rõira. <sup>40</sup> Paulo tahe Sila ridya. Seriõre mahãdu tahe Pauloboho riixitõedÿÿnyre, Inynyrÿ ruxetõena tamyreny kanakemy. <sup>41</sup> Tahe Siria bede werawo-di, Silisia bede werawo-di, ririranyre dohodÿÿna mahãdu riwiohenanykemy, rirurudÿÿnymyhÿkemy.

## 16

<sup>1</sup> Pauloboho tahe Debi hãwã-õ rehemynyre. Ihy tahe Listra hãwã-õ rare. Tai tahe Tximõtxi-wana witxi rekoare. Tximõtxiwese judea tyhydÿÿduõ rare. Tyby tahe grego mahãduõ rare. <sup>2</sup> Listra, Ionio ityhydÿÿdu seriõre Tximõtxi luure. Tximõtximy widede rarybere: —Tii iny hãbu tyhy rare. <sup>3</sup> Tahe Paulo Tximõtxi-wana rakemy rexiywinymy raremyhÿ. Tahe rexitarenkyre kotyreu, Paulo, Tximõtxi notykyresymy riteõnyre, kowa judeu mahãdu òraru-ki wahe. Tyby dorihe ibutumy iny rierye tii grego mahãdu raremy. Notykyresyõkõmy rake tahe judeu mahãdu dee kia ibinare. <sup>4</sup> Iribi tahe rõreny hãwã hãwã-di, ityhydÿÿdu seriõre mahãdu ribedeerydÿÿnykemy, timybo Jerusalẽ mahãdu rõhõtinyryhÿremy. <sup>5</sup> Tai tahe ibutumy dohodÿÿna heto mahãdu tii rirurudÿÿnymyhÿre ityhydÿÿna-di. Tule ijõ rityhynymyhÿre txuõ txuõlemy ralokemy ityhydÿÿduõmy rarekemy.

<sup>6</sup> Pauloboho Asia bede-õ rõrenyõre rybe ritÿÿnykemy, Deuxu Tyytybytyhy ritirÿreki. Tahe Frigia-Alatxia bedemy rekoamyhÿreny. <sup>7</sup> Misia bede-õ rehemynyreu, Bitinia bede-õ rõrenyreny riwisÿnyreny. Tahe Jesuisi Tyytyby tamy riteõnyõhyre, ritirÿmyhÿre. <sup>8</sup> Tahe Misia bedemy rekoare, tahe Troaji hãwã-õ robehere. <sup>9</sup> Tahe Paulo hãbuõ wesemy robire rasina weselemy. Hãbu, Macedonia bede ludu lamamy rÿimyhÿõ, tuu robire. Tahe hãbu

ryrymyhÿ tamy: —Manake Macedonia-ò, biwawiòhenanykemy. Kia Paulo rasi-ki tuu robire wese. <sup>10</sup> Tahe tarasi rahureu, tamyhe wylemy aroikemy watxiwähärenyire. Jiarÿ, Luka, Paulo-wana. Deuxu dori inydeereny rarybereri Macedonia-ò ròkòirenykremy, Rybewehikÿ rikiubÿtÿnyrenykeny. Kialemy ròkòhòtÿnyrenykre.

<sup>11</sup> Tahe Troaji hãwã-ribi ròhònnyre hãwò yhywydynalaworo-ki. Samotrasia hãwã-ò imy-nahyy riòhòre. Ijò txu tahe Niapoli hãwã-ò riòhòre. <sup>12</sup> Iribi tahe Filiposi hãwã-ò roirennyre. Juhuludu hãwã rare Macedonia bede-ki. Roma hãwã mahãduò tule tai rasÿnymyhÿre. Tai txuò rewyrennyre. <sup>13</sup> Sabadotxu tahe hãwã-ribi reòlònnyrennyre bero ijã-ò. Rahòtÿnyrennyre tai ixitòedÿÿna-ò rÿimyhÿremy. Tai tahe hãwyyò rexibutunymy rÿimyhÿ. Tahe rorokònyre tamyreny raryberenykemy. <sup>14</sup> Hãwyyò Lidia inire, inyrybe-ò tahe roholat-hymyhÿre. Tii Txiatira hãwã luduò rare. Tii tylÿre ijohodure, tule Deuxu tyhydÿÿdure. Inyryÿ irayky riywinyre Paulo rybe rityhynykeny. <sup>15</sup> Tahe ibutumy isÿmahãdu-wana riratysebenyire. Tai tahe tamy Lidia rarybere: —Inaanokãbo ityhydÿÿkÿdumy watxiwähäreny-wana, wahetoku-kò manake. Tai tahe iheto-ò ròirennyre irybe-ki.

<sup>16</sup> Aõtxumy tahe ribereny ixitòedÿÿna-ò. Itxi rekoarennyre ijadòmaò-txi, deòdu rare. Iwo-ki tyytybybina ralòmÿ rÿire. Tai ijadòma relyyre inyko aõhebo iny-ò rotÿÿnykeny. Tai sòwemy nieru ritare tawedu-ò. <sup>17</sup> Tahe waherenymy dyrymy nade: —Deuxu ibuturatyre rare. Itèòdÿÿkÿna mahãduo kia mahãduo rare. Tikiboho rarybemyhÿre timybo iny taòharu-ribi ratakeny. <sup>18</sup> Tuheka rarybehyy raremyhÿ. Aõtxumy tahe Paulo tai rexirare, tamy ròòsemy reare. Rarybere tyytybybina tai ratxirerío: —Jesuisi Kristu nimy iribi arateònykre. Bexitakre. Tahe aõwesele iribi ròhònnyre reare.

<sup>19</sup> Iwedu tahe rieryre nieru idi ritaòkre ta rimyrennyre Paulo Sila-wana. Retÿhimi rare ywisidÿÿdu-ò, hãwã elehyna ube-ò. <sup>20</sup> Tahe ijadòma wedu rarybere ywisidÿÿdu mahãdu-ò: —Kaa judeu mahãduo iny hãwäreny dibinadÿÿnymyhÿde. <sup>21</sup> Tiiboho iny ribedeernymyhÿre aò iny bede ywinarennyre-di aòkò. Inyboho Roma hãwã mahãduo rare. Tai kia-ki aõhe arotÿÿnyòtyhy. <sup>22</sup> Tai tahe sòwemy iny Paulo Sila radònyre. Ywisidÿÿdu mahãduo tahe itty ibòrò-ribi ritxuahakÿre idi tahe rityhenymy tuu raòhòtere. <sup>23</sup> Tuu raòhòtere, tuu raòhòtere, idi tahe ròtenawo-ò idi rehurennyre. Ròtena-di itxeredu-ò rarybere: —Kaa rahenykre-wana, kaile budurukre. <sup>24</sup> Tai rirutere iraru-txi rarutxi-ò iwa ritidire òwòru iwodÿÿwomy raratyheny. <sup>25</sup> Ruetya tahe Paulo Sila-wana rexitòenymy roimyhÿ Deuxu dee. Ijò ròtenawoludu mahãduo roholamy rÿimyhÿ tai. <sup>26</sup> Aõwese bedè ramytatere. Ròtena ijòtòbòna rirayre hàbu mynyna iribi rejuxunnyre. <sup>27</sup> Tai tahe itxeredu ijò iraymy idi retehereu, rexirubunykemy tamaydese ritare. Ròtena woludu mahãduo wahenyramy tii rexinohòtÿnyra. <sup>28</sup> Paulo tahe tamy ryryre: —Ixirubodÿÿòmyke, kakile wahenyryeri, ibutuhukÿlemy. <sup>29</sup> Itxeredu ryryre loosòna kidiwykemy tahe ralore ramytatamy brebumy. Paulobohoko-ò resere tatìòhomy. <sup>30</sup> Tahe itxeredu diòlòdÿÿnyde irarutxira-ribi, tamyreny rarybere: —Wanyrÿboho timybohe aratamy arÿike. Aõhebohe arotÿÿnyke. <sup>31</sup> Tahe riawayònyre: —Inyryÿ Jesuisi bityhynykre, tarasanamy myikre, asÿ mahãduo-wana. <sup>32</sup> Tahe tamy Deuxu Rybe-di ritÿnydÿÿre ibutumy isÿ mahãduo-ò. <sup>33</sup> Iruule tahe riwisinanyrennyra ibrò wotòmona risuhòra. Idi tahe itxeredu raratysebennyre tasÿ mahãduo-wana ibutumy. <sup>34</sup> Iribi tahe itxeredu ridyrennyre taheto-ò riroxikemy tahe ibutumy reysanihakÿrennyre, Deuxu rityhynyrennyraki.

<sup>35</sup> Txu deadeu tahe ywisidÿÿna dinodu ijò ywisidÿÿna mahãduo riteònyre, ròtena-ribi Pauloboho riteònykeny. <sup>36</sup> Itxeredu tahe Pauloboho-ò rarybere: —Ywisidÿÿna mahãduo arateònykeny riwateònyreri. Bòibenyyhe, wowina-di, biòlònybenyke. <sup>37</sup> Paulo tahe riawayònyre: —Aòkòre, araòtyhy. Jiarÿboho Roma hãwähãkÿ mahãduo kaa wahixerenyri. Tii riwayhytanyrennyra idi ròtenawo-ki riwasÿnyrennyra. Ywisidÿÿdu mahãduo wii rotykòhyyre riwaròtennyrennyra. Wasimy ka tiu ariòlònyòtyhy. Tiiboho kodoikreule tahe ariòlònykre. Tii he riwaòlòdÿÿnykre. <sup>38</sup> Tahe ywisidÿÿna mahãduo tawedu-ò rarybere. Tahe tiiboho ruberenyrennyre Pauloboho Roma hãwã mahãduo roireki wahe. <sup>39</sup> Tai tahe dòidenyde tamyrennyre, aõwaxina riòlònykeny. Tahe làhàmÿ tamy rexitòennyre. Tutyhy-ki aòkò làhà ararutara. Tai riteònyrennyre, hãwã-ribi rexitarennykeny tamy rexitòennyra. <sup>40</sup> Rexitarennyre, Pauloboho tahe Lidia heto-ò ròòsere. Ibutumy ityhydÿÿdu tahe wii ritotÿnyre, wii riwiòhenanykeny. Idi tahe riòlònyre kia hãwã-ribi.

## 17

<sup>1-2</sup> Tiiboho rekoarennyre Afipoli hãwãmy, Apòlonia hãwãmy tahe rehemynyre Tesalonia hãwã-ò. Judeu dohodÿÿna hetoò tai rÿimyhÿreò. Paulo, iwese aõu riwinymyhÿre wesele rare tamy. Ralore rybe-di rarybekemy. Inataò sabadomy tai riraynyre tyyriti ritidÿÿna tamy ritÿnykeny. <sup>3</sup> Rybe hitxina rurukremy tuu relyyre. Tahe Paulo tamyrennyre ritÿnyrennyre iwese Kristu durudemy idi dexiixixandyde rubu-ribi. Kia iny rityhynyra Jesuisi inatyhymy Deuxu deòdÿÿna raré. <sup>4</sup> Tahe ijohonadu mahãduò rityhynyre. Tule ijò judeukòdu

mahādu rityhynre. Tule ijō hāwyy wihikŷ mahāduō rityhynre sōwemy. <sup>5</sup> Tahe judeu mahādu dinodu tuu rōhārumyhŷre. Tiiboho tahe hābu binahakŷ mahāduō wii rotyre aōbina ritelenykremy. Tahe rōirenre Ijasō heto-ō Pauloboho rimyrenykremy, ywisidŷŷna-ō idi retŷhikremy. <sup>6</sup> Tai tahe rahaōhyre tai. Tahe Ijasō ritarenre ijō ityhydŷŷduō-wana. Tahe ridyrenre ywisidŷŷna-ō. Tahe raryberenyre ywisidŷŷdu mahādu-ō: —Paulo, Silamy urile bede diōtanymyhŷdenye, aōna aōna binahakŷlemy rotŷŷnymyhŷre. <sup>7</sup> Ijasō tahe ritŷŷmyhŷre taheto-ki. Tiiboho iny ōludu roire. Iny iōlōreny rityhynyōtyhy. Jesuisi ka iōlōreny. <sup>8-9</sup> Ibutumy iny idi rōhōtynre, tule ywisidŷŷna mahādu rexitōenre nieru ririkemy. Tai xiery tahe rōhōnyke. Tai tahe ririrenre nieruō.

<sup>10</sup> Kiaru tahe ityhydŷŷduō Pauloboho riwiōhenanymy iribi riōlōnykemy Bereia hāwā-ō. Tahe rehemyhŷreu, dohodŷŷna-ō rōirenre. <sup>11</sup> Kia hāwā-ki judeu mahādu iny awi rare, Tesalonia hāwā mahādu wese aōkōre. Teysamy tamy roholarenrya. Idi heka rariara Tyyriti-di, ōbitimy Paulo rybe aōbo roirerimy rierykemy. <sup>12</sup> Tahe sōwemy judeu iny rityhynre. Judeukōdu mahāduy-ribi sōwemy rityhynrenre, hāwyy wihikŷ, hābu-wana tule rityhynrenre. <sup>13</sup> Bereia hāwā-ki Paulo Deuxu rybe ritŷŷnymy raremy. Judeia mahādu dinodu Tesalonia hāwā-ki roholareu, tahe doidenyde. Iny sōwe-ō raryberenyre: —Pauloboho bibinadŷŷnyke. <sup>14</sup> Tahe ityhydŷŷdu seriōre mahādu aōwesele Paulo riteōnyrenre ahokŷry-di. Sila, Tximōtxi taile rarire. <sup>15</sup> Hābuō rare Paulo-wana Atena hāwā-ō. Iribi tahe dōōsede hābuō. Paulo tamy tarybe riwahynrya Tximōtxi Sila-ō, wylemy kanakremy.

<sup>16</sup> Paulo Atena hāwā-ki riraōreu, tahe robire suritxoole rityhynmyhŷre. Tai tahe tii rabadewore. <sup>17</sup> Idi tahe Paulo ralore dohodŷŷna mahādu heto-ō judeu dee rarybekemy, tule judeukōdu ityhydŷŷdu dee rarybekemy. Tahe rarybemyhŷre txuō txuōlemy. Tule hāwā ube-ki rarybemyhŷre hāwā-di reamyhŷre mahādu-ō. <sup>18</sup> Aōutxumy tahe Epikuriu mahādu Paulo-txi nade. Estōiku mahādu ijōre. Tiiboho, aōbo rybe rare kia erydu roire. Tiiboho he Paulo raujōmorenyre: —Aōmy aōkō, kiarybedu rarybereri. Ijō tahe rarybere: —Tii Deuxu tŷmyramy rarybereri. Paulo dori juhuu Jesuisi ixixanamy relymy raremŷhŷ. Tii kiamy raryberenyre. <sup>19</sup> Paulo tahe ridyrenre. Tai iny roholamy rŷimyhŷreō ridyrenre: —Rybe tŷmyramy telymahātemy inihe bedelyke wakoreny. Tamy kia rarybere. <sup>20</sup> Aōkōre inihe aōna aōnamy tarybemy atxiteri, aōwitxira witxiramy. Tai aroholarenykemy watzirenryeri. <sup>21</sup> Atena hāwā mahādu, tule iwitxira bede luduō tai rasŷŷnymyhŷre, aō tŷmyraōōle roholarenykemy ratxirenryeri. <sup>22</sup> Tahe Paulo rŷire rybenatya-ki. Rextiōarunymy rarybere: —Atena hāwā mahādu, kaiboho Deuxu rybe hyky tahōtynmahātenyete. <sup>23</sup> Jiarŷ hāwāmy rariamy watzireriu, sōwemy xiwena-di retehara. Ijō-di kiamy retehara iritina-di: Kaa Deuxu heka inyō rieryōhyymyhŷre. Ka Deuxumy kŷny heka akoreny arelyryke, teerymahātenyete-di aōkō tuu tealāmahātenyete. <sup>24</sup> Ka Deuxu ibutumy bede riwinyre. Ibutumy tuu rŷira tii riwinyre. Tii heka biuwetyy wedu rare, su wedu rare. Aō hābu widŷŷna heto-ki aōkō tii rasŷŷnymyhŷre. <sup>25</sup> Tii heka tii aōmy reaōtyhy hābu aō tamy riwahynyōtyhy. Tule tahe inydee ibutumy aōna aōna riwahynmyhŷre, ele wesena, umy, ibutumy inydee riwahinyre. <sup>26</sup> Hābu sohojiō-ribi ibutumy iny rōhōnyre iriōre riōremy bede witxira witxiramy rasŷŷnymy rŷirakemy. Urile wiribi rihitxihitxinyre. Tii tamy riteōsinyre, tikibo rasŷŷnymy rŷirakremy. <sup>27</sup> Ibutumy Deuxu rajemyhŷkemy, raerykemy. Tii dori irehemy aōkō ihŷre iny-ribi. Iny sohoji sohojiō-ribi iōhōmy ratximyhŷre. <sup>28</sup> Deuxu ōraru-ki inyboho ibutumy irumy ratximyhŷrenre, ririranymyhŷre, ihoōkeki tahe aō rikiwinyrenyōtyhy. Atyriti widŷŷduō kiamy rarybere: —Inyboho heka Deuxu iriōre. <sup>29</sup> Inyboho Deuxu riōre rareki, urile nohōtiōmy womati tŷrŷrŷŷ ritxoo wesemy, womatiura wesemy, manaritxoo wesemy Deuxu-di nohōtiōmahābeny. Hābu rayky-ribi, hābu debō Deuxu releremy nohōtiōmahābeny. <sup>30</sup> Ihetxiu tii Deuxu rieryōhyrenre. Tai tahe iōarunareny aōnihikŷmy aōkō Deuxu dee ihŷre. Wiŷi bededŷŷnana tahe, ibutumy taōraru-txi ixi-txi nohōti ijaranamy, tai tahe rabadewomyhŷkemy. Kia tahe ibutu iny-ō rarybereri, iny taōraru ririkemy. <sup>31</sup> Deuxu Jesuisi riixixanre rubu-ribi. Tai tahe ibutumy tii rityhynrenykemy ihŷre. Aōtxumy tahe ibutumy iny ywisidŷŷdumy kanakremy ijŷre. Ōbitina-di Jesuisi iny ritxuarenkyre kia wiribi hitxi hitxina txuu.

<sup>32</sup> Paulo Jesuisi ixixanamy rarybereu, inyō tuu rirajuare. Ijō tahe rarybere Paulo-ō: —Ijō txuu arybe ini aroholatnykemy watzireri. <sup>33</sup> Idi tahe Paulo rare iribireny. <sup>34</sup> Ijō iny tahe Jesuisi rityhynre, Paulo-ō tahe rixibutunre. Ijō Dionisiu inire, Areōpolo heto ube-ki tii iny mahāduō roholamyhŷre. Ijō, hāwyyō rityhynre, Damari inire, tule ijō mahāduō rityhynre.

## 18

<sup>1</sup> Paulo tahe Atena hāwā-ribi rōhōnyre Oritxi hāwā-ō. <sup>2</sup> Kia-ki tahe judeu mahāduō-wana witxi reare. Ini heka Akila inire. Tii Ponto hāwā-ki raumynre. Urihimyōle Italia bede-ribi dehemynde. Prisila ihāwyynire. Iōlō Laujiu Roma hāwā-ribi ibutumy judeu mahādu diteōnyde. Tai heka nade kaweribi-ō. <sup>3</sup> Paulo iaōmysdŷŷŷna rierymyhŷre, tyyheto widŷŷ. Tai

tahe tiiboho-wana rajoinymyhÿre wiwana raaõmysÿdÿÿrenykemy. <sup>4</sup> Sabado txuõ txuõlemy tamy reamymhÿre judeu mahädu dohodÿÿna heto-ò. Tahe ritohonymhÿre, judeu mahädu judeukõdu mahädu tule. Tamy rarybere tii Rybewihikÿ õbitimy rierykemy.

<sup>5</sup> Sila tahe Macedonia bedewe-ribi rehemynyre, Tximõtki-wana. Paulo tai rybe ritÿÿnymymhÿhy raremyhÿ. Aõu Paulo rarybere: —Inatyhymy Jesuisi Deuxu deodÿÿna rare, Kristu rare. <sup>6</sup> Katahe judeu mahädu tamy raykarananymy resemyhÿ. Aõbinahakÿlemy Jesuisimy rarybere. Tahe Paulo tatyy riohowire iixäwidinykemy riteõsinykemy. Tahe tamyreny rarybere: —Jiarÿ aõkõ bede õrarure. Kai aõraruna-di burukre-wana, ahälubureny waki aõkõ rare, adeereny dori Deuxu rybemy rarybere. Tahe judeukõdu mahädu-ò sohojile tuu arelyykre. <sup>7</sup> Iribi tahe inyõ heto-ò Paulo rare. Txisiu Justu inire. Tii judeukõdu mahäduõ rare, tahe Deuxu rityhynymyhÿre. Judeu dohodÿÿna heto bire-ki iheto rÿire. <sup>8</sup> Krispu judeu dohodÿÿna heto weduni rare. Tii tasÿreny ibutummy Inynyrÿ rityhynymyhÿre. Tule sõwemy Oritxi hãwã mahädu rityhynymyhÿre. Paulo riratysebedÿÿrenyre. <sup>9</sup> Paulo tahe rumy rõõmy roire. Tai tahe rasina wesemy robire. Inynyrÿ tamy narybede: —Brebuõmy, Paulo. Marybeke aõmybo rybemy adee rewahinyré. Rybe tÿnydÿÿ lau brebuõmy. <sup>10</sup> Jiarÿ adi watxiwãhãre urenana. Inyõ adee aõhe rotÿÿnyõtyhy. Sõwemy iny rÿire kaki watyhydÿÿdu. Kia Jesuisi tamy rarybere. <sup>11</sup> Tai he Paulo bede rijere sohoji beõra weeremy tai bede riere. Ribedeernymyhÿre Deuxu rybemy.

<sup>12</sup> Roma dinodu tÿmyraõ ronyre Grecia bede-ki. Ini heka Kalio inire. Dinodummy ronyrau tahe, judeu mahädu wii dotyde. Wii ritobinyre Paulo dee aõbinabinahãkÿ riwinykemy. Tahe tiiboho Paulo rimyrenyre idi kanakremy ywisidÿÿdu dinodu-õ. <sup>13</sup> Kiamy raryberenyre: —Paulo, Deuxu dealãnamy iny dibedeernymyhÿde. Tai bede ywina rityhynõhyymyhÿre. <sup>14</sup> Tahe Paulo ixideele rarybekemy ratxireri, tahe Kalio judeu mahädu-ò rarybere: —Kia rubudÿÿdu ada aõ ibinatyhymy ratxikeki, tai idi arohonykre, ariywisidÿÿnanyke. <sup>15</sup> Tahe aõkõre, urile abede ywina rybedile rarybemyhÿre, tai ywisidÿÿnamy idi araõkre. Kaihohole biywisidÿÿnanybenyke. <sup>16</sup> Tahe Kalio ibutummy diteõnye ywisidÿÿna hetoubere-ribi. <sup>17</sup> Tai tahe judeu mahädu dohodÿÿna heto wedu rimyrenyre. Sõteni inire. Tule raõhõterenyre ywisidÿÿna heto ube-ki. Kalio tahe kia õhõtena-ò aõhe rotÿÿnyõhylyere.

<sup>18</sup> Oritxi hãwã-ki Paulo rare myhÿre sõwemy he tai txu riwyre. Idi tahe seriõre mahädu-ò rarybere: —Arakre. Tahe hãwõ-di he rare, reurõkemy Siria bede-ò. Tahe Prisila Akila-wana tii-wana rõirenyre. Paulo Deuxu-ò rarybere aõmybo rotÿÿnykemy. Idi tahe rexihummy kia rÿire. Tai tahe tarade risyre nohõti ijerana wesemy. Sekrea hãwã-ki tarade risyre. <sup>19</sup> Tahe ritehemynyre Efesu bede-ò. Prisila Akila-wana ririre. Iribi tahe rare tyriti ritÿÿnyrenyre judeu mahädu dohodÿÿna heto-ò. <sup>20</sup> Tii mahädu tahe Paulo rexitõrenyre tai aõtxummy tai ratxunykemy. Tahe rarikõkemy ratxireri. <sup>21</sup> Karibi rõhõnyreu, tamy rarybere: —Deuxudeewikiki, ixby adõsekre. Efesu-ribi rõhõnyreu, yhydynamlawõõ rimyre.

<sup>22</sup> Ritehemynyre Cesaria bede-ò. Iribi resereu, Jerusalë hãwã-ò rare. Tahe rarybere riwehityhynanyre dohodÿÿna mahädu. Iribi tahe Atxiõkia hãwã-ò rare. <sup>23</sup> Tai bededÿÿnana rijere idi tahe rara. Rariamy rare hãwã hãwã-di, Alaxia bede-di, Frigia bede-di. Ibutu hãwã-ki ityhydÿÿdu rotohodÿÿnymyhÿre, riwiõhenanymyhÿre.

<sup>24</sup> Iu tahe inyõ judeu mahäduõ dehemynde Alexÿdria hãwã-ribi. Apõlo inire. Tii ribedeerny wihikÿmyhÿre tyriti, tarybe-di rotohononymhÿre, Deuxu rybe rieryreki. <sup>25</sup> Inyõ Apõlo riernyanyre timybo Inynyrÿ Jesuisi aõmydÿÿnana raremy. Tai Jesuisimy ribedeernymy raremyhÿ, deysanatyhy-di rarybemyhÿre. Tii tahe Joaõ ratysebenale rieryre. <sup>26</sup> Apõlo rexidelenymy relyyre judeu mahädu dohodÿÿna heto-ki. Prisila Akila-wana tai roholamy rononymhÿre. Idi tahe tiiboho Apõlo ridyrenyre ibutummy Jesuisi aõmydÿÿnanamy tamy ritÿÿnykemy. <sup>27</sup> Iribi tahe Apõlo ratÿÿnykemy rexiwonyre Grecia bedey-ki. Ityhydÿÿdu seriõre tamy rybe riwahinyre, Grecia ludu seriõre mahädu-ò, aõma, riryludunykemy, rehemynykeu. Tahe rehemynyre, sõwemy riwiõhenanyre kia tyhydÿÿdu seriõre, Deuxu ruxetõena ityhydÿÿdu mahädu. <sup>28</sup> Tii dori judeu mahädu raykyrybe itÿyte riwitxiradÿÿnyre iny sõwe hekÿy-ki. Rybetyriti ritina-di riurihimy rarybere iwese Kristu Jesuisi raremyhÿ wese, Deuxu deodÿÿna wahe.

## 19

<sup>1</sup> Apõlo, Oritxi hãwã-ki rareu, Paulo rabedetÿinyre kabedey-ki idi rehemynyre Efesu hãwã-ò. Kowa ityhydÿÿdu mahäduõ-ki he rahare. <sup>2</sup> Tamy Paulo ritÿÿraxinyre: —Tetyhynyeu, Deuxu Tytybytyhy ixidee aõbo temytenyte. Tahe rirawõnyre: —Aõkõre he, aõmybo tarybeteri. Deuxu Tytybytyhy reeryõrenyre. <sup>3</sup> Paulo rÿÿraxire: —Taratsebetenyteu, mobohe tetyhynytenyte. Tahe rirawõnyrenyre ixityre: —Retyhynyrenyre ibutummy Joaõ Sebedÿÿdu riwabedeernyrenyre. <sup>4</sup> Paulo tahe tamyreny ritÿÿnyre: —Joaõ sebedÿÿna urihimyo iwitxi rare. Tii kiawese rybe ritÿÿnyre: iny taõraru-txi tõhõti reakemy. Tahe Jesuisi Juaõ hewo-ribi kanakreu, tii tahe inatyhymy

kanatyhydÿÿkre. Paulo kia tamyreny rarybere. <sup>5</sup> Kia-ò roholareu tahe, raratysebenyre Inynyrÿ Jesuisi nimy. <sup>6</sup> Paulo iratytyre tebò ritidire, tai Deuxu Tytybytyhy tamyreny ralore. Tahe Deuxu rybemy raryberenyre, tule iwitxira rybemy raryberenyre. <sup>7</sup> Waòinatxi reurò hàbumy rÿiramy.

<sup>8</sup> Inataò ahàdumy Paulo reamy raremyhÿ judeu dohodÿÿna heto-ò. Tiiemy rarybe-hyymyhyre, riòbitinymyhyre, Deuxu Iòlònamy ritÿÿnynymyhyre. <sup>9</sup> Paulo-ò ijohonaduò rity-hynyòhyymyhyre, teramy reamyhyre. Deuxu aòmydÿÿnanamy ibinamy rarybemyhÿrenyre iny sòwey-ki. Tai tahe Paulo rexihitxinyre judeu dohodÿÿna heto-ribi. Txirano kia tyryiti rybena heto-ò txuò txuòlemy ralòmyhyre taerydÿÿna-wana. Tahe rabedeerynymyhyre. <sup>10</sup> Tahe bede riere inatxi beòramy. Tai tahe ibutumy iny Asia bede ludu mahàdu Inynyrÿ rybe-ò roholamymyhyre, judeu mahàdu, tule judeukòdu mahàdu. <sup>11</sup> Deuxu aòna aòna wíwí-hikÿ riwinyre Paulo debò rihuòtere. <sup>12</sup> Paulo tykyyre riwyrenyre webinadutyre ritidirenykremy. Tyky òsuròna wesemy ijòmy riwyre. Tai tahe webinadu riteytenymyhyre. Tule tytybybinahakÿ iny-ki raremyhÿu, aòwesele iribireny rõhònyre reare tykyyre òramy. <sup>13</sup> Ijò judeu mahàduò ratÿÿnyre hãwã hãwã-di inyò ribi tytybybina ritakemy. Tii boho tytybybina riteònykemy idi ratxireri. Tai tahe Inynyrÿ Jesuisini-di riteònyre. Kia wesemy rarybere: —Paulo, Jesuisi rybe ritÿÿnynymyhyre, tai Jesuisini òramy-ki iribi bòhònykre. <sup>14</sup> Debòinatxi seriòre kia riwinyre. Sewa tybynire, judeu xiwena widÿÿdu kia wedu tii rare. <sup>15</sup> Tahe Jesuisi ni-di tytybybina-ò rarybereu, tytybybinaò dirawyònyde: —Jesuisi reeryre, Paulo reeryre, tahe mobo atxiteri. <sup>16</sup> Tahe hàbu tytybybina-di ratxireri, ityrehékÿle dexi-watxinyde, rihetenyre, ibutumy riwotòmonyre ityky ritare tai hetowo-ribi hàbu mahàdu tadehekÿlemy rahenyre. <sup>17</sup> Ibutumy Efesu hãwã mahàdu kia rieryrenyre, judeu mahàdu, judeukòdu mahàdu. Tahe ibutumy ruberure, Jesuisi ni nityhydÿÿhÿkÿmy ini raremyhÿki. <sup>18</sup> Sòwemy ityhydÿÿdu taòrarureny riixitòbedÿÿnymyhyre, dohodÿÿna mahàduy-ki. <sup>19</sup> Ijò ity-hydÿÿdu juhoo tytybybina rierymyhÿrenyre, tii boho tahe tatyryiti diwyde itxenadÿÿmy rybetyryiti, òwòruwidÿÿ kia tyryiti. Tahe iny retehemyhyreruki kia tyryiti sòwemy ritoonyre. Idi ibutu tyryiti juhoo òwy wese inyò riritinyre. Iòwy tahe 50 mil womati ura nieru juhoo iòwyre. Ihãrele tahe idi rahure. <sup>20</sup> Ibutumy kia bede mahàdu Deuxu rybe-di rõhòtinihikÿrenyre.

<sup>21</sup> Idi tahe Paulo tarayky-ki rõhòtinyre: —Judeukòdu mahàdu bede-ò arakremy ixi-di watxiwãhãre. Juhoo Jerusalè-ò arakre Macedonia bede-di Akaia bede-di arariamy arakre. Addòsekrey, tahe Roma hãwã-ò arakre. <sup>22</sup> Tai tahe tawihedÿÿdu Tximòtxi, Erasto-wana Macedonia bede-ò riteònyre. Tai Paulo Asia bede-ki naride. Bededÿÿnanaò riwyre.

<sup>23</sup> Kia bededÿÿnanau aòbina nihikÿ rÿikemy riwisÿnyre Deuxury òbitina òramy-ki. <sup>24</sup> Dimitiu heka womati tÿrÿrÿ ura ritxoo widÿÿdu rare. Hãwyy ritxoo ihãwãreny deuxu rare. Diana inire. Nieru sòwemy ritamy raremy idi riwinymyhÿreki. <sup>25</sup> Dimitiu ributumyre ibutumy womati ritxoo widÿÿdu, tamahàdu-wana. Tamyreny rarybere: —Wanyrÿboho adeeremy ararybekre. Iny boho nieru ritamymyhyrenyre kaa aòmysÿdÿÿ-ki. Kia tahe teeryntenye. <sup>26</sup> Paulo rarybemyhyre kaa inywidÿÿnareny deuxu aòkò rare. Tai tahe sòwemy iny tamy nariade irybe-di. Efesu hãwã sohojile-ki aòkò, ibutumy Asia bede-ki irybe rityhynymyhyre. <sup>27</sup> Iny aòmysÿdÿÿna òsana riixãwididÿÿnykre, ideuxu dohodÿÿna heto-wana, iny deuxu reny riixãwididÿÿnykre. Diana inlyure. Kaki sohojile aòkò inlyure, ibutumy Asia bede-ki, tule bede bede ludu iluu inihikÿmy awireki. Paulo heka kia ibutumy rahukre. <sup>28</sup> Kia roholareu tahe, raykaranananyrenyre. Ryrerenyre: —Diana awi rare inydeeremy. Tii Efesu hãwã deuxu rare. <sup>29</sup> Rirajuamy rÿimyhÿ hãwã-ki. Hãwã mahàdu, Kaio Aristarku-wana rimyrenyre tahe ridyrenyre butunaube-ò. Tii boho Paulo tÿmahàdu rare, Macedonia hãwã mahàdu rare. <sup>30</sup> Tahe Paulo ralòkemy rexiwonyre tatÿi mahàduhe-ki, iny sòwey-ki tahe taerydÿÿna ijoi ritirÿre. <sup>31</sup> Tule ijò bededinoduò, Paulo wiòhedÿÿmy ratxireri. Tai tarybereny Paulo-ò riwahreny ibutunaube-ò raòkemy, brebunamy roireriki. <sup>32</sup> Tiiemy ijò rarybemyhyre. Ijò iwitxiramy rirajuamyhyre. Urile wimy rauriure. Aòherékibo ibutumy rÿireri, iny rieryòhyre. <sup>33</sup> Alexÿdre iny sòwey-ribi rimyrenyre tahe, idi retÿÿhire, ritamadÿÿnyre iny rudera-ò. Alexÿdre debò riteòsinyre tamahàdumy rarybekemy. <sup>34</sup> Iny sòwemy idi retehereu, judeu mahàduò raremy rieryreu tahe rirajuatyhyre. Tahe inatxi òramy rirajuahyy rÿimyhÿ: —Diana awi rare. Tii heka Efesu deuxu rare. Kiamy rryrenyre. <sup>35</sup> Idi tahe hãwã weduò riixãwididÿÿnyre. Tahe rarybere: —Hãbu, Efesu hãwã mahàdu. Ka hãwã Diana hãwã rare. Kaki tohodÿÿna heto reyruubãhãrenyre. Kaki biu-ribi mana ritxoo desede. Ibutumy kia reeryrenyre. <sup>36</sup> Kia inatyhy rare. Tai tahe rikiyrymy rokorokorenykre. Aòwesele aòwidÿÿòmy. <sup>37</sup> Kaa hàbu tedetyneri. Aòhe rotÿÿnyòreri. Aò-di rawasinyòhyreri dohodÿÿna heto-ribi. Aòbinahakÿ iny hãwyy deuxumy raryberenyòhyreri. <sup>38</sup> Dimitiu tamahàdu-wana aòbo tai reny ibinamy ihÿrenykeki, ywisidÿÿdu-ò idi rakre. Tii-boho heka wii ributumy rÿireri. <sup>39</sup> Ijò rybe tahe atxibenykeki, ijohonadu mahàdu adibutunykre arybe-ò aroholarenykemy. Iwese iny boho rotÿÿnymyhyre wese arieryrenykre.

40 Roma hãwã dinodu òsana aõmybo inymyreny kanarybekre. Wiji inyboho aõhebo rotÏynyrenyrimy. Aõ kÿnyhe iò-ki ka wiji jei jei rÿireri wahe. Roma hãwã dinodu tarybe kidiwahinykre-wana wahe, timyhe warybeõna. 41 Tahe riixãwididÿnyre. Ròòsere ibutumy.

## 20

<sup>1</sup> Kia jei jei rybe rexihureu, Paulo tahe taerydÿyãna mahãdu-ò tarybe riteònyre tiiboho kanakemy. Tahe rakrekou tyremy tamyreny Deuxu rybe-di rotohonyreny Deu-xu-deewimy rierykemy. Idi tahe ritobinyreny. Rare heka Macedonia bede-ò. <sup>2</sup> Ibutumy titxibo rexitomonymhÿ ritohodÿyãnymyhyre ityhydÿydu mahãdu-ò. <sup>3</sup> Tahe Akaia bede-ki heka bede riijere inataò ahãdu. Tahe rexiwinymyhyre ratximyhy Siria bede-ò rakremy hãwò-di ridymyhyredi heka rakremy rexiwinyre. Idi tahe judeu mahãduò irubudÿymy rarybemy nyimyhÿ. Inyò Paulo rierydÿyãmy, tai ta Macedonia bede-di ròòsere Siria bede-ò rakemy. <sup>4</sup> Hãbuò ramyhyre tii-wana Jerusalẽ-ò, ta kamahãdu Asia bedeyòle he roirenyre. Sopatu ijõnre, tii heka Bereia hãwã mahãdu rare, Biru heka Sopatu tybnyi re. Aristarku ijõre, adelahelÿyãna ijõni rare, tiiboho Tesalonia hãwã mahãdu rare. Ijõ Kaio inire, tii Debi hãwã mahãdu rare, Tximòtxi ijõ rare. Tule ijõ Asia bede ludu rare, Txitxiò ijõ, Trofimo ijõre. Rarekie. <sup>5</sup> Kiaboho juhutyhy rexiraòmy roirenyre. Paulo riraòmy Troaji hãwã-ki. Tule riwaraokre —Luka jiarÿ ka tyyrity widÿyãdure. <sup>6</sup> Worana bedehesi ituereu tahe, jiarÿ Paulo-wana roirenyre heka hãwò-di Filiposi hãwã-ribi. Iruyre txu rÿidi tahe rehemynyre. Troaji hãwã-ò. Taita sohoji semanamy rewyrenyre.

<sup>7</sup> Tahe nobiutxu ityhydÿydu mahãdu iny wi ributumy, Inynyrÿ mona, rÿsÿna-wana tuu rihitxinymy rirÿsÿkemy. <sup>8</sup> Tahe Paulo iu rybe ritÿnynyre itxu biòwamy rexiwinymy rÿimyhÿ tahe rakremy. Urile tahe rarybereri hyky tahe ruetya he wihe ritotynmyhyreny. Hetoranoa-ki biu-ki rÿimyhÿre. Kanoòtyhy-ki rabuturennyre. Tiu Paulo rarybemy rarybemy rexihukòhyre, biurasaòmy rakreki. Tahe sòwemy heka lamparina rÿimyhÿre. <sup>9</sup> Ronymyhÿ, moma inire, Otxiu. Aõma-ki ronymyhÿ, heto janela tyre-ki biu-ki. Ta tòhòti rosare, ròòmy resere. Iribi reare, biuribihikÿle resere suò. Rurure. <sup>10</sup> Tahe Paulo robehemu rare tamy. Tatiowotimy resere weryrybò rimykremy iwetya-ki. Paulo rarybere: —Bedeòtiidÿyòmyke irulemy roire. Deuxu ixiby iumy tamy riwahinyre. <sup>11-12</sup> Weryrybòmy irumu robirenyre tahe, ibutumy reysarennyre. Tai tahe Inynyrÿ bemona, rÿsÿna-wana tuu rirÿsÿnyre biu-ki wahe. Paulo ixityre rarybere. Txu iòlò iòlòmy rareri-wana tahe rarybere. Tahe Paulo rare. Tatilemy rare Aso hãwã-ò. Tii tamy tarybe ririrehe: —Kowa ayhywydyana lawò arimykre.

<sup>13</sup> Tahe jiarÿ, Luka, wamahãdu-wana roirenyre zhywydynalawò-di Aso hãwã-ò Paulo-wana rekoarennykemy. <sup>14</sup> Rehemynyrenyreu tahe, Paulo ralòmy zhywydyana laworo-ki. <sup>15</sup> Imytxubiòwa tahe Kio hãwãko-txi rehemynyre. Ijõ txu tahe Samosi hãwã-ki rehemynyre. Ijõ tahe rehemynyre Mitilene-ò. <sup>16</sup> Paulo ixitamadÿy deramy reare Efesu hãwã-ò. Raeleemy ratximyhy Jerusalẽ-ò rehemynykemy, aõma, Pentecoste kia judeu worana bedehesi-ò raelelere.

<sup>17</sup> Tahe Miletu hãwã-ki rehemynyreu, dohodÿyãna matuari mahãdu tamy he rarariòwyyre tamy rarybekremy hãwò-ò kedehemynykemy. Tahe Efesu-ribi ditehemynydeu, kia tamy rarybere: <sup>18-19</sup> —Tahe tiemy Asia bede-ki Inynyrÿ-ò raaòmysÿdÿyhy watxiwãhare. Aõmy aòkò ixidee rahòtiniwãhare. Rahinyamahãre, Inynyrÿ dee rybe retÿnynymahãre. Warube resehy watxiwãhare. Tai ta brebuna nihikÿ waumy-di rarewãhã. Judeu mahãdu heka sòwemy wamy rarybemy riwarubunyky. Kia ibutumy aõmydÿyãnana teerytenyete. <sup>20</sup> Tiu raberuòhywãhare Inynyrÿ nimy rybemy. Ibutumy rarybewãhare iny sòwey-ki tule heto hetowomy relymahãre. <sup>21</sup> Judeu mahãdu-ò retÿnynyre tule judeuò mahãdu-ò taòraru ririkemy Deuxu dee taòraru-txi tòhòti reakemy rabadewokemy. Tule Jesuisi Kristu rityhynykemy. <sup>22-23</sup> Katahe wiji arake karibi Jerusalẽ hãwã-ò. Deuxu Tytybytyhy heka wadee dyrymyhÿde. Aõhebo arotÿnykyre, reerykòre. Kiale reerywãhare, aõma, Deuxu Tytybytyhy wadee rarybemyhyre ibutu hãwã-ki, aõma, aòhòkÿmy arotÿnykyre kowa. Rotenawo-ki aroikre. Myle reeryre. <sup>24</sup> Tiiemy tamy raaòmysÿdÿyãmahãre. Kiale wadee Inynyrÿ Jesuisi rewahinyre urenana. Kia ariwinyòkeki, aò aòkò heka jiarÿ waumy-ki. Tii arelywãhãke inyko-ò rybe tÿmyra wihikÿ, timybo Deuxu inlyurennyre. <sup>25</sup> Araerynanywÿhyreny Deu-xu Iòlònamy, wamy tahe hobibenòtyhy ixityre. Kia reerywãhare. Jiarÿ tule umyreny arobiòtyhy. <sup>26</sup> Tahe adeereny aõmybo ararybekre. Ryranymy heka watxiwãhare ibutu hãlubu-ribi. Kaiboho aòraru-di burubenykeki, jiarÿ aòkò tuure. Inyò wamy rarybeòtyhy aõma Rybewihikÿ-di jiarÿ itÿnynyòmahãremy. <sup>27</sup> Tiiemy rarybehyy rarewãhã ibutumy Deuxu bede ywinamy. <sup>28</sup> Tai tahe iki-di awiny boibekre. Iwese budoeni itxeredu tamy rÿsÿna riwahinyre wese, kaiboho ityhydÿydu mahãdu-ò Deuxu rybe tamyreny biwahinybenykyre. Deuxu dohodÿyãna mahãdu tii rare. Jesuisi tahãlubu-di tii riwyyre. Tai tahe ityhydÿydu mahãdu wiòhedÿyãdumy kaiboho toite. <sup>29</sup> Karibi arohonykyre, aitxeredu mahãdu kanakre. K reeryre. Adeereny òbitimy aòkò rierynanykyre.

Tiiboho ahola wesemy ratximyhÿrenyre. Iwese budoeni-ò imynymy ròsemy ramyhÿre wese heka kedehemynykre. <sup>30</sup> Inyò heka aityhydÿÿdu seriòere yribi iwitxira aõna aõnamy kidiery-nanymyhÿkre. Taijoi kididymyhÿkre tarybe-ò ijohonamy. <sup>31</sup> Tahe biijemy boibekre. Inataò beòramy awana rarewähä. Kiamy rarybereri, iribi nohòtilosarenymy. Txu-wana, ruwana adireny ròrenywähäre. Rahinymy heka aòrarureny-ki watxiwähäre. <sup>32</sup> Tahe ararirenykre Deuxu-wana ìxi-di he awimy renykre. Tii heka adireny rarekre. Tii tahe nohòtilosarenymy, boibekre Deuxu rybe-di. Tii heka riwiòhenanykre atyhyna raumynykre. Deuxu riywinyre wahe adee reny aõna aõna wiwihikÿ riwahinykre òbiti mahädu-wana kia bitabenykre. <sup>33</sup> Tiu heka jiarÿ ijò häbu-ribi nieru tarasamy rahòtynyòhyymahäre tyy wiwi-hikÿ tarasamy raruòhyymahäre. <sup>34</sup> Tiiemy wadebò-ribi hyy hyy raaòmysÿdÿÿmy rarewähä waaòmydÿÿnana òwydÿÿmy. Tule rewiòhenanywähäre tii-wana watxiwähäre mahädu. Kai-boho teerytenyte kia. <sup>35</sup> Ibutumy rewiòhenanywähäre iaòkò mahädu kia heka tuu tabitenyte kia rewinyamahäremy. Teerytenyte timybo Jesuisi rarybere: —Biwahinybenyke, kia dori iny-ribi ritamyhÿre ratyre awi rare.

<sup>36</sup> Tahe rybe-ribi rexihureu, tatiowotimy rotamanyrenyre wiwana rexitòdenyrenykre. <sup>37</sup> Tahe rahinyrenyre, rimyrenyre tamy wòrenyre, aõna rakreki, kia-ki rexityhenyneri tamyreny. <sup>38</sup> Tiiemy rabadeworenyre tiu tuu robirenyòkremy. Tahe häworo-ò tiiboho-wana roirenyre.

## 21

<sup>1</sup> Iribi ròhònyreu tahe, òbitihy rare Kòsi häwä-ò. Ijò txu tahe Rodesi häwä-ò ritehemynyre. Iribi tahe Patara häwä-ò ritehemynyrenyre. <sup>2</sup> Tai tahe rahare häwòò-ki, Senisia häwä-ò rakremy rexiywinyeri. Roirenyre kia yhywydynamawò-di tahe rorukurenymy ròirenyre tamy. <sup>3</sup> Xibri bedebute weribi-ò reurora, inyhywenawe-ribi Siria bede weribi-ò. Tahe ritehemynyre Tiro häwä-ki. Tai tahe häwò-ribi aõna aõna-di rekoarenyre. <sup>4</sup> Tamy roirenyre tahe, rÿÿraxirenyre kahäwä ityhydÿÿdu mahädumy. Tai raharenyre. Sohoji semanamy bede tiiboho-wana wadireny rÿire. Kíae rydÿÿna mahädu heka Paulo dee raryberenyre: —Aõma noòmkyre Jerusalè-ò. Deuxu Tyytybytyhy tuu tamyreny rarybemyhÿre. <sup>5</sup> Tahe semana ituereu, diòòsedenyde icyby häworo-ò. Ibutumy diberenydenyde ityhydÿÿdu mahädu tiiboho-wana ÿnyra-ò, häwyy, uladu, ibutumy. Tahe rexitòdenyrenyre. <sup>6</sup> Ritobinyrenyre tahe, riòòserenyre heto-ò icyby.

<sup>7</sup> Idi tahe Tiro häwä-ribi rare. Tahe Tolimaida häwä-ki ityhydÿÿdu mahädu rery-bewähärenyre txu sohojilemy bede reijerenyre tai. <sup>8</sup> Ijò txu biòwamy tahe roirenyre Cesaria häwä-ò. Tahe Filipisÿ-ki rasÿnyreny Rybewihikÿ-di tÿnydÿÿdusÿ-ki wahe. Tii juhuu aõma ityhydÿÿdu mahädu wiòhedÿÿduò juhutyhy rare. <sup>9</sup> Tii heka inaubiòwa iriòre rare. Tahe heridu aòkò ijadòma mahädu rare. Ijadòma mahädu heka Rybewihikÿmy rybeduòle rare. <sup>10</sup> Tahe aòtxu taile watxiwähärenyre. Tahe häbuò dehemynyde Judeia bede-ribi, moma inire Abusi. Tii tule Deuxu rybe-di rarybemyhÿre. <sup>11</sup> Idi tahe nade inyorarenymy. Tahe rimyre tii Paulo wereysana. Tawahe idile rimyre rexitaare tebò-wana. Idi tahe rarybere: —Deuxu Tyytybytyhy wa kiamy rarybere: —Kia wereysana wedu heka iwese rataataamy räire wesele heka tule rataataamy rÿikre Jerusalè-ki judeu mahädu heka kia riwinykre ta riwahinykre judeukòdu mahädu-ò. <sup>12</sup> Tamy raholarenyreu tahe, raryberenyre Paulo dee raòkremy Jerusalè-ò. Jiarÿboho raryberenyre tamy tule ijò tule tamy raryberenyre. <sup>13</sup> Tahe Paulo rarybere: —Hirenyòmyke, tiwahadedwodÿÿnytenyteri. Rexiywinymy watxireri Jerusalè ròtena-ò aralòkemy. Tamy sohojile aòkò kÿny, tule Deuxu dee wikiki tahe arurukre Inynyrÿni òraru-ki. <sup>14</sup> Timy heka Paulo nohòti rareadÿÿrenyòke tiiemy tanonanamy rara. Tahe rarybemy rahudi kiamy tarybe-ò resere Deuxudewilemy rotÿÿnymy ratxike.

<sup>15-16</sup> Iribi tahe iny aõna aõna rexiywinymy Jerusalè-ò roirenykemy. Ijò ityhydÿÿduò Cesaria-ribi iny-wana roirenyre. Tahe rethemynyrenyre, Menasò heto-ki rasÿnyrenykemy ityhydÿÿdu riwadyrenyre. Menasò heka juhutyhy ityhydÿÿdumy ralòmny raremyhÿ. Juhuu tii Xibri bedebute-ki rasÿnymy raremyhÿ.

<sup>17-18</sup> Jerusalè ityhydÿÿdu mahädu ibutumy awimy riwamyrenyre. Jiarÿ, Luka wahe, Paulo-wana, ijò ityhydÿÿdu-wana. Ijò txu biòwamy tahe Paulo riwadyrenyre Txiaumy robikremy. Tule ijò Jerusalè dohodÿÿna matuari mahäduò tai ronyre. <sup>19</sup> Wirirybenymy rahudi tahe, Paulo tamy relyyre aõhebo Deuxu tamy rotÿÿnyremy. Timybo judeukòdu mahädu Deuxu rityhynyremy. <sup>20</sup> Kiamy roholareu, Deuxumy reälärenyre ibrò-kí. Tai tahe inyò rarybere: —Paulo, sòwemy judeu mahädu rityhynyre. Kai teeryte, inyseriòre, ibutumy judeu mahädu bede ywina riywinymy ratximyhÿhy. <sup>21</sup> Inyò umy rarybere, raroimyhÿre kaki Jerusalè-ki. Judeu ityhydÿÿdu mahädu-ò rarybere: —Paulo he Moisesi bede ywina-ribi nohòtiosakemy tii riteònyre. Paulo rierynaryneri judeu ityhydÿÿdu mahädu-ò kia judeukòduy-ki rasÿnyre mahädu-ò. Kia inyò riki rarybere, Paulo uladunotyky



resyna riteòdÿÿòreki riki. <sup>22</sup> Tii kÿnyhe roholarenykre kaò tehemynterimy. <sup>23</sup> Tai kiamy rikiwinyrenykre. Inaubiòwa hàbu katxi rare tarade riwysynykre. Deuxu-ò tarybetyhy riwahinyreny, tai tahe tarade riwysynykre. <sup>24</sup> Kai tule makre iwesele arade riwysynykre Deuxu dohodÿÿna heto-ò. Tahe iradereny synaòwmy biòwynykre. Tai tahe ibutumy aluukre judeu mahàdu bede ywina tetyhynmahàteki wahe. <sup>25</sup> Aò inyboho ka judeukòdu mahàdu. Ka bede ywinaò rityhynykemy aòkò tuu iny ratxirenny. Kaa adeereny tuu rarybewähàrele rityhynyreny: —Ka aòma rÿsÿna ritxoo rÿsÿnamy iwahidÿÿnalemy irÿsÿòmy, tule iròdude ihàlubu iijeradÿÿòreri, uritere irÿsÿòmy, tule òta òta òraru widÿÿòmy. <sup>26</sup> Tai tahe Paulo rarybere: —Hÿde, tii ariwinykre. Tahe Paulo rare Deuxu dohodÿÿna heto-ò kia hàbuò-wana. Tahe ibutumy iny rieryre xiwenaò riwinykre wahe, tamy dori raryberenyre.

<sup>27</sup> Tahe debòinatxi reurò txu-di riwinykemy. Idi ka debòinatxi reurò txu rexihudi tahe iòhòmy. Tahe Asia bede ludu judeu mahàduò tuu robira. Tiiboho iny-ò rarybere Paulo rimykre. <sup>28</sup> Sòwemy iny tamy wi rotxure Paulo òludumy. Tiiboho kiamy rirajuarennyre: —Haeli mahàdu, wylemy bodoike. Biwawiòhenanybenyke. Ka hàbu ratxireri iny bede ywinareny òludumy ritÿnynmy rÿimyhÿre. Iny dee narybemyhÿde judeu mahàdu bede ywina rityhynyòkemy, tule iny Deuxu dohodÿÿna hetomy, judeukòdu kawo-ò didyde tai tuu ribinadÿÿnyreri. <sup>29</sup> Juhuu tahe ijòmy robire hàbuòmy hãwähãkÿ-ki Paulo-wana ratxirerimy. Trofimo inire. Tii heka Efesu hãwã mahàduò ityhydÿÿduò rare, judeukòdu mahàdu aòkò tii ihÿre. Tahe judeu mahàdu ròhòtynyre Paulo dohodÿÿnahetowo-ò Trofimo ridyramy. Tahe Paulo ridyòlere. <sup>30</sup> Tahe sòwemy iny rakyarananyre tamy, aòma kia hãwã hãkÿludu mahàdu. Sòwemy iny rarybemy rÿimyhÿ, rajeijeimy rÿimyhÿ. Paulo tahe retÿhirenyre dohodÿÿna hetowo-ribi, ijòtòbòna riratòbònyre. <sup>31</sup> Tahe rirubunykeny riteleny heka. Tahe soldado dinodu tyhy roholare aòma ibutumy Jerusalè hãwã-ki jei jei-di rÿireri. <sup>32</sup> Tai tahe soldado tawedu diteònyde kia tai jei jei mahàdu rÿireriò. Tahe soldado robirenyrau, riixãwidinyrennyre, Paulo òhòtedÿÿ-ribi. <sup>33</sup> Kia soldado wedu tyhy Paulo mynymy riteònyre. Tahe ritaataarennyre womati reroti-di. Tahe rexitòenyre kia inydee mobo he ratxireri. Aòhebo he tii rotÿÿnyrerimy. <sup>34</sup> Ijò heka iwitxiramy rarybemyhÿre, ijò tilemy rarybere. Tai tahe soldado dinodu bede rieryòhyra timyrebomy, ibutumy iny rirajuareki. Tahe ridykeny riteònyre. Tahe soldado heto-ò Paulo-di roiremyre. <sup>35</sup> Ryòwòna-di rotuòrau tahe, hãwã mahàdu aòkòre he reburera. Soldado mahàdu Paulo taaxiò tyre ritidimy idi rara iny rimyheny. <sup>36</sup> Iny he rirajuamy rarybemyhÿre: —Bidybenyke, birubunybenyke wahe. Myhe soldado mahàdu hewomy rirahumyhÿre.

<sup>37</sup> Tahe rirònykemy roirau tahe, Paulo soldado dinodu-ò rarybera: —Adee inihe wanyrÿ, ararybekemy watxireri. Tahe soldado dinodu ritÿÿraxinyre: —Kai aòbo kreku mahàdu rybe teeryte. <sup>38</sup> Kai jiarÿ araeryre. Kai Egito mahàdu dinoduò tate, ibutudÿÿdu wedu tate. Kai 4000 iny aòbina widÿÿdu tedyte bederahy-ò. <sup>39</sup> Aòkòre, Paulo dirawyònyde, tii aòkò watxire. Jiarÿ Roma hãwã mahàdu tyhyre jiarÿ rare. Wahãwã, Tarso hãwã rare, hãwã riòre aòkò Silisia bede-ki. Judeu mahàdu tule jiarÿ rare. Kaki iny mahàdu-ò ararybekemy watxiwähãre. <sup>40</sup> Tahe soldado Paulo —ò rarybere: —Tahe marybeke. Tahe lamamy rÿire inydee rarybekemy. Paulo tebò riteòsinyre riijohonadÿÿnykemy. Tai ibutumy iny riyrymy rÿirennyre. Judeu mahàdu rybe-di tamyrenny rarybere.

## 22

<sup>1</sup> Kawese Paulo tamyrenny rarybere: —Waseriòre, waluuboho, wabededÿÿnanamy adee arelyykre. Wamy bohòlatyhyke.

<sup>2</sup> Judeu mahàdu rybe-ò roholareu tahe, riyrytyhymy rorukurennyre. Tii heka rarybere: —Jiarÿ judeu mahàdu jiarÿ rare. Raumeny Tarso hãwã-ki. Kia Silisia bede-ki rare.

<sup>3</sup> Kaki Jerusalè-ki ratyritinymy rarewähã, Kamalie ninadu tyyritina-ki. Ibutu Judeu mahàdu bede ywina bede reeryre Kamalie-wana. Ibutumy Moisesi bede ywina-di riwaerynanymyhÿre. Tii tahe reywinywähãre, retyhynytyhywÿhÿre. Ibutumy Deuxu bede ywina ariwinykemy ixi-di rahòtynywähãre iwese wiji iwidÿÿmy tarutenyteri wesele wahe. <sup>4</sup> Jiarÿ ka ityhydÿÿdu mahàdu aòhòkÿmy rotÿÿnymyhÿremy reteòwähãre ihyye ijò rubudÿÿmy reteònywähãre. Hàbu hàwyy-wana reròtenywähãre ròtenawa-ò. <sup>5</sup> Waaòmydÿÿnanamy bierybenykre-wana, tamy marybeke dohodÿÿna wedu-ò, matuari mahàdu-ò. Dohodÿÿna wedu tyyriti rewyre Damasù hãwã dohodÿÿna heto-ò. Tai tahe tyyriti-di risÿnyre ibutumy ityhydÿÿdu mahàdu aòhòkÿmy rotÿÿnykemy, tule womati reroti-di rataataakemy Jerusalè-ò kididykemy. <sup>6-7</sup> Iòhòmy txutyemy iijira-ò, Damasù hãwãry-ki watxiwähã. Tahe loosòna itÿnyhÿkÿmy wadee dehemynyde. Bedetxile resere. Tahe rybeò raholare: —Salu, Salu, aòherekiwexe aòbina binahakÿle wadee tadiwinymahàte. <sup>8</sup> Tahe jiarÿ rarybere. Mowexe wadee rarybereri, Wanyrÿ. Tii rarybere: —Jiarÿ Nazare ludu watxireri, Jesusi. Kai aòbina binale wadee tadiwinymahàte. <sup>9</sup> Hàbu wawana rÿimyhÿ, aò rieryòhyre aòmybo

wadee rarybemyhÿre tahe loosõnamy he robirenyre. <sup>10</sup> Tai tahe rarybere jiarÿ: —Aõwexe ariwinykre, Wanyrÿ. Rarybere: —Myike wahe, make Damasu hãwã-ò. Tai tahe inyõ adee kanarybeke aõbo biwinykremy. <sup>11</sup> Tai tahe rabiõmy rãiwãhã kia loosõna ritÿÿrÿhÿkÿreki. Tai wabiõwa ryy wadee ritÿÿnyre wadebò-ki riwamymy Damasu-ò arehemynykemy. <sup>12</sup> Tai tahe hãbuõ wadee rehemyre, Ananiamy ninadu. Tii heka Deuxu tyhydÿÿduõ rare, bede ywina rityhynymhÿre, ibutumy Judeia mahãdu, Damasu hãwã-ki heka tuure. <sup>13</sup> Tii tahe wadee rarybere: —Waseriõre, Salu, aruebimyke ixityre bobikemy. Aõwesele tahe rabimy reare. Ananiamy rabire. <sup>14</sup> Tahe ixityre wadee narybede: —Inytyby Deuxu juhUU aratare, aõbo tamywimy bierykemy. Tule Jesusimy bobikemy, Deuxu õbiti hãbu. Tule boholakemy aõbo tii adee kanarybeke. <sup>15</sup> Tai tahe biwykre irybewihikÿ tÿmyra ibutu bede bede iny-ò. Belyyke timybo taholatemy, tabitemy. <sup>16</sup> Tai tahe rooreheõmykre. Wijile makre maratysebekre. Aõraru-ribi yrahakÿlemy mabekre, Wanyrÿnimy tetyhynyte xiery. <sup>17-18</sup> Idi tahe Jerusalẽ-ò rehemyre waha, aõtxumy ixitõenymy rarewÿhÿ Deuxu dohodÿÿna heto-ki. Tai raholarerasina wese-ki aõma Deuxu wadee raryberimy: —Wylemy bõhõnykre Jerusalẽ-ribi. Warybemy tamy marybekreu, rityhynyrenyõtyhy. <sup>19</sup> Tahe Inyrynÿ-ò rarybere: —Ibutumy hãwã-ki aityhydÿÿdu mahãdu rehãteny, rewotomony, rerõtedÿÿnyre. Ibutumy kaki kia rierymy roimyhÿre. <sup>20</sup> Arybe tÿnydÿÿdu rirubunyreu, moma Estevaõ, jiarÿ taile watxiwãhãre. Rewiõhenanywÿhÿ irubudÿÿdu mahãdu tyy reyrubunyre aõma mana-di rihurenyreu wahe. <sup>21</sup> Tahe Deuxu wadee rarybere: —Bõhõnyke wa Jerusalẽ-ribi. Irehetyhymy arateõkre judeukõdu mahãdu-ò. Kia Paulo tamyreny rarybere.

<sup>22</sup> Tahe kia iny roholamy rÿimyhÿre kia Paulo iximy relyyred. Tahe raykarananymy rryre: —Bidyke karibi ahana-ò, birubunyke. Irumy rareõkre idi watxiwãhãreny. <sup>23</sup> Tatyky riohowire, brybysi-di biu-txi rehure, rryrymyhÿnyre. <sup>24</sup> Soldado dinodu tahe riteõnyre iwo-ò ridyrenykemy awaru õhõtenahãkÿ-di tuu raõhõtekemy. Soldado dinodu rierykemy ratxireri aõherekibo iny tamy rakyarananyraki wahe. Tii rarybekre õsana tuu raõhõtekeki. Kia soldado dinodu rõhõtinyre. <sup>25</sup> Tahe Paulo ritaataareny. Imy rahudi tahe Paulo rarybere soldado dinodu-ò: —Jiarÿ Roma hãwã mahãduõ rare. Wamy maõhõtebenyõtyhy, aywisidÿÿna mahãdu wadee roholaõre tebutunyõteki. Kia riwadyÿkõkemy roimy rare. Abede ywinareny adee rarybere kia widÿÿõmy. <sup>26</sup> Tai tahe kia soldado dinodu tadinodu-ò rare. Tahe tamy rarybere: —Kowa hãbu, Roma hãwã mahãduõ rare. Tai tahe aõbina bina tamy iwidÿÿõmy. <sup>27</sup> Kia roholareu, tii rara Paulo-ò tamy rÿÿraxikemy: —Inatyhybe Roma hãwã mahãduõ aõbo atxiteri. Paulo tahe narybede: —Kohe, jiarÿ, kia mahãduõ watxireri. <sup>28</sup> Tai tahe soldado dinodu narybede: —Jiarÿ tule watxireri. Nieru sõwe-di reõwyny tuu aronykremy. Tahe Paulo rirawyõnyre: —Jiarÿ tiu kia watxireri. Waha dori Roma mahãduõ raremyhÿ. <sup>29</sup> Tai he soldado mahãdu iribi rõhõnyre aõwesele tii Roma mahãdu ratxire riki. Soldado dinodu tule ruberure tii dori rataataamy riteõnyreki.

<sup>30</sup> Txu biõwamy ritare rõtana-ribi rõhõnykemy. Judeu xiwewahidÿÿna dinodu inyõ ributunyre ywisidÿÿdu mahãdu-wana. Tahe Paulo ridyre tamy. Tii dori rierykemy ratxireri aõherekibo judeu mahãdu Paulo deramy rÿireri.

## 23

<sup>1</sup> Paulo tamyreny retehere, dinodu mahãdu-ò wahe. Tahe rarybere: —Waseriõreboho, Deuxudile watximy ramahãre. Tiiemy aõbina binamy aõkõ watxireri, tamy iluuna-di tyhy watxiwãhãre. <sup>2</sup> Anania hãbu-ò rarybere, iõhõmy Paulo-ribi rÿireri: —Iry-ò bihetenybenyke. <sup>3</sup> Paulo tahe tamy narybede: —Kai wa aõ aõkõ tate. Hetotira ura wese tate, awo arayky isuisure. Waywisidÿÿdu wesemy talõmy atxiteri, tahe wahetedÿÿmy tarybeta. Kia bede ywina rarybera wesemy aõkõ tewisÿnyteri. <sup>4</sup> Tahe iõhõmy Paulo-ribi rÿireri, tamy rarybere: —Kia wesemy rybeõmy Deuxu xiwe wahidÿÿdu wedu-ò. <sup>5</sup> Tahe Paulo rarybere: —Aõkõre, reeryõhyre aõxiwe wedubo ratxireri. Tyyriti kiamy rarybemyhÿre: Tiu riki wedumy aõmy rybebinamy aõkõke. <sup>6</sup> Idi tahe Paulo rexierymy resere. Tahe ixidee rõhõtinyre. Ka iny sõweyre fariseu mahãdu heka rare. Iyrejura tasÿ saduseu mahãdu rare. Tai tahe Paulo rryre: —Waseriõre mahãdu, jiarÿ fariseu mahãduõ rare. Waha, wylabieboho ibutumy fariseu roire. Rubu-ribi ixixana retyhynywãhãre. Tai tyhy tahe kia-ò, ywisidÿÿdu-ò wiji diwadyde. <sup>7</sup> Imy rahudi tahe fariseu mahãdu saduseu mahãdu-wana wiribi rihitxinyre. <sup>8</sup> Saduseu dori rubu-ribi ixixana rityhynyõhymyhÿreny, tule ÿju, tyytyby-wana rityhynyõre. Fariseu mahãdu tahe, kia ibutumy rityhynymhÿre. <sup>9</sup> Tai tahe sõwemy rajei jeimy rÿimyhÿ. Tahe fariseuõ rarybere Paulo õbitimy ratximyhÿ. Aõ teõsamy tai tuu arobirenyke kÿnyhe aõkõre. ÿjuõ õsana tamy rarybera ada tyytyby aõbo. <sup>10</sup> Tai ta tarurutyhymy rryreny. Tai tahe soldado dinodu ruberure aõma Paulo riykaykaketxi roholare. Tai rarybere tamy: —Iribi bitake, idi boibenyke ixby soldado heto-ò.

<sup>11</sup> Rummy tahe Paulo weribi InynyrÏ tamy narybede: —Brebuõmy aõ-di nohõtiõmyke ixi-di. Iwese kaki Jerusalê hãwã-ki wamy tarybete wesele heka Roma hãwã-ki wamy marybekre.

<sup>12-13</sup> Tahe biurasõtuxu he judeu mahãduõ wi dotyde Paulo rubudÏÏmy. Iny inatxiwa ituemy hãbu kia wese raryberenyre: Rikiroxirenyõtyhy bemy rikiõrenyõtyhy. Paulo rurukeyi xiery ta rikiroxirenykre. <sup>14</sup> Tahe xiwe wedu mahãdu-õ tiibohe roirenyre. Judeu matuari mahãdu-õ tule kia ibutummy rellyrenyre iwese Paulo rubudÏÏmy ratxireri wese. <sup>15</sup> Tule tamyreny rarybere: —Kaiboho ixityre marybebennyke soldado dinodu-õ manakremy Paulo-di ywisidÏÏdu-õ. Tamy dÏÏraximy idi ratxireri tiibohe rõhõtinkyre. Tai tahe ry kana-õ rearaki tahe ijoi rikirubunykre. Kia judeu mahãdu xiwe wedu-õ rarybere. <sup>16</sup> Tahe Paulo seriõre woludu, ilana rubudÏÏmy rarybereõ roholare. Tahe ralore soldado heto-õ tahe tuu Pauloko rellykemy. Tahe rellyre. <sup>17</sup> Kia roholamy rahudi ta Paulo rariõwyre soldado dinodu tamy kanalokremy. Kiamy rarybere: —Ka weryry bidykre adinodutyhy-õ, aõma, ijyy-di ratxirerimy tamy rellykemy. <sup>18</sup> Tahe ridyre soldado dinodu tyhy-õ tahe rarybere: —Paulo kÏny ka weryry-di riwateõnyreri aõmybo ako rellykemy. <sup>19</sup> Tahe dinodu weryry axiõ iyre ribi rimyre, tahe iny-ribi rirehenyre rarybekemy: —Aõbo wexe wako belyykre, weryry. Tahe rellyre: <sup>20</sup> —Wylana Paulo ridykremy judeu mahãdu adee rexitõenykemy ratxirenyre. Tiibohe adee raryberenykre: —RikitÏÏraxinykre ijõ aõmydÏÏnana. <sup>21</sup> Uritere tamy boholaõkre, weryry rarybere, idyõnyreri aõmybo ako rellykemy sõwere rexiwõmy rÏykre, iny inatxi wa itue hãbumy, wylana rubudÏÏmy. Tii ruruõkeki, riroxiõtyhy, bemy riõõtityhy. Kiawese ka hãbu mahãdu rarybemy ramyhÏre. Ahana õsana inyõ rÏireri wylana ridykremy adee kedexitõenykemy. Wylana õludu tahe ryijãti-ki rexiwõmy rÏireri. <sup>22</sup> Tai soldado dinodutyhy weryry-õ rarybere: —Uritere inyõ ierysyõmykre wadee tuu telyyteri. <sup>23</sup> Tahe inatxi soldado dinodu rarariõwyre, tahe tamy rarybere soldado dinodu tyhy: —Aõma, 200 soldado widotykre inataõ õra txu dõhõny-ribi, ijõ 70 soldado awarutyre-ki, ijõ 200 soldado tõnori-di. <sup>24</sup> Kia ibutu-wana Paulo bidybenykre awarutyre-ki Cesaria hãwã-õ. Biyrubunymy boibenyke Feli, kia bededinodu-õ. <sup>25</sup> Tahe tyriti riwinyre kia wese:

<sup>26</sup> —JiarÏ Laujiu Lucio, warybe reritinyreri. Warybe wehityhyna rewahinyreri Feli-õ, WanyrÏtyhy, bede dinodu-õ rewahinyre. <sup>27</sup> Hãbuõ adee reteõnyreri. Tii judeu mahãdu rimyre tahe rirubudÏÏmy riwisÏnyre. Tahe soldado reteõnyre ritakremy rubu-ribi, tii Roma hãwã mahãdumy rareki. <sup>28</sup> Redyra heka ywisidÏÏna mahãdu-õ. Aõherekibo rimyrenyremy arierykemy. <sup>29</sup> Tabede ywina õrarukile teramy tamy reare, kia reerymy rawãhãre. Iny bede ywina õraru-ki aõ aõkõ tii riwinyre. Tai rurukeyi aõkõ idi rewisÏnyre. <sup>30</sup> Judeu mahãdu rarybemy ramyhÏre irubudÏÏmy. Kiamy raholareu tahe, adee reteõnykemy resere. Tule irubudÏÏmy rõhõtinyra mahãdu adee rarybekemy reteõnyre. Tiibohe aõbo raremy rarybekre. My kie warybe rewahinyre.

<sup>31</sup> Idi tahe soldado mahãdu Paulo ridyre, iwese idinodu riteõnyre wese. Rudile ridyre Atxipatxi hãwã-õ. <sup>32</sup> Tahe biurasõtuxumy tahe tatilemy rare mahãdu rõõsere soldado heto-õ. Ijõ soldado awarutyre ludu Paulo iridyre Sesaria-õ. <sup>33</sup> Tahe reheminyre Cesaria hãwã-ki. Rare he bede dinodu-õ. Paulo tamy riwahinyre tyriti-wana. <sup>34</sup> Kia tyriti-di tii rariareu tahe, tamy ritÏÏraxinyre: —Tiribibo tate Paulo. Tahe Paulo dirawyõnyde: —JiarÏ, Silisia hãwã mahãdu rare. <sup>35</sup> Tahe bede dinodu narybede: —Kaa hãbu mahãdu wyi kodotykreu, kedehemynykrey, aroholakre inihe arybe-õ. Tahe iyrubudÏÏ idi risÏnyre Herodi ywisidÏÏna heto-õ, Pretõriu ninadu-õ.

## 24

<sup>1</sup> Iruyre txu reare rexihudi tahe, Anania, xiwena wedu tyhy, judeu mahãdu matuari-wana reheminyre, ywisidÏÏna mahãduõ-wana reheminyre, moma, Tertuliu inire. Paulomy aõbinabinahãkÏ rybemy rareri bede dinodu-õ. <sup>2</sup> Tahe Paulo didyde. Tertuliu rarybere Paulomy. Awiõmy rybe tahe rõhõnyre. Juhuu Feli-õ rarybere: —Kai WanyrÏ tyhy, awihyymy heka atximahãte wadeereny. Tiiemy bede ywina inydee tewahinymahãte. Ibutummy iny bede hãwã hãwã-ki iny tewiõhenanymahãte. <sup>3</sup> Tai tahe omy realãtyhymy he watxiwãhãre. Urihimyõle adee Paulo aõmydÏÏnanamy ararybekre. <sup>4</sup> Txioi inihe lãhã, bohobabeny. <sup>5</sup> Tiiemy jõi jeyhy ratximyhÏre Paulo õraru-ki. Tiiemy judeu mahãdu, my heka rarybehyy ratximyhÏre. Tii Nazare hãwã dohodÏÏna mahãduõ rare, kia weduõ rare. Tii Jesuisi rityhynyre. <sup>6-7</sup> Aõkõre, iny Deuxu dohodÏÏna heto ribinadÏÏnyre, brebuna rÏirerimy ihÏre Paulo õraru-ki. Remyrenyre tahe, ywisidÏÏmy watxiwãhãre iny bede ywinareny rarybere wesemy. Tahe aõkõre, Lisiu soldado dinodu tyhy ritare iny-ribi wotõmona-di. <sup>8</sup> Tahe inydee rarybere: —Boibenykre Feli-õ. Tii adee roholakre. Kia tahe Lisiu rarybere. Tahe jiarÏ tule rarybere. Boibenyke Paulo dÏÏraximy kia inatyhy aõbo ada aõkõre aõbo. Tertuliu kia ibutummy rarybere. <sup>9</sup> Ijõ judeu mahãduõ rarybere: —Kia inatyhy ibutummy inatyhyle ratxireri, aõmybo Tertuliu raryberemy.

<sup>10-11</sup> Tahe bede dinodu Paulo-ò riteòsinyre rÿikemy, rarybekemy. Paulo tahe tamy rarybere: —Wanyrÿ bede dinodu tyhy, sòwe beòra aòmydÿÿnana-di ywisidÿÿna-di atximahàhe. Jiarÿ kia reeryre. Tai reysawâhàre adee ararybekemy. Waò inatxi reuròtxumy heka Jerusalê-ò adehemynyde. Iny-ò bitÿÿraxinykeki, wylemy ka bieryke inatyhy raremy. Jiarÿ Deuxu dohodÿÿna heto-ò rehemynyre Deuxu reàlakemy. <sup>12</sup> Tiu heka jei rei rewinyòhywâhàre dohodÿÿna-ò ki aòkò, hâwâ-y-ki aòkò. <sup>13</sup> Aòmybo wamy rarybemy rÿireri heka, aò inatyhy aòkò. <sup>14</sup> Sohoji aòmydÿÿnanamy tahe akoreny arelyykre, inatyhy rare. Retyhynywâhàre heka aòbo Jesuisi rierynanymyhÿremy. Tiiboho watyhydÿÿna rininirenyre dohodÿÿna mahâdu iwitxira. Kia hâbu rityhynymyhyre wesele jiarÿ tule Deuxu inytyby retyhynymyhyre. Ibutumy bede ywina tyriti-ki riritinymy rÿimyhÿremy retyhynywâhàre. <sup>15</sup> Iny, òrarudu mahâdu, ityhydÿÿdu mahâdu kedeixiakremy rubu-ribi. Kia retyhynywâhàre. <sup>16</sup> Tiu ibutumy òbiti widÿÿmy raruwâhàre. Deuxu-txi tule ibutu hâbu rue-ki. <sup>17</sup> Jerusalê-ribi rarewâhâu, tiwese beòra rewyre tahe ixby dòòsede Jerusalê-ò aòkò mahâdu wahidÿÿna wesemy ariwahinykremy xiwena wese Deuxu-ò. <sup>18</sup> Deuxu dohodÿÿna heto-ki watxiwâhâ, òbitimy râire, ibutu bede ywina reywinymy rawâhàre. Tahe waxiwenadi waòludu wamy robire. Iny sòwemy weroramy watxiwâhâ. Rybe jei rei rarybeòhyre. Tahe Asia bede judeu mahâdu tai rÿimyhÿ. Tiibohole rybe jei rei riwinymyhÿreny. <sup>19</sup> Wamy aòmydÿÿnana rarybekremy ijòðekeki, rokoholakre. Kaki aòkò ratximyhÿreny. <sup>20</sup> Aòbo waki teòsamy rahare ywisidÿÿna mahâdu-ko râireu, tamy rokoholakre. <sup>21</sup> Sohoji aòmydÿÿnanalemy rarybere teòsamy. Kiamy rarybere: —Retyhynyre rubu ixby kedexiakre. Tai ywisidÿÿna mahâdu-ki watxiwâhâ.

<sup>22</sup> Feli bede dinodu rierymy ratxireri aòmybo ityhydÿÿdu mahâdu rityhynyre. Tai rarybere judeu mahâdu-ò: —Lisiu, aòma, soldado dinodu tyhy rehemynyreu, bede rikierydÿÿnanykre. <sup>23</sup> Tahe Paulo ròtena heto wese-ò ratximyhÿreki, riòsedÿÿnyre. Ta rarybere he soldado dinodu-ò: —Ywiny idi ratximyhÿkemy. Tule rarybere: —Iò ixinamy terina mahâdu iroramy kanakre. Ixinamy uriònomy tamy kidiwahinykre awityhy roimyhÿkemy.

<sup>24</sup> Iribi nade Feli tahâwyy-wana Drusila. Ihâwyy heka judeu mahâduò rare. Riteònyre Paulo-ò tamy kanakremy, tamy kanarybekremy. Paulo rarybere tamy: —Jesuisi Kristu kia tyhydÿÿnamy. Tii òbiti-di iny ròhòtinkyemy tule ywisidÿÿna txumy Deuxu kanakremy rityhynyre. <sup>25</sup> Tahe Feli ruberure. Makre, tamy rarybere, aòwaxiny tiubo wabededÿÿnana-di my kÿnykre, ixby adee ararâriòwykre. <sup>26</sup> Tule Feli ijò nieru Paulo-ribi ritakemy ratxireri, tai rarariòwyre ijòtxu ijòtxu tii-wana rarybekremy. <sup>27</sup> Inatxi beòramy bede idi rÿire. Iwitxira bede dinodu ralore Feli deròwy. Porsiu Festu inire. Feli tahe judeu mahâdu tuure tamyreny aòò riwinykemy ratxireri tahe Paulo ririre ròtenawo-ki.

## 25

<sup>1</sup> Cesaria hâwâ-ki bede dinodu tÿmyraò ronyre. Festu inire. Inataò txu-di tahe iribi ròhònyre Jerusalê-ò rakemy. <sup>2</sup> Tahe xiwe dinoduò, judeu mahâdu dinoduò tamy rarybere Paulo aòmydÿÿnanamy. <sup>3</sup> Tamy rexitònyre Paulo-di wylemy kanakremy. Kiamy heka rexinhòtidÿÿnyre ryrowetya-ki rirubunyrenykre. <sup>4</sup> Aòkòre, Paulo ratxirekre Sesaria-ki, Festu rarybere, jiarÿ tahe aròòsekre ele elemy kowa-ò. Kaiboho adinodu mahâdu wadi roikre kowa-ò. Rokoholarenkyemy ywisidÿÿna-ò. <sup>5</sup> Tule kaiboho aòrybedikeki, Paulomy, kowa-ò rarybekremy.

<sup>6</sup> Iribi tahe debòwiò txu òsÿny txu idi rÿidi tahe ixby Festu dòòsede Cesaria-ò. Irootxu tahe Paulo ywisidÿÿna ròhònyre. Tahe Paulo ridykemy riteònyre ywisidÿÿna butuna-ò. <sup>7</sup> Tahe judeu ywisidÿÿna mahâdu heka sòwemy tuu aòbina binahakÿmy Paulomy rarybemyhyre, Jerusalê-ribi rehemynyreu. Aò inatyhymy aòkò. <sup>8</sup> Paulo tahe rexitxiònyre: —Jiarÿ kÿny kia-di aòkò watxiwâhàre. Tii rarybere: —Tiu heka judeu mahâdu bede ywina ratyre aòna aònamy ratÿÿkòre. Tiu heka Deuxu dohodÿÿna hetomy rewinyòwâhàre, tiu Roma dinodu bede ywina ratyre aòhe ratÿÿnyòwâhàre. <sup>9</sup> Idi tahe Festu rÿÿraxire Paulo-ò: —Kawexe textiywinymy atxiteri Jerusalê-ò makremy. Kowa ywisidÿÿna ariwinykemy adee roholakremy. Kiamy Festu rarybere aòwiwihikÿmy riwinykemy ratxireri judeu mahâdu dee. <sup>10</sup> Tahe Paulo rirawònyre: —Aòkòre, arakre he Iòlò tyhòhòkÿle arehemynykre. Tii wadee roholakre. —Jiarÿ dori ixiywinyhy tamy arakre. Hài teeryte jiarÿ aòkò tudÿÿduramy. <sup>11</sup> Aòma aòbo waki binamy relera-wana heka arurukre. Aòkòkeki tahe aòbo awihykyle rewinyre-wana heka timy inihe warubudÿÿomy. Iòlò tyhyle wadee roholakemy he ixide rahòtynyri. <sup>12</sup> Festu tawiòhedÿÿdu-ò rarybere. Idi ta dirawònyde: —Awire, iòlò tyhy-ò atxiteri urenana kÿnyhe aòwaxiny makre.

<sup>13</sup> Iribi tahe aòtxumy tahe iòlò Agripa dehemynyde, Benise tariòrese-wana. Festu roramy rareri. <sup>14</sup> Tahe tii-wana rarybemyhyre aòtxu, Festu-wana. Idi tahe Paulo aòmydÿÿnanamy iòlò-ò rarybere: —Ròtenawoluduò roireri ròtenawo-ki. Tai he Feli ririre jiarÿ iaòmydÿÿnana arierykremy. <sup>15</sup> Aòma Jerusalê-ki watxiwâhâu, dohodÿÿna wadu mahâduò wadee heka

rarybere: —Tii arirubunykeny heka wadee rityhenymyhÿre. Judeu mahãdu matuariõ tule kia rarybere. <sup>16</sup> Tahe tamy jiarÿ rarybere: —Aõkõre, aõma Roma mahãdu kia bede ywina dori tuu aõkõ roimyhÿre. Juhu heka rakre ywisidÿÿna-ò tahe relyykre heka iximy, taõludu mahãduko-ki. <sup>17</sup> Kaò juhu ditechemynydenydeu, tamy rarybere. Ijõ txu he reyrubunyre ywisidÿÿna-ò roholakremy tahe Paulo ridykemy aditeõnyde. <sup>18</sup> Tahe aõmybo tamy rarybere heka, iwese rahõtinyre wese aõkõ tii riwinyre. <sup>19</sup> Aõbo ityhynareki heka tuheka rÿire. Inyõ heka tii rarybemyhÿre Jesuisi rurulemy. Tahe Paulo rarybemyhÿre irulemy ihÿre. Tai kÿnyhe rimymy ramyhÿre. Rirõtenymyhÿre. <sup>20</sup> Tai tahe tiemy rahõtinyre: Timy taheka aõhe arotÿÿnykre ka aõmydÿÿnana-di. Paulo-ò retÿÿraxire aõma Jerusalê-ò aõbo rakemy ywisidÿÿna-ò. <sup>21</sup> Tahe Paulo rarybere: —Iòlòle rakremy aõbo. Tii wamy roholakeki, teòdu waòrysmy ariraokre. Tai tahe ròtena-ò ixbyyle rerutyre. <sup>22</sup> Tahe iòlò Agripa rarybere: —Jiarÿ aroholakre inihe kia hàbumy. Tahe Festu dirawyõnyde: —Biurasõmy tamy bodoholakre.

<sup>23</sup> Idi tahe itxu biòwamy dehemynyde, iòlò, Benise-wana, ywisidÿÿna heto-ò. Ibutumy he iny ralore, soldado wedu mahãdu, iny ityhymy rÿira mahãdu, ibutumy raloralore. Tai tahe Festu Paulo didyde. Tahe rarybere: <sup>24</sup> —Iòlò Agripa, ibutumy ka wadee ijohonadu-wana, ka hàbu heka ibutumy iny he irubudÿÿmy he idi rÿireri, judeu mahãdu kaki tule Jerusalê mahãdu. <sup>25</sup> Jiarÿ rahõtinyre aõ heka riwinyõhyre tai rurukre wahe. Tai iòlòthy-ò rakremy heka ratxireri. Ariteõnykre nomy dori tii ratxireri. <sup>26</sup> Aõbo tamy ariritinykre. Aõ heka waritidÿÿkõnare. Aõ dori riwinykõre. Tai redyreri adee iòlò Agripa. Tamy juhu boholakre. Iribi tahe wadee manarybekre aõbo ariritinykremy. <sup>27</sup> Timy kÿny wateòdÿÿkõna writere õhynaòhòkÿle Iòlòthy-ò ariteõnyòtyhy.

## 26

<sup>1</sup> Tahe Agripa Paulo-ò rarybere: —Aõwaxiny belyykre aijjyymy. Paulo he tebò riukore he rarybekremy.

<sup>2</sup> Wadeysamy he watxireri, Iòlò Agripa. Jiarÿ dori iximy arelyykre ako. <sup>3</sup> Tule kai dori ibutu judeu bede ywina teeryte. Ibutu lahi rybe teeryte. Bodoholakre inihe wadee, ywina-di. <sup>4</sup> Tiiemy uladule aratyyritinyde aõma judeu õbitina-di. <sup>5</sup> Judeu mahãdu kia rieryre. Txu rexidelenyre juhu judeu mahãduy-ki, idi tahe Jerusalê-ki ratyyritinyre. Jiarÿ fariseu mahãduò õbiti jiarÿ rare. <sup>6</sup> Kia rybe òraru-ki wiji ywisidÿÿna-ki ràire. Jiarÿ dori retyhynywãhãre aõbo Deuxu inytyby-ò rarybere. <sup>7</sup> Jiarÿ Deuxu rybe òlõna reraòwãhãre. Tule judeu ijoi riraòmyhÿre, waòinatxi reurò ijoi mahãdu. Tiibohe Deuxumy reàlàmy raremyhÿ, rumy, txumy. Iòlò Agripa, kia raròsõna òraru-ki judeu mahãdu wadee aõbina binamy rarybemyhÿre. <sup>8</sup> Rubu-ribi ixixana jiarÿ retyhynymyhÿre. Araÿraxikre iòlò. Kia aõbohe wadeòsana raremy kaiboho tahõtintytenytere. Deuxu heka ixbyby iny kidìkeseòdÿÿnykre taumy tuedeòna-ò. <sup>9</sup> Jiarÿ heka juhuu awimy heka aõbina binahakÿ widÿÿ dee rahõtinyre, Jesuisi Nazare hãwã ludu dee. <sup>10</sup> Sõwemy ityhydÿÿdu mahãdu rerõtenyre ròtenawo-ò Jerusalê-ki. Dohodÿÿna heto wedu rewawiohenanyre tyyriti riwahinyreki. Kia irubudÿÿmy wi risÿnyrenyre, jiarÿ rarybere: —Awire heka birubunybenyke. <sup>11</sup> Jiarÿ heka ityhydÿÿdu mahãdu aõhòkÿmy rotÿÿnykeny wi resÿnyre bede bede-ki. Aõbinabinahàkÿlemy ityhydÿÿdu rerybedÿÿnywãhãre. Jiarÿ aõnimy reburemy rawãhãre. Resÿbinanyre tahe tii rahenyre irehetyhytyhy-ò iwitxira hãwã-ò. <sup>12</sup> Rare heka Damasus hãwã-ò ityhydÿÿdu òrysmy. Jiarÿ tyyritidi rare, dohodÿÿna wedu ritina-di. Tule ibede ywina-di rare. <sup>13</sup> Tahe Damasus iòhõmy rareu, loosònaò diwatoosõnyde, txu loosòna ratyre ihÿre. <sup>14</sup> Jiarÿboho rejuxunyre tahe raholare rybeò-ò judeu mahãdu rybe-di rarybereri: —Salu, Salu, aõhereki wexe aõbina binahakÿ tadiwinymahãte wadee wimy aõkõ. Aõbina binahakÿle ixidee tadiwinymyhÿte. <sup>15</sup> Jiarÿ rarybere: —Mowe, Wanyrÿ Tate. Tahe dirawyõnyde: —Jiarÿ wa, Jesuisi rare. Wadi aõbina bina tewisÿnyte. <sup>16</sup> Katahe myikre. Adee rehemyreri, arabata ixidee, wadeòdumy mabekremy. Warybeduò mabekre. Ibutumy wamy belyymy mabekre aõhebo adee wiji rotÿÿnyreri. Iribi tasÿ ixityre adee adehemynykre. Tule kia-di marybekre. <sup>17</sup> Ibutumy asÿ-wana arayrubunykre. Tai ta judeu mahãdu-ò arateõnykremy watxireri, judeu mahãdu-ò tule. <sup>18</sup> Iwese iny rueta-di rÿira wese tii ihÿre. Kai tamy bitÿnykre Deuxu aõmydÿÿnana. Tai biruejuakre, rierykremy. Biòbitinykre tamyrene òrarudu roire aõma ixi-txi tõiòti reakremy loosòna-ki rariakremy, Satanasi bedelorohokÿ-ki aõkõ, kia ryki aõkõ rariakremy. Deuxu uri bede ywina rimymyhÿkre ixidee. Ibutu bede bedemy rÿira waijoimykre. Tyramy taòraru-ribi rÿira, ritamy rÿira, riwatyhynymy rÿira. <sup>19-20</sup> Tai, Iòlò Agripa, iwese warasina-ki riwateõnyre wese, retyhynyhyre. Juhuu Damasus hãwã-ki jiarÿ ròhãletere, iribi Jerusalê-ò, tule Judeia bede-ki, ibutu judeukõdu mahãdu-ò ròhãletere. Tamy rarybere taòraru ririkemy Deuxu dee kòdòòsekemy. Ixi-txi tõiòti reakremy inatyhymy aõna aõna wiiwhikÿ riwinykeny Deuxu dee. <sup>21</sup> Tai judeu mahãdu riwamaty Deuxu dohodÿÿna heto-ki, warubudÿÿmy ròhõtinyre. <sup>22</sup> Deuxu tahe wawiohedÿÿdu ratximyhÿre. Tai he

rãire wiji ibutu-ò ararybekemy watxiwãhãre, aõma aõbo Deuxu rybedu mahãdu iwese Moisesi rarybere wese tamyreny rarybewãhãre kia ibutummy kanakremy. Kia sohojilemy rarybewãhãre. <sup>23</sup> Juhutyhy rarybere: —Kristu, rurukremy iribi tahe kedexixakremy rybe loosõna kidiwykremy judeu mahãdu-ò, tule judeukõdu mahãdu-ò.

<sup>24</sup> Tahe Paulo iximy rarybereu, Festu rryre: —Paulo, kai wa itxÿtere. Aõnityhymy tatyryitinyamahãte. Tai araky tebinanyta. <sup>25</sup> Tahe Paulo rirawyoõnyre: —Aõkõre wa, wanyrÿ Festu, bededinodu tyhy. Jiarÿ itxÿte aõkõre. Inatyhyrybemy rarybewãhãre. Warybe awi heka rare. <sup>26</sup> Tule Iòlò Agripa rierye ibutummy tuu tamy rarybere. Aõ wasina aõkõ rarybere. Iòlò Agripa. <sup>27</sup> Aõbo Deuxu rybedu mahãdu riritinye aõbo, kai tetyhynymahãte. Reerye jiarÿ, kai tetyhynymahãte. <sup>28</sup> Tahe Agripa riixãwididÿÿnyre rybe-ribi: —Kai, aõbo, Paulo, aõwesele ityhydÿÿdumy aronykemy wadi tahõtinyte, wadee tarybeteki. <sup>29</sup> Paulo rirawyoõnyre: —Kohe, wadee awire, kai tulekemy. Ibutummy kaki wawesekemy adi rahõtinyre. Kai tule warybe sõwemy aõbo ada aõkõre aõbo Deuxu bityhynybenykemy watxiwãhãre tule wajohonana-wana. Aõna sohojidile taanamy aõkõ watxireri, wawomati reroti-di taanamy atxiteri.

<sup>30</sup> Idi tahe bede dinodu, iòlò, Benise, ibutummy he rÿire ròirenyre. <sup>31</sup> Wídee reny wiwesele røhõtinyre. Ka hãbu tìmyhe rubudÿÿona he ròtena-ki irutysyõna he, tii dori aõhe rotÿÿnyõtìyhy aõna aõnany. <sup>32</sup> Tahe Agripa Festu-ò rarybere: —Rikiteõnyrenyke idi watxireri, tahe tii inihe iòlòtyhyle rarybekemy ixidi ratxireri. Tai kÿnyhe, txioinihe, aõkõre.

## 27

<sup>1</sup> Tahe rexiywiny my rexihurennyre Italia bede-ò, Roma hãwã-ò aroirenykremy hãwò-di. Tahe ròtenayrubudÿÿduò tii-wana rakre, irubudÿÿdu renymy. Julio inire. Tii iòlò yrubudÿÿdu mahãdu dinoduò rare. Ridyrennyre Paulo ròtena woludu mahãdu-wana. Jiarÿ, Luka tule ihemy rare. <sup>2</sup> Tahe rerõnyre yhywydyna lawò-ò. Adrÿmitxiludu tahe kia lawò rare. Tule hãbuò wawana rare. Aristarku inire. Tii Macedonia bede ludoò rare. Tesalonía ihãwã rare. Tahe hãwò rexihynyrennyre adòikemy Asia bede-ò. Tahe ròirenyre. Ijõtìxu biòwa Sidoma beãbeã-ò rehemynyre. <sup>3</sup> Paulo taery mahãdu roramy rakemy ratximyhyre. Tahe Julio Paulo-di itxeredu ririra. Tai tahe Julio awi heka rare Paulo dee. Julio Paulo riywiywiny my idi ratxirerimy ihÿre. Julio Paulo riteõnyre titxibo rakelemy. Paulo ery mahãdu aõna aõna tamy riwahinyre. <sup>4-5</sup> Tahe iribi ròhõnyrennyre. Xibri bedebute roosibymy ralore yhy dori tiribi tiribi reamyhÿreki. Tahe iribi riòlõnyre. Tahe Silisia bede-ribi riòlõnyre, tule Panfilia bede-ribi ijò bede-ò reronyre. Tahe Miha hãwã-ò ritehemynyre Lisia bede-ki. <sup>6</sup> Tai soldado dinodu hãwò nihikÿ riijemyhÿu, ihe-ki roikemy, tahe ijò-ki rahare Alexÿdria ludoò-ò. Hãwò tahe rexiywiny myhyre rakremy Italia bede-ò. Tahe wadeereny rarybere: —Borukubenyke yhywydyna lawòro-ò. Tahe ixityre roirenyre. <sup>7</sup> Sõwemy heka txuu wadireny rÿire. Urihimyòle rexihewãhãrennyre. Isirare heka Kinidu hãwã-ò dehemynyÿ. Ihãrele tahe rethemynyre Samona hãwã mynatyhyle rarõrennyre. Iribi Kreta bedebute roosibymy ralore yhydori tiribi tiribi reamyhÿreki. <sup>8</sup> Tahe ywimy suò iòlò iòlò adoiwãhãdenyde ihyy tahe rethemynyre Rywihikÿmy ninadu-ò. Kia heka Laseia hãwã-ribi iòhòre.

<sup>9</sup> Sõwetyhymy txuu wadireny rÿire yhynihikÿ bina òraru-ki. Inarehe lisina txu-ribi ròhõnyre. Tai tahe bededÿÿnana ibutummy roimynyre. Tai rebunamy bede roimynyre. <sup>10</sup> Paulo tahe tamyreny rarybere: —Wanyrÿboho, ka tÿina isiratyhykre inydeereny. Inyonanarenny iòhãrure aõna aõna ibutummy inyribireny ituekre, hãwò rabohokre ada ijò aõbo rikururennyre. <sup>11</sup> Tahe soldado dinodu Paulo rybe rityhynyõhyre. Yhylawò wedu tòruludu-wana tii rityhynyre. <sup>12</sup> Yhylawò wedu, tòruludu-wana iwitziramy ròhõtiny myhyre, beòra tai riekòkemy beà dori ibinareki. Ijò tule tahe roirenykemy ixide ihÿrennyre rehemynykemy Fenisia beã-ò. Kia heka Kreta bedebute beàò rare. Biuweribitya-txi ròròmnyhyre, tai awire kia beà, beòra bede riwykemy. <sup>13</sup> Ijò rarybere: —Rikoirenyke, yhy dori rebonyreri, tamy rekehemyrennykemy. Tahe womatisana riukore. Roirenyre yhy-di. Tahe iòhõmy Kreta bedebute rotÿÿnyra. <sup>14</sup> Aõwesele heka yhy nihikÿ dehemynyde bedebro-ribi. Kia yhy nihikÿ iraro bedebro ludu inire. <sup>15</sup> Ka yhy nihikÿ taruru-di riwyre hãwò nihikÿ. Juhu yhynonana weribi-ò riwisÿnyre. Idi iwo rexierye ixinamy riwyre yhyòkesena-ò. <sup>16</sup> Tahe rehemnyhyre Lauda bedebute-ò irosibymy tahe ralore. Tai hãwò nihikÿwo-ki hãwòriòre riwyre. <sup>17</sup> Idi tahe ròhõtinyre hãwò nihikÿ rabòhòke-txi roholarennyre, tai tahe ritaarennyre iwetya-txi. Tahe ruberurennyre, Libiamy ninadu beòlau, tahe welòhòkÿ ritare iribi rexitarennykemy. <sup>18</sup> Ijõtìxu roirenyre yhynihikÿ tamy realemy iu, tai tahe aõna aõna-di rehure ibutummy rawetarikemy. <sup>19</sup> Tasÿ txuò idireny reare. Idi rehurennyre aõmybo rekoakõmyhÿrennyredi rawetarityhykemy. <sup>20</sup> Txu sõwemy rewyrennyre txummy, tainamy ribi renyõhyre. Yhynihikÿ reamyhÿ. Tai sõwemy ruberumy rÿimnyhÿ rubu lau. <sup>21</sup> Sõwemy heka bededÿÿnana riwyre roxiõhy. Tahe Paulo iyrenny-ki rÿire, tahe tamyreny rarybere: —Wanyrÿboho, warybe-ò taholaõhytenyte Kreta-ribi ròhõnyrennyre. Aratohonyrennyre

iribi inyboho kodoikõkemy. Boholabenybe-wana ta inihe aõna itueõhyre. <sup>22</sup> Ihãrele tahe deysana-di adeereny ararybekre. Inyõ ruruõtyhy, hãwõ nihikÿ sohojile rabohokre. <sup>23</sup> Jiarÿ dori Deuxu deõdu rare. Kaurumy dori Deuxu ÿju wadee nade. <sup>24</sup> Tahe rarybere: — Paulo, brebuõmy. Kai iõlõko-õ makre. Deuxu dori ruxetõena kidiwahinykre. Tiu heka aruburenyõna aijoi-wana. <sup>25</sup> Tahe wanyrÿboho, brebuõmyreny. Jiarÿ dori Deuxu retyhynyre, iwese wadee rarybere wese, rarekre. <sup>26</sup> Urile tahe inyboho kiditehemynydenykre bedebuteõ-õ. Kia tahe Paulo rarybere.

<sup>27</sup> Waõinaubiõwa rummy beronihikÿ tya-ki bede riijemy roiremyhÿ. Adria beronihikÿ-ki roirenyreu, tahe ruty-txi hãwõ nihikÿ aõna hydÿÿdu su iõhõmy roholareny. <sup>28</sup> Tahe beõ urihixina-di riurihire, wawio dera urihixinamy beõ riurihire. Idi iko-txi ixityre riurihire tai waiyre dera urihixinamy rummy. <sup>29</sup> Tahe rahõtinyreny manale tai roimyhÿremy. Tai tahe manatisana-di inaubiõwa lõru ludu-ribi rehurennyre. Iribi rexitõenyre wylemy txuu kanatÿnykemy. <sup>30</sup> Hãwõ aõna hydÿÿdu mahãdu hãwõ riõre riwesere bera-õ. Idi risÿnyre iõ manatisana ritidikremy hãwõ jura-ribi. Urile tahe rahenykremy rõhõtinyre. <sup>31</sup> Paulo tahe rierymyhÿ tahe soldado wedu-õ rarybere: —Soldado mahãdu tule roholare: <sup>32</sup> —Hãwõ aõnahydÿÿdu mahãdu hãwõ nihikÿkÿro-ki rariõrenyeki, kaiboho atuerenyke. Tai tahe soldado hãwõ riõre reroti riãrore tahe resere bera-txi rahenyre. <sup>33</sup> Txuu iõhõmy natÿnyde, tahe Paulo tamy rarybere: —Wiji waõ inaubiõwa txummy kaiboho teraõteny tebyretenyõhy. <sup>34</sup> Iõ birÿsÿbenyke, arurureny rexiõlõnykemy, kaibohoõ dori burubenyõtyhy. Aradeti sohojiõ tiu iõõtyhy. <sup>35</sup> Rarybemy rahudi tahe, paõ sohoji Paulo rummy. Ibutura-õ Deuxumy reãlare. Idi tahe paõ riorore, riyre. <sup>36</sup> Iõ reny reysarennyre, taita tule riyrennyre. <sup>37</sup> Tahe 276 iny hãworo-ki roirenyre. <sup>38</sup> Tahe ibutumy iwo rihyrennyre tahe maixõmo wesena-di rehurennyre hãwõ nihikÿ rawetarinykemy. <sup>39</sup> Bede ratÿnyreu, inyõ rieryõhyre titxiribibo nade. Tuu robirenyre iworywo-ki ÿnyra tai roimyhÿremy tahe inyõ rieryõlemyhÿre. Wídee raryberenyre: —Rikirõnyrenyke hãwõ-di iwo-txi. <sup>40-41</sup> Tahe manatisana riukõrennyre tahe welõ riderenrya hãwojura-õ irarõõna riesere. Tahe riteleny realõkemy. Urile esetere tiõ tiõle hãwõ ridymyhÿ beõ õhõkÿle idi rehure rorokõhõkÿle, rummy taile õbõ hãwõlõru ribohonyre. <sup>42</sup> Soldado mahãdu rõhõtinyre rõtena mahãdu rahenyketxi. Tai rirubunykeny rõhõtinyre bede-õ robunyke lau. <sup>43</sup> Soldado wedu tahe Paulo ritõenyre rubu lau, tai tahe ritõenyre rirubunyõhyre: —Tibo alobueryre, juhuu suõ rakemy, soldado wedu kia rarybere. <sup>44</sup> Tibo alobueryõke tahe õwõru ãre hãwõ-ribi rummy idi rakre. Kiamy heka ibutumy rethemynyre su-õ, inyõ ruruõhyre.

## 28

<sup>1</sup> Tai tahe taisÿdu mahãdu-txi rekoare. Tii bedebutenimy inydee relyyre. Malta heka inire. <sup>2</sup> Biu riwasebenyrennyre yhyjutyty riwasarennyre. Tai tahe tiõboho heõty riworonyrennyre wahetõnarenny. Tiõboho riwawisinanyrennyre awimyy wadireny roiremyhÿ. <sup>3</sup> Paulo hee ributunyyre heõtyworonamy. Idi rehureu, hemylala he wo-ribi heõty lau rõhõnyre, tai ruruare Paulo debõ-ki. <sup>4</sup> Tusÿdu mahãdu tuu robire tahe rarybere: —Ka hãbu rubudÿÿdu õsÿny rare. Tii heka ruruõre bera-õ, ka tahe kidiõwynykre inyõ õsÿny rirubunyreki wahe, rurukre heka. <sup>5</sup> Paulo tahe hemylala tebõ-ribi riatyre heõtyru-txi. Ta aõhõkÿmy rotÿnyõhyre. <sup>6</sup> Tahe imahãdu idi rethemyy rÿimyhÿ tarubulemy resekeõ, ada tebõ ratarinybohokeõ aõbo. Sõwemy riraõre, aõhebo rotÿnyke, tahe aõkõhyre. Tai tahe iwitxiramy rõhõtinyrennyre: —Tii deuxuõle õsÿny ratxireri. Tiõboho raryberenyre kia.

<sup>7-8</sup> Hetoõ tai iõhõmy rÿire, Publio iwedure. Tii heka ityhy rare iwedu rare kabedebute-ki, tii bedeõtiidÿÿna rare. Tai taheto-õ riwadyrennyre. Awihyyle wadireny raremyhÿ. Publio tyby tahe rubunamy rurumyhÿ. Busu-di ratximyhÿ. Tai tahe Paulo iroramy rare. Tebõ ityre ritidire, rexitõenyre, tahe riteytennyre. <sup>9</sup> Tai tahe ibutumy bedebute ludu webinadu Paulo dee wii rotyre. Ibutumy reyterenyre. <sup>10</sup> Tai tahe uriiõno inydeereny riwahinyre aõna aõna. Sõwemy rÿsÿna hãworo-õ rahyre inydeereny. Kia hãwõ beõra bede kia beã-ki riwyre.

<sup>11</sup> Txuõkuro hãwõ ni rare. Kia ni ihiju rare. Ideuxu ritxoo inatxi rare. Hãwõ Alexÿdria hãwã ludu rare. Tahe rahõnyrennyre. Inataõ ahãdumy bede wadireny rÿidi. <sup>12</sup> Sirausa hãwã-õ rethemynyre. Tai tahe inataõ txummy wadireny rÿire. <sup>13</sup> Iribi tahe Rejio hãwãmy rekoarennyre. Ijõtxu tahe Pozuli-õ reõlõnyre. Inatxi txu-di rethemynyre yhy ibõõ-ribi debonydeki. <sup>14</sup> Tai seriõreõ ratximyhÿ. Tiõboho rexitõenyrennyre tii-wana ratxikemy debõinatxi reurõ txummy. Kiamy heka Roma hãwã-õ roirenyre. <sup>15</sup> Roma ityhydÿÿdu mahãdu roholare jiarÿboho rethemynyrennyre. Tai tahe doidenyde Apio hãwã ube-õ. Tule aõ-di ijohona Heto Inataõ hãwã-õ doidenyde. Paulo tiõboho robireu, Deuxu reãlamyhÿ, reysamyhÿre.

<sup>16</sup> Tahe Roma hãwã-ki Paulo ixideewimyy rasÿnyre. Urile soldadoõ aõu aõu tii-wana ratximyhÿ.

<sup>17</sup>Inataõ txumy bedede idi rÿidi, Paulo ributunyre judeu mahãdu dinodu. Wii ributunyre, tamyreny rarybere: —Wanyrÿboho, waseriõreboho, jiarÿ aõ rewinykõre waijoi Judeu mahãdu dee. Tule lahirybe õnosõna ratyrene aõ rewinyõhyre. Ihãre judeu dinodu riwamyre. Tahe diwahinyde Roma dinodu mahãdu-õ. <sup>18</sup>Tiiboho heka riwatÿÿraxinyre ibutumy. aõ heka waki ibinamy rahaõhyre. Tai tahe riwateõnyrenykemy ratxirenyreri. <sup>19</sup>Waijoi tahe Judeu ijoi heka waõludureri. Tai tahe Iõlõ-õ jiarÿ rarybere arakemy. Aõ dori waijoi dee waõraruõre. <sup>20</sup>Tai heka arabutunyre, warybe-õ boholabenykemy, wadi retehekemy womati reroti-di riwataataara. Judeu mahãdu rarõsõna õraru-ki kawesemy watxireri. <sup>21</sup>Tahe judeu dinodu mahãdu rirawyõnyre: —Aõkõre, inyõ rehemynyõre Judeia bederi-ri. Ijyybinamy umy relyyõre. Inyseriõre mahãduõ kaõ dehemynyõde. <sup>22</sup>Aroholarenkemy timybo tahõtinyamahãte-õ. Ityhydÿÿdu mahãdumy dori ibutumy aõbinahakÿlemy rarybereri. Kia judeu mahãdu dinodu raryberenyre.

<sup>23</sup>Tahe riywinyre itxu Paulo rybe-õ ijohonamy. Idi tahe Paulo heto-õ sõwemy iny doidenyde tamy roholakemy. Tii Deuxu ijyy ritÿnynyre rudiu rexidelenyde, txioromy rexihure Moisesi Tyriti ritÿnynyre tule ijõ rybedu Tyriti-di ritÿnynyre, iwese Jesuisi Iõlõtyhy kanatxikre wese kabede-ki. Kia Jesuisi aõmydÿÿnanamy ritÿnynyre. <sup>24</sup>Ijõ roholare aõmybo Paulo rarybereõ, Jesuisi rityhynyrenyde. Ijõ tahe aõkõre, rityhynyõre. <sup>25</sup>Ijõ teramy reare. Rÿire, rõhõnykemy. Tahe Paulo tamyreny rarybere: —Deuxu Tytybytyhy booreny dee rarybere Isaia tyriti-ki. Awimy rare. Kawese roire:

<sup>26-27</sup>—Makre tamy marybekre: —Boholabenyke, ta tiu aerysyrenyõna. Betehekre arue-di, ihãre tahe aerysyrenyõna. Iruereny, iraykyreny, tõhõtireny ritõbõnymahãrenyde. Tai tiu tiiboho robirenyõtyhy, rieryrenyõtyhy, roholarenyõtyhy. Tai diwaty-hynyõhyymyhÿde. Tai heka iõraru-ribi ariteytenyõkre.

<sup>28</sup>Bierimy boibeke Deuxu tarasana judeukõdu mahãdu-õ rare. Tiiboho dori roholarenkre. <sup>29</sup>Paulo tarybe rahudi tahe, judeu mahãdu rõhõnyrenymy sõwemy widee rarybemyhÿrenyde.

<sup>30</sup>Roma hãwã-ki Paulo rasÿnyre inatxi beõramy tahetohuõtenawo-ki. Ibutumy heka dÿÿraximy iheto-õ rehemynyrenyde, Paulo ridyre tamy rarybekemy. <sup>31</sup>Deuxu Iõlõnamy Paulo iruru-di relyyhyymyhÿre. Inynyrÿ Jesuisi Kristu aõna aõnamy rierynanymyhÿre. Tiu inyõ aõhõkÿmy risÿnyõmyhÿre Paulo rybe xãwikemy.



## Roma Paulo Ryberiti Roma mahādu-ò

<sup>1</sup> Paulo jiarý rare, tyyritiwidýýdure wahe. Jiarý heka Jesuisi Kristu deòdu rare. Tii riwatare rybe tñnydýýdumy ararekremy. Deuxu Rybewihiký wahidýýdumy ararekremy. <sup>2</sup> Juhuu dori Deuxu rarybere Rybewihiký riwahinykemy. Deuxu rybedu mahādu kia rybe riritinyre, Ritidýýnatyhy-ki. <sup>3</sup> Kiamy heka Deuxu Riòre rybe tyhydýýnamy rarybere, Davi riòre riòkòreò wahe. <sup>4</sup> Deuxu Jesuisi Kristu rubu-ribi riixixadýýnyreu, tariòremy tahe riteòsinyre rurunatyhy-di. Jesuisi tahe inatyhymy Inynyrý ihýre. <sup>5</sup> Tii ruxetòena inydeereny riwahinyre. Irybe òraru-ki, jiarýboho aròirenykemy watzixireri. Ityhyna aritýnykemy judeukòdu mahādu-ò, tai tiiboho rityhynyrenykyre. <sup>6</sup> Kaiboho tule judeukòdu mahādu atxitenyteri. Tahe Deuxu ityhydýýna mahādu atxitenyteri, Jesuisi Kristu ijoimy rýrakemy adeereny rarybereki. <sup>7</sup> Ibutumy adeereny warybe rewahinyre, Kia Deuxu taijoimy remyremy mahādu wahe. Ruxetòena, ywina-wana adeereny-ò kanakemy watzixireri, Deuxu inytyby-ribi tule Jesuisi Kristu iny wedu-ribi. Tii dori adeereny irybe riwahinyreki.

<sup>8</sup> Umyreny Deuxu-ò realāmahāre, atyhynareny-ò iny ibutumy roholamyhýreki. <sup>9</sup> Deuxu-ò rexitòenymahāreu, anirenymy rarybehymy watzixiwāhāre. Kia heka Deuxu rieryre, waworibityhy tahe jiarý Deuxu deòdumy rare. Iriòre Rybewihiký-di wahe. <sup>10</sup> Jiarý rexitòenymy watzixiwāhāre arorarenymy arakemy Deuxudeewikeki. <sup>11</sup> Umyreny arabikemy watzixireri, tai adeereny arelyykemy aomydýý wihikýò Deuxu Tyytybytyhy. Tule kaiboho wadee tuu belyybenykre. Tai tahe atyhynareny-ki ityhymy relekre. <sup>12</sup> Jiarý arawiòhenanykemy watzixireri, tule kai biwawiòhenanykemy watzixireri. Tai rikexideysanytyhykemy inatyhyna-ò. <sup>13</sup> Sòwemy heka arahyykemy watzixiwāhāre arorarenymy. Iribi nohòti losaomy tahe wadi rarurunymyhyre aòbo, riwateònyòhyymyhyre heka. Jiarý Deuxu dee waamysýdýýna awikemy watzixireri ayreny-ki. Tai kaiboho ako-ò boikemy wadee awire, iwese ijò judeukòdu mahādu-ò ararybekremy watzixireri wese. <sup>14-15</sup> Tuheka ibutu iny-ò ararybekremy watzixireri, hāwā witzira witzira mahādu-ò, tule. Iny mahādu-ò aòkòre mahādu-ò tule. Tuu ariwinykre ibutumy iny-ò, iny bedeeryrenyò mahādu-ò tule. Adeereny tule Rybewihikýmy arelyykemy watzixireri Roma hāwā ludu mahādu-ò.

<sup>16</sup> Jiarý dori Kristu Rybewihiký-ki araixýruòtyhy. Irybe dori Deuxu ruru rare. Ibutumy iny rityhynykeki ritakemy ratxikre. Judeu mahādu-ò juhuu nade tai tahe iuhe-ò judeukòdu mahādu-ò. <sup>17</sup> Deuxu òbitima ratýnynymy namyhyde Rybewihikýwo-ribi. Tyhyna-di rite-lenyre tule tyhyna-di ihýmyhyre. Inyò tyhyna-di òbitimy rýikeki, tii ruruòtyhy, idi awimy rareki.

<sup>18</sup> Deuxu yarana biu-ribi namyhyde ibutu òraruna hudunamy. Iwidýýdu hudunamy. Bina widýýdu dori inatyhyna ribinanymyhyre, raruinymyhyre Deuxu rybe ribynymyhyre? <sup>19</sup> Deuxu eryna ibutumy iny-ò riwahinyre. Deuxule tamy riwahinyre. Tai timybo Deuxu raremy tahe tiiboho rieryhymyhyre. Tai Deuxu aòhòkým rixýnymyhyrenyre. <sup>20</sup> Juhuhukýle heka Deuxu aomydýýnanamy iny robimyhyre idi tii tyhynamy tule rierymyhyre itýnyhýkýlemy, irurunahyy wahe. Aòu aòu kia ibutumy iny rierymyhyre, Deuxu widýýnamy iny robireki wahe. Tai tiu iny ixitxiòdýýna. <sup>21</sup> Rieryrenyre tii Deuxumy raremy. Tahe rexiwowydnyòhyre timybo iny Deuxu dee rexiwowydnyymyhykemy wahe. Tamy àlanatyhy riwahinyòhyymyhyre. Idi ròhòtinymyhyrenyre Deuxu irayky ròhòtinymyhyre wesemy idi ròhòtinymyhyre. Irayky tahe reòsamy ratximahāre. <sup>22</sup> Tiibohole bedeerytyhymy ixidi ròhòtinrenyry. Tahe itxýtele roire. <sup>23</sup> Deuxu rubutere rityhynykenawi tahe tiiboho heka ritxoo deuxuò ireije riwinymyhyrenyre tatyhydýýnamy. Ibinamy heka mywese riwinymyhyre, nawii wesemy, iròdu wesemy, iròdu bedemy riradu-wesemy. Rexiòkamy riramy riradu wesemy tahe rityhynymyhyrenyre.

<sup>24</sup> Deuxu heka òraruna-ò riwahinyrenyre, itxýtenareny òraru-ki. Iny òta òtadu mahādu heka wiwanale aòòta ixýruna riwinymyhyrenyre. <sup>25</sup> Deuxu inatyhyna dori tiiboho riwiurònyry ruina-ò. Ritxoo dee rexitòenynrenyre, aòbo Deuxu riwinyre, kia. Deuxule iny realàkòmyta ratximyhyrenyre.

<sup>26</sup> Deuxtutyhy tahe rityhynyòhyre, Deuxu ibutu widýýdu tiu ritealānymy rakonananyòtyhy. Kia òraru-ki òtaòtana nade. Hāwyy, hābu-wana aòkò roimyyhyre wideele heka aòhebo rotýnymyhyre. Kia heka òbiti aòkò rare. <sup>27</sup> Tule hābu, hāwyy-wana aòkò ròimyyhyre, wiwanale aòhebo rotýnymyhyre. Òbiti aòkò heka kia rare. Riwyrenykre kia òraru òwydýýna, aòhòkým dýýnana wahe. Iny sohoji sohoji taaòbina ixýruna òraru-ki ixidee rimykre.

<sup>28</sup> Tõhõti heka Deuxu-txi reaõhhyymyhÿre. Tai tahe timybo ixideewimy riwinyrenykemy roirenrye Deuxu-ribi. Tahe riwinyrenrye ibutumy aõbina binahakÿle. <sup>29</sup> Aõimy aõko ratx-imyhÿre aõbina bina-di roiremyhÿ: õtaõтана-di, aõbina binahakÿ-di, aõikõkõ-di, rarekemy ix-idee ririmyhÿre, teramy heka rÿira. Ihãru-di rÿira iny rubudÿÿmy dori rõhõtinyinmyhÿre, rary-behymy ratxirerimy ihÿre, ruidu nihikÿ ihÿre, ujõmo-di rÿira. <sup>30</sup> Aõbinamy inmy rarybe-myhÿre, Deuxu derare, ixiluulerenrye, rexityhynmyhÿre, õraru tÿmyra riwinyrenrye, tyby tadi-wana rityhynyõhyyre. <sup>31</sup> Irybe sohoji aõkõ heka rare. Iluunaõre, ibinatyhyre, inydee iruxetõeõre. <sup>32</sup> Deuxu rarybere: inyõ kia riwinykeki heka ruruke. Tiiboho kia rieryrenrye. Ihãre tahe aõhebo rotÿÿnyre. Kia sohojile aõkõ. Reysarenymyhÿre iny wixira iherenyki aõhe rutÿÿnykreki.

## 2

<sup>1</sup> Tutyhy-ki aõkõramy rybeõmy. Kai dori tutyhyle õraru tewinymahãõte. Inyõ rybemy ywisidÿÿna ijõmy rarybeke-wana ixilemy ywisidÿÿna-õ rexityhenyke. Tii dori kia ibutumy tule riwinymyhÿre ibinamy wahe. <sup>2</sup> Inyõ kia aõbina binahakÿ riwinymyhÿkeki, Deuxu ywisidÿÿna-õ inatyhynalemy tamy kõdõhõnykre. <sup>3</sup> Kai tuleke —kiamy biwinykeki, Deuxu ywisidÿÿna-ribi mahenyõtyhy. Kai dori ywisidÿÿdumy texideõsinyte ihãre tahe iõraru wesele tewinymahãte. <sup>4</sup> Deuxu ruxetõena sõwemy adi rexiruxetõenanymyhÿre. Kia-di bexirãhikemy adi ratxireri, tiemy ywimy aõna aõna bina riemyhÿre ratximyhÿre, awi heka adee rare. Kai aõbohe iribi õhõti rosakre kia heka arabedeõtiidÿÿnymyhÿre. Arabedewodÿÿnymyhÿre iõraru-ki. Kai aõbohe kia teeryõte? <sup>5</sup> Kai arybedÿÿsaeryõre rybe ijohona teeryõte õhõtiõre. Tai tahe Deuxu yarana ixideele tebutunymahãte. Ijõtxu Deuxu yarana txyumykre. Tai Deuxu ywisidÿÿdu õbiti rexitÿnynmy rÿikre. <sup>6</sup> Iny sohoji sohoji taaõna aõna myna aõmy rotÿÿnykre, aõhebo rotÿÿnymyhÿreki wahe. <sup>7</sup> Inyõ aõwidÿÿylemy ratximyhÿre. Tiiboho heka Deuxu wowydyna, Deuxu wohyna, Deuxu loosõna widÿÿmy rarutaamyhÿrenrye. Tule iny rarehykykrena-di rarutaamyhÿrenrye. Imyna Deuxu tamyneny riõkre. <sup>8</sup> Kia ixidile rõhõtinyinmyhÿre mahãdu tahe, Deuxu woxibrunale, yaranale ritakre. Tiiboho dori inatyhyna rityhynyõhyyemyhÿrenrye, aõ õbitile aõkõ riwinymyhÿrenrye. <sup>9</sup> Aõhõkÿmydÿÿnana, bedewona kanakre ibutumy aõbina bina widÿÿdu mahãdu-õ, judeu mahãdu-õ juhuu idi judeukõdu mahãdu-õ. <sup>10</sup> Wowydyna, àlana, ywina tahe kanakre aõwiwihikÿ widÿÿdu mahãdu-õ judeu mahãdu-õ juhu delemy idi judeukõdu mahãdu-õ. <sup>11</sup> Deuxu-õ heka ibutumy iny wiwese rare. <sup>12-16</sup> Tii heka aõhõkÿmy risÿnykre ibutumy iny õrarudu mahãdu. Moisesi bede ywina ihoõrehãrele tii rurukre. Judeukõdu mahãdu heka Moisesi bede ywina rybe ijõkõre. Tahe bede ywina iny rierykeki, idile Deuxu iõraru riywinykre. Inyõ Deuxu bede ywina rybe roholare tahe rityhynyõre, kia tahe Deuxu dee ibinatyhyre. Ibutumy kia iny rurukre, õtÿÿ iraykywokile aõbo ibinare, aõbo õbitire rierymyhÿreki. Deuxu bede ywina wesemy heka iraykywo-ki ratximyhÿre. Iraykywydyna rexinohõtinyinmyhÿre ada dexiõbitidÿÿnymyhÿde, Rybe wimy rarybemyhÿre Jesuisi Kristu heka hãbu aõmydÿÿna ritÿÿnykre imyna timy rarekremy. Deuxu dori iteradÿÿdure.

<sup>17</sup> Kaiboho, judeu mahãdu, texinohõtinytenyta ibutumy awiremy aDeuxureny-wana. Tii adeereny bede ywina rybe riwahinyreki, tii abiõwatyly rareki. <sup>18</sup> Kai heka aõbo Deuxu-õ awire teeryte. Aõbo ibinare, teeryte. Uladuule ibede ywina rybe teeryte, tai õbitityhyle adeereny awire. <sup>19</sup> Kai Deuxu-õ nonana bitÿnynye iny ruetã mahãdu-õ dori, kia teerytyhtenyteki. Ixi-di tahõtinytenyteki. Iwese, kaiboho loosõna wesemy toitemahã ixi-di tahõtinytenyte. <sup>20</sup> Tule kia ixi-di tahõtinytahãte. Kai bede erydÿÿdukõdu mahãdu erydÿÿdumy atxiterimy ixidi tahõtinytahãte. Uladu erydÿÿdumy atxiterimy ixi-di tahõtinytahãte. Kai bede ywina rybe tyyritiõ dire. Kia adee ibutumy inatyhyna rare bedeerydÿÿna. <sup>21</sup> Kai iny erydÿÿdumy atximahãte. Timyrekibo kai textierynanyõmahãte. Kai wasimy aõkõ tõerydÿÿnanymyhÿte. Timyrekibo tawasinymahãte. <sup>22</sup> Kai hãwyy õta aõkõ tetÿnynymahãte. Timyrekibo kai tuu tatÿÿnymahãte. Suritxoo dee àlana deramy iximy tarybemaãte. Aõherekibo erydÿÿ-ribi aõmydÿÿnana tewinymahãte. <sup>23</sup> Kai bede ywina rybe luumy iximy tarybemaãte. Kai Deuxu-di texixiwedenymyhÿte. Ihãre tahe bede ywina rybe tetyhynyõte. Kiawese Deuxu texirudÿÿnymyhÿte. <sup>24</sup> Iwese juhuu riritinyre wese wiji roimyhÿre: —Aõraru-ki tahe bedemy iny rÿira Deuxumy aõna aõnabinamy rarybemyhÿre. <sup>25</sup> Kai bede ywina rybe bityhinykeki, õtyky resynadike, awire judeu mahãdu dori rare. Tahe bede ywina rybe bityhynyõkeki, õtykyresyna adee aõ aõkõre. <sup>26-27</sup> Iwesetyhylemy iny rare tõtyky resynaõ mahãdu. Tiiboho bede ywina rybe rityhinykeki, tõtyky resyna-di mahãdu wesemy roirekre. Judeukõdu mahãdu heka bede ywina rybe rityhinykeki, kia adee ixÿruna rare. Kaiboho dori Deuxu bede ywina rybe tetyhynyõte õtyky resyna dire hãrele. Bede ywina rybe dire hãrele. <sup>28-29</sup> Inyõ judeu mahãdu wesemy ihÿre. Ihãre tahe judeu mahãdu inatyhy aõkõ rare. Tõtyky resyna-di judeu mahãdu inatyhy aõkõ rÿira. Judeu mahãdu inatyhy tawokihyyle kia idi rÿira. Iwesele notyky resynadÿÿna kia

rÿira. Inywokihyule rare. Aõ bede ywina rybekile aõkõ tuu rÿire inyrayky wydynadile kiawesemy inyõ rÿira. Hãbu-ribi wowodynamy ritaõtyhy, Deuxu ribile ritake.

### 3

<sup>1</sup> Tibohe judeu mahãdu deewinare. Noty resynale tamywina. Kia aõbo ibuturatyre awire judeu mahãdumy rareki? <sup>2</sup> Inatyhy rare, sõwemy, Deuxu dori tamy juhu Ritidÿÿna riwahinyre. <sup>3</sup> Inyõ rityhynyõre-wana kia riwiurõnyõhyymyhÿre Deuxu heka õbiti rare. <sup>4</sup> Inatyhy urenanamy Deuxu raremyhÿ. Iny mahãdu tahe roidumy rÿiramyhÿ. Iwese ritina-ki roire wese Deuxumy rarybereri: —Kai arybe õbitina-di atximahãte urenana wahe. Inyõ araurihikeki, kai inatyhy-na-di biõlõdÿÿnykre. <sup>5</sup> Inyboho õbiti aõkõ roire. Kia tahe Deuxu õbitina riteõsinyre. Tímykibo Deuxu inydee aõhõkÿmydÿÿnana riwahinykre. Mobo heka kia õbitimy aõkõ rarybekre. Jiarÿ hãbu rayky-di wese rarybereri. <sup>6</sup> Kia õbiti rare. Kiaweseõkeki timybo Deuxu bede aõhõkÿmy dÿÿnana riwahinykre. <sup>7-8</sup> Kai tarybete: —Jiarÿ raurira. Urile kia Deuxu inatyhy-na reteõsinyre. Aõherekibo Deuxu aõhõkÿmy riwasynyre. Kiarybe iwitxira rybewesemy rare: —Ibinamy rakatximyhÿkeki, awihikÿ kia-ribi rõhõnykre. Aõkõre, kiamy rybedu mahãdu aõhõkÿmy dÿÿnana ritamyhÿkre. Kia riki wamy rarybere, ruimy wahe.

<sup>9</sup> Aõhe aõbohe, inyboho aõbo inywitxira-ribi awityhyrenyore. Aõkõre. Jiarÿ reteõsinmahãre ibutumy judeu mahãdu, judeukõdu mahãdu ibutumy òrarudu roire. <sup>10</sup> Kiamy Tyriti-ki roire: —Tiu heka inyõ õbitiõre. <sup>11</sup> Inyõ heka Deuxu rieryõhyymyhÿre. Timy heka riõryõhyymyhÿre. <sup>12</sup> Ibutumy iny rexiõnonymyhÿre Deuxu-ribi wahe. Aõmy aõkõ tiiboho rexiwinyrenyore. Iny riuehõhyymyhÿre aõbo awiré. Sohoji aõkõ aõhebo rotÿÿnyre aõbo awiré. <sup>13</sup> Ibõtõjõ heka rubuwabede iraymy roimyhÿre rõwese rare. Tiiboho iny itxenadÿÿdu rare. Irybe heka hemylalatyhyju wese rare. <sup>14</sup> Aõbina binahakÿlemy heka inimy rarybemyhÿre. <sup>15</sup> Iti heka teyrewa rare hãlubu txiwimy iny rubudÿÿmy tule. <sup>16</sup> Tixibo ramyhÿre-wana heka aõbina binanale riwahinymyhÿre, aõhõkÿle ririmyhÿre. <sup>17</sup> Tiiboho dori ywimyno rieryõmymyhÿrenyore. <sup>18</sup> Deuxu lau heka ruberuõtyhymyhÿrenyore, Deuxu rityhynyõtyhy.

<sup>19</sup> Bede ywina rybe heka tatyhydÿÿna mahãdu-ò diõde. Kia tahe inyboho rieryrenyore. Tai heka iny rexitixiõnyõtyhy Deuxu-ò. Tai heka ibutu dee aõhõkÿmy dÿÿnana-ò riywinymy rÿikre. <sup>20</sup> Bede ywina rybe-ribi iny ibutumy rierye ibinamy ratxireri. Inyõ heka bede ywina rybe heka rityhynyõhyre. Tai tahe inyõ kia-di rexitaõtyhy iywina òraru-ki.

<sup>21</sup> Wiji tahe Deuxu õbitina ratÿÿnynymy ihÿre bede ywina rybe-ribi lahiximy. Ihetxiu rybedu-di kia ritÿÿnynymy ihÿre bede ywina rybe ritina-di. <sup>22</sup> Deuxu riõbitidÿÿnyra. Ibutumy Jesuisi Kristu tyhydÿÿdu kanakre. Deuxu dee dori ibutumy bede bede ludu wiweselere. <sup>23</sup> Ibutumy raõrarunymyhÿre. Deuxu õbitina tamy rauhenymyhÿre. <sup>24</sup> Deuxu taruxetõena-di ibutumy riõbitidÿÿnyre Jesuisi Kristu tarasadureki. Tii iny-ribi iõwdimya aõ rexitõenyõhyre. <sup>25</sup> Deuxu Jesuisi-di rubuna iny òraru riixãwididÿÿnyre iõwy tii riõwynara, iny kamy rityhynkemy. Kawese-ki Deuxu õbitina ritÿÿnyra. Juhuu Deuxu iny òraruna-ò reteheõmymyhÿre aõnityhymy iywisidÿÿna direki. <sup>26</sup> Tahe wiji inyõraru-ò retehemyhÿre riixãwididÿÿnykemy. Tai tahe tii õbitite tule Jesuisi Kristu tyhydÿÿdu õbitidÿÿdure. <sup>27</sup> Mobo Deuxu-ò rarybekre jiarÿ awiremy? Aõkõre, inyõ rarybeõtyhy. Bede ywina rybe tityhynyõte. Deuxu iny õbiti widÿÿdure, ibede ywina ywidÿÿ aõkõre. Inatyhynadile awityhymy iny rare. <sup>28</sup> Kiamy tahe raraykynyore iny ityhynadile riõbitidÿÿnyke bede ywina rybe ywidÿÿ aõbo? Aõkõre! <sup>29</sup> Deuxu aõbo, judeu mahãdu Deuxu sohojile rare? Aõkõre, judeukõdu mahãdu-ò tule Deuxu ihÿre. <sup>30</sup> Deuxu sohojile rare. Iny wiwanale riõbitidÿÿnykre judeu mahãdu judeukõdu mahãdu-wana. Ibutumy ityhyna òraru-ki riõbitidÿÿnyke.

<sup>31</sup> Ityhyna aõbo bede ywina rybe riixãwididÿÿnyra? Aõkõre, bede ywina ihãre rÿire.

### 4

<sup>1</sup> Timybo ararybekre inytybyreny Abraõmy. <sup>2</sup> Aõbo riwinyre aõkõ idi rexiõbitidÿÿnyre. Tai tahe rexitihynyke inyko-ò. Tahe Deuxuko-ò aõkõ. <sup>3</sup> Kamy heka Ritidÿÿna-ki roire: —Abraõ heka Deuxu rityhynyre taile tahe rexiõbitidÿÿnyre. Deuxu dee tii õbitityhy rare tii rityhynyreke. <sup>4</sup> Iny aõmysÿdÿÿdu raõwymyhÿke iaõmysÿdÿÿna myna. Urimy aõkõ dori raõwymyhÿre taaõmysÿdÿÿnaõwyle dori ritamyhÿre. <sup>5</sup> Inyõ rityhynymyhÿkeki, tii õbitina ritamyhÿre Deuxu-ribi. Deuxu dori òrarudu mahãdu õbitina widÿÿdu rare. Kia uriõno rare. <sup>6</sup> Davi heka juhuu riritinyre iwese teysatyhymy iny rarekremy wahe. Deuxu dori õbiti mahãdu dee riraykydÿÿnyre õbitimy roirekemy. Tii ixidee aõ riwinyõre. Davi kiawese riritinyre: <sup>7</sup> —Teysatyhymy iny rÿirakemy Deuxu iõraru riixãwididÿÿnyreu tõhõti-ribi iõraru rosakeu. <sup>8</sup> Teysatyhymy iny rÿirakemy iõraru-txi Inynyrÿ nõhõti ijeraõmy ihÿkre. <sup>9</sup> Deysana aõbo judeu mahãdu sohojile riteysanymyhÿre ida judeukõdu mahãdu tule. Tulere! Inyboho dori rarybere: —Abraõ tyhynale tamy õbitina diwahinymyhÿde. <sup>10</sup> Tiubo tahe Abraõ õbitina

ritare notyky resynako-ki ada ihewo-ki aõbo, ikoure. <sup>11</sup> Juhuu dori rityhynre idi ta notyky resyna tamy nade kia tyhyna Deuxu-ò riteõsinyreki. Tai tule õbitina Deuxu tamy riwahinyre. Kia butu tyhydÿÿdu tyby wese rare, Judeukõ mahãdu wahe. <sup>12</sup> Notyky resynako-ki õbitina ritare. Tõtyky resyna-di mahãdu tyby wesemy riki Abraõ ratximyhÿre. Tiile tõtyky resynakõ-ki Deuxu rityhynytyhymyhÿre. <sup>13</sup> Deuxu Abraõ-ò rarybere tii ibutu bede bede wedu wesemy ratximyhÿre iriõre iribi rimykemy. Tahe bede ywina rybe õraru-ki aõkõ tuu ihÿre, ityhyna õbitina õrarukile wahe. <sup>14</sup> Bede ywina rybe-ribi tybie tahe itarasadumy ratxikre, tai tahe inatyhyna aõ aõkõ rare. Aõbo Deuxu rarybere aõmy aõkõ rare. Tahe roirekre. <sup>15</sup> Bede ywina rybe dori Deuxu aõhõkÿmy dÿÿnana diõde iny ribedeerynykemy. Teysana aõkõ wahe. Bede ywina rybekõki, timyki iny aõ ityhynyõna. Bede ywina rybe ijõõre-wana õraruna ijõõre. <sup>16</sup> Tahe inatyhyna-di sohojile iny aõna aõna wiwihikÿ ritamyhÿke. Tai iruxetõena-ribi nade. Tahe aõmybo Deuxu rarybere ibutu riõreriõremy tuu rÿikre. Bede ywina rybe mahãdu tule bede ywina rybekõdu mahãdu-wana wiwana Deuxu rityhynre. Abraõ riõre wesemy ibutamy tai inyboho roire. <sup>17</sup> Iwese Ritina-ki roire wese: —Jiarÿ aratare ibutu inytyby wesemy mabekemy. Ibutamy iny rityhynre-wana, iwese Abraõ rityhynre wese, iwese-ki Deuxu ritare. Deuxu tahe rubu mahãdu riixixanymyhÿre rubu-ribi. Tii rarybekeu aõ aõkõ aõwesele tii aõ heka rare. Tii rarybere tule riwinyre. Abraõ heka Deuxu rybe rityhynre. <sup>18</sup> Timy heka rariõrenykemy ixidee rõhõtinyõhymyhÿre. Deuxu dori tamy rarybere: —Kai heka ariõkõreny sõwemy atximyhÿkre. Kai hãwã hãwã tybmy mabekre. <sup>19</sup> Abraõ tatyhyna ritxiõnyõhyre. Timy heka 100 beõramy idi ratximyhÿre, ixãwire uladu-ribi ramatuarinyreki. Tule ihãwy Sara iuladu herina-di kõremy rõhõtinyre. <sup>20</sup> Timy heka ritxiõnyõhyre Deuxu Rybe. Rityhynymyhÿre Deuxu dealãna riwowydynre. <sup>21</sup> Tii heka rierymyhÿre Deuxu irurudire irybe wesemy aõ rÿikemy. <sup>22</sup> Tai tahe Deuxu tamy õbitina tamy diwahinyde. <sup>23</sup> Aõ iõraruki aõkõ kia ryberitina awimy raeryre, tamy sohojile aõkõ dori rarybere. <sup>24</sup> Iny õraru-ki tule kia tuu roire. Iny tule inatyhyna-di õbitina ritakre. Inyboho dori rityhynymyhÿre, Inynyrÿ Jesuisi rubu-ribi ixixana widÿÿdu Deuxu rarem. <sup>25</sup> Jesuisi iõludu-ò iwahidÿÿmy rara inyõrarureny-ki tai rurure. Tahe iny õbitina wahidÿÿna-ò diixixandyde rubu-ribi.

## 5

<sup>1</sup> Jesuisi tyhydÿÿ õraru-ki Deuxu inyboho rimyreny. Idi awimy rokoirekremy tii-wana, Jesuisi Kristu-wana wahe. <sup>2</sup> Deuxu ruxetõenawo-ki inyboho rotamanymyhÿreny. Jesuisi Kristu tyhydÿÿna õraru-ki tamy rotamanymyhÿre. Deuxu loosõna worojuxana-ò di rokoirekre. Tai inyboho reysamy ihÿre. <sup>3</sup> Inyboho bedewona-di hyy ihÿyrene. Ihãrele tahe inyboho teysarenre. Kia dori iny riwiõhenynymyhÿre rarõsõna ijõdikemy ruru inydeereny riwahinykemy. <sup>4</sup> Inyboho rikiijerenyhykeki, Deuxudeewimy rikiwinyrenyke. Deuxudeewina rikiwinyrenykeki, rarõsõna rikitarenyke. <sup>5</sup> Iny rarõsõna tarasana aõkõkeki, uritere rakabedewõtyhy, Deuxuluuna dori inyo-ki ratxireri. Deuxu Tyatybytyhymy inydeereny wahidÿÿna rare. Tii dori inyworeny-ki Deuxuluuna ritidire. <sup>6</sup> Iruruõmy inyboho roiremyhÿre awimy riwinykemy. Tai tahe Kristu inydeereny, inyboho ibinare hãre rurure, Deuxudeewireu. <sup>7</sup> Isirare inyõ hãbu õbiti dee ruruke. Tahe hãbu wiwihikÿ dee õsana iny ruruke, kia heka irutaõre. <sup>8</sup> Deuxu tahe luunatyhy inydeereny diteõnyde. Iny õrarudurenre hãre, Kristu inykireny rurure. Juhuu heka inyboho õrarudu roire. Ihãrele Deuxu taluuna nihikÿ inydeereny diteõsinyde. Tai heka Kristu inyõrarureny-ki rurure. <sup>9</sup> Irubuna õraru-ki heka Deuxuru-ò inyboho õbitimy ihÿyreny. Irubuna tahe kia riwinyreki irumy inonana tahe iratyre rarekre inydeereny wahe. Deuxu ykarana-ribi Kristu dori iny ritamyhÿre. <sup>10</sup> Juhuu Deuxu õludu inyboho roire. Tahe wiji ibiõwamy inyboho roire, iriõre iny õrarureny-ki rurureki, wahe. Wiji tahe rybe õludu mahãdu-ribi wiutãdanamy rÿire. Ibutu kia heka Kristu õraru-ki sohojile ture. Tai iny teysamy roire Deuxu rityhynreki. <sup>11</sup> Inyboho heka iwitxira Deuxu-wana ratximyhÿreny. Tai tahe reysamy ratximyhÿre. Inyboho Deuxu biõwamy ratximyhÿreny. Jesuisi Kristu Inynyrÿ õraru-ki heka ture.

<sup>12</sup> Hãbu sohoji õraru-ki õraruna bede-ki ralore juhuu, Adaõ õraru-ki wahe. Taile tahe rubu nade bede-ki. Idi ibutamy iny raõrarunre. Adaõ õraruna-txi resereu, rubu ibutamy iny-ò resere. <sup>13-14</sup> Juhuu Adaõ rurure. Iribi tahe ibutamy iny rurure. Moisesi tule rurure. Tahe bede ywina õraru-ki aõkõ tiiboho rurure. Bede ywina dori Adaõ rubu hewo-ò Deuxu riwahinyre Moisesi-ò. Deuxu heka iny õrarunamy aõkõ rõhõtinyre, tabede ywina dori kiau riwahinyõre. Adaõ heka Deuxu rybe rityhynyõre, tai tahe rurure iwese Deuxu rarybere wese. Tule iõraruna õraru-ki ibutamy iny raõrarunymyhÿreny. Adaõ heka Jesuisi-ò rakewesenanykre. <sup>15</sup> Tiiboho wiwanale aõ kabede-ò aõ diwymyhÿdenyde. Adaõ heka rubu diwyde. Jesuisi heka runa diwyde. Adaõ heka sõwemy iny-ò rubu riwahinyre. Jesuisi tahe sõwetyhy-ò Deuxu ruxetõena riwahinyre, tarasana tamyreny riwahinyre. Óraruna sohoji-di heka Adaõ rubu riwahinyre ibutu iny-ò. Jesuisi tahe ibutamy

iny-ò biu-ò hena riwahinykemy ratxireri iòaruna sòwera hãrele. Umytuedeòna wahidÿÿdu tii ratxireri. Kia awityhyre. <sup>16-17</sup> Inatyhymy Adaò widÿÿna ibinare. Jesuisi widÿÿna heka awityhymy rare inydeereny. Inyboho dori Jesuisi-wana irumy ratxirenyre aõu aõu kowa bede wihikÿ-ki, Deuxu òraru-ki. <sup>18</sup> Aõhòkÿmy dÿÿnana heka Adaò widÿÿna diwyde ibutumy iny-ò. Jesuisi tahe òbitina diwyde ibutumy inydeereny. <sup>19</sup> Adaò heka Deuxu rybe rityhynyòre. Tai iny sòwemy òraruna-txi resere. Jesuisi tahe Deuxu rybe rityhynyre. Tai iny sòwemy heka òraruna-ribi ritare. <sup>20</sup> Deuxu tabede ywina rybe riwahinyre. Tai tahe iny aõbina rierymyhÿre. Òraruna-di sòwemy ihÿreki, tai Deuxu ruxetòena sòwetyhymy ihÿre. <sup>21</sup> Juhuu òraruna ratximyhÿre iny umyreny-ki. Inydeereny rubule riwahinyreny. Wijile tahe Deuxu ruxetòena riwahinyre inyumyreny-ò, inyraykyreny-ò. Òbitina inydeereny riwahinyre Deuxuko-txi. Jesuisi Kristu Inynyrÿ òraru-ki heka, umytedeòna inyboho ijòdire.

## 6

<sup>1</sup> Timykibo Deuxu inydireny rexiruxetòenykeu watzireri Deuxu ire inydireny raruxetòenykemy ire rexiorarananyhÿre hãrele. Timyki tuuòna. <sup>2</sup> Aõkòhyyre. Inyboho heka òraruna dee rubumy ihÿreny. Timykibo iny ihymy òraruna-txi rekeseke? Aõkòhyyre. <sup>3</sup> Jesuisi Kristuni-ki inyboho raratisebenyreu, Tule Jesuisi rubu-my ratisebe-ò rururennyre. Kia teertyentye. <sup>4</sup> Tiu inyboho risebenyre Jesuisi òraru-ki, tii-wana inyboho rurure. Tai iru tÿmyra-di inyboho ihÿre. Iwese Deuxu taruru-di Jesuisi riixixadÿÿnyre wese tule inyboho iru tÿmyra-di rokoireke. <sup>5</sup> Iwese tii rurure wese, inyboho tule rukurennyre òraruna dee. Iwese Kristu rexixadÿÿnyre wese inyboho tule òraru-ribi ixãwira tii-wana rarehyykemy. <sup>6</sup> Iny umy tyby tule rurure Kristu itxeò-ki. Tai inyboho heka òraruna deòdumy aõkò ihÿreny. <sup>7</sup> Inyò rurukre, tii òraruna-ribi ixãwimy ihÿre. <sup>8</sup> Inyboho Kristu-wana rurukeki, tii Kristu-wana irumy ratxikre. <sup>9</sup> Kristu rexixare tii ixby ruruòtyhy. Rubu ixby tamy reaòtyhy. Kia tahe inyboho rierenyre. <sup>10</sup> Jesuisi rurure, iny òraruna ixãwina rubulemy rurure. Wiji tahe irumy ihÿre Deuxudeehy. <sup>11</sup> Tule kai arumy atximahãte Deuxu dee iny aõbina bina-ò taruteki rubuwesemy arumy tahe Deuxu-ò. Inynyrÿny Jesuisi Kristu tyhydÿÿki. Kia wesele mohòtinky Deuxu dee, Jesuisi Kristu dee wahe.

<sup>12</sup> Kaiboho dori Jesuisi Kristu-wana atximahãteny. Òraruna-txi ixby besekeòtyhy. Ixideewimy aõkò rikiwinyrennyke, aõ ibina wahe. <sup>13</sup> Aumyreny biwahinybenyke Deuxu-ò iwese iny iru tÿmyra-di ihÿreny. Tai tahe òbitile biwinybenyke, òraruna-txi beseòtyhy aõ iyja aõkò. <sup>14</sup> Òraruna rybe-ò ijohorenyòmy. Tii dori awedu aõkò rare. Deuxu ruxetòena-ò bexiweloromahãbenyke.

<sup>15</sup> Aõbo tahe awityhyre. Ruxetòena òraru-ki aõbo rekexiorarananyhÿke. Aõkòhyyre. <sup>16</sup> Òraruna rybe-ò heka bityhinybenykeki, òraruna deòdumy atxibenyke, rubu iòwy rare wahe. Deuxu rybe-ò tahe bityhinybenykeki, òbitimy boibenyke. Bexideòdunybenyòtyhyke òraruna bityhinybenykeny. <sup>17</sup> Wowydyna Deuxu-ò kanakemy watzireri. Juhuu kaiboho òraruna deòdumy ahãteny. Tahe wiji inatyhina erydÿÿna tetyhynytyentye. <sup>18</sup> Wiji tahe kaiboho òbitina deòdumy atxiteny. Tahe Deuxu deòdumy wiji toite, tii ixideewimy timybo adirenykre. <sup>19</sup> Iwese juhuu òranawidÿÿna-ò textiwahinyamahãte wese, wiji bexiwahinybenyke Deuxu-ò, òbitiwidÿÿna-ò wahe. Òbitimy rarybemahãre, itÿnytyhy kaiboho dori òhòtitymy toite aiximynatyhyrenyò òraru-ki. <sup>20</sup> Òraruna deòdumy atxiteny, Deuxu tetyhynyòteny. <sup>21</sup> Kia aõmydÿÿnana wiji ixãruna adeereny rare. Aõbo tahe awimy juhuu tewinyteny. Kia heka rubule riwahinyhÿre. <sup>22</sup> Òraruna-ribi ixinamy atxiteny. Kaiboho Deuxu-ò ibutumy textiwahinyte. Tai umytedeòna tetateny. <sup>23</sup> Òraruna òwy heka rubu rare. Inyò òraruna riwinykeki, tii ruruke, kia òraruna òwy rare. Deuxu wahidÿÿna tahe umytedeòna rare, Jesuisi Inynyrÿ rurureki wahe. Idi tiile-wana tukre.

## 7

<sup>1</sup> Waityhydÿÿdu seriòre, kaiboho bede ywinamy teertyentye. Tai bieryke aõmybo ararybekre. Inyò irulemy rariakékile, bede ywina tamy aõ rare. <sup>2</sup> Arawesenanykre. Hãwy heka ihãbu-wana ihymy ihÿre bede ywina myna. Hãbu rurukeki, tahe ixinamy ihÿre ijò-wana roikremy. Hãbu ruruòkeki tahe, ixinamy aõkò ihÿre, ijò-wana roikremy. <sup>3</sup> Inyò-wana roikeki, hãwy wedenamy raninikre. Ihãbu rurukeki, tii ixinamy rarekre. Ijò-wana roike. <sup>4</sup> Kia wese rare, waseriòreboho, ayreny-ki. Kaiboho bede ywina dee taruteny. Kaiboho dori ityhydÿÿdu mahãdu atximahãteny. Kaiboho Deuxu hõrò mahãdu atximahãteny. Rubu-ribi ixixadu mahãdu atximahãteny, Deuxudeewina biwinybenykeny. <sup>5</sup> Juhuu ixideewile aõ tewinyhÿteny, rubu aõmydÿÿnana wahe. <sup>6</sup> Wijile tahe bede ywina-ribi

ixinamy inyboho roimyhÿrenyre. Iwese ihetxiu tyriti bede ywina rityhynymy aõkõ ihÿreny, wiji Deuxu Tytybytyhy aõmydÿÿnana inyboho rityhynrenyre.

<sup>7</sup> Timybo? Bede ywina aõbo ibinamy rare. Aõkõre. Ihoõkeki tahe òraruna jiarÿ arieryõtyhy. Bede ywina rarybere wasiõmy. Kiale reeryre aõbo wasimy rare, inyõ aõ ariymkemy watzireriu, kia òraruna wasiweselemy rare. <sup>8</sup> Timyki, jiarÿ òraruna waerysyõna bede ywina tuu rarybekõkeki. Bede ywina dori aõbina binamy riwabe-deerynre. <sup>9</sup> Jiarÿ juhuu bede ywina reeryõre. Reeryre tahe aõmydÿÿnana binale wadee rarerenyre. <sup>10</sup> Deuxu heka bede ywina riwahinyre juhuu. Tamy ruru riwahinyre bede ywina wahe. <sup>11</sup> Tahe bede ywina òraru-ki heka òraruna riwahinymy. Tai tahe õnosõna riwarubunyre. <sup>12</sup> Kia bede ywina tahe awi rare, õbiti rare. Õnosõna awi rare. <sup>13</sup> Timybo rare. Òbitina aõbohe riwarubunyre. Aõkõre. Òraruna tiire. Tii tahe ibinatyhy rare. Bede ywina òraru-ki iny kia òraruna ibinatyhy reeryrenyre. <sup>14</sup> Bede ywina heka Deuxu Tytybytyhy aõmydÿÿnana rare. Jiarÿ heka inyle rare, òraruna heka wawedu rare. <sup>15</sup> Aõbo warayky dee ibinarele, kiale rewinywãhãre. Aõbo awimy warayky dee rare, kia rewinyõhyre. Aõherekibo? Reeryõre. <sup>16</sup> Rexierymyhÿre aõbo rewinyõmyhÿre. Reeryre kaa bede ywina awi rare. Tai heka rabadewomy watziwãhãre. Jiarÿ dori bede ywina bede ywina riti reerymy watziwãhãre. <sup>17</sup> Retxiõnomy watziwãhãre. Waruruõhy heka watziwãhãre. Aõwi ariwinykeõ. Òraru heka iõhõmy waribi ratximyhÿre waruru ratyre ratximyhÿre waribi. Tai heka òraru rewinywãhãre. <sup>18</sup> Waumy ehetsina tahe ibinatyhy rare. Aõbo awi rare heka ariwinykemy rewisyõnywãhãre ta heka rewinyõmywãhãre. Aõwi rewinyõmywãhãre! <sup>19</sup> Jiarÿ rarurunymãhãre heka aõbina ariwinykõkemy. Tahe ihãrele heka rewinywãhãre. <sup>20</sup> Reeryrehe aõhebo ratÿÿnymyhÿre. Jiarÿ ixiõrudÿÿ waõraruna wadi raitxÿteitxÿtenymyhÿre. <sup>21</sup> Deuxudeewimy heka ariwinykemy watziwãhãre. Tahe araõrarunymãhãre. <sup>22</sup> Waumytÿmyra rarurunymãhãre Deuxudeewi widÿÿna ariwinyke. Awityhy rare wadee. <sup>23</sup> Ijõ tahe waumywo-ki, waraykywo-ki, ratximyhÿre, waumyehetsina waki ratximyhÿre. Wadi rarurunymyhÿre riwamymy ratximyhÿre. Aõbina widÿÿmy heka wadi rimymy ratximyhÿre. Reõlundunyõmyhÿre waraykymy heka rahaÿnanymyhÿre. Aõwesele heka tuu rahaÿnanymyhÿre, riõlundunyõmyhÿreki wahe. Raraykynymãhãre warayky-ki, Deuxudeewimy watzikemy. Tule tahe reerywãhãre òraruna deõduõ jiarÿ rare wahe. Waumytÿmyra tahe wadee rarybemyhÿre õbitimy aõmydÿÿnana ariwinykemy. Waumyehetsina tahe kialemy wadee rarybemyhÿre —òraru ariwinykelemy. <sup>24-25</sup> Tai heka urile warayky raleileinymyhÿ. Mobo riwatake waumyehetsina bina bina aõmydÿÿnana-ribi? Deuxudeewina-ki, Jesuisi Kristu Inynyrÿ heka iximynamy riwatakre. Tii riwateõnomy wadi rarekre. Wowydyna tamy ariwahinykre.

## 8

<sup>1</sup> Tai heka Jesuisi Kristu tyhydÿÿdu mahãdu rubutyhy-ò heka raõtyhy. Deuxu heka tii ritarenkye tii-wana rarehyke. <sup>2</sup> Deuxu-ò Tytybytyhy dori warurutymyra-di riwaru-rudÿÿnytyhyre. Rubu-ribi dori Jesuisi Kristu riwatara ixinamy ararekemy. <sup>3</sup> Inyboho heka Deuxu Bede Ywina rieryrenyre, Moisesi tyritina wahe. Tii heka iny òraruna-ribi iny ixinamy ririradÿÿnymyhÿre. Jesuisi Kristule, aõbo, òraruna ruru rahumyõhãre. Aõma rakahurenõtyhy heka iny rururenydi aõma òraruna ixitawo-di. Rikityhynrenyõtyhy heka aõma ixitawo-di aõbo bede ywina Tahe Deuxu tariõre diteõnyde iny umyrenywesemy wahe. Tii heka iõrarunaõhyre. Tai heka rexiwahinyre iny òrarunymy-ki. <sup>4</sup> Tai rikityhynrenkye aõma Deuxu bede ywina. Iny nohõitireny rosake aõbo umy ehetsinareny inydeereny rarybemyhÿré. Ijohonarenõmy ta, irybe-ò, Deuxu Tytybytyhy rybeõle rokoholamyhÿreny. <sup>5</sup> Aõbo Deuxudeewimy biwinybenykeki, tai Deuxu Tytybytyhy rybeõle heka iny roholamyhÿke. Ixideewimy widÿÿmy burubenykeki tahe, aõwaxina boholabenyke umyehetsina rybe-ò. <sup>6</sup> Inyõ Tytybytyhy rybe-ò ijohona heka iny umytÿmyra-ò ridymyhÿre, umytedeõna-ò, ywina-ò. Umy ehetsina rybe-ò iny rohola wana, tahe rubu-ò iny ridymyhÿre. <sup>7</sup> Umy ehetsina dori aõma rare, Deuxu õludu. Deuxudeewimy aõkõ heka riwiny my ihÿre tiu riwinyõtyhy. <sup>8</sup> Inyõ ibutumy òraruna ixideewimy riwinykeki, tiu heka Deuxudeewina riwinyõtyhy. <sup>9-11</sup> Kaiboho tahe kiawesemy aõkõ heka toite. Deuxu Tytybytyhy heka aworeny-ki rasÿnymyhÿre. Tai heka umytÿmyraõ heka kaiboho ijõdirenre. Deuxu Tytybytyhy heka kaiboho ijõdirenkye. Inyõ Deuxu Tytybytyhy ihoõkeki, tiu tii ityhydÿÿdu aõkõ rare. Aumytyhy heka rurukre aõrarunaõ direki wahe. Atytyby tahe iruhymy ratzikre, Kristu dori aõraruna riixãwididÿÿnyreki wahe, Deuxu araõbitidÿÿnyre wahe.

<sup>12</sup> Tai waityhydÿÿdu seriõreboho. Umy ehetsina rybe-ò uritere ijohonarenõmy. <sup>13</sup> Irybe deradÿÿna-ò beõbybenykeki, kaiboho heka burubenyke. Aõkõkeki arurenymy mari-abenykre, Deuxu Tytybytyhy-di wahe. <sup>14</sup> Ibutumy Deuxu Tytybytyhy rybe-ò roho-

lamyhyre mahädu, tiiboho tahe Deuxu riöre roire. <sup>15</sup> Deuxu rybemy bityhnybenyke. Deuxu Riöre wesemy tahe bityhnybenyke, òbitimy atxibenyke, deödu wesemy aõkõ wahe, buberubenyõtyhy. Waha-my tahe marybemyhybenyke heka. Deuxu Tytybytyhyidle wahe. <sup>16</sup> Ijioirenymy rakatxirenykre. Aõmybo Deuxu Tytybytyhy-di inydeereny roimyhÿreki heka, tuu inatyhymy rakatximyhÿrenyke inyboho iriöre roiremy wahe. <sup>17</sup> Ibutumy aõbo Jesuisi Kristu inydeereny riwahinyhyke heka, tule inyhõrõ reny heka rare. Iwese tii wowydyna iribi rikitarenykeki, tii-wana heka aõhõkÿmy rokotÿÿnyrenyke.

<sup>18</sup> Aõhõkÿmy rokotÿÿnyrenyke tahe aõnihikÿmy aõkõ rare, urihimyoöle wahe. Inydeereny dori wowydynaõ kidiwahinykre, söwetyhymy. <sup>19</sup> Ibutu bede bede aõna aõna riraõmy roimyhÿre, aõma-ò, Deuxu Riöre mahädu ibutumy rubu-ribi ixixana kiditynykreu, rexixamy ibutumy rÿirakre idi biu-ò rirahukre wahe. <sup>20</sup> Kiatxu tahe ibutumy bede bede raaõbinanyke. Iwese Deuxu juhuhu riwinyre-ribi resere iny òraruna òraru-ki. Deuxu dori tuu bede riywinyre txioinyhe tahe, rarõsõna rÿire, riwitziranyke. <sup>21</sup> Rekeysarenyke heka Deuxu riõremy heka rakatxirenykre. Tii ibutumy bede bede-ribi iny ritarenyke ibutumy òraruna-ribi, rubu-ribi. Ibutumy òraruna aõbina bina deödu heka rexihukre. Deuxu ibutumy aõna aõna ritÿmyranyke iwese tariöre itÿmyrare wese. <sup>22</sup> Kaa wiji tahe ibutu aõna aõna aõhõkÿmy rotÿÿnymy rÿira irõdu alõbõrõna, ibutumy heka uladu ijira dese wese heka rijjemy aõna aõna rÿira. Aõma, ixixanatxu dehemynekõlemy roimyhÿreki wahe. <sup>23</sup> Tiibohole sohojile aõkõ, tule inyboho Deuxu Tytybytyhyre häre, kia delemy inydeereny rawahinyre häre, aõhõkÿmy rotÿÿnymyhÿrenyke idi tiu Deuxu tariõremy risÿnyrenyke riraõmyhyre. Kia tahe inyboho riraõmyhyrenyke. <sup>24</sup> Inyboho dori tararõsõna-ki kawese awirenyre. Inyõ irarõsõna itÿnykeki, aõbo tahe riraõmyhyke. <sup>25</sup> Tai tahe Deuxu rikityhnyrenyke rikiraõrenymy aõma, inydeereny tuu raryberë, rikitarenykre. Rikiyrymy rikiraõmy rokorokomyhyrenyke.

<sup>26</sup> Iwesele tahe Deuxu Tytybytyhy heka iny riwiõhenanyrenyke. Inyumu aõmydÿÿnanareny heka aõhebo rotÿÿnymyhÿre txuõ txuõlemy iny riwiõhenanyrenyke. Inyboho riwiõhenanyrenyke aõma inyboho rierykõreki ixitõedÿÿ. Deuxu Tytybytyhy inydeereny dori rexitõenymyhÿre tii inyboho heka aõmy rybe inyboho rierykõmyhyrenyke inydeë risÿnymy rarybemyhyre tuu. <sup>27</sup> Inybyreny heka ibutumy inyrykyreny, inyworeny, rierymyhyre. Tii heka rexitõenymyhÿre inydeereny iny òbitinarenny-di, iny ywinarenny-di iny riixitõedÿÿnymyhÿrenyke. <sup>28</sup> Ibutumy aõbo inydeereny rabadedÿÿnananyrenyke heka inydeereny awire. Deuxudeewina heka rikiwinyrenyke inydireny ratximyhÿre Deuxu dori inyluurenyre. Tii dori iny ridyre tariöre wesemy. Tii dori kiamy juhuhu rõhõtinyre. <sup>29</sup> Juhudihikÿle Deuxu rõhõtinyre mobo tamy rakemy. Tahe tiu rierymyhyre mobo aõma inyboho tamy kanakrë. Tiu heka rierymyhyre timybo widi rarekrë, tariöre wesemy idi rarekrë. Iriöre heka söwemy iseriöre elekre. Iriöre tahe juhuule ityhydÿÿdumy iuhe rÿire, iseriöre wesemy wahe. <sup>30</sup> Tii heka inyboho rihitxinyrenyke. Tii heka ryrymyhyre tamy, kanakemy. Tii inyboho tamy ritehemynyreu, heka inyboho tamy ritehemynyrenyke. Iny òraruna-ribi inyboho riixãwididÿÿnymy Deuxu, Jesuisi, Deuxu Tytybytyhy ywina heka inydeereny riwahinyre.

<sup>31</sup> Wymy rakatxirenykemy heka inydeereny rõhõtinyry ihÿre. Wowydyna heka inydeereny riwahinykre. Timybo rakaryberenykre. Awire heka ibutumy. Nihikÿre. Deuxu heka inyworeny-ki ratximyhÿre. Tii heka inydinodurenyre. Inyõludurenyõhyre ratxirenyke, sohojõ. <sup>32</sup> Ibutumy inydeereny riwahinykre —inydeereny dori taRiõretyhy dori diwahinyde. Diwahinyde heka inydeereny rurukemy. Deuxu heka iny riixãwididÿÿnyrenyke. <sup>33</sup> Inyboho heka òbitimy ratximyhÿrenyke tamy rakatxirenykemy. Tii dori iny riwinyrenyke òbitimy. Inyõ rarybeõtyhy iny òbitimy aõkõ ihÿre. <sup>34</sup> Inyõ heka inymyreny rarybeõtyhy rukururenykre. Jesuisi Kristu dori inydeereny rurure, iny òrarureny-ki. Tii ixityre rubu-ribi rexixare inydeereny. Katahe ronnymyhyre Jesuisi heka rexitõenymy ronnymyhyre inykireny. Deuxu-ò heka iny riixitõedÿÿnyreny inydireny ronnymyhyre. <sup>35</sup> Tiu heka rihitxinyõtyhy, aõma Jesuisi Kristu luureki wahe. Aõhõkÿmydÿÿnana dori rakatxireny. Tii heka iny rirubunyrenyke. Iny rama rirubunyrenyke inieruõmy. Bede brebuwo-ki rakatxirenyke. Inymyreny rarybemyhyre. iny rirubunyrenyke. Ta Deuxu inywanarennyhy ratximy ihÿre. Tiu heka Deuxu-ribi aõ iny rihitxinyrenyõtyhy. <sup>36</sup> Inyboho heka rubu riraõhyky ratximyhÿrenyke, rexiywinhykyle. Kia rikiwinyrenyke aõma Deuxu luuna-di xiery —iwese budoeni tarubuna riraõmy rÿimyhÿre wese. Deuxu rybe inykoreny tuu relymyhyre. <sup>37</sup> Taiki heka imahädu-ribi rokotarenyke. Kia õlõna inyhõrõreny rare. Kristu dori inydeereny rurure. Aõ heka iny rihitxinyrenyõtyhy Deuxuluuna-ribi. Rubu dori iny rihitxinyrenyõtyhy. Umy tiu iny-ribi rihitxinyõtyhy. Ýju dori tiu iny rihitxinyõtyhy. Aõbinahakÿ heõty, rubu bina heõty dori tiu Deuxu luuna-ribi rihitxinyõtyhy. <sup>38</sup> Aõ heka iny rihitxinyõtyhy Deuxuluu-ribi. Biu wenonana dori, beheÿ ratyre, tiu Deuxu luuna-ribi iny rihitxinyõtyhy. Wiji aõna aõna itõmo rahudi aõna aõna, aõtxi

aõna aõna tiu iluuna-ribi rihitxinyõtyhy. <sup>39</sup> Kia ibutumy wadee inatyhy rare. Jesuisi heka Deuxu inydeereny ritãmynymyhÿre ibutumy iluuna iny òrarureny-ki rurureu.

## 9

<sup>1</sup> Kaiboho waijoireny, waityhydÿÿdu seriõre mahãdu. Kristu hõrõ jiarÿ rare, inytyhy rare. Deuxu Tyytybytyhy, Jesuisi Kristu-wanale rierymyhÿre kia inatyhy rare. <sup>2</sup> Rabadewomy heka watzireri waijoi rityhynyõreki. Deuxu Tyytybytyhy kia rieryre. Txuõ txuõlemy, ruõ ruõlemy rabadewomy watzihãre. Txiole txiole aõmydÿÿnanamy adeereny arary-beke kaiboho tarasanaõ boibekemy. <sup>3</sup> Deuxu riwatzuhoke Kristu-ribi waijoi derõwmy, iwihõhedÿÿkeki. Jiarÿ heka ihyy arurukemy waijoi ityhydÿÿdukõdu mahãdu wahe xixi-di tamyreny rahõtyny watzireri. Kia biu-ò hena ritarenykemy wahe. Tahe aõkõre heka. <sup>4</sup> Deuxu heka tamyreny sõwemy diwahinyde. Ihãrele tiiboho ijohona deramy rekoamahãreny. Aõma, rihitxinyreny heka taijoireny. Riidreny heka beder-ahy-ò loosõna-ki biuwetykywo-ki. Tahe tamyreny rarybere tii iluurenymy. Tamyreny heka sõwemy aõ kidiwahinykemy idireny ratximyhÿre. Tule tabede ywina rybe tamy diwahinyde. Tai tahe Deuxudeewina reeryreny. <sup>5</sup> Tamy heka Deuxu wowydynaõ riwahinyreny Deuxu teõduõ kanake tii tamy rarybere. Tybyreny dori ilahiboho dori rityhynyreny, tii Deuxu sõwemy rityhynyreny. Kristu tahe tule judeu mahãduõ ratximyhÿre, waijoi wahe.

<sup>6</sup> Deuxu rybe inatyhytyhy rare. Sõwemy iny judeu mahãdu wese roire. Ibutumy tahe judeu mahãdutyhy aõkõ roire. <sup>7</sup> Ibutumy judeu Abraõ riõre riõre rÿira mahãdu aõkõ heka Deuxu riõremy rarekre. Deuxu heka Abraõ-ò rarybere: —Ijai riõrele ariõkõre rarekremy ijõ aõkõ. Ibutumy Abraõ riõre, Ijai riõre aõma ityhydÿÿdu aõkõ roire. <sup>8</sup> Ijõ iriõrekõna mahãdu tahe ityhydÿÿdu heka roire. Kia Deuxu rybe rityhynymyhÿrele heka ityhydÿÿdu mahãdumy rÿira —judeu mahãdu tyhy wahe. <sup>9</sup> Juhuu tahe Abraõ-ò Deuxu rarybere: — Ahãwyy Sara, iriõredikre ijõ beõrau wahe. <sup>10-11</sup> Iu tahe Ijai iriõre hãwyy-wana herinanayru, Rebeka-wana roire tahe inatxi uladumy heka Rebeka tamy kidiwahinykremy riywinyra. Ijai juhutyhy iriõredelamy reakre riywinyra. Ijõ tahe Ijaõ ini rarekre. Kawese Deuxu rarybere uladu reakõule: —Jiarÿ heka Ijaõmy retamy rarybere Ijai aõkõ. Jiarÿ aõna aõna sõwemy tamy adiwahinykre. Deuxu kiamy rarybere Ijai reakõule. Tiu aõwihikÿ aõbina bina riwinyke aõkõ. Myle roireri. Deuxu riteõsinyre ijõ tarasanamy reake-ribi tahe ijõle tuu reare. Aõ uladu tuu riwinyreriki aõkõ Deuxudeewimy tuu riwinyre. <sup>12</sup> Juhutyhy Rebeka-ò rarybere: —Idela taseriõre deõdumy rarekre. <sup>13</sup> Iwese tyryiti-ki roire wese: — Ijai iluure tahe Ijai aõkõre.

<sup>14</sup> Aõmybo tahõtinyteri? Deuxu aõbo adee ibinare kia riwinyreki? Aõkõre heka. <sup>15</sup> Deuxu rarybere Moisesi-ò: —Jiarÿ heka awimy inyõdee ariwinykre, tahe tuu ariwinykre. Inyõdee ruxetõena ariwahinykeki, tamy ariwahinykre iixideewimy. <sup>16</sup> Deuxu ruxetõenale heka rare, iny aõmysÿdÿÿ sõwehekÿmyreki aõkõ inydee tarasana riwahinykre. <sup>17</sup> Kaheka iny rieryre Faraõ (Egito wede iõlõ) ijyy dori inydee kia riteõsinyre iwese Deuxu rare wese wahe reteherenyké. Deuxu kiamy rarybere Faraõ dee: —Adee kÿny ariwahinyre ruuõ kai bonyke iõlõmy. Tai tahe ibutumy iny wani wiwihikÿ-ò roholakre. <sup>18</sup> Ibutumy Deuxu iixideewimy tuu riwinyre rÿirakre. Ruxetõena riwahinyke tamywi tahe riwahinyra.

<sup>19</sup> Inyõ tahe wadee timy rarybeõtyhy: —Aõherekibo kawesemy Deuxu inyõ aõhe risÿnykre ada amobohe Deuxu aõwidÿÿna deramy reakre. <sup>20-21</sup> Tiu moõ rarybeõtyhy Deuxumy ibinamy. Iu inyõ butxi riwinykreu, aõma sudeõ rimykreu, riwinykre heka butxiwihikÿõ tamywikeki. Ibinaõ riwinykeki tasÿ iwesele riwinyke ibinamy tuutyhymy. Bedenamy riwinyke noijaka tamy ridemyhÿkemy. Ijõ butxi tamy wikeki. <sup>22</sup> Iwesele heka Deuxu rare. Rebuke heka inyõdee raykarananyke. Ijõ-ò tahe awike ta ruxetõena-di riwidhenanyke iaõna aõna riijemy. <sup>23</sup> Idi tahe rõkõhõtynyreny timybo Deuxu wina, Deuxu loosõna awiremy iruxetõena inydeereny riwahinyhymyhÿre. <sup>24</sup> Judeukõdu mahãdu Deuxu ritare. Judeu mahãdu yribi sohoji aõkõ. Inyboho. <sup>25</sup> Osea tyryiti-ki rybeõ kiamy tai roire Deuxu rarybere wahe: —Ijõ mahãdumy sÿ aronykre wariõremy. Tahe waijoiry aõkõ waijoiõ mahãdu aõkõ waijoimy arininikre idi aritakre. Tuumy ararekre. Tiu heka luuna juhuy inyõ rewahinyõhyre. <sup>26</sup> Deuxu rarybere tiu: —Kaiboho juhuy waijoi aõkõ toite, tuõmyta kowa-ki wariõrenymy boibekre. <sup>27</sup> Isaia tule rarybemyhÿre aõma judeu mahãdumy wahe. Sõwemy, sõwemy imahãduõ hãre tahe, ibutumy tarasanamy reakre. <sup>28</sup> Deuxu ele elemy rotÿÿnykre timybo rarybere myna. Ijõ-ò ruxetõena riwahinykre ijõ-ò adehuna riwahinykre riixãwidinyrenykre. <sup>29</sup> Ijõ Ritidÿÿna-ki Isaia rarybere: —Deuxu ibutu dinodu heka ruxetõena riwahinyõkeki, ibutumy judeu mahãdu riixãwididÿÿnykre iwese Sodoma hãwã Komora hãwã-wana riixãwidinyre wesemy wahe.



<sup>30-31</sup> Timybo rakaryberenykre kia aõmydÿñanamy? Kialemy: —Judeukõdu mahãdu-ò Deuxu tarasana riwahinyre tiu Deuxu riijeõhyymyhÿre hãrele. Judeu mahãdu heka rityhynykemy idi ratximyhÿre ibede ywidÿñna-di tahe tiu heka ritaõhyymyhÿrenyrene tarasana. <sup>32</sup> Bede ywina rybe riyrubunyekhãre awikehãre tiu tarasana ritaõtyhy. Rityhynytyhykekile heka tuuke. Tai tahe ritaõre tarasana, rityhynytyhyõrenyrene. Tai tahe iwere mana iny ratimyhÿre were rydÿñnarenyrene. <sup>33</sup> Ijõti nihikÿ heka roimyhÿre. Tiu heka riõhõreõtyhy iweribi-ò. Deuxu rybe-ki kia wesemy roire: —Judeu mahãdury-ki mana nihikÿ wese retidimy doimyhÿde. Sõwemy heka iny rÿira tiu heka ityre-di rariaõtyhy biu-ò hena-ò dehemyndekei wahe. Kia iny rityhynymy Jesuisi Kristu rÿirale tahe ritakre tarasanaõ heka inatyhymy.

## 10

<sup>1</sup> Waityhydÿñdu seriõre, rexitõenymy wãhãre heka Deuxu-ò ibutumy judeu mahãdu biu-ò henamy rÿikemy. Kiamy tuu rarumahãre. <sup>2</sup> Reerymahãre tiibohe ibutumy rityhynymahãrenyreny Deuxu. Tiibohe ityhydÿñnareny tahe õbitihyky aõkõre. <sup>3</sup> Tiibohe kiamy rõhõtinyinmahãrenyrene aõma judeu mahãdu heka bede ywina rybe rityhynyrenykekile rexiõbitinykemy heka rõhõtinyinmahãrenyrene Kristu-ò ta rexiwelõrõkõlemy Kristu bede-ò rexihumyhÿre, tai Deuxu iny-di awimy rarekemy. <sup>4</sup> Bede ywina heka Deuxu aõmydÿñna tarasana aõkõ heka rare. Kristu rityhynymahãrenyke. Kia weseleke heka tii rimyrenyrene rexiõbitinyrene. <sup>5</sup> Moisesi dori rõritidÿñre tuu: —Inyõ tiu õraruna-txi reseõhy rarekeki, taile iny tarasanamy ratxike. <sup>6</sup> Kiamy heka ityhydÿñna namyhÿde. Uritere inyõ Kristu biu-ribi kõiidykemy ixinohõtidiÿñna Kristu kidiwykredi uritere nohõtirenõmy, isiratyhyre wahe. Tuu aõkõ iny õbitidÿñna-ki rahamyhÿre. <sup>7</sup> Uritere Kristu ixixana-di mohõtinyinõmyke isiratyhyre dori kia-ribi õbitidÿñna kiditakremy. <sup>8</sup> Tii heka inybohe ribedeerynanymyhÿre. Iõhõlemy heka iny-ribi ihÿre warybereny wahe. <sup>9</sup> Iny taykyrenykele rityhynymyhÿre inykele. Tai tahe rarybere inywitxira-ò aõma Kristu iny wedureny ihÿemy wahe. Iny worenny-ribi rikityhynymyhÿrenykeki. Aõma Kristu heka Deuxu riixixanyrene rubu-ribi. <sup>10</sup> Taiki tahe biu-ò hena rakatarenykre. Aworibityhy rikityhynymahãke. Kiamy heka iny õbitimy rekelerenyke Deuxu dee wahe. Rarybeke iny-ò rityhynymy ratximyhÿremy tai tahe tuu relemy ratxike. <sup>11</sup> Kiamy heka Ritina-ki roimyhÿre: —Inyõ rityhynytyhyhyky heka teysamy ratxike. Tiu heka anabedewoõtyhy tatyhyna-ki. <sup>12</sup> Judeu mahãdu dori judeukõdu mahãdu-wana wiwesele rare. Ibutumy heka sohojihyyle iwedure, Inynyrÿ wahe. Ibutu heka inydee riwahinymyhÿre aõmybo iny rexitõenymyhÿre wahe. <sup>13</sup> Iny rexitõeny-wana Inynyrÿni-di tarasanamy, tai iny-ò riwahinymyhÿre. <sup>14</sup> Teerykõte heka timybo idi ratximyhÿre rexitõenymy. Timybo bieryke inyõ tuu relyyõkõhãre heka rityhynyke. Tamy heka roholaõtyhy inyõ tuu relyyõkeki tiu ityhydÿñna. <sup>15</sup> Inyõ heka raõtyhy, inyõ biteõnyõkeki wahe. Kiamy tahe Tyyriti rarybereri: —Kia Rybewihikÿmy rybedu heka awi heka rare, dehemyryna heka awire, deysana rybe dori diwymyhÿde. Deuxu rybena ywina wihikÿ heka diwymyhÿde. Tai tahe iny reysamy heka aõma Deuxu Rybewihikÿmy tamy riwymyhÿreki wahe.

<sup>16</sup> Ibutumy aõkõ tahe rityhynymyhÿre. Iwese Isaia Deuxu rybedu rarybere wese: —Inynyrÿ, Rybewihikÿmy tamyreny heka rarybemyhÿrenyrene. Ihãrele tahe rityhynyõhyymyhÿrenyrene. <sup>17</sup> Ityhyna heka Rybewihikÿ-ò iny roholamyhÿreu, rityhydÿñmyhÿre. Kristu ityhyna tamy kedehemyrenyrene, rybe wihikÿ õraru-ki wahe. <sup>18</sup> Dÿÿraxinaõ ariwinykre. Taholatenyõte aõbo Deuxu rybe-ò? Kohe, ibutumy heka roholamyhÿre. Tyyritina-ki roire: —Deuxu rybe tÿmyra wihikÿ ibutumy riteõnymyhÿre hãwã hãwãmy. <sup>19</sup> Ijõ arÿÿraxikre: —Judeu mahãdu aõbo kia rieryõmyhÿre? Moisesi tyyriti-ki roire: —Deuxu biu-ò hena judeukõ mahãdu-ò ariwahinykre. Waijoi mahãdu ariwoxibronyky. <sup>20</sup> Isaia tahe idi tuu rarybere: —Iny wiwana mahãduõ heka Deuxu riijemyhÿre. Tii rexitÿnynyrene taõrysnydu mahãdu-ò. Itxi reare. <sup>21</sup> Isaia rarybere Judeu mahãdumy kia: —Ihãrele Deuxu iny ritobinyrerimy ihÿre iny, iny nohõtibinaki wahe.

## 11

<sup>1</sup> Kaibohe heka timybo tahõtinyinmahãtenyete Deuxumy? Tii aõbo tajoi-ribi nohõti rosaremy —judeu mahãdu-ribi? Aõkõre. Jiarÿle, Paulo, judeu mahãduõ rare. Jiarÿ heka Abraõ riokoreõ rare. Benjami ijoio heka jiarÿ rare. <sup>2</sup> Deuxu tajoi-ribe nohõti rosaõtyhy. Tii juhuru ritare. Elia juhuru Deuxu-ò tajoiomy rarybere. Ryberiti-ki kia roire: <sup>3</sup> Tiibohe heka rybedu mahãdu rirubunyre. Tule axiwenã wahidÿñna ribõhõnyrene. Jiarÿ sohojile aluure Deuxu. Tule rõrubudÿñmy wadi ratxirenyrereri. <sup>4</sup> Timybo Deuxu heka Elia-ò dirawyõnyde: —Aõkõre, kai ihewoludutyhy walunadu aõkõ tate. Walunadu 7000 inymy rÿire aribihiximy wahe. Tule Balì suritxoo tiu rityhynyrenyõhyymyhÿre. <sup>5</sup> Katahe wijile iwesele rare. Iny ibutemy Deuxu hõrõ mahãdu rÿire. Tii taruxetõenadile ritarenyrene. <sup>6</sup> Deuxu ruxetõena heka

aõ iõwy-di aõkõ riõwynymyhÿre Deuxu riwahinymyhÿre. Aõwihikÿ diwinymyhÿdenydeki aõkõ heka tuu heka ratximyhÿrenyre iõwydikeki tahe aõ ruxetõe aõkõ rare. <sup>7</sup> Deuxu heka judeu mahãduõ rihitxinyre tarasanamy reakré. Ijõ tahe iwety mahãdu wesemy ijõ rÿira. Deuxu tamy tarasana-õ rryreri tiiboho roholaõre. <sup>8</sup> Tyyritina-ki rarybemyhÿre rõrõmy ratximyhÿrenyremy. Deuxu heka riruberenyre ihãre ta tõhõtireny ratõbõnyrenyre. Taita rieryõhyrenyre heka Deuxu Tyytybytyhymy rarybemyhÿrenykeki wahe. Iwesele heka wijina roimyhÿre. <sup>9</sup> Ihetxiu Iõlõ Davi iwesele rarybere: —Kia heka taworana bedehesina-ki, ramyrenykre, raborenykre, tabonahemy reserenykre idi aõhõkÿmy rotÿÿnykre. <sup>10</sup> Iruie idemy releke tiu robiõkemy. Tiumy rarabunykre iaõbinabina-ki.

<sup>11</sup> Adeereny arÿÿraxikre kiamy: judeu mahãdu resereu ixãwire aõbo? Aõkõre. Urile tarasana nade judeukõdu mahãdu-õ tai. Judeu mahãdu ibinamy tai rõhõtinkyemy. <sup>12</sup> Judeu mahãdu òraruna òraru-ki heka sõwemy iny-õ aõwihikÿ nade, judeukõdu mahãdu-õ wahe. Tahe awityhymy rarekre ibutumy judeu mahãdu ralokremy. <sup>13</sup> Jiarÿ, Paulo wahe, rybe wahidÿÿdu heka jiarÿ rare. Judeukõdu mahãdu-õ tii heka jiarÿ rare. Uritere nohõti losarenÿõmy kia waaõmysÿdÿÿna rare. Kia awi heka wadee rare. <sup>14</sup> Deuxu heka adeereny aõ nihikÿ adeereny riwinyre, kaiboho judeukõdu mahãdu rare. Judeu mahãdu robikre. Tai heka tiiboho biu-õ hena mahãdu-wana ratxikemy riwisÿnykre. Kia wese õsana ijõ tarasanamy rimykemy. <sup>15</sup> Judeu mahãdu wiji rityhinyõreri. Tai Deuxu ijõ mahãdu-õ biu-õ hena riwahinyre, judeukõdu mahãdu-õ wahe. Iny sõwemy tai ritamy rÿimyhÿre òraruna-ribi. Iwese inyõ rubu-ribi riixixanyre wese kia rare iu judeu mahãdu ralõkreu wahe. <sup>16</sup> Juhuu paõ ere awimy Deuxu-õ biwahinykeki, ibutumy paõ ihõrõ rare. Òwõru rutysõmo Deuxu-õ biwahinykeki, ibutumy òwõru ihõrõ rare. <sup>17</sup> Òwõru ere judeu mahãdu wese rare. Tiiboho òwõru-ribi raõrõmy raremyhÿ. Kaiboho judeukõdu mahãdu terõwmy atximahãtenyte. Kia òwõruru wesemy òwõru-õ ralõmy atximahãtenyte, tai tahe arumy atximahãtenyte. <sup>18</sup> Ixityhymy nohõtirenÿõmy. Kaiboho dori iratyre awimy aõkõ atximahãtenyte. Òwõru rutysõmo aramyre judeu mahãdu tyby wese wahe. Aõkõkeki, kai bedesekre òwõru desede wese. <sup>19</sup> Kaiboho õsana marybekenyke: Tiiboho òwõru-ribi ritamy raremyhÿ inyboho rikibynyrenykre. <sup>20</sup> Inatyh rare. Urile õhõt-ribi losarenÿõmy tiiboho iribi ritamy raremyhÿ rityhinyõrenykeki. Tule kaiboho talõmy tatemyhÿ tetyhynymyhÿtenyteki. Tai ixi-wededÿÿõrenyre urile bexityhynymy. <sup>21</sup> Judeu mahãdu heka òwõru rutyhy wese raremyhÿ. Ihãrele tahe Deuxu òwõru-ribi ritare. Timybo tahõtinyntereri —Deuxu aratarenÿõtyhy. Tule aratarenyke timykeki. <sup>22</sup> Deuxu dori ywimy rare ijõ-õ. Tule tii isirare ijõ-õ: —òraruna-txi besebenykeki, tii aratarenyke. <sup>23</sup> Judeu mahãdu ixby rityhinyrenykeki, ixby Deuxu ritidikre iherina-õ. Deuxu irurudirare ixby ritidikremy —isiraõre Deuxu-õ. <sup>24</sup> Kaiboho heka òwõru bederahy ludu wesemy atxitenyte. Iwese òwõru ludu-õ tii aratidirenyre wese. Judeu mahãdu dori òwõru ludu wesele rare.

<sup>25</sup> Waityhydÿÿdu seriõre, inatyhynaõmy adeereny arellykre. Deuxu rieryre tiwesemybo judeukõdu mahãdu rityhinykre. Ikonana kaiboho bityhinybenykreu, judeu mahãdu ixbyle kanalokre. <sup>26</sup> Tai tahe ibutumy judeu mahãdu ritakremy. Tyyritina-ki heka ki-aweselemy roire: —Siaõ-ribi tarasaduõ kanakre. Ibutumy heka judeu mahãdu òraruna-ribi kòdõõsekre. <sup>27</sup> Kia bedeu heka aritakre iòrarureny wahe iwese tuu rarybere wese juhu-uhukÿle. <sup>28</sup> Katahe rasõwemy roira aõma judeu mahãdu wahe. Tiiboho Rybewihikÿ òludu roire. Tamyreny heka awi aõkõ Rybewihikÿ. Kia heka adeereny awimy rõhõnyre. Tetatenyke dori Deuxu-ribi aõma iwahidÿÿna aõna aõnawidÿÿnamy. Deuxu juhuu taluunamy walabiereny-õ rarybere. <sup>29</sup> Deuxu heka tiu riwitxiranyõhymyhÿre. Releke wana heka riwinymyhÿre tahõrõ mahãdu dee. <sup>30</sup> Judeu mahãdu heka Deuxu rityhinyõmy roimyhÿre wahe. Tai heka Deuxu ruxetõena adeereny diwahinyde. <sup>31</sup> Katahe judeu mahãdu heka wiji roire ityhydÿÿmy aõkõ. Aõutxu tahe Deuxu ruxetõena ixbyle rimykremy rÿira. Deuxu heka iximymy iny riteõnyrerimy ihÿre. <sup>32</sup> Deuxu ibutumy òraruro-õ rityhere idi taruxetõena ritÿÿnykemy.

<sup>33</sup> Iny Deuxureny aõwi dinodu heka rare. Ibedeerytyhytyhy rare. Inyõ ibedeewidÿÿna rieryõhymyhÿre. <sup>34</sup> Tiu rikieryrenÿõtyhy irayky, tiu rikibedeeryrenÿõtyhy. <sup>35</sup> Inyõ tiu Deuxu tadiwidÿÿdumy isÿnyõna. <sup>36</sup> Ibutumy dori Deuxu-ribi hikÿle nade ixidee. Ibutumy iruru namyhÿde. Tai tahe ibutumy wowydyna tamy rikiwahinyrenykeki inyboho ratximyhÿreny.

## 12

<sup>1</sup> Tahe waityhydÿÿdu seriõrebobo, aumyreny heka biwahinybenyke Deuxu-õ. Aramyrenykeki õbithyylemy. Kia wowydynatyhy Deuxu-õ. Tii dori ibutumy aõma inydeereny riwinyre. Kia ibutele rarekre tamy. Tii dori sõwemy riwinyre inydeereny. <sup>2</sup> Uritere riraõmy bede ludu mahãdu wesemy. Iwitxiramy boibeke. Tai Deuxu dee awimy

kia rarekre. Aumy t̄myramy ibutumy biwinyamahāke. Tai tahe Deuxu ribedeerynanykre aōbo awire.

<sup>3</sup> Jiar̄y heka Deuxumy rybeduōmy rare adeereny. Tai adeereny ararybekre hexi-ijebenyke. Ōbitimy marybemy aumy-ribi. Deuxu-ribi ityhyna adeereny diwahinydekī heka aōhe bot̄ȳnykemy mohōt̄inymahābenyke. <sup>4</sup> Umy heka sōwemy txura txura roire, umy hitxi hitxinamy r̄yire. Kristu ityhyd̄ȳdu mahādu kia wese rare, Kristu woludu mahādu wahe. <sup>5</sup> Tule Kristu mahādu sōwemy aōmys̄d̄ȳna wixira r̄yire. Sōwemy iny wiribi hitxi r̄yire. Iwese umy sohoji wese Kristu wo mahādu r̄yire. Ibutumy wiribi hitximy raaōmys̄d̄ȳmy iwidȳmy r̄yimyh̄yke. Inyboho heka ibutumy iaōmys̄d̄ȳna Deuxu-ō rikiwinymyh̄yrenyke. <sup>6</sup> Deuxu heka aōwid̄ȳna wid̄ȳna wixira iny sohoji sohoji-ō riwahinyh̄yre. Kai heka t̄nydȳna abrysikēki, awimy bexityhnyke awimy biwinykemy. <sup>7</sup> Awimy wiōhed̄ȳmy atximahāte wana, bōwiōhenanyke awimy. Rybed̄ȳdumy atxiteri-wana awimy ōbitimy bibedeerydȳmy. <sup>8</sup> Deuxu rybemy rybedu atxiteri-wana marybeke inydee bexityhynymy. Deuxu sōwemy adee nieru riwahinyre-wana, bōwiōhenanyke inywixira. Inydinodumy atxiteri-wana, ōbitimy maaōmys̄d̄ȳ ibutu dee. Kia dohod̄ȳdukeki botohodȳyke inyō aō biwahinykeki awowī-di bowahike.

<sup>9</sup> Wiribi ihtixidȳomy. Tuu luu-di tahe inywixira hitximy. Uritere rybeōmy uriry-bele. Uritere rybe ōbitikōmy r̄yireō noōmy. <sup>10</sup> Kaiboho ityhyd̄ȳdu seriōre atximahātenyke. Tai wiluomy atxibenyke. Widee biwowydynybenyke, ixidee aōkō. <sup>11</sup> Aōmys̄d̄ȳna-di boibenyke. Ibutumy Inynyr̄-ō biwinybenyke eysareny-di. <sup>12</sup> Beysamy atxibenyke ywina-di aōkōk̄ȳmy d̄ȳnana-kī. Bexitōdenyhyamahābenyke. <sup>13</sup> Aityhyd̄ȳdu seriōrey-kī inyō aō ihoōkeki, tamy biwahinyke ahōrō-ribi. Inyō ihetoōkeki, bidybenyke aheto-ō. <sup>14</sup> Inyō ibinamy adeereny riwinykeki, tahe ibinamy aōkō biōwynyke. Bexitōdenyke Deuxu-ō tamy. <sup>15</sup> Inyō reysakeki, tii-wana beysake. Inyō rahinykeki, robukeki, tii-wana mahinyke, bobuke. <sup>16</sup> Ywimy ibutumy iny-wana boibebenyke. Ixityhy aōkō nohōtiōmy. Kai dori ibutumy aōkō teeryte, tule aāōmys̄d̄ȳ bina awimy bimbybenyke. <sup>17</sup> Inyō adeereny ibinamy riwinykeki, ibina-di aōkō biōwynybenyke aōma uritere ywihyylemy bōike. <sup>18</sup> Wiwesehyyle ywimy r̄yimyh̄yre. <sup>19</sup> Inyō umy aōma rarybekeki, uritere ixiōwydȳmy nohōtiōmy. Deuxu-wana birimy. Tii heka riōwynykre iaōhōk̄ȳmyd̄ȳnana-di. Kia tahe roire Tyritina-kī. <sup>20</sup> Aōma aōludu ramamy ruru wana, tamy r̄ys̄na biwahiny, bemy tii ruru wana, tamy bee biwahiny. Tai tahe tii raix̄rure aōbo adee riwinyre lau. <sup>21</sup> Aōbinahak̄ȳ r̄yira-wana, uritere iijiradȳomy. Ibutumy aōwiwihik̄ȳle aō biwinyh̄yke. Tai tahe rexihuke aōbina bina.

### 13

<sup>1</sup> Bityhnyke bedē dinodu. Deuxu dori ris̄nyre bedē dinodumy. Ibutumy dinodu heka Deuxule inydeereny riwahinyre. <sup>2</sup> Inyō bedēdinodu rityhynyōkeki, tii heka Deuxu rityhynyōmyh̄yre. Iny ōbitimy ratxikeki, tiu bedē dinodu rimyōtyhy rōtena-kī aōhōk̄ȳmy d̄ȳnana rot̄ȳnyōtyhy. <sup>3</sup> Inyō ōbitimy ratxikeki heka tiu bedē dinodu lau ruberuōtyhy aōhe ris̄nyōtyhy. Urile iny aōtaōtalemy rot̄ȳnyreu tahe, tiile ruberumyh̄yre bedē dinodu lau. <sup>4</sup> Bityhnybenyke ibutumy bedē ywina aōbo dinodu mahādu raryberē. Brebuōlemy bot̄ȳnybenyke. Deuxu diteōnyde heka bedē dinodu iny riwiōhenanykemy. Kai aōhōk̄ȳmy bot̄ȳnymyh̄yke aōtaōtamy tat̄ȳnymahāte-wana. Bedē dinodu dori tuu nade. <sup>5</sup> Ibutumy bedē dinodu bityhnyke. Tii heka biwinybenyke Deuxu dee kia awire. Tai heka aōhōk̄ȳmy bot̄ȳnybenyōtyhy. <sup>6</sup> Tule iōwy biōwynymahābenyke. Ibutumy heka biōwynymahābenyke aōma tuu dinodu rarybemahāre wesemy. Tai dori riōwynymyh̄yre iaōmys̄d̄ȳdu. Tii heka anawiōhenanyh̄yde. <sup>7</sup> Biōwynymahābenyke aōbo ōbitire, ibutumy wahe. Aōma dinodu iōwydȳmy rariōwymahāre-wana biōwynyke ibutumy awedu mahādu wahe. Bityhnyke ibutumy.

<sup>8</sup> Inydee tanadevenymahāte-wana, biōwynyke ōbitihyylemy. Inywixira luomy atximahāke ibutumy iny wahe. Tii dori Deuxu bedeywina-kī bedē ōtid̄ȳna xiery ratximyh̄yre. <sup>9</sup> Ibutumy Deuxudeewire heka kaa rare. Aeryna luomy iwese ixiluure wese, tahe tamy ibinaōre. Kai rubudȳomy aōbo, ada wasimy iribi texiwononyte ada ihāwy-wana maōtakemy aōbo, texinohōtid̄ȳnyte. Uritere aōbina-di ixinohōtid̄ȳomy aeryna-ō. Uritere aōbina wid̄ȳomy. Aerynaluumy mabeke iwese kai ixiluure wese wahe. <sup>10</sup> Luuna inyō-di rarekeki ibina inyōdee riwinyōtyhy rare. Ibutumy Deuxudeewina heka riwinyh̄yre. Tii sohojile heka bedē ywina-kī awityhyre.

<sup>11</sup> Tule heka ōbitimy matximahāke. Beded̄ȳnana dori iōhōmy resera. Bedē ityre reakremy namyh̄yde. Bexixabenyke wa, Inynyr̄ heka iōhōmy ratximyh̄yre inonana-ō. Iōhōtyhmy relera juhu rityhnyrenyri-ribi. <sup>12</sup> Ruu heka rōhōnymy rare. Txuu tule iōhōmy wahe. Uritere aōbinahak̄ȳ bedeluruhuk̄ȳ aōmyd̄ȳnana wid̄ȳomy. Diabo ijesu bitake aōwiwihik̄ȳ wid̄ȳ wahe. <sup>13</sup> Ōbitimy biwinyamahāke iwese txu rojuxana iny ratximyh̄yre wese. Tai

ibutumy iny rarybemañake kai iluuma atximahâtemy. Uritere abededÿñana huduomy —ixÿteomy, òtaomy, adeburemy jiraomy, ihâruomy. <sup>14</sup> Bexitòdenymyhÿke Inynyrÿ Jesuisi Kristu-ò wahe anawiòhenanykemy. Tai tahe ibutumy òbitimy biwinymahâke. Uritere arayky aomydÿñabinabina nohòtiomy.

## 14

<sup>1</sup> Ijoiò ityhydÿÿdu mahâduò amahâdudÿÿmy rurukeki, ròtena ixinamy ralòke iityhyna ibuterehâre tii-wana aña añamy widee rybetyhymy rybeomyke. Aribi hitximy raraykynyke hâre, bidyke. Ihârele biròtenybenyke. <sup>2</sup> Ityhyna irurukomy ratximyhÿre hâre biròtenybenyke. Tii òsana kiamy raraykynymyhÿre: Iny rexioðwynyke iròdude riròmyhÿrenyremy ijò ròhòtinyke. Kai tahe òsana mohòtinyke kiamy. Tuu ibinaòre. Ityhynareny urihimyoðe rare. Brebunale sÿny roholamymhÿre. <sup>3</sup> Inyò tahe ibutumy riròmyhÿre. Awimy idi tahòtinymahâte-wana, wiribi hitximy aokò. Uritere iohòresedÿÿrenyomy. Deuxu dori ridymyhÿre wesemy iweselemy. <sup>4</sup> Deuxu deòdumy tii rare. Eòdumy aokò. Deuxu-ò tii rirawyoðnyre aòhebo rotÿÿnymyhÿremy. Deuxu rarybeke aòbo òbitire, aòbo teòsare. Deuxu heka tii ritamadÿÿnymyhÿre. <sup>5</sup> Kiamy rakaraykywesenananyrenykre. Txuò aòworana bedehesi heka judeu mahâdu riywinymy roimyhÿre. Kia txuule Deuxu-ò reàlananyymyhÿre rexinohòtidÿÿnymyhÿre. Tahe aokòre. Ijò ityhydÿÿdu mahâdu tahe aokòre. Tii iwitzira rexinohòtinymyhÿre. Ibutu txuu tamy awire Deuxu àlana riwahinymyhÿre. Ixideewimy iny sohoji sohoji raraykywydynanymyhÿre. Ixitawimy Deuxu riwowydynyke. Ibutumy iny òbitimy ixidee raraykynyke. <sup>6</sup> Kaiboho atxu biywinymyhÿbenykeki, kia tahe awire. Xiwenade riròkeki, tii tule Deuxudeewire riwinyre. Inyò aokò riwinyre. Tii tule awimy riwinymyhÿre Deuxudeewina wahe. <sup>7</sup> Ixideewimy rikiywinyrenyòtyhy inynyrÿ-ò dori inyboho roire. <sup>8</sup> Inynyrÿdeewimy rikiywinyrenyke. Ihòrò rare, aruruhârele, aokòhârele. <sup>9</sup> Jesuisi Kristu rubu-ribi rexixare tai butu wedumy. <sup>10</sup> Inyboho heka ihòrò mahâdu roire. Tai uritere inyseriore rybeomy ixiradÿÿomy. Inyboho dori sohoji sohoji Deuxuru-ò rexideòsinyrenykre. Iu tii ibutumy iny riywisinykre. <sup>11</sup> Kiamy heka Ritidÿÿna-ki roimyhÿre. Inynyrÿ heka rarybere: —Inatyhymy, Ibutumy warue-ò tatiowotimy resekre. Rarybekre heka wamy Jiarÿ Deuxu raremy. <sup>12</sup> Iny sohoji sohoji iximy relykyre Deuxuko-ò.

<sup>13</sup> Uritere inywitxira-ò ryberenyomy tii ibinamy rare uritere aòwidÿÿomy, iòraru-ki ixihydÿÿdu òraruna-txi resehemy. <sup>14</sup> Jiarÿ tahe kiamy rahòtinyre. Kia aomydÿÿnana aò aokò rare Deuxu-ò. Xiwena rÿsÿna rirÿsÿkeki aò aokò rare. Uritere kia nohòtidu dee ibinare. Tiibohe riròòke. Xiwena rÿsÿnarÿsÿ òraru-ki ajiòidò bibedewonyhenylau irÿsÿòmykre. <sup>15</sup> Aityhydÿÿdu seriòòke òbitiomy ratxikeki tahe iru-ki arawidÿÿomy atximahâ. Tamy dorihe òbitimy aokò heka idi ròhòtinyke. Tii heka tule riwinykelemy ixidi ròhòtinyke. Timy aokò teòsamy rahaòhyymyhÿre aòma, xiwena rÿsÿna-ki. Kai aokò awimy aòma awityhy irÿsÿòmyke Deuxu Riòreò dibinadÿÿnyke lau wahe, Kristu dori iòraru-ki rurure. <sup>16</sup> Kaki awimy òbitimy mahakeki. Biwinykeki inywitxiraru-ki atxikeki, kia tai uritere rieryòmy aki rahake. <sup>17</sup> Riroximyhÿrenyke, riòmyhÿrenyke —kia Deuxu Iòlòna dee aò aokò rare. Aòmale tahe ròkòhòtinymyhÿreny: wiòhedÿÿna, ywina eysana. Deuxu Tyytybytyhy nydeereny wahidÿÿna wahe. <sup>18</sup> Kia wese iny rÿikeki heka Deuxu dee wina rare, inydee tule. <sup>19</sup> Wii rikiwiohenanyymyhÿrenyke ibutumy wiwesehyyle ywina-di. Tai iny tyhynareny rikikyhy nanyreny kemy. <sup>20</sup> Rÿsÿna òraru-ki aòhe wisÿdÿÿ renyomy, butumy dori Deuxu riwinyre. Kia inyò iòraru-ki aòwitxiramy ròhòtinykeki tahe ibinare. <sup>21</sup> Aò dee rÿsÿ vÿi momo heka ibinare, tai tii rexioðranykeki aòraru-ki urile bexiijònybenyke. <sup>22</sup> Kaa biwinykeki timybo Deuxu dee òbiti relemyhÿre, urile ibutu-ò tuu rybeomy iny bedeoby, kia ira-ki aò ibinakòre. <sup>23</sup> Ijò urihimyoðe tatyhynymy ratximyhÿre heka iximy riatyke. Adee tahe òbiti heka rare. Aòbo riwinyre heka òraruna rare. Tai iwidÿÿomy.

## 15

<sup>1-2</sup> Iny ixira-di heka ròkòhòtinymyhÿrenyke ibutumy aòbo iny riwinymyhÿredi. Idi ròkòhòtinymyhÿrenyke inywitxira aòlaubo ruberumyhÿré. Iny òbiti erykò mahâdu-di. <sup>3</sup> Kristu dori kaki raremyhÿu ixideewimy aokò tuu riwinymy raremyhÿ. Wiwana ritidÿÿdu wesemy riki riritinymyhÿre: nade aòhòkÿmydÿÿnana-ò tai heka bede-ò nade. Riòludunyre heka aòbo iòludu aòbinabinahâkÿ rarybere heka riwaòludunymy raremy. <sup>4</sup> Tuheka roimyhÿre ihetxi Tyyritina-ki inywiohedÿÿna reny. Iny heka ribedeerydymyhÿreny ywina-di rakatxirenykemy rikiraòrenyke heka Deuxu aomy bede dÿÿñana wahe. Rahykyu òraru rahykyu wahe rubu. <sup>5</sup> Tii heka wadee awire wii biwiohenanyke. Deuxu anawiohenanykemy adireny watxireri. Iwese Jesuisi Kristu riwinyre wese.

<sup>6-7</sup> Iluu ratxirenykemy irumy wiluomy matxibenykemy. Iny sohoji sohoji raraykynyke Jesuisi Kristu rayky wese-di. Ityby Deuxu rayky wese-di rÿike òbitimy. Tai tahe inyboho ywinala rekeàlamyhÿre Deuxu-ò, tii Jesuisi Kristu tybyreki wahe. <sup>8</sup> Deuxu ihetxi mahâdu

òraru-ki Jesuisi Kristu heka judeu mahādu deòdurenymy ioxisŷnyre. <sup>9</sup> Iwese rybetyyritityhy rarybere wese: —Idi judeukòdu mahādu Deuxu riwowydynykemy. Tai adee ariwiunykre judeukòdu mahādüy-ki. Jesuisi Kristu heka nade inatyhy riteòsinykemy. Judeu mahādu riwiòhenanykremy Jesuisi Kristu nade. <sup>10</sup> Kiamy heka roire wiuna Ritidŷŷ-ki kia rarybere. Àlàna adee ariwahinykre wiuna-ki judeukòdu mahādüy-ki ani-di arawinykre. Ijò-ki tulekre: —Tuheka wiuna-ki raritidŷŷ roimyhŷre judeukòdu mahādu beysake wa judeu mahādu-wana. <sup>11</sup> Ijò-ki kiamy roire: —Àlàna heka biwahinykemy Inyryrŷ-ò idi watzireri, kaiboho tule judeukòdu mahādu. <sup>12</sup> Deuxu dee rybeduò, Isaia tuu rarybere: —Rexiriòkòremy heka irybe roimyhŷre. Ijese riòkòre wahe. Tii judeukòdu mahādu iòlòmŷ ronykre. Tiile heka riraòmŷ roimyhŷkre. <sup>13</sup> Jiarŷ rexitòenyre, Paulo, kaiboho, Deuxu heka arateysanyrenykre sòwemy ywina-di, tyhydŷŷna-di. Kiamy heka adireny heka watzireri, waseriòreboho. Jiarŷ heka rexitòenyhy watzimyhŷré Deuxu arawiòhenanykemy adeereny rexiterenymy watziwāhāre. Deuxu Tyytybytyhy ruruna-di raròsòna-di adeereny kidiwahinykemy watzireri.

<sup>14</sup> Kaiboho òbitimy ahātenyete waityhydŷŷdu seriòreboho. Sòwemy aòna aòna witzira teerytenyete. Inywitzira bibedeerynybenyke dori teerytenyete. <sup>15</sup> Ihārele taheka atxireny wanohòti reare inatyhymy tai warybe rewahiny Deuxu riwatyhynymy kawese riwasŷnyreki. <sup>16</sup> Biwateònyke taheka judeukòdu mahādu-ò. Jesuisi Kristu dori riwatara tadeòdumy idi judeukò mahādudikemy. Iu Deuxu rybe wihikŷmy rarybemyhŷreu, xiwena wahidŷŷdu wese rare. Kia tahe judeukòdu mahādu Deuxu-ò awike. <sup>17</sup> Tai tahe Jesuisi Kristu-wana rexibedesanymyhŷre Deuxu-ki waaòmŷŷdŷŷna òraru-ki. <sup>18</sup> Jesuisi Kristu Rybewihikŷ tŷmyra-di rareri. Rexitòenymy rare adeereny. Tai kaiboho òbitimy teletenyete Deuxu Tyytybytyhy òraru-ki wahe. Wadeysamy heka watziwāhāre. Jesuisi Kristu adeereny riwinyreki wahe. Jiarŷ reerykòre iwitzira mahādu-di. Tahe aòma waaòmŷdŷŷnana reeryre. Tiu dori biwawiòhenanyke judeukòdu mahādu aritakemy. Deuxu mahādu judeukòdu rarekemy. Òbitimy ikoreny-ki raremyhŷ. <sup>19</sup> Rybe wihikŷmy rybe-di rarewāhā tamyny. Aòna aòna wihikŷ irureny-ò rewinywāhāre. Deuxu Tyytybytyhy-di Jerusalè hāwā-ribi heka rybe-di rare. Iliri bede-ò wahe. Ibutumy bede bedemy rarybere. Jesuisi Rybewihikŷmy. Ibutumy waaòmŷŷdŷŷna rewinyre, Deuxu wadee riwahinyre wahe. <sup>20</sup> Ihāre tahe ararybekemy watzireri tiu iny roholakòmŷhŷre mahādu-ò. Ijòò dohodŷŷna iny rito-hodŷŷnymyhŷre. Tai ikomy ararybekemy ixidi watzireri. <sup>21</sup> Isaia dori kia Tyyriti roire: —Tiu iny tamy roholakòmŷhŷre tamy ijohonaòmŷ rarybere. Tai rierymyhŷre. Tai tahe roholakre tahe rityhinykre.

<sup>22</sup> Tai heka raaòlemy watziwāhāre —adeereny. <sup>23</sup> Katahe kaki rexihumy waaòmŷŷdŷŷ ratzireri. Katahe arorarenymy arake watzireri beòrakòle arakemy ixidi watzireri. <sup>24</sup> Espanha bede-ò arakemy watzireri. Arakreu dori Roma-ò aroramy heka arakre. Iribi inyboho ibutumy rakatzimyhŷreu tahe tako-ò biwaixidŷŷnybenyke. <sup>25</sup> Ikoki taheka wahidŷŷò ariwykre Jerusalè-ò. Jerusalè hāwā mahādu dori aòhòkŷmy rotŷŷnymy rŷiramyhŷ. <sup>26</sup> Macedonia bede-ki Akaiā bede-ki tamy nieruò riwahinykemy ratzireri dohodŷŷna mahāduò kia rama rahureri mahādu wahe. <sup>27</sup> Tiiboho riwiòhenanyre deysana-di. Kia òbiti rare. Iribi tahe Deuxu rybe aòmŷdŷŷnana, Judeu mahādu-ribi nade. Tai tahe judeukòdu mahādu, tule judeu mahādu riwòhenanymyhŷke taaòwiwi-di. <sup>28</sup> Kaa nieru-di arakreu, tahe aroramy arehemynykre. Iribi Espanha-ò arakre. <sup>29</sup> Tuu awana watzikreu, tahe teysamy Inyryrŷ-di rakatzikre.

<sup>30</sup> Bexitòenyke wadee waaòmŷŷdŷŷna sòwemy watzireri ariwinykremy. Deuxu Tyytybytyhy heka sòwemy wadee nade adeereny ariwahinykremy, luuna sòwemy adeereny ariwahinykre. <sup>31</sup> Tule ityhydŷŷdukòdu mahādu Judeia wadee aòbinahākŷ wadi ratzimyhŷre. Wadi bexitòenybenyke jiarŷ iribi arahenykre. Tule kaa nieru rewyreri waribi teysamy rimyrenykre. <sup>32</sup> Tai tahe awanareny tahe wadeysamy arehemynykre Deuxudeewikeki. <sup>33</sup> Deuxudeewikeki wii riki Deuxu ywina adeereny watzireri. Kie.

## 16

<sup>1-2</sup> Fibi hāwyy ityhydŷŷdu seriòreò adee rakre. Tii heka Sekrea hāwā ludu dohodŷŷna mahāduò rare. Tii heka dohodŷŷdu mahādu riwiòhenanymyhŷre aòu aòu aityhydŷŷdu seriòre wesemy. Tii kaiboho biwiòhenanykre, ti dori sòwemy riwawiòhenanyre.

<sup>3</sup> Birybedŷŷnyke Prisila Akila-wana. Tii wawiòhenadŷŷdurenŷ. <sup>4</sup> Tii wadee sòwemy riwinyre rubu lau ruberuòtyhy. Tai jiarŷ reālāwāhāre tamy, tule tuu ibutuma Judeukòdu dohodŷŷna mahādu. Iheto dohodŷŷna mahāduò warybe wehityhyna biwahenyre. <sup>5</sup> Epenetu-ò biwehityhyny. Tii ibutumy ityhydŷŷdu-ribi juhuule rityhinyre Asia bede-ki. Tii wabiòwa rare. <sup>6</sup> Marie adeereny raaòmŷŷdŷŷtyhyre. Biwehityhyna wanimy. <sup>7</sup> Adroniko, Junia wana biwehityhynanykre. Tiiboho judeu mahāduò roire. Ròtenawo-ki wawana roiremyhŷ.

Dohodÿÿna mahãdu rierytyhyre. Deuxu deòdÿÿna mahãdu heka wakomy rityhnyre. <sup>8</sup> Ijõ waityhydÿÿdu biõwa Ampliato inire. Tamy kanarybekre tule. <sup>9</sup> Urbano, Estaki-wana tule Kristu dee wawiòhedÿÿdu tule rybe wehityhyna tamy biwahinyke. <sup>10</sup> Apele heka ityhydÿÿdu tyhy rare. Biwehityhnanyke. Aristabulo-wana heto woludu mahãdu biwehityhnanykre warybe tamy. <sup>11</sup> Tule biwehityhnanykre Herodiaõ —waijoiõ tii rare judeu mahãduõ wahe. Kristu dee dori kia iny õbiti rare. Narciso heto ludu ityhydÿÿduõ heka tule biwehityhnanykre warybe tamy. <sup>12</sup> Tule Trifena, Trifosa, Peside-wana raaõmysÿdÿÿmy Inynyrÿreny-ò biwehityhnanykre wary tamy. <sup>13</sup> Rufu tule Deuxu dee aõmysÿdÿÿdu rare ise tule. Tii dori nadi wesemy riwawisinanyre. <sup>14</sup> Asincrito, Flegonte, Hermes, Paroba, Hermas, tule biwehityhnanykre ityhydÿÿdu mahãdu. <sup>15</sup> Filologo, Julia-wana, Nereu taseriõre-wana, Olimpa, ityhydÿÿdu mahãdu tii-wana ratxireri ibutu-ò warybe wehityhyna. <sup>16</sup> Ibutumy aseriõre debò bimyke biwehityhnanybenykre ibutumy. Ibutumy Kristu tydÿÿdu mahãdu-ò arawawehtyhnanykre. Tule kaki dohodÿÿna irybe wehityhnanyre adeereny riwahinyreri.

<sup>17</sup> Rybeõ roire kaa rybe tyyriti ixiydynako-ki. Ijõ aõhe dÿÿnana doimyhÿde kia hetowo hitxina-ki. Iwtxiramy heka taerydÿÿna mahãdu —iwese inydeereny erydÿÿnamyhÿre wesemy aõkõ kia lau tahe bexiebenyke. <sup>18</sup> Aõ Jesuisi dee aõkõ raaõmysÿdÿÿnyre. Ixidee tule heka raaõmysÿdÿÿmyhÿre aõ ixidee ritarenykemy rõhõtinyinmyhÿreny. Tiiboho heka rarybewihikÿmyhÿreny, aõma, ruikedÿÿmy timy bede erykõ tuu ratximyhÿreny. <sup>19</sup> Jiarÿ wadeysamy watzireri kaiboho õbitimy ibutumy toiteki. Araerywãhã jiarÿboho aõbo õbitire uritere aõbina widyõmy. <sup>20</sup> Deuxu ywisidÿÿna wahidyyna dori Satanasi riixãwididÿÿnyke. Jesuisi Kristu Inynyrÿ wiòhedÿÿna adeereny riwahinykemy idi watzireri.

<sup>21</sup> Tximõtxi dori wawiòhedÿÿdu rare. Lucio, Ijasõ, Sosipatu, wajudeuijoi-wana tule adeereny irybe wehityhyna riwahinyre. <sup>22</sup> Jiarÿ, heka Tercio, reritinyreri aõbo Paulo rarybere adeereny. Jiarÿ adeereny warybe wehityhyna rewahinyreri. <sup>23</sup> Jiarÿ heka Kaio heto-ki watzireri, dohodÿÿna rabutunyreki watzireri. Kaio irybe wehityhyna adee riwahinyre. Tule Erasto hãwã nieru rubudÿÿdu rare. Tule Quarto inyseriõreereny rare. Ibutumy heka kaa irybe weityhyna adeereny rewahinyreny. <sup>24</sup> Inynyrÿ Jesuisi Kristu ruxetõena ibutumy adeereny kanakemy idi watzireri. Kie.

<sup>25</sup> Deuxu irurutyhy-di rare. Tii heka adi riyrubunykemy adi watzireri. Iwese rybe-weityhyna rarybere wesemy, ruru adee riwahinykre. <sup>26</sup> Kaheka Deuxu tarasana rare. Ibutumy iny mahãdu kaa tarasana rare. Katahe wiji ibutumy Deuxu rybemy rybena reamyhÿre. Iwese Deuxu rybedu mahãdu juhoo rarybere wesemy. Deuxu heka ibutu-ò tuu rarybere. Tai tahe ibutumy iny Deuxu Tyytybytyhy rierykre tule rityhnykre. <sup>27</sup> Deuxu-ò àlana biwahinykeki tii dori bedeeryna ratximyhÿre Jesuisi Kristu õraru-ki wowydyna tamy biwahinybenykre aõu aõu. Kie, Paulo.

## 1 Oritxi Mahãdu-ò 1 Oritxi Hãwã Dohodÿÿna Mahãdu-ò

<sup>1</sup> Paulo jiarÿ Deuxudeewimy deòdumy wãhãre, Jesuisi Kristu deòdÿÿna-ki wahe. Jiarÿ waityhydÿÿdu seriòre Sòteni-wana adee warybereny adiwahinyde. <sup>2</sup> Oritxi hãwã dohodÿÿna mahãdu-ò heka watyriti adiwahinyde, Jesuisi Kristu òbitidÿÿna mahãdu-ò, Deuxu hòrò mahãdu-ò, hãwyy, hãbu-wana, ibutumy Jesuisi Kristu ityhydÿÿdu mahãdu-ò. Tii iny Iòlòrenymy heka ratximyhÿre. <sup>3</sup> Ruxetòena, ywina-wana adeeren kanakemyidi watzireri, Deuxu iny tyby-ribi, Jesuisi Kristu iny Iòlò-ribi.

<sup>4</sup> Deuxumy reallãmy watxiwãhãre, Jesuisi Kristu adeereny ruxetòena diwahinydeki. <sup>5</sup> Ibutumy dori iribi tòerymy ahãte arybena-di, erysydÿÿna-di. <sup>6</sup> Kristu dee rybena akireny roimyhÿre. <sup>7</sup> Iribi awahidÿÿna rauhenyòreri, kaiboho dori Kristu deòsidÿÿnamy teraòmahãte. <sup>8</sup> Jesuisi arawìòhenanyhy rarekre bededÿÿnana konana-ò, tatxuu òbitimy ixiko-ò, rexilamadÿÿnykemy. <sup>9</sup> Deuxu òbitihyyra. Tii aratòbinyra Tariòre Jesuisi Kristu-wana rarekremy, iny Iòlòrenymy.

<sup>10</sup> Jiarÿ adeereny rexitòenyneri Jesuisi Kristunimy iny Iòlòrenymy wiwese wimy wimy bityhynymy marybekenymy. Wade awiòre wiribi hitxi hitxidÿÿ. Wii bitotynytyhymy boibekemy adireny watxiwãhãre, araykyreny-ki, aerysynarenymy-ki. <sup>11</sup> Kaiboho waseriòre mahãdu, wimy taujòmotenyteri. Lòe hetowoludu mahãdu kia wako relyyra. <sup>12</sup> Inyò wadee rarybemyhÿre. Ijò mahãdu heka Paulo rityhynymyhÿre ihòrò mahãdu wahe, ijò heka Apòlo rityhynymyhÿre ijò tasÿ Pedro rityhynymyhÿre, ijò tahe Kristu rityhynymyhÿre. <sup>13</sup> Aòherewe, Kristu be iny rihitxihitxinymyhÿre. Paulo be itxeò nihikÿ tyre-ki rurure adeereny. Pauloni-di be rasebere. <sup>14</sup> Inyò he ròratisebenyòre. Krispu, Kaiowanale tahe resebenyere. Tai tahe wabedesamy watzireri. <sup>15</sup> Kiamy ta heka inyò rarybeke lau rejìònymahãre: —Jiarÿ Pauloni-di rexisebenyere. <sup>16</sup> Tefana hetowoludu mahãdu adiratisebenyde. Inyò reratisebenyeki wanohòti reaòhyyre. <sup>17</sup> Kristu dori aòsebedÿÿmy aòkò diwateònyde Rybewihikÿmy rybemy. Bede erydÿÿna nihikÿmy rybemy aòkò diwateònyde, Jesuisi itxeò-ki lamana ariwòkemy aòkò, kia inydeereny rurureki wahe.

<sup>18</sup> Kristu itxeò rubumy ijyy heka ityhydÿÿdukòdu dee itxÿtena rare. Biu-ò hedu mahãdu dee tahe, Deuxu ruru kia rare. <sup>19</sup> Kiamy tahe iritidÿÿna roire: ierysydu mahãdu erysyna-di ariixãwidÿÿnyke. Bede erydu rayky-di adijìònykre. <sup>20</sup> Titxibo tahe bede erydu rare. Tyritimy erydu heka titxibo rare. Titxibo tahe wiji dÿÿraxidu rare. Kabede ludu bede erysyna heka Deuxu-ò itxÿtedÿÿna rare. <sup>21</sup> Bede bede ludu mahãdu ròhòtynyere bedeerÿtyhymy. Tai tahe Deuxu iximy riernanyòhyyre. Kia tahe Deuxudeewire. Iny rybewihikÿmy rybe heka iny wixira-ò itxÿtere. Kia-di tahe Deuxu iny ritareri iny rityhynyereki. <sup>22</sup> Judeu mahãdu aòwiwi rÿikemy aòbo raremy ratzireri. Judeukòdu mahãdu bede erysydÿÿna-di rarekemy riijymyhÿre. <sup>23</sup> Kristu itxeò-ki lamanamy iny rarybemyhÿrenyere. Kia tahe judeu mahãdu riojinyere, judeukòdu mahãdu dee itxÿtena kia rare. <sup>24</sup> Tahe Deuxu rariròwysyna judeu tule judeukò mahãdu-ò heka Kristu erydÿÿna tule ruruna rare ihedÿÿnarenymy. <sup>25</sup> Deuxu itxÿtedÿÿnamy rybe hãbu bedeerÿ ratyre rare. Deuxu iruruòkeki, tii hãbu ruru ratyre iruru rare.

<sup>26</sup> Waseriòre mahãdu arariròwysyna-di mohòtynybenybeke. Beteheemy iny erysyna mahãdu-ribi sòweòre, Deuxu rariròwysyna mahãdu. Dinodu mahãdu sòweòre, iny Iòlòtyhy mahãdu-ribi sòweòre. <sup>27-28</sup> Deuxu heka aòna aòna itxÿtena ritare bedeerÿhykÿ mahãdu riixÿrudÿÿnykemy. Aòna aòna ruruò Deuxu ritare aòna aòna ruru-di riixÿrudÿÿnykemy aòna aòna derare, aò aòkò rare Deuxu ritare aò-di aò aòkò-ò rijyanykre. <sup>29</sup> Tai dorihe inyò rexityhynkòkemy Deuxuko-txi. <sup>30</sup> Kaiboho dori Jesuisi Kristu hòrò toite. Tii heka inydee ibutumy rare: erysynamymy òbitinamymy, tamanamymy, tarasanamymy rare biu-ò hena wahe. Deuxu kia ibutumy diwahinyde inydeereny. <sup>31</sup> Kia dori ritina rybe-ki roire: —Inyò rexiwowdydynykeki, Deuxu-ki rexiwowdydynyke.

## 2

<sup>1</sup> Waseriòrebobo aò hãbu bede erynihikÿ wese aòkò adeereny anade. Deuxu rybetyhydÿÿnamy ararybekremy. Rybenihikÿmy heka rarybeòre. <sup>2</sup> Tii sohojile reeryre akireny rarewãhãu, Kristu itxeò-ki lamanale wahe. <sup>3</sup> Akireny rarewãhãu waruruòmy rarewãhã, ixÿru brebu tahe riwamytatadÿÿnyre. <sup>4</sup> Wabedeerydÿÿna erytyhy rybesirahakÿ-di aòkò rarybereri iny rityhynkemy. Urile tahe Deuxu Tytyby ruru-di rarybewãhãre. <sup>5</sup> Hãbu erytyhydÿÿna aòkò bityhynkemy adi wãhãre Deuxu ruruna tahe atyhynarenymy heka idi toite.

<sup>6</sup> Ityhydÿÿdu umy-ò bede erydÿÿna-di rarybemahâre. Kabede aõmydÿÿnana bede ery aõkõ rare. <sup>7</sup> Kia tahe Deuxu erydÿÿna-tyhyre. Kia heka hâbu mahâdu lau riwõmyhÿre. Juhu inydeereny riywinyre. <sup>8</sup> Kia bede erydÿÿna inyõ wiji Iòlõtyhy mahâdu rieryõre. Kia rierymyhÿkeki, Wanyrÿ wowydyna-ribi itxeò-ki ritamadÿÿnyõhyre inihe. <sup>9</sup> Iwese Ritidÿÿna roireri wese rare: —Rue lobixiõhyymyhyre, nohõti heka roholoõhyymyhyre, inywo rieryõhyymyhyre, aõbo Deuxu riwinyre taluana mahâdu dee, tami riwahinykremy. <sup>10</sup> Deuxu Tyytybytyhy kìa inyboho riteòwarixinyreny. Ittytyby ibutumy rieryre. Deuxu raykywo-ribi aõ ritÿnynymyhyre. <sup>11</sup> Inyle heka iny ixirayky rierykre, kawese tule Deuxu tyytybydile aõna aõna rierykre. <sup>12</sup> Bede aõmydÿÿnana aõkõ inydeereny wahisidÿÿdu rare. Deuxu Tyytyby tahe inydeereny wahisidÿÿdure. <sup>13</sup> Kiadile Deuxu wahisidÿÿna iny reeryreny. Kia iny reerydÿÿnanyamahâreny hâbu bede erydÿÿna-di aõkõ, Deuxu Tyytyby rybe-di tahe reerydÿÿnanywâhâre. Kia iny retÿnynymahâre iny Deuxu Tyytybytyhy-di mahâdu-ò. <sup>14</sup> Iny Deuxu Tyytybytyhy-di rÿiõra mahâdu dee Deuxu Tyytybytyhy aõmydÿÿna dera. Tamy itxÿte rare. Rierykõre. Deuxu Tyytybytyhdile iny rierymyhÿre. <sup>15</sup> Iny heka Deuxu Tyytybytyhdikeki ibutumy rierymyhÿre. Inyõ tahe tuu aõmy tuu irybeõna. <sup>16</sup> Ryberiti-ki roire: —Mobo tahe rieryre Wanyrÿ rayky, mobo tamy aõ ritÿnynykre inyõ aõbo? Inyboho Kristu rayky ijõdire, iwesele raraykynymyhyre.

### 3

<sup>1</sup> Waseriõreboho adeereny rarybeõhyre hâbu Deuxu Tyytybytyhy-di rÿira wesemy. Hâbu òrarudu wesemy rÿirawesemy adeereny ararybeke. Uladu wesemy Kristutyhydÿÿ-ki rÿira wesemy adeereny rarybere. <sup>2</sup> Huÿsy-di òedÿÿ araerynadÿÿnyreny rÿÿÿnater wesemy aõkõ erydÿÿnasiramy aõkõ rybe. Kia rÿÿÿna rÿÿÿmy textiywinyõteny. Wiji tule texihumy aõkõ toiteny. <sup>3</sup> Òrarudu wesemy dori ahâteny. Ihârumy, ijâmý atximyhÿteny. Tai tahe òrarudu mahâdu wesemy ahâte ityhydÿÿdukõdu mahâdu wesemy ahâteny. <sup>4</sup> Inyõ rarybekeki: —Jiarÿ Paulo erydÿÿnay-ki rare. Ijõ rarybekeki: —Jiarÿ Apòlo erydÿÿnay-ki rare. Tiiboho ityhydÿÿdukõdu mahâdu wesemy ihÿreny. <sup>5</sup> Aõbohe Apòlo, aõbohe Paulo. Deuxu deõdu heka inyboho roire. Inyribireny tetyhynymy teerymahâteny. Iwese Deuxu iny sohoji sohoji-ò aõmydÿÿna riwahinyre wese, tai tetyhynyteny. <sup>6</sup> Ta jiarÿle rybemy rarybere iny aõty ribòrõnymyhyre wese, Apòlo rybe ritÿnynyrene iny alòbòrõna ribenymyhyre wese rituunyre. Deuxule tahe idimyhÿre iwese alòbòrõna riumydyÿÿnymyhyre wese. <sup>7</sup> Tai tahe tòbròdÿÿdu aõ aõkõ rare; ituudÿÿdu tule aõ aõkõ rare. Deuxule aõwedu wedu heka rare. Tiile ityhydÿÿdu widÿÿdu nihikÿ rarekre. <sup>8</sup> Tòbròdÿÿdu ituudÿÿdu-wana sohoji wesemy ihÿreny. Sohoji sohoji tauri wahisidÿÿ ritakremy, iwese sohoji sohoji raaõmysÿdÿÿmyhyre wese. Wiwana dori Deuxu dee iny raaõmysÿdÿÿmyhyre. <sup>9</sup> Inyboho heka Deuxu wiõhedÿÿdu mahâdu roire. Kaiboho tahe Deuxu oworu wese toite. Iwese tahe Deuxu heto wese kaiboho toite.

<sup>10</sup> Heto widÿÿdu deywe wese reteleny. Ibutumy Deuxu ruxetõenamy kìa rewinyre. Juhumana retidire idi tahe itira ityre reòõnyra. Ywimy biwinybenykre. Awimy bitamadÿÿnykemy. <sup>11</sup> Jesuisi Kristu juhumana wese heka rare, inyõ tiile tarasadu wahe ijõ manaò teròwomy ritidiõtÿhy. <sup>12</sup> Ibutumy juhumanatyre-ki relereri. Ijõ womati tÿrÿrÿhÿkÿ, ijõ prata-di ijõ manatÿny-di, ijõ õwõru-di, ijõ õteti-di, ijõ horeru-di. <sup>13</sup> Kia txuu Kristu txu wahe riteõsinykre aõdibo sohoji sohoji raaõmysÿdÿÿmyhyre heõty dori riurihixinanynkre. Aõhebo iny rotÿÿnymyhyreki. <sup>14</sup> Juhumanatyre-ki iny aõmydÿÿna rÿiikeki, tii uri iwahisidÿÿnana ritakre. <sup>15</sup> Iny aõmydÿÿna rasõkeki tii ròõnodÿÿkre. Ihâre tahe tarasana ritakre heõtyroobymy wahe.

<sup>16</sup> Kaiboho Deuxu heto wesemy toitemahâ. Teeryõte aõbo. Deuxu Tyytybytyhy heka aworeny-ki rasÿnymyhyre. <sup>17</sup> Inyõ Deuxu heto wesemy rahukeki, Deuxu tii rihukre, Deухuheto dori rare. Kia tahe kaiboho toite Deuxu heto lytytyhy rare, ihõrõtyhy wahe.

<sup>18</sup> Ixi itxenadÿÿõmy, inyõ bedeerymy ixi-di rõhõtynkeki, raitxÿteke tai tahe bedeery inatyhy-ki rareke. <sup>19</sup> Kabede bede eryna tahe Deuxu dee itxÿtena rare. Kia Ritidÿÿna-ki tahe roire: —Bede erynadu tyhy tabedeerydÿÿna-ki Deuxu-ò ròõnodÿÿre. <sup>20</sup> Ijõ Ritidÿÿna-ki roire: —Wanyrÿ, bede erydu rayky rieryre. Kia raykywi aõ aõkõ rare, rybetyhy aõkõ. <sup>21</sup> Iny aõmydÿÿnana-di ixiwowydÿÿõmy, ibutu dori ahõrõ rare. <sup>22</sup> Paulo, Apòlo, Pedro, bede, umy, rubu, aõmydÿÿna wijina, aõmydÿÿna bede kanakre, ibutumy ahõrõ rare. <sup>23</sup> Kaiboho Kristu hõrõ toite. Kristu Deuxu hõrõ rare.

### 4

<sup>1</sup> Inyboho Deuxu deõdu roire, ibutumy idi mohõtinybenyke tii inkyreny ihÿre. Inyboho dori Deuxu aõmydÿÿnana erykõdu tÿnydÿÿdu roire. <sup>2</sup> Deuxu tÿnydÿÿdu õbitihyky rarekemy. <sup>3</sup> Wadi rõhõtynkeki awimy aõbo ibinamy aõbo kìa tahe wadee aõ aõkõ rare. Aõbo dohodÿÿ tÿnydÿÿdu mahâdu wadi rohõtynyke kìa wadee aõkõhykre. Jiarÿ tahe ixi-di dehumy



rahòtinyinòhyymahãre. <sup>4</sup> Jiarý reeryõre inyò aõbinamy wadee rexiwonyke warayky wadee õbiti rare. Tahe ihãrele õbitimy iko-ki rare. Wanyrý tahe wadi timy rõhòtynyke. <sup>5</sup> Kia tahe wiji idi timy nohòtiõmy. Jesuisi nonanako-ki. Tii tahe kanakreu, ibutumy wasimy aõ rýira ritýnynykre, ibutumy iny raykymy rýira ritýnynykre. Kia txule ibutumy iny tabedeõby ritakre Deuxu-ribi.

<sup>6</sup> Kia aõna aõna wawese riwawesenanyreri. Apòlo wese tule rewesenanyreri. Kaiboho dori bierybenykemy kia: ierysydýýrenyõmy aõbo iritidýýnawo-ki ihoõre. Kia wese keki, ijõ týnydýýdu ijõ ratyre ryiõtyhy. <sup>7</sup> Mobo iny wiribi iwitxiramy ihýre. Aõbohe akire Deuxule aõwiwi adee riõre. Ibutumy iribi tetateki tahe aõherekibo axiwedere. <sup>8</sup> Kaiboho ibutumy aõ ijõdire. Tatyhytenyte, iòlo wesemy taditehemynyte iny arawìohenanyrenyõre. Wadee awire kaiboho iòlõmy ahãtenyte. Tai jiarýboho awana ariòlõnykre. <sup>9</sup> Kiamyrene õsana. Deuxu dee heka inyboho deòdýýna mahãdu rurukrerke mahãdu roire ibutuko-txi, ýjuko-txi, hãbukò-txi. <sup>10</sup> Kristu òraru-ki itxýtewesemy jiarýboho roire. Kaiboho Kristu erydure riki. Jiarýboho warurukòrenyke. Kaiboho orarudirenyre jiarýboho inyò walu-urenyõre. Kaiboho tahe ibutu luuna toite. <sup>11</sup> Ihãre tahe wiji ramamy, bemomomy, tykyõmy rekoamnyhýre. Tule sýwisidýýna rýiõre. Tule jiarýboho wahãwã õbiti ihokõre. <sup>12</sup> Ihãre inyboho naaõmysdýýmyhýde iny debò-di irukemy. Inyò inydeereny aõbinamy rarybekeki, awilemy inyboho rirawýõnnyhýre. Inyò aõsarahakýle inydee riwinykeki, aõmy rybeõmyke. <sup>13</sup> Rybebinamy inyboho dee reakeki, ihãrele Deuxumy tamy rarybemyhýre. Rýnysityby wese inydireny rìboho rethemnyhýre, ijese ijese wesemy.

<sup>14</sup> Kia ròritidýýreri aixýrudýýrenyemy aõkò, tahe wiòhedýýdumy retirýreri binadýýna lau, iwese inytybyò tariõre rierynanyre wese. <sup>15</sup> Tahe sówemy Kristu-ki bede erydýýdu rýire. Sówemy aõkò bobohomy rýirenyre. Kristumy heka jiarý sohojile borenymy rare. Rybewihiký erysyna-di dori borenymy ràire. <sup>16</sup> Kia dori kaiboho wawesemy boibekemy adireny watzireri. <sup>17</sup> Tai Tximòtxi reteõnyre adeereny. Tii wariõre luu wesemy ratxire. Tii õbiti rare Wanyrý-ò. Tai watzì õhòtirenny reake iwese Jesuisi Kristury wese rariamnyhýreki, tule iwese reerynanyre wese ibutu dohodýýna hetowo-ki. <sup>18</sup> Inyò ixiwowydumy ixidi rõhòtinyinmyhý iwese arura-ò araõreki. <sup>19</sup> Wanyrýdeewikeki arakre wylemy arorareny-ò. Tai arierykre ixiwowydumy nohòtidu irybe sohojile aõkò arierykre, aõhebo rotýýnyre tule arierykre. <sup>20</sup> Deuxu òlõna heka rybe sohojile aõkò rare, rurutyhy heka rare. <sup>21</sup> Aõbo tahe awityhyre õhòte-di adehemyny aõbo, ada luuna-di ywina-di adehemyny aõbo?

## 5

<sup>1</sup> Dohodýýna mahãduy-ki òrarutyhy-di riki toite kia tahe rare: hãbuò heka tybyhãwyytyby-wana roire. Kia òraru tahe ityhydýýdukòdu mahãdu riòludunýõhyymnyhýre. <sup>2</sup> Kia hyyle ixi-di aõ aõkò tòhòtinyinmyhýte. Aõherekibo bede teòtiinyõtenyte tahinyõmy idi texitõenyõhyytenyte. Hãbu kia riwinyre, ityhydýýdu mahãduy-ribi biòlòdýýnyke. <sup>3</sup> Jiarý akwreny-ki watxiõrerihãre, tahe warybetytyby awanareny ratxireri, iwese jiarý awana ratximnyhýre wesele. Tahe wadohodýýna ariwahinykre kahãbumy ibinamy riwinyremy. Tahe ityhydýýdu ributunykeu, <sup>4</sup> warybetytyby akireny rýireu, Jesuisi Kristu ruru akireny rýireu, kahãbu Satanasi-ò biwahinybenyke. <sup>5</sup> Tai kahãbu umy Satanasi-ò biwahinybenyke itytytyby tahe rahenykre Wanyrý Jesuisi kia nonanatu-u. <sup>6</sup> Arybe iximy wydy awi aõkò rare. Taholaõtenyte aõbo kia rybe-ò; iuri ibutere paõ widýýna sówemy rauridýýra uridýýna heka òraru wese heka rare. <sup>7</sup> Idi behubenyke iuri hitxina-di, tahe paõ iuriõmy rýirekre wese boibekemy õbitimy, Kristu tule buðõni xiwedýýna wesemy inydeereny rurure, iny Pascoareny worana bedehesi dorihe rarýýnymy rare. <sup>8</sup> Tai tahe ixena roxina rikiwinyrenyke. Paõ iuri-di ryiõmy rakatximnyhýreny. Kia uri paõ òraruihetxina wese rare. Paõ týmra, õbitire, inatyhyre, tii rikiyrenyke. Kia tahe rare õbiti widýýna wahe.

<sup>9</sup> Adeereny watyryiti rehahinyre òrarudu mahãdu roo-ki risiõmy, òtadu mahãdu-wana boiòkemy. <sup>10</sup> Ibutumy òrarudu mahãdu-ò aõkò adeereny rarybere. Iny ibina mahãdu, wasidu mahãdu, Deuxutyhy luukòdu mahãdu. Kia-wana noõrennykeki, bede-ribi ihyye bexihitxinyke. <sup>11</sup> Wiji watyryiti kia wese rehahinyre. Ityhydýýduy-txi ròtedu òrarudu rarehykeki, kia roo-ki risiõmy tule iny ibina mahãdu, Deuxutyhy luukòdu, ujõmomy rybedu, wasidu, axaxa momodu, kia mahãdu-wana tahe byreõmy. <sup>12</sup> Ityhydýýdukòdu mahãdu ywisidýýdu aõkò jiarý rare. <sup>13</sup> Deuxu dohodýýdukòdu mahãdu hitxidýýdu rarekre. Deuxu Ryberiti-ki roire: —Òrarudu ay-ribi biòlòdýýnyke.

## 6

<sup>1</sup> Iny ityhydýýduò widee raurenanykeki, aõbohe awire? Erysydu-ò rikidy aõbo ada ityhydýýdu mahãdu-ò rybeke aõbo? Uritere ityhydýýduòle marybekre. <sup>2</sup> Ityhydýýdu mahãdu bede bede mahãdu ierysydýýkre. Kia teerytenyõta aõbo. Ityhydýýdu mahãdu bede bede mahãdu ierysydýýkeki, aõna aõna iyja tahe teeryõtenyte timy rasýdýýnykemy. <sup>3</sup> Tahe inyboho

ÿju aõmydÿÿnana rikieryrenykre. Kiakeki iratyre kabede aõmydÿÿnana rakieryrenyhykke. <sup>4</sup>Erysydÿÿnana ijõdikeki, aõherekibo erysydu ityhydÿÿdukõdu-ò radymyhÿre. Ityhydÿÿdule aõtxi awire. <sup>5</sup>Kia heka adeeremy ixÿruna rare. Hãbu erysydu ityhydÿÿdu mahãduy-ki ratxiõre aõbo ierysydÿÿ-ki. <sup>6</sup>Erysydu ijõdihãre ta ityhydÿÿdu seriõre wii ridyke aõbo ityhydÿÿdukõdu erysydu-ò, kia awiõre. <sup>7</sup>Ityhydÿÿdu wii ridykeki, kia tahe iaõ bede eryõmy rare. <sup>8</sup>Inyõ adeeremy aõmy rotÿÿnykeki, urile tahe aõhõkÿmy rotÿÿnykre. Kia heka Inynyrÿ-ò õbitire. <sup>9</sup>Kaiboho ityhydÿÿdu hãre aõhõkÿmy wii tesÿnymahãtenynte. <sup>10</sup>Òrarudu mahãdu-ò, Deuxu Iòlõna uri riwahiothy. Kia teeryõtenynte, iny ywymynoduõ, Deuxutyhy luukõdu, wiriõrese-ò òtadu, hãbu hãwy wese rexiwahinymyhÿre ijõ hãbu-ò. <sup>11</sup>wasidu, ixidee imynymy nohõtidu, axaxamomodu, jei jeimy rybedu, inywitxira aõmydÿÿnana wydydu, kia-ò Deuxu Iòlõna uri rawahiothy. <sup>12</sup>Kaiboho heka juhu kia wese toite. Wiji tahe iny Iòlõ Jesuisi Kristu, anasuhode, anaixãwidinyde anatade Deuxu Tytybythy-di.

<sup>13</sup>Ibutumy ariwinyke ixidee wikeki ibutumy aõmydÿÿnana tahe iwidyÿ awiõre. Ibutumy arotÿÿnyke ixidee wikeki, aõ aõkõ tahe waumy-di rarekemy raremyhÿ. <sup>14</sup>Rÿsÿnaheka weryi-ò ralõmyhÿ kia-ò heka ihÿmyhÿre. Kia heka Deuxu wiwanale rahukre ikonana-ò. Umy heka òraru-ò sohojile aõkõ rÿire. Deuxu umydikemy dorihe riwinyre. <sup>15</sup>Deuxu Inynyrÿ riixixanyre rubu-ribi. Tule iny kidixixanykre taruru-di. <sup>16</sup>Iny umy heka Kristu rareasa rare. Kia aõbo teerytenyõte? Kabe Kristu rareasa aderana-wana rabutukre, aõkõrehe. <sup>17</sup>Inyõ hãbu aderana-wana roikeki, sohoji umyhyyle wiwana roireke. Kia teerytenyõte aõbo? Kia Tyriti Iritina-ki roimyhÿre, hãbu hãwy-wana sohoji umyhyyle wiwana roireke. <sup>18</sup>Moo Wanyrÿ-wana ributunyekeki, sohoji Deuxu Tytybytle rareke. <sup>19</sup>Òraru-ribi teõrehe my atximyhÿbenyke Ijõ òraru inyõ riwinykeki umywo-ribi nodu aõkõ rare. Òta òta òraru tahe inyõ riwinykeki, kia ixiumy òludu òraru-di reake. <sup>20</sup>Aumy Deuxu Tytybythyshÿ rare. Kia aõbo teeryõte? Deuxu rexiwahinyre awo-ki rasÿnihymy rarekemy. <sup>21</sup>Kaiboho aumy wedu aõkõ atxitenyteri. Jesuisi Kristu adee rurureki. Tii õwynihikÿ-di anadyde, Kia tahe aumyreny-ki Deuxu-ò bealãbenyke, õbitimy bexisÿnyke aumyreny-di.

## 7

<sup>1</sup>Atyriti dÿÿraxi rerawyõnyteri. Kia rare: hãbu hãwy-ò aderexiõhykeki, kia heka awire. <sup>2</sup>Hãbu tahãwydihyyle rareke, tule hãwy tahãbudihyyle rareke òta òta òraru dori sõwerek. <sup>3</sup>Hãbu tahãwy-ò umy wahisidyÿna tamy riwahinyke. Hãwy tahãbu-ò umy wahisidyÿna riwahinyke. <sup>4</sup>Hãwy taumywedu aõkõ rare, ihãbu iwedure. Tule hãbu taumywedu aõkõ rare. Ihãwy iwedure. <sup>5</sup>Wiõmysadyõmy. Urile rexitõbenyke aõtxu-ò wii riõmysanykre. Urile ixideewimy wiwana ratxike. Idi wiwana roikre Satanasi riixiranyheny bededÿÿnana riijereki. <sup>6</sup>Kia warybe bede ywina aõkõ rare. Urile wadohodyÿna rare. Adee awikeki, tuu bityhnybenyke. <sup>7</sup>Ibutumy hãbu wawese rÿirakeki, awire. Iny sohoji sohoji tahe, Deuxu bede wywidÿÿna tamy riwahinyra ijõ wiribi lahixi ihÿre.

<sup>8</sup>Ixihy mahãdu-ò wytese mahãdu-ò wadohodyÿna rewahinyre: wawese hyy rÿirakeki, awire. <sup>9</sup>Ixiwedudõkeki, tahe boikre, tii arasahyy mabekelau. <sup>10-11</sup>Hãbu hãwymy heridu-ò warybe rewahinyra, tahe warybe aõkõ rare, Wanyrÿ rybe. Kia rare: Hãwy uritere tahãbu ririõhyke. Hãwyõ tahãbu-ribi rexihixinykeki, ijõ-wana roiõke ada tahãbuwanale ixby roike. Tule hãbu uritere tahãwy risiõmy. <sup>12</sup>Ijõ-ò warybe rewahinyra Wanyrÿ rybem y aõkõ: Ityhydÿÿdu seriõre ihãwy ityhydÿÿdukõdukeki, uritere iatysõmy hãwy tii-wana rarekemy ratximyhÿreki. <sup>13</sup>Hãwy ityhydÿÿdu ihãbu ityhydÿÿdukõdukeki, tule uritere iatysõmy tahãwy-wana rarekemy ratximyhÿreki. <sup>14</sup>Hãwy dori ta hãbu ityhydÿÿdukõdu riõbitinymyhÿre rityhydÿÿnymyhÿ tii-wana ratximyhÿreki. Hãwy ityhydÿÿdukõdu iwesele ta hãbu risÿnyre. Aõkõkeki ariõre ityhydÿÿdukõdumy raremyhÿ. Ka tahe rityhnyteri. <sup>15</sup>Ityhydÿÿdukõdu resekeki ixinamy rake. Kia wesekeki, ityhydÿÿdu ritaamy aõkõ ihÿre. Kaiboho ywina-di boibekemy Deuxu ratximyhÿre. <sup>16</sup>Hãwy, teeryte ta hãbu rityhnykre aõbo, ada aõkõre aõbo? Aõkõ, teeryõte.

<sup>17</sup>Iwese Deuxu iny sohoji sohoji rihitxihixinyre wese, boibemahãke. Iwese atximahãtenynte wese Deuxu anatandeydeu kia wese boibeke. Kiamy heka reerynanymahãre ibutumy dohodÿÿna-ki. <sup>18</sup>Inyõ notyky resyna-di bityhnykeki, kaweselemy mabeke. Inyõ õtyky resyna-di aõkõ bityhnykeki, juhuu tatemahã wese mabeke, notyky resydÿÿõmy. <sup>19</sup>Notykyresya aõ aõkõ rare, ityky resykõ tule aõ aõkõ rare. Deuxu bede ywina wywidÿÿna, kia heka aõ wihikÿ rare. <sup>20-21</sup>Iwese Deuxu ibutumy iny ditade wese, juhu widÿÿnalemy mabeke. Deõdumy aõbo tetyhnynte, tahe tuhyymy mabeke. Awedudeewimy bexihukeki tahe, idi make araokorore-ribi bohonykeki, tahe make. <sup>22-23</sup>Deõdu-ò Deuxu ritakemy rarybekeki, tahe rityhnykeki, tii raõkõrõ-ribi rohonyra Deuxu rue-ò õkresyõ mahãdu rityhnyrenykeki, tiõboho deõdu roire. Deuxu aradyra õwyhykÿ-di tai tahe hãbu deõdumy

aòkò boibeke. <sup>24</sup> Ityhydÿÿdu seriòre, iwese atximahâte wese adee tarasanamy Deuxu rarybereu, kia wesele boibeke.

<sup>25</sup> Ijadòma-ò bede ywinamy Wanyrÿ Deuxu tarybe diwahinyòde. Ihãrele wadohodÿÿna adee ariwahinykre kialemy. Deuxu dori tatòenamy riwaòbitinyre. <sup>26</sup> Aòhebo kowa rotÿÿnyre, awi aòkò rare. Kia tahe aratohonykre: Iwese iny ratximyhÿre wesehyy, boibeke. Tii tahe wadee awire. <sup>27</sup> Kai aòbo hãwyymy heridu tate. Tahe ixihitxidÿÿmy nohòtiòmy. Kai aòbo hãwyymy heridu aòkò tate. Tahe hãwyymy herimy nohòtiòmy. <sup>28</sup> Tahe hãwyy-wana boikeki. Tii òraruna aòkò rare. Tule ijadòma roikeki tule òraruna aòkò rare. Ibutu iny heridu iaòmydÿÿ-ki aòhòkÿmy rotÿÿnyrenyke. Ilau jiarÿ adeeremy rarybere inyò aòhòkÿmy rotÿÿnyheny. <sup>29</sup> Bededÿÿnana he iòhòre. Tai tahe adee rarybere waseriòreboho, inyò heridu ixihyno wese ratxikemy. <sup>30</sup> Iny bedewomy ratxirerí, ixibedewodÿÿ-ribi tòhòti rosake. Iny deysamy ratxirerí, deysa-ribi nohòti rosake. Inyò aò riwymyhÿre, ihokò wese rotÿÿnyke. <sup>31</sup> Kabede aòna aòna kai bierysynanykeki iwese ierysydÿÿòmy bisÿnyke. Kia aòna aòna ibutumy ituekre. Bededÿÿnanahe aòwesele rexihukre. <sup>32</sup> Ixiraòmy ahãbenyke, kiamy tahe adee watxiwãhãre. Inyò heridu aòkò Deuxu aòmydÿÿna riywinymyhÿke, iwese Deuxudeewimy ratximyhÿkemy. <sup>33</sup> Iny heridu heka bede aòmydÿÿna riywinymyhÿre, iwese tahãwyydeewimy ratximyhÿkemy. <sup>34</sup> Kiamy rihitxinyre. Hãwyy tule heridu aòkò Deuxu aòmydÿÿna riywinymyhÿre taumy Deuxu Tyytybytyhy òbitidÿÿmy. Hãwyy heridu tahe bede aòmydÿÿna-dí ròhòtinymyhÿre tahãbudeewimy riywinykemy. <sup>35</sup> Kia aratohodÿÿnyra adeerenywikremy. Kaiboho arataaòtyhy. Urile anawìohenanymahãde Deuxu iòhòmyhÿreki. Iòkòramy ibutumy arahenyrenyke watxiwãhãre.

<sup>36</sup> Ijadòma tibiedÿÿdu tatibiena-ò òbitimy aòkò risÿnymy rexinohòtinymyhÿre. Ijadòma tahãbumy herina bede-ò rehemynyre. Tahe tatibiedÿÿna-dí inyò-wana roikemy idi ihÿre, ixinamy roike. Kia òraruna aòkò rare. <sup>37</sup> Weryrybò heriòkemy rarurunykeki, tii tahe awire. Tii dori irurudire iheridÿÿnyke heny. Tii ixiumy wedu rare. <sup>38</sup> Tahe rihetidÿÿnykeki, tii awire. Tule rihetidÿÿnyòkeki, iratyretyhy awire.

<sup>39</sup> Hãwyy hàbu-wana rÿihyyke hàbu irumy. Rurukeu tahe hãwyy aòtxile roike. Urile Wanyrÿ Deuxudeewimy. <sup>40</sup> Tahe wytesetyhmy ratxihyykeki, teysamy rÿikre. Tuheka jiarÿ rahòtynyeri. Deuxu Tyytybytyhy wawo-ki ratxirerimy idi rahòtynyeri.

## 8

<sup>1</sup> Katahe adeeremy ararybekre: Suritxoo-ò rÿsÿna xiwedÿÿnamy. Inyboho ibutumy bedeery roire. Bede ery iny aònityhmy rixinohòtynre. Luuna tahe inywiòhedÿÿdure. <sup>2</sup> Inyò aòerysydumy rexinohòtynykeki tii aòwihikÿ rierydre. <sup>3</sup> Inyò tahe Deuxu luukeki, Deuxu tii rierymyhÿre. <sup>4</sup> Kaa rÿsÿna suritxoo-ò xiwemy rawahimyhÿre. Kia tahe aritÿnynykre. Inyboho rierenyre suritxoo aò aòkò rare. Sohojihyy heka Deuxu rare. <sup>5</sup> Iny deuxu aò òta òtalemy rininimyhÿre biu-ki, bede-ki. Iwese deuxu sòwemy ihÿre wese wedu sòwe rare. <sup>6</sup> Inydeeremy Deuxu sohojile rare. Inytybyreny. Tii ibutu aòna aòna riwinyre. Tamy inyboho roire. Tule inydeeremy Wanyrÿ sohojile rare, Jesuisi Kristu. Tii ibutu widÿÿdure. Tii ratximyhÿre xiery inyboho ratximyhÿrenyre. Tamy inyboho roire.

<sup>7</sup> Tahe ibutumy kia iny rierydre. Iny sòwemy suritxoo iny reòwarimy rÿjira. Tii riki ixiwenadumy riroxikeki, tai òraruna tuu relemyhÿre. <sup>8</sup> Rÿsÿna aòkò riwatyhenyrenyra Deuxu-ò. Tai roxiheny rÿjire. Rikirÿsÿrenyòkeki, rikiònonyrenyòtyhy. Rikirÿsÿrenykeki, aò rikitarenyòtyhy. <sup>9-10</sup> Bexiebenyke. Urile ityhydÿÿdu aokòdu ixihe-ki iatysyòmy, aurihixinahe-ki. Suritxoo hetowo-ki inyò umy robikeki teroxiterimy, tii tule ijò rÿsÿmy rexixinamy, xiwe rÿsÿmy. <sup>11</sup> Tai tahe aòraru-ki aseriòre atyhyna-ki òraruna-txi resekre. Tamy Kristu tarasamy rurure. <sup>12</sup> Kiamy ityhydÿÿdu seriòre-ò taòrarunyteki, tule Kristu-ò textiòrarunyte. <sup>13</sup> Tai rÿsÿna òraru-ki ityhydÿÿ-ki waseriòre òraruna-txi resekeki, jiarÿ kia rÿsÿna ariroxiòtyhy, waseriòre òraru-ki.

## 9

<sup>1</sup> Jiarÿ adeeremy rexihymy watxiwãhãre. Jesuisi teòdÿÿnamy jiarÿ watxiwãhãre. Jesuisimy, Inynyrÿrenymy rabiòremy tahòtinymahãtenyete aòkò, Jesuisimy rabire. Waòraru-ki kaiboho ityhydÿÿdumy toite. Deuxu dee waòmysÿdÿÿ òraru-ki ayreny-ki. <sup>2</sup> Inywitxiraò-ò òsana Deuxu deòdÿÿnakòmy watxiwãhãre. Adeeremy tahe inatyhmy Deuxu teòdÿÿnamy wãhãre kaiboho dori wateòdÿÿna urihixinamy ahãtenyete Deuxu dee.

<sup>3</sup> Kia tahe warawòdÿÿna rare iny witxiraò-ò: <sup>4-5</sup> Jiarÿ ariroxikeki, ariòkeki, tai aòkòhe awilere. Ityhydÿÿdu hãwyyò-wana, wawana aridykekò aòbo awileke. Kawese ibutumy Deuxu teòdÿÿna mahãdu rotÿÿmyhÿre, tule Jesuisi seriòre, tule Pedro. <sup>6</sup> Jiarÿ, Banabewanahyye raaòmysÿdÿÿwãhãre iny aòreny tarasanamy. Kia rikirirennykeki, awikeki, aòbo. <sup>7</sup> Inyò aòbina-ò rakeki, ta aò aòbo riòwonyke? Aòkòre. Inyò oworumy uva bederaty ribrònyke-wana, bederatyò aòbo ritòleke. Inatyhmy inyò teòte asi-ò riyrubunymyhykeki,

ihowÿsmy aõbo riõmyhÿke? Kohe, riõmyhÿke. <sup>8</sup> Kabexe hãbu wese aõbo jiarÿ rarybereri? Tule tahe bede ywina tyriti aõbo riritinymy rÿimyhÿ. <sup>9</sup> Moisesi bede ywina ritidÿÿna-ki rÿimyhÿre: —Broreniry itaaõmyhÿ maixõmo tyre rariamy risymyhÿreu. Deuxu aõbo broreni riwotõenymyhÿre. Aõkõre. <sup>10</sup> Tahe waðrarureny-ki aõbo kia rarybere. Kohe. Inyõ ròbrõmyhÿreu, iyremy ritakemy rõhõtinyinmyhÿre. Tule inyõ riòrõmyhÿreu, ijõð ixidee ritakemy rõhõtinyinmyhÿre. <sup>11</sup> Deuxu Tytybytyhy aõmydÿÿnanamy adeereny anaernynykeki, idi aõna aõna aribireny aritaleke, aõbo? Kia aõnityhyre aõbo? <sup>12</sup> Iny wixira aõ aribi ritake-wana, jiarÿboho iratyre iu arõtarenkemy arotÿÿnyrenyke. Tahe tiu ròtaðhyre. Deuxu Rybewihikÿ tÿnydÿÿna ariokòrõðtyhy. Tai ibutumy aõ wixira wixira riòludunywãhare. <sup>13</sup> Dohodÿÿna heto deõdu irysyna ritamyhÿre dohodÿÿna heto-ribi. Xiwe dinodu aõ rÿÿÿna ritamyhÿre xiwena-ribi. <sup>14</sup> Kia wese Deuxu rarybere; inyõ Rybewihikÿ ritÿÿnynekeki, ibutumy aõmy reamyhÿre ritamyhÿre, Rybewihikÿ aõmysÿdÿÿbro-ribi. <sup>15</sup> Tahe jiarÿ aõ aribi retaðhyre tule kia reritinyeri aõ aritakemy aõkõ aribireny. Warybe inyõ riõnõnykemy aõkõ watxiwãhare iko-ki tahe aruruki. <sup>16</sup> Jiarÿ Rybewihikÿ retÿÿnymahãre, rexierymahãre dori aritÿÿnydÿÿke. Kia heka aõhõkÿ aõkõ waloosõnadikemy rare. Rybe aritÿÿnynekeki, heka aõbinatyhyõ wadee kanake inyhe. <sup>17</sup> Ixidee wimy Rybe aritÿÿnymyhÿkeki, tai ki aritakre. Ixideewimy aõkõ aritÿÿnyneke-wana, ihãrele tahe itÿÿnydÿÿmy iwahisidÿÿna wadee roire. <sup>18</sup> Kiake-wana, timybo wawahidÿÿna ihÿre. Kia heka rare. Rybewihikÿ tÿnydÿÿ-õ arexiõwynyðtyhy. Aõbo inatyhymy wahõrõre, retaðhywãhare.

<sup>19</sup> Jiarÿ inydeõdumy aõkõ rarehywãhã. Tahe iximy rexideõdunyre sõwemy iny òraru-ribi aritakemy. <sup>20</sup> Judeu mahãdu-õ judeu wesemy jiarÿ rexisÿnyre, judeu mahãduõ dori òraru-ribi aritakemy idi watxireri. Moisesi bede ywina yrubudÿÿdu mahãdu dee ixiwesemy rexisÿnyre iòraru-ribi dori aritakemy. Urile jiarÿ kia bede ywiny rubudÿÿna aõkõ rare. <sup>21</sup> Bede ywina aõkõ mahãdu dee ixiwesemy rexisÿnyre. Urile Deuxu bede ywina dire jiarÿ Kristu bede ywina yrubudÿÿdu jiarÿ watxiwãhare. Kia iòraru-ribi aritakemy jiarÿ rexisÿnyre. <sup>22</sup> Irurukõdu mahãdu-õ waruru aõkõ wesemy rexisÿnyre, irurukõdu mahãduõ ritakemy. Ibutu iny deewesemy rexisÿnyre rarewãhã, aõtxile tiiboheõ aritakemy iòraruna-ribi. <sup>23</sup> Ibutumy rewinyre, Rybewihikÿ dee iwiohedÿÿdukemy ixi-di wãhare.

<sup>24</sup> Ijarana rõhõnykeu ijaramy ijaranadu sohojile rõhõnyra. Tiile wahidÿÿna ritake. Kai-boho majaranybenyke tii bitakemy. <sup>25</sup> Ibutumy ijaradu ixidi rorenymyhÿre aõikõkõmy rexierynanymyhÿre. Kia riwinymyhÿ wahidÿÿna ritakemy. Kia wahidÿÿna retybykre. Inydee wahidÿÿna tahe retybyðtyhy. <sup>26</sup> Jiarÿ kawesemy rajaranyre aõ aritakemy. Axio ijesumy resuwãhare yhyle rehetenyre wese aõkõ. <sup>27</sup> Waumy-di rõrenyhywãhare. Wadeõdu wesemy waumy resÿnyre. Tai dori resÿnyre. Jiarÿ inyõ-õ Rybewihikÿ aritÿÿnynekeki, ywiny dehudu wesemy aõkõ arareke, adehuky-ribi riwata lau.

## 10

<sup>1</sup> Boholabenyke weseriõre ityhydÿÿdu mahãdu. Inybybreny kia biuwetyky nonoe rawo-di roimyhÿ. Tule ahobesõhõkÿ rawo-di reurõrenyre. <sup>2</sup> Moisesi, iwedu, ibutumy aho-di nonoe-di rexisebenyre. Tai iwedu inatyhymy rityhynenyre. <sup>3</sup> Deuxu Tytytyby rÿÿÿna sohojile wiwese wesele ibutumy rirÿÿre. <sup>4-6</sup> Deuxu Tytybytyhy mona sohojile ihÿre. Bee manay-ribi nade. Mana tahe Kristuweselemy ihÿmyhÿre. Inynyrÿ kiamy roiremyhÿu. Deuxudeewimy aõkõ riwinymyhÿre. Tai rurure bedero-ki. Kia tahe inydeereny bedeery urihixina erysdyÿÿnamy ratxireri, inyboho-dori aõbina widÿÿna aõkõ roko-hotinyrenykeky, iwese tiiboho riwinyre wese aõkõ. <sup>7</sup> Inyboho suritxoo tyhydÿÿdukõmy rokoireke iwese ijõ mahãdu tuu rerinanymyhÿre wese kõkremy. Ritina-ki roimyhÿre: —Tiibohe ronymyhÿre riroxikemy, riõkemy. Tahe ritamanyrenyrisinykremy. <sup>8</sup> Tule õta õtamy rokotÿÿnyrenyõke iwese tii riwinyre wese —tai 23.000 iny rurure sohojixu-u. <sup>9</sup> Deuxu urihixirenyõmyke, iwese tii riwinyre wese. Tai rururenyre hemylala jurutana-ki. <sup>10</sup> Iburãmyke iwese tii ribuareny wese. Tai rubudÿÿdu rirubunyre, Rubu ÿju wahe. <sup>11</sup> Kia tahe bede ery urihixidÿÿna erysyna inydeereny ratxireri. Riritinymyhÿre iny bede erynarenymy. Bededÿÿnana konana-õ iõhõmy inyboho roire. <sup>12</sup> Tahe inyõ õbitimy rÿimy rõhõtinyinkeki, tii rexijemy ratxike reseke lau. <sup>13</sup> Ixirana isirare inydee rehemynyðtyhy rikiòludunyðtyhy. Deuxu awi rare. Riatyðtyhy iòlududÿÿna-txi. Tii inydeereny ixirana-ribi ixitarasana riwahinyre. Iny rurureny wesele ixirana rare. Tai rikiòludunyenky.

<sup>14</sup> Waluuna mahãdu, kaiboho suritxoo luuna-ribi bexiebeny. <sup>15</sup> Adeereny rarybere, kaboho dori abederyreny kai bedeerywesetyhymy toiteki. Mohõtinyinbenyke aõmybo rarybereridi. <sup>16</sup> Deysanamonaahyna aõbo ityhydÿÿdu mahãdu wowydyna rare Kristu hãlubu wesemy tuu riõreki? Iny paõ riyreyrenyreu, Kristu umy wesemy aõbo rare? Inydee aõbo wowydyna rare? <sup>17</sup> Inyboho sõwe roire. Urile tahe paõ sohojihy rare. Sohoji butunahymy rare, paõ sohojiribile yre yre rarÿÿre, inyboho sohojilemy roire. <sup>18</sup> judeu ijoi-õ betehobenky. Kia xiwe rirÿÿrenykeki, xiweribile ritamyhÿre. Kia aõbo õbitire.

<sup>19</sup> Timybo jiarý rarybereri? Rýsýna aõbo xiwenamy diwahinydeki, kia aõbo aõ rare ada ritxoo aõ aõbo rare. <sup>20</sup> Kiamy aõbohe jiarý rarybereri? Aõkõre, tuu aõkõ rarybereri. Urile, kia raxiwemyhýre, diabo tyytyby-ò rare. Deuxu-ò aõkõ raxiwemyhýre. Kaiboho diabo tyytyby-ò tamy bexijemy. Tii-wana uritere noõmy. <sup>21</sup> Wanyrý monamy biõkeki, tai diabo monamy tule biõðke. Wanyrý roxi-ki biroxirokeki, tule tai diabo rýsýna rýsýõmykre. <sup>22</sup> Deuxu aõbo iny kidihãrudenykre. Inyboho aõbohe ityhyreny iratrye?

<sup>23</sup> Aõwaxiny tuu botýýnyke. aõmydýýnana awire. Ihãre tahe awiõre. Aõmydýýnana ixidee wimy botýýnyke. Urile aõmydýýnana riwiðhenanayõhyre. <sup>24</sup> Uritere aõmydýýnana sohojidle nohõtiõmy; tule inywitxira aõmydýýna-txi õhõti beake tai aõwiihikýmy tamy biwinykre. <sup>25</sup> Birõmyhýke ibutumy aõ rýimyhýre meriadu-ki, nohõtiõmy aõbo raremyhýmy. <sup>26</sup> Ibutu bede aõmydýýna Wanyrý wahidýýna rare inydeereny. <sup>27</sup> Ityhydýýdukõdu mahãduõ aratobiny, kai makeki, biroxi ke ibutumy aõbo adee kidekre. Dýýraxiõmy araykywydyna õraru-ki. <sup>28</sup> Tahe adee rarybekeki; kia ritxoo xiwe rare. Irýsýõmy, kia hãbu raykywydyna õraru-ki tamy ibinare wahe. <sup>29</sup> Araykywydyna õraru-ki aõkõ jiarý rarybere, tahe iwitxira õrariki. Ijõ hãbu witxira rayky-di aõkõ aritõhõtinyhýke. Kia õsana inyõ rarybekre. <sup>30</sup> Dealãnadile jiarý ariroxiwãhãkeki, timybo inyõ ibinamy wamy rarybeke. Deuxu-ò dori rexideylydýýnyra. <sup>31-32</sup> Tai tahe, biroxi benyke-wana, biõbenykeki, aõmy botýýnykeki, ibutumy Deuxu wowydyna-ò botýýnyke. Inyõ atyhyna-di iatysõmy, judeu mahãduõ-ò, judeukõdu mahãdu-ò, tule Deuxu tyhydýýduõ-ò. <sup>33</sup> Ibutu dee rarurunywãhãre tamywikemy. Waaõmydýýnana sohojile aõkõ rahõtinywãhãre ibutu iny aõmydýýna dee rahõtinywãhãre tarasadýýmy.

## 11

<sup>1</sup> Iwese jiarý Kristu wesemy watzimyhýre wese kaiboho wawesele boibekre.

<sup>2</sup> Ararybekre: —Kaiboho awirenemy kaiboho dori iwese bede eryna araerynanyre wese ibutumy teyrubunmahãtenynte. <sup>3</sup> Tahe ijõmy araerynanykre. Kristu iratiwi ibutu hãbu ratyre rare. Hãbu tahe hãwyryati ratyre rare. Tule Deuxu tahe Kristu ratiwi ratyre rare. <sup>4</sup> Hãbu rexitõenyre, ritýnynyke tarahety-di, Kristu rityhnyõre. <sup>5</sup> Hãwyõ tahe rexitõenyke, ritýnynykeki tarahety-di aõkõ, tii tahãbu rityhnyõre. Tii dori tarade rasyimyhýre wese ratximyhýre. <sup>6</sup> Hãwyõ tarade rihetynyõkeki, tii tarade riorokre. Hãwy tarasy lau raixýrukeki, tahe tara rihetynykre. <sup>7-9</sup> Hãbu tara rihetynyõmyhýkre dohodýýna heto-ki. Bera-õ tyytyby wesemy Deuxu dee hãbu rare. Deuxu dee hãbu rare. Hãwy tahe hãbu dee-ki rare. Hãbu heka hãwy-ribi aõkõ dori iwidýý rare. Hãwy tahe hãbu umy-ribi iwidýý rare. Hãbu hãwy dee aõkõ relere. Hãwy tahe hãbu dee relere. <sup>10</sup> Tai tahe hãwy tara riwõmyhýke. Iu tahe hãbu rityhnyimyhýre ýju õraru-ki. <sup>11</sup> Deuxu ityhydýýduy-ki wiwesele wiweselemy ratximyhýre. Hãbu hãwy-di ratxikemy; hãwy hãbu-di ratxikemy. <sup>12</sup> Iwese hãwy hãbu-ribi relere wese, hãbu hãwy-ribi reamy raumynymyhýre. Deuxu ibutumy riwinyre. <sup>13</sup> Kaiboho mohotinybenyke: Hãwy rexitõenyre, tarade rihetynyke, aõbo ada aõkõre aõbo? <sup>14</sup> Hãbu iraderehemy rýira, tarati rityhnyõmyhýre tuu rýira. Kiamy bede riwaerynanyreny. <sup>15</sup> Hãwy tahe irade rehely rýira ixiruxeradyýny rýira, hety wese tamy iõ rarekemy wahe. <sup>16</sup> Inyõ iwitxiramy rexinohõtinykeki, tamy ararybekre, kia wese: Inyreny-ki kia bede wyna rare ibutumy dohodýýna heto-ki.

<sup>17</sup> Aõwesebo botýýnykremy adee ararybekre. Wade awiõre iwese ahãtenynte wese kaiboho tebutunyenynte, kia arawiðhenanyõhyre urile tahe arabinanytyhyreny. <sup>18</sup> Juhuu ararybekre timybo raholaremy: kaiboho texihitxinynteny dohodýýnaheto-ki, kia tahe rityhnyriõremy watzireri. <sup>19</sup> Wiribi bexihitxinybenykeki, tai iny õbiti rýira bierybenykeny. <sup>20</sup> Bibutunymyhýbenyke, Inyryrý roxina aõkõ terýsýmahãtenynte. <sup>21</sup> Ijõ detiteremy taroxina riwomyhýre inywitxirako-ki. Ijõ aõ rimyõmyhýreki rama risamyhýre. Ijõ tahe sõwetyhyriõmy raixýtemyhýre. <sup>22</sup> Kai aõbo ahetoõre, tai biroxi myhýkemy, biõmahãkemy? Kia wese-ki Deuxu dohodýýna heto aõbo tetyhnyõmyhãhãte. Iaõkõ rýira mahãdu tule teixýrudýýnyhýnteny. Aõmybo ararybekre. Arawowydydýýnyrenykremy aõbo? Aõkõre. Tai arawowydydýýnyrenyõtyhy. <sup>23</sup> Kia Inyryrý-ribi retare, tule aerynamy adeereny rewahinyre. Kia wahisidýýnadyna txuu, Jesuisi Inyryrý orotxu rimyre. <sup>24</sup> Rexitõenyredi, riõrõre, idi tahe rarybera:

—Kia heka waumy rare. Adeereny wahidýýmy watzireri. Kia biwinymyhýkreu, watzii õhõtireny reakemy.

<sup>25</sup> Tule riymyhýre rahudi, tahe bemona hyna rimyra, idi tahe rarybera:

—Kia heka wadeewimy Deuxu, iny-wana ratximyhýre. Wahãlubu õraru-ki kia riwinyre. Kia biõmahãbenykreu, aõu watzii õhõtireny reakemy.

<sup>26</sup> Tiubo paõ biymahãbenykreu, bemona hyna-ribi biõmahãbenykreu, warubu rybe tetýnyntenyteri idi adõsekre. <sup>27</sup> Tai inyõ õhõtioõmy riykeki-wana, riõkeki-wana, tii Jesuisi umy hãlubumy õraru-ki ratxireri. <sup>28</sup> Sohoji sohoji taaõmydýýnana-di rohõtinykre, idi

tahe riymyhÿre, riðmyhÿkre. <sup>29</sup> Inyð Jesuisi умы-di røhøtinyðokeki, ixidee aðbinahakÿ kidiwynyke. <sup>30</sup> Kia ðraru-ki søwemy binamy ðhyyle toite, tule iny søwemy rurumy rÿira. <sup>31</sup> Iny ixi-di rohøtinykeki, aðbinahakÿ rexierykemy, tahe iny rexiòbitinyke. Deuxu tai aðhøkÿmy rotÿÿnyòtyhy. <sup>32</sup> Inynyrÿreny inyboho riòbitinymyhÿre. Kiamy heka bede mahädu-wana aøkðokeki, aðhøkÿmy rotÿÿnyrenyke. <sup>33</sup> Kiamy, waseriðreboho, roximy bibutunykreu, ijð wii biraðbenyke. <sup>34</sup> Inyð rama risamy rÿikeki, taheto-ki riorexike tai rihuðmy rÿimyhÿkre Deuxu ywisidÿÿna-ki. Adee arehemynykreu, ijð kia aña añamy arðerynanyrenyke.

## 12

<sup>1</sup> Deuxu Tyytybytyhy bede eryna wixira wixiramy adeereny ararybekre, araerynanyrenykeny. <sup>2</sup> Ityhydÿÿdukðdumy toitemahäu, aðð aradyrenyke suritxoo rybeðhøkÿ-ð. <sup>3</sup> Tai arabedeerynryeri: Inyð Deuxu Tyytybymy rarybemyhÿkeki, tii rarybeòtyhy: Jesuisi ibina rare. Tule inyð uri rarybeòtyhy: Jesuisi Wanyrÿ rare. Tii Deuxu Tyytybytyhydile tuu rarybekre.

<sup>4</sup> Deuxu Tyytyby bede eryna wixira wixira søwemy rÿire. Deuxu sohojile tahe iwahidÿÿdu rare. <sup>5</sup> Aðmysÿdÿÿwi-ribi lahitxi rare, tahe Inynyrÿ sohojile rare tamy rakaaðmysÿdÿÿnyke. <sup>6</sup> Aðmydÿÿna wiribi lahitxi rare, tahe Deuxu sohojile ibutudÿÿdu rare. Tii iny-ð aðmysÿdÿÿna widÿÿna riwahinyre. <sup>7</sup> Sohoji sohoji tabedeeryna wixira wixira Deuxu Tyytybytyhy-ribi ritamyhÿre ibutu iny wiðhedÿÿmy. <sup>8-9</sup> Inyð-ð bede eryhÿkÿ wahidÿÿmy ratxireri, Deuxu Tyytybytyhy iwahidÿÿdure. Ijð-ð tahe rybe bedeerydÿÿ wahidÿÿmy ratxireri, iwahidÿÿdu tiile rare. Ijð-ð tahe ityhydÿÿtyhy-ki rarekemy. Deuxu Tyytybytyhy iwahidÿÿdure. Ijð-ð tahe, ðhotibedumy rarekemy. Deuxu Tyytybytyhy risÿnyre rare. <sup>10</sup> Ijð-ð tahe, bedeðby widÿÿdumy rarekemy, ijð-ð rybe-di tÿnydÿÿdumy, ijð Tyytyby erydumy, ijð rybewitxiramy rarybekemy, ijð rybe wiuròdÿÿdumy. <sup>11</sup> Deuxu Tyytybytyhy sohojile tahe iwahidÿÿdu rare. Tii sohoji sohoji-ð riwahinymyhÿre ixideewimy.

<sup>12</sup> Iny умы sohojihÿy rare. Urile iaðmydÿÿnana søwere. Kia wese ityhydÿÿdu rÿira ityhydÿÿdu mahäduy-ki, Kristu-ki iny sohojihÿyre. <sup>13</sup> Sohoji sohoji mahädu-ribi rabutura, ijð judeu mahädu-ribi, ijð judeukòdu mahädu-ribi, ijð deòdu mahädu-ribi, ijð deòdukòdu mahädu-ribi. Wiji tahe Deuxu Tyytybytyhy-di sohoji hørømy iny rÿire. Idi tahe inyboho tÿximy rÿire. <sup>14</sup> Umy dori sohoji aðmydÿÿnana-di aøkð rare, søwere tahe. <sup>15</sup> Inywa rarybekeki kia rarybekre ðsana: jiarÿ умы aðmydÿÿnana aøkð watxireri, debò aøkð dori rare. Kia rarybekeki, ihäre ta умы aðmydÿÿnana aøkð rare, Kia rarybekeki, ihäre ta умы aðmydÿÿnana ibutumy ributunyre. <sup>17</sup> Ibutumy умы ruelemy ratxikeki, timybo rokoholarenkyre. Ibutumy nohøtilemy ratxikeki, timybo rue rareke timybo robirenyke. <sup>18</sup> Deuxu ibutumy að ritidire, titxibo ixideewimy røhøtinyre. <sup>19</sup> Ibutumy aðmydÿÿnana wiweselehekÿkeki, timybo raaðmysÿdÿÿnyke? <sup>20</sup> Inatyhmy aðmydÿÿnana søwere. Umy tahe sohojilere. <sup>21</sup> Rue debò dee rarybeòtyhy: Kai að aøkð tate. Tule ratiheka wað rybeðmy: Kaikòkeki wadee awike. <sup>22</sup> Kia kÿnyhe. Að aðmydÿÿnana inydeereny iruruðmy aðmy aøkð rÿire wese, tii aðwityhy rÿire. <sup>23</sup> Tule aðbo inydee aðmy aøkð rÿira tamyhe woreke rÿimyhÿre iruxeramy aøkð rare, iny woreke rÿimyhÿre. <sup>24</sup> Aðbo inyumy-ki iruxeramy rare, kia uridÿÿðmy. Deuxu tahe умы aðmydÿÿnana ibutumy ributunyre. Tii að ibuturatyre rityhnyre. <sup>25</sup> Kiawese aloreðmy умы-ki ibutumy умы aðmydÿÿnana wiwana raaðmysÿdÿÿnymyhÿre wii riwiðhenanymyhÿre. <sup>26</sup> Sohoji aðmydÿÿnana txubererekeki, iuhe rubererenyke. Ijð teysakeki inyð riwowodynykeki iuhe reysake. <sup>27</sup> Boholabenyke, kaiboho Kristu умы mahäduð toite. Ityhydÿÿdu sohoji sohoji heka умы aðmydÿÿnanað wese rare. <sup>28</sup> Deuxu ityhydÿÿdu mahäduyke iny rihitxinyre. Juhuu Jesuisi teòdÿÿdu mahädu, ihewo-ribi Deuxu rybe tÿnydÿÿdu mahädu, idi ierydÿÿdu, aðwiwihikÿ widÿÿdu, ðhotibedu mahädu, wiðhedÿÿdu, dinoduwesedÿÿnadu, rybewitxira erysydumy. <sup>29</sup> Ibutumy deòdu aðbo roire? Ibutumy tÿnydÿÿdu aðbo roire? Ibutumy erydÿÿdure aðbo? Ibutumy aðwiwihikÿ widÿÿdure aðbo? Aøkðre wii ihitxihitxire. <sup>30</sup> Ibutumy ywisidÿÿ rieriye aðbo? Ibutumy rybe wixira rybedu aðbo? Ibutumy rybewitxira wiuròdÿÿdure aðbo? Aøkðre. <sup>31</sup> Tahe, eryna wiwihikÿmy mynymy, atximyhÿbenyke. Tahe ariteòsynyke tibo ryy.

## 13

<sup>1</sup> Ibutumy iny rybe wixira wixira arierykeki, ÿju rybe adierekeki, kia tahe luuna-di aøkðokeki, jiarÿ aòwodÿÿna widÿÿna wesemy ararekre. <sup>2</sup> Jiarÿ ibutumy Deuxu rybewahidÿÿ eryna ijðdikeki, ibutumy bedeery ijðdikeki, hãwãlo iherina-ribi aritake watyhdÿÿna kiadikeki, tahe luuna-di aøkðokeki, að aøkð watxireri. <sup>3</sup> Ibutumy waaðmydÿÿna iny aøkð mahädu-ð ariwahinykeki. Waumy Kristu Rybewihikÿ dee ðraru-ki wòsikemy ariwahinykeki, tahe luuna ijðdikeki, kia heka aøkðweseleke. <sup>4</sup> Inyð luunadikeki, ywimy rarekre, awimy rarekre, ihärükømy rarekre, luunadikeki, ixityhydÿÿdukømy rarekre. <sup>5</sup> Inyð

luunadikeki ihŷkŷhŷkŷmy aõkõ rarekre. Ixisojojidile aõkõ rõhõtinykre. <sup>6</sup> Òbitiõna-di deysaõmy, inatyhyle kedesyakre. <sup>7</sup> Moõ iluunadireki ibutummy aõhebo rotŷŷnykre, ibutummy rityhynykre, ibutummy riraõkre, ibutummy riõludunykre. <sup>8</sup> Luuna tiu itueõtyhy, tahe rybe tŷnydŷŷna aõutxummy ituekre, rybewitxiramy rybe ituekre, bede eryna erysynamy tule ituekre. <sup>9</sup> Inyboho iyrelemy rieryrenyre. Tule iyrelemy ritŷŷnykre. <sup>10</sup> Aõutxummy tahe kia iyre rexihukre, ibutummy kanaerykre, kia hæbu õbiti tyhy kedehemynykre, Kristu wahe. <sup>11</sup> Uladummy rarewãhãu uladu wesemy rarybere, uladu wesemy ixidi rarewãhã, uladu wesemy raykywydynanyra. Hãbumy relereu tahe, wauladummy nona rerire. <sup>12</sup> Wiji tahe inyboho robirenyre, iwese itxerenatŷnykowese-ki, kiatxuu tahe, wiõsanamy rokobirenykre. Katahe inyrieryrenyre txuraõ, kiatxu tahe, iwese tii inyboho dierydenyde wese rikierenykre. <sup>13</sup> Tahe inataõ aõmydŷŷna rŷire: ityhydŷŷna, irarõsõna, luuna. Ijõ ratyre tahe luuna rare.

## 14

<sup>1</sup> Luuna-di boibeke ibutu ijõ ratyre. Tytybytyhy erysyna biijebenyke. Iratyre biijebenyke Deuxu rybe tŷnydŷŷna erydŷŷna. <sup>2</sup> Inyõheka rybe witxiramy rarybekeki, hæbu-õ aõkõ rarybereri. Deuxu-õ sohojile rarybere. Inyõ irybe rieryõre. Deuxu Tytybytyhy rybe tii erydure. <sup>3</sup> Inyõ Deuxu rybemy rarybemyhŷre, iny-õ rarybereri. Tai riwiõhenanymyhŷre, riõbitinymyhŷre, riteysanymyhŷre. <sup>4</sup> Inyõ rybe witxiramy rarybereu, tiilehyy rexiiwiõhenanymyhŷre. Inyõ tahe rybe ritŷŷnykre wana, dohodŷŷna mahãdu riwiõhenanyre. <sup>5</sup> Ibutummy rybe witxiramy rarybekeki, tii tahe wadee awire. Tahe ibutummy Deuxu Rybewihikŷmy rierynanykeki, kia iratyretyhy wadee awire. Deuxu rybe tŷnydŷŷna tahe, rybe witxiramy rybedu ratyre rare. Wiurõsõdŷŷdudile rybe witxiramy rarybeke dohodŷŷdu mahãdu wiõhedŷŷmy rarekemy. <sup>6</sup> Jiarŷ adeereny ararybekeki, rybewitxira-di. Tiwesebo arãwiõhenanyrenyke. Urile bede erytŷmyra-di, erynatyhyhyky-di, inatyhyeryna-di araernanykeki, kia-di tahe arãwiõhenanykre. <sup>7</sup> Ka tahe wiudŷŷna rare. Wyhyhykŷ jurõnawesena ada rerotiõmo wiudŷŷna kidiwiunyekeki, tahe awimy riwiunyoõke, timykibo iny rieryke aõbo riwiunyreri. <sup>8</sup> Tule jurõna õbitimyy ritxurõnyõkeki, timykibo aõbinadu mahãdu rierykre aõbina-õ nomy rexiiwinykemy. <sup>9</sup> Kaihohe tule kiawesere. Inyõ arybe rieryõkeki, tiwesebo rieryke aõmybo tarybetenyteri. Kiawese dori yhydeele tarybetenyteri wese. <sup>10</sup> Inatyhymy sõwemy rybe witxira rŷire bede-ki, ibutummy tahe aõna aõnamy rybedu rarybere. <sup>11</sup> Aõmybo rarybere arierykõkeki, rybedu dee jiarŷ iny witxira, rybewitxiraõ tamy rare, tule tii wadee rare. <sup>12</sup> Kaihohe Deuxu Tytybytyhy eryna teijetenyeri. Tai dohodŷŷna mahãdu wiõhedŷŷmy marurunybenyke. <sup>13</sup> Inyõ rybe witxiramy rarybekeki, iõbitidŷŷnamy rexitõenyke. <sup>14</sup> Rybe witxiramy arexitõenykeki, watytybylye rexitõenyteri waraykywydyna-õ ralõõtyhy. <sup>15</sup> Tai tahe aõhebo arotŷŷnykre? Watytyby-di, warayky-di arexitõenykre. Idi watytyby-di warayky-di arawiuynykre. <sup>16</sup> Kai atytybylye-di texitõenymyhŷte, timykibo inyõ rierykemy? Idi rarybeke aixitõedŷŷna rexihukre. Tii dori arybe rieryõre. <sup>17</sup> Kai tahe inatyhymy awimyy texitõenyyte, tai tahe iny aõ rieryõhyre, idi riwiõhenanyõtyhy. <sup>18</sup> Deuxummy reãlãwãhare. Jiarŷ dori aratyreny rybe witxiramy rarybemahãre. <sup>19</sup> Tahe dohodŷŷna mahãdu-õ iruyre rybe eremy ierysynamy ararybeke ada sõwemy rybe eremy iwitxira rybemy anarybekeki. Juhule wadee awityhyre ijõ ratyre-ki iny kiawese inatyhymy reernanyre.

<sup>20</sup> Waityhydŷŷdu seriõre uladu raykywesemy aõkõ hexiraykynymyhŷbenyke. Inery bedeeryhykŷ wese maraykynybenyke. Aõibina erysynale uladu aõeryõ wesemy boibeke. <sup>21</sup> Bede Ywina tyriti-ki kia rŷire: —Kia inydee, hæbu rybe witxira-di anarybekre. Ihãre ta warybe dee tiõboho roholarenyõkre. —Kiamy tahe Wanyrŷ rarybere. <sup>22</sup> Inatyhymy tahe iwitxira rybe rybemy ityhydŷŷdu mahãdu dee deõsina aõkõ rare. Kia ityhydŷŷdukõdu mahãdu dee deõsina rare. Tule Deuxu rybe tŷnydŷŷna ityhydŷŷdu mahãdu-õ rare. <sup>23</sup> Dohodŷŷna mahãdu wii ributunyeke, rybewitxiramy rarybemyhŷreki. Ityhydŷŷdukõdu mahãdu ralõkeki, iny ierykõdu ralõkeki, timybo tii rõhõtinyke. taitxŷtetenyerilemy idi rõhõtinyke. <sup>24</sup> Tahe ixityre ityhydŷŷdukõdu mahãdu ralõkeki, tahe Deuxu rybemy rarybereriõ, ralõkeu, tii rexieriyke õrarudummy rare, ibutummy aõwõmy roholare tarayky riixixanyke. <sup>25</sup> Aõbo tawo-ki riwõmy rŷimyhŷredi rexierimyy ixidi rõhõtinykre. Tai resekre tatiowomy Deuxu deãlãnamy reãlãkremy. Tule rarybekre: —Inatyhymy Deuxu ayreny-ki ratxireri.

<sup>26</sup> Aõhebo dohodŷŷna-ki rokotŷŷnyrenykre waseriõreboho wii rikibutunyenyeke. Kia heka rare: Inyõ wiuõmy kanawiuynykre, ijõ tasŷ Deuxu rybe bede erydŷŷna kedeernanykre, ijõ itŷnydŷŷnamy kanarybekre, ijõ rybewitxiramy rybena kanarybekre, ijõ iwiurõsõdŷŷnamy kanarybekre. Aõhebo botŷŷnybenyke ityhydŷŷdu wiõhedŷŷnamy rarekemy. <sup>27</sup> Inyõ rybewitxiramy rybemy ratxire riki, inatxi inataõlemy rarybeke, wihewomy, tule iwiurõsõdŷŷdulemy rarybekre. <sup>28</sup> Wiurõsõna ihoõkeki, rybeõlemy ronnye

dohodÿÿna heto-ki. Ixiwanale Deuxu-di rôhõtinyre, rexitòenymy. <sup>29</sup> Urile inatxi, inataòlemy rybe tÿnydÿÿdumy rarybekre wana, ijohonadu mahädu tahe irybe-di rôhõtinytyhyke timybo. <sup>30</sup> Ijohonadu-ò itÿnydÿÿna rybemy ratxikeki, rybedu rexihudi rarybekre. <sup>31</sup> Ibutu dori Deuxu rybemy rarybekre, sohoji sohojimy. Tai ibutumy rierykre, reysakre. <sup>32</sup> Rybe tÿnydÿÿdu mahädu rayky, tiile xerixerymyhÿkre. <sup>33</sup> Deuxu tahe wimy uriuiridÿÿdu aòkò rare; tii tahe òbitina widÿÿdu rare. Ibutu iÿò dohodÿÿna heto-ki kia wesemy rare.

<sup>34</sup> Häwyy tahe dohodÿÿna-ki roholamy rÿimyhÿre rybeòhykymy tai aòwedumy aòkò. Ywilemy rÿirake iwese judeu bedewidÿÿna roimyhÿre wese. <sup>35</sup> Tÿÿraxinadikeki taheto-ki tahäbu-ò rÿÿraxike. Häwyy dohodÿÿna-ki rarybemyhÿre heka ixÿruna rare. <sup>36</sup> Timywese tahòtinytenyte. Deuxu rybe aòbo aykyreny-ki rôhònyre ada kaiboho sohojile aòbo ijòdire.

<sup>37</sup> Inyò rybe tÿnydÿÿdumy ixi-di rôhõtinykeki ada Deuxu Tÿytybytyhy-ò wiòhedÿÿnamy rarekeki. Timybo rarybekre. Kia waryberiti heka Deuxu bede ywidÿÿna rierykre. <sup>38</sup> Inyò kia rityhynyòkeki, tii wile ratyhyòdÿÿòkre.

<sup>39</sup> Iribi tahe waseriòre tÿnydÿÿdumy boibekemy atxibenyke. Ixinamy rybewitxiramy iny rarybemyhÿke. <sup>40</sup> Ibutumy aòhebo botÿÿnybenyke. Òbitilemy, ywilemy.

## 15

<sup>1</sup> Aòtxi òhòtirenny araijaradÿÿnykre. Kia tahe rare. Rybewihikÿ iwese adeereny retÿnynyre wese, tetyhynytenyte wese, tule tetyhynyhy ahätenyete. <sup>2</sup> Tai tahe tarasanawo-ki ahätenyete rybe teeryhy ahätenyeteki iwese retÿnydÿÿnyre wese. Aòkòkeki aròtenarenny aòtyhy aòkò adeereny ihÿre. <sup>3</sup> Juhuutyhy adeereny retÿnynyre iwese raholare wesemy. Kia rare: Kristu iny òrarurenny dee rurure. Kiamy heka ritidÿÿna roire. <sup>4</sup> Tule mana wabede-ò rahäluure. Inataò txu idi rÿidi tahe, rubu-ribi rexixare, ritidÿÿna rarybere wese. <sup>5</sup> Rexideòsinyre Pedro dee, idi tahe waòinatxi mahädu dee. <sup>6</sup> Idi tahe 500 iny ratyre tuu robire. Kia iny ityhydÿÿdu seriòre mahädu ibutumy rexibutumymyhÿre Jesusimy robire. Ijò rurure kia butudÿÿnay-ribi, tahe ijò irulemy ihÿmyhÿre. <sup>7</sup> Iribi tahe Txiau tuu robire, idi tahe ierydu mahädu ibutumy tuu robire. <sup>8</sup> Ihewo-ribi tahe jiarÿ tuu rabire. Iwese uladu ibededÿÿnanakòmy reare wese tuu rabire. <sup>9-11</sup> Jiarÿ ierydu hewo ludu rare. Uritere erydumy wanidÿÿòmy watxiwähäre, raixÿrure wahe. Jiarÿ dori juhuu ityhydÿÿdu mahädu aòhòkÿmydÿÿdu rare. Deuxu ruxetòenale dori aòmy watxiwähäre. Iruxetòena aònihikÿmy waki riwinyre. Jiarÿ dori ibuturatyre aòmÿsÿdÿÿna rewinyre. Tahe jiarÿ aòkò wähäre. Deuxu ruxetòenamyy wahäre jiarÿ aòbo ada tiiboho aòbo adeereny relyyrennyre, idi kaiboho tetyhynytenyte.

<sup>12</sup> Kristu rubumy roira-ribi rexixara, kiamy heka rarybemahärennyre. Aòherekibo inyò rarybereri rurumyhÿre-ribi inyò rexixaòkremy. <sup>13</sup> Inyò tiu rubu-ribi rexixaòkeki, Kristu tahe rexixaòre tarubu-ribi. <sup>14</sup> Kristu rubu-ribi rexixaòre wana, jiarÿboho aòmy waryberenyòna idi aò atyhydÿÿnaòna. <sup>15</sup> Kristu inatyhymy rexixaòkeki, inyboho Deuxumy ruimyy rybedu mahädumy roire. Kristu ixixana rybemy dori jiarÿboho rarybemyhÿrennyre. Kiata bohe Deuxu, Kristu riixixanyòlere. <sup>16</sup> Rubumy roimyhÿre mahädu rexixaòkeki, taita Kristu rexixaòre. <sup>17</sup> Kristu rexixaòkeki, ainatyhynarenny aò aòkò rare. Aòrudile ahätenyete. <sup>18</sup> Tule, ityhydÿÿdi rurure mahädu, biu-ò roiòtyhy. <sup>19</sup> Kabede-ki sohojile inyboho Kristu riraòmyhÿreki, inyboho bedewotytyhymy roire.

<sup>20</sup> Inatyhymy taheka Kristu rubumy roire-ribi rexixare. Tii juhuuludu rubu bede-ribi dòòsede mahädumy roirekemy, tai iny tule rexixarennyre. <sup>21</sup> Iwese häbu sohojiò rubu diwyde wese, tule häbu sohojiò rubu-ribi ixixana diwyde. <sup>22</sup> Iwese Adaò-ki ibutumy iny rurukemy rÿimyhÿkemy tule Kristu-ki ibutumy ixixana kiditakre. <sup>23</sup> Kristu bededÿÿnana kedehemyhÿkreu, rubu-ribi ixyby ixixana kòdòhònykre. Kristu juhuu rexixare, ihewomy tahe taeryna mahädu kidiixixanykre. <sup>24</sup> Tai tahe bede konanakre. Jesuisi ibutu wedu mahädu, bede dinodu mahädu, Iòlò mahädu kanahukre. Tahe ibutumy tyby Deuxu-ò òlòna kidiòkre. <sup>25</sup> Jesuisi tahe ibutu ratyre Iòlòmy ratxikemy rarehykre. Iòludu mahädu ibutumy iwarawo-ki rÿikre. <sup>26</sup> Iòludu konana heka, rubu rare. Tii tule riixäwididÿÿnykre. <sup>27</sup> Ryberiti kiawese roire: —Deuxu tahe ibutumy iwarawo-ki ritidire. Iximy ritidiòtyhy tii dori tidisidu rare. <sup>28</sup> Rexihudi tahe tule iRiòre ritidikre. Tai tahe Deuxu ibutu Iòlòmy rarekre.

<sup>29</sup> Rubumy rÿira ixyby kedexixaòkeki aòherekibo iny deròwy teratisebenyteri, rubumy roira mahädu härehekÿle wahe. <sup>30</sup> Aòherekibo berebunatyhyhykÿ-txi inyboho iòhàrumy ratximahärennyre txuò txuòlemy. <sup>31</sup> Ibututxu rubu reijemyhÿre. Adeereny wawowydynatyhymy watzireri. Jesuisi Kristu Inynyrÿ òraru-ki. Tai heka kia lau rarybemahäre. <sup>32</sup> Häbu mahädu-ò Efesu häwä-ki iròdu debure-ò aòbina wese resumahäreki aòtyhybo ari-takre? Inatyhymy aòbo? Rubu rexixaòkeki, rikiroxiryrennyre, rikiòrennyre, biurasòmy dori rukururennyre. Aò aòkò inatyhydÿÿna. Kia riki ityhydÿÿdukòdu mahädu tuu rexirybenyke, abiòwa mahädukeki. <sup>33</sup> Ixi itxenadÿÿòmy: kia biòwa bina dori iny ixihemy riatymyhÿhÿre.



<sup>34</sup> Ywityhylemy boibeke, òbitilemy òrarenenyòmý, sówemy iny Deuxu rieryõre. Kia heka iny ixýrudýñnareny rare, tai rarybewähäre.

<sup>35</sup> Tahe inyõ kanarybemýhýkre: —Tímybo rubu kedexixakre. Aõumýwesemýkre iumý? <sup>36</sup> —Itxýte, juhúu alòboròna rabròòkeki tíu txuhuòna. <sup>37</sup> Telòho iny ribòrònyõtyhy, ityle iny ribòrònyke. Iwese maixòmoty ribòrònyke ada oworuty wese. <sup>38</sup> Ibututy-ò Deuxu iraty umý riwahinymýhýre ixideewireki. Deuxu ixideewimý alòboròna ritxuhudýñnymýhýre tímybo? <sup>39</sup> Dee íbutumý iwesewe wese aòkò rare. Inyde, íròdude, nawíide, uturade íbutumý tahe wiríbi hítxi hítxire. <sup>40</sup> Biumý rýira mahádu tule lahítxire, aówitxira wítxira bedemý rýira kia wowýdynareny wiríbi hítxire. Tii-wana wimý rahítxirananyre. <sup>41</sup> Txuu ahádu, taina, iloosònareny wiríbi hítxire. Taina ijò taina-ribi íruxeratyhyre. <sup>42</sup> Tai tahe kia wese rubu-ribi íxixana rýimýhýre. Umy rubu su-ò raháloodýñnymýhýre rarònyhe txu. Idi tahe írulemý kòdòhònykre, alòboròna ruhunymýhýre wese tahe umý tuedeònaò. Bede luruhuký-ki raháloodýñnymýhýre, tahe loosònatyhy-ki kòdòhònykre. <sup>43</sup> Íruruò-di umý heka raháloodýñnymýhýre íbinare, tahe íruxeramý tarurutyhy-di kòdòhònykre. <sup>44</sup> Iny umý wesemý raháloodýñnymýhýre, tahe tytyby wese kia umý-di kòdòhònykre, bíuludu mahádu wahe. <sup>45</sup> Kiamý heka ritidýña-ki roire. Iny umý ríuhemýhýreki, tule tytyby umý ríuhemýhýremý rýire: Juhúu inyíru Deuxu riwinyre Adaò heka rare. <sup>46</sup> Juhu tahe inyumýreny tayry-di riwinyre idi tahe ritytybynyre. <sup>47</sup> Juhúu ludu hábu suríbi íje rare. Ihewo-ribi Hábu bíu-ribi íhýre Kristu wahe. <sup>48</sup> Juhúu hábuwesemý íbutumý iny bede ludu íhýre juhúu inytyhy wese wahe. Hábu bíuludu wesemý íbutumý bíu ludu mahádu íhýre. <sup>49</sup> Tai tahe kabede hábu wesemý inyboho rýimýhýreny wesekeki, tule bíu ludu Hábu wesemý rýkýrenyke.

<sup>50</sup> Waityhydýñnydu Kia heka rarybemaháhyreri, iwese inyboho íhýmýhýreny wesemý tíu Deuxu Ólòna-ò ralòòtyhy. Iny umý heka ruruhý umý rare, tai tahe Deuxu Ólòna ritaòtyhy, kowa-ò dori iny umý rurúòtyhy. <sup>51-52</sup> Tahe aòbo teeryòte adee arítýnynykre: Íbutumý iny rurúòkre. Íbutumý ityhydýñnydu iny rurúòle iumý riwítxiratýmyranykre, aówesele reakre, iny tarue ríberenymýhýre wese reakre, ikonana juròna ritxurònykre. Juròna ritxurònykre idi íbutumý ityhydýñnydu rubumý rýira riúmýwítxiratýmyranykre umyuedeòna-di. Inyboho ityhydýñnydu mahádu tulekre. <sup>53</sup> Tahe rekexíwiurònyrenyke, iny bede umý dori rurumýhýre. Rakaumýnykre umý wítxira-di taita rukururenýõtyhy. <sup>54</sup> Iny umý wítxiradikre, tahe kia rybe rexihumý rýikre: Ryberítina rarybere: —Rubu íjesu ríkitarenýkre: <sup>55</sup> —Aòherekíbo rubu, aíjesuna wawana tetaòta? Aòherekíbo tíwamýtxítidýñnyòte? <sup>56</sup> Òraru rubumýtxítidýñnydu rare. Bedeywidýñny òraru rurudýña rare. <sup>57</sup> Deuxu umymý rekealámýhýkre, tí dori íjesu inybohoreny ritakemý riwíòhenanymýhýre. Jesuí Kristu Inynýrý-di díwíòhenanymýhýde. <sup>58</sup> Tahe weseriòre luu mahádu, bítyhynýhybenyke, wíhýmý ahábenyke, Wanyrý aómýsýdýña-ò hýy tíemý ahábenyke. Aaómýsýdýña Wanyrý dee, idi inýdee awímý raròtínymýhýre.

## 16

<sup>1</sup> Nierumý ararybekre. Kia bíbutunýkemý kowa tyhydýñnydu mahádu-ò, Judeia mahádu wahe. Iwese Alatxia mahádu-ò ròerynanyre wese, kaíboho tule ijò dee bítabenyke. <sup>2</sup> Semana juhu ludu txuu, iny sohojí sohojí tíwesebo tòtatenyete júra bírarenymahábenyke rawahíkremý. <sup>3</sup> Tai adehemýnykreu kia níeru rexihumý rýikre mýiòtyhy tahe ijò rarasamý. Tahe móbo kai tyýriti-di bíditakre, tíi-wana níeru iny ariteònykre Jerusalè-ò. <sup>4</sup> Tahe jíary arakewana iny dee wíkeki, tuu wawana kodoikre. <sup>5</sup> Macedonia bede-ò arakre rahúdi arehemýnykreu adeerený wátxireri. Macedonia-di delemý arakre. <sup>6</sup> Araroorehenýkre ósana bíubede taile arahukre awanarenýhyyle. Tai ele elemý bíwatýdýñnykre títxíbo arakemý. <sup>7</sup> Deuxudeewíkeki uríhímýò aòkò akireny bede ariekre bededýñnana arahukre akireny. <sup>8</sup> Efesu háwá-ki Pentecoste woranabedehesi konana-ò ariíjekre. Idi tahe arakre. <sup>9</sup> Íjòtòbònahaký wese irayhyky rýimýhýre waaómýsýdýñny. Tai waaómýsýdýñny írutaòre, íhäre ta wamý òludu sówere. Namý sówehýmý taheka òludu rýire.

<sup>10</sup> Tahe, Txímòtxi rakeki, íixýru lau bíijemý tíi dori Deuxu aómýsýdýñny díwinymýhýde wawese. <sup>11</sup> Inyò Txímòtxi-di aomý aòkò íhýkeki heka wadee awíòre. Wadee itýina-ò bíwíòhenanybenyke ywina-di. Reraómahäre dori ityhydýñnydu seriòreboho wana kanakemý. <sup>12</sup> Inyseriòre Apòlo-ò sówemy rarybewähäre arorarenymý rakemý ijò iny seriòreboho-wana. Tahe tíi heka Deuxudeewimý aòkò idi ròhòtínymýhýre. Idi tahe rakre ixideewimý tíu txumýbo.

<sup>13</sup> Aóu aóu bexíwinylemý borukubeke. Inatyhýmý òbítimý mýíbenyke, hábu rurutere wesemý bexírurudýñnyke. <sup>14</sup> Aóhebo botýñnybenýkemý ywina-di luuna-di botýñnymý boibe-maháke.

<sup>15</sup> Tefana, tasý mahádu-wana Akaia bede ludu-ki ityhydýñnydu juhúu rare. Kia teerytenyete. Tíi-boho ityhydýñnydu mahádu wíòhedýñnyduhýmý íhýrenyke. <sup>16</sup> Tamý boholabenyke,

ibutumy tamy wityhymy biwinybenyke. Tule kia wese wiòhedÿÿdu biwiòhenanybenyke. <sup>17</sup> Tefana, Fortunatu, Akaio kaò ditehemynydenyde. Taita wadeysamy watzireri. Ti-iboho riwawiòhenanyrenyre kaiboho kaki aòkò atximahãtenyteki. <sup>18</sup> Tiiboho wawo-ribi riwateysadÿÿnyre, araykyreny òsÿny tule wahe. Kia mahãdu heka ratyhydÿÿmyhÿÿke.

<sup>19</sup> Kaki Asia bedeki ibutumy dohodÿÿna mahãdu tarybe wehityhyna adeereny riwahireri. Akila, Prisila-wana taluuna Wanyrÿniny rybe adee riwahirerenyri taheto-ki dohodÿÿnareny mahãdu tule wahe. <sup>20</sup> Ibutu seriòre mahãdu rybe wehityhyna adeereny riwahireri. Birybenybenykreu wii bimibenykre wiwetya-ki seriòrewesemy tamy luòsòna òbitityhyna-di buòbenykre.

<sup>21</sup> Iroo tahe jiarÿ ariritinykre wadebò-di wahe. Jiarÿ Paulo warybe wehityhyna riwahireri. <sup>22</sup> Inyò Inynyrÿ luuòkeki, aòbinahakÿbo tamy kanake, kiamy rexirybenyre: 'Maranata' kia heka Jesuisi wymy kanake rare. <sup>23</sup> Deuxu luuna adeereny kanakemy idi watiwãhãre. <sup>24</sup> Ibutu-ò waluuna Jesuisi Kristumy. Kie.

## 2 Oritxi Mahãdu-ò 2 Oritxi Hãwã Dohodÿÿna Mahãdu-ò

<sup>1</sup> Jiarÿ, Paulo, Deuxu deòduò watzireri Deuxudeewireki. Tahe katyyriti rewahinyrenyre Oritxi hãwã dohodÿÿna mahãdu-ò. Iny seriòereny Tximòtxi wawana ihÿre. Tule rewahinyrenyre ibutu ityhydÿÿdu mahãdu roholakemy Akaia bedeki. <sup>2</sup> Ruxetòena, ywina-wana adeereny kanakemy idi watzireri Deuxu inytybyrenyre-ribi Jesuisi Kristu Inynyrÿ-ribi.

<sup>3-4</sup> Deuxu heka Jesuisi Kristu tyby rare. Iny wiòhedÿÿdu ihÿre. Ruxetòena sòwemy inydeereny riwahinymyhÿre. Ibutumy aòmydÿÿna-di riwiòhenanymyhÿre. Tai tahe iny witxira rikiwiòhenanyrenykre Deuxu wiòhedÿÿna-di. <sup>5</sup> Iwese Kristu aòhòkÿmy dÿÿnana kaiboho teertynyte wese, Kristu wiòhedÿÿna bitamy bierybenyke. <sup>6</sup> Jiarÿboho aòhòkÿmy arotÿÿnyrenykre, awiòhenadÿÿnyrenykre tuukre. Tai tahe tarasana iribi bitake. Deuxu-ribi wiòhedÿÿna arimynyrenykeki, kia biu-ò hena iribi bimyke arawiòhenanyrenykre. Tai tahe kaiboho arururenydikre aòhòkÿmy botÿÿnybenykre. <sup>7</sup> Tahe wararòsòna sòwemy ihÿre akireny. Tiubo aòhòkÿmy dÿÿnanamy botÿÿnybenykre tule wiòhedÿÿna bitabenyke iwese aritarenkyre wese. <sup>8</sup> Waityhydÿÿdu seriòre, Asia bedeki jiarÿboho sòwemy aòhòkÿmy ratÿÿnyroiremahã. Wadeereny heka isiratyhyre ibedeki. Tai heka raberumy roiremahã arururenyke lau. <sup>9</sup> Rahòtynyrenyre tai wakonanareny sana. Kiamy heka wadeereny ditÿÿnynde bedeernamy: ixi-di inyò nohòtiomy, Deuxudihÿytle wahe. Tii dori rubu-ribi ixixadu rare. <sup>10</sup> Inatyhymy tii riwatarenyre kia brebuna-ribi. Ibutu aòna aòna-ribi riwatarenkyre ixityre. <sup>11</sup> Kaiboho dori wadeereny Deuxu-ò textitòenytenyteri. Tahe ibutumy ixitòena-ò Deuxu kodoholakre tai riwiòhenanykre. Tahe ibutumyiny Deuxu riteàlananykre.

<sup>12</sup> Ibutumy jiarÿboho heka kia Deuxudeewimy rewinymyhÿrenyre. Tai heka wadeysarenyre jiarÿboho. Awanareny heka tule rarybemahãrenyre: òbitinamy, Deuxu rurunamy. Iny raykywydyna-di aòkò wahe, Deuxu raykywydyna-di. <sup>13-14</sup> Idi mariakele, biritinykele, bierykele, kia reritinyrenyre adeereny. Wiji urihimÿle teertymy toite. Jesuisi txu tahe ibutumy bierybenyke. Jiarÿboho areysarenkyre bierybenykeki wahe. Tule kaiboho beysabenkyre.

<sup>15-16</sup> Juhuu rahòtynyre kiawesemy: arakemy ixi-di rahòtynyre. Juhuu heka Macedonia hãwã bedeki arakemy ixi-di rahòtynyre. Tule tahe aroramy arakemy heka ixi-di watziwãhã. Òkesu tasÿ tule, aroramy adehemynykre. Tai wiòhena inatximy bitake. Jiarÿ ayrenymy areakre, Judeia bedeki arakemy kaiboho biwawiòhenanybenkyre. <sup>17-18</sup> Reòsamy watzirerimy aòbohe wadi tahòtynytenyteri? Ixiòrarukile aòbohe tuuremy adee araÿraxikre? Tuu aòbo iximy rarybere kohe, myÿ, iule. Aòkòre, myy rarybere, iule wahe. Inatyhymy aòbohe rarybereri. Aòkòre rarybeòre. Jesuisi Kristu heka warybe rieryre. Kohe, myy, iule. <sup>19</sup> Tai heka raryberenyre: —Inatyhy rare. Myÿ wahe, Deuxudeewinamy. Sila Tximòtxi-wana kia Deuxu rybe-di adeereny ritÿÿnyre, Jesuisi Kristu iriòremy, jiarÿ tule adeereny kia retÿÿnyre. <sup>20</sup> Inyboho ratximyhÿre Jesuisi Kristu-ò. Kristu heka Deuxu widÿÿdu ratxireri. Inyummyreny ratximyhÿre. Deuxu heka tuu iny rierynanymyhÿrenyre, tii inatyhy. <sup>21-22</sup> Tii heka iny ritamyhÿrenyre; rihitximyhÿrenyre; tahòrò mahãdumy riwinyre. Inydeereny riwahinyre Deuxu Tyytybytyhy inyworeny-ò risÿnyre. Tai heka inyboho ròhòtynyrenyre inydeereny ibutumy riwahinykre.

<sup>23</sup> Deuxu heka warayky rieryre. Tai heka rarybemahãre, inatyhy raòre Oritxi hãwã-ò. Tai heka adiride ixinamy. <sup>24</sup> Araryberenyòtyhy jiarÿboho aòbo bityhnybenkyre, marybebenkyre. Kaiboho dorihe inatyhyna tetyhnytenynte. Urile tahe arawiòhenanyrenkyre deysana-di Deuxu Tyytybytyhy dee deysana-di.

## 2

<sup>1</sup> Tai wawo rerahòrera. Arakemy aòkò abedeòtiidÿÿrenymy ixityre. <sup>2</sup> Arabedeòtiidÿÿnyrenykeki tahe mobo riwateysanykre. Kaibohole toite. <sup>3</sup> Tai adeereny reritinyre. Anaòtyhy heka abedeòtiidÿÿrenymy. Kaiboho dori deysana-di biwasÿnybenyke. Iu wadeysamy watzireriu, kaiboho tule beysabenkyre. Kia heka reerywiwire jiarÿ. <sup>4</sup> Adeereny reritinyre bedewona-di ranwãhãu; warube rytynmahã. Bedeòtiidÿÿna-di arasÿnyrenkyre aòkò kÿny. Tahe tímÿbo aluurenyremy kaiboho bierybenkyre adeereny reritinyre.

<sup>5</sup> Bedewonamy relyykeki, tiu inyò wii ribedewonyre, riwabedewonyòtyhy. Aòtxi arabedewonyrenyre. Waryberiti isirare aòkò ihÿre. <sup>6</sup> Aòhòkÿmy dÿÿnanamy yla aòkò rotÿÿnyre. Tai ixinamy rareke wiji. <sup>7</sup> Wiji tahe iwitxira aòmydÿÿnana biwinyke: biwiòhenanykre

iixãwididÿÿnadikemy. Tai tahe bedewona-di sôwetyhymy riatyôtyhy bedewona-ribi wahe. <sup>8</sup>Tii luunatyhy-di bierynanybenyke.

<sup>9</sup>Tai heka adeereny ônosôna rewahinyre. Tai juhuu waritidÿÿna adeereny rewahinyre. Jiarÿ heka kaiboho rexiywinymy aôbo atxitenyteri ityhydÿÿna-ò. Kiamy adireny watxireri. <sup>10</sup>Kai biixãwididÿÿnykeki heka, jiarÿ tule ariixãwididÿÿnyke. Kia adeereny rikiwinyrenyke Kristu ôraru-ki. <sup>11</sup>Tahe Satanasi tiu iny riatoryenyôtyhy. Inyboho rierenyre tii kia riwinykemy riwisÿnymyhÿré.

<sup>12</sup>Jiarÿ heka rôirenre Troaji-ò Rybewihikÿ tÿnydÿÿmy Kristuni-di. Tamy retehemynre, isiraôlemy tai Rybewihikÿ dohodÿÿmy, Inynyrÿ riwawidhenanyre wahe. <sup>13</sup>Tahe wabedewomy watxiwãhã inyseriôrenre Ixitu-ki rahaôrekí. Tai tahe kia iny mahãdu reteôwarinyre arakremy Macedonia hãwã-ò rare.

<sup>14</sup>Tahe Deuxu deysana! Deuxu-wana watxiwãhãreny. Tahe kia ijesu tai ritake. Kristu heka ridykre ijesu tarasadu mahãdu. Rokoirenykre heka ihe-ki. <sup>15</sup>Iwese aderôna lÿnyrehkÿ ibutummy idi riãlãnymyhÿre wese heka, kia wese inyboho roire. Ibutummy iny rierenyre heka ityhydÿÿdu mahãdu rÿirerimy ihÿre. Lÿnyrena wihikÿ Kristu ritoonyre wese Deuxu-ò inyboho roire. Iny lÿnyrena wese heka rare. Ityhydÿÿdu, ityhydÿÿdukôdu mahãdu-ò ramyhÿre. <sup>16</sup>Kia rityhynyômyhÿre mahãdu tahe, tÿnyre rirubunyre. Rityhynymyhÿre mahãdu tahe tÿnyre iruweselemy rare. Kia aômÿÿdÿÿna biwinybenyke. Isirare heka iaômÿÿdÿÿ. <sup>17</sup>Inyboho heka sôwemy inywese aôkô iny roire. Iwese iny riwymyhÿre aôdÿwiriôre idi ijohomy, kia wese karybe rare. Kia Deuxu deôdu mahãdu heka iôwydimy aôkô rybe riwymyhÿre. Tahe inyboho heka inatyhymy rarybemyhÿreny. Deuxu dori inydeereny rarybere ôbitinamy. Riwateônyrenyre ôbitina-di araryberenykemy.

### 3

<sup>1</sup>Timyre heka tyyriti ritididÿÿnamy raruôhyamahãreny jiarÿboho awirenyremy. Tahe waribireny tule aribireny kia Ritididÿÿna arihurenyôtyhy. <sup>2</sup>Kaiboho heka Kristu tyyriti wese aôma toite. Riritinymy heka roimyhÿre inywo-ki, inrayky-ki. Idi riramy kaiboho burubenykeki, aôbo kaiboho tewinymahãte heka tamy betehenyke. Tai tahe rieremy idi rariake ixideele. Idi rariake hãre tahe idi rexibedeerynyke. <sup>3</sup>Kaiboho heka Kristu tyyriti wese heka toite. Inydeereny iwahidÿÿmy heka tii rare. Kia tyyriti witxiramy rare. Aô ritididÿÿna manamy aôkô riwinyreri. Deuxu Tyytybytyhy-di tahe riwinyreri. Aô manatyre-ki aôkô rôritididÿÿreri inraykyreny-ki, inyworeny-ki rôritididÿÿmyhÿre. <sup>4</sup>Deuxu heka retyhynmahãre, Kristu ôraru-ki wahe. Tai tahe tuu raryberenyamahãre kiawesemy. <sup>5</sup>Jiarÿboho heka warururenyôhyre kaa aômÿÿdÿÿna widÿÿna-ò. Iny rununa heka Deuxu-ribi sohojile nade. Tii iny wiôhedÿÿdu, aô iny rikiwinymyhÿrenyke-ò wahe. <sup>6-8</sup>Irybe tÿmyra dohodÿÿdumy heka inyboho roire. Ihetxiu bede ywina wesemy aôko heka rôritididÿÿre Deuxu Tyytybytyhy ihÿre. Ihetxiu bede ywina heka rubu diwyde. Deuxu Tyytybytyhy iruna riwahinyre. Ihetxiu heka manatyre-ki rôritididÿÿ. Iny roire loosôna tule rôhonyre, riwahinyre wahe. Moisesi ôsÿny-ribi sôwemy loosôna rôhonyre. Idi tahe riixãwidididÿÿnyre. Tahe judeu mahãdu reteheôhyymyhÿre iôsÿny-ò, iôsÿny loosônadireki. Deuxu Tyytybytyhy heka iratyre awimy rare, iny-ò dori Deuxu irutyhy riwahinyre. Tahe bede ywina nade loosôna wiwihikÿ-di bede ywina tÿmyra tahe iratyre awi rare. <sup>9</sup>Tii heka iny-di ixãwikemy ratxireri. <sup>10</sup>Tahe iratyre rybe tÿmyra rare. Iny ôruna-di ixãwikemy ratxireri. <sup>11</sup>Kia urihimÿyô rÿire awi rare. Iratyre tahe umytedeôna rare.

<sup>12</sup>Iny rarôsôna sôwemy ratximyhÿreny. Tai tahe inyboho ruberuôhyymyhÿreny. <sup>13</sup>Moisesi wesemy aôkô rakatximyhÿrenyke. Imahãdu rayktxymy dori rÿirenre. <sup>14-15</sup>Imahãdutxymy dori rÿirenre. Moisesi bedeywina-di rariakeki, irayky ritôbonyke. Kia rierôrenyre iraykyreny ratxynymyhÿrenyremy. <sup>16</sup>Kristu rityhynyre xiery, irayky raraymyhÿre. Iwese Moisesi ôsÿnyntôbôna iôsÿny-ribi resere wese kia rare. <sup>17</sup>Kia Tyyriti-ki Inynyrÿeny heka Deuxu Tyytybytyhy rare. Tikibo Deuxu Tyytybytyhy rÿykeki kowa ibutummy iny ixinamy rÿyke. <sup>18</sup>Tahe ibutummy inyboho heka Deuxu wowydyna iny ôsÿnyreny-ki ijôdire. Iwese iny ôsÿnyreny itxena-ki iny retehemyhÿ wese, Deuxu wowydyna ibutummy robimyhÿke iny ôsÿnyreny-ki. Inynyrÿ he Deuxu Tyytybytyhy rare. Iribi tahe wowydyna nade. Kia wese inyboho heka Inynyrÿ wesemy relemyhÿreny. Inihikÿmy delemyhÿdenyde. Tii dori iny woreny-ki raaôôtaôtamyhÿre.

### 4

<sup>1</sup>Deuxu taruxetôena-di heka kia aômÿÿdÿÿna inydeereny diwahinyde. Tai heka ikonakôdumy idi rakatximyhÿrenyke. <sup>2-3</sup>Ibutummy heka rikiwinymyhÿrenyke aôbo ôbiti rare. Aôbina binahakÿ widÿÿ-ò heka rekexijerenyke aôbo ôbitirele heka rikiwinyrenyke; rikiwiurônyrenyôtyhy heka Deuxu rarybereriki, tuu. Deuxuruôhyyle rikiwinyrenyke. Inatyhyna loosôna-ki heka rakatxirenke. Ibutummy heka rikiwinyrenyke ibutu itxerena ôbitimy

wahe. Inyboho ritÿnynymyhÿre Rybe tymyra wihikÿ. Inyð-ribi riwòmy roimyhÿkeki tahe kia rityhynyòmÿhÿrele tuu ritidimy roike. <sup>4</sup> Kiakeki tahe Satanasi iitxeredÿÿ-ò riijònyreri loosònamy robike lau. Deuxu binadÿÿna rare. Ibinadÿÿdu wesemy ratxireri. Kaa loosòna-ò iny riitxeredÿÿnyhymyhÿre aòma Rybewihikÿ tÿmyra-ò. Rarybemyhÿre dori Kristu heka Deuxu yrubule rare. <sup>5</sup> Iximy aòkò rarybemahäreny. Inynyrÿ Jesuisi Kristulemy heka rarybemahäreny. Inyboho heka deòdumy inyboho ratximyhÿrenyre adeereny. Jesuisi òraru-ki kia rewinyamahäreny. <sup>6</sup> Juhuu Deuxu rarybere: —Bedeluru-ribi heka loosòna doosòmÿhÿde. Tii heka loosòna-di inyraykyreny ritoosònanyhÿre. Tai heka iny Deuxu ersydÿÿna inyboho rieryreny. Kristu òsÿny-ki sohojile tuu rokobirenyke.

<sup>7</sup> Kia heka aòna aòna wiwi inydeereny heka rare. Ihyna òwy riòre wesemy inyumenyreny ratxireri, butxi weselemy wahe. Tai heka Deuxu sohojile irurudire, inyboho aòko irurudire. <sup>8</sup> Ihärele heka aòbo iny riwinyke rieryòhyymyhÿre timybo aò iny riwinyke heka. <sup>9</sup> Aòhòkÿmy dÿÿnana heka inydeereny rehemynymyhÿre tai inyboho ikyhynamy riemyhÿreny. Inyboho heka bedewodihyy ratximyhÿreny, tahe tiemy iny raròsònarenydihyy inyboho ratximyhÿreny. <sup>10</sup> Inyboho heka itxi tòhòti reahyy inyboho ratximyhÿreny, Jesuisi rubuna-txi wahe. Kaki tahe iwese Jesuisi raremyhÿ wese heka rakatxirenyke. Tai iny wixira heka tuu robikre kiamy, Jesuisi rirudÿÿnanamy. <sup>11</sup> Jesuisi òraru-ki heka brebunahakÿ-ki inyboho roire. Kia wese-ki heka iny Jesuisi runamy robikre inykireny. <sup>12</sup> Kia-ki heka iny rubukonanareny inykireny rare. Tahe iruna akireny tule ratximyhÿre. <sup>13</sup> Kiamy heka Ritidÿÿna roire: —Jiarÿ retyhynnyre. Taita rarybere: —Kia weselemy roire. Retyhynnyrenyri tai heka jiarÿboho tule raryberenyri. <sup>14</sup> Jesuisi ixix-adÿÿdu heka rare. Kaa tule inyboho tule riixixanyrenyke. Rikirònyke heka Deuxuko-txi. Kaiboho tule boibenyeke wawanareny. <sup>15</sup> Jiarÿ wawanareny kia adeereny relere. Tamy Deuxu ruxetòena sòwetyhymy ramyhÿre-wana heka riwahinymyhÿre iratyre sòwetyhymy tamy deàlàna riwahinymyhÿre. Kia heka Deuxu wowdyna-ò tuu ratximyhÿre. Bedewoòmy.

<sup>16</sup> Iny bedewonaòhyre heka. Iny umyreny retybynyre. Txuò txuòlemy heka ratÿmyranyke inywo-ki. Tiie heka aòbo rierynyre inatyhy wahe. <sup>17</sup> Iny bededÿÿnanareny heka urihimyoòle roimyhÿre. Iny wowdynarenyko-ki heka aòhòkÿmy dÿÿnana inyboho ritarenyke indyreny retehemyhÿre. Retyhynnyreny wowdyna-ò awityhremy inyboho idi retehemyhÿre iny idi retehòmyhÿredi. <sup>18</sup> Aòbo iny tuu robimyhÿre bede bedemy tuu iny robimyhÿre ibutumy idi reamy. Aòbo iny tuu robiòmÿhÿre heka tiu itueòtyhy. Kia-di tahe inyboho ròhòtinymyhÿre.

## 5

<sup>1-2</sup> Inyumu tÿmyrahakÿ heka inydeereny kidiwahinyke Deuxu, iwixira biu bede-ki wahe. Aò hàbu wahisidÿÿna-ki aòkò Deuxu-di wahisidÿÿna-ki heka tuukre kia umy tÿmyra wahe. Tiu heka itueòtyhy. Rakabedeworenyke heka bede-ki iny telesòreny-ki rasÿnyreki inywo-ki wahe. <sup>3</sup> Inyboho heka biubede-ki inysÿreny inyumytÿmyra-ki ròkòhòtinymyhÿrenyke. Kaa iny umyreny wahe. Rabedewomyhÿreny. Umy tÿmyraò heka rikitarenykemy inyboho ratximyhÿreny. <sup>4</sup> Aòherekibo inyboho wiji rabedeworenyre? Inyboho heka Deuxu bedewihikÿ-ò aròirenykekò aòbo? Inyreny rikitarenykemy aòkò wiji. Kaki aòhòkÿmy dÿÿnana riwawobededÿÿnyra. Kia aòbo umy tÿmyra tyre tahe rikirutyrenyke ijò wahe. Ijò rikitarenyke rummyedeònaò. Tiu itueòtyhy. Kia riwinyre inydeereny kia wahe. <sup>5</sup> Deuxu dori tuu rarybereri inydee riwahinykemy. Tatyytybytyhy dori diwahinyde diteòsinyde. <sup>6</sup> Kia iwese juhuu rarybere wese heka tuu rotÿÿnyke. Tai heka inyboho teysamy ratximyhÿreny. Kabede-ki inyboho ratximyhÿre heka inyumenyreny ratximyhÿre heka aò Inynyrÿ-wana aòkò ratximyhÿre. <sup>7</sup> Tiu heka rokobirenyòtyhy rikitahynnyrenykekile ka idi rakatxirenyke. Inyboho rieryreny timybo rareke wahe. <sup>8</sup> Jiarÿ wadee awire kabede-ribi arexitate Deuxu-wana arasÿnyke wahe. <sup>9</sup> Aòma tamdeewimy heka tuu iny riwinyke wahe iny-wana rasÿnyke. Kaki iny ratximyhÿre tahe aòbo awire heka tamy awire. <sup>10</sup> Indyreny retehemyhÿre. Aòbo inyboho riwinyhÿreny. Aòbina bina rikiwinyrenyke heka aòhòkÿmy dÿÿnana inydeereny riwahinyke. Aòwihikÿ riki rikiwinyrenyke wana tasÿ. Aòbo awityhy inydereny kidiwahinyke.

<sup>11</sup> Inynyrÿ heka inyboho rityhynymyhÿre. Tai inyboho iny wixira-ò tuu sòwemy relymyhÿreny. Ibutumy heka Deuxu iny rierymyhÿreny. Kaiboho heka tule ti-waerymahäteny. <sup>12</sup> Kia heka reraòmy watximyhÿreny biwaerybenyke. Ararybeòtyhy heka adeereny jiarÿ awiremy. Tahe wadee ka awire kaiboho waluurenyke. Hàbu iumyle awimy rÿirerimy ihÿremy idi ròhòtinymyhÿre. Tii heka òbiti aòkò rare. Kia biwyoònybenyke adyreny watzireri. <sup>13</sup> Juhuu iny rieryremy itelesò. Inyumeny rarybekeki itxÿtemy inyboho roiremy. Rakaryberenyke heka aòbo inyboho dori Deuxu dee. Aòmysÿdÿÿrenymyhÿreki indyreny ròhòtinymyhÿre. Inyumeny rarybekeki inyboho awilerenyremy. Iòarureny-ki

tuu rakatxirenyke. <sup>14</sup> Kristu luuna heka kiamy iny riraykydÿÿnymyhyre. Tii heka rurure iny ibutudee. Tii rurureu, ibutumy inyderòwryrenymy rurure. <sup>15</sup> Rurure heka aõma iny ixidee sohojile irumy rareke lau. Kia tako-ò rakreu tamy heka irumy rakre. Tamy dori rurure tai rexixare rubu-ribi. <sup>16</sup> Rakaraykynyrenyke timybo hãbu awiré, ibinaré. Kaimy heka rarakaraykynyrenyke. Aõ iwese iny wixira raraykynymyhyre wese aõkò raraykynyrenyke. Aõma inyboho aõbo Jesuisi Kristu-di raraykynymyhyre heka. Ixityre aõbo tuukre. <sup>17</sup> Tii heka umy tÿmyra tuedeõna-di ratximyhyre iwixira ratximyihÿre. Juhu iaõmydÿÿnana iribi ixãwira. Tahe wiji raraykywydynanyre iwixiramy. Ibutumy iaõna aõna ihetxiu heka rawixiranyre, awi-ò. <sup>18</sup> Deuxu heka ibutumy kia riwinyre tamy. Inyboho heka iòludu roire, juhuu wahe. Wiji tahe iliinamy ijoi ratximyhyre. Iny wixira heka iliinamy rarekemy idi watziwãhãre. <sup>19</sup> Wiji tahe timybo Kristu rarybekremy heka adeereny rarybereri. Aõma Deuxu kia liinamy rarekemy wahe. Ixinamy Deuxu. Ka Deuxu aõ anaumywitziranydenyke. Kia Kristu òraru-ki tuu ratximyhyre.

<sup>20</sup> Jiarÿboho Deuxu deõdu roire. Tai Kristu deròwmy adeereny rarybereri: Iluuna ixidee ixbyby bimbybenyke. Wii biwowixinybenyke. <sup>21</sup> Deuxu heka iny òraruna ritidire Kristu tyre-ò. Kristu inyòrarunareny riwyre. Wiji tahe Deuxu òbitina indeereny riwahinymyhyre.

## 6

<sup>1</sup> Jiarÿboho tahe raaõmysÿdÿÿnyrenyke Deuxu dee. Deuxu ruxetòena dori tetatenyete, tai idi mohòtinybenyke, òhòtiren-y-ribi losaõmykemy. <sup>2</sup> Boholabenyke aõmybo Deuxu rarybereriò. Jiarÿ heka aluurenre iurenana tahe ka arybe-ò raholareri. Arawiòhenarenre iu wadee textiòenyte, wadee taryteu. Boholake wiji heka bitabenyke Deuxu ruxetòena. Wiji heka biu-ò hena txumy bede rÿire. <sup>3</sup> Inyò iny aõmysÿdÿÿnarenymy ibinamy rarybekeki, uritere ijò iny bedeworenòmy, jiarÿboho òraru-ki. <sup>4-5</sup> Jiarÿboho dori Deuxu deòdutyhy roire. Tai rikiteòsinyrenyke ibutumy aõbo inyboho dori Deuxu deòdu roire. Tai riteòsinyke ibutumy aõbo iny riwinymyhyke. Aõna aõna rikiteòsinyrenyke. Òhòte wakireny rÿimiyhyre. Ròtenawo-ò ralòmyhyreny. Bedeweweky-ki aõhòkÿmy ratÿÿnymyhyre. Sòwemy heka reòludunre aõnana bina binahakÿ reòludunre. Aõ òta òta reòludunre. Sòwemy heka raaõmysÿdÿÿnynihikÿreny. Sòwemy heka aõmysÿdÿÿnadikre; tÿikò bede reijereny; byreòmy bede reijereny; <sup>6</sup> òbitimy heka rewinyreny. Aõma, winy-di ròwidÿÿrenyre bedeeryna-di. Ka roirewãhã iny iwixira rewiohenanyre. Ibutumy kia rewiohenanymy roirewãhã. Deuxu Tytybytyhy heka wawanahy roiremyhy. Luuna heka inydee reteòsinyrenyre Inatyhyna rybe heka retÿÿnymahãreny. Sòwe heka ritÿÿnymy, jiarÿboho Deuxu deòdu roire wahe. <sup>7</sup> Òbitina dori wadebònarenre wese rare Satanasi itxemy. Jiarÿboho heka remymahãreny aritarenkemy. Tule iny rexiiemyhyre òbitina-di. <sup>8</sup> Ijò heka waluurenre inyò tasÿ aõbina binahakÿle wadee riwinymyhyre. Ijò heka Rybewihikÿmy wadee raryberemyhyre. Ijò tasÿ rybe binamy wamyre, rajòmo. Inatyhyna rarybemyhyre. Tai wamy ruidu riwaninimiyhyreny. <sup>9</sup> Ibutumy heka iny riwayreny. Tahe rieryòhyymy heka inatyhy rare. Watxiwãhãreny rubu wese ihãre tahe warumy watziwãhãreny. Tiiboho heka rubu wesemy inydireny ratximyhyreny. Aõhòkÿmy ratÿÿnyrenyre hãre raruòhyylemy watzimiyhyreny. <sup>10</sup> Aõna aõna heka bedewonihikÿmy ròhònyre. Tiemy wadeysahy watziwãhãreny. Jiarÿboho heka urimynodule watziwãhãreny. Ibutumy inyboho rityhydÿÿnyreny. Aõhomy aõkò inyboho ratximyhyreny tahe ibutumy inydire roimiyhyreny.

<sup>11-12</sup> Tahe kaiboho ityhydÿÿdu seriòre mahãdu Oritxi hãwã-ki. Jiarÿboho heka kaa òbiti-my aõna aõnany rarybemyhyre. Kaiboho heka ijohona derarenre aõmybo rarybemyhyreny. Jiarÿboho heka aluurenre. <sup>13</sup> Kai wariòre wesemy adee rarybereri. Umy iwese jiarÿ aluure wese, kai waluurenre.

<sup>14</sup> Boholabenyke warybereny-ò ityhydÿÿdukòdu mahãdu-wana aõmysÿdÿÿnyòke. Timybo òbitinaò heka aõbinaò-wana raaõmysÿdÿÿnyke. Timybo heka loosòna bedeluru-wana ratxike? Aõkòre! Tiu wiwana rauriòtyhy. <sup>15</sup> Satanasi heka Kristu-wana raaõmysÿdÿÿnyanyòtyhy. Itydyÿÿdu mahãdu wiwesehyllé raraykynkemy rÿira. Itydyÿÿdukòdu mahãdu-wana tahe wiraykeweseke aõkòre. <sup>16</sup> Deuxu aõmysÿdÿÿnana heka iwixi rare, suritxoo aõmydÿÿnana-ribi, wahe. Kaiboho heka Deuxu dohodÿÿna ijoimy toite Deuxu oworen-y-ki ratximyhyre. Deuxule heka kawesemy rarybere: —Jiarÿ heka wasÿ ariwinykre ayreny-ki. Jiarÿ iDeuxumy aronykre tiiboho wajioimy. Rorokurenkre. Tai tahe Inynyrÿ rarybere wiribi bihitxinyke. Inybina-ribi bexihitxinybenyke.

<sup>17</sup> Bexiebenyke òbitikòre-ribi wahe. Uritere tamy adi rexihumy, ixierya aramyrenkre ixidee wariòre wese.

<sup>18</sup> Warurutyhymy adee rarybere. Boomy heka adireny ararekre, jiarÿle wahe. Deuxu rurutere rare Jiarÿ.

## 7

<sup>1-2</sup> Deuxu ibutumy tuu rarybere: —Kai ityhydÿÿdu waseriõre mahâdu. Tai tahe rikexiõbitinyke ibutu aõmydÿÿnana-ribi. Iny umyreny-ki rokobirenyke inyummyreny-ki. Òbitimy heka rakatxirenyke iko-ò, Deuxuko-ò. Aõma waluumy heka atximahâbenykemy rahõtinywâhäreny. Iny-ò aõ bina bina rewinyõhywâhäreny. <sup>3</sup> Tuhe kaa rarybere tahe ixityre anarybekre. Aluureny jiarÿboho ibutuhyyle ratximyhÿre iny rummy ratximyhÿre häre tasÿ rukururenykre tulekre. <sup>4</sup> Wadee heka awire ibutumy kaiboho ratximyhÿreny. Kai aõwixira wixira wadeereny rÿira umy retyhynyrekî. Isirare heka wadee kia ratximyhÿhärele Wadeysatyhymy heka watzixiwâhäre, wiõhedÿÿtyhy õraru-ki, ijyy õraru-ki.

<sup>5</sup> Jiarÿboho retehemyne Macedonia bedede. Taita tule elehynaõhÿyre wadereny. Ibutumy heka aõna aõna, õta õta wixira wixira; bedede bedede ihÿymy aõkõre rÿire tai. Aõma bedewonihikÿ heka watelesõreny-ò ralore. <sup>6-7</sup> Deuxu riwawiohenanyreny; Txitu diteõnyde wadeereny. Tii rybereny heka awireny kaiboho. Tai tahe reysareny jiarÿboho. Kaiboho tabedewomy atxitenyteri waõraru-ki. Katahe wadeesa nihikÿmy watzixireri. <sup>8</sup> Adeereny warybetyrityrewahinyreki tabedewomy atxitenyteri. Tai tahe reysamy watzixireri. Ihärele heka tyriti adeereny arawahinykre. Kaiboho heka tabedewotenye iribi tahe aõmydÿÿna kaiboho tewitxiranyteny teõbitinytenyte ibutumy. <sup>9</sup> Tai tahe jiarÿ reysamy watzixireri. Aõbinare dori rewinykõre arawiohenanyreny heka. <sup>10-11</sup> Deuxu heka iny ribedeõtiidÿÿnymyhÿre iny wimyy riraykydÿÿnykemy. Kia kidiwymyhÿke inydee tarasana wahe. Tii heka awire. Ijõ bededeõtiidÿÿ tahe bedede ludu bedede õtiidÿÿ. Kia tahe rubu diwymyhÿde. Kaiboho heka tabedeõtiidÿÿnymyhÿteny. Deuxu heka kia riwinyre awiohedÿÿnyama aõma kaiboho awireny. Aõ wixira wixira sõwemy akireny rÿireri, aõ õta õtareny. Kiadille tahe aõma õbitihymy õhõ ayreny-ribi kaiboho heka taykarananyteny. Kaiboho heka waluumy teleteny. Kaiboho biwinybenykemy aõbo õbitimy ratximyhÿre iwidÿÿmy tarotenye. Ibutumy heka õbitihymy rarekemy idi tetehetenye. <sup>12</sup> Tai kia tyriti adeereny rewahinyre. Aõ kia rewinyre heka aõ iny iõrudikekile aõkõre rewinyre. Idi aretehekemy heka. Kaiboho waluumytenyhyre aõbo õraru-ki wahe. <sup>13</sup> Tai heka wadeysamy watzixiwâhäre. Aõ inyboho sohojile aõkõre teysa ratximyhÿreny. Txitu tule teysamy ihÿmyhÿre, kaiboho tawiohenanyteki <sup>14</sup> Tu heka rarybere adeereny kaiboho dori awimy tai tahatenyta awityhy. Adeereny heka inatyhyhy rarybemaõhäreny, inatyhymy. Tule mobo rarybere Txixu-ò. Ka tahe inatyhy rarybemy ratximyhÿre. <sup>15</sup> Tai heka Txitu kia luuna heka aõnityhymy akireny rare. Itxi heka tõhõti akireny aõma Deuxu tetyhynmahâte-txi. Kaiboho tedytenyteki. Ihärele urihimÿõ ruberumy ratximyhÿ. <sup>16</sup> Reerymahäre jiarÿ kaiboho õbitimy boibekre. Tai wadeysamy watzixireri.

## 8

<sup>1</sup> Deuxu ruxetõena-ki heka sõwemy riwinyre Macedonia dohodÿÿna mahâduy-ki wahe. Jiarÿ tuu arelykemy idi watzixireri waseriõrebobo. <sup>2</sup> Sõwemy heka iaõna aõnareny iaõõtadareny teiõboho. Aõhõkÿmy rotÿÿnyreri teiõboho. Ihärele ka deysamy heka relereny. Reysareny heka. Teiõboho heka iaõkõreny. Aõhohomy aõkõ heka roiremyhÿ. Kiahärele heka sõwemy riwahinyre tamahâdu wiõhedÿÿmy. <sup>3-5</sup> Riwahinyre heka sõwemy ixideewimy. Sõwemy riwahinykelemy wadee rarybere. Teiõboho heka sõwemy wiõhedÿÿmy rurumy roiremyhÿ. Tai inyboho ribedeõtiinyre sõwerekî. Kia judea bedede, dohodÿÿna mahâdu, kia wiõhedÿÿmy. Juhu heka teiõboho rexiwahinyreny Inynyrÿreny-ò. Tule Deuxu deewina inydee riwahinyre. Iny wiõhedÿÿnarenymy rexiwahinyre. <sup>6</sup> Tai tahe jiarÿ rarybereri Txitu-õ: —Kai biwiohenanykemy iaõmydÿÿnareny-ò. <sup>7</sup> Kaiboho heka sõwemy tetyhynyteri. Kaiboho heka Deuxumy awimy tarybemyhÿteny. Kaiboho heka teertytenyte Deuxu aõmydÿÿnana. Kiaboho heka waluumy waluumy boibeke wawiohedÿÿdurenymy. Biwawiohenanybenyke. Tai heka sõwemy bexiõlõdÿÿnybenyke adireny watzixireri. <sup>8</sup> Aõ bedede ywinaõ heka adeereny rewahinyõhyreri. Arierykemy heka idi watzixireri timybo aluuna ratximyhÿremy. Tii riteõsiny heka timybo ijõ dowiõhedÿÿmyhÿdemy. Tai tahe iwese tii rotÿÿnyre wese kaiboho tule botÿÿnykre. <sup>9</sup> Deuxu ruxetõena teertyteny, Jesuisi Kristu ruxetõena wahe. Tii heka ityhy rare. Tii rikõdÿÿnyre heka aõrareny-ki. <sup>10</sup> Taihyky tetyhynytenyte Deuxu aõmydÿÿnana-di. Kiamy heka raraykynreri. Arawiohenanykemy heka adireny rahõtinyre kanau bedede. Tewiõhenanyteny inatyhymy. Tai tahe bikonananybenyke kia kanau bedede tewinyteny heka bikonananybenyke. <sup>11</sup> Aõma ireiõno, uriõno biwahinybenykeki, Deuxu heka rimyke. Kia-di rõhõtinyke. <sup>12</sup> Kia uriõnomy idi teywinyumy atxiteri-di rõhõtinyke. Tamy wahidÿÿmy aõkõhyykeki tahe Deuxu aõma raraykynõtyhy. <sup>13-14</sup> Jiarÿ heka isiramy adee ariwinyõtyhy aõ. Kaiboho heka sõwemy kaa wiji toite, Tai tawowi-di inyõ rõõkeki, taadõnasõwe myna Deuxu-ò riwahinykre. Iaõkõkeki tai ibinamy Deuxu rahaõtyhy. Tai biwiohenanybenyke heka ihoõmy rÿira mahâdu. Jiarÿ heka aõ retõenyre aõkõ rare, biwahinybenykemy. Kai ihoõmy atxikeki tahe, tule inywixira

anawiòhenanykre. Taita wiwanale wiwesehyyle ròhònykre. <sup>15</sup> Kiamy heka Tyyriti-ki Ritidýyna roire: —Häbuò heka sòwemy ributunyre. Tahe aòhe rauhenyòhyyre tamy kia ibutuna-ribi wahe. Ijò tahe ibutelemy ributunyre häbuò wahe. Tiile heka aò tamy rasiranyòhyyre.

<sup>16</sup> Txitu awiòhedýýrenemy rurumyhýre iwese awiòhedýýrenemy rurumyhåre wesele wahe. Deuxumy realåre tai, Deuxu dori tuu rotýýnyre. <sup>17</sup> Taita ixinamy aro-arenemy rehemynykremy. <sup>18</sup> Riwiòhenanyrenyleri iwitxira seriòreò. Ibutumy dohodýýna mahådu-ribi tii rityhynumyhýre aòma Rybewihiký-di ritýnynumyhýre awimy. <sup>19</sup> Dohodýýna mahådu rihitxinyre wawana kanakemy. Ibutumy Inynyrý loosòna heka tuu ratx-imyhýre. Tule riteòsinumyhýre ibutumy iny rikiwiòhenanyumyhýrenykemy. Tai heka iny-seriòrereny reteònyrenyleri ityhydýýdu mahådu. <sup>20</sup> Tai inyò kia nierumy inyò rarybeòtyhy. <sup>21</sup> Òbityhylemy rikiwinyrenyke ibuturu-ò. <sup>22</sup> Ijò tii-wana rake. Reurihirenyre heka tii wiòhedýýmy rakeò, tai heka tii wiòhedýýmy ratxireri. <sup>23</sup> Txitu heka wallina rare; wawana raadòmýýdýýnumyhýre heka rare. Jiarýboho heka awiòhedýýrenemy rarumahårenyre. Ijò seriòrerenyò nade dohodýýna-ò wiòhedýýmy. Tai kaiboho wowydyna tamy biwahiny-benyke. <sup>24</sup> Tai tahe dohodýýna mahådu kaki rierykre. Tai rityhynumyhýre aòmybo umyreny rarybere. Tule wiluumy atxiteri.

## 9

<sup>1</sup> Reerywåhare jiarý wiòhedýýmy tarumahåtenyete Judeia bedeki. Tahe kiamy aò aòkò ariritinykre. <sup>2</sup> Reerywåhare tímbo akireny rare. Jiarýboho heka awimy raryberenyre umyreny Macedonia häwå mahådu-ò. Myheka rarybere: —Akaia bede seriòre mahådu wiòhedýýmy rexiywinumy ratximahårenyre kau beòrau. Tai tiiboho rexideysananyrenyre. <sup>3</sup> Tai heka kaa seriòre mahådu reteònyleri. Tai heka awikre biwiòhenanybenyke dori. Kiamy iwese rarybereri heka inatyhy rare. <sup>4</sup> Araixýrukre heka jiarý aòma bexiywinumyòlemy wiòhedýýna-ò atxibenykre-wana. Tule kaiboho maixýrubenyke. <sup>5</sup> Tai heka inyseriòrereny reteònyre akorenymy. Tahe iu arehemynykreu, bexiywinumybenyke. Biwahinybenyke wiòhedýýmy atxitenyteri ixideewimy. Aò jiarý adeereny rexitònyleri aòkò wiòhedýýmy.

<sup>6</sup> Kia häbu ibutemy ròbòròmyhýre heka ibutelemy tamy aòna aòna ruhunykre. Kia häbu sòwemy ribrònymyhýre tahe tamy sý sòwemy aòna aòna ruhunumyhýre tamy riwahinykre bederaty aòmydýýnana. <sup>7</sup> Tai heka iny sohoji sohoji ixideewimy tiwesebo riwahinymyhýke. Riwahinyòke tahe aò tuu rurukòreri urenana tuu ratxike. Deuxu dee riwahinymyhýke mahådu deysana-di riwahinymyhýre kia iny mahådu Deuxu tuure. <sup>8</sup> Deuxu heka riwahinymyhýre sòwemy aòmybo tarumahåte kia inydeereny iratyre. Ibutumy aòmybo tarumahåte heka tule iny witxira biwiòhenanybenyke. <sup>9</sup> Kiamy Ritidýýna-ki roire: —Tii tawowi-di iaòkò mahådu-ò. Ròwahimyhýre. Kia tahe iinydee wobrona tiemy rosaòmy rarekre. Deuxu heka riwahinymyhýre tibo alòbòròdu-ò. <sup>10</sup> Inydee riwahinymyhýre paò iny rirýsýke. Tahe tule sohoji sohoji owòrutumy rurumyhýre heka tamy riwahinymyhýre. Kia ribòrònymyhýre tahe Deuxule ritxuhudýýmyhýre. Tahe sòwemy bitakre Deuxu-ribi. <sup>11</sup> Kia rimymyhýre mahådu tahe Deuxumy realåmyhýre. Kia tewinumahåte heka Deuxudeewimy tewiòhenanumahåte. Deuxu heka sòwemy rimymyhýre ealånareny iòraru-ki. <sup>12</sup> Kaiboho heka Deuxu mahådu teriwiòhenanytenyete. Kia sohojile aòkò. Tule aòraru-ki tiiboho Deuxu-ò wowydyna sòwemy riwahinyrenyke. <sup>13</sup> Kaiboho Rybewihiký týmyra tetyhynytenyteri, Kia ibutumy rierymyhýre kaiboho dori uriòno tewiòhenanytenyete, tai iny wowydyna Deuxu-ò riwahinykre. <sup>14</sup> Adee rexitònykre aluumy heka relekre Deuxu adee ruxetòena riwahinyreki. <sup>15</sup> Deuxu-ò wowydyna iny-ribi kanakemy heka idi watzireri. Wahidýýna wihiký dori Deuxu inydeereny riwawahinyre.

## 10

<sup>1</sup> Jiarý Paulo heka aòmybo adeereny arexitònykre. Aòherekibo tamy tarabemahåtenyete awanareny watziwåhåu urihimýòle watyhyna watzirerimy wamy tarybemahåtenyete. Jiarý heka awana rybetere-di rarybeòmahåre awanareny watzireri wana. Tiu rareu, taheka ròritidýýre rybetere-di wahe. <sup>2</sup> Ròhòtynwåhare. Rexitònyleri. Awi heka rare. Ywina-di iny risýnumyhýre. Inyò wamyreny ibinamy rarybekéki tahe tule ararybeke heka. <sup>3</sup> Inatyhymy kabede-ki inyboho rasýnumyhýrenyre. Rakaaòbinanykeki, inyumyreny aòbinana wesemy rare. Tebònadirenyre. <sup>4</sup> Tebònadirenyre. Aò kabedemy iny rýira kia debòna wese aòkò kýny. Deuxu debòna heka rýira irurule heka rare. <sup>5</sup> Inyò aòbinamy Deuxumy rarybemahýkeki, tai tahe kia wadèbònareny remymy resewåhårenyre kia ixåwididýýnamy wahe. Ibutumy Deuxu oludumy ratximyhýre heka remywåhårenyre Deuxu rierykemy Kristu rityhynykemy wahe. Kaiboho heka ibutumy tetyhynumahåtenyete. <sup>6</sup> Kaiboho biatybenykeki, tahe, rexihuhymy rýimyhýre aòhòkýmý dýýnana-ò. <sup>7</sup> Kaiboho heka tete-hemahåtenyete aòna aòna-ò ahana-ribi wesele wahe. Inyòrarakynykeki ratximyhýreny



ixinamy tuu raraykynyke. Jiarýboho heka tule Kristu mahâdu hõrõ iny ratxirenyeri.<sup>8-9</sup> Deuxu heka ruuõ wadee diwahinyde arawiohenanykemy tai raixruõmyhýre. Tai heka abrebudýýreny aõbo kariti rewinyre. Urile tahe aumydýýreny adireny rewisýnywãhãre aõ bede arãatyremy aõkõ.<sup>10-11</sup> Ityriti rybetere heka ribrebudýý tahe rehemynyreu heka tii aõkõ rybetere-di rarybemyhýre. Awityhymy aõkõ rarybemyhýre riritinyreu. Iwese roritidyýre wesemy aõkõ rarybere. Iu adehemynykreu tahe, iwese roritidyýre wesele heka anarybekre.<sup>12</sup> Iny tai ratximyhýre heka sõwemy ixidi rõhõtinyinmyhýre tii awiremy. Kia tahe watximyhýreny kia raryberenyõtyhy. Tii dori raixýtemy ratximyhý.<sup>13</sup> Aõmy iximy rarybemyhýre dori tii awimy iximy rarybemyhýre heka urile tuu raraykynymyhý. Timybo Deuxu iydee raryberele rikiraõmyhýke. Kiawesele inydeereny awire.<sup>14</sup> Iaõmysýdýýna heka timybo rikiwinyrenykele iny riijemyhýreny. Juhu heka Rybe týmyra wihiký heka adeereny adiwykemy idi watxiwãhãre. Rewyreny heka juhoo Rybe týmyra wihiký adeereny rewyre. Tai heka tuu raryberenyõhyymahãreny timybo iny wixira aõmysýdýýna riwinymyhýreny.<sup>15</sup> Kaiboho heka aityhydýýnareny raumynyke. Tii heka wadeereny awire. Jiarýboho heka aõmysýdýýna wihiký sõwemy ariwinyrenykele watxirenyeri ayreny-ki, Deuxudeewireki.<sup>16</sup> Idi tahe arõirenykre rybe-di aritýnyrenykre ijbõde-õ, Rybe týmyra wihiký-di wahe. Aõmy ararybeõtyhy aõmysýdýýnareny iwitxira rewinyremy. Kia heka Ritidyýna-ki roire:<sup>17</sup> —Urile tuu rybe ryke Inynyrý wixira riwinyrelemy.<sup>18</sup> Iny ixidi rõhõtinyinmyhýre tii awireny. Tahe awi aõkõ rare Deuxu-õ. Deuxu tahe awimy tai rahamyhýre tii idile rõhõtinyinmyhýreki.

## 11

<sup>1</sup> Jiarý õsana urihimyo raitxýtemahãremy kaiboho wawana tõiterimy ixi-di atxitenyteri. Iñãrele taheka urihimyo reoludunmahãre. Jiarý heka okorenyre iwese Deuxu ratximyhýre wesele.<sup>2</sup> Wimy atximahãbeny adireny watxireri. Kaiboho iwese ijadõma hãbumy roikre wese toite. Hãbu heka Kristu rare.<sup>3</sup> Jiarýboho raberuwãhãreny kaiboho Kristu-wana atximahãbenyke lau wahe. Iwese Eva hemylala riitxenanyre wese wahe.<sup>4</sup> Inyõ kanakeki rõhãletedyýmy Jesuisi wixiramy. Tahe kaiboho bityhynybenykekile jiarý heka raberumahãre.<sup>5</sup> Ijõ dori ritýnynmyhýre iwese inyboho ritýnynmyhýreny wese aõkõ iwixiramy.<sup>6</sup> Kaiboho heka tahõtinyinmahãteny týnydýýdu wihikýmy inykireny ratximyhýre. Tahe awiremy idi tahõtinyinmahãteny. Tai iwesele inyboho roire awi heka roire.<sup>7</sup> Tahe iwese tii awityhymy rarybemyhýre wesemy aõkõ inyboho rarybemyhýreny. Tahe iny rierymyhýreny inraykyreny-ki. Sõwemy heka tuu adeereny rarybemaãreny. Iu jiarý rybe ritýnynmy akireny rarewãhãu, kiau heka adeereny rexitõenyõhyre iõwydýýmy. Ijyamy heka ixidee reijenynyreny kaiboho bexiõlõnybenykele. Teõsare õsana iwese rewinyre wese.<sup>8</sup> Ijõ dohodýýna mahãduõ heka riwaõwynyre adeereny aritýnyrenykelemy. Iwese iribi rawasinyre wesemy heka rahõtinyre.<sup>9</sup> Iu akireny rybe-di týnydýýmy rarewãhãu tii rexitõenyõhyre adeereny biwawiohenanykemy. Macedonia hãwã-ribi dori ityhydýýdu, mahãdu seriõreõ aõmybo raruwãhãre wadee diwyde. Tiu heka aõ aribireny aritaõtyhy. Tuu rarehy wese heka wiji rarekre.<sup>10</sup> Kristu inatyhynamy wadee rarybereri kia wese tule ararybekre ibutumy Akai hãwã hãwã-ki.<sup>11</sup> Jiarý heka aluunihikýreny. Taile heka tuu rarybewãhãre Deuxule rieryre.<sup>12</sup> Kia rybe týnydýýdu heka iwese rewinywãhãreny wesele rõwidýýmyhýre. Kia heka rewinywãhãreny heka kia rarybereri heka aõ wiribi lahixi aõkõmy rarybereri.<sup>13</sup> Kahãbu heka inatyhy Deuxu deõdýýna aõkõ ratximyhýre. Ruile heka iaõmysýdýýna-ki rõhõnynmyhýre. Rexitýnykemy Kristu deõdýýna mahãdu-õ.<sup>14</sup> Tahe aõkõre heka Satanasi tule rexiwixiranymyhýre. Ýju wesemy tii rexideõsinymyhýre. Kia hãbu teõdu rare. Tai heka irehemy iribi rexiijaranyre õbiti deõdu mahãdu ratxireriki wahe.<sup>15</sup> Urile tuu iny idi rõhõtinkykelemy heka tuu ratxirerimy ihýre. Tahe aõkõre. Ikonanau tahe aõhõkýmy dýýna ritarenykele aõbo riwinymyhýre õraru-ki.

<sup>16</sup> Ixityre tuu ararybekre. Inyõ raykykõmy jiarý itxýte raremý. Ararybekre heka waaõmydýýnanarenymy.<sup>17</sup> Teramy ijirarenýõmyke aõmybo ararybekre. Deuxu dori tuu arybedýý-õ riwajõnymy, tai heka rarybere itxýte wesele watximahãremy.<sup>18</sup> Kaiboho heka taholamahãteny itxýte mahãdu-õ. Katahe bodoholabedenykele aõmybo ararybekre.<sup>19</sup> Inyõ kedehemynykeki kaa biwinybenykele. Tahe tewinmahãteny aõna aõnamy aõkõ wahe.<sup>20</sup> Inyõ araitxenanyrenykeki uritere aõmydýýrenyõmy tamy. Jiarý heka ariwinyõtyhy tuu, wadee awiõre.<sup>21</sup> Ijõ rarybemyhýre inyõ. Tule jiarý ararybekre. Itxýte wesemy ratximyhýremy.<sup>22</sup> Tii heka Hebreu mahãdumy tii rexininire. Jiarý tule kia tuu rare. Ijaõ mahãdumy heka tiiboho rexininirenyre. Jiarý tule. Abraõ riokoremy rarybemyhýre. Jiarý tuleri.<sup>23</sup> Kristu deõdumy heka tii rexininimyhýre. Rarybemaãre itxýte wesemy. Jiarý heka iratyre deõduwimy watxiwãhãre. Jiarý raõmysýdýý nihikýre. Rõtenawo-õ riwarutyreny iratyre. Riwayatenyreny iratyre. Arurure inihe iratyre.<sup>24</sup> Judeu mahãdu heka 39 hetenamy wamy raõhõtere iruyre sõwemy wahe.<sup>25</sup> Roma mahãdu tasý

inataõmy riwahatenyire. Sohoji ta mana-di watyire rihure. Ijõtux heka hãwoninihiký heka riorore. Aõutxu heka bera-ki ráire ruu ibutumy txuu tule ibutumy rehure. <sup>26</sup> Ibutumy reamy rarewãhã aõma wasidu bede aõmydýýnanamy bera-ki tule arurure inihe. Judeu mahãdu warubudýýmy wadi riwisýnyre. Tule judeukõdu mahãdu tulere. Hãwãhãký-ki brebunatyhymy watxiwãhã, bede rahy-ki tule, ahohoký-ki tule. Waliinaõ inatyhy aõkõ tai ihýmyhý. Tai heka riwaitxenanyrenyire. <sup>27</sup> Aõmysýdýý nihiký tai. Týikõhyky heka bede reijemy rarewãhã. Rama riwasare; bemy rarowãhãre. Timy heka týinatykyõ ihoõhykyre sõwemy wahe. <sup>28</sup> Tai tahe rahõtinyre ibutu dohodýýna mahãdu-di. <sup>29</sup> Urihimyõle taruru-di ratxireri wana jiarý tule iheki waruruhohomy aõkõ relemahãre. <sup>30</sup> Inyõ raõrarunymyhýre wana jiarý rabadewowãhãre iõraru-ki. Jiarý rexideõsinywãhãre waaõkõre urityhywãhãre. <sup>31</sup> Deuxu Jesuisi Kristu tyby dori riwaerymyhýre aõu aõu heka iny rakanihikýnykre. <sup>32</sup> Iu Damasu hãwã-ki rarewãhãu, Iõlõ Areta bede dinodu heka riwamymy riwateõnyre. riwamykemy hãwãhãkýry ijõ-õ. <sup>33</sup> Weriri nihikýwomy riwawõmy riwatidire, Walina mahãdu. Tahe heto raroo-ribi riwaatyre hãwã ahana-õ. Tai tahe rahenyre iribi.

## 12

<sup>1</sup> Jiarý heka ararybekemy watxireri. Aõ aõkõ rarehãrele heka ararybekemy watxireri. Wiõhedýýna aõkõ heka rare. Wanyrý wadee riwahinyre aõna aõnamy heka rabire rasina wese jiarý sohojile wahe. Kiamy heka arelyykre wiji. <sup>2-3</sup> Tahe 14 beõramy heka Deuxu ityhydýýduõ ridyre biu-õ tasý-õ wahe. Deuxule rierymyhýre inatyhy aõbo rare ada aõkõre aõbo. <sup>4</sup> Kahãbu Deuxu-ribi heka rybeõkemy roholare. Tahe rarybeõtyhy. <sup>5</sup> Iximy tahe ararybeõkre kia wadeysarehãre. Waaõhõkýmy dýýnanadile areysakre. <sup>6</sup> Urile ararybekre timybo releremy. Taile tahe iny tuu rarybekre. Tuheka rabire sõwemy aõwiwihikýmy. Jiarý awiremy iny wamy raraykynyheny. <sup>7</sup> Tahe Satanasi aõbinana witzirahakýbo wadee riwahinyre. Ixidi arõhõtinyõkre. Jiarý aõwiwihiký jiarý raremy wahe. Araraykynyõkemy. <sup>8</sup> Inataõmy heka Inynyrý-õ rexitõenyre kiamy waribi ritakemy. <sup>9</sup> Tii wadee rarybere: — Waruxetõenale heka adee awire. Aõbo kai taaõkõteu heka waruru wadee rewahinyre. — Tai tahe jiarý reysare, waaõkõreu wahe. <sup>10</sup> Tahe awire, waõkõna, warurukõna, ibutumy wadee awire. Kristu õraru-ki heka tuure. Tiubo ibinamy wamy riwinykre warurukõkre, warurudikre.

<sup>11</sup> Rarybere heka hãbu itxýte wesele heka rarybereri. Kaiboho iõrarureny-ki heka kia wesemy rarybereri. Inatyhymy heka jiarý kia rybe týnydýýdu mahãdu bina ratyre watxiwãhãre. Ayreny-ki rarewãhãu heka teerytenyete. <sup>12</sup> Aõna aõna wiwihiký, deytenu wihiký, bedeõtidiýýna ayreny-ki rewinyre kia Kristu deõdumy watximyhýreki wahe. <sup>13</sup> Rybe týnydýý õwyõ heka aribireny retaõhyyre.

<sup>14</sup> Ihewoludu txu tahe aroramy arakemy ixidi watxireri. Inataõmy reywinyra aroramy arakremy wahe. Aribi nieruõ aritaõtyhy. Urile arawiõhenanyrenykremy adireny watxireri. Uladu riki heka tyby riyrubunyõtyhy. Tyby tahe uladu riyrubunymyhýre. <sup>15</sup> Ibutumy idi watxireri heka arahukre arawiõhenanyrenykremy. Adeereny wylemy arihukre. Jiarý heka aluurenymy. Kaiboho aõbo tule waluurenymy? <sup>16</sup> Waaõraru-ki heka adee isiraõkre heka. Ihãrele tahe inybina wamy rarybemyhýre: — Tii itxenadýýdu rare. <sup>17</sup> Wamahãdu tule aribireny ritaõtyhy ijõ. <sup>18</sup> Txitu reteõnyrajõ ityhydýýdu seriõreõ-wana. Tii aõbo aõ aribireny ritare? Aõkõre. Txitu wawesele heka tii rare.

<sup>19</sup> Taõmysýdýýna heka awiõhedýýnarenymy rare. Aõ wadi jiarý awiremy nohõtirenymy tuheka rarybereri adeereny. Deuxu, Kristudeewinamy heka tuu adeereny rarybereri heka. Deuxu kotxi heka adeereny rarybereri awiõhedýýrenymy. <sup>20</sup> Raberumãhãre heka arehemynykreu, iwitxiramy atxibenybeke lau. Tule wadi iwitxiramy betehenyke ixiwiserenymy aõkõ. Ihãru, adebure. Aõkemy watxireri. Iny aõbina binamy wimy rarybemyhýre. Iny ixidile rõhõtinerimy ihýre mahãdu. Kia aroholakeki tahe wadee awiõre. Riyrubunymyhýre. Riyrubunyõhyymyhýre. <sup>21</sup> Raberuwãhãre heka arahinykre heka akotxireny iõhãru õraru-ki. Aõna aõna witzira witzira õta õtamy rõhõtinymyhýre, raraykynymyhýre. Sõwemy heka riwinyre ta ixi-txi tõhõti reaõhyymyhýre kia riwinyretxi.

## 13

<sup>1</sup> Tahe ikonana txu roraludu heka jiarý rare. Inyõ aõbina binamy wimy rarybemyhýreki waribi ihitxihitximy heka tuu rarybemyhýre. Iny rimymyhýre heka tuu robimyhýre; tuu rarybemyhýre. Wiweselemy heka tuu rarybekre. <sup>2</sup> Iny iõrarudimy rýikre-wana, ibutumy heka aõhõkýmy rotýýnykre arehemynykreu. <sup>3</sup> Aõmy Kristu rybemy heka rarybekre. Tai bierybenykre. Aõmy warurudýýdure heka bierybenykre Kristu wahe. <sup>4</sup> Kristu heka itxeõ-ki rurure irururenýõ wahe. Jiarý warurunarenýõ õraru-ki. Tahe Deuxu ratximyhýre, iruruna-di. Tii-wana heka inyboho heka ratximyhýrenyire iruruõmy. Tai awanarenyle

watxireri, tahe tii-wana Deuxu ruruna-wana watxireri. <sup>5</sup> Ixi-di heka betehebennyke. Bexi-urhibennyke tyhyna-di atxitenyterimy. Jesuisi Kristu awo-ki ratxireri. <sup>6</sup> Kia terytenytemy, inatyhy. Tahe jiarÿboho inatyhymy aõna aõna riijerenyke. Kia aõbo teerytenynte. <sup>7</sup> Jiarÿboho rexitõenyrenywãhãrenyke. Óraruna widÿÿrenyõmykemy. Kaibocho aõwiwi biwinybennyke. Kia õbitimy watximyhÿrenykeki aõkõ, kiemy õbitimy boibennykemy. <sup>8</sup> Aõbo heka inatyhyna wiõhedÿÿnale rikiwinyrenyke. <sup>9</sup> Kaibocho arurudimy atxitenyteri-wana heka, jiarÿboho warurudimy watxiwãhãrenyke, kia wadeereny awi rare. Rexitõenymahãrenyke kaibocho õbitimy matxibenybekemy, ywimy ahãbennykemy. <sup>10</sup> Tai heka adeereny ratyritinyreri kiamy. Aribireny irehemy watxiwãhãre taheka arawiõhenanyrenyke. Arehemynykreu tahe timy heka aõhõkÿmydÿÿnanamy arõhõtinyõtyhy, kia waaõmysÿdÿÿna rare. Inynyrÿ dori iny wiõhedÿÿnarenymy nade. Iny aõhõkÿmy dÿÿnanamy aõkõ.

<sup>11</sup> Arakre tahe waseriõreboho. Idi biwisÿnybennyke ibutumy õbitimy biwinybennykemy. Warybe-õ heka boholabennyke. Wiwese weselemy maraykywydynanybennyke wiribihitx-imy aõkõ. Ywina-di matximahãbennyke. Deuxuluuna heka tule akireny ratxikre. <sup>12</sup> Wii biry-benymyhÿbennyke ityhydÿÿdu seriõre mahãduõ tai wiluomy atximahãbennyke. <sup>13</sup> Ibutumy Deuxu ijoï mahãdu heka adee rybe riwehityhynanyreri. <sup>14</sup> Jesuisi Kristu Inynyrÿ ruxetõena heka akirenykemy watxireri. Deuxu luuna aki rÿikre. Deuxu Tytybytyhy awana rÿikre.

## Alatxia Paulo Tyyriti, Alatxia Mahãdu-ò

<sup>1</sup> Jiarÿ Paulo, rybeõmy nodu rare. Inyõ riwateõnyõhyyre. Jesuisi Kristule, Deuxu inyityby, Kristu ixixadÿÿdu-wana riwateõnyre. <sup>2</sup> Jiarÿ ityhydÿÿdu seriõre-wana. Kaa watyyritireny rewahinyreri Alatxia bedeludu mahãdu-ò, ibutumy dohodÿÿna mahãdu-ò, ityhydÿÿdu mahãdu-ò wahe. <sup>3</sup> Ruxetõena ywina-wana adeereny kanakemy idi watxireri Jesuisi Kristu-ribi, Deuxu inyitybyreny-ribi. <sup>4</sup> Jesuisi rexiwahinyre iny òrarureny-ribi iny ritarenykemy. Wiji bede aõmydÿÿnabina-ribi iny ritarenykemy. Kia dori Deuxu-ò inyitybydeewimy rare. <sup>5</sup> Tamy àlana aõu aõu kanawahimyhÿke.

<sup>6-7</sup> Jiarÿ bede reõtiinrya, rybe witziraõ eleeemy tetyhynmahãteki. Rybewihikÿ witzira ihoõre. Juhuu Kristu taruxetõena-di bedebina-ribi aratarenryre. Inyõ adee rare. Idi Deuxu Rybewihikÿ riwixiranykemy. Tai tahe atyhydÿÿna ribinadÿÿnyra. Tai tahe kiamy adee rarybera. <sup>8</sup> Inyõ aõbo, jiarÿ aõbo, ada biuludu ÿju aõbo, adee Rybewihikÿ witziraõ rarybekeki, Deuxu kyarana tamy kedesekeky idi watxireri. Rybewihikÿ-ò juhu waribi taholateny. Kia sohojile inatyhyre. <sup>9</sup> Iwese rarybere wese ixityre ararybekre. Inyõ Rybewihikÿ riwixiranykeki, aõmybo juhuu taholateny-ribi, Deuxu kyanamy resekre. <sup>10</sup> Deuxudeewimy taheka watxireri hãbudeewimy aõkõ. Jiarÿ hãbudeewimy aratximyhÿkeki Kristu deõdu aõkõ jiarÿ rare.

<sup>11</sup> Aõmybo rarybemyhÿre hãbu-ribi rare. Kia Rybewihikÿ tyhy rare. Kia bierybenyke. <sup>12</sup> Kia tihãbu-ribi adoholaõhyymahãde. Hãburybe-ki aõkõ reeryre Jesuisi Kristule dori kia riwaerynyre. <sup>13</sup> Kaiboho taholateny, iwese jiarÿ judeu mahãduy-ki raremahãu Iu Deuxu ityhydÿÿdu mahãdu aõbinamy rewinydÿÿnanyhÿre. Idi ariiãwididÿÿnykemy rarewãhã. <sup>14</sup> Wamahãduy-ki sõwemy iratyre raremahã judeu mahãdu bede ywina wiydÿÿ-ki. Idi retyhnyhyymahãre wahona mahãdu ratyre, byrena erÿdÿÿna-ki. <sup>15</sup> Iribi tahe Deuxu riwamyre taruxetõena-ki. Ratohouãnyõlemy rareõ juhu riwahitxinyre. <sup>16</sup> Wadee Deuxu tariõre riteõsinykemy ratximyhÿ judeukõdu mahãdu-ò tuu ararybekemy wadi ratximyhÿ. Iu inyõ dee aõmy rarybeõhyyre Jerusalẽ hãwã-ò raõhyyre. <sup>17</sup> Rõtyhydÿÿõmy raremahãu. Deuxu deõdÿÿna mahãdule rÿiramyhÿ. Ihãrele tahe tamy rybemy raõra. Iribi tahe rahõnyra Arabia-ò. Idi tahe ixityrele adõõsede Damasu-ò.

<sup>18</sup> Inatãõ beõramy heka kowa-ki reijere. Idi tahe rare Jerusalẽ-ò Pedro roramy. Tahe bede reijere waiyre txumy tai. <sup>19</sup> Ijõmy heka rabiõhyyre deõdÿÿna mahãduõmy. Txiaulemy heka rabire, Kristu seriõremy. <sup>20</sup> Ka heka watyyriti inatyhy rare. Deuxuko-txi inatyhy rare. <sup>21</sup> Idi Siria bede-ò rare, tule Silisia bede-ò. <sup>22</sup> Judeia bede-ki Kristu dohodÿÿdu mahãdu wamy lobixidu aõkõ rÿira. <sup>23</sup> Uritÿÿna roholamyhÿre: —Kia juhu inyhudereny inyidireny raremyhÿ, wiji tahe tyhyna-di dobedeerydÿÿnanyhÿde. Juhu tahe tii tyhyna rahukemy riwisÿnyre. <sup>24</sup> Kia ibutu òraru-ki tahe Deuxu-ò dealãmymhÿde wamy, Paulo wahe.

## 2

<sup>1</sup> Waõinaubiõwa reurõ beõra-di rexihureu, ixyby Jerusalẽ-ò ròõsere. Banabe, Txitu-wana redyre. <sup>2</sup> Rawãhãre heka rasi wese-ki aõmybo rabireki. Retÿnyre iny-ò iwese inywitzira-ò rarybemyhÿremy. Dohodÿÿdu mahãdu ratyre retare tamy rihitxinyre rarybekemy. Tuu arierykemy watxireri wimy watxiwãhãremy. <sup>3</sup> Txitu wawana ihÿre, tii judeukõdu mahãduõ hãrele tahe itõtyky resmy rarybeõhyyre. Tiiboho waki ibinamy rahaõhyyre. <sup>4</sup> Idile rõhõtinyhÿre ityhydÿÿdukõdu mahãdu. Tiiboho nalõdenyde waixãwididÿÿnareny-ò retehekremy, iny Kristu-ki ijõdiwãhãre-ò. Tiiboho ixiwesemy iny-di risÿnykemy ratxirenyreri. Tiiboho ityhydÿÿdu wesemy rexisÿnyhÿre. <sup>5</sup> Tamy jiarÿboho raholarenyõhyymahãre inatyhmy Rybewihikÿ aribireny ritaõhykemy. <sup>6-9</sup> Dohodÿÿdu mahãdu ratyre mahãdu heka Joaõ, Txiau, Pedro-wana rare. Tiiboho ibutu erysyna ratyre rÿiraki, kia aõ aõkõ wadee rare. Tiiboho aõ tÿnyra riwabedeerynyõre. Deuxu-ò tahe ibutumy iny wisesehy rare. Deuxu riwateõnyre judeukõdu mahãdu-ò Rybewihikÿ wahisidÿÿmy. Kia Joaõboho wisesehylyemy widi rõhõtinyre riwawehitynanrya jiarÿ Banabe-wana. Tai tahe iwese Pedro judeukõdu mahãdu-ò rare. Tiiboho tahe ritÿÿnyhÿke judeu mahãduõle wahe. <sup>10</sup> Urile riwatyhenrya iny aõkõdu mahãdu ariwiõhenanymahãkemy. Kia juhuu ariwinykemy watxiwãhãre.

<sup>11-12</sup> Atxiõkia-ò Pedro rehemyhÿre jiarÿ tuu rarybere timybo ibinamy riwinymy ihÿremy rexiitxenanyhÿreki. Hãbuõ Txiau-ribi rehemynyõrau, tii judeukõdu mahãdu-wana riroxire. Irahudi tahe dehemynydenydeu, riroxiõhylyemy rexitare. Judeu mahãdu rybe lau ruberure. <sup>13</sup> Ijõ judeu iwesele rotÿÿnyre. Ihewoludu Banabe tulere. <sup>14</sup> Tuu rabireu, õbitimy aõkõ Rybewihikÿ inatyhy wesemy aõkõ rotÿÿnyre raremyhÿ tahe rarybere ibuturu-ò,

Pedro-ò. Kai judeu mabekeki, tahe judeòkòdu mahädu wesemy tanabededÿnanamy ahäte. Uritere judeukò mahädu judeu mahädu wesemy isÿdÿyòmy. <sup>15</sup> Jiarÿboho tahe judeu mahädumy reamahäreny. Judeukò mahädumy aòkò watxiwähäreny. <sup>16</sup> Iny bede ywidÿÿna aòkò iny ritamy roire. Kia Kristu iny rityhynmyhÿrele iny ritamy roire. Bede ywina ywityhydÿÿna iny ritaòtyhy. <sup>17</sup> Iny Kristu-ki tarasana ritamy ratxiukeki, tahe òrarudu tyhymy ronykeki, Kristu aòbo òraruna widÿÿna rare? Aòkòre. <sup>18</sup> Jiarÿ bede ywiny ywidÿÿna-ò aròðsekeki, òrarudumy ararekre. Kia jiarÿ idi ariatymy rÿimyhÿre ixityre ariwinykeki òrarudumy arareke. <sup>19</sup> Jiarÿ bede ywina rarumy räire wese, Kristu-ò warumy ararekremy. Kristu-wana jiarÿ raitxeòkirubudÿÿnanamahäre. <sup>20</sup> Jiarÿ ixidee warumy aòkò wahäre. Kristu tahe wawo-ki riwarudÿÿnanamymy ihÿre. Warumy watxireriwana Deuxu iriòretyhydÿÿna òrarukile warumy wähäre. Tii waluumy ratximyhÿre. Tahe wadee rexiwahinyra. <sup>21</sup> Deuxu ruxetòedÿÿna aribynykemy aòkò watxireri. Bede ywina tyhydÿÿna òraru-ki ywityhydÿÿna tahe inyò ritakemy ratxireri. Kia-di inatyhymy inyò rexitakeki tahe, Kristu uriòle rurure.

### 3

<sup>1</sup> Alaxia mahädu timybo tahòtynteri kaiboho òhòtibede-di rierykòreny. Kia-di òsana tahòtyny. Moòwòru ijeranamy ahäteny. Jesuisi Kristu itxeò-ki rururedi taholatenytyhyta. Òhòti-ribi aòbo kia rosare. <sup>2</sup> Kiale arierykemy watxireri timybo tahòtynytenyteri: Deuxu Tytybytyhy temytenyta bede ywina widÿÿnamy aòbo ada inatyhyna tyhydÿÿnamy aòbo. <sup>3</sup> Juhu urile tetyhnytenyteri idi ixiumykile tadexityhynmy ahäteny, bede ywina ywisidÿÿna wahe. <sup>4</sup> Kaiboho òbitimy tahòtynyòteny. Kia aòbo aòhòkÿmy tatÿÿnytenyteri urìòhyòle? <sup>5-6</sup> Aòkòre, urìòkele aòkòre òsana tahòtynyteri. Deuxu Tatytybytyhy adeereny diwahinyde. Kia aòbo riwinyre bede ywina ywisidÿÿ kaiboho amahätenyteki? Aòkòre, tetyhynmahàteki kia riwinyre. Deuxu aòna aòna wiwihikÿ akoreny-ki riwinyre. Kia sohojile iny ritake. Abraò Deuxu rityhyny. Tai tahe tamy òbitimy rare Deuxu-ò, iòraru iribi riixàwididÿÿnyraki. <sup>7</sup> Tai ibutumy rityhynmyhÿre mahädu Abraò riòremy rÿira. <sup>8</sup> Tyriti-ki roimyhÿre kia: —Deuxu heka judeu mahädu sohojile aòkò riòbitinykre. Ibutumy iny riòbitinykre ityhydÿÿ erylidÿÿna òraru-ki. Rybewihikÿ erylisyne Abraò-ò juhuu dehemynde. Kia wese Tyriti doide: —Aòraru-ki ibutumy iny-ò deysana kanakre. <sup>9</sup> Tahe ityhydÿÿdu mahädu Abraò wesemy teysare. Abraò dori ityhydÿÿdu rare. <sup>10</sup> Inyò bede ywina rityhynyòkeki, Deuxu txuhòbina kedeake. Jesuisi-ò tyhynale iny kiditakre. Kia Tyritidÿÿna dori roire: —Inyò ibutumy bede ywina riwinyòkeki, tamy Deuxu txuhòbina kedealekre. <sup>11</sup> Òbiti mahädu rityhynmy ronykre. Kia riki Ritidÿÿna roire. Tahe bede ywina heka inyboho aòkò riòbitidÿÿnyre. <sup>12</sup> Bede ywina heka iwitxi rare ityhyna-ribi. Tahe inyò bede ywina rityhynmy ratxiukeki, tii ibutumy rityhynmy rarehyyke. <sup>13</sup> Inyboho Deuxu bede ywina rikiywinyrenyòkeki, Deuxu txuhòbina inydeereny kedeakre. Kristu tahe kia-ribi iny ritare. Tule inyòwòruna òraru-ki rexilamadÿÿnyre inydee iòwydÿÿna-ki. Beteheke Tyritidÿÿna roire: —Inyò òwòru itxeò-ki ritamadÿÿnykeki, tamy txuhòbina kedealekre. <sup>14</sup> Deuxu narybede heka Tatytybytyhy iny-ò riwahinykemy. Wiji tahe inyò rityhynykeki, Deuxu Tytybytyhy ritakre. Tai Abraò deysana inydeereny rehemyne Jesuisi Kristu òraru-ki.

<sup>15</sup> Waseriòreboho, jiarÿ häbu wesemy ararybekre. Iny inatxi jurasadÿÿna ritina riwinykeki, inireny ritidikeki, inyò riwixiranyòtyhy. Tai ijò wixira riritinyòtyhy. <sup>16</sup> Boholabenyke, Deuxu juhuu Abraò dee narybede: —Abraò riòre hewoluduò Kristumy. Abraò riòre sòwe dee rarybeòre. Sohojiledele rarybere. Tahe tariòre-ò Kristumy rarybere. <sup>17</sup> Tuheka rarybereri: —Deuxu juradÿÿna wese juhuu rarybere, 430 beòra bede rÿire idi tahe bede ywina nade. Kia Deuxu juradÿÿna riixàwidinyòtyhy. <sup>18</sup> Tarasany bede ywinawidÿÿna òraru-ki kidiwahinykeki, wahisidÿÿna aòkò heka rare. Tai Deuxu heka Abraò-ò jurasadÿÿna riwahinyre. Iòwydimy aòkò juhuu dori rarybere tii kidiwahinykemy. <sup>19</sup> Aòherekibo heka nade? Kia nade òraruna òraru-ki Kristu nadeule kÿny juhuu ludu wese aòkò roire. Kristu heka Deuxu deòdÿÿna rare. Iwese Deuxu rarybere wese riwahinyre. Tii Abraò riòre riòre-ribihy reare. Ýjmy bede ywina nade. Iny itya ludu debò-ki rehemyne. Moisesi iwahidÿÿdure. <sup>20</sup> Boholake, Moisesi sohojile aòkò itya ludu ratxireri bede ywina riwahinyre. Deuxu tahe sohojile rare irybe riwahinyre. <sup>21</sup> Bede ywina aòbo Deuxu jurasadÿÿna riixàwidinyke? Aòkòre. Bede ywina umy ituèdeòna riwahinykeki, òbitidÿÿna inatyhymy bede ywina nade. Tahe aòkòre. <sup>22</sup> Deuxu Tyriti rarybere: ibutumy iny òraruna-di ratxireri. Kristu iny rityhynykeki, Deuxu jurasadÿÿna tamy riwahinyke.

<sup>23</sup> Ityhydÿÿna rehemynymykoki bede ywina iny rityhynmyhÿre ròtenawo-ki inyboho roire wese. Kia-ò iny riraòhymy rÿimyhÿre inatyhydÿÿna kedehemykemy. <sup>24</sup> Uladu bedeerydÿÿdu wese bede ywina rare inydeereny. Kristu rehemynkòu, inyboho bede ywina rityhynnyre. Tai Kristu-ò inyboho òbitimy ronykremy ityhydÿÿna òraru-ki.

<sup>25</sup> Ityhydÿÿna-ò iny rehemynyreu, uladu bede erydÿÿdu-ribi ixâwimyhÿre. <sup>26</sup> Kristu-ki ibutumu Deuxu riòre atximahâtenyte ityhydÿÿna-ki. <sup>27</sup> Ibutu dori Kristu-ò taratisebenyeteu, Kristu wesemy tatÿÿnyte. <sup>28</sup> Kristu tÿnydÿÿna-ki wiribi hitximy aôkô boibe, judeukôdu mahâdu, iny-wana, deòdu deòdu aôkô-wana, ijoï hâwyy-wana ibutumu wiwese wesele Kristu-ki rÿike. <sup>29</sup> Kristu-ki mabekeki, Abraô riòre riòrelemy mabeke. Jurasadÿÿna rareasadÿÿdumy atximahâtenyte.

#### 4

<sup>1</sup> Ijyyò arelyykre —rareasadÿÿduò deòdu wesemy raremyhÿ tii uladumy rareu, ibutu wedu rare hâre wahe. <sup>2</sup> Urile tyby rarybere raumnykôule, tii tatibiedÿÿdu rybe rityhynymyhÿre. <sup>3</sup> Kia wese iny rare. Uladu wesemy bede aomydÿÿnana rityhynymyhÿre juhuu. <sup>4-5</sup> Iribi tahe bededÿÿnana he rehemynyra. Deuxu tahe Tariòre diteònyde ijadôma ririòredÿÿnykremy. Bede ywina tyhynakremy reare. Tii nade bede ywina tyhydÿÿdu mahâdu tarasamy kia tyhyna-ribi ritakemy tariòre wesemy ritibiennykemy. <sup>6</sup> Deuxu Riòre wesemy iny ihÿreki iny-ki ratximyhÿreki, Tatytybytyhy inyo-wò risÿnyre. Tai inyo-ribi rarybemyhÿre: —Waha, Waha. <sup>7</sup> Wiji tahe deòdu wese aôkô atxiteri, Deuxu riòretyhy wese atxiteri. Tule Deuxu rareasadÿÿduòle tate.

<sup>8</sup> Juhuu Deuxu teeryòtenyte. Kaiboho deuxu wixira wese tetyhynytenyte —deuxu inatyhy aôkô tetyhynytenyte. <sup>9</sup> Ka tahe Deuxu teerymy ahâtenyte tetyhynmahâte. Deuxu anaerynymyhÿdenyde. Ixyby bede aomydÿÿnana-ò òòsedÿÿòmy, arawiòhenyòreki. Deòdumy aôkô ixbyby rÿimy boibeke. <sup>10</sup> Txu yrubudÿÿòmy, ahâdu yrubudÿÿòmy, beòra yrubudÿÿòmy. <sup>11</sup> Inatyhy ada aôkôre aòbo waaòmysÿdÿÿna adeereny reònonyra?

<sup>12</sup> Wawesehyymy boibeke. Jiarÿ dori tatemahâ wese raremahâ, waseriòreboho. Kaiboho wadee aòbina tewinyòmahâtenyte. <sup>13</sup> Kia teeryte. Jiarÿ juhuu adeereny Deuxu rybemy rarybereu, jiarÿ iu wabinawâhâu. <sup>14</sup> Wabinana heka isirare adeereny, ihâre tahe waderaòre tahe wadi arukirenyra, iwese ÿju Deuxu-ribi jiarÿ anade wese kaiboho tiwamytenyte, iwese taheka Jesuisi Kristule jiarÿ rare wese wadi tewisÿnytenyte. <sup>15</sup> Titxibibo rare eysanareny juhuu adi toite wahe. Kaiboho aruereny wii tesÿnymy toitemyhÿ kaiboho wakyrenyeki. <sup>16</sup> Jiarÿ aòbohe aòludumy relera, inatyhy rybe adeereny rarybereki? Aôkôhyre. <sup>17</sup> Hâbuò arâitxenanymyÿnyre. Aluu wese heka ratxirerimy ihÿre. Aòlònamy dori rarunyeri. Tiiboho wabiòwana-ribi atarasamy adi ihÿnyre. <sup>18</sup> Aòwihikÿ erysomy marurunya. Tii tahe awire, awanale watzireriki aôkô. <sup>19</sup> Wariòre wese, adeereny aòhòkÿmy ratÿÿnyre, hâwyy reamyhÿre mytxitxi wese jiarÿ rare adeereny Kristu awo-ki rex-ìlamadÿÿnyhykemy. <sup>20</sup> Awanareny ararekemy watzireri. Tai tahe warybe wixira-di kia anarybekemy watzireri. Aòhebo adeereny heka arasÿnyre arawiòhenanykemy watziwâhâre. Timybo reerykòre dori.

<sup>21</sup> Inyò bede ywina tyhydÿÿdumy ratxikeki, wadee manarybeke kiamy: aomybo bede ywina raryberamy teeryteri? <sup>22</sup> Kia Tyyritidÿÿna-ki roire Abraô riòre inatxire. Juhuu ludu teòdu-ribi, Haari-ribi, reare tabireludu-ribi. Ijò, Sara-ribi, ihâwyytyhy-ribi reara, deòdu-ribi aôkô. <sup>23</sup> Deòdu riòre ibutu dee wese nade. Abraô hâwyy riòre aôkòre Deuxu rybewahisidÿÿna xiery reare. <sup>24</sup> Kia ijyy-di rawesenanyrer. Inatxi hâwyy inatxi jurasadÿÿna wese heka rare. <sup>25</sup> Ijò Haari inire, deòduni. Iriòre deòdumy rarekemy reare. Sinai Hâwâlò wese tii rare. Kowa tyre-ki bede ywina inydee riwahinyre. Jerusalê wesemy roimyhÿre kia mahâdu deòdumy dori rÿira, tariòre-wana. <sup>26</sup> Jerusalê tyhydÿÿna mahâdu, biu ludu tahe deòdu wese aôkô rare, ixinamy inyboho roire. Abraô hâwyytyhy riòre wese inyboho roire. <sup>27</sup> Tyyritidÿÿnaò dori roire: —Hâwyy ariòreò beysakre. Birajuakre ariòrekòhârele beysamy ariòredikire heka. Hâwyy risina riòre sòwetyhyre, hâwyy ihâbu-di ratyre. <sup>28</sup> Waseriòreboho, kaiboho rybe ywisidÿÿna riòre wesemy ahâtenyte, Ijai wesemy. <sup>29</sup> Iwese ibutu ludu wesemy reareò aòbina riwidÿÿnanymyhÿre. Deuxu Tyytybytyhymy reareò. Wiji, tahe kia weselemyhÿre. <sup>30</sup> Tyyritidÿÿ rarybera: —Biteònyke deòdu tariòre-wana. Rareasadÿÿdu ibutumu rimykre. Hâwyy deòdu aò aôkô rimykre tariòre-wana. <sup>31</sup> Waseriòreboho, deòdu riòre wese aôkô inyboho roire. Hâwyytyhy riòre tahe iny roire.

#### 5

<sup>1</sup> Kristu inyboho ritare ixinamy inyweduduòlemy roirekemy. Kawese rokoirekemy. Deòdu wese ixbyby rukunynyòkre.

<sup>2</sup> Jiarÿ, Paulo, adeereny rarybereri: inyò notykyresyna-ò ròòsekeki, Kristu riwiòhenanyòhyymyhÿre. <sup>3</sup> Ixityre ararybeke. Inyò rinotykyresynanykeki, bede ywina ibutumu tii riyrubunhyhyke. <sup>4</sup> Inyò bede ywina rexiòbitinymy ratxikeki, Kristu-ribi rexihitxidÿÿnymyhÿre, ruxetòena tyhyna-ribi rexitare. <sup>5</sup> Deuxu riwaòbitinnyre Tatytybytyhy òrau-ki kia retyhynnyre. Kia reraònyre. <sup>6</sup> Jesuisi Kristu-ò notyky resyna aò aôkô rare. Notyky resynakò tule aò aôkô rare. Inatyhynamy luunamy aò

rare. <sup>7</sup> Juhuu awimy tuu tatynymahâte, inatyhyna-ki ijera wihikÿmy teamyhÿte, moò inatyhyna-ribi anaixawididÿnyde. <sup>8</sup> Deuxu aòkò atarasadu juhuu ixãwididÿnyde. <sup>9</sup> Inyò paò riwinykeu, ibutenode ritxiwikeki ibutumy ratarinyke. Inyò ibinamy urihimyo arabedeerynykeki sòwemy ribinadÿnyke. <sup>10</sup> Jiarÿ Wanyrÿ retyhynre, kaiboho wawesemy mohòtynybenykemy adireny watzireri. <sup>11</sup> Waseriòreboho jiarÿ waòludu dire. Kia tahe riteòsinyre notyky resynamy rarybere ijò wamy raryberehe. Kia ararybekeki sòwemy wahemy kanakre. Itxeò tÿnydÿÿna rybe rityhynkremy. <sup>12</sup> Kowa mahãdu òte rexihukemy idi watzireri. Adeereny aòbina diwinymyhÿdenyde.

<sup>13</sup> Kaiboho Deuxu arateònyrenyre, urile òraruòmy boibeke kaiboho bede ywina-ribi ixinamy boibeke. Wii biwiòhenanymyhÿbenyke, wiluurenkemy. <sup>14</sup> Bede ywina ibutumy rexibutumy rybe-ki kia tahe rare: —Inyluuke ixiluure wese. <sup>15</sup> Wiwana bòrenybenykeki, kaiboho widi buruakeki, bexihãrubeny ibutumy wii mahubenyheny.

<sup>16</sup> Tai jiarÿ rarybere, Deuxu Tytybytyhy deewimy boibekemy deòbiredÿÿna iwidÿÿòmy boibeke. <sup>17</sup> Deòbiredÿÿna dori Deuxu Tytybytyhy òluduna-ki ramyhÿre. Wimy òludurenre. Tai aòbo adeereny awire iwidÿÿ adeereny isirare. <sup>18</sup> Tahe, Deuxu Tytybytyhy arateòsinyrenykeki, bede ywina ywidÿÿna aòkò bityhynyke. <sup>19</sup> Deòbiredÿÿna aòna aònamy dÿÿnana-ki kia roire: aderanadino, aòbinade, raykyòmy, òta òta, <sup>20</sup> suritxoomy àladÿÿna, òwòruna wii, òlududÿÿna, aòbinaluu, ihãru, kyara, wobiredÿÿna, wiribihitxina, <sup>21</sup> ibutu aòmydÿÿna ixixiburedÿÿ, axaxaluu, rÿsÿnaluu byrehekÿ, tule ijò aòna aòna sòwemy kawesere. Inyò kia aòna aònawidÿÿ rierykeki, Deuxu òlona rareasadÿÿdu aòkò roikre. Tuu rarybere juhuule. <sup>22</sup> Ka heka Deuxu Tytybytyhy aòmydÿÿnanamy rybena roire: iwahidÿÿna kia rÿire, tii dori inywomy rÿira. Wiluuna, deysana, ywina, ruxetòena, wina, òbitidÿÿnana, <sup>23</sup> ibutu-ò awina, ixidee inythyhyna, ixirydÿÿna, tai bede ywina ihoòhyre kia-ò. <sup>24</sup> Kristu hòrò mahãdu kia itxeò-ki ritidirenre: deòbiredÿÿna, aòmydÿÿnana bina-ribi, deòsana aòmydÿÿnana-ribi

<sup>25</sup> Inyòboho Deuxu Tytybytyhy-di rokoirekeki Deuxu Tytybytyhyry-ki rakariarenkemy <sup>26</sup> Ixi deàlãnararòsò luukemy aòkò rakatximyhÿrenyke. Tai tahe ixixiburedÿÿna-di aòkò, rakatxirenkyke. Wiòbiredÿÿna-di rakatxirenkyòke.

## 6

<sup>1</sup> Waseriòreboho. Inyò òraruna-txi resekeki, kaiboho ywina-di biòbitynybenyke. Bexihãrumahãbenyke kia òraruna-txi ixèòmy boibekòkemy. Kaiboho dori, Deuxu mahãdu toite wahe. <sup>2</sup> Wiitxykywydywesemy wii biwiòhenanybenyke ibutu aòmydÿÿnana-ki. Iwesekeki, Kristu bede ywina tetyhynmahãtenyete. <sup>3</sup> Inyò ixidee aòlemy ròhòtynykeki, tahe tii aòhyi aòkò rare, tii rexiiixenanymyhÿre. <sup>4</sup> Ixinamy iny sohoji sohoji taaòmydÿÿna-ò retehemyhÿke, aòhebo rotÿÿnymyhÿremy wahe. Idi tahe ixi aòmydÿÿnale-di kedexityhynmyhÿkre, tabireludu aòmydÿÿna-di aòkò. <sup>5</sup> Inyò sohoji sohoji dori taitxyky riwymyhÿke.

<sup>6</sup> Inyò Deuxurybe erydÿÿna ijòdikewana tabedeerydÿÿna mahãdu-ò ibutumy erysyna wihikÿle-di rirareamahãke. Tule bedeeery mahãdu heka tohodÿÿna mahãdu-ò aòna aòna wihikÿ riwahinymyhÿre. <sup>7</sup> Ixiixenadÿÿòmy. Inyò heka Deuxu itxenadÿÿòmy alòbòròna-ò iny ribòrònykeki, tiile tahe raumnyhyymyhÿre. <sup>8</sup> Inyò òraruna ribòrònykeki, rubule taumy-ki ritake. Inyò Deuxu Tytybytyhy deewimy tuu rotÿÿnykeki umytedeòna ritake. <sup>9</sup> Aòwihikÿ widÿÿhyemy boibeke. Kia-ki elemy ruburenyòmy. Aòwihikÿ widÿÿhy boibekeki, adeereny aòwihikÿ wahidÿÿna wese kanake. <sup>10</sup> Ibutumy inydeereny aòwihikÿ widÿÿ-ki inyboho abededÿÿnanawikeki ibutumy iny rikiwiòhenanyrenymy, rÿkÿirenyke, ityhydÿÿdu mahãduò bexiywinyhyi ahãbenykemy iwiòhedÿÿ-ò.

<sup>11</sup> Tuhe, jiarÿle ariritinykre, Paulo wahe. Betehebemy inihe ritidÿÿna nihikÿ reritinyra wadebò-di. <sup>12</sup> Inyò ayreny-ki wohyna ixidee rimykeny ratxireri, kia adeereny òtyky resynamy adi ratxirerihymyhÿre. Kristu itxeòmy tiiboho ritÿÿnynyrenykeu aòhòkÿmy rotÿÿnyòmykemy ròhòtynymyhÿre. <sup>13</sup> Notyky resyna mahãdu bede ywina rityhynyòre. Tiile rexityhynmyhÿre. Kaiboho irybe-ò bohòlakemy atxiteri. <sup>14</sup> Jiarÿ arexiwowydynanyòhyymahãkre, Wanyrÿ Jesuisi Kristu itxeò-di areysakre, biu-ò hena òraru-ki wahe. Bede aòmydÿÿnana wakì rÿimyhÿre, itxeò-ki retamadÿÿnyra waribi ixãwira. <sup>15</sup> Notyky resynadÿÿ aò aòkò rare. Notyky resynadÿÿkò tule aò aòkò rare. Urile biu-ò hena-di boibekele tahe aò rare. <sup>16</sup> Kia bede ywina bityhynbenymy boibekeki, Deuxu-ribi ywina, ruxetòena, adeereny kanakemy idi watzireri. Tule Deuxu mahãdu ibutu-ò, judeu mahãdu wese dori ratxireri.

<sup>17</sup> Karibi tako-ò tahe inyò waixiradÿÿòmy ararekre. Beydÿÿna dori waumy-ki roimyhÿre, Jesuisi rybe rybemy rybedu òraru-ki.

<sup>18</sup> Waseriòreboho, Jesuisi Kristu ruxetòena akireny rÿikemy watzireri. Kie.

## Efesu Paulo Tyyriti, Efesu Hãwã-ò

<sup>1</sup> Paulo, Jesuisi Kristu deòdÿÿna jiarÿ rare. Deuxudeewimy tahe kia rare. Efesu hãwã ityhydÿÿdu mahãdu —ò kalemy warybe rewahinyreri. Kaiboho ywimynodu mahãdumy toimahãte. <sup>2</sup> Ruxetòena adeeremy kidiatykemy Deuxu-ribi idi watzireri tule Jesuisi Kristu Inynyrÿ-ribi.

<sup>3</sup> Deuxu, Inynyrÿ tybyreny, inyboho tuu realàmÿhÿreny. Tii dori inydeereny wihikÿ inywo ywinamy diwahinyde Jesuisi òraru-ki biukihikÿle wahe. <sup>4</sup> Deuxu inyreny-ribi rihitxinyre ritare. Inyboho heka tuu roire. Ihetxiu heka inyho aòkòu tii rihitxinyre ritakremy rÿimÿhÿre, inyboho wahe. Kristu-ki iny rihitxinyre rÿire. Iny òbitimy rÿirakemy rihitxinyre, ywimy nõdumy wahe. Kiamy heka rokoirekre Kristuko-txi luuna-di. <sup>5</sup> Ihetxiu tamywimy Deuxu rihitxinyre ritare, inyboho wahe. Iriòereny wesemy rokoirekemy. <sup>6</sup> Kiamy heka Deuxu riwinyre àlana, wohyna-wana tamy rikiwahinyreny tii dori inyluureki wahe. Kristu hãlubu òrarukile biu-ò henareny iny nade. Iny òrarureny riòwinyre taruxetòena wihikÿ òraru-ki. <sup>7-10</sup> Ruxetòena sòwemy inydeereny diwahinyde tii dori ibutumy aõna aõna erydu rare. Deuxu dee wina rybe wòte wese rare. Tahe inydeereny kidiatÿnykemy idi ratxireri. Tamywimy tahe inydeereny riteòsinyre. Iwese tii ròhòtynyre wese. Bededÿÿnana rexihukre. Kristu-ki ibutumy aõna aõna biu-ki bede-ki rÿikremy ihÿre. Kiamy tahe Deuxu ròhòtynyre. <sup>11-12</sup> Kristu òraru-ki Deuxu juhuhu iny mahãduy-ribi inyboho rihitxinyreny. Tii diwahinyde inydeereny uriònojura jurana. Tii dori ixideewilemy ibutumy aõhebo rotÿÿnymyhÿre Deuxu kia hitxidÿÿna mahãdu ixidile wowydyrna mahãduò rÿirakemy rÿimÿhÿre. Inyboho juhuhu rityhynyreny Kristu-ò. <sup>13</sup> Kaiboho kiaò toimahãte. Juhuhu rybe inatyhy-ò taholatenyete, tetyhynymyhÿtenyeta tarasa Rybewihikÿ-ò wahe. Tai tahe Deuxu Tyytybytyhy-di ratidÿÿna wesemy iny dee ritidimÿhÿre. Deuxu Tyytybytyhy dori tii kidiwahinykemy rarybere, ihetxiu wahe. <sup>14</sup> Uriòno jura jurana Deuxu Tyytybytyhy rare inydeereny. Deuxu tahòrò mahãdu ritakre, tuu realàrenykre tuu, inyboho dori kia mahãduò roire.

<sup>15</sup> Tahe jiarÿ, Paulo, tule umy raholamahãre Jesuisi Kristu atyhydÿÿna-ò, tule aluuna ityhydÿÿdu-ò. Tai tahe Deuxu-ò àlana-di araixitòedÿÿnyrenymahãre. Wanohòti aribireny rosaòhÿmyhÿre. <sup>16-17</sup> Deuxu tahe Jesuisi Kristu biu loosõna tyby rare. Tii arakyreny-ò bedeerna kidiwahinykemy watzireri, awolyrana kidiwahinykemy watzireri. <sup>18</sup> Tai tahe arakyrawoni ritÿnykemy watzireri. Tai kaiboho bierybenykre Deuxu iryna. Tule ityhyna biu loosõna-di bierybenykre watzireri. <sup>19</sup> Deuxu taruruna sòwemy diwahinymyhÿde ityhydÿÿdu mahãdu-ò. Iruruna tahe aõni rare inydeereny uriòno jura jurana. Kia tule bierybenykre watzireri. <sup>20-21</sup> Kia irurumy inyboho tuu robirenyre, Kristu rubu-ribi rexiixixanyre, taruruna weribi ronykemy disÿnydeu, biukihikÿle wahe. Kristu tahe ibutu ruruna witzira ratyre rare, ibutu wedu ratyre, ibutu dinodu ratyre, ibutu deòdÿÿdu ratyre. Ibutuni ratyre tii rare. Wijinani ratyre, tule kanakremy ihÿreni ratyre rare. <sup>22</sup> Deuxu tahe ibutu aõna aõna witzira ratyre Kristuwarawo-ò ritidire tai tii ibutuwedukremy. Tii ibuturati wesemy rare. Kia tii ihÿre dohodÿÿdu mahãdu-ò, iwedu wahe. <sup>23</sup> Dohodÿÿdu mahãdu tahe Kristumy wese rare. Kristu dori ibutu aõna aõna ritÿxinymyhÿre.

## 2

<sup>1</sup> Juhuhu kaiboho ruhumu tãimahãte òraruna òraru-ki. <sup>2</sup> Juhuhu kaiboho bedeaòmydÿÿnana bede-ki toitemahã juhumu Satanasi deòdÿÿna tetyhynymy toitemahã. Tii bededyh ruruna dinodu rare. Ityhydÿÿdukòdu mahãdu wiji dori rityhynyre rÿira, itxidÿÿdu mahãdu wahe. <sup>3</sup> Ityhydÿÿdukòdu mahãduy-ki juhuhu tule inyboho roiremahã —ibutumy ixideereny-wimy inyboho riwinyreny; inyraykyreny wydyna-deewimy tule inyboho riwinyreny. Ehehewidÿÿdu inyboho roiremyhÿ, tuu ratybienny rarehy dori tuu rare. Iwese ijò roiremyhÿ wese. <sup>4</sup> Deuxu tahe sòwetyhymy ruxetòena diwahinymyhÿde, inyluurenyreki. <sup>5-6</sup> Deuxu inyboho rurudÿÿnyre Kristu-wana rubu-ribi riixixanyreny. Kristusÿ-ki biu-ki tii inyboho risÿnyre tai rokonyreny. Iruxetòena òrarukile abiu-ò henareny dire. <sup>7</sup> Iruxetòena kiditeòsinykre bededÿÿnana robehehy roireki wahe. Iwese sòwehymy iruxetòena diwahinyde wesemy. <sup>8</sup> Tarasana Deuxu ruxetòenaribile nade aityhydÿÿnareny òraru-ki tuu rare. Iny-ribi aòkò nade. Deuxu wahidÿÿna rare. <sup>9</sup> Iny-ribi rarybekre inyò ixityhydÿÿmy tahe aòkòre Deuxu ruxetòenakile tuu rare. <sup>10</sup> Tii tahe ibutumy iny riwinyreny. Òbiti aòmydÿÿnana widÿÿdukemy iny riwinyre Jesuisi Kristu òraru-ki. Deuxule juhuhu ròhòtynyre òbiti widÿÿdumy aòbo rokoirekemy.



<sup>11</sup> Tahe kaiboho uritere nohòti losaõmy kaiboho judeukõdu mahãdu toite juhuu mahã. Kiamy judeu mahãdu arãninimyhÿrenyre, notykyresykõdu mahãdu wahe. Tii dori notyky resydu mahãdu roire, iyresynadireki wahe. <sup>12</sup> Juhuu tahe aruta wesele toite Kristu-ki aõkõ. Judeu mahãdu-ribi rihitxinyemy nyimyhÿde. Deuxu rybe ywisidÿÿna ludu aõkõ toite. Ararõsõna renyõhyyre. Adeuxurenyõhyyre bede bedemy. <sup>13</sup> Juhu irehemy Deuxu-ribi toite mahã. Tahe wiji Jesuisi Kristu hãlubu õraru-ki araõhõdÿÿnomy toite. <sup>14</sup> Jesuisi Kristu tahe iny ywidÿÿna rare. Kyarana tahe õtity wese itya-ki rÿimyhÿre judeu mahãdu aribi kia rihitxinyre. Tahe kia õtity ritxiwire tahe sohoji mahãdulemy riwinyre. <sup>15</sup> Tahe Kristu rurureu tahe ixãwire kia bede ywina. Tahe inatxi wimy õludu mahãdu sohoji iny tÿmyrahyyemy riwinyre. Tahe ywina rõhõnyre wiwana ributunyra tahe Deuxu taluuna tamy riwahinyra. <sup>16</sup> Jesuisi taitxeõ-ki rurureki, ywina rieryrenyre. Tahe kyarana-ribi rixãwididÿÿnyre. <sup>17</sup> Jesuisi tahe ywinamy rarybere iõhõ ludu kaiboho wahe tule irehe ludu, judeukõdu mahãdu wahe. <sup>18</sup> Tahe kaiboho jiarÿboho-wana sohoji Deuxu Tyytybytyhy õrarakile Deuxu-õ rekexitõenyrenyke. <sup>19</sup> Kawese tahe kaiboho ityhydÿÿdu mahãdu-õ talote. Iny-ribi lahitxi aõkõ toite, Deuxusÿ mahãduõle heka toite. <sup>20</sup> Deuxu rybedu, tadeõdu-wana hetoõ wesemy kaiboho boibekre. Jesuisi Kristule iko ludu mana wese rare. <sup>21</sup> Jesuisi Kristu õraru-ki wiwesehyyle heto awimy rÿire. Tai Inynyrÿ hetotyhy relemy rexihumyhÿre. <sup>22</sup> Kaiboho tule matybiyenbenykre Deuxu Tyytybytyhy hetoõ wese wahe.

### 3

<sup>1</sup> Tai jiarÿ, Paulo, rotena-ki nodu wesemy rare Jesuisi Kristu õraru-ki. Judeukõdu mahãdu dee kiamy heka watxiwãhare, adeereny wahe. <sup>2</sup> Deuxu ruxetõena wadee riwahinyre. Kaiboho aõbo tuu taholatenyõmahãte. <sup>3</sup> Deuxu dori tawõtõna diteõsinyde wadee. <sup>4-5</sup> Jiarÿ kiamy juhuu reritinyriõrere katyyritikile wahe. Idi mariabenykeu bierybenykemy idi watxireri, timybo Kristu wõtõna rybe reeryremy wahe. Kristu wõtõna tahe ihetxi ibutu inyõ riteõsinyõhyyre. Wiji tahe riteõsinyemy ihÿre Deuxu Tyytybytyhy tahe deõdu-õ, rybedu-õ ritÿnynomy ihÿre. <sup>6-7</sup> Kiamy heka rare: kaiboho, judeukõdu mahãdu, wii ributunyre inyboho-wana judeu mahãdu wahe. Uriõnowi jurawi juramy idi rokoirekre, sohoji mahãdulemy wahe. Kristu Rybewihikÿ õraru-ki ityhydÿÿdu mahãdu-õ rirõnyrenyre. Kia rybe-di rybedumy diwateõnyde, ruxetõena wahidÿÿnaõ wadee nade Deuxu ruruna sõwe-ribi. Ityhydÿÿdu mahãduy-ribi jiarÿ aõ aõkõmy watxiwãhare retyhynytyhymy aõkõ watxiwãhare. <sup>8</sup> Ihãrele Rybewihikÿ rybedumy ararekre Kristu aõmydÿÿnana heka iny raykywydyna ratyre awimy ihÿre. Kiamy judeukõdu mahãdu-õ arelyykemy riwahitxinyre. <sup>9</sup> Ibutu inyõ rybe wõtõna aritÿnynykemy watxiwãhare juhuu Deuxu Jesuisi-wana ibutumy aõna aõna riwinyre kiau rybewõtõna riwõmy roimyhÿre Deuxu-ki. <sup>10</sup> Wijina tahe riteõsinykemy ihÿre dohodÿÿna-ki. Tai tahe ibutumy biu-ribi rurunadu, bedeerydÿÿdu rierykemy timykibo Deuxu bede erysyna-di raremyhÿ ibutumy aõna aõna erysyna-di. <sup>11</sup> Iwese Deuxu ibutumy aõhebo rotÿÿnykemy ratximyhÿre wese iny rierykre, Inynyrÿ Jesuisi Kristu õrarakile wahe. <sup>12</sup> Tai tahe iny rexideõsinyimyhÿre brebuõlemy Deuxu ixitõnadÿÿna-di Kristu dori inyboho rityhynymyhÿre. <sup>13</sup> Tai kaiboho ixijiodÿÿnyrenyõmy ahãke, jiarÿ aõhõkÿmy ratÿÿnyreki kia dori awowydyna rare, waaõhõkÿmy dÿÿnana wahe.

<sup>14</sup> Tai tahe umyreny Deuxu-õ rexitõenyre Inynyrÿ Jesuisi Kristu tyhy-õ wahe. Ibutu sÿ mahãdu tyby Deuxu rare. <sup>15</sup> Ruruna adeereny kidiwahinykemy idi watxireri, tawowydyna sõwe-ribi wahe. <sup>16</sup> Deuxu Tyytybytyhy rurutyhy araykywo-õ kidiwahinykemy watxireri. <sup>17</sup> Tai Kristu aworeny-ki kanasÿnymyhÿkemy rahõtinyamahãre atyhna direki kaiboho heka wiluutyhymy boibekemy watxireri. <sup>18</sup> Tai ibutu ityhydÿÿdu mahãdu-wana Kristu luuna bierybenyke. Inyõ Kristu luuna awire rieryõtyhy. Ihãrele tahe bierybenyke iwese rare wesemy. <sup>19</sup> Tai Deuxu-di bexilÿxinykemy idi watxireri.

<sup>20</sup> Deuxu iruruna dire. Tai iny ixitõena ratyre inydeereny kidiwahinykemy idi ihÿre. Iny irurudireki wahe. <sup>21</sup> Dohodÿÿdu mahãdu wowydyna riwahinykemy tamy watxireri, aõu aõu wahe. Bededÿÿnana konana-õ wahe. Kie.

### 4

<sup>1</sup> Inynyrÿ deõdu arixidu jiarÿ rare. Arexitõenykre inihe adeereny. Yrubuna-di aõhebo botÿÿnybenykemy adireny watxireri. Tai tahe Deuxudeewimy boibekre. <sup>2-3</sup> Tii dori juhuu adeereny irydu rare õbitimy boibekemy xiwedeõmy boibeke, ele eleõmy; wii bi-wiõhenanymy; luuna-di marurunymy boibeke. Ixi wesehyylemy boibekemy. Tai tahe Deuxu Tyytybytyhy aratorabutenyrenykre ywimy nodu dori kia diwiõhenanymyhÿde. <sup>4</sup> Sohoji mahãdule rare, sohoji Deuxu Tyytybytyhydile. Umy sohoji wese, itytyby sohojilemy wese rare. Kaiboho tule ararõsõnareny sohojile rare, kaiboho ityhydÿÿdumy terõnyteki wahe. <sup>5</sup> Inynyrÿ sohojile rare inythyhynareny sohojile rare. Tule iny ratisebena sohojile rare. <sup>6</sup> Deuxu tule sohojilere, ibutu tybymy rare ibutu ratyre rare.

Ibutuy-ki tii rare. Tule ibutu rawo-ki ratxireri. Ibutumy aõhebo rotÿÿnykemy iny-di riwisyñryeri tawowina-di. <sup>7</sup> Kristu tahe iny sówemy rareki sohoji ruxetõena sówemy sohoji-ò riwahinyre. <sup>8</sup> Kiamy heka ritina-ki roire: —Iu Jesuisi raõwõnyreu biu-ò ròtena ludu mahädu ridyre idi wahidÿÿna inydeereny diwahinyde. <sup>9</sup> Betehebenyke rybeweereõ-ò raõwõnyremy. Aõmybohe kia rarybereri. Tahe juhuu dori surawo-txi robehere kiakakile tahe idi raõwõnyke. <sup>10</sup> Kia robeherede taheka raõwõnyre biuratyremy ibutu aõna aõna-di rexilÿxinykemy. <sup>11</sup> Inyõ-ò deõdÿÿna mahädumy rarekemy diwahinyde aõwihikÿ widÿÿ wahidÿÿna wahe. Ijõ-ò Deuxu rybedumy mahädu rarekemy diwahinyde. Ijõ-ò Rybewihikÿmy rybedu mahädumy rarekemy diwahinyde. Ijõ ityhydÿÿdu mahädu yrubudÿÿdu mahädumy rarekemy. Ijõ ityhydÿÿdumy mahädu rarekemy. <sup>12</sup> Ibutumy kia mahädu ityhydÿÿdu riwiõhenanykemy idi ratxireri. Tai ityhydÿÿdu iaõmysÿdÿÿna riwinykre. Kristu umy wesemy ritibiedÿÿnykemy. Ibutu dee diwahinyde. <sup>13</sup> Ikonanau tahe ibutumy wiwese wesemy røkõhõtinyrenyke, iny tyhynareny wahe. Deuxu Riõre rikierityhyrenyke, iny õbitimy rokoireke, Kristu õbiti wesemy rokoireke. <sup>14</sup> Tohouã wesemy aõkõ rokoireke iny-tyhynareny-ki. Uritere witxiradÿÿrenyõmy ibutu bedeeryna witxira witxira-di. Iwese yhy tiõ tiõ aõ riwimyhÿre wese kia bedeerydÿÿdu rare. Iwitxira tyhydÿÿna-ò kia ityhydÿÿdu mahädu ridykemy ratximyhÿre. Ijõ inatyhy rybe weselemy rarybere. Tahe aõkõre. Kia-ò ijohonarenyõmy. <sup>15</sup> Tahe luuna-di inatyhymy marybebenyke. Kristu aõmydÿÿnana-di bexilÿxinybenyke idi maumynybenyke. Tii dori iny wedureny rare. <sup>16</sup> Ityhydÿÿdu mahädu heka Kristu umy wese rare. Ityhydÿÿdu sohoji sohoji wijura jura weselemy rÿira. Kristu ibutumy riwiõhenanyhÿre iwese umy hona umy wese. Umyjura kia ibutumy iaõmysÿdÿÿ ðire. Wiweselemy tahe raaõmysÿdÿÿnykeki tai tahe umy awimy rariamyhÿke. Ijõ widerakeki tahe, Kristu umy raumynyõtyhy.

<sup>17</sup> Katahe Inynyrÿnimy adeereny kiamy rarybemyhÿre. Ityhydÿÿdukõdu mahädu wesemy aõkõ boibenyke. <sup>18</sup> Iraykyreny bedeluru-ki ihÿrenyke. Ieheherenyre, rieryõrenyke. Tai tahe Deuxu biu-ò hena umyuedõna rieryõrenyke. <sup>19</sup> Ixãruna ihoõnyre. Urile ibutumy ðaruna-txi rexiwahinyrenyke. <sup>20</sup> Kia Jesuisimy aõkõ teerytenyete inyribireny wahe. <sup>21-22</sup> Jesuisi inatyhyna teerytenyete, ibutumy aõbina bina ixi-ribi bihitxinyke. <sup>23</sup> Ibutumy awo arayky-wana bexitÿmyranyke. <sup>24</sup> Deuxu umy tÿmyra wesena-di bexityhinybenyke. Kia heka õbiti rare; inatyhy rare.

<sup>25</sup> Tai tahe ruirenõmy wahe. Inatyhymy iny witxira-ò marybemahãbeny. Wiwese hyylemy widi rakatximyhÿrenyke. <sup>26</sup> Makyarananyamahã-wana tahe urile ðaruru-txi ixõõmy. Ixi-di txu irõtedÿÿõmy awobinana-di <sup>27</sup> Tule Satanasi deradÿÿna-ò nokõmy. <sup>28</sup> Inyõ juhuu wasidureki, ixityre tii wasiõmy. Tii wiji raaõmysÿdÿÿkre aõna aõna wihihikÿ tebõ-di riwinykemy wahe. Tai tahe iaõdikre iny aõkõmy rÿira riwiõhenanyke. <sup>29</sup> Kai uritere rybebinaõ ary-ribi iõlõdÿÿõmy Rybewiwihikÿlemy marybemahã. Kia rybe-di ijohodu riwiõhenanyhÿrele kynyhetuukre. <sup>30</sup> Bibedeõtiidÿÿõmy Deuxu Tytybytyhy. Tii dori araryrubunymyhÿre tarasanatxu-ò. <sup>31</sup> Òbina rybemy widi nokõmy, wimy ujõõõmy, adebure ijã ijãõmy, aõbinamy inymy ijyõõmy, rybebina-di iny ihetedÿÿõmy. <sup>32</sup> Tahe ibutu dee wyimy boibekre, awimy wahe ainytyhymy iny-di boibekre. Aõbinamy iny adee rarybe-wana tahe iribi bexinohõtilosanymy biixãwididÿÿnyreki wahe.

## 5

<sup>1</sup> Deuxu inytybytyhyreny rare. Tai tahe iwese uladu tyby wesemy rotÿÿnymyhÿre wese, kaiboho Deuxu wesemy matximahãbenyke Deuxu riõre luunadu wesemy matximahãbenyke. Wiluurenkyke, Kristu dori aluurenkyre. <sup>2</sup> Tule rexiwahinyre xiwe wesemy iny ritarenkykemy. Tai tahe Deuxu dee kia lÿnyrena wihihikÿ wese rare.

<sup>3</sup> Tahe õta õtarenyõmy. Ibutumy aõna aõna bina bina widÿÿrenyõmy. Kaiboho dori ityhydÿÿdu mahädu toite. <sup>4</sup> Rybebinamy uriteretere rybeõmy. Ixideõsidÿÿõmy. Kia widÿÿna tahe ibinare. Tahe aõwihikÿõ biwinyke, Deuxu deãlanamy. <sup>5</sup> Òta õtadu tahe Deuxu õlõna wahidÿÿna ritaõtyhy, iny binaõ aõkõ, inywobire aõkõ. Kia Deuxu tyhy biukõdu mahädu rare. Bierybenyke kia. <sup>6</sup> Itxenadÿÿ rybe-ò ijohonarenyõmy. Ityhydÿÿdukõdu mahädu Deuxu rybe riywinyõmyhÿre. Tai tahe Deuxu reburemyhÿre tamyreny. <sup>7</sup> Tiiboho-wana ratxiõhyymyhÿrenyke iaõmydÿÿnana binareki. <sup>8</sup> Hÿÿnau kaiboho bedeluru-ki toitemahã. Tahe wiji Inynyrÿ loosõna-ki toite. Loosõnadÿÿdu riõre weselemy boibeke. <sup>9</sup> Aõbo loosõna-ribi nade tahe awire, õbitire, inatyhyre. <sup>10</sup> Tai aõbo Inynyrÿdeewi kia riteõsinyre. <sup>11-12</sup> Iwese bedelurubina widÿÿdu aõhebo rotÿÿnyre wese uritere iwidyÿÿrenyõmy tahe teõsaremy tamy marybebenyke. Aõbo tiiboho wasimy aõhebo rotÿÿnymyhÿre ixÿruna adee rare tuu maryhemahãkeki. <sup>13</sup> Ibutumy aõna aõna loosõna ritÿÿnyre. Tai tahe iny aõmydÿÿnana loosõna ritÿÿnyrekeki, iny rierykre itÿÿnydÿÿna dori loosõna rare. <sup>14</sup> Tyryitiõ kia wesemy rÿire: —Inyõ rõrõmy rÿikeki, rexixake rubuy-ribi rÿike. Kristu tahe araloosõnanykre.

<sup>15</sup> Aõhebo botfÿnybenykeò bexiijebenyke. Itxÿte widÿÿdu mahãdu wesemy aõkò ahabenyke, bedeerydu mahãdu wesemy ahãbenyke. <sup>16</sup> Iõnodÿÿõmy abededÿÿnana. Wiji txu bededÿÿnana tahe ibinatyhymy rare. <sup>17</sup> Tai tahe itxÿteõmy ahãke. Bierybenyke aõbo Deuxu dee wire. <sup>18</sup> Vii mona-di axaxa rubudÿÿna wesemy aõkò matxibenyke. Kia tahe aõnityhyre, tumodu wahe. Tahe Deuxu Tyytybytyhy heka atykymy ralõmy boibeke. <sup>19</sup> Mawinymy bexirybenyke awo-ki. Bexirybenybenyke Inynyrÿ-ò awi-ribi bitxieny my mawinyke. Rybewiumy marybeke. <sup>20</sup> Deuxu inytybyreny-ò ibutumy bealãmahãbenyke Jesuisi Kristu Inynyrÿni òraru-ki tahe bexitõenyke. <sup>21</sup> Kaiboho ibutumy widee bexiwinyhyymy ahãbenyke. <sup>22-24</sup> Iwese dohodÿÿna mahãdu Kristu rybe rityhynymyhÿre wese, hãwyy tahãbu rybe riywinyke, ibutu aõmydÿÿnana-ki wahe. Hãbu dori tahãwyy dinodu wese rare. <sup>25</sup> Ibutumy hãbu tahãwyy luukemy. Kristu dori dohodÿÿna mahãdu luureki ture. Tamy tii rexiwahinyre rurukemy. <sup>26</sup> Tai tahe kia õbitidÿÿnamy rurure. Iwese bee aõ rasuhõmyhÿre wese, tarybe risuhõmyhÿre. <sup>27</sup> Iòraru-ki tahe Jesuisi dohodÿÿna mahãdu wiwihikÿõ ixidee rimyke. Òbiti mahãdulemy rarekre, aõbina binaõ heka tai rÿiõhyymyhÿre. Awi mahãdu widÿÿdumy rarekre. <sup>28</sup> Kiamy heka hãbu tahãwyy-di rÿirake. Iwese hãbu taumy luure wese tahãwyy luumy rÿirake. Iny tahãwyy luukeki, kia-di ixiluuke. <sup>29</sup> Iny taumyderamy rÿiõhyymyhÿre. Tahe aõkõre tule rexiõwenymyhÿre rexiwesenany myhÿre. Iwese Kristu dohodÿÿna mahãdu riwisinany myhÿre wese. <sup>30</sup> Inyboho dori Kristu mahãduõ roire. <sup>31</sup> Kiamy heka Ritina roire: —Tai heka hãbuõ tybyboho heto ririmyhÿre tahãwyy-wana wii ributumy roirekemy. Inatxi umy ribi sohoji umyhyymy rõhõnymyhÿre. <sup>32</sup> Kia aõmydÿÿnana heka ierysysirare. Tahe Kristu tohodÿÿna mahãdu-wana rarybereri. <sup>33</sup> Ihãrele tahe hãbu tahãwyy luumy rÿira iwese ixiluumy rÿira wese. Tule hãwyy tahãbu rityhinyke.

## 6

<sup>1</sup> Uladu mahãdu tybyboho rybe rityhynymyhÿre Inynyrÿ òraru-ki. Kia tahe òbiti rare. <sup>2</sup> Boo adi-wana bityhynybenyke. Kia tahe bede ywina rybe juhoo rare. Tule Deuxu rarõsõna kia bede ywina rybe-wana rare. <sup>3</sup> Kia biywinybenykeki, awimy mabeke, abededÿÿnana irehemy mabeke kabede-ki. <sup>4</sup> Uladu tyby, uladuse, ariòrereny adeburehyymy idi iwisÿdÿÿrenyõmy. Tahe aõki reõsakeki tii riòbitinykemy tamy marybebenyke. Inynyrÿ deõsidÿÿna-di tamy marybebenyke.

<sup>5</sup> Deõdu mahãdu kabede-ki awedureny bityhynybenyke. Awo-ribi tyhy tamywimy biwinybenyke. Bexiijemy ywimy biwinymy. Iwese Kristu dee tewinymahãte wesemy. <sup>6</sup> Aõ tabiteriki aõkò biywinyke. Iwese Kristu deõdu wesemy mabeke. Deuxu dee wina awo-ribi biwinyke. <sup>7</sup> Deysana-di ibutumy òbitimy bisÿdÿÿnyke. <sup>8</sup> Ibutumy deõdu ada deõdukõdu Inynyrÿ-ribi aõna aõna rimyke. Tamy aõwiwihikÿ riwinykeki. <sup>9</sup> Tahe wedu mahãdu, kaiboho eõdu mahãdu-ò kia weselemy mabeke. Brebudÿÿ rybe-di eõdureny-ò rybeõmy. Awedu dori eõdureny wedu tule biu-ki ratximyhÿre. Tamy dori ibutumy wiwese wesele rare.

<sup>10</sup> Ibutu-ò tahe ikonanamy ararybekre. Inynyrÿ ruruna-di bexirurudÿÿnyke. Iruru tahe aõni rare. Tahe ixidee bimyke. <sup>11</sup> Bexitynyke aõbinanatyy-di, debõna aõmydÿÿnana bimyke. Tai tahe Diabo rybemy nodu biòludunye. <sup>12</sup> Iny ijesunareny dori moo iny-wana aõkò rare. Iwitxira Satanasi ruruna-di rare. Dinodu ruru-di rare, kabede luruhukÿ wedu-di wahe. Tyytybybina ruru-di rare, biukihikÿle. <sup>13</sup> Tai tahe ibutumy Deuxu debõna aõna aõna bimyke. Idi txubina-ki biòlòdÿÿnyke. Aijesu bitakeu tahe, òraru rÿike. <sup>14</sup> Inatyhyna-di awereysana birarutxynyke. Òbitina-di abreti bitòbõnyke. <sup>15</sup> Bexiwyinyke ywina Rybewihikÿ rybena-ò. Tii heka adikre. <sup>16</sup> Ityhyna tahe awyhyitxenamy ihÿre, idi eorutã bitÿtenyke. Idi tahe Satanasi heõty wyhy biturinyke. <sup>17</sup> Tarasana tahe arataana wese rare. Deuxu Tyytybytyhy mayrehe heka Deuxu rybe rare. <sup>18</sup> Deuxu Tyytybytyhy-ki ibutumy ixitòedÿÿhyymy atximahãbenyke. Kia-di tahe biriranymy, boibeke. Ityhydÿÿdu mahãdu ibutumy bexitõenyhyymy boibeke. <sup>19</sup> Tule wadee, bexitõenybenyke. Deuxu wadee rybe kidiwahinykemy wahe. Tai brebukõlemy Rybewihikÿ aritynynyke, ierysy siramy wahe. <sup>20</sup> Jiarÿ Rybewihikÿ deõsidÿÿdu rare wawomati rerotidire hãrele wahe. Kristumy arelyykemy watxireri. Tii heka wawidÿÿnare.

<sup>21-22</sup> Txitxiò tahe ityhydÿÿdu seriõreõ rare, waluunaduõ rare. Inynyrÿ rybe-di òbiti aõmysÿdÿÿdu rare. Tai tahe tii adeereny reteõnyre waaõmydÿÿnana adee ritÿnynykemy. Awo ritesadÿÿnykremy.

<sup>23</sup> Ywina ibutumy ityhydÿÿdu mahãdu seriõreõ kanakemy watxireri. Luuna tyhyna-wana kanakemy Deuxu, inytyby-ribi, Jesuisi Kristu, Inynyrÿ-ribi wahe. <sup>24</sup> Ruxetõena kanakemy watxireri Jesuisi inatyhymy luunadu mahãdu-ò wahe. Tii Kristu rare, Inynyrÿreny wahe.

## Filiposi Paulo Tyyriti, Filiposi Hãwã-ò

<sup>1</sup> Paulo, Tximòtxi-wana Jesuisi Kristu deòdureny roire. Ka tyyriti tahe rewahinyrenyneri Filiposi hãwã-ki ityhydýýdu mahãdu-ò. Ityhydýýdu yrubudýýdu mahãdu-ò tule rewahinyrenyra dohodýýna wiòhedýýna mahãdu-wana. <sup>2</sup>Ruxetòena, ywina-wana Deuxu-ribi adereeny kanakemy watzireri tule Jesuisi Kristu Inynryýreny-ribi.

<sup>3</sup>Rexitòenyreu, tiu aribireny wanohòti rosaòhyymhýre. Deuxumy realãwãhãre umyreny. <sup>4-5</sup> Wadeysamy watziwãhãre Rybe tymyra wihiký tewiòhenanymahãtenyteki, juhuu, wiji tule ahãtenyete. <sup>6</sup>Deuxu iaòmysýdýýna wihiký inywooreny-ki rexideleny. Tahe Jesuisi Kristu bededýýnana txuu heka rexihumy kia rýikre. Kia tahe reerytyhyre. <sup>7</sup>Kaiboho wawana Deuxu ruxetòena luuna-wana widee inyboho riubýtýnyre. Ròtena-ki rarewãhãu, tule ròtenaribiòlòmý rarewãhã. Tule Rybewihiký retýnynymy rarewãhã kiamy heka rahòtinymahãre, wawo-ki adireny rahòtinymahãre. <sup>8</sup>Sòwemy arawehitynyneri. Deuxule kia rierymyhýre. Jesuisi Kristu ruxetòena uludumy iny widi roire. <sup>9</sup>Kia ixitòedýýna tule Deuxu-ò rewahinyre umyreny. Aluunareny sòwemy rýikemy rexitòenyre. Tule araykywydynareny riixidorudýýnymyhyke. <sup>10</sup>Tibo awityhymy rýira kaiboho bi-ijebenykemy rexitòenymahãre. Tule inatyhywidýýdumy rarekremy tamy rexitòenymahãre òbitihylyemy rarekemy Jesuisi Kristu bededýýnanatxu-ò. <sup>11</sup>Òbitidýýna bederaty wesele rare. Kaiboho oworu taraty-di rýimyhýre wese týxihikýlemy òbitidýýna-di matxibenykemy rexitòenymahãre.

<sup>12</sup>Jiarý ròtena-ki rãireu, kia tahe Rybewihikýmy rybe riwiòhenanymy. <sup>13</sup>Kowa dori ibutumy yrubudýýdu mahãdu roholare, dinodu heto itxeredu mahãdu wahe. Tai tahe bierybenykemy tuu rarybere. <sup>14</sup>Jesuisi Kristu òraru-ki tahe ròtena-ki rãimy rarewãhã. Ibutumy iny tahe kia rieryre, iòraru-ki. Waròtena òraru-ki tahe ityhydýýdu mahãdu Inynryý aòmydýýnadile rõhòtinnyre, tule Deuxu rybe rarybemyhýre ruberuòhylyemy ixitòedýýna-di. <sup>15</sup>Ijò heka ixityhydýýmy Rybewihikýmy rarybemyhýre. Ijò tahe inatyhymy Rybewihikýmy rarybemyhýre. <sup>16-17</sup>Rierymyhýre waròtena Rybewihiký òraru-ki rare. Ixityhydýýna mahãdu tahe inatyhy òbiti aòkò rare. Aòhòkýmy adotýýnykemy wadi ihýre Rybewihiký-di. <sup>18</sup>Aòhebohe arotýýnykre? Arabedewomy aòbo ada areysakre aòbo. Areysahymy ararekre. Kristu rybe dori rarybemy rarehymy iny inatyhynadiremy ada aòkòremy. <sup>19</sup>Jiarý areysatyhykre ròtenawo-ribi dori aròhònykre. Aixitòedýýna, Jesuisi Kristu Tyytybytyhy riwawiòhenanykreki. Kia tahe reeryre. <sup>20</sup>Deuxu aòmydýýnana ariwiòhenanykemy watzireri waumy-di. Jiarý arurukeki ada aòkòkeki aòbo. Jiarý araxýruòtyhykemy watzireri aòhebo arotýýnykreki. <sup>21</sup>Kristu dee warumy ararekre. Tahe arurukeki kia tule wadee awire. <sup>22</sup>Tahe ararekeki Kristu dee araaòmysýdýýmy arareke iny-ò Rybewihikýmy ararybekre. Tibo awityhyre reerykòre. <sup>23</sup>Tahe ixityre aròhòtiwydynanykeki kiamy heka rahòtinnyre. Arakre Kristuòhylye heka Kristu-ò arakele awire. Tii heka awityhyre. <sup>24-25</sup>Atòenarenikile tahe warumy ararekre. Tai tahe kabede-ki ararikre aityhydýýna-di beysakemy maumykeny. Tai tahe kaki ararekre. <sup>26</sup>Iu ayreny-ki aralokreu, Deuxumy bealãbenykemy watzireri, ayreny-ki ixityre watzireriki wahe.

<sup>27</sup>Bierybenykemy adireny watzireri iwese Kristu tyhydýýdu mahãdu rýira wesekey adireny watzireri. Ayreny-ò arakeki aòbo ada araòkeki aòbo ijyy wihiký-ò adoholamýhykemy watzireri. Kaiboho wiwana wanale inatyhyna rybe-di tarybemahãtenyete. <sup>28</sup>Uritere brebuòmý aòludu lau Rybewihiký òludu lau wahe. Tamýreny tahe kia rubu bina bede urihixina rare. Tahe adereeny biu-ò hena rare. Kia Deuxu-ribi nade. <sup>29</sup>Aò Kristu tetyhynytemy sohojile aòkò tahe tamy aòhòkýmy tatýýnytenyete tule. <sup>30</sup>Inyboho dori ibutumy wiwana aòhòkýmy rotýýnykre. Jiarý sòwemy aòhòkýmy adotýýnymahãde. Kia-ò tahe taholatenyete wamy.

## 2

<sup>1-3</sup>Kaa aòbohe rýire wiòhedýýna luuna-wana Kristu-ki, biòwana aòbo Deuxu Tyytybytyhy-ki. Kohe, kia ibutumy Jesuisi Kristu kileheký rýire. Ibutumy tahe wiluumy boibeke, wiwesehylye mohòtinnybenyke, wii bitòrabutenybenyke. Tai tahe areysakre aòrurureny-ki. <sup>4</sup>Iximy xiwederenyòmý. Tahe wiribi lahiximý boibeke, aòkòmý ixi-di marãkyknybenyke. Iny sohoji sohoji aòna aònadirenyremy ixi-di nohòtirenymy. Tahe hitxihiximý bòwidýýke iny sohoji sohoji iny wixira aòmydýýnana yrubudýýmy marãkywydynanyke. <sup>5</sup>Iwese Jesuisi Kristu inywixira aòmydýýnana-di rõhòtinymyhýre wesele, kaiboho mohòtinnybenyke. <sup>6</sup>Jesuisi Kristu juhuhyy raremyhý, Deuxule rarehãre. Deuxururu tahe rimyòhyre. <sup>7</sup>Tahe iribi ritare kaò idi kodobehekemy deòdu weselemy. Tahe inyumyò rimyre kaki inylemy

rarekemy. <sup>8</sup> Tamy tahe ibinatyhymy nade itxeò-ki rurukemy wahe. Ibutu aõbo kaki riwinyke heka, riwinyre. Tai tahe ibutu ratyre Deuxu Jesuisi risÿnyre. Ibutuni ratyre ini rare. <sup>9-11</sup> Kiani-ò tahe ibutumy tatiowomy resekemy rÿire, biu mahädu, bedeludu mahädu, suwomy rÿira mahädu. Tahe ibutu rybe wixira wixiramy iny rarybemyhÿre: — Jesuisi Kristu ibutu wedu rare. Deuxu inytybymy ibutumy reälämyhÿre. Kiamy waseriõre waluuduboho. Awana watzireriki tule iwixira bede-ki aratxikre härele. Deuxukihyulle atximahäbenyke. Warybe bityhynyke.

<sup>12</sup> Aityhydÿÿna-di òraru-ribi bexitabenyke, bexiebenyke òraru-txi ixelau. <sup>13</sup> Deuxu heka adeewina riwahinymyhÿre òbiti widÿÿna. Tiile riwiõhenanymyhÿre òbitina widÿÿna. <sup>14</sup> Uritere rybe binamy rybeõmy. Adeburemy iny iijeõmy. <sup>15-16</sup> Tai tahe inyõ rybe binamy umy rarybeõtyhy. Òbitityhymy boibeke kaiboho dori Deuxu riõremy toite. Kristu kodobehekrey, aõrarureny-ki areysakre. Retare dori aõmydÿÿnana wihikÿõ ayreny-ki. <sup>17</sup> Arurukewana ayreny-ki rybe wihikÿmy rybe òraru-ki, taile areysakre. Deuxu-ò dori rexiwahinyre xiwena wesemy arurukremy wahe. <sup>18</sup> Kaiboho tahe wadi beysahyymy boibeke ixideewimy tahe adeeremy arurukremy wäähä.

<sup>19</sup> Aõwesele Tximõtxi ayreny-ò ariteõnykemy idi watziwähäre. Jesuisi Inynyrÿ dee wikeki. Tai tahe arierykre timybo kaiboho toite wahe. Tai heka areysakre. <sup>20</sup> Tximõtxi tahe arawiõhenanyrenyke iny wixira wixira ratyre wahe. <sup>21</sup> Ijõ dori ixidile rõhõtinymyhÿre Jesuisi Kristu aõmydÿÿnana-di aõkõ. <sup>22</sup> Tximõtxi tahe teerytenyke iwese riwawiõhenanyre wese Rybewihikÿmy rybe-ki. Iwese tyby iriõre riwiõhenanymyhÿre wese Tximõtxi riwawiõhenanyre. <sup>23</sup> Aõbo wadee rõhõnyke arierykre, tai wylemy ayreny-ò aditeõnykemy idi watzireri. <sup>24</sup> Jiarÿ õsana tule wylemy Deuxu riwateõnykemy wadi ratzireri ayreny-ò. <sup>25-26</sup> Ijõ häbuõ iteõdÿÿmy raruwähäre ayreny-ò, Epafroditu wahe. Tii wawana noduõ rare. Kaiboho juhuyu wadee teteõnytenyke wawiõhedÿÿdumy rarekemy. Tii heka awehityyrenymy rurumyhyre. Tai tahe reõkesedÿÿnyreri kaiboho iwebinaduna-ò taholatenyke. Tai heka õkesemy riwisÿnyre. <sup>27</sup> Inatyhy rare rurure inihe. Tahe Deuxu rixuretõnyreki riteytenyke. Jiarÿ tule Deuxu wadi raruxetõere. Tai rabedewoõhyre aõwixira wixiramy ratÿÿnymahäreki. <sup>28</sup> Tahe aõwesele ariteõnykemy watzireri. Kaiboho beysabenyke kia araerymahärenyke. Jiarÿ tahe urihimy-ò arexielhynykre wanõhõti yrena-ribi. <sup>29</sup> Tii kedehemynykre, tahe bididybedenykre biwowydynybenyke. Rexiõhärunyry rare Kristu òraru-ki riwawiõhenanykemy. <sup>30</sup> Tahe tii inihe heka rurure iõraru-ki. Arokoreny-ki tii riwawiõhenanyre.

### 3

<sup>1</sup> Ikonanamy tahe ararybekre: —Beysabenyke, Inynyrÿ deysanamy. Jiarÿ heka riwaixi-ranyõhyymyhyre heka tuu rybe. Awire tahe bohobabenykeki. <sup>2</sup> Bexiijebyenyke iny ijõõsa wesena-lau tii iixÿruterere aõbinawidÿÿdu mahädu tahe tii rare. Bexiijebyenyke notykyresydu mahädu lau. <sup>3</sup> Inyboho dori notyky resydu mahädu òbiti rare. Deuxu Tytytybytyhy deewimy nodu roire. Jesuisi Kristu dee winale inydeeremy awire. Inyboho dori aõwihikÿwidÿÿ-ò rikityhynyrenyõke. <sup>4</sup> Jiarÿ, Paulo ariõludunyleke aõbo ixi-wana ariwinyke. Jiarÿ ijõ häbu ratyre waaõmydÿÿnana diremy arexityhynyke. Jiarÿ dori judeu mahädu ijoj tyhy-ki tybie rare notyky resyna ijoj tyhy rare. Debõ inataõ reurotxu-di reareu. <sup>5</sup> Bejami mahädu jiarÿ rare. Judeu mahädu tyhy wäähäboho roire. Iriõremy jiarÿ rare. Fariseuõ jiarÿ rare. <sup>6</sup> Tai tahe bede ywina rybe retyhynyre. Jiarÿ heka iijaramy raeleelemy reamahäre ityhydÿÿdu mahädu aõhõkÿmy arisÿnykre-ò. <sup>7</sup> Wabede ywinareny òbitimy rare sana raholamahäre, ibutumy retyhynyry rarewähä. Ibutumy wahe aõmydÿÿnana reatyra Kristu luuna òraru-ki. <sup>8</sup> Inatyhymy Kristu wabiu-ò hedu reeryre, ibutu aõmydÿÿnana-ribi wanõhõti rosare. Ibutumy retxiwire iõraru-ki, kia ibutumy aõ aõkõ rare, Kristu wabiu-ò hedule arimykre wabiu-ò hedukremy rare. <sup>9</sup> Waõbitina tahe aõ wawidÿÿna aõkõ rare. Jesuisi retyhynyre urenana tahe tii riwaõbitinyre. <sup>10</sup> Kristu arierykemy idi watziwähäre. Rubu-ribi ixixana arierykemy, aõhõkÿmy arotÿÿnykre iõrarukile, iwese tii rurure wesemy wahe jiarÿ heka arexiwinykremy watzireri. <sup>11</sup> Tai rubu-ribi ixixana mahädu-wana arexixakre. <sup>12</sup> Jiarÿ òbitityhy aõkõ rare ada ibutumy òbitina wadee riwahinyõre. Jesuisi riwamyre aõmysÿdÿÿnaõ ariwinykemy. Tai tahe wako-ò rawähäre araõbitinykemy watzireri. Tamy tahe araõmysÿdÿÿnykemy watziwähäre. <sup>13</sup> Òbitityhy aõkõ jiarÿ rare. Kia sohojile tahe ariwinykre. <sup>14</sup> Tahe arehemynykremy watzireri titxibo Kristu diwateõnyde. Kowa bede wihikÿkile uriõno aritakre. <sup>15</sup> Tahe ityhydÿÿdu iumy kia-di mohõtinybenyke. Inyõ aõ rieryõkeki Deuxu tamy kia ritÿÿnykemy. <sup>16</sup> Uritere biijebyenyke inatyhyna bityhynybenykemy wiwese weselemy rõkõhõtinyrenyke.

<sup>17</sup> Ityhydÿÿdu seriõre, iwese rewinyry rarewähä wese biwinyry boibeke. Tule ijõ-ò betebebenyke wawese dori riwinyryhyre. <sup>18</sup> Sõwemy dori iny òbiti aõkõ rÿira, Kristu

òludumy wahe, itxeò aomydÿÿnana òludu wahe. <sup>19</sup> Kia iny tahe Deuxu rahukre. Rÿsÿnale ta ideuxure. Tiiboho tahe aòbina binaòle awirenre. Bede aomydÿÿnanadile ròhòtynre. <sup>20</sup> Iny bedereny tahe biu-ki roimyhÿre. Kowa-ribi reraòrenyneri iny tarasadu dehemyynyna-ki. Inynyrÿ Jesuisi Kristu wahe. <sup>21</sup> Tii inyumyreny riwixiranykre. Tii taumywelese iny ritxienykre, taumy wihikÿtyhy wesemy. Tii ruru dire. Tahe ibutu aòna aòna wedumy ronykre irurudireki.

#### 4

<sup>1</sup> Waluunadu, waseriòreboho, kaiboho wadeysana warataana wesemy toite. Ywihyylemy boibekre, waluunaduboho.

<sup>2</sup> Warybe rewahinyre inatxi hāwyy-ò Eòdia, Sintxiki-wana. Kialemy wahe Inynyrÿ tyhydÿÿna-di wiwesehyylemy maraykynyke. <sup>3</sup> Adeee tule wawiohedÿÿdu tyhy waryhe rewahinyre. Kai biwiohenanykre hāwyy Rybewihikÿ wiòhedÿÿdu mahādu wahe. Tule Lemetxi riwawiohenanyre ijò-wana wahe. Ibutumy inireny heka Tyiritina rubuonanakòdu-ki rÿire.

<sup>4</sup> Inynyrÿ-wana beysahyybenyke. Tahe ixityremy ararybekre. Beysabenyke. <sup>5</sup> Ywina-di bisÿnyke ibutu iny-ò. Inynyrÿ dehemyynyna dori iòhòmy ihÿre. <sup>6</sup> Ibutumy aomydÿÿnana heka biyrydÿÿnybenyke. Ibutumy bexitòenyke Deuxu-ò, àlàna-wana bexitòenyke. <sup>7</sup> Deuxu ywina awo-ò bitidikre arayky ibutumy riyrubunye. Deuxu ywina dori inyraykyreny rieryòtyhy timyrekibo awityhyre.

<sup>8</sup> Ikonanau tahe ibutumy aomybo ararybekre maraykynybenyke ibutu inatyhyna, ibutu aòeryhykÿ, ibutu òbiti, ibutu tiihyyle, ibutu iluuna, ibutu tyhyna awimy tahe roirekeki àlàna-wana rÿikeki, tahe kìa-di ibutumy maraykynybenyke. <sup>9</sup> Araerynanyrenre, kaiboho teerytenyte, rarybereò tahe taholatenyta. Timybo watzireri wese kaiboho wamy tabitenyta. Tai iwesemy boibeke, ibutumy wahe. Deuxu heka ywina rare. Tii umywanarenyle rarekre.

<sup>10</sup> Jiarÿ heka reysare Wanyrÿ dee. Kaiboho heka ixityre watxi òhòtirenre reare. Tiu waribi òhòtirenre rosaòhyre urile kaiboho wawiohedÿÿmy tarutenyte tahe isirare. <sup>11</sup> Kaa tuu rarybereri heka aomy raruòhyreri. <sup>12</sup> Jiarÿ dori reeryre aòbo wamy rÿira idi reysamy watxiwāhāre. Ibutumy waki rÿimyhÿre-wana tule awilemy rahòtynmahāre. <sup>13</sup> Reeryre dori awimyno tule ramamy rubu reeryre. Xiwersyna wese reeryre tule aòhòkÿmydÿÿ reeryre rama jubreré. Kia tahe reeryre. Ibutu ariwinyke Kristu dori ruru wadee riwahinyre. <sup>14</sup> Tule umy areàlakemy watzireri tiwawiohenanyteki. <sup>15</sup> Filiposi hāwā dohodÿÿna mahādu, kaiboho sohojile nieruò wadee tewahinytenyte, juhuu Macedonia hāwā-ribi rareu wahe. <sup>16</sup> Tesalonia hāwā-ò wadee nieru tewahinymahātenyte, inatxi nonanamy taditeònytenyte. Tahe riwamyre wadee rasiranymy idi rewyré. <sup>17</sup> Aò rexitòenyneri aòkò nierumy. Sohojile aomydÿÿnanamy aribi aritakemy watzireri. Deuxu aomydÿÿnanale aritakemy rarumahāre. Umyreny Deuxu wehityhynamy arobikemy. <sup>18</sup> Remyre awahidÿÿna. Epafroditu aribi riwawahinyre. Tai tahe sòwemy waki rÿireri. Iwese lÿnyrena sòwemy watxi reamyhyre wese awahidÿÿna wadee rare. Iwese Deuxu-ò xiwenaò awire wese wadee ihÿre. <sup>19</sup> Aòhere iny-Deuxureny ihewoludu atyhyna loosòna adeereny kadiwahinykre, Jesuisi Kristu òraru-ki. Aòbo adeereny rasiranyneri. <sup>20</sup> Deuxu kidiwahinykemy adeereny watzireri. Kia tahe inyDeuxureny-ò loosòna kidiwahinykemy watzireri tiemy heka rarehyykre. Kie.

<sup>21</sup> Iny sohoji sohojimy warybe-di biwehityynanykre Jesuisi Kristu òraru-ki. Kaki ityhydÿÿdu mahādu tarybe wehityyna adeereny diwahinyde. <sup>22</sup> Ibutumy ityhydÿÿdu arārybeweityhynanyre. Iòlò heto ityhydÿÿdu mahādu yribihyyle adeereny diwahinyde.

<sup>23</sup> Inynyrÿ Jesuisi Kristu ruxetòena adeereny kanakemy watzireri.

## Òlòsò Paulo Tyyriti, Òlòsò Hāwā-ò

<sup>1</sup> Paulo, Jesuisi Kristu deòdu Deuxudeewimy rare kia tyyriti rewahinyre. Tule Tximòtxi inyseriòre rybe weityhyna riwahinyre, ibutumy ityhydýýdu seriòre-ò Òlòsò hāwā-ki. <sup>2</sup> Wiòhedýýna, ywina, Deuxu inytyby-ribi adeereny kanakemy watzireri.

<sup>3</sup> Jesuisi Kristu-ò àlàna rewahinyhyimahāre, tule Deuxu Inynyrý tyby-ò. Adeereny dori rexitòenyhyymahāre. <sup>4</sup> Kaiboho Jesuisi Kristu tetyhynmahātenyete. Tule kowa ityhydýýdu mahādu wiluurenyre. <sup>5</sup> Rybewihiký inatyhyò juhuu taholatenyete. Idi tahe araròsòna tetatenyete. Tai tahe biu-ribi kia ibutumy kanakre. <sup>6</sup> Iwese Rybewihiký bede bedelemy rariamyhýre wese adeereny tule dehemynde. Rybewihiký hālubiký adireny riwahinyre. Iwese òwòru taraty riwahinymyhýre wese, kaiboho inywitzira-ò aòwihikýbo tewahinytenyete. <sup>7</sup> Epafa jiarý wiwana Deuxu deòdurenre. Kia iribi tadoholamahāte. Tii Kristu rybemy rybedu òbiti rare. <sup>8</sup> Tule wadee relyyre Deuxu Tyytybytyhyòraru-ki wiluuna-di ahātenyete.

<sup>9</sup> Kia inyboho roharenre, adeereny rexitòenyhy watziwāhārenre. Rexitòenyhy Deuxu dee wityhymy kaiboho bedierybedenyke. Deuxu Tyytybyerynatyhy-di boibekemy, bedeerydýýna-di. <sup>10</sup> Deuxudeewihymy kaiboho atximahātenyete maratynyke wesemy aòwihikýmybo. Biubýtýnymy boibeke Deuxumy bierybenythykre. <sup>11</sup> Ibutumy rurunadi boibeke Deuxu rurunadi wityhy-di texihymy tadonymahāte ibutumy aòhòkýmy bodotýýnykre deysana-di. <sup>12</sup> Deuxu inytybyreny-ò àlàna biwahinybenyke. Tii iny riywidýýnyrenyri inyjura juramy ritakemy. Kia jura jura ityhydýýdu mahādu hōrò rare Deuxu loosònawo-ki ratximyhyrenyke. <sup>13</sup> Tii bedeluru òlòna-ribi diwatade tahe diwadyde taRiòre luuna òlòna-ò. <sup>14</sup> Kristu heka iny ritare. Tii iny òrarunareny riòwinyre. Ibutumy òraruna riixāwidinare. <sup>15</sup> Jesuisi heka Deuxu lobixidýýna rare. Deuxu tahe alobixina aòkò rare. Ibutumy widýýna-ribi tii juhuu ràire. <sup>16</sup> Tii tahe ibutumy bededýýnana widýýdure. Ibutumy biu-ki bede-ki lobixina lobixiòna-wana riwinyre. Iòlòna wedu tyhydýýna rurunadi. Dinodu widýýna. Ibutumy tii riwinyre ixidee. <sup>17</sup> Tii ibutu aòna aòna-ribi juhuu rýire. Ibutumy aòna aòna taruru rimyleri tai. <sup>18</sup> Iwese umyriti umy wedu rare kia wese Jesuisi ityhydýýdu mahādu riti rare. Tii juhuna rare. Iwedu rare. Tii rubu-ribi ixixana juhuu ludu rare ibuturatyre dori Deuxu risýnyre juhuuludumy ratxikemy. <sup>19</sup> Jesuisi-ki ibutu wihiký rarekemy. Kia tahe Deuxu dee wire. <sup>20</sup> Deuxu ywina diwahinyde Jesuisi hālubu-di itxeò-ki. Jesuisi hālubu xiery ibutumy Deuxu riwaaxidýýnyre biu-ki bede-ki. <sup>21</sup> Kaiboho Deuxu ery aòkò juhuu toite. Iòlodu toite, arayky-ki aòbinahaký widýý tadxinohòtintenyete. <sup>22</sup> Jesuisi umy-di Deuxu arainythydýýnyre Jesuisi rurureki. Tai Deuxu tako-ò akanatamadýýnykre taòbitidýýnyteki aòraru lyrana-di, aòraru tuedena-di inyò umy ibinamy rarybeòtyhy. <sup>23</sup> Urile tyhydýýna-ki boibebenyhyke araròsòna-ribi ixihitxidýýòmy. Araròsòna dori Rybewihiký-ribi nodu rare. Tii-ò tahe taholatenyete. Ibutumy iny biurawoludu-ò Rybewihikýlemy narybede. Iribi jiarý, Paulo, Rybe wihikýmy rybedu ròhònyre.

<sup>24</sup> Wijile reysamy watzireri adee aòhòkýmy ratýýnyreriki, aò aòhòkýmy dýýnanabo Kristu-ò rauhenyete. Tai jiarý aòhòkýmy arotýýnykre waumy-ki hyymy. Kristu-ò rýira mahādu dee kiamy ratýýnyre, dòhòdýýna mahādu dee. <sup>25</sup> Iribi jiarý Rybe wihikýmy rybedu ròhònyre. Kiamy Deuxu dee wimy diwateònyde tarybemy rybedumy. <sup>26</sup> Tii ihetxiu rybe inatyhy ibutu lau rexiwore. Wiji tahe rexitýnyreny ityhydýýdu mahādu dee. <sup>27</sup> Kia-ò Deuxu rexitýnyreny ratxireri iwese aòwihiký, taloosòna ratxireri, ibutu iny witzira dee. Kristu inywo-ki, kia tahe iny iraròsòna rare. <sup>28</sup> Kia Rybewihikýmy relyymahārenyete ibutumy iny-ki reerydýýnyanmahāre bederysyna-di. Kia wesele ibutumy ityhydýýdu mahādu òbiti Kristu-ò ariteòsinykre. <sup>29</sup> Kiaòle tahe rexirurudýýnyhyymahāre, Kristu rurudile waki rýimyhýre.

## 2

<sup>1-2</sup> Warayky-ribi ijesu nihikýmy resumahāre awo umyreny rahòtieremahāre reysakemy Òlòsò hāwā-ki. Laodisia mahādu tule wamy robiòmyhýre mahādu tule wiluutyhyrenyky kaiboho ibutumy Deuxu bedeerysynatyhy bierybenyky adireny watzireri. Kristu-ki tahe bede erysynatyhy-di atxiteri idi watzireri. <sup>3</sup> Kristuwo-ki ibutumy bedeerydýýna bede erysynatyhy ityhyna wesemy riyrubunmy rýire. <sup>4</sup> Kawese rarybera inyò arāitxenanyòmyhýkemy rybe rayky-ribi ije-di. <sup>5</sup> Waumy awanareny ratxiòeri, watytyby tahe awanareny ratxireri, riwadeysanyeri, aòwityhy òbiti-di riwaerynanyeri Kristu-ki aityhydýýna-di riwaerynanyre.

<sup>6</sup> Iwese Jesuisi Kristu heka Inynyr̄hyny tetyetynte wese. Tai tii-wana mabehybenyke. <sup>7</sup> Iwese oworu irarutiö rimymyh̄re wese myike. Anaerynad̄ȳnymahāde wese maumynyke àlàd̄ȳnamy.

<sup>8</sup> Bexihārubenyke, inyō anaitxenad̄ȳnyke lau. Tarayky-ribi ije rybe-di lahirybe-di anaitxenanykemy ih̄yre rybe uritere ije ije-di. Kia rybe iny aōmyd̄ȳnana-ki r̄yire bede tyytyby aōmyd̄ȳnana-ki. Kia Kristu aōmyd̄ȳnana aōkōhymy r̄yirake. <sup>9</sup> Kristu umy-ki tahe ibutumy Deuxu ixitȳnyd̄ȳna r̄yire. <sup>10</sup> Tule Kristu-ki kaiboho tyhynamy toite, texihutenyete. Tii heka ibutumy hābu rurud̄ȳna ratyre rare, iòlòd̄ȳna ratyre rare. <sup>11</sup> Iwese uladunotyky riòròre wese Kristu aōraru urarina aribi diorode. Notyy resyna inatyhy aōkō rare. Kristu iwe-senalemy riwinyre. <sup>12</sup> Taratisebenyenteu, Kristu rubu wesemy tewesenatenyete deledede. Tule beribi tadòhònyenteu irubu-ribi ixixanamy tewesenanyente. Deuxu tyhyd̄ȳna-di rubu-ribi texixatenyete. <sup>13</sup> Kaiboho aōraruna-ki tòmih̄ȳteu rubu wesemy notyynaresy aōkō-di toimyh̄ȳteu, adeeremy runa Deuxu diwahynade, aōrarureny diixāwidinye. <sup>14</sup> Kristu iny òraruna wid̄ȳnareny-ribi tòhòti rosara. Kia tyyritina-di riixāwidid̄ȳnyre taitxeò-ò rareu. <sup>15</sup> Rurud̄ȳna mahādu ruru dinodu mahādu ruru ritara, ibutumy iitxerenarenymy ibutu-ò riteòsinyre. Kristu taitxeò-ki irurureny ritara.

<sup>16</sup> Kaiboho tahe uritere iny rybemy deòbyrenkōmy roxina bemomo, ada ahādu herinau ixenamy, ada sabado beded̄ȳnanamy. <sup>17</sup> Kaiboho dori aō kanakre wesemy rare. Kristu tahe ibre tuu rare. Kia aōmyd̄ȳnana aō aōkō. <sup>18</sup> Inyō adeeremy rarybekeki: bexitxiōnyke ȳju bitealānykemy, rasina-ki ierysomy mohòtinkyemy. Tamy ijohonarenymy urile eryd̄ȳdumy rohòtynira. Tii tahe Kristu rityhynyòhymyh̄re. <sup>19</sup> Inymy wese inyboho ih̄yrenyete. Kristu tahe umy ratiwesere. Umybutule-ribi ibutumy iuk̄ȳna wiwana reare. Ibutumy òhòna tusina-wana umy rabutumyh̄re. Deuxu umyna-di umy raumymyh̄re.

<sup>20-22</sup> Kai Kristu-wana taruta-wana bede aōmyd̄ȳnana-ribi, aòherekibo wiji bede aōmyd̄ȳnana-wana arumy ahāte. Aòherekibo bede ywina witxira witxira tetyhynamy ahāte: imyny wedeyd̄ȳòm. Tamy ade rexiòm, roxina urihixiòm. Kia wese hābu bede ywina tetyhynamahātenyete. Kia aōmyd̄ȳd̄ȳkeki, rexihuke. <sup>23</sup> Bede eryd̄ȳna wese ratxireri. Kia dori ixideele rexityhyd̄ȳnyre iyubu wesemy rawesenanyeri, taumy ixidee aòhòk̄ymy rexisinyre. Ibutumy kia tahe riwiòhenanyòhymyh̄re umy òraluna lau.

### 3

<sup>1</sup> Kaiboho Kristu-wana texixatenyteri wana, biu ludu aōmyd̄ȳnana-di mohòtinybenyke, tai Kristu Deuxu runa weribi ras̄ynymy ronymyh̄reki. <sup>2</sup> Biu ludu aōmyd̄ȳnana-di mohòtinybenyke, kabede ludu aōmyd̄ȳnana-di aōkō. <sup>3</sup> Rubu wesemy dori ahātenyete, aumy tuedeòna runa Kristu-wana rare —Deuxu-ki riyrubunymy ratximyh̄re. <sup>4</sup> Kristu rehe-mynyreu, tule tii-wana rakatxirenyke.

<sup>5</sup> Tai òhòti bitosanye bede ludu aōmyd̄ȳnana aki r̄yire: uri uri r̄yira mahāduhemy ijara, òbitiòna, deòsana hemy nodu, iòbi ret̄ȳnyre òbiti-di aōkō rare. Inyō r̄yire-di òtena kia ritxoo àlàd̄ȳna wese rare. <sup>6</sup> Kia aōna aōna Deuxuwo binana rare, kia-ò Deuxu ykarana kanakre kia òrarudu mahādu-ò. <sup>7</sup> Kaiboho kia tewinyenteu aōrarunareny òrarudumy toiteu. <sup>8</sup> Wiji tahe ibutumy kia aōmyd̄ȳnana aribi rexihukemy idi watxireri —wobinana, ujòmo, rybe ije ije. <sup>9</sup> Iny witxira-ò ruiòm, araybidinatyby dori aribi dexihude, iwid̄ȳnabina-di. <sup>10</sup> Araybidina t̄ymyra-di tahe texiumyd̄ȳnyte tii araijònyre bedeerysynahak̄ȳ-di, Kristu raybidina wesemy araybidina rarekre òbitimy araijònykre. <sup>11</sup> Kowa-ki wii rikinirenyòkre: judeu mahādumy, judeukòdu mahādumy, notyky resyduy, bedeeryò mahādumy, txiebese wese mahādumy, deòdu mahādumy, deòdu aōkō mahādumy ibutumy Kristu dee wiwese weselemy r̄yire. Kristule tahe ibutumy ih̄yre inydeeremy. Tii ibutu inywo-di ratximyh̄re.

<sup>12</sup> Kaiboho Deuxu ijeseemy anadymyh̄de tahòrò luunana mahādukremy. Tai ruxetòena-di boibekre ixāwidina-di, inythynda-di, ywina-di. <sup>13</sup> Wii riwiòhenanymy r̄yike. Wii ri-ixāwidid̄ȳnymy r̄yike. Inyō adee aōmy rotynykeki ixirawomy bijeranyke. Iwese Inynyr̄ araixāwidinyre wese iny biixāwidinyke. <sup>14</sup> Ibuturatyre wiluurenkyemy kiadile kaiboho wi-wana ibutumy boibeke iwe-selemy mohotinybenkyemy. <sup>15</sup> Kristu ywina heka umy-ki itx-eredumy rarekre. Kristu hōrò mahādu sohojilemy mabeke. Tai tahe àlana tamy biwahiny-benyke. <sup>16</sup> Kristu rybe-di awo-ki mabehymy mabeke idi watxireri. Wii bierynad̄ȳnymy bitohonymahābenkyemy bede ersyna-di. Deuxu-ò àlana biwahinymahāke wiurybe-di, wiu-di Deuxu Tyytybytyhy wina-di. Mawinyke àlana-di aworeny-ribi. <sup>17</sup> Ibutumy tuu marybekremy, ibutumy tuu bot̄ȳnykremy Wanyr̄ni-ò, tuu bot̄ȳnykre Jesuisi Kristuni-ò. Inytyby dee àlana biwahinykre, Deuxu-ò wahe.

<sup>18</sup> Hāwyy! Kai ahābu bityhynyke, Deuxu erysyd̄ȳna-di. <sup>19</sup> Hābu! Kai ahāwyy luuke, idi tudòrenymy. <sup>20</sup> Uladu! Borybe, adirybe-wana bityhynyke. Kia tahe Inynyr̄deewire. <sup>21</sup> Uladuse, uladutyby! Kai ariòre ikyarad̄ȳòm, bede wona-di aōkō ratxikemy. <sup>22</sup> Deòdu mahādu! Kai kabede-ki awedurybe-di ibutumy bityhynyke aō idi reteheririkile aōkō,



awedudeewi sohojilemy aòkò, awo-ribi tyhy Inynyr̄deewimy tuu bot̄ȳnyke. <sup>23</sup> Aòbo bot̄ȳnymahàke ibutu Deuxudeewimy bot̄ȳnyke. Hābudeewimy aòkò. <sup>24</sup> Deuxu-ribi aòwyd̄ȳna kanakre. Kristu-ò dori taaòm̄s̄ȳd̄ȳnymahāte. Adeereny rahetoò riyrubunymy roimyh̄re. <sup>25</sup> Inyò tahe aòbina riwinymyh̄keki, ihewomy aòbinale ritake. Deuxu dori ibutu dee wiwese weselemy idi rot̄ȳnymahāre.

#### 4

<sup>1</sup> Wedu mahādu, kai eòdureny dee òbitimy idi ahābenyke. Kai tahe tule awedu dire biu-ki. Kia nohòti losaòm̄y.

<sup>2</sup> Bexitòenyhyymahābenyke. Betehehybenyke. Beàlāhyymahābenyke. <sup>3</sup> Inydeereny kia bedexitòenykre. Deuxu rybe wihik̄y-ò iny dee hāwā wixira-ò kidiraynykre, Kristu inatyhynamy arelyyrenykre. Iòraru-ki womati reroti nihik̄y-di watxiwāhāre. <sup>4</sup> Kia ritynynykremy idi watxiwāhāre. Waaòm̄s̄ȳd̄ȳna kiemy dori ih̄ȳre. <sup>5</sup> Biu ludu bedeeryd̄ȳna-di boibeke ityhyd̄ȳdukòdu mahād̄uy-ki. Aòwihik̄yrybe bexit̄ynynykeki, turybelemy idi beake. <sup>6</sup> Arybe aòwi weselemy biyrubunyke, iwese r̄ys̄na juwyrā-wana raurinymyh̄rewi wesemy. Tai arawyòna ijòdikre t̄ȳraxina-ò.

<sup>7</sup> Txitxiò ibutumy waaòm̄ȳd̄ȳnana adeereny relyykre. Tii waityhyd̄ȳdu seriòre walumy rare. Tii rybedu òbiti iny-wana ratxireri. <sup>8</sup> Adeereny reteònyreri waaòm̄ȳd̄ȳnanareny eryd̄ȳnamy awo deysad̄ȳmy. <sup>9</sup> Onesimo heka tii-wana ariteònykre. Tii tule òbiti ityhyd̄ȳdu seriòre ratxireri. Ahāwāreny yluđuò rare. Tiibohe kedelyydenykre ibutumy timybo wāhāremy.

<sup>10</sup> Aristarku wawana ròtenawo-ki wāhāre. Tarybe adeereny diwahinyde. Marku adeereny tarybe tule diwahinyde. Tii Banabe exi rare. Markumy, warybe teeryte, adeereny rybe rewahinyre wahe. Tii adeereny kedehemynekeki, bidiwìohenanyke. <sup>11</sup> Josue-Justu ibutumy eryna rare. Jesuisi inityhy rare. Kaiboho sohojile tahe judeu mahādu-ribi iny-wana raaòm̄s̄ȳd̄ȳreri Deuxu òlona òraru-ki. Tiibohe riwawìohenanyhyymyh̄reny. <sup>12</sup> Epafa tule aeryrenyò rare tarybe adeereny diòde. Tii adeereny rexitòenytyhyhyymyh̄re kaiboho Deuxudeewimy boibehykemy. <sup>13</sup> Jiarī reeryre tii adeereny tòm̄y ratximyh̄re, tule Laodisia mahādu dee tule Ieryopoli mahādu dee. <sup>14</sup> Luka, tarybe diwahinyde. Tii ityhyd̄ȳ òhotibedu rare. Dema tule tarybe diòde. <sup>15</sup> Warybe wehityhyna biòke Laodisia ityhyd̄ȳdu seriòre. Ninfa-ò tule wehityhyna biwahinyke dohod̄ȳna mahādu taheto-ki r̄yireriwana. <sup>16</sup> Watyiriti-di dohod̄ȳnaheto-ki rariakreu, idi tule Laodisia mahādu-ò biòkre tako-ò rariakemy. Tule watyiriti kowa-ò rewahinyre, wimye amahād̄uko-ò rariarenkykre. <sup>17</sup> Arikipu-ò warybemy marybeke. Tii aòm̄s̄ȳd̄ȳnaò ritare Deuxu-ribi. Kia-di tii ratxihykyemiyidi watxireri.

<sup>18</sup> Kia tyyriti wadebò ritid̄ȳna tyhy rare. Womati reroti-di rataataamy nadoimyh̄deribi òhòtiren̄y lusaren̄òm̄y. Deuxu wohyna adee kanakemy idi watxiwāhāre. Paulo.

## 1 Tesalonia Mahãdu-ò Juhuu Tyyriti Tesalonia Dohodÿÿna Mahãdu-ò

<sup>1</sup> Jiarÿboho, Paulo, Sila, Tximòtxi-wana heka Tesalonia hãwã ityhydÿÿdu mahãdu-ò tyyriti ariwinyreny Deuxu ijoimy kaiboho toiteki. Deuxu wohyna, Deuxu ruxetòena heka Waha-ribi, Jesuisi Kristu Iòlò-ribi akirenykemy he wadee awire.

<sup>2</sup> Aõu aõu Deuxu deàlanamy adeereny rexitòenymahãre. <sup>3</sup> Atyhyna tiu inynohòti-ribi rosaòtyhy. Aluunareki dori Deuxu dee taaòmysÿdÿÿmahãte, Jesuisi Kristu iny Iòlò dehemynyna teraòteri. <sup>4</sup> Kaiboho, Deuxu luuna mahãdu, Deuxu iyreny araijere. <sup>5</sup> Rybewihikÿ adee retÿnynynmahãre. Kia heka rybe sohojile aòkò rare. Tii ruruna rare Deuxu Tyytybytyhymy. Erynatyhy teeryte. Iwese iny ako-txi ratÿÿnyreny wese, kaiboho teerytenyta. Aluureki dori kawesemy ratÿÿnyreny. Tai tahe iwese inyboho ratÿÿnyre wese tule kaiboho tatÿÿnyteny. Tule Inynyrÿ-wesemy tatÿÿnyteny. <sup>6</sup> Aòhòkÿmydÿÿnana hãrele heka kaiboho rybe-ò taholateny. Tii aradeysarennyre, aòhòkÿmy dÿÿnana-ki hãrele. Eysanareny dori Deuxu Tyytybytyhyribile namyhÿde. <sup>7</sup> Kaiboho tahe ityhydÿÿdu mahãdu wihikÿ toite. Ibutumy ityhydÿÿdu mahãdu heka awesereny roirekemy ratxirennyri Macedonia bedeki, Akaia hãwãdÿÿna-ki tule. <sup>8</sup> Aeryna ibutumy hãwã hãwã rieryra Deuxu tetyhynnyteki, Macedonia bedeki tahe tule Grecia bedeki. Tahe kia-ò ixby bohobanyekè dori rare. <sup>9</sup> Iny arora-ribi dehemynnyde inyko rellymyhÿre. Kaiboho asurixoo deuxu-di tehuteny tahe inatyhy Deuxu tetyhynnyte, Deuxu iru wahe. <sup>10</sup> Iriòre biu-ribi kanakremy teraòmahãteny. Kia heka Deuxu rubu-ribi riixixanyrè rare. Jesuisi sohojile heka Deuxu debure-ribi riwatarennykre. Deuxu dori òraruna òraru-ki sòwemy rakyaranynihikÿmyhÿre. Tule kia umy inydee rellymyhÿreny.

## 2

<sup>1</sup> Kaiboho teeryteny arora-ò roirennyre, jiarÿboho Deuxu aòmysÿdÿÿna sòwemy rewinyrennyre. <sup>2</sup> Jiarÿboho aòhòkÿmy ratÿÿnyrennyre Filiposi hãwã-ki. Tai tahe adee rehemynnyre Tesalonia hãwã-ò wahe. Deuxu taruru diwahinyde. Tai heka jiarÿboho adeereny roirennyre Deuxu ijywyihikÿmy arelyyrennykemy. Sòwemy inydeereny òbinadu rÿire. <sup>3</sup> Iny rybe-di tÿnydÿÿnarenny inatyhymy rare. Inyboho òbitimy ròhòtinnyrennyre. Jiarÿboho anaitxenarennyòtyhy. <sup>4</sup> Iwese Deuxu inydeereny riwateònyre wese kialemy heka rarybeke. Aòbo inysòwehekÿ deewimy aòkò raryberenyre, tahe Deuxudeewimy. Tiile rieryre aòbo inywo-ki ratximyhÿ. <sup>5-6</sup> Tii rieryre iwese inyboho adeereny rarybe-mahãrennyre wese. Nieru tarasakemy aòkò inyboho watxirennyre rui-di raryberenyrenny rybewihikÿ adee rewahinyòhymy. Awowydyna, arybe wihihikÿ heka inydee aòkòhymy idi watxirennyre. Ijò iny-ribi tule aòkò kia rybe idi watxirennyre. <sup>7</sup> Jiarÿwiti ararybe-òmahãrennyre idi anierurenny aritakemy. Kia ariwinyrennykeki tahe, tule awire. Inyboho dori Jesuisi Kristu deòdÿÿna inyboho ratxirennyri. Tahe iu jiarÿ ayrenny-ki raremahãu, aluurennyre. Iwese hãwyyò tariòre riyrubunnyre wese adireny watximahãre. <sup>8</sup> Deuxu Rybewihikÿ sohojile aòkò adeereny ariwahinykemy aòkò, tule wabededÿÿnana tule adeereny ariwahinykemy watxireri, aruruke adeereny, jiarÿboho sòwetyhymy aluurennyreki wahe. <sup>9</sup> Sòwetyhymy jiarÿboho raaòmysÿdÿÿnynmahãre ayrenny-ki raremahãu, tai tahe òwyò aòkò teòwynmahãteny. Rummy raaòmysÿdÿÿmahãrennyre, txumy tule. Tai ixiaòmysÿdÿÿnadile inyboho rÿimahãrennyre. <sup>10</sup> Jiarÿboho ayrenny-ki òbitimy roiremahã. Aòhe inatyhy, waityhydÿÿdu seriòreboho. Kia teeryteny. Deuxu tule riwaeryre. <sup>11</sup> Iwese tybyò tariòre riywinyre wese, jiarÿ araywinyra, wariòre wesemy. <sup>12</sup> Arãwiòhenanykemy adi watxireri arateysadÿÿkemy. Warybe dohodÿÿna-ò bohobanyke. Tai tahe kaiboho Deuxudeewina-ki atxibanyke. Tule tii-wana masÿnybenyke taòlòna-ki, toosòna-ki.

<sup>13</sup> Tai tahe àlana sòwemy Deuxu-ò rewahinyrennyre. Ayrenny-ki raremahãu, Deuxu rybe tÿnydÿÿmy, kaiboho tetyhynnyhymahãteny. Deuxurybele taholateny. Tii heka inatyhy kia rare, Deuxu ijywytyhy wahe. Waityhydÿÿdu seriòre, Deuxu ayrenny-ki ratximyhÿre. <sup>14</sup> Waseriòreboho, iwese Judea ityhydÿÿdu mahãdu heka aòhòkÿmy rotÿÿnyre wese, kaiboho iwesele aòhòkÿmy tatÿÿnyteny. Kaiboho aòwitxira witxira aòbina bina teòludunymahãte aòhòkÿmy dÿÿnana-ki. Abede ludu mahãdu tuu riwinyre. Iwese Judea mahãdu heka judeu mahãdu debò-ki aòhòkÿmy rotÿÿnyre wese, kaiboho tule aòhòkÿmy tatÿÿnyteny. <sup>15</sup> Judeu mahãdu heka juhuu Deuxu rybedu mahãdu rirubunnyrennyre. Jesuisi tule rirubunnyre. Inyboho tule ribinadÿÿnykemy ratxireri. Deuxumy dòdu tiiboho roire. Ibutumy iny òludu ratxireri. <sup>16</sup> Tiiboho iny ribinadÿÿnykemy ratximyhÿre, iny dori rybe tÿnydÿÿdumy inyboho ratxireri judeukòdu mahãdu-ò. Kia-di heka ijò òraruna tiiboho ribunnyre. Deuxu tahe wiji tiiboho ribinadÿÿnykre. Ityrenny-ò Deuxu kyarana bededÿÿnana kedeseke.

<sup>17-18</sup> Waityhydÿÿdu seriòre, aribi irehemy watzireriu, awehityhyna sòwemy wadi ratzireri. Sòwemy adi aretehekemy watzireri ixityrele. Tiubo aroramy arake, Satanasi riwabinadÿÿnyra. Tahe aòkòre. Araòke. <sup>19-20</sup> Kaiboho dori iny raròsonatyhy, inydeysana, iny biu-ò hena Inynyrÿ Jesuisi òraru-ki atxitenyete. Tii dori kanake. Kaiboho ixityhydÿÿnaò heka toimahàte.

### 3

<sup>1</sup> Ikonanau tahe reòludunyenyoÿtyhy. Tai tahe ixisohojile Atena hāwā-ki rÿikremy watzireri. <sup>2</sup> Tai Tximòtxi adee reteònyre, inyseriòre wahe. Tii heka wawanareny Deuxu aòmÿsÿdÿÿna-ki riwiòhenanyre Kristu Rybewihikÿ tÿnydÿÿmy. Adeereny dori reteònyre aityhydÿÿna wiòhedÿÿmy. <sup>3</sup> Tai tahe bede jei jei òraru-ki, kaiboho ahewo-ò booseòtyhy. Kia ibutumy Deuxudeewina inydeereny rare. <sup>4</sup> Iu ayreny-ki rarewāhāu, kiamy rarybewāhāre aòma adeereny aòhòkÿmy dÿÿnana kanake. Kiale tahe inatyhymy nade. <sup>5</sup> Tai tahe Tximòtxi reteònyre, omy arierykemy timybo aityhydÿÿna-ki tatÿÿnytenyete. Satanasi òsana waaòmÿsÿdÿÿna ayreny-ki ribinadÿÿnyre. Aòkòre, tii Deuxu aòmÿdÿÿnana ribinadÿÿnyòtyhy. <sup>6</sup> Tximòtxi heka Tesalonía hāwā-ribi ròòsera. Ijyy Wiwihikÿ tahe raholara. Aityhydÿÿna aluuna wana raumynyre. Tule tii rellyre iwese kaiboho awehityhyna dire inylure wese. Wadeysamy watzireri, waseriòreboho, aòraru-ki. <sup>7</sup> Waaòhòkÿmy dÿÿnana hārele heka wadeysamy watzireri, aityhydÿÿna awireki wahe. <sup>8</sup> Kaiboho awimy matxibenykeki, awimy jiarÿ watzimahāre, warumy watzimahāre. <sup>9</sup> Aòraru-ki tahe Deuxu-ò àlàna rewahinyre. Deuxu-ki tahe wadeysamy watzireri. <sup>10</sup> Rummy txu-wana adeereny arexitòenykre arora-ò arake, aityhydÿÿna wiòhedÿÿmy wahe.

<sup>11</sup> Deuxu Inytyby, Jesuisi Kristu Inynyrÿ-wana riwawiòhenanykemy idi watzireri arora-ò arake. <sup>12</sup> Wiluumy ibutumy ityhydÿÿdu mahādu luumy idi watzireri. Iwese aluure wese wiluuke. <sup>13</sup> Tii inydeereny ruruna riwahinykemy idi watzireri. Òbitimy tahe rakatzixirenykre Deukuko-ò, Inytybyko-ò. Inynyrÿ Jesuisi kedehemynykre, tamahādu-wana, tai iny imahādule rakatzixirenykre.

### 4

<sup>1</sup> Waityhydÿÿdu seriòre, timybo òbitimy ahābenykemy rebedeerynyre Deuxudeewina wahe. Iratyre tahe arexitòenykre Inynyrÿ Jesuisi òraru-ki, òbitityhymy boibenybekemy. Kia tahe teerytenyete. <sup>2</sup> Jesuisi bede erydÿÿna heka adeereny rewahinyrenyre. Kia teerytenyete. <sup>3-4</sup> Kia tahe rare. Òbitityhymy ahābenyke, òta òtarenyòmy. Iny sohoji sohoji òbitimy ahāwyy-wana matxibenyke. <sup>5</sup> Iwese ityhydÿÿdukòdu mahādu riwinyre wese aòkò idi ahāke. Tii dori Deuxu rierykòrenyre. <sup>6</sup> Tuleke kia aòmÿdÿÿnana-ki iny sohoji sohoji aityhydÿÿdu seriòre ibinadÿÿòmykemy. Iwese rarybere wese ixityre ararybekre. Inyò kia aòmÿdÿÿnana riwinykeki, debure bededÿÿnana tii ralòke. <sup>7</sup> Òta òta aòmÿdÿÿnana aòkò Deuxudeewire, òbitina aòmÿdÿÿna tamywire. <sup>8</sup> Inyò kia bede erydÿÿna rityhynyòkeki, Deuxule heka tii rityhynyòre, hābu bede erydÿÿna aòkò. Deuxule Tatyytybytyhy inydee riwahinyre.

<sup>9</sup> Kaiboho aityhydÿÿdu seriòre mahādu luurenyre. Tai ixiby kia adeereny ariritinyòtyhy. Deuxu dori araerynanynyre timybo wiluumy boibekemy. <sup>10</sup> Kia luuna-di tahe ibutumy Macedonia hāwā hāwā mahādu luumy. Ihārele tahe waseriòreboho iratyre wiluumy. <sup>11-12</sup> Ywina-di wi-ò wi-ò boibeke. Aaòmÿsÿdÿÿna-di iximynamy boibeke. Tai ibutumy ityhydÿÿdukòdu mahādu umyreny robikreu anatyhynrenykre. Tai tahe ijò iny aòmÿdÿÿnana ixi-di nokòmy. Ixisohojilemyta ixi-di maaòmÿsÿdÿÿnyke.

<sup>13</sup> Waseriòreboho araerynanykere rubu mahādu aòmÿdÿÿnanamy. Tai ijò inywese mahinybenyòke, bobubenyòke. Tii dori raròsona-di aòkò ratxirenyre <sup>14</sup> Kristu heka rubumy roire ribile rexixare. Kia tahe retyhynyrenyre. Kiawesele tii-wana heka Deuxu taityhydÿÿdu mahādu kididyke, rityhynomy rurure mahādu tule. <sup>15</sup> Inynyrÿ riwabeerynyrenyre kiamy: inyboho irumy ratxikeki kiatzuu juhuumy timy inorenykòna. Rubu mahādu tuukre. <sup>16</sup> Tahe ÿju wedu juhuu rarybekre. Deuxu juròna-di ritxurònykre. Idi Inynyrÿ kodobehekere biu-ribi. Juhuu ibutumy ityhydÿÿdu rubumy rÿira riumpynykre, riumpywitziratÿmyranykre, riixixanyrenykre. <sup>17</sup> Tahe ibutumy inyboho irumy rÿira mahādu heka Inynyrÿ-wana ributumyrenykre biu-ki. Tai tiwanahyy roirenyre <sup>18</sup> Kia rybe-di wii beysabenyke.

### 5

<sup>1</sup> Ityhydÿÿdu seriòre, tiubo kia ibutumy aòhebo rotÿÿnykre. Kiamy adeereny ariritinyòtyhy. <sup>2</sup> Rummy wasidu wesemy kia txu kanakre. Kia teerytenyete. Ibededÿÿnana iny rieryòtyhy. <sup>3</sup> Inyò rarybekeki: —Ibutumy awire. Ibutumy ywina-di ratzireri. Kiatzuu kedexihukre. Inyò rahenyòtyhy. Iwese hāwyy txuberere wese, uladu ijera iòhòreu kia rare. <sup>4</sup> Kaiboho, waseriòreboho, tetyhynytenyete tai kiatzu adeereny bede òtiidÿÿ aòkò rarekre. Kaiboho dori kia teerytenyete, wasidu wesemy kanakemy wahe. <sup>5</sup> Inyboho

ibutumy txuu mahãdu atxitenyete, loosòna mahãdu wahe. Bedeluruhukÿ mahãdu aõkõ inyboho ratxireri. <sup>6</sup>Tai tahe røkõrõnyõtyhy. Bexixabenyke. Ijõ iny wese aõkõ atxibenyke. Betehebenyke. <sup>7</sup>Rumy ibutumy iny rõrõmyhÿre. Tule kiau ibutumy riõmyhÿre, axaxaluudu mahãdu wahe. <sup>8</sup>Inyboho tahe iximy rekexiõbitidÿnyke ywina-di. Ityhyna, luuna-wana heka iny òrarunareny itxena wesenamy rikitidikre. Tarasana tahe inyratyiwina wesena rare, tarasana rarõsõna wahe. <sup>9</sup>Debure bededÿnyana-ò aõkõ inyboho ralõõtyhy. Deuxu aõhõkÿmy dÿÿnana kia Deuxudeewina aõkõ rare inydeereny. Biu-ò hena-ò tahe inyboho ralõrenykre Jesuisi Kristu Inynyrÿ òraru-ki. <sup>10</sup>Tii dori inydeereny rurure. Tai tahe tii-wana rarehyomy rÿikre irumy ada rubumy iny ratxirehãre.

<sup>11-13</sup>Kiarybe-di widee beysadÿnymahãbenyke. Deuxu rybe tÿnydÿÿdu mahãdu bi-wiðhenanybenyke, bityhynybenyke. Kia tahe wadee awire. Tii dori awiðhedÿÿdu ratxireri Inynyrÿ òraru-ki. Ibutumy widee õbitimy atxibenyke, tii Deuxu deõdu rareki. <sup>14</sup>Tule adeereny ijõ dohodÿÿnaõ aratohodÿÿnykre. Iehehe mahãdu biõbitinybenyke. Ityhyna kyhynakõ mahãdu bikyhynanybenyke. Ibutumy widi atximyhÿbenyke. <sup>15</sup>Inyõ aõbinamy adee rakeki, ixiðwydÿÿõmy. Ywina-di tamy bisÿnyke. <sup>16</sup>Beysahyybenyke. <sup>17</sup>Ixitõedÿÿhyomy boibehyybenyke. <sup>18</sup>Ibutumy bealãmahãbenyke. Kaiboho dori Kristu ijoi atxitenyete. Kia adeereny Deuxudeewinare. <sup>19</sup>Deuxu Tytybytyhy-ò bohohake, awo-ki arayky-ki tii ratxire. <sup>20</sup>Deuxu dee rybedu mahãdu awire irybe awire. Ibinamy aõkõ tai marybebenyõtyhy. <sup>21</sup>Ibutumy biurihibenyke. Aõbo awirele tahe idi bimyeke. <sup>22</sup>Ibutumy òraruna-ribi irehemy atximahãbenyke.

<sup>23</sup>Deuxu heka ywina rare. Tii araõbitidÿÿnytyhyke. Adeereny rexitõenyre. Araykywy-dyna, õhõtiwydyna, aumy-wana ibutumy raywidÿÿmy ratxike idi watzireri. Jesuisi dori elelemy kodobehekre. <sup>24</sup>Tii kia ibutumy juhuu rarybere wese, tii adeereny riwinyhyyke.

<sup>25</sup>Waityhydÿÿdu seriõre, inydeereny bexitõenybenyke.

<sup>26</sup>Deuxu deysana õlusõ-di wii birybebenyke. <sup>27</sup>Wadee bohohake Inynyrÿ òraru-ki. Kia watyryiti heka ibutumy ityhydÿÿdu seriõre roholakemy watzireri. Idi mariake.

<sup>28</sup>Jesuisi Kristu Inynyrÿ ruxetõena heka adeereny ratximyhÿkemy idi watzireri. Kie.

## 2 Tesalonia Mahãdu-ò 2 Paulo Ryberiti Tesalonia Hãwã-ò

<sup>1</sup> Paulo, Sila, Tximòtxiboho-wana tyriti rewahinyrenyre Tesalonia dohodýña mahãdu-ò. Deuxu Inytyby, Jesuisi Kristu Inynyrý ijoi toiteò. <sup>2</sup> Wiòhedýña, ywina-wana adeereny kanakemy watzireri Deuxu Inytybyreny-ribi, Jesuisi Kristu Inynyrýreny-ribi.

<sup>3</sup> Inyseriòereny, Deuxu-ò adee realãmahãreny. Kia tahe awi rare. Kaiboho aõu aõu textyhydýñnytyhymy atximahãtenyteki, ityhydýñdu seriòre wiluuna-di iluutyhymy teletenyteri. <sup>4</sup> Tai heka ijõ Deuxu dohodýña heto-ki aõwiihikýmy umy rarybemahãre. Kaiboho dori aõwitzira witzira aõbina bina teòludunymyhýtenyte, aõhòkýmy dýñnana-ki ixiwesehymy toitemahã ire tetyhynytyhmahãtenyte. <sup>5</sup> Kiawesele Deuxu aõna aõna òbitimy riwinymyhýre. Kaiboho Deuxu tewinyntyteri Iòlòna-ò malòbenykremy, aõhòkýmy tatýñnytenyteriki wahe. <sup>6</sup> Deuxu, tiiboho aõbina bina-di riòwynyrenykre, aõhòkýmy dýñnana dori adeereny riwahinyreki. Kia tii òbitimy ròhòtynyre. <sup>7</sup> Biu-ribi Inynyrý Jesuisi tarunareny ýju-di kodobehekreu, aõhòkýmy dýñnana-ribi elehyana adeereny, tule inydeereny Deuxu kidiwahinykre. <sup>8</sup> Heòtyloona-di tii kanakre riòwynykremy Deuxu rieryòmy rýira mahãdu dee, tule Inynyrý Jesuisi Rybewihiký riywinyòmy rýira mahãdu dee. <sup>9</sup> Kia mahãdu aõu aõu aõhòkýmy rotýñnykre Inynyrý òsýñy-ribi iteòdýñna-ki taruruloosòna-ribi. <sup>10</sup> Tii kanakre tahe ibutummy ijoi mahãdu tamy làhàna riwahinykremy. Ribedeòtiidýñnyrenykre ibutummy tajoi dee aõmydýñnana riwinyreki. Tetyhynymahãtenyte, Deuxu rybe dori jiarýboho adeereny rewahinyamahãreki. <sup>11</sup> Kaiboho iwese Deuxudeewummy rarekemy boibeke. Tai tahe adeereny rexitòehymahãreny. Deuxu ruruna-di atyhydýña-di sòwemy aõwiihiký riwinykemy idi watzimahãre. <sup>12</sup> Tai tahe ibutummy Inynyrý Jesuisi Kristu nimy sòwemy bealãmhykemy. Tii loosòna adeereny riwahinykemy watzireri. Kia Deuxu dee, Inynyrý Jesuisi dee awi rare. Wiòhedýña iribi bitabenyke.

### 2

<sup>1</sup> Waseriòreboho, Inynyrý Kristu òkesenamy iximy iny ritakemy adeereny warybe riwahinykre. Inyò rarybekeki Inynyrý òkesena txummy rehemynymy rýire, kia rybe-di iòtiidýñnyòmy. <sup>2</sup> Inyò rarasinykeki, Deuxu-ribi ijyy ritakeki, urile ityhydýñnyrenyòmy. Inyò waribi tyriti itarasummy rarybekeki, ityhydýñnyrenyòmy. <sup>3</sup> Inyò aitenanadýñnyòmy boibeke. Ityhydýñdu atysyna nihiký juhuhu kanakre, idi tahe kia txu kanakre. Juhuu hàbu ibinatyhy kedexideòsinykre. Heòtybedeluduò tii rare. <sup>4</sup> Tii ibutu Deuxummy òludunadu rarekre Deuxummy iny rininire mahãdu wahe. Ibutummy àlàna aõmydýñnana riatykre. Deuxu dohodýña hetowo-ò ralore tahe Deuxu weselemy ronykre. Iximy rarybekre tii Deuxu raremy. <sup>5</sup> Tuu heka adeereny rarybere, akireny rarahãhã, òhòtirenny aõbo itxi rearenyòra? <sup>6</sup> Ibededýñnana raòbitikre xiery, kanakre. Deuxu ruru dori rimymyhýre. Kia tule teerytenyte. <sup>7</sup> Iaòbinahaký aõmydýñnana inyy-ki ratzireri. Tii tyhy wiji kanaòkre. Imynydu iribi rexitare xiery, tahe tii kanakre. <sup>8</sup> Taile tahe hàbu ibinatyhy kedexideòsinykre. Inynyrý Jesuisi kanakre, tii tuu kidirubunykre taryeiledi. <sup>9</sup> Juhuu tahe kia hàbu Satanasi deòdu tahe iruru-di kedehemynykre. Aõna aõna wiwihiký widýñny ròitxenadýñnyteri. <sup>10</sup> Inyò sòwemy riitxenanykremy bedeòbydýñny wesemy. Ityhydýñnydukòdu mahãdu tii riitxenanytyhykre. Tiiboho dori inatyhyna rybe rityhynyòmyhýre, tuuòmyhýre, tai rexirutaòreny. <sup>11-12</sup> Deuxu dori riawere tuu rityhynyrenykremy ibinare hàrele. Kia ruina rityhynyrenykre, tai Deuxu rihitxidýñnykre inatyhyna rityhynyòreki, taòrarudýñna luureki.

<sup>13</sup> Deuxu tahe juhuutyhylemy aratarennyre, waseriòreboho. Biu-ò hena adeereny riwahinyreny inatyhyna tetyhynytenyteki. Deuxu Tytybytyhy aralyradýñnyreny. Tai, Inynyrý luuna mahãdu, Deuxu mahãdurenny belebenykemy atximahãtenyte. <sup>14</sup> Deuxu adeereny Rybewihiký diteònyde. Inyboho tahe ijyydumy roire. Iny òrarurenny-ki tahe Inynyrý Jesuisi Kristu loosòna bitabenykremy idi toite. <sup>15</sup> Kia ibutummy, waseriòreboho, itxi òhòtirenny reake. Aõmybo araerenyanymahãre kowa-ki rarahãhã, tule watyriti-di rebedeerydýñnyamahãrennyre, idi mòhòtynytyhybenyke, òbitimy idi boibeke.

<sup>16-17</sup> Inynyrý Jesuisi Kristu Deuxu Inytyby, luuna luuna, wiòhedýña, raròsòna sòwemy inydeereny diwahinyde. Inyboho aõhyymy aòkò roire. Iribirenny raybidina adeereny kanakemy watzireri. Tule umy kanawiòhenanykemy watzireri ibutummy aõhe botynyke, marybemahãbenyke.

### 3

<sup>1</sup> Watyriti-di konanamy tahe adeereny ararybekre. Waseriòreboho, inydeereny bexitòenyke. Inynyrý rybemy araryberenykemy, inywitzira-ko arelyyrenykeny, tule Inynyrý

rybe-di iwese rybe ayreny-ki aõwiihikĩmy raremyhĩ wese. <sup>2</sup> Tule bexitõenyke kia iny iehhe-ribi arexitarenykemy. Ibutu iny dori inatyhyna rityhynyõteri. <sup>3-4</sup> Tahe Inynyrĩ òbiti rare tii arawiõhenanykre. Tii ararurudĩĩnykre kia reeryre. Satanasi-ribi arayrubun-nyrenykre. Tahe, aõmybo reerynadĩĩnyre wese kaiboho aõhebo tatĩĩnytenyerimya heka adireny watximahãre tule kia wesehyule rakatxirenyke. <sup>5</sup> Inynyrĩ-ribi Deuxu luuna, Kristu itxõmotxina bede erylakĩ adeeremy kanakemy watximahãre.

<sup>6</sup> Kia Jesuisi Kristu Inynyrĩ bede ywina wese rare adeeremy ararybekremy. Waseriõreboho bexiweresynyke iny deoruxere-ribi, ibutumya iny waerysydĩĩna roholaõre mahãdu-ribi, tii ityhydĩĩdu mahãdu hãrele. <sup>7</sup> Ayreny-ki roiremahãu, raaõmysĩdĩĩhyymya roiremyhĩ. Tai kaiboho teerytenyete iwese mabekemy. <sup>8</sup> Tiu iny witxira rĩsĩna rerĩsĩrenyõhyre, iõwyõmy. Txuu ruwana raaõmysĩdĩĩre waaõna aõna õwydĩĩmy. Tai tahe adeeremy isiramy aõkõ ayreny-ki jiarĩ raremyhĩ. <sup>9</sup> Inyõ-ribi rĩsĩnaõ arirĩsĩmahãkeki, kia tahe ibinamy aõkõ rare, jiarĩ Deuxu rybemy rybedu-ki wahe. Tahe aõkõre urile rexideõsinykemy rerĩsĩõmahãrenyke. Iwese aõmysĩdĩĩna awirewesele umy reerynanyrenyke. <sup>10</sup> Tai rarewãhãu kia bede ywina rewahinyre: — Iny raaõmysĩdĩĩmyhĩre riroxiõtyhy. <sup>11</sup> Jiarĩ raholawãhãre iny deoruxeretyhy-õ ayreny-ki ratximyhĩrenyke, tiiboho aõmysĩdĩĩ derarenyke, urile raujõmomyhĩrenyke. <sup>12</sup> Jesuisi Kristu Inynyrĩni-di tamyreny ararybekre rayruburenykemy, raaõmysĩdĩĩrenykemy ixideeremy. <sup>13</sup> Tahe adeeremy, waseriõreboho, ararybekre. Aõwiihikĩ widĩĩ-õ ixirarenyõmy. <sup>14</sup> Inyõ ka waryberiti riywinyõkeki, mobo tii rare bierybenyke tahe kie-ribi irehemy biijeke, tai tii raixĩrukemy. <sup>15</sup> Urile tii aõludumya aõkõ ratxireri. Aseriõre wesemy tamy marybeke. Biijemy idi ahãke.

<sup>16</sup> Inynyrĩ ywina wedu rare. Tii adeeremy ywina ibutumya aõmydĩĩnana-ki kidi-wahinykemy idi watxireri. Inynyrĩ awanareny ratxikemy idi watxireri.

<sup>17</sup> Kia konana warybewehityna jiarĩle ariritinykre wadebõ-di. Ibutumya waryberiti-ki rĩre wese kawesele wani retidire. Paulo. <sup>18</sup> Jesuisi Kristu Inynyrĩ wiõhena ibutumya adeeremy ratximyhĩkemy idi watxireri.

## 1 Tximòtxi-ò Paulo Juhuu Tyyriti Tximòtxi-ò

<sup>1</sup> Jiarý Paulo watsiwähäre. Jesuisi Kristu deòdýýna watsiwähäre. Deuxu iny tarasad-umy riwateònyre, tule Jesuisi Kristu Inynyrý riwateònyre. Tii tahe inyararòsònareny rare.

<sup>2</sup> Katyyriti adee rewahinyreri Tximòtxi. Kai inatyhymy wariòre wesemy atximyhýte ityhydýýdu mahäduy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watzireri.

<sup>3</sup> Jiarý Macedonia-ribi rareu, adee warybe rewahinyre kai Efesu häwä-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyyriti witziramy ròerydýýnanyre riki. <sup>4</sup> Ihetxiu ijyymy heka rusake kiawesemy heka kai tamyreny marybekre. Talahi talabie òraruòraru-di he ròhòtinyòhyymyhýkre. Kia aóna aóna tahe rybenatyhytyhyre. Kia aóna aóna iny lahi òraru rybena-di ixinohòtidýýòmy. Kia ityhydýýnadile kanakre. <sup>5</sup> Kia wiluuna tahe inywolyrahakýwo-ribi ròhònymyhýre, iny raykylrahaký wo-ribi, iny ityhydýýnatyhy-ribi. <sup>6</sup> Kia aóna aóna wihiký-ribi iny rexixäwididýýnyre. Tai tahe aómybo rarybemyhýre heka rieryòhyymyhýre. Aótyhymy aókò widee rarybemyhýrenyre. <sup>7</sup> Bede ywina tyyriti erysydýýdu wesekemy rexinohòtinymyhýre, tahe rieryòhyymyhýre aómybo raremý. Aómy rierynanyrhýrenyre tahe tímbo ihýremý rieryòlemyhýrenyre. <sup>8</sup> Katahe inyboho rieryrenyre. Inyò bede ywina tyyriti òbitimý rityhynykeki, Bede ywina tyyriti heka awi rare. <sup>9</sup> Inywihiký-ò heka tiu bede ywina tyyriti riwahinyòhyymyhýre. Inybina binaòle iwahidýýna rare, iny òrarudu-ò, iny ityhydýýdukòdu mahädu-ò, iny aleerydu-ò, iny tadi tyby-wana rirubunymyhýre mahädu-ò. <sup>10-11</sup> Kia iny-ò bede ywina tyyriti rýimyhýre. Ibutumy bina bina widýýdu-ò. Bede ywina tyyriti rýimyhýre ka mahädu-ò: inydýýwe mahädu dee, taòtaòta witziramy òtadu mahädu-ò, inywasidýýdu-ò, ruidu mahädu-ò. Deuxu ijy týmra wihiký dee wiòkeki, tii aóna aóna riwinykeki, tamy. Deuxu bede ywina tyyriti roimyhýre. Deuxu bedeerydýýna òbiti aókòreki, Deuxu wiwihiký loosònadewimý aókòreki kia erysydýýnadu jiarý rare.

<sup>12</sup> Jesuisi Kristu, iny wedu waruuxiòlòdýýdu rare. Jiarý tamy wawimý raremyhý. Tai tarybe-di wiòhedýýdumy riwatare. Kia-ò Jesuisi Kristu heka jiarý rewowydynyre.

<sup>13</sup> Juhuu jiarý tuu rarybere. Ityhydýýdu mahädu-ò wadeburemy rarewýhý. Tule Jesuisi-ò wedeburemy rarewýhý. Tahe wadee raruxetòenyrenyre. Tahe ibutumy kia reerykòlemý rewimý raremyhý, retyhynyòlemý rewimý raremyhýki. <sup>14</sup> Inywedú sòwemy wadee raruxetòere. Tii riwasýny ixiluuwehikýkemy, rikityhynymyhýrenkemy. <sup>15</sup> Jesuisi Kristu kabede-ò dobehede òrarudu ritakemy. Ka rybe heka inatyhy rybe heka rare. Jiarý heka òrarudutyhy nihiký rare. <sup>16</sup> Iurenanamy tahe tii riwaruxetòenyre. Tiu heka wakí rexiraòre. Tii riwateòsinyre juhuu ityhydýýdu wesemy. Ityhydýýdu mahädu-ò itxerenamy, iwese tii mahädu kidityhnykremý. Tai umy tuedekòdu mahädu-ò ralòkemy. <sup>17</sup> Bealámahäbenyke Deuxu-ò. Tii heka bededýýnana tuedeòdu huký Iòlò rare. Tii lobixina aókò rare. Tii sohojile rare. Bealámahäbenyke aóu aóu, wowydyna tamy biwahinyke. Kie.

<sup>18</sup> Ka inatyhymy rybemy adee ararybekre Tximòtxi —kai dori wariòre wesemy tate. Kia rybe heka ihetxinarybe wesele rare. Deuxu aratare, kai biyrubunywihikýke. Besuke arurutyhymy aóbo òbitimý ratximyhýre wihiký-ò. <sup>19</sup> Aòhewe òhòtiwydynawimý mabekre. Bityhynymý mabekre. Inyò heka idi ròhòtinyrenyòra, tai reserenyra ityhydýý-ribi. <sup>20</sup> Ijò Imineu inire, Alexýdre ijòre. Jiarý rewahinyre Satanasi-ò, Satanasi bedeburana tamyreny riwahinykre. Tiibohe rybebinamy tii Deuxu-ò rarybeòtyhy.

## 2

<sup>1</sup> Delemý kamy ararybeke: Àlàna sòwemy idi rawahinyke, ibutumý iny-ki bexitòtenykre. <sup>2</sup> Iòlò dee, ibutumý dinodu dee tule bexitòtenykre. Tamyreny biixitòedýýnanymý Deuxu-ò, tule Deuxumý beòbykemy, tai ibutumý iny iworana bedehesimý rýikre. Deuxumý iny ròkòhòtinymyhýre idi òbitimý tamy rokoirekemy. <sup>3</sup> Kia wese awire Deuxu dee. <sup>4</sup> Deuxudeewimý ibutumý iny ritakemy raerykemy tibo inatyhy raremy. <sup>5</sup> Deuxu sohojile rare iny-ki rybedu tule sohojile rare, Deuxu-ò iny mahädu tii sohojile kia riwinyre. Tii häbutyhyhyký rare. Tai tahe tii tiò rare, Deuxu, iny mahädu-wana widee ributunykemy, Jesuisi Kristu wahe. <sup>6</sup> Jesuisi rexiwahinyre ibutumý iny òraruna òwydýýmy. Tii heka riòwynyre sohojihyylemy. Kia heka tiiehymý deòsidýýmy rarekemy. Tiu iny mahädu rahenykemy Deuxu rexinohòtinymý. <sup>7</sup> Jiarý heka imynynamy riwamýre kia rybe-di arelyykremý. Tule jiarý rybe-di dohodýýdukremý riwamýre iny witzira bedeerydýýmy judeukòdu mahädu wahe. Kia raerykemy tibo inatyhy raremy. Kia dori inatyhy rare.

<sup>8</sup> Ibutumy dohodŷŷna hetowo-ki ibutumy rexitömy rexitihynymy. Ujömomy rõhötinymy aökö. <sup>9</sup> Hāwyy uritere ixidi nohötityhyömy ixiāomydŷŷnadŷŷmy urile ywilemy ixidi rõhötinykemy. Hāwyy ityhydŷŷdu ixiywidŷŷna tahe tyywihikŷ aökö, iradesihodŷŷtyhy aökö, deurutylududike aökö. <sup>10</sup> Urile tahe iyrubukemy Deuxu-di rõhötinyke tamy aöwihikŷ riwinykre. <sup>11</sup> Hāwyy ityhydŷŷdu mahādu rõeryrenykre yrubu-ki. <sup>12</sup> Jiarŷle heka hāwyy ariwahinyötyhy hābumy hŷŷnakemy, hābu erydŷŷdukemy tule tuu areönyke aököre, hāwyy heka urile iyrubumy rŷike. <sup>13</sup> Adaö heka Deuxu juhule riwinyre idi Eva riwinyre. <sup>14</sup> Tule tahe Satanasi Eva juhuu riitxenanyre, Adaö aökö tai raörarunyre. <sup>15</sup> Hāwyy uladu reakeule rexitake. Idi rõtyhydŷŷmy. Inyluumy idi rexitihynykreki.

### 3

<sup>1</sup> Kia rybe inatyhy rybe rare: —Inyö dohodŷŷdu dinodumy rarekeki. Kia heka rexibumy hŷŷre aöwihikŷmy ratximyhŷre. <sup>2</sup> Tahe rybe-di dohodŷŷ aömysŷdŷŷdumy ralökeki, tii heka öbitimy rareke, tahāwyy sohojidile, rexitihynymy rarekemy, iny inatyhy, iny aöraru rarekemy, ernadŷŷdutyhymy rarekemy. <sup>3</sup> Tii heka iaxaxa luuöre aöbina luumy aökö rare tule iyrubure. Tahe tule iaömy nohötidu aököre. <sup>4</sup> Tii heka taijoimy reönymyhŷre, tariöre rierynanywihikŷmy hŷŷre ixirybe rityhynkemy. <sup>5</sup> Inyö tahe taijoi reönyökeki, Deuxu aömysdŷŷna-di öbitimy raaömysdŷŷötyhy. <sup>6</sup> Tii ityhydŷŷdu tŷmyra aökömy rarekemy. Raxiwe-denymy rarekeki tahe urile Satanasi aloöena-txi tii reseke. <sup>7</sup> Ihārele tahe ityhydŷŷdu mahādu aökö rare ihŷre, awimy tuu rarybemyhŷre. Tuu heka raujömorenyötyhy tule tii Satanasi ireitidisi-txi reseötyhy. <sup>8</sup> Tule dohodŷŷdu wiöhedŷŷdu mahādu, kiawesele rarekemy. Tii tule öbitimy rarekemy irybe ökese ökese aökö, iaxaxaluu aökö rare, tule aöna aöna söwemy nohötidu aökö rare. <sup>9</sup> Iny inatyhydŷŷnareny öbitimy tuu rotohodŷŷnanymyhŷre, tarayky öbiti-di. <sup>10</sup> Tule kia wesele raurihikre. Iribi öbitimy rõhönykeki, tai dohodŷŷdu wiöhedŷŷdu mahādu-ö ralokre. <sup>11</sup> Ihāwyy tule öbitimy rarekre. Ujömodumy aökö rarekre, iyrubukemy, urileta rexitihynymy rarekemy. <sup>12</sup> Tule dohodŷŷdu wiöhedŷŷdu mahāduö ihāwyy sohojidilemy rarekre. Tariöre, taijoi-wana reönymyhŷre. <sup>13</sup> Kia mahāduö Deuxu aömysdŷŷna öbitimy riwinywihŷreki, inatyhymy tii iny rityhynykre. Tai Deuxu aömydŷŷna tii riöbitinykre ibutumy inydee.

<sup>14-15</sup> Aroramy jiarŷ wylemy arakemy watxireri. Aökökeki urile warybe ritina adee rawahinyreri. Kia warybe-di biernanybenyke aöhebo ityhydŷŷdu mahādu warybe-di rotŷŷnykemy. Ityhydŷŷdu mahādu Deuxu ijoio rare. Inatyhy rybe yrubudŷŷdu rare. <sup>16</sup> Iny tyhydŷŷnareny awi tyhytyhy rare. Kia wese rare: —Jesuisi heka hābu wese nade. Tii Deuxu Tyytyby-di öbitimy rityhynyre, ŷjurenre tuu robirenyre. Taaömydŷŷnanarenymy ibutu bede bedemy rellyrenyre. Söwemy iny rityhynyrenyre. Roosere biu botorahakŷ-ö.

### 4

<sup>1</sup> Deuxu Tyytyby rarybera: —Ihewoladu bededŷŷnana txuu hābu tyytybybina rybe-ö roholakre. Tai iny tyhydŷŷnanareny ririkre. <sup>2-3</sup> Tahe ruina rybe rityhynyre, hābu aömy nohöti erykö rybe-ö. Kia heka hābu raerynadŷŷmy hŷŷre uritere hāwyy heriömykremy, ijö rŷŷna aötxi irŷŷökre. Kia rŷŷna iny rirŷŷke Deuxu riwahinyre. Juhuu ālana Deuxu-ö rawahikre. <sup>4</sup> Kia heka ibutumy Deuxu riwinyre awire. Aö aökö heka awiöre. Deuxumy beöbyke, kia tahe ibutumy awike. <sup>5</sup> Ixitöedŷŷna Deuxu rybe kia ibutumy awimy risŷnykre.

<sup>6</sup> Kai heka ityhydŷŷdu mahādu biernanykeki, kai heka Jesuisi Kristu aömysdŷŷdu mahāduwihikŷö Tate. Kia inatyhydŷŷnareny erydumy mabekre. <sup>7</sup> Kai ihetxiu nohötiwidŷŷna ijy bityhynyötyhy. Marurunymy mabekre Deuxu aömysdŷŷnana-ö. <sup>8</sup> Aumyruru urihimömy idi mohötinykre, atyytybywi-di tahe kia idi söwemy mohötinykre kai kabede-ki adeewikre tule tiu bede-ki awikre. <sup>9</sup> Kia rybe heka öbiti rare. Ibutumy iny rityhynyke. <sup>10</sup> Inyboho raaömysdŷŷnymyhŷre inatyhymy. Deuxu dori iny rityhynyre. Tii ibutumy iny tarasadu ratximyhŷre, ityhydŷŷdule tarasadure. <sup>11</sup> Kia warybemy biernanybenyke. <sup>12</sup> Iny aratyhynyökeki kai matuari aökö tateki, tai ityhydŷŷdu wihikŷ mabekremy bexityhynyke. Tai tahe arybe-ö aratyhynyke aityhydŷŷna, aluuna, öbitina öraru-ki wahe. <sup>13</sup> Adehemynykre kotyre, Deuxu rybe-di mariakre dohodŷŷna heto-ki, idi belyykemy mabekemy tule biernanykemy. <sup>14</sup> Uritere nohöti lusaömy kai erydŷŷdu wihikŷ tatemyhŷ. Dohodŷŷna matuari mahādu debötidina-di arateönyrenyre, wahisidŷŷna weseö tetate rybe-di tŷnydŷŷna öraru-ki. <sup>15</sup> Kia aömydŷŷnanamy mohötinywityhymyhŷ. Ixidile bexiywinytyhymyhŷke bede erydŷŷnana-di tule bexiywinytyhymyhŷke. <sup>16</sup> Tai kai öraru-ribi bexitake tule aijohonana-di öraru-ribi bitakre.



## 5

<sup>1</sup> Matuari ityhydÿÿdu mahâdu-ò ywimy aõki tamy marybemyhÿke, bowese idi atximahâke Weryrybò mahâdu, aseriøre wesemy hitohodÿÿnyke. <sup>2</sup> Senadu mahâdu adi wesele bierynanykre. Ijadõma mahâdu aseriøre wesere ibutumy òbitilemy biywinykre. <sup>3</sup> Inatyhytyhy wytese mahâdu kai bityhynykre iõsÿnÿ biywinykre. <sup>4</sup> Iriõredikeki, iriõkõredikeki, juhuyu iriøre bierynanyke imahâdu biwiõhenanyke idi watzireri. Kia dori Deuxu dee awire. <sup>5</sup> Wytese mahâdu ixisohojilemy rasÿnymyhÿre iriõrekõkeki, Deuxu-ribi aõna aõna riraõmyhÿre. Deuxu dee sõwemy rexitõenymyhÿkemy. <sup>6</sup> Kia tahe wyteseõ òraruna luukeki kia tahe irulemy ratximyhÿre hâre rubu rare. <sup>7</sup> Tximõtxi, kia bede ywina tahe rehahinyreri urile wytese mahâdu õwe õweõmykremy bibederynanykre. <sup>8</sup> Inyõ juhuyu tasÿreny dee idi aõna aõna taijoi dee kanawyõkeki, tii ityhydÿÿdukõdu mahâdu ratyre rabinare. Tii ityhydÿÿdu mahâdu wese aõkõ dotÿÿnymyhÿde. <sup>9</sup> Wytese tÿmyrani tyriti-ki iritidÿÿomykre 60 ibeõraõkeki. Tule tii sohojhyyle roire hâbumy. <sup>10</sup> Tule tii aõna aõna wihikÿ riwinymyhÿre, tariøre ritybienyke, taroraludu-ò awimy raremyhÿ, ityhydÿÿdu mahâduwa risuhõmy raremyhÿ, aõhõkÿtyhytyhymy rotÿÿnymy rare mahâdu riwiõhenanymy raremyhÿ. Aõu aõu heka iny witzira riwiõhenanymy raremyhÿ taworana bedehesi-dí. <sup>11</sup> Wytese tÿmyrani heka tyriti-ki iritidÿÿomykre. Hâbumy herimy rõhõtinymyhÿre wana, tai Kristu-ribi tõhõti rosamyhÿre. <sup>12</sup> Tarybe ywidÿÿna riwinyõlemyhÿre, tai iurenana tahe tuudÿÿdumy Deuxu-ò ratximyhÿre. <sup>13</sup> Hetomy rawerywerynymyhÿre kia urenana urile raujõmomymyhÿre aõna aõnalemy. Aõ heka riwinyõlemyhÿre. Kia ratyre bina tahe tuu rybenanamy aõkõ rybebinamy rarybemyhÿre. <sup>14</sup> Kia heka wadee awire wytese tÿmyra hâbumy roikre, rariõrerenykemy, tule taheto riywinykemy. Kia wese iõludu inydeereny aõna aõnabinamy rarybeõhÿkÿkre. <sup>15</sup> Wyteseõ dori Satanasi hemy roire. <sup>16</sup> Wyteseõ ityhydÿÿdusÿ-ki rarekeki, tii heka riwiõhenadÿÿ rÿikre. Kia wese dohodÿÿdu mahâdu nieru tamy ritakre. Kia nieru rayrubunykre. Tahe rawahikre ixisohojile ratximyhÿre-ò.

<sup>17</sup> Matuari ityhydÿÿdu mahâdu iny rityhytyhynykre. Dohodÿÿna mahâdu aõmdÿÿÿnana òbitimy retehemy ratximyhÿkeki, ratyhytyhynykre. Inatyhytywityhymy kowa òbitimy relyymyhÿre tule rybe wihikÿ rierynanyamahâre kia heka raõwywikre. <sup>18</sup> Tai tahe raritidÿÿmy roimyhÿre: —Brõreni maixõmotyre iwysydÿÿmy rariamyhÿu, iry ratõbõnyõtyhy ibyre lau. Tule rõritidÿÿmy roimyhÿre:

—Mobo raaõmysÿdÿÿmyhÿre, tii heka iny riõwynymyhÿre.

<sup>19</sup> Matuari mahâduõ iny tuu raujõmokeki, tuu arityhynyõtyhyke. Tuu lobixidu inatxi ada inataõkekile, aratyhydÿÿkre. <sup>20</sup> Tii inatyhymy òraruna-txi resereu, kai tamy marybeke iõrarumy ibutumy inyko-txi. Iurenana tahe ijõ iny ruberumy rÿimyhÿkemy. <sup>21</sup> Adee ararybekre. Deuxu, ÿjurenny, Jesuisi Kristu-wana ibutumy warybe-ò roholareri. Kai warybe biywinykre. Myheka wiratyre widi rõhõtinyõtyhy. Tiiemy wiwese weselekemy rÿikemy. <sup>22</sup> Uritere rybe-di tÿnydÿÿdu tÿmyra juhu biurihike idi tahe debõtìdina-di biteõnyke rybe tÿnydÿÿmy. Kawese aõkõkeki heka hâbu òrarunamy tuudÿÿdukremy õsana mabekre. Aõmdÿÿÿnana tiemy òbitimy biywinymyhÿ. <sup>23</sup> Bee sohojilemy aõkõ biõkre urihimõmy wÿimy biõkre. Kai dori awo ibinareriki tiemy tuu abinareri. <sup>24</sup> Ijõ òraru aõwesele iny kanatÿnykre, bedeluura aõwesele kòdõhõnykre. Ijõ òraru taheka idile kanatÿnykre. <sup>25</sup> Ruxetõenawihikÿ iwesele rare. Ele tii raeryõtyhy idi tahe iny rierymyhÿre.

## 6

<sup>1</sup> Ibutumy wetxuõ tawedu rityhynykre. Tawedu rityhynyõkeki heka Deuxu nibinanybemy iny rarybekre. Tule ityhydÿÿdu eryna binamy rarybekre. <sup>2</sup> Weduõ ityhydÿÿdukeki, kia heka ire ratyhydÿÿmyhÿke tule aõnityhymy tamy aõmysÿdÿÿkre. Tii dori ityhydÿÿdu seriøre wese rare. Kia dori taaõmysÿdÿÿnyteri ityhydÿÿdu wídee. Kaiboho ixideerenyle wíluukemy. Kia tule bierydÿÿnykre.

<sup>3</sup> Inyõ erydÿÿna witzira rõerynanykeki kia òbitimy aõkõ Jesuisi Kristu Rybewihikÿ wese aõkõ ratxikeki, <sup>4</sup> kia hâbu ixiwede rare, aõ rieryõlere. Kia hâbu urile dÿÿraxidÿÿ luure. Kia dÿÿraxidÿÿ-ribi ibutumy rybe jei jei rõhõnymyhÿre. Iribi tahe tule rexinaanymyhÿre, raujõmomymyhÿre, rexiwodõhonanymyhÿre. <sup>5</sup> Raruimyhÿre. Kia ibutumy rotÿÿnyreri, hâbu tõhõtina õweõwere. Inatyhyna-ribi kia hâbu tõhõtì rosare. Ityhydÿÿdureki tii rõtakemy ixidì ratximyhÿre. Kiamy heka rõhõtinymyhÿre. <sup>6</sup> Inatyhymy ibutumy heka tai iny aõtyhydÿÿdu-ki taaõ-di teysakreki. <sup>7</sup> Aõ kabede-ò iny ixihemy diwyõhÿydenyde inatyhymy heka rukururenykre tule aõ ixihemy kabede-ribi rikiwyõtyhyrenykre. <sup>8</sup> Iny tydirenykeki, iny rÿsÿnadirenykeki, urile reysarenykre. <sup>9</sup> Tahe inyõ ityhymy ixidikeki, tii òraruna-txi resekre. Kia heka iny rexiburemy, rexibinanymyhÿre, tule rexiraykÿtxÿtenymyhÿre. <sup>10</sup> Inyõ nieru luukeki, tii aõ õta õta òraruna-txi resekre. Kia-di heka iny sõwemy ityhydÿÿdu mahâdu-ribi rõhõnyra aõhõkÿmy rotÿÿnyrenyke.

<sup>11</sup> Kai Deuxu ijoi tate. Ibutumy kia-ribi bexiemy mabekre. Uritere ityhymy ixi-di nohòtiòmy tahe awimy mabekremy mohòtinykre. Deuxu wiwese, ityhydýýdutyhy wese, Deuxuluu wesemy. Tiemy heka òbitimy atximahàke, ywimy ainutyhymy atximahàke. <sup>12</sup> Aõu aõu òbitimy atximyhýkemy marurunya, umy tuedekõnahaký bitakemy, kai tule inatyhy rybemy tarybete insõweko-ò, Deuxu dori adee rarybere juhú. <sup>13</sup> Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi. <sup>14</sup> Kaheka warybe rare: Kai heka bede ywina bityhynyke aõ bede ywina tyyriti òraru-ki aõhe botýýnyòtyhy. Biraòke Inywedú Jesuisi Kristu dehemynyna txuu. <sup>15</sup> Tiutxukremybo Deuxule kedexitynykre, tii deysana wedu rare. Tii sohojile heka Iòlòmý rare. Ibutumy Iòlòwedú rare. Ibutu wedu wedumy rare. <sup>16</sup> Tii sohojile heka tiu ruruòhy rarekre. Tii irehetyhymy loosõnawo-ki rasýnymyhýre. Tiimy heka inyò tuu robiòtyhyre. Inyò tiu iòhòmý tamy rehemynyòtyhy. Tamy rikiwodeysanyrenykre. Tiòhe aõu aõu taruru-di ratximyhý.

<sup>17</sup> Kai marybekre iaõdi mahàdu-ò uritere ta aõna aõna-di rexiwowydynyòtyhy, iaõna aõna dori rýiòhykre. Tahe Deuxule rityhynykre. Tii dori ibutumy aõna aõna wiwihiký inydeereny riwahinyre. <sup>18</sup> Tii aõna aõna wihiký inydeereny riwahinymyhýre. Iaõdi mahàdu uritere aõwihiký-di ijõ-ò rawiòhedýýnykre. Aõu aõu ròwirareamyhýke iny-ò. <sup>19</sup> Kia wese tiiboho ributunrenykre. Aõna aõna wihiký biu-ki awimy idi rarekre. Tule umy tuedekõnahaký tiiboho ritarenykre.

<sup>20</sup> Kai Tximòtxi, aõbo adee rawahidýýre, kia biyrubunykre. Rybe òwe òwe-ribi irehemy mabekre. Aõbo heka raninireri bedeerydýý kia heka inatyhy aõkõ rare. <sup>21</sup> Inyò kia aõ erydumy ixi-di nohòti-ki, rexitara ityhydýýdu mahàdu-ribi. Deuxu deysanamy adee ratximyhýkemy idi watzireri.

## 2 Tximòtxi-ò Paulo Inatxina Tyyriti Tximòtxi-ò

<sup>1</sup> Paulo jiarý rare. Jesuisi Kristu deòdu jiarý rare. Kia jiarý rare Deuxudeewireki wahe. Jesuisi Kristu juhúu rarybere, umy týmyra tuedeòna inydeereny kidiwahinykremy. Tii kia wedu rare. <sup>2</sup> Kai Tximòtxi, wariòre waluunadu wesemy atximahâte. Kia tyyriti adee ariwahinykre. Wiòhedýýna, ruxetòena, ywina, Deuxu Inytyby-ribi, Jesuisi Kristu Inynyrý-ribi adee kedehemynykemy watzixereri.

<sup>3</sup> Deuxumy reàläreri iwese wahabohomy reàlàre wese. Wanohòti Deuxu-ò ywile jiarý rare. Aðu aðu adee, Tximòtxi, rexitòenymahâre. Txuò txuòlemy, ruwana Deuxu-ò rexitòenymahâre. <sup>4</sup> Iu rareu, arube-ribi wanohòti rosaðhyymyhýre. Arora-ò arakemy watzimahâre, wadeysatyhymy ararekemy. <sup>5</sup> Atyhydýýna-ribi wanohòti rosaðtyhy. Alahi, Lòide, juhúu rityhynymyhýre. Idi adi, Eunisi, tule rityhynymyhýre. Kai tule wiji tetyhynymyhýte inihe. <sup>6</sup> Kia dorihe itxi ðhòti rejjaranyreri. Wadeò tahe aratityre retidireu, arayky-ò Deuxu aò riwahinyre awahisidýýna wesekremy. Wiji kia arayky woludu róròra wana biixixanyke. Kia dori Deuxu wahisidýýna rare. <sup>7</sup> Deuxu-wana iny ruberuòtyhy. Tii dori inydee ruru riwahinyra, luuna riwahinyra, tule bedeerydýýna riwahinyra. <sup>8</sup> Tule Deuxu rybemy rybe-ki ixýruòlemy. Deuxu rybemy rybe-ki wamy maixýruòtyhy. Deuxu rybemy rybe-ki tahe, ròtenawo-ò riwatidire. Kia tahe awire. Deuxu rybe wityhydýýna-ò aòhòkýmy rokotýýnykre. Deuxu dori inydee ruru riwahinyryhýre. <sup>9</sup> Tii heka iny ritarenyre biu-ò hena riwahinyre wahe. Tai taaòmýsýdýýna inydee diwahinyde. Iny awirerimy rareki aòkò inydee diwahinyde. Taruxetòenale-ki inydee diwahinyde ixideewireki. Juhu bedeu Jesuisi Kristu òraru-ki ruxetòena inydee diwahinyde. <sup>10</sup> Kia ruxetòena wijile rehemynyra inydee. Jesuisi Kristu inytarasadu kia diwyde. Tii rubunale riixáwididýýnyre. Biu-ò hena Rybewihikýmy kia ritýnynymy diwyde. <sup>11</sup> Riwatare tarybemy rybedumy. Rybedumy riwateònyre, tule bedeerydýýdukemy riwateònyre. <sup>12</sup> Tai judeukòdu mahâdu òraru-ki aòhòkýmy ratýýnymahâre. Ihârele tahe raixýruòlemahâre. Rexierye dori tii retyhynymahâre. Reerye dori tii ruru dire waaòmýdýýnana tamy retidire iyrubudýýmy kiatsu-ò. <sup>13</sup> Waòbiti rybe biywinyke juhúu kia wamy taholate, ityhydýýna-di. Biywinyke luuna-wana. Jesuisi-ki tahe luuna tyhy rare. <sup>14</sup> Timybo Deuxu adee diwahinyde, biyrubunyke. Deuxu Tytybytyhy dori inywo-ki ratxireri.

<sup>15</sup> Ibutumy kabede ludu Asia ludu riwarira. Fikelu ijònire. Erimojini tahe ijòre. Kia tahe kai teeryte. <sup>16</sup> Inynyrý ruxetòena kidiwahinykemy watzixereri Onisiru sýmahâdu-ò. Tii dori aðu aðu riwawìohenanyre areysakemy. Tiu riixýrudýýnyòtyhyre wawomati reroti-di jiarý ranyreriki. <sup>17</sup> Tai tahe Roma hâwâhâký-ò ritehemynyre, riwajehyhyre; idi tawa-ki rahare. <sup>18</sup> Iny Iòlò ruxetòena tamy kidiwahinykemy watzixereri kia txuu. Efesu hâwâ-ki dori Onisiru riwawìohenanytyhyre. Kia teeryte waratyremy.

## 2

<sup>1</sup> Kai tahe wariòre wese tate. Jesuisi Kristu làhàna-ribi ruruna bitake. <sup>2</sup> Aòbo wary-ribi taholatemy iny sòweko-ò relyyre, kia ijò iny òbiti-ò tuu belyyke. Iny rexihumy rarekoòle tuu belyyke. Idi tahe tiiboho inywitzira ribedeerynyrenyke. <sup>3</sup> Waaðhòkýmydýýnana wawana tuu botýýnykre. Jesuisi Kristu soldadowihiký-wesemy kai mabeke. <sup>4</sup> Soldadoò tadinodu aòmýdýýnanale rityhynymyhýre. Tii ixideewimy rarutaaòtyhy. <sup>5</sup> Ijesudu ijesu ritake òbitimy resukekile. <sup>6</sup> Oworuwidýýdule juhúu suribi bederaty ritamyhý. <sup>7</sup> Aòmýbo wiji raryberadi mohotinyke, raweseranyreki. Inyiòlò ibutumy abraernanykre. <sup>8</sup> Jesuisi Kristu rubu-ribi ixixadu-txi ðhòti reake. Ihetxiu Davi Jesuisi labiemy raremyhý, iwese inyrybewihiký rarybere wese. <sup>9</sup> Rybe wihikýmy relyyreki dori womati reroti-di rataamy aòhòkýmy ratýýnyreri, aòbina widýýdu wesemy. Deuxu rybe tahe, inyò ritaaòtyhy. <sup>10</sup> Ibutumy reòludunymahâre ityhydýýdu mahâdu dee, Deuxuhòrò dee. Kiaboho Jesuisi Kristu tarasanamy ritakemy idi watzixereri. Tarasana, làhàna aðu aðu ritakemy idi watzixereri. <sup>11</sup> Rybe inatyhy rare. Jesuisi Kristu-wana iny rurukeki, irumy tii-wana aroireke. <sup>12</sup> Inyboho rikityhynyhyrenykeki, tii-wana riòlònyrenyke. Inyboho Jesuisi rikixiònyrenykeki. Tii tule iny ritxiònykre. <sup>13</sup> Iny rikityhynyònyrenykeki, ihârele tii ityhyhyymy rarekre. Tii rexitxiònyòtyhy.

<sup>14</sup> Iny nohòti kia-txi reakemy biwisýnyke. Tamy marybeke ujòmohyòmy rarekemy. Ujòmo tahe wiòhedýýna aòkò rare. Ujòmo-ò ijohonadu urile ujòmodumy relekre. <sup>15</sup> Kai tahe marurunyke Deuxudeewimy belekemy. Kai Deuxu deòdu tate. Kia rybe inatyhy-di òbitimy maraykynyke, idi tahe, biernanyke. Tahe bexiixýrudýýnyòtyhy. <sup>16</sup> Rybe òweòwemy rybedu-ribi irehemy bexieke, rybebina-ribi tule. Kia rybedu urile raòrarunynihikýmyhýke.

<sup>17</sup> Kia erydÿÿna reuròmyhÿre yjy wese. Imineu, Filetu-wana kia wese rierydÿÿnanyre. Kia rybe inatyhy-ribi rexihitxinyre. <sup>18</sup> Tii rarybemyhÿre: —Iny ixixana dorihe reara. Kia rybe-di ityhydÿÿduð wimy uriurile rityhynreri. <sup>19</sup> Deuxu hõrõ tahe inatyhymy rÿirakre. Kia tahe urihixina rare:

—Deuxu tahõrõ mahâdu rierymyhÿre.

Ijõ tahe:

Inynyrÿ ijoimy iximy rybedu, òraruna heka riatykre.

<sup>20</sup> Ityhy mahâdu hetonihikÿwo-ki womati tÿrÿÿhÿkÿhyna, pratahyna sohojile aõkõ rÿire. Òwòruhyna, suhyna tule rÿire. Hynað tahe rÿÿnawihikÿ hyna rare. Ijõ tahe rÿÿnysi-di dehuna rare. <sup>21</sup> Kia hyna wese iny rÿira. Ijõ rÿÿnsihyna wese rÿikeki, idi rexisuhokeki, rÿÿÿnalralyra wesemy reurõke. Tawedu-ò awimy rÿike, tawedudeewimy. Tai tahe aõ wihikÿhynamy rexiiwinymy rÿire. Kai tahe iwesele mabeke. <sup>22</sup> Kai ijoi tÿmyra tate, amahâdu òraruna-ribi bexiekemy; ixi-ribi aõ-di rõhõtynreri, kia-ribi mahenyke. Òbitina, ityhyna, luuna, ywina-wana biheludunyke. Deuxu-ò rexitòenyke òbiti mahâdu-wana. <sup>23</sup> Erysdyÿÿna itxÿtemy wiribi rybeomyke. Kiaribile ujõmo rõhònymyhyre. <sup>24</sup> Deuxu deõdu raujõmonyõtyhy. Tii tahe iny ibutu dee ywimy risÿnymyhyre, erydÿÿnamy rexihumy ihÿmyhyre. <sup>25</sup> Ywina-di riòbitynreri iny ixitxiðdÿÿna mahâdu. Tii heka riraòreri Deuxu worahòresena tamy riwahinykemy. Idi tahe inatyhymy rierykemy. <sup>26</sup> Tule itxÿte-ribi ròsekemy, Satanasi reroti-ribi rexitakemy. Tai tahe Satanasi rimyrau tahe ritaataara teewimy riwinykemy.

### 3

<sup>1-2</sup> Bededÿÿnana konanamy bededÿÿnana sirahakÿ kÿnyikre. Kia tahe bieryke. Iny ixideewimy riwinykemy ixi-di ratxikre. Nieru tarasalemy ixi-di rexinohõtidiÿÿnymyhyke. Rybetyhyakÿlemy iximy rarybekemy ratxikre. Ixidee awihikÿlemy rõhõtinkyemy ratxikre. Rybebinalemy rarybemyhyke. Tyby ise-wana riwinyõhyymyhyke. Inyõ-ò aõmy reallòhyymyhyke. Òbitiry rityhynyõhyymyhyke. <sup>3</sup> Iny-ò tuuna ihoðhyre. Inyõ ibiðwamy rareõtyhy. Aõbina binalemy inymy relyymyhyke. Rexiywinyõhyymyhyke. Reburehekÿ rariamyhyke. Òbitimyno ibinahymy rarekre. <sup>4</sup> Iny deõsadÿÿdumy rarekre. Ixiluunadumy rarekre. Ywimy aõkõ rarekre. Iwisÿdÿÿna luuhymy rarekre. Deuxu tahe tuuðkre. <sup>5</sup> Òbitimy risÿnymyhyre wese tahe òbitiruru ritxiðnymyhyke. Kai, Tximòtxi, kia iny-ribi irehemy mabeke. <sup>6</sup> Kia hàbu tahe hetoð-ò ralòmmyhyre. Hàwyy uri uri rÿira xiwedeð-ò òrarulÿxina-di ralòmmyhyre. Kia tawisÿdÿÿna-di rierynanymyhyre tarybewiwidile, tahe hàwyy rityhynmyhyre. <sup>7</sup> Kia hàwyy aõu aõu ròerykemy ixidi rõhòtynmyhyre, urile tahe inatyhyna tii rieryõtyhy. <sup>8</sup> Iwese ihetxiu Ijãni, Ijãbri-wana Moiseisi òludumy rÿire wese. Wiji tule kia hàbu inatyhyna òludumy rare. Irayky rawerynyre. Ityhydÿÿna-di deõsanamy rÿimymyhyre. <sup>9</sup> Tiu tako-ò raõtyhy, iitxÿtereriki, kia iruina òraruna ibutumy iny rierykre, iwese Ijãni, Ijãbri òraruna ibutumy iny raeryre wese. <sup>10</sup> Kai, tahe waerydÿÿna-ò taholahymahâte. Iwese raremahâ wese tiwaheludunymahâte. Watyhyna teerymahâte, wadeybina, waywina, waluuna, waixiòlòdÿÿna. <sup>11</sup> Aõu aõu inybinahakÿ wadi riwisÿnyreri, tule aõhòkÿmy ratÿÿnyreri. Kia ibutumy teerymahâte. Kia wade rotÿÿnymy rÿire Atxiòkia hãwã-ki, Ionio hãwã-ki, tule Listra hãwã-ki. Aõwitxira wixiramy aõhòkÿmy ratÿÿnymahãre. Wanyrÿ tahe ibutu-ribi riwatere. <sup>12</sup> Inyõ òbitimy ratxikeki Jesuisi Kristu-ò, tii aõhòkÿmy rotÿÿnykre iòraru-ki. <sup>13</sup> Hàbu bina bina rabinahykemy rarekre, tule hàbu inatyhy aõkõ rabinahykemy rarekre. Inyõ tiiboho riitxenanykre, tule tiiboho inyõ kidiitxenanykre. <sup>14</sup> Kai tahe aõbo teeryte, kia-di mohõtinkyre aõbo tetyhynmahâte-di. Tahe tiribibo teeryte, òhòtikile idi mabeke. <sup>15</sup> Uladuribile teeryte Deuxu Tyyriti. Kiadile bierykre Jesuisi Kristu tarasadÿÿna idi bimykremy. Kia adee kanake bityhnykekile kÿnyhe. <sup>16</sup> Ibutumy Tyyritityhy Deuxu elewesenamy nade. Bedeerysyna urenana heka rare. Òrarudu òbitidiÿÿna heka rare, ibutumy riòbitinykemy. Tule aõbo awihikÿmy raremy rierynanykre. <sup>17</sup> Deuxu deõdu dori òbitile rÿirakemy. Aõwiwihikÿ widÿÿna aõbo dori rexihulemy rÿirakemy.

### 4

<sup>1</sup> Deuxu, Jesuisi Kristu kiaru-ki arãteònykre. Jesuisi Kristu dori rubu mahâdu iru mahâdu-wana wiribi rihitxinykre, tii taòlõna kaò kidiwykreu. <sup>2</sup> Belyyke Deuxu rybemy, inydee awikeki, tule inydee awiòkeki. Ywina-di iny biòbitinyke. Iny biwiòhenanyke. <sup>3</sup> Bededÿÿnanabina kanakre. Kia txuu erydÿÿdu òbiti-ò roholaðhyre. Erydÿÿdu ributunykre tamydeewimy. Iwese iny tõhòti nohòtijuty-ò rotÿÿnymyhyre wese tamy wimy aõna aõnaðle roholamymyhyke. <sup>4</sup> Inatyhyerydÿÿna-ò roholaðhyymyhyre. Urile ihetxiu ijyÿòle roholakemy ixidi ihÿre. <sup>5</sup> Kai tahe ywimy maraykynyke. Ibutumy aõhòkÿmy botÿÿnyke. Deuxu Rybewihikÿmy belyyke kia tahe aõmysÿdÿÿnare Deuxu adee riwahinyre. Idi hyylemy

mabekre. <sup>6</sup> Iny riwawahinyke xiwena wesemy rubu-ò. Waixituededÿñana heka rehe-mynyreri. <sup>7</sup> Ijesu wihikÿwesemy tahe rexiijesudÿñnyre wese. Rekonananyra heka waumy ijera. Retyhynyhyra tahe ityhyna. <sup>8</sup> Òbitiwidÿñna raheto wese wadee rexihumy roire. Wanyrÿ, ywisidÿñdu òbiti, riwawahinykre kiatsuu. Jiarÿ sohojiòle aòkò. Tahe tule iraròsòdu mahàdu-ò. Jesuisi dehemyynna luumy kia mahàdu roimyhÿre. Tamy tule rataanaò raheto wese riwahinykre.

<sup>9</sup> Wylemy inihe waroramy manake. <sup>10</sup> Dema riwarira Tesalonia hãwã-ò rara. Tii bede aòmydÿñana luure. Kalatxia bede-ò Kresetxi rara. Dalimasia bede-ò Txitu rara. <sup>11</sup> Luka-wanale watzireri. Tahe kai Marku bididykre, wawiòhedÿñdu wihikÿmy rarekemy. <sup>12</sup> Txitxiò heka Efesu-ò reteònyre. <sup>13</sup> Kai tahe manakreu warahana bidiwykre. Troaji hãwã-ki Karpu heto-ki tahe warahana rerire. Watyriti tule bidiwyke tyyriti welÿte tule nohòti losaòtyhymy. <sup>14</sup> Alexÿdre womati loresedÿñdure warybe dibinanymyhÿde. Wanyrÿ iòwydÿñna tamy kidilidikre riwabinanyreki. <sup>15</sup> Kai bexiekre kowa-ribi, inyrybe dori rityhynyòhymyhÿre. <sup>16</sup> Juhuu dinodu-ò rewyònyreu inyò riwawiòhenanyòhyre. Ibutumy rirahure waribi. Aòbo wabinamy riwinyre-ribi Deuxu tòhòti rosamy watzireri. <sup>17</sup> Wanyrÿ tahe, riwawiòhenanyra Deuxu rybemy rybe-ki. Iny wìtxira dori, judeukòdu mahàdu roholamyhÿre. Leaòry-ò, wadi rehukòra. <sup>18</sup> Wanyrÿ tule riwatakre ibutumy aòmydÿñana bina bina-ribi. Kowa bede wihikÿ-ò riwadykre. Tuu rekealàkre aòu aòu bededÿñana roobymy. Kie.

<sup>19</sup> Warybe wehityyna Prisila-ò, Akila-ò biòkre tule Onisiru sÿ mahàdu-ò. <sup>20</sup> Erasto, Oritxi hãwã-ki rarire. Trofimo, Miletu hãwã-ki binamy resere. Taile heka rarira ibinamyhÿreki. <sup>21</sup> Wylemy manake inihe beòrako-ki. Ubulu tarybewehityyna adee riwahinyre. Tu Prudente, Lino, Laujia ijòre. Tule ibutumy ityhydÿñduseriòre rybe wehityyna adee riwahinyreri.

<sup>22</sup> Wanyrÿ awana ratxikemy watziwãhãre. Tule làhàna umy-wana ratxikemy watzimãhãre. Kie. Paulo

## Txitu-ò Paulo Tyyriti Txitu-ò

<sup>1</sup> Jiarÿ Paulo rare. Deuxu deòdu rare. Jesuisi Kristu riwamyre inatyhyna aritÿnynekemy. Kia tyhydÿÿna, Deuxu tarasana mahädu hõrõ rare. Kia ityhydÿÿna dee inyõ rierykeki, rityhynkeki, Deuxu deewimy tii rarekre. <sup>2</sup> Umytuèdeõnahakÿ iny riraõmyhÿre. Deuxu dori tuu rarybere ihetxi bedeu. Deuxu heka tiu raruiõtyhy. <sup>3</sup> Ibededÿÿnana õbiti dehemynde, Deuxu aõmydÿÿnana rarybekemy rotÿÿnyre. Kia aõmysÿdÿÿna wadee Deuxu riwahinyre, iny tarasadurenymy rybe-ò. <sup>4</sup> Txitu-ò kia warybe rewahinyra. Kai iny-wana Deuxu tetyhnyteri, kia dori inatyhymy wariõre wesemy tate. Deuxu, iny tyby-ribi, Jesuisi Kristu, iny tarasadu-ribi, Deuxudeysana-di, ywina-wana adee kanakemy watxireri.

<sup>5</sup> Inyaõmydÿÿnana biõbitinykemy dori adee adiride. Kreta bede-ribi rõhõnyre, dori waaõmysÿdÿÿna rehuõre. Kia-ki dori kowa-di anaride. Ibutumy häwä häwä-ki ityhydÿÿdu mahäduy-ribi kai matuari mahäduõ bimykre. Iwese jiarÿ rarybere wese kai bimykre. <sup>6</sup> Matuari õbiti bimykre. Matuari ihäwyy sohojiõ rÿira bimykre. Inyõ ityhydÿÿdumy riõrenadule bimykre. Iriõre iõraruluukeki, iehehekeki, kia häbu bimyõke. <sup>7</sup> Ityhydÿÿdu mahädu yrubudÿÿdu õbitilemy dori ihÿkemy. Inyõ-ki heka ibinamy mahakeki, imynyõmy. Tii dori, Deuxu dee raaõmysÿdÿÿkre. Ixidile nohõtidu mynyõmy. Häbukyara rybebyby, mynyõmy, vÿi luudu aõkõ, häbu aõbinaluudu aõkõ, häbu ityhymy nohõtidu aõkõre. Kia mynyõmy. <sup>8</sup> Iny inatyhyle, õbiti luunadule, taroraludu-ò awire mahädu, iny aõwityhy luunadule, ixiwedule, Deuxu rybe tyhydÿÿdu, kiale bimykre. <sup>9</sup> Deuxu rybe-di kia häbu õbitimy rõhõtinkyre, õbitityhylemy rierynanykemy. Inyõ ierysydÿÿna rityhynyõkeki, erydÿÿdu irayky riywinykre tai ihewo-ribi rieryke, rityhynkemy. Tule iny iwitxira erydÿÿna-di rarybemyhÿreki, tii riõbitidÿÿnyke.

<sup>10</sup> Iny sõwemy inatyhymy rityhynyõreri. Tii dori aõna aõnalemy rarybemyhÿre, ityhydÿÿdu mahädu riitxenanymyhÿkemy. Kia mahädu-ribi, judeu mahädu ibutu ratyire kia aõna aõnamy rotÿÿnymyhÿre. <sup>11</sup> Inyõ kowa mahädury riyrykemy tamy rarybeke. Iny sõwemy heka riitxenanymyhÿre. Õbitimy aõkõ heka iny rierynanymyhÿre. Nieruõle heka iny rierynadÿÿnymyhÿre. <sup>12</sup> Kowa mahäduõ, ierydÿÿduõ rarybera:

—Inyboho, Kreta bedeludu mahädu, ibutumy ruidu roire. Irõdu brebuna wese iny roire.

Inyboho heka teoruxere roire. Byrelemy inyboho rõhõtinymyhÿreny.

<sup>13-14</sup> Aõmybo kahäbu rarybera heka inatyhy rare. Urenana tahe arurumy rityhynkemy. Judeu mahädu ihetxiu ijyy-ribi tõhõtireny rosakemy kai marybeke. Häbu mahädu bede ywina rityhynyõkemy. Kia häbu dori inatyhyna aõkõ rityhyny. <sup>15</sup> Õbiti mahädu dee ibutu õbitire. Ityhydÿÿdukõdu mahädu-ò aõ aõkõ õbitire. Tõhõtinareny dori aõbina binalemy rõhõtinymyhÿre. Aõu tii rexierye aõbinahakÿ riwinykemy. Deuxu-ribi tõhõti rosare. <sup>16</sup> Tiibocho rarybemyhÿreny: —Deuxu inyboho reeryreny. Tiibocho tahe Deuxu erydu wesemy aõkõ aõna aõnamy rotÿÿnymyhÿreny. Tiibocho iny riojinyreny rybemy reõbyõlemyhÿreny. Aõwiwihikÿ widÿÿ rieryõreny.

## 2

<sup>1</sup> Kai, Txitu, aõerynawihikÿdibo bierynanymyhÿke. <sup>2</sup> Matuari mahädu kai bierynanyke häbu ixiwedu mahädulemy roirelemy, ywimy nohõti wydnadu mahädu roirekemy, õbitilemy rityhynkemy, ibutu õbiti luukemy, iixiraterekemy. <sup>3</sup> Senadu mahädu tule bierynanyke iyrubumy rÿikemy iujõmoõmy rÿikemy, tule vÿi luuõmykemy. Aõerynawihikÿdibo bierynanybenykemy. <sup>4</sup> Häwyy tÿmyra häbumy heridu tÿmyra tahäbu luukemy, tariõre luukemy, kia senadu mahädu rierynanykre. <sup>5</sup> Tuu iyrubumy rÿikemy, õbitimy raraykynumy rÿikemy, taheto riywinymy rÿikemy, awimy rÿikemy, tahäbu rybe riywinymy rÿikemy. Kia wesekeki, Deuxu rybemy inyõ ibinamy rarybeõtyhy. <sup>6</sup> Weryrybõ mahädu tule bierynanyke iyrubumy rÿikemy. <sup>7</sup> Kai, Txitu, aõna aõna wiwihikÿmy botÿÿnykre, tai tahe ityhydÿÿdu mahädu awecele aõna aõnamy rotÿÿnykre. Kai bierynanykeu, õbitilemy inatyhymy bierynanykre. <sup>8</sup> Arybe õbitityhdyle bierynanykre. Tai tahe aõludu raixÿrukre aõmy dori umy rarybeõtyhy. <sup>9</sup> Kai bierynanyke urideõdu mahädu tawedu rityhynkemy. Tamy awimy raaõmysÿdÿÿnykemy. Tamy heka rõrawyõdÿÿõtyhykemy. <sup>10</sup> Rawasinyke aõkõre, ibutumy õbitilemy riwinykemy. Kiawesekeki, ibutumy Deuxu iny tarasadu deewimy riwinykemy. <sup>11</sup> Deuxu taerydÿÿna-di taluuna ibutumy iny-ò rexideõsinyre. Taluuna tahe iny tarasana-ò rehemynymy raremyhÿ. <sup>12</sup> Kia heka iny tuu robikeu, awimy erydÿÿna rahake. Riwaerynanymyhÿ aõbina bina widÿÿmy tule õbitina-di yrubudÿÿna-di iny rariakemy kabede-ki. <sup>13</sup> Tule iny riraõmyhÿrenyemy iny Deuxu wihikÿ iny tarasadu Jesuisi Kristu

loosònatyhywo-ki kedehemynykre. <sup>14</sup> Iny òwymy dexiwahinyde iny òraru òwydÿÿrenemy. Kiawese heka iny riwyre idi riratisebenyre iny ijoi lyrahakÿ ixidee rimyre. Kia ijoi iluure.

<sup>15</sup> Kai, Txitu kia aõna aõna inyko belyyke. Tai Deuxudeewimy riwinykemy urenana rakatxirenykemy. Iny bierynanykre. Iny biòbitinykre. Iny ibutumy rityhynykemy matx-ibenyke.

### 3

<sup>1</sup> Kai ityhydÿÿdu mahãdu ixi bitòhòtijeanyke ibutumy hãwã dinodu, bede dinodu rityhynykemy, tabede ywina rityhynykemy. Tule aõmysÿdÿÿnana wihikÿ riwinykemy.

<sup>2</sup> Modée heka ibinamy rarybeòtyhy, raaòbinanyòtyhy ywimy rarekemy, moheka iehehemy

riwinyòmyhÿre. <sup>3</sup> Inyboho heka tule iehehe roiremyhÿ, iitxÿtemy roiremyhÿ, òraruluunamy

iny riitxenanymy roiremyhÿ, òtaluomy roiremyhÿ. Aòbina bina luomy iny witxira aõna

aõna-di wii risÿnymy roiremyhÿ, wideramy roiremyhÿ. <sup>4</sup> Tahe Deuxu iny tarasadu luuna,

ruxetòena-wana inydeereny dehemynydeu, tii kia-ribi iny ritarenyre. <sup>5</sup> Kia aõna aõna wi-

hikÿ iny riwinyrenyreki aõki, iny Deuxu ritarenyre, taluuna-di tahe iny ritarenyre, Jesuisi

òraru-ki xiery heka Deuxu riwatÿmyranyre Tatytybytyhy-di. Umytÿmyra riwahinyrenyre,

riwasuhòrenyra. <sup>6</sup> Tatytyby inydee riwahinyre Jesuisi Kristu iny biu-ò hedureki. <sup>7</sup> Kiawese

iny riwaòbitinyrenyre taluuna-di. Katahe inyboho umyuedeòna ijòdire. <sup>8</sup> Kia heka inatyhy

rare. Ka aõna aõna bierynanytyhykeu, tahe wadee awikre. Kia wese Deuxu ityhydÿÿdu

mahãdu aòwihikÿlemy ròhòtinymyhÿke tule rewinymyhÿkemy. Kia heka awire. Kia

iny riwiòhenanymyhÿre. <sup>9</sup> Ýraxina itxÿte kai rÿÿraxidÿÿòmy, iwyòdÿÿòmy, rybe jei jei-ribi

irehemy mabekre, tule lahi òraru rybe-ribi. Kia rybe aõ aõkò rare. Awi aõkò rare, iny

riwiòhenanyòtyhy. <sup>10</sup> Hãbuò rybe òwe òwe-di ityhydÿÿdu rierynanykeki, aruru rybemy tamy

marybeke. Kai inatxi rybemy marybekeki, tii rexiòbitinyòkeki, tahe uritere aõna aõnamy

tamydÿÿòmy. Tii òrarudu dori ratximyhÿre. Hãbu òbiti aõkò. <sup>11</sup> Tiile rieryre tuudÿÿdumy

ratximyhÿre.

<sup>12</sup> Jiarÿ, Txitxiò, Atema-wana aòrysmy ariteònykreu. Niòpòli hãwã-ò wadee manakre.

Kowa arasÿnykre ibutumy biu bedeu. <sup>13</sup> Zena, bede ywina erydÿÿdu, Apòlo-wana kai

itÿinareny-ò bìteònylebenyke aõmybo tamy biwahinymyhÿke. <sup>14</sup> Bierynanyke iny aõmysÿdÿÿ

wihikÿkemy rotÿÿnymyhÿkemy. Kia wese aòbo rauhenyreri tamyreny ijòdikre. Tai ri-

wiòhenanykre.

<sup>15</sup> Ibutumy kaki jiarÿ-wana iny rybe weityhyna adee rewahinyrenyreri. Warybe

biwahinyke ibutumy inyluudu ityhydÿÿdu mahãdu-ò ibutumy adeereny Deuxu

deysanamykre. Kie.

## Filemo-ò Paulo Tyyriti Filemo-ò

<sup>1-2</sup> Jiarÿ Paulo rare. Jesuisi Kristu òraru-ki ròtena-ki wāhāre. Tximòtxi iny seriòre wese jiarÿ-wana adee Filemo-ò rybe rewahinyrenyre. Kai inyluunareny, iny wiòhenadÿÿdu tate. Tule Afia-ò, rewahinyreri, tii iny wyòrenyò rare. Tule Arikipu-ò, rewahinyreri iny rybe tÿnydÿÿdu-ki ijoiò rare. Tule ityhydÿÿdu mahādu-ò rewahinyreri, aheto dohodÿÿna ijoi-ò wahe. <sup>3</sup> Ruxetòena ywina-wana Deuxu iny tyby-ribi, Jesuisi Kristu iny iòlò ribi adeereny kanakemy watzireri.

<sup>4</sup> Deuxu-ò rexitòenyreu, atxi, Filemo, wanohòti reamyhÿre. Tai umy rarybera. <sup>5</sup> Kai dori Jesuisi tetyhynyte, inyiòlò luumy, ityhydÿÿdu mahādu luumy atximahāte. Kia-ò raholamyhÿre. <sup>6</sup> Tule rexitòenymahāreu kiamy jiarÿ rarybemahāre. Kai iny witzira-ò Deuxu aòmydÿÿnanamy belyykeu, Kristudeewimy bierynanyke. Kia inydeereny rexitòenyre Deuxu-ò. <sup>7</sup> Jiarÿ wadeysatthyre, kai dori aluuna iny witzira dee ratximyhÿre. Kia heka deysana nihikÿ ityhydÿÿdu mahādu-ò rare, tii riwawowesenymyhÿre.

<sup>8</sup> Jiarÿ timy atxikemy adee ararybekeki, tule ke heka arateranyke. Jiarÿ dori aityhydÿÿdu seriòre rare. <sup>9</sup> Tahe aluudÿÿna òraru-ki tahe adee arexitòenykre. Jiarÿ Paulo rare. Ròtenawo-ki jiarÿ roire Jesuisi Kristuluu òraru-ki. <sup>10</sup> Wariòre wese dee rexitòenyre. Onesimo wariòre wesemy redyreri Kristu tyhydÿÿna-ò waribi umy wese kaki ròtenawo-ki rare. <sup>11</sup> Tiu heka adee riwahinyòmyhÿre tii dori juhū awiòhedÿÿdutyhy aòkò rare. Wijile tahe iny diwiòhenanymyhÿde adee wadee tule. <sup>12</sup> Tii adee reteònyreri. Ixyby araòkesedÿÿnyreri. Kai ixi-ki bimyke wawesemy, wadee dori tii awityhy rare. <sup>13</sup> Jiarÿ dori ixideele remyòre wawiòhedÿÿdu kaki ròtenawo-ki Rybewihikÿ dohodÿÿ òraru-ki. Kia òsÿny adee awire. <sup>14</sup> Urile aòkòmy marybekeki tii arimyòthy. Kai aò wadee bidiwahinykeki, kai ixi sohojile inihe biwahinykre. Waixitòena-ki aòkò. <sup>15</sup> Onesimo heka aribi irehemy rexiijere ijò bed-edÿÿnana witzirau, tahe wijile tiemy abrysimykre. <sup>16</sup> Juhū wesemy aòkò ihÿre deòdumy wahe, wiji aseriòre wesemy heka rare. Tii heka waluutyhy rare, adee tulekemy ityhydÿÿdu wese wiluukemy wadee awire. <sup>17</sup> Kai wabiòwakeki, tii birybenyke iwese tiwarybenymyhÿte wese. <sup>18</sup> Aò adee rasiranyreki, jiarÿ ariwyònykre teròwmy. Jiarÿ iximyna kaa retyyritinyre: Jiarÿ Paulo ariòwinykre. <sup>19</sup> Kai waòraru-ki ityhydÿÿdumy atximahāte. Kia tahe adee tuu ararybeòtyhy.

<sup>20-21</sup> Warybe mynamy ta kai bòwidÿÿkre Kristu òraru-ki, tai ta biwadeysanykre. Jiarÿ warybe rewahinyreri, araeryte, waixitòedÿÿna ratyre biwinykre. <sup>22</sup> Ijòmy adee arexitòenykre: wasÿ wagherina aheto-ki biwinykre. Deuxu-ò bexitòenykreki, tai jiarÿ aòhe-wana adeereny aròðsekre.

<sup>23</sup> Epafa wabiòwa ròtenawo-ribi adee riwehityhynanyreri (jiarÿboho kaki watzimyhÿrenyre Jesuisi Kristu Rybe òraru-ki), <sup>24</sup> tule Marku, Aristarku, Dema, Luka-wana riwehityhynanyreri. Kia ibutumy heka Deuxu-ò aòmÿsÿdÿÿdumy roire.

<sup>25</sup> Jesuisi Kristu làhāna awo-ki ratximyhÿre.



## Hebreu-ò Tyyriti judeu ityhydÿÿdu mahãdu-ò

<sup>1</sup> Juhuu Deuxu inytybyreny-ò rarybemy raremyhÿ. Deuxu rybe-ò ijohonadu-di tamy rarybere. Tule sôwemy aõna aõna wixira wixira rarybere tamy. <sup>2</sup> Tahe ikonana wiji txuu inydeereny tariõre diteõnykemy rarybera. Tii rarybere tybyderõwmy. Iriõre tahe ibutumy aõna aõna wedu rare. Deuxu iriõre kia rarekemy rarybere. Tii tule juhuu bede widÿÿdu rare. <sup>3</sup> Tii Deuxu loosõna tÿnydÿÿdumy ratxireri. Deuxu wesehyymy ihÿmyhÿre. Iriõre, taryberuru-di, ibutumy aõna aõna rimymy roimyhÿre. Iny òrarunareny riixãwididÿÿnymy rahudi, biu-ki Iolò Deuxu ruruna weribi ronyre. <sup>4</sup> Iriõre ranire niwihikÿmy. Tii dori ÿjuratyre awityhyre. <sup>5</sup> Tiu heka ÿju-ò rarybeõhyymyhÿre: —Kai wariõre tate. Bohyymy wiji wãhãre. Ijõ ritidÿÿmy rÿire, kawesemy: —Jiarÿ tybymy ararekre. Tii wariõremy rarekre. (Kia tahe ÿju-ò tii rarybeõhyymyhÿre.) <sup>6</sup> Iriõredela kabede-ki reareu ixityre ijõmy rarybere: —Ibutumy Deuxu ÿju tuu reãlakemy. <sup>7</sup> ÿjumy tahe kawesemy Deuxu rarybere: —Jiarÿ ÿjuboho tahe yhy ele elewesemy retxienyre, wadeõduboho heõtyloosõwesemy retxienyre. <sup>8</sup> Tahe tariõremy kawese rarybere: —Wariõre, Deuxulemy atxiteri. Kai ibutumy inyiõlõhyymy rare. Aruru tuedeõna debõna dire. Wiwesemy nonana-di ibutu-ò atximahãte, õbitimy. <sup>9</sup> Òbitaluumpy kai atximahãte òraruna deramy tahe atximahãte. Tai tahe Deuxu, aDeuxu amahãdu ratyre awimy teleta adee riwahinyre deysana. <sup>10</sup> Ijõmy Deuxu rarybere tariõremy: —Kai Wanyrÿ juhuu bede widÿÿdu tate. Bede ibutumy tewinyte. Tule biuludu aõmydÿÿnana tewinyte. <sup>11</sup> Kia bede aõmydÿÿnana ludu ibutumy rexihukemy. Kai tahe tiu atuedeõna. Iwese uwõhi retybyre wese, kia aõna aõna retybyke. <sup>12</sup> Tule wesirahana rawerasemy roimyhÿre wese ibutu tyy retybymyhÿre, rawitxiradÿÿmyhÿre. Kai tahe ixiwesehyy ahãte. Abede dÿÿnana tahe tiu itueõtyhy. <sup>13</sup> ÿju-ò Deuxu tiu rarybeõmyhÿre: —Bodonyke waruruna weribi. Aõludu mahãdu ako-txi resemyhÿkemy. Eõdumy rarekemy. Kiamy tahe tariõre-ò rarybere. <sup>14</sup> Ibutumy ÿju mahãdu Deuxu deõdu rare tyytyby wesemy rare. Deuxu diteõnyde ityhydÿÿdu mahãdu wiõhedÿÿmy tule ibutumy biu-ò hedu mahãdu wiõhedÿÿmy.

## 2

<sup>1</sup> Tai tahe, waseriõreboho, ityhyna rybe-ò rokoholarenyreki, tamy tahe rikimynrenykre rikityhynrenykre. Tai tahe iribi tiu røkõirenyõtyhy. <sup>2</sup> Ibutumy ÿju rybe inatyhymy raremyhÿ. Ibutu òrarudu rimyre aõhõkÿmydÿÿnana-ò irybe riywinyõreki. <sup>3</sup> Kia inatyhy rare. Tarasana rybe wityhy-ò rokoholarenyreki, timybo inyboho rikiõlõnyrenyke. Kia rybe wityhy Wanyrÿ Jesusile juhuu inydeereny relyyre. Idi tahe, ijohonadu mahãdu tuu rarybere tule. <sup>4</sup> Deuxu irybe myna rotÿÿnyre, rõbedeõbydÿÿnyre tai rõbedeõtiidÿÿnyrenymy tai Deuxu ruru ritÿÿnyre. Tule Deuxu Tatytybytyhy iaõwidÿÿnamy ixideewimy inymy riubÿtÿnyre.

<sup>5</sup> ÿju-dee aõkõ bede riwahinyre-kia iolõmy rarekemy. Jesusi-ò kia riwahinyre. <sup>6</sup> Juhuu inyõ rybe txiõdÿÿnamy rarybere: —Ritina-ki kia rybe roimyhÿre: —Aõbo heka hãbu tyhy riõre rare? Tii aõ aõkõ rare. <sup>7</sup> Ijõ bededÿÿnanaõ Deuxu riõre ÿju-ribi tyhymy aõkõ ihÿre. <sup>8</sup> Tahe wiji wowodyna tamy rawahire iwese iolò dee iny riwahinyre wese, tamy rawahire. Tule ibutu wedumy rarekemy. Iny ruereny dee ibutu ihõrõ aõkõ õsana rare. Ibutu rurudu wese aõkõ iny ruereny-ki rÿire. <sup>9</sup> Tahe inyboho Jesusimy robirenre. Tiile tuu ihÿre. Urihimyõ bede aõmydÿÿnana bedeu ÿju-ribi tyhymy aõkõ Deuxu tii relere aõhõkÿmy dÿÿnana rimykemy. Tahe rurure. Rubu riurihire inyderõwrenymy. Tai tahe rataana raheto wesenã Deuxu tamy riwahinyre deãlãna-wana. <sup>10</sup> Deuxu riwinyre ibutu aõna aõna ixidee. Tii kõkeki, bede ihoõhyymy roike. Tii ityhydÿÿdu mahãdu ridymyhÿre taloosõnasy-ò, taijoimy. Tai tahe Jesusi aõhõkÿmy rotÿÿnyre Deuxudeewireki. Tarasana wydydumy heka wityhymy Deuxu deledẽ aõhõkÿmy rotÿÿnyreki, tai awityhymy rõhõnykemy tarasadudikemy. <sup>11</sup> Òbiti widÿÿdu tahe õbitina mahãdu-wana wimahãdu wese roire. Wiwanale sohoji tybyribile doidenyde. Tai tahe raixÿruõlemy Jesusi seriõremy rininire. <sup>12</sup> Ritina-ki rarybere: —Ani aritÿnynykre waseriõreboho-ò. Dohodÿÿna heto-ki ãlanawiu-di adee ariwiunykre. <sup>13</sup> Ijõ Ritidÿÿna-ki rarybere: Tii arityhynhykyre. Ijõ: Kakile wahe watzireri, tule roire wariõre Deuxu diwahinynde. <sup>14</sup> Iwese ibutumy inyumu wiwesele roire wese, tule Jesusi umyõ rimyre, inyumu wesele, tai inywesemy rurukemy. Tai tahe rubu dinodumy rahaananyre, Diabo wahe. <sup>15</sup> Kia rubu mahãdu lau ruberumyhÿre mahãdu, ibrebu iribi ritare. Kia mahãdu dori rububrebu deõduhyymy ihÿrenyre. <sup>16</sup> ÿju aõkõ ritakemy namyhÿde, Abraõ riõre riõre ritakemy namyhÿde. Tahe wiji tule ihÿre. <sup>17</sup> Iseriõre wese hyymy roirekemy ihÿrenyre. Tii dori Deuxu Xiwena widÿÿdumy rarekemy inydeereny tai ruxetõena wahidÿÿdu õbiti

tii ihÿre. Ibutumy iny òraru òwydÿÿnamy rÿimyhÿkemy. <sup>18</sup> Ibutumy ixiradÿÿna mahädu tii riwiòhenanymymhÿre, ibutumy ixirana-di aòhòkÿmy rotÿÿnymyhÿreki.

### 3

<sup>1</sup> Tai tahe, waityhydÿÿdu seriòreboho, bohولاتyhyke Jesuisi rybe-ò. —Kaiboho dori tule bimbybenykemy biu bede aòmÿsÿdÿÿna. Jesuisi iny ityhydÿÿna Xiwena wahidÿÿdu wedu tyhy rare tule inatyhyna deòdÿÿna tyhy tii rare. <sup>2</sup> Deuxu tii riwinyre Xiwena wahidÿÿdu wedumy. Tai tahe tii òbitimy riywinyre Moisesi riywinyre wese Deuxu sÿmahädüy-ki raaòmÿsÿdÿÿnymyhÿre. <sup>3</sup> Jesuisi-ò tahe sòwemy wowydyna rawahikremy. Moisesi wowydyna ratyre rawowydynanykemy. Hetowidÿÿdu iny riwowydynymhÿre, hetoratyremy. <sup>4</sup> Ibutuheto iwidÿÿdu dire. Ibutu widydu tahe Deuxu rare. <sup>5</sup> Moisesi Deuxu heto-ki òbitimy rybe riywinyryhÿre teòdu aòmÿsÿdÿÿnanamy. Tai tahe teòsidÿÿna ririre ijesenareki. Deuxu rybe tÿnydÿÿdu tahe Moisesi rare. <sup>6</sup> Kristu tahe Deuxu sÿmahädu wedu rare Deuxu riòre rareki. Inyboho Inynryÿreny-ò ròkòtyhydÿÿrenyeki tuu rokoirekre. Tai iny brebutererenymy iny raròsònareny inatyhymy rakatximyhÿrenyeki tahe Deuxu ijoi inyboho roire. <sup>7</sup> Kiawesemy tahe Deuxu Tytybytyhymy narybede: —Wiji tahe tamy bohobabenyke aworeny iòlududÿÿrenyòmy. <sup>8</sup> Judeu mahädu wesemy aòkò boibeke, tybyboho wesemy aòkò wahe boibeke. Tiiboho dori tamy raujòmomyhÿre bedero-ki Deuxu riurihiirenyre. <sup>9</sup> Deuxu rarybere: —Aòbede wiwihikÿ rewinyre häre, alabierena riwaxtenanyreny tamyreny watxireri iny inatxiwaitue beòramy aòbedewiwihikÿ riraòmymhÿre. <sup>10</sup> Tahe Deuxu rarybere: —Waky reamy tamy wàhäre. Tiu heka wawana ratxiòhymyhÿre ryòbiti tamy retÿÿnyre härele. Tawo-ki teòsahymy ratximyhÿre. <sup>11</sup> Deuxu rarybere: Waky reatyhymy tai tahe ixidee resere, inatyhymy rarybere: —Tiu tiiboho elehyna bede-ò ralòòtyhy. <sup>12</sup> Bexiijebenymy waseriòreboho uritere awo-ò ròtedÿÿòmy raykyitxÿtena. Kia òraru-ki aDeuxutyhy-ribi irehemy bexilòhòrarienyheny aDeuxu tyhy dori irumy ratximyhÿre. Tii inatyhy rare. <sup>13</sup> Txuò txuòlemy wii biòbitinybenyke. Òraruna dori itxenadÿÿdu nihikÿ rare. Tai tahe wiji kiamy botÿÿnybenyke. <sup>14</sup> Deuxu rikityhynyrenyhyymy rakatxirenyke. Irybe rikiywinyrenyky rakatxirenyke iwese juhu rityhynyrenyra wese. Kia wesekeki, Kristu leinamy rakatximyhÿrenyke. <sup>15</sup> Kiawesemy tahe Deuxu Tytybytyhymy narybede: —Wiji tahe tamy bohobabenyke aworeny iòlududÿÿrenyòmy. Iwese ihetxiu mahädu riwinyre wese aòkò boibebenyke. <sup>16</sup> Timahädubohe roholare Deuxu rybe-ò iribi tahe wimy raòludure. Kowa Egito bede-ribi doimyhÿde mahädu roire. Moisesi tamahädu-wana doimyhÿde. <sup>17</sup> Mobohe Deuxu kyaradÿÿdure 40 wya sòwe. Kia mahädule bederayhikile rexihure raòrarunyeki. <sup>18</sup> Moòbo Deuxu rarybere taelehyna bede-ò ralòòtyhymy? Rybe ywisidÿÿdukòdu mahädu-ò rarybere. <sup>19</sup> Inyboho tuu rieryreny. Rirònyrenyòremy rityhynyòrenyeki.

### 4

<sup>1</sup> Deuxu juhuu rarybere: —Inyò taelehynabede-ò ralokremy. Inatyhymy heka aòmÿbo rarybere rÿire. Inyò òsana kaibohoò tamy rehemynyòtyhy rityhynyòmymhÿrenyeki. Tai tahe bexityhynymhÿbenyke kia-ò. <sup>2</sup> Inydeereny tahe Rybewihikÿ tÿmyra ròhònymy roimyhÿre, iwese Moisesi mahädu-ò ròhònyre wese. Tamyreny tahe awityhymy aòkò tamy ròhòtynymhÿre rityhynyòhymyhÿreki. <sup>3</sup> Deuxu tyhydÿÿdu mahädu ralòke taelehyna bede-ò. Deuxu dori rarybere: —Jiarÿ inatyhymy anarybede. Iny rityhynymhÿrele tamy ralokre. Deuxu kiamy rarybere: —Taelehynabede tamy rewinyre xiery juhuu bededÿÿnana rewinyry roireu. <sup>4</sup> Inyboho rierymhÿrenyri tii riraòmymhÿremy Ritidÿÿna roireki: —Deuxu taelehyna-ki ele rihynyre debòinatxixu bededÿÿnanamy. Taaòmÿsÿdÿÿna ibutumy rahure aòbo riwinykemy idi raremhyÿ riwinyre. <sup>5</sup> Ijò rybe tule kia-wana roire: —Tiu ralòòtyhy waelehyna bede-ò. <sup>6</sup> Tuu heka Deuxu rarybere inatyhy raremy. Ijò mahäduò ralòmymhÿre Ijò mahäduò ralòrenykre. Moisesi mahädu tahe ralòòre Deuxu rybe riywinyòreki. <sup>7</sup> Wiji bededÿÿnanamy heka Deuxu rarybereri. Kia rybe rare iwese Davi rarybere wese: —Wiji tamy bohobabenyke, aworeny iòlududÿÿrenyòmy. <sup>8</sup> Josue ridyre Moisesi mahädu Suwitxiraò-ò. Kasu tahe kabede aòkò rare Deuxu elehyna bede. Deuxu idihy tuu rarybereny ihÿre. Wijina ròtena bededÿÿnanamy Deuxu rarybemyhÿre. <sup>9</sup> Tai tahe Deuxu mahädu dee elehynasu bede roimyhÿre. Deuxu elehynatxu wese heka rare, iwese Deuxu debò inatxixu-di rexielehynyre wese. <sup>10</sup> Iwese Deuxu raelehynanyre wese raelehynanyre inyboho taaòmÿsÿdÿÿna-ribi, inyboho rukururenykre. <sup>11</sup> Awityhymy rokoireke tamy rikirònyrenyky tule. Rekeixijerenyke. Deuxu rybe rikiywinyòrenyeki iwese judeu mahädu wese rikirònyrenyòtyhy. <sup>12</sup> Ibutumy Deuxu inydeereny rarybere iruru dire. Iwese mayrehe wiòtxureemy rÿrira wese Deuxu rybe rare. Inyrayky wydyna riòròmymhÿre, òhòti wydyna-wana. Mayrehe rayky riraynymhÿre aòmÿbo inyrayky Deuxu ibutumy rierykemy. <sup>13</sup> Ibutumy Deuxu rierymhÿre inyraykyreny. Iny Deuxureny irumy

ihÿre. Ibutumy aõna aõna tamy itÿnyhÿkÿle rare. Aõ heka iwasi aõkõ tamy rare. Ikonanau ilau ibutumy aõhebo iny rotÿÿnymyhÿnyre rikitÿnynnyrenykre.

<sup>14</sup> Jesuisi Deuxu riõre iny xiwenadÿÿdu tyhy rare. Tii rare biu-ò iny wiõhedÿÿmy. Tai tii rikitÿhynnyrenyhyymyhÿke. <sup>15</sup> Tii iny aõkõnareny rierymyhÿre; ixiradÿÿna rierymyhÿre tai iny rixuretõenyre. Tii kabede-ki tiu heka raõrarunyõhyyre, ixiradÿÿna hãrele. <sup>16</sup> Tai tahe rekixetõenyre rekexitõenyrenyke iny iõlõreny rynana-ò. Tai tahe ruxetõena sõwemy inydeereny kidiwahinykre. Bedeõbyna kidiõkre tuu rokorurenykreu.

## 5

<sup>1</sup> Hãbuõ Deuxu rimyre xiwena widÿÿdu mahãdu wedumy rarekemy. Tii ibutu iny derõwumy Deuxu-ò rybedumy raremyhÿ. Tii iny uriõnosõna Deuxu-ò riwahinyre. Tule õaruna brõ-ki xiwena tamy riwahinyre. <sup>2</sup> Tii dori hãbu rare tamahãduren-ò dori ywina-di ixi-ki ratxireri iõrarureny rierymyhÿreki. Imahãduõ ibedeeryõre iÿõ tahe reõsamyhÿre tiemy aõna aõna bina riwinyhyymyhÿre. <sup>3</sup> Tai tahe xiwena riwahinyhyymyhÿre tamahãdu õraru-ki tule ixiõraru-ki. <sup>4</sup> Inyõ ixideewimy aõkõ xiwenawidÿÿdumy raremyhÿ Deuxudeewi xiery tahe tuu rareke. Deuxu tamy rarybemyhÿrekile tahe tuu rÿike. Iwese Araõ-ò Deuxu rarybere tuu rarekemy. <sup>5</sup> Tahe Kristu tule reximyõhyyre xiwena widÿÿdu wedumy rarekemy Deuxu tuu rimymy rarybere: —Kai wariõre tate wijile kai inihe anatare. <sup>6</sup> Iÿõ ritina-ki iÿõ rÿire: —Kai xiwena wahidÿÿdu atximahãte urenana. Xideki xiwena wahidÿÿdu wesemy atximahãte. <sup>7</sup> Jesuisi kaki raremyhÿu hãbu wesemy iruberitynny rexitõenyre reãlamyhÿre. Rahinymy riajuamy Deuxu-ò rarybere. Tii heka Deuxu rityhnyre tai tamy roholare. <sup>8</sup> Deuxu riõre heka tii rarehãrele tahe aõhõkÿmy rotÿÿnymyhÿre. Tai tahe rõeryre rybe ywidÿÿmy. <sup>9</sup> Tii heka raõbitinytyhyre. Tai tarasana widÿÿdu rÿimyhÿre iywidÿÿdu ityhydÿÿdu mahãdu dee. <sup>10</sup> Deuxu dori tii rimyre xiwena wahidÿÿdu wedu rÿirakremy Xideki wesemy.

<sup>11</sup> Sõwemy tuu adee ararybekemy watzireri. Urile adee isirare ierysna, teeryõhyymy taholamahãte. <sup>12</sup> Kaiboho ihetxiu tetyhynnytenyete. Tahe inyõ bibedeerynybenyke. Ihãre tahe teernanyõhyymahãte. Ihymy textiõkesedÿÿnyta tai tahe inyõ anaerynanykemy adi ratxireri timybo ityhydÿÿdu-ki tatemahãmy. Juhuu erydÿÿna wahe. <sup>13</sup> Tohouã howÿtõdu weselemy atximahãtenyete, ityhydÿÿdu aõmydÿÿnana teerytyhyõmahãtenyete, rybeerysydu õbiti aõkõ atximahãtenyete. Kaiboho taumnyõmahãtenyete iwese ityhydÿÿdu mahãdu rÿirawesekemy. <sup>14</sup> Deuxu erysynatyhy inyumy rÿsÿna wesemy roire. Aõbinahakÿ aõwihikÿ erysyduõle kia rÿsÿna roire, tiilboho dori rierymyhÿre aõbo awire aõbo ibinare, tuu rotÿÿnyrenyre aõbo awireki.

## 6

<sup>1</sup> Tikiemy juhuu Kristu rybetyhynamy araerynanyamahãre. Rekexitõmonyrenyke. Iwitxira erysna rikieryrenykeny. Tai tahe rakaumnyrenyke ityhydÿÿdu tyhymy ityhydÿÿdu rurudÿÿna-di. Inyõ rarybemyhÿre. Iny raõbitiny ratxike xiery iny ratakemy ihÿre. Kia aõmydÿÿnana reerydÿÿnanyõkre tahe. Iny rityhynnyhÿkekele iny ratakemy. <sup>2</sup> Ratisebenamy heka anaerynanyõkre, tule debõldisiny, tule rubu-ribi ixixanamy, tule bede konana ritxuakre txumy ibutumy heka tuu ararybeõkre. Tii heka juhuu erydÿÿna rare. Kaiboho dori teerytenyete. <sup>3</sup> Wanyrÿ dee wikeki tahe iwitxira erysna heka ariwiuronykre. <sup>4-6</sup> Inyõ biu-ribi loosõna wahidÿÿna riurihimy ritakeki. Deuxu Tyytybytyhy aõmydÿÿnany iÿõ ritake wana, Deuxu rybe riurihike wana, kowa bede wihikÿ ruru rieryke wana. Tii ibutukeki tahe Deuxu-ribi tahewo-ò dõõsede inatyhyna ririre. Isiratyhyhyyre ixityre rõte taõraruna Deuxu-ò relyõdytyhy. Tii dori Deuxu riõre ixityre itxeõnihikÿ-ki ritidire, inyru-ò ritidire ibinamy rarybemyhÿre. <sup>7</sup> Biu heka suõ risebenymyhÿre. Õwõrutu iribi ritxuhudÿÿnymyhÿre tõbõrõdÿÿdu-ò. Aõratybo raratnyekeki tahe Deuxu bedeõbydÿÿna kia rare. <sup>8</sup> Tahe edewewaju kidiwahinykeki, awiõre heka inydee kia sumy ibinamy rarybere. Urile roomyhÿre. Kia suu tahe iny ityhyna ririre mahãdu wese rare.

<sup>9</sup> Kia wese jiarÿ urile rarybereri. Ihãrele tuu aõkõ umyreny rahõtinyreri. Inatyhymy rahotinyreri kaiboho aõ õbiti tewinymahãtenyemy. Iwese tarasana mahãdu wesekemy kaiboho ahãtenyete. <sup>10</sup> Deuxu dori õbitityhy rare. Kaiboho tamy taaõmysÿdÿÿnihikÿmahãtenyete tai aribireny tõhõti rosaõtyhy. Iwese Deuxu-ò aluunareny teteõsinyta wese ityhydÿÿdu seriõre tewiõhenanytenyeteki ihãre tadiwiõhenanyamahãte. <sup>11</sup> Wiluu hyymy boibeke bede dÿÿnana konana-ò. Tuu aruhymahãre. Tule iny rarõsõnareny-di mohõtinybenyke. <sup>12</sup> Tai tahe ityhydÿÿdu aõmydÿÿna irisirenyõmy boibeke. Õbiti widÿÿdu iele ele aõkõ rare. Rityhnyreri Deuxu wahisidÿÿna ritakremy iwese Deuxu rarybereki. Kaiboho õbiti widÿÿdu mahãdu wesemy ahãbenyke.

<sup>13</sup> Deuxu Abraõ-ò rarybereu, inatyhymy ixideele rarybere. Inyõ dori Deuxu ratyremy ratxiõmyhÿre. <sup>14</sup> Kawesemy rarybere. Deuxu tiemy ixirybe riwinyhyymyhÿre Inatyhymy

anabedeòbynykre, idi anaixijuradÿnykre tai ariokoreõ rasòwekremy. <sup>15</sup> Tahe Abraõ riraòmyhÿre, raeleleòmy. Idi Deuxu tarybe myna rotÿnyre. <sup>16</sup> Inatyhymy aõmy inyõ rexirybenykreu aõmy rarybekre. Kai tahe aõ ijyy riixãwididÿnymyhyre. <sup>17</sup> Deuxu tule ix-idee rexirybedÿnyre inatyhy rybe-di. Tai rybe tarasadu mahãdu rierymyhÿre Deuxu raw-itxiranyòtyhy. <sup>18</sup> Inatxi aõmydÿnnana iny rieryreny. Deuxu rarybere-wana tiu raruiòtyhy. Tai tahe inyboho inyararòsònareny rimymyhyre. Iny ixiwòtena-ò ralòmhyhÿre tarasana-ò ralòmhyhÿre wese. <sup>19</sup> Inywo-ki inyrayky wiòhedÿydu ijòdire hãwòjurasa rimymyhyre wese iny roire Jesuisi koludu wesemy inydeereny ralòmhyhÿre wesirahana webòrò-ribi, Deuxusÿ wahe. <sup>20</sup> Jesuisi juhoo ralore tai. Tai tahe Jesuisi Xiwena wahidÿydu wedu rÿihyymy Jesuisi tahe Xideki axi weseò xiwena wahidÿydu.

## 7

<sup>1</sup> Xideki tahe Salè hãwã iòlò rare. Deuxu Tyhydÿydu Xiwe wedu rare. Abraõ heka aõbina ritara. Xideki ròhònyre itxi reakemy, tahe ribedeòbyrybedÿnyre. <sup>2</sup> Tai Abraõ tamy riwahinyre ibutu aõbina aõmydÿnnana-ribi, debòwiò-ribi sohoji riwahinyre, Xidekini tahe òbiti Iòlò rare iwitxira rybe-ki. Salè hãwã Iòlò tahe ywina nodu rare iwitxira rybe-ki. <sup>3</sup> Tybyòre, iseòre, isÿòre. Tii heka itxu ròhònyòhyre tule bedekonanaòhyre. Tii heka Deuxu riòre weselemy ihÿre. Tii Xiwena wahidÿydu urenana ratxihyymyhyre.

<sup>4</sup> Kaiboho mohòtinybenyke tímbo tii aõnityhymy raremyhÿdi. Abraõ inytybyreny tamy diwahinyde: debòwiò aõmydÿnnana-ribi sohoji tamy riòre. Iòlò taòludu aõbina aõbina aõmydÿnnana-ribi tamy riòre. <sup>5</sup> Xiwena wahidÿydu mahãdu Levi sÿriòre mahãdu-ribi doidenyde. Tamy bede ywina riywinymy riteònyre debòwiò-ribi sohojina ritakemy iny-ribi. Taijoityhy-ribi. Tiiboho dori Abraõ sÿjijoiuludu tule roire. <sup>6</sup> Xideki tahe Levi sÿjijoiuludu aòkò rare. Ihãrele tahe Abraõ tamy debòwiò-ribi sohojina riwahinyre. Xideki tahe bedeòby rybe-di heka Abraõ rirybedÿnyre. Abraõ juhoo ityhydÿydu rare Deuxu dori tamy ityhyna rybe riwahinyre. Xideki tahe ityhytyhy rare. Aõhe inatyhy? <sup>7</sup> Bedeòbmy rybedÿydu aõnityhy rare. Moòbo rarybemyhÿre ratyre aõnityhy rare. Ibutumy kia ri-erymyhÿre. <sup>8</sup> Levi xiwedÿydu mahãdu hãbumy ituerenye. Xideki tahe ruruòhy ihÿre. Kia ritina-ki roimyhÿre. <sup>9</sup> Levi debòwiò-ribi sohojina tarasadu rare. Ihãrele tahe Abraõ teròwmy debòwiò-ribi sohojina riwahinyre. <sup>10</sup> Levi dori natibienyòde, ihãre Abraõ-ki ratximyhÿ iu witxi Xideki-wana witxi reareu.

<sup>11</sup> Bede ywina rybe xiwedÿydu mahãdu-wana iny rataòtyhy. Tai tahe iwitxira xiwe wahidÿydu inyboho riijemãhãreny. Araõ ijoji ribi aòkò nade, Xideki nade wese tahe Kristu nade. <sup>12</sup> Xiwena aõmydÿnnana rawitxirakeki, tule rybe bede ywina rawitxirake. <sup>13-14</sup> Inynyrÿ tahe Levi xiwehahidÿydu mahãdu-ribi aòkò nade. Tii juda mahãdu-ribi nade. Tiiboho heka tiu xiwehahidÿydu mahãdu-ki riwiòhedÿyòhyymyhyre. Moisesi dori tamy kia aõmysÿdÿnnana riwahinyòre. <sup>15</sup> Kristu iwitxira xiwehahidÿydu ròhònyre Xideki wesemy raremyhÿ. Tuu heka teerytenyde. <sup>16</sup> Tii heka bede ywina rarybere wesemy aòkò nade. Tahe iwitxi rare. Tii umy witxira tuedeòna-di nade. Kia ruru òraru-ki nade. <sup>17</sup> Rybe riti-ki rÿire, Kristumy rarybere: Kai xiwehahidÿydu mahãdu tate Xideki wesenamy ahãte. <sup>18</sup> Aõmydÿnnana tyby rawitxiradÿyde awimy aòkò dori rare. Irurudimy aòkòre dori rÿire tarasana wiòhedÿymy aòkò. <sup>19</sup> Kia iny riòbitidÿnyre aòkò. Wiji tahe raròsòna wihikÿ ròhònyre inydeereny Kristu dori Deuxu-ò inatyhymy iny ridymyhyre. <sup>20-21</sup> Deuxu rexirybedÿnyre inatyhymy Kristu xiwena wahidÿydu rarekemy. Tahe iwitxira xiwenadÿydu aòkò kiawese narybede. Kristu-ò tahe Deuxu rarybere: — Deuxu rexirybedÿnyre. Tiu rawitxiranyòtyhy arybe. Kai xiwena wahidÿydu atximahãte urenana. <sup>22</sup> Tai tahe Jesuisi riòludunyre wijina aõmydÿnnana tÿmyra. <sup>23</sup> Xiwedu sòwekemy idi ròhòtinymyhyre, ijò rurumyhyreki. Ijò tahe teròwmy ralòmhyhÿre. <sup>24</sup> Jesuisi tahe xiwena wahidÿydu mahãdu-ribi ròhònyòtyhy. Kristu tahe aõu aõu ratxihymy rarekre. Tai ixiwè òlòdÿnnamy aõu aõu iweselemy rarekre. Ijò-ò tiu raòtyhy. <sup>25</sup> Tai tahe moò Deuxu-ò Kristu-di kanakeki, tii tahe Jesuisi ritalekemy ratximyhÿre. Tii dori Deuxu-ò inydeereny rexitòenyhyymyhyre.

<sup>26</sup> Tii dori iny deròwmy rarehyymy rareke Deuxu sÿdee. Jesuisi biu-ki ronymyhyre Deuxu-wana. Sÿwihikÿ worana bedehesina-ki ronymyhyre urenana. Tai tahe tii xiwenadÿydu wedumy inyboho rurumyhyreny. Tii òbiti rare, tyrare, iòraruna-ki aòkò, òrarudu mahãdu-ribi hitximy. <sup>27</sup> Xiwena wedu txuò txuòlemy xiwena diwinymyhyde juhoo taòraru hetydÿnnamy riwinymyhyre idi tahe ibutumy inyòraru hetydÿnnamy riwinyre. Jesuisi kia Xiwena wedu wesemy aòkò ihÿre. Tii xiwena wahidÿydu mahãdu-ribi lahixi rare. Sohojihy dori xiwenamy rexiwahinyre rubu-ò ikonana xiwena wahe. Tii txuò txuòlemy aõ rubu xiwe wesemy riwahinyòre, iwese iwitxira xiwedÿydu riwahinyre wese. Juhoo taòraruna òraru-ki raxiwenyre idi iny òraruna òraru-ki raxiwenyre. <sup>28</sup> Bede ywina hãbule

ritidire xiwena wedukremy. Hâbu tahe iruruõre idi tahe sohoji rybeõtyhy bede ywina hewomy nade. Kia tahe Deuxu riõrele tuu risÿnyre, tii õbitityhyreki.

## 8

<sup>1-2</sup> Kiamy heka jiarÿ rarybere. Kia awese iny xiwena wedu ijõdire. Iòlò tarynana-ki ronmyhÿre. Jesusi tahe Deuxu ruruna-ribi ronyre. Itheto-di itxeredu tahe Jesusi rare. Deuxusÿle iyrubudÿÿdu rare. Kia hâbu aõkõ riwinyre Deuxule riwinyre. <sup>3</sup> Kristu iheto raroowo-ki Deuxu deewina riwinyryhÿre. <sup>4</sup> Kristu kabede-ki ratxikeki tii xiwena wahidÿÿduõmy aõkõ ratximyhÿke. Kabede ludu dori bede ywina rybe riritinyryhÿre wesemy riwinyryhÿre. <sup>5</sup> Tiiboho biu aõmydÿÿnana wesemy urihimyõlemy aõna aõnamy rotynymyhÿrenyre. (Deuxu Moisesi-ò riteõsinyre aõwesemybo tealàna heto-ki raremhyÿ. Tai tahe Moisesi riwinykemy timybo riteõsinyre wesemy hâwâlò ratyÿ-ki riteõsinyre.) <sup>6</sup> Kristu tahe iwitxira aõmysÿdÿÿna iaõmysÿdÿÿnare. Bede õtidÿÿna urenana heka Kristu aõmydÿÿnana ròimyhÿre bede ywina widÿÿdu aõmydÿÿnana ratyremy ihÿre. Kristu tahe bede ywidÿÿna tÿmyra riwinyre Deuxu iny-wana heka widee rilorore. Deuxule rarybere tahe juhoo-ribi awityhyre irybe. <sup>7</sup> Juhoo bede ywidÿÿna awi aõkõ rare. Awikeki tahe ijõ tÿmyraõ rõhõnyõtyhy. <sup>8</sup> Deuxu dori ihetxina-ki tamy awimy aõkõ ihÿre. Kawesemy dori rarybere: —Txuõ kanakreu tahe, bede ywidÿÿna tÿmyra aritobinykremy Juda sÿmahâdu-wana judeu sÿmahâdu-wana. <sup>9</sup> Bede ywidÿÿna tÿmyra ihetxina-ribi iwitxira rarekre. Ihetxina retobinyre tybyreny-ò. Iu Egito-ribi retareu, retobinyre. Tiiboho bede ywidÿÿna tÿmyra-ò rieriõre. Tai riywinyõre bede ywidÿÿna. <sup>10</sup> Kiawese bede ywidÿÿna tÿmyra rarekre, Wanyrÿ Deuxu rarybere: —Wabede ywina iraykywydyna-di ariritinykre iwo-ò aritidikre wabede ywina. Jiarÿ iDeuxumy ararekre, tule tiiboho wasÿ ijoimy roirekre. <sup>11</sup> Kia txuõ rahukredi tahe ibutumy riwaerykre tasõmo-wana, tanihikÿ-wana. Tiu wii rierynanyõtyhy Wanyrÿ Deuxumy. <sup>12</sup> Ruxetõena tamy ariwahinykre taõrarutedenamy. Iõrarureny ibutumy wanohõti iribi rosakre. <sup>13</sup> Bede ywidÿÿna tÿmyramy Deuxu rarybereu, ihetxina retybyra raseruserunyra. Taita awiõra heka.

## 9

<sup>1</sup> Juhoo bede ywidÿÿna-ki bede rybe ritina rÿimyhÿre Deuxu-ò dealàna timybo rawahinykemy. Tule rÿimy raremhyÿ tykyheto bederahy-ki. <sup>2</sup> Iwo-ki inatxi rareamy rÿimyhÿre. Juhoo irareasana-ki Deuxu iõhõnasÿ heka inire iwo-ki tahe adÿÿ loosõna rÿimyhÿre. Tule tii paõ brebuna deõtõna õwõrubesetyre-ki rÿimyhÿre. <sup>3</sup> Tyky ijõtõbõna hewo ludu rareasa tahe Deuxu sÿle inire. Òkõsy nihikÿ rihitxinyre ijõ-ribi. Tule tahe õwõruwodÿÿõ rÿire womati tÿrÿrÿÿhÿkÿle ihetyre. Iwo-ki tahe xiwena deõtõna. Tai riwosinyryhÿre tÿnyre reakemy. <sup>4</sup> Òwõrudÿÿrawo-ki tahe womati tÿrÿrÿÿhÿkÿ butxi riõre ibõbese-di rÿire, iro-ki ihina rÿire mana ta irybereny-ki inire. Tule Araõ hoju rÿimyhÿre tai ruhunymy raremyhÿ. Tule bede ywidÿÿna riti mana tyre-ki tai roimyhÿre. <sup>5</sup> Tule iratyy tyre-ki rÿimyhÿ ÿju ritxoo inatximy. Teubrorodile tahe riwõmyhÿre. Òwõru wodÿÿ ratõbõna tikibo Deuxu iny õraruna riixawidÿÿninyryhÿre wahe. Tahe tuu rÿybeõnyrenykre kia aõmydÿÿnana tai rÿiremy. <sup>6</sup> Kia ibutumy rexihureu xiwena wahidÿÿdu mahâdu ralõmyhÿre juhoo rareasanawo-ki taaõmysÿdÿÿna tyhy widyymy. <sup>7</sup> Ihewoludu rareasana-ò iwedule ralõmyhÿre. Beõra bededÿÿnana sohojimy sohojile tamy ralõmyhÿre. Irõdu riwinyryhÿre ihâlubu ritxiwikemy xiwenamy. Taõraru-ò iny wixira õraru-ò tule. Inyõraru-ki tii mahâdu aõna aõnamy rotÿÿnyrenyre rexierenyõhyylemy, kiabro-ki. <sup>8</sup> Deuxu Tyytybytyhy kia ijyy-di iny ribedeernymyhÿre. Juhoo tyky heto rÿireu, inybohoõ heka Deuxu iõlõnasÿ-ò ralõmyhÿre. <sup>9</sup> Kia heka wijina bedeernyare. Juhoo dori xiwena wixira wixira wahidÿÿna wixira wixira uriõno rare. Kia urile iwahidÿÿdu iwo irayky-wana riõbitinyõhyre. <sup>10</sup> Juhoo ludu aõmydÿÿnana bede ywinala rare. Rawitxirakekile tahe rõhõnyke. Tii tahe rÿÿÿna bede ywinamy rare, monatyhy bede ywinamy, aõna aõna surona bede ywinamy. Iny kia bede ywina ibutumy rityhinykemy rÿimyhÿre.

<sup>11</sup> Kristu dehemyndeuy, iu tahe rawitxiradÿÿre. Kristu Xiwena wahidÿÿdumy ratximyhÿre. Tai tahe ibutumy rawitxiradÿÿmy roimyhÿre. Tii ralõmyhÿre tyyheto tÿmyra-ò. Itÿmyra tahe biu-ki rare. Kabede-ki aõkõ ihÿre; hâbu iwidÿÿdu aõkõ rare. <sup>12</sup> Kristu ralore Deuxu Tyytyby sÿnawo-ò tahâlubu õrarukile ralore. Sohojihyyle ralore iny tarasanarenymy inydeereny riwahinykremy. Irõdu hâlubu-di aõkõ ralore, broreni riõre-di aõkõ, budoeni hâlubu aõkõ wahe tahâlubudile. Tai iny tarasanareny rimyhyre. <sup>13-14</sup> Juhoo budõe broreni Oriõre hâlubu-di raxiwenanyreny. Broreni bryby riubÿtÿnyre iny tyre-ki iaõsusu-ribi rahõkemy. Juhoo xiwena iny taõraru-ribi risuhõkeki, iratyre tyhy Kristu hâlubu iny risuhõke. Tai iny raykybina bina ritamyhÿre tule inywo aõ aõkõ rare, ritamyhÿre. Idi tahe iny Deuxu irumy ratximyhÿre dee wimyri kiwinyrenykre. Tii õbitimy ihÿre iny dee rurekre.

<sup>15</sup> Kristu tahe bede ywidÿÿna tÿmyra wedu rare. Tai tahe ibutumy bede ywidÿÿna tÿmyra mahâdu namyhÿde ibutumy aõmybo rarybere ritakemy. Tii dori rurure iny òrarureny dire-ki ihetxiu bede ywina aõmydÿÿnana rÿimyhÿÿreu, tii rubu-ò rexiwahinyre. Tai inyboho òraruna-ribi rexitarenyre. <sup>16</sup> Inyò rurumyhÿÿre-wana tii iny dee ritinaò ririmyhÿÿre kia ritina rarybere: —Moòbo taaõna aõna riwahinymy ririkre. Iny rururemyhÿÿre xiery tahe, ritina awi rare. <sup>17</sup> Kia ritina aõ aõkõ rare iwidÿÿdu tyhy irumy ratxikeki, rubumy roimyhÿÿrele ritina aõ rare. <sup>18</sup> Tai tahe juhoo bede ywidÿÿna ijõ hâlubu txiwixina dire. <sup>19</sup> Moisesi Deuxu bede ywina wahidÿÿ rahudi, tii bede ywina tyre ritxiwire, iny ratytyre riubÿÿtÿnyre budoeni hâlubu-di broreni riðe hâlubu-di bewana riurinyry riubÿÿtÿnyre. Tule buddè siratykysò-di riubÿÿtÿnyre. <sup>20</sup> Iu tahe tuu rarybere: —Kia bede ywidÿÿna tÿmyra hâlubu rare. Deuxu wadee rarybere kaiboho bityhynkemy. <sup>21</sup> Tule tykyheto-ki hâlubu riubÿÿtÿnyre deâlâna aõmydÿÿnana-ki <sup>22</sup> Bede ywina rybe ditÿnynde ibutumy hâlubu-di risebenyre, hâlubu txiwixina ihoòkeki òraruna rexihuðtyhy.

<sup>23</sup> Kabede aõmydÿÿnana biu aõmydÿÿnana wesele rare. Tai tahe Kristu tahâlubu-di kia ibutumy risuhore. Tai iratyre tyhymy ihÿÿre. <sup>24</sup> Kristu heka templo hâbu widÿÿna-ò ralòðre. Kia tahe inatyhy heto aõkõ rare. Biu-ò Kristu ralore Deuxuko-ki kia tahe isÿÿtyhy rare. <sup>25-26</sup> Tii sohojihyyle heka rare iny òrarureny riixâwididÿÿnykemy rubu-ò rexiwahinyre. Xiwena wedu wesemy aõkõ ralòre. Kia xiwena wedu aõu aõu beòralemy hâlubu-di rara xiwemyhÿÿre. Kristu tahe sohoji hyyle rubu-ò rexiwahinyre. <sup>27-28</sup> Iny rurumyhÿÿre sohojihyylemy idi tahe Deuxu ywisidÿÿna hitxinatxu kanakre ibutu iny. Kristu rurure sohojile sòwemy iny òraru ixityre riatykemy. Inyò tamy retehemy riraõmyhÿÿre wana, tamy ixityre kanakre òraru ixâwididÿÿnany iny tarasanarenymy.

## 10

<sup>1</sup> Juhu bede ywina rybe urihimyoè iny ribedeerynyre Kristu aõmydÿÿnany. Bede ywina itÿnytyhymy aõkõ iny dee roire aõmybo Kristu inydeereny riwinykre. Ubòròròna wesemy inydeereny dobehede bede ywina. Tai tahe tiu iny riòbitinyðtyhy xiwena-di reamyhÿÿre beòra ihymy aõkõ. <sup>2</sup> Aõkòkeki beòra beòrau idi reaðtyhy. Aõkòkeki sohojihyylemy xiwena riwinykre. Sohoji bede dÿÿnanadile iòrarureny rexihuke. Tahe aõkòre beòra ihymy aõkõ xiwena-di reamyhÿÿre. <sup>3</sup> Tai tiemy òraru-di hyy heka røhòtinyinmyhÿÿre. <sup>4</sup> Broreni hâlubu, budoeni hâlubu òraruna rahuðtyhy. <sup>5</sup> Tai Kristu kabede-ò dehemynde, rarybere: —Deuxu, broreni hâlubu buddè hâlubu adee awimy aõkõ ihÿÿre. Tai tahe waumy teywinymy ahâte axiwenamy aroikremy. <sup>6</sup> Kai heka awimy tai tahaðhytte iròdu hâlubu xiwena-ki òraru tuedenamy. <sup>7</sup> Tahe jiarÿ rarybere: —Betehe inihe waumy rubu-ò rewahinyraò iwese ritidÿÿna rybe roimyhÿÿre wesemy, adeewina ibutumy arityhynkemy wahe. <sup>8</sup> Tai Kristu juhoo rarybere: —Deuxu, broreni hâlubu buddè hâlubu adee awimy aõkõ ihÿÿre. Tai tahe waumy teywinymy ahâte axiwenamy aroikremy. Kai heka awimy tai tahaðhytte iròdu hâlubu xiwena-ki òraru tuedenamy. Kia rarybere bedeywina rybe hârele. <sup>9</sup> Tahe ixityre rarybere: —Deuxu kakile watxireri adeewimy ariwinykemy. Juhoo bitake xiwena ihe-woludu ritidikemy, Kristu xiwena wahe. <sup>10</sup> Kristu rurure iny òraru-ki. Ixiwena sohojilemy rÿire tuhyy ramyhÿÿre Deuxu deewina wahe. Kabede ywidÿÿna tahe itÿmyra ihÿÿre. Tai tahe iny riòbitidÿÿny hyy rarekre. <sup>11</sup> Xiwedÿÿdu txuð txuðlemy rixiwenanymyhÿÿre. Tii tahe tiu inyòraruna ritaðtyhy. <sup>12</sup> Jesuisi tahe sohojihyylemy òraru xiwena riwinyre. Iny òrarunareny riixâwidinymy rahòtmy Deuxu rurunawe-ribi ronnyre, riowwydynymyhÿÿreki. <sup>13</sup> Tahe Kristu riraðmy ronmyhÿÿre. Taðludu ruru iribi ritakemy tawarawo-ò Deuxu ritidikemy. <sup>14</sup> Jesuisi dori sohoji xiwehy-di, iny riòbitidÿÿnyhyymyhÿÿre. <sup>15</sup> Deuxu Tytybytyhy tule kiamy rarybere. Kiawese ritidÿÿna roire: <sup>16</sup> —Kiawese bede ywidÿÿna tÿmyra rarekre. Wanyrÿ Deuxu ijõmy rarybere: —Wabede ywina irayky wydyna-ki ariritinykre, aritidikre wabedeywina iwo-ò wahe. <sup>17</sup> —Idi ixityre rarybere: Ruxetòena tamy ariwahinykre iòrarutuedenamy. Iòrarureny ibutumy wanohòti-ribi rosakre. <sup>18</sup> Òraru wanohòti-ribi rosareu, idi rehureu, tiu xiwena rÿiðtyhy tuu rahukemy.

<sup>19</sup> Katahe, waseriðe, rexexiuwaresemy rikirònyrenykre Deuxusÿ-ò. Tamy rexe-itònyrenykeny Jesuisi hâlubu dejuxuna òraru-ki sohojile rikirònyrenykre. <sup>20</sup> Jesuisi dori rytÿmyra riraynyre Deuxu-ò wesirahana yra-di ralòkemy. (Iwese xiwedÿÿdu wedu ralòmyhÿÿre wese, inyboho wiji ralorenyke.) <sup>21</sup> Tule iny xiwe wahidÿÿdu nihikÿ ijòðireny Deuxu heto-ki. <sup>22</sup> Tai rikitehemynyrenykre inraykytyhy ywinakemy inatyhynatyhy my òbitinatyhymy nohòtmy, rati betyhy ixâwina-di sebena-di inumyreny. <sup>23</sup> Inatyhyna rikiyrubunynyrenyke inyararòsònareny wahe. Aõbo Deuxu inydeereny riwahinykemy rikiraðrenyke. Tii dori inatyhy rare. <sup>24</sup> Tule widi røkòhòtinyinnyreki wiluurenymy rakatxirenykemy wiwiòhedÿÿmy rakatxirenyke. <sup>25</sup> Uritere ixihitxidÿÿðomy tamy beahyy rakatximahàrenyke. Ijõ dori dohodÿÿna-ò noderamy reamyhÿÿre kia awi aõkõ rare. Inyò

ryribi rexidòrarienyumhỹkeki, tamy rakarybemyhỹrenyke kòdòòsekemy ixyby. Inynyrỹtxu dori iòhòmy resera. Tai tahe sòwemy ròkòtòòsidỹỹnymhỹke.

<sup>26</sup> Iribi inyboho inatyhyna ibutumy rieryreny rahudi, tahe kia hàrele heka òraru-na-di rariamyhỹkeki, òraru-na xiwena roiòmyhỹre inydeereny iny òraru-na tarasana wahe. <sup>27</sup> Kia-ribi tule brebu rỹimyhỹre Deuxu ywisiidỹỹnatxu lau. Deuxu heòty ratyradỹỹdu lau ruberumhỹre. Kia Deuxu òludu rahukemy rỹimyhỹre. <sup>28</sup> Ruxetòena-di aòkò inyò rurure Moisesi bede ywina riywinyòreki. Itxereðu inatxi ada inataò-di aòbo raryberenykemy. Tai rirubunyre. <sup>29</sup> Kia-di dori mohòtinyinbenyke. Inyò Jesuisi rybe-di risinykeki, iratyremy ibinatyhymy rarekre tamy. Tii sòwetyhymy aòhòkỹmy rotỹỹnykre ibutu ratyre. Inyò Deuxu Tytybytyhy ruxetòena aò aòkòmy idi ròhòtinyinre ibinamy tuu rarybemyhỹre. Jesuisi hàlubu aò aòkòmy idi ròhòtinyinre ibinamy tuu rarybemyhỹre. <sup>30</sup> Deuxu kia rarybere: —Txiòhe iny òwydỹỹdu jiarỹ rare. Inymy jiarỹle arexiòwinykre.

Inyboho rieryumhỹrenyke kiamy rarybemyhỹre. Tii kiawese rare. Tule ijòmy rarybere: — Inynyrỹle taijoi-di ywisiidỹỹna-di riywisiidỹỹnykre. <sup>31</sup> Deuxu irumy rare. Tii brebuna-di tyhy rareke. Iu iny tamy ibinakeki, tii dori idi rehuke.

<sup>32</sup> Juhuu Kristumy teerytenyeteu, awimy heka ahàtenyete. Kia-ribi òhòti losarenyòmy. Kristu òraru-ki aòhòkỹmy tatỹỹnytenyete. Ihàrele tahe Kristu-wana hyy toitemahã. <sup>33</sup> Inyò umyreny robireu, tai akireny rutzuenyete, tule akireny òhòte itamadỹỹnyre. Ityhydỹỹdu seriòre mahãdu inyò aòhòkỹmy risỹnyreu, kaiboho tewotòenytenyete. <sup>34</sup> Inyò ròtenawo-ò ridykeki tai tewotòenmahàtenyete. Inyò ahòrò-di rawasinyreu, urile teysate. Ahòrò dori iratyre sòwemy rỹimyhỹre biubede-ki. Tai aòna aòna tiu rabinatỹtyhy. Kia teerymahàtenyete. <sup>35</sup> Uritere araròsòna-ribi awo xierysòmy. Kai dori urìòno nihikỹ bitakre. <sup>36</sup> Ywinihikỹ-di heka rokoireke Deuxudeewimy rikiwinyrenykeny. Tai aòwihikỹmybo Deuxu rarybere, rikitarenkyre. <sup>37</sup> Ritinamy tahe rỹire: —Txiokre inihe. Urihimyò biraòke. Kia kanakre inatyhymy. Tii raroorehenyòtyhy.

<sup>38</sup> Waityhydỹỹdu mahãdu òbiti iruhymy rỹirake, riwatyhynyrenyke. Inyò tahe ròòsekeki tamy wadeysaòtyhy.

<sup>39</sup> Inyboho heka tahewo-ò òkòsedu aòkò roire. Ityhydỹỹdu dori roire, iruhymy nodu, biu-ò hena mahãdu wahe.

## 11

<sup>1</sup> Aòbohe ityhyna rare. Aòna aònaò iny inatyhymy riraòmyhỹreu, kia tahe ityhyna rare. Inatyhymy dori kanakre iny rieryumhỹre, iny tuu robiòlemy. <sup>2</sup> Ihetxina mahãdu Deuxudeewimy tuu ihỹre, rityhynumhỹreki. <sup>3</sup> Juhuu Deuxu aòna aòna bede bedemy riwinyre. Iny inatyhy hynale kia rierymahàrenyete. Deuxu lobixiòna-di ibutumy aòna aòna riwinyre. Idi tahe lobixinamy ròhònyre iny itxerenarenymy. Deuxu rarybere. Tai tahe aòna aòna ritxienyete. <sup>4</sup> Taityhydỹỹna òraru-ki Abeli Xiweò riwahinyre Deuxu-ò. Kaí xiwedỹỹna ratyre tamy riwahinyre. Abeli rityhynyrenyke riwahinyre, tai tahe Deuxu reysare, òbitimy rareki. Tai ixiwedỹỹna Deuxu riwyyre. Abeli tahe rurure. Ihàrele, iwese tii ityhyna-di raremyhỹ wese rokoireke. <sup>5</sup> Enoi tatyhydỹỹna òraru-ki tiu ruruòhyyre. Enoi Deuxudeewimy riwinyre tuu Deuxu juhuu rarybere. Aòwesele iòmy reare. Deuxu ridymy rare. <sup>6</sup> Inyò ityhynaòkeki, tiu Deuxudeewimy aò iwidiỹòna. Inyò Deuxudee iòhòmy aòkò ròhòtinyinre, tii rityhynumhỹre inatyhymy Deuxu-wana ihỹre. Deuxu dori tamy rexideòsinykemy ratxireri. <sup>7</sup> Noe tule ityhyna dire. Tii hãwò nihikỹtyhy riwinyre. Aòhebo rotỹỹnykremy robiòhyyre. Ihàrele tahe Deuxu rybe rityhynyete. Tai tahe tasỹ mahãdu ritare rubu-ribi. Bedeludu mahãdu tahe rurure. Noe tahe Deuxu riòbitidỹỹnyre, ityhyna òraru-ki. <sup>8</sup> Abraò tule Deuxu rityhynyete. Deuxu ijò bede-ò diteònydeu, Abraò irybe riywinyre, rare taijoi-wana. Deuxu tamy rarybere suò tamy rihitxinykemy isỹmy. Tai Abraò rexitare, rare ihãwã bede ierykòna-ò. <sup>9</sup> Ityhyna-di rasỹnyre kia bede-ki. Tyky heto-ki rahetonymhỹre iwese ijò bedeludu witxira mahãdu rahetonymhỹre wese. Ibede rarehàrele tahe ihòròmy aòkò ròhòtinyinre idi tuu aòkò rexinohòtinyinre. Tariòre Ijai, Ijaò-wana rasỹnyre. Tamy tule Deuxu rarybere iwese tyby-ò narybede wesemy. <sup>10</sup> Abraò tahe hãwãò riraòmyhỹre. Deuxu widỹỹna hãwã biu ludu-ki. Kia hãwã Deuxu nohòti-ribi nyide. Kia hãwã dori tiu rabinamy rejuxunyòtyhy ihetotira kyhyna òreki. <sup>11</sup> Sara ityhyna dire. Tai ruru dire uladusemy ronykeny ibeòra sòwere hàrele. Tii tahe rityhynyete tuu raryberemy. <sup>12</sup> Sara iòhòmy irubu roire rasenadunyrenyke. Ihàrele tahe sòwemy rariòrerìòrenyete. Iwese taina rudera wese, ýnyra sòwewese.

<sup>13</sup> Kia heka ibutumy rityhynumhỹre. Idi tahe ituerenyete aò heka rimyòre Deuxu rybe lidisinaò. Ireheribile tuu robirenyete; reysarenyete. Tiiboho rarybemyhỹrenyete kabede ludu mahãdu aòkò raremy, isỹreny mahãdu aòkò raremy. <sup>14</sup> Tii heka rarunumhỹre sỹwihikỹmy tai raeryumhỹre tuu rarybereki. <sup>15</sup> Tamy wikeki riòkeserenyra inihe tahe aòkòre, noderare. <sup>16</sup> Wiji tahe tii sỹwihikỹmy biu-ki rarunumhỹre. Tii dori ijò ratyre rare. Deuxu isỹ wihikỹ riwinyre tai tahe inyò iDeuxurenymy rarybekeki, tai Deuxu tiu raixỹruòtyhy.

<sup>17</sup>Deuxu Abraõ urihixina-di reareu riwahinyre Ijai xiwenamy. Tariõre sohoji riywinmy rÿire xiwenamy rurukremy. Tii Deuxu rybena-ki iriõre rarehãre. <sup>18</sup>Deuxu dori juhũu rarybere: —Ariõre Ijai ariokoretybimy rarekre. <sup>19</sup>Abraõ dori rieryre Deuxu iruru dire rubu-ribi riixixadÿÿnyke, tii Deuxu rityhynyreki. Abraõ dori rõhõtinyre rawasenanyre. Ijai juhũu rubu-ribi ixixa wesemy reare, raumynyre. <sup>20</sup>Iribi tahe Ijai tyhyna-di rarybere Ijaõ dee, Ijau dee aõbo kabede-õ kanakremy aõwihikÿ wahe. <sup>21</sup>Iribi tahe tulye Ijaõ rarybere Jyje riõre dee, tariokoreboho-õ. Ityhyna-di rarybere. Ijaõ iõhõmy rubu-õ ihÿre, õwõru-õ reximymy rariamyhÿre. Tahe õwõru-di rexilamadÿÿnymy rÿire rexitõenykemy Deuxu-õ, riwowydynyremy wahe. <sup>22</sup>Iribi tahe tule Jyje iõhõmy rubu-õ ihÿre. Tule ityhyna-di rarybere judeu ijoi Egitõ bede-ribi kòdõhõnykemy. Tule tahe rarybere ririre titxibo itityby rÿikremy. <sup>23</sup>Iribi tahe Moisesi reareu, tybyboho iseboho riwõrenyre inataõ ahãdumy tatyhnarenny-di ihÿrenyreki. Moisesi itohouã ruxerare. Iõlõ rubudÿÿ bede ywina rybemy rarybere. Moisesi tyby-wana kia bede ywina rybe lau ruberuõhyre. <sup>24</sup>Moisesi raumynyre, Faraõ riorieremy noderare tii tatyhydÿÿna õraru-ki. <sup>25</sup>Tii heka tamywire Deuxu erydu mahãdu-wana aõhõkÿmy rotÿÿnykre. Urihimyõ õrarumy reõwarike derare heka rare. <sup>26</sup>Moisesi, Egitõ bede-ki aõna aõna wiwihikÿ rÿiramyhÿ derare. Iny tamy aõmy rarybehinamyhÿre. Tahe ibinamy rõhõtinyõmyhÿre. Kristu dori riraõmyhÿre, biu-ki uriõno idi rõhõtinymyhÿre. <sup>27</sup>Moisesi Egitõ bede-ribi rõhõnyre, ityhyna direki wahe. Ruberuõhyrmyhÿre heka tii iõlõ deburehekÿ lau. Iwese Deuxumy lobixiõnadu iko-txi robire wesemy, rõhõnyre. Tii tahewo-õ rõõseõhyre. <sup>28</sup>Moisesi heka Deuxu rityhynyre. Tai tahe pascoa worana bedehesi riywinykemy beõra beõramy rarybere. Hãlubu ijõ-õ ritxiwire. Tai jÿu heka iny riõre delareny rirubunyõre. Egitõ riõre delareny rurure tai. <sup>29</sup>Iwese surubu tyre-di reurore wesele judeu mahãdu Ahobesõ rawo-di reurore beõlemy. Iu Egitõ mahãdu reurõkemy rareu, urile bee idi raratõbõre. Kia riwinyrenyre ityhydÿÿnadireki. <sup>30</sup>Ijeriõ hãwã mana õtity nihikÿ resere judeu mahãdu rityhynyreki. Debõ inatxi reurõ txuumy hãwã rora-ki rariare tahe resere. <sup>31</sup>Raabe heka hãwyy uriuri ixidinodu rare, wedena wahe. Tahe Deuxu tyhydÿÿdukõdu mahãdu rexihureu, Raabe ruruõre tatyhydÿÿna-ki. Bede-di itxeredu riwõreki.

<sup>32</sup>Timybohe ijõmy ararybekre? Wasirare heka ibutumy tuu ararybekre, sõwerek. Kideõ ijo, Barake, Sansaõ, Ijete, Davi, Samueli, tule Deuxu rybemy rybedu mahãdu sõwere. <sup>33</sup>Kaheka ibutumy riwinyre tyhyna-di. Ijõ iõlõhãwã-di rahÿÿnanyre. Òbitina riwinyreny. Ritarennyre aõmybo Deuxu rarybere. Leaõry dori rirarytxinyre. <sup>34</sup>Rirõnyre heõtitywo-txi ihãrele ruruõreny. Mayrehe rubudÿÿna-ribi rexitarennyre. Bina-ribi ixby rarurunyreny. Ijõ aõbina-ki irurudityhymy ratximyhÿre. Tai sõwemy aõbinadu iribi rahenyre. <sup>35</sup>Tasyõ rubu-ribi riixixanyre hãwyyõ rityhynyreki. Ijõ mahãduõ aõhõkÿmy dÿÿnana-ki tamy reare. Ixitarasamy rõhõtinyõhyre aõhõkÿmy dÿÿnana-ribi. Tii dori umytedeõna wihikÿ-di rubu-ribi rexixakredi rõhõtinymyhÿre. <sup>36</sup>Ijõ ityhydÿÿduõ idi rybe jei jeina-ki ratximyhÿre. Tule tai õhõte rÿire reruti õhõte-di. Tule ijõ womati reroti-di rataataare, ihymy idi rehure rõtenawo-õ. <sup>37</sup>Ijõ mana-di riwere. Ijõ sehõtxi-di riwetyaõrõre, wiere riatyre. Ijõ mayrehe-di rirubunyre. Ijõ ityhydÿÿdu-õ budoenity-di watxinity-di idi rexitynyre, rama risarennyre, aõhõkÿmy risÿÿnymy inyõ tõtxi ririõhyre. Ijõ heka aõbinalemy tamy reare. <sup>38</sup>Kia ityhydÿÿdu mahãduõ ibutu iny ratyre Deuxu dee wire. Kabeledulu ityhydÿÿdukõdu mahãdu wese aõkõ tiiboho roire. Hãwãlõmy, bederahymy, hãloomy, kia ibutumy bede-di rariamyhÿre iwese iny isÿkõmy rÿire wese. <sup>39</sup>Ibutumy iribi rakaraykynyrenyke tiiboho dori inatyhnarennydireki. Tahe urile Deuxu rybe wahisidÿÿna ritaõmyhÿreny. <sup>40</sup>Deuxu dori iny-õ riraõmyhÿre Kristu dehemyryna wahe. Ihewo-ribi tahe kia inydeereny riwahinyre, wivanahyyle. Tai tahe idi awityhymy iny ibutumy rõhõnykemy.

## 12

<sup>1</sup>Sõwere inydireny itxeredu. Iny robirenylemy rÿirerimy ihÿre. Tai tahe tako-õ rekekoamyhÿrenyke. Deuxu dori inydeereny riwahinyre. Òraru iutxiere inykireny rÿire. Tai tahe rikiatyrenyke õraru ibutumy inyboho dori rimymyhÿrenyke. <sup>2</sup>Jesuisi-õ sohojile reketeheymyke. Tii dori inatyhydÿÿna deledÿÿdu rare tule inatyhydÿÿna konanadÿÿdu rare. Jesuisi deysana kanakredile rõhõtinymyhÿreny. Tai tahe rahõtinymyhÿre. Tai tahe aõhõkÿmy rotÿÿnyre, itxõõ nihikÿ-ki rurure. Tai tahe ixÿru tamy reaõhyr rurureu. Wiji tii ronmyhÿre Deuxu ryna ruweribi-ki. <sup>3</sup>Jesuisi dee hãbu binahakÿ aõbinamy reare. Tahe rawobinarybenyõhyre. Tai tahe idi rõkõhõtinyrenyke iwese rakatxirenykemy. Uritere bede worennyõmy bede õtiidÿÿrennyõmy. <sup>4</sup>Boholabenyke, õraru ijesu õraru-ki inyõ aribireny ruruõhyrmy ihÿre. <sup>5</sup>Deuxu tariõre dee rybe wesele adeereny rarybemyhÿre. Kia-ribi aõbohe õhõtireny rosara. Kia wese Deuxu rarybera: —Wariõre, araõbitidÿÿnyre, uritere adebureõmy, alisina aõkõ dori rare. Deõsana rybemy adee ararybekeki, uritere bedewoõmy.



<sup>6</sup> Deuxu dori aluurekile araòbitidỹnykre. Deuxu tariòre wesemy inyò rimonyeki, aòhòkỹmy risỹnomyhỹre iòbitidỹmy. <sup>7</sup> Tybydiò aòbohe uri tariòre-di uri aòbohe tyby idi rỹira tariòre riòbitinyòmỹ? Aòkòre. <sup>8</sup> Ibutumy iny òbitidỹmy Deuxu rurumyhyre. Inyò òbitidỹnadiòkeki tii iriòre inatyhy wesemy aòkò rare. <sup>9</sup> Tule inytybyreny inydeereny retehemyhỹre iny-boho riòbitidỹnomyhỹreny. Tai tahe iny riywinomyhỹreny. Deuxu tahe inytybyreny rare. Inytybyreny ratyre tahe tuu rikiywinyrenyke, tahe irumy rokoireke iurenana. <sup>10</sup> Iny tybyreny urihimỹy bededỹnana-di riòbitidỹnyre iwese tamywimy ròhòtynyre wese. Deuxu tahe iny riòbitidỹnyre rekesiywinyrenykemy. Iwese òbitimỹ tii raremyhỹ wese rokoirekemy. <sup>11</sup> Inyò òbitidỹnyame deramy reakeki, tii deysamy aòkò rareke. Òbitidỹna bedewona-di rare. Rexihuredi, tahe wiòhedỹnyame reamyhỹre modebo reamyhỹreò, irumy ywina-di rarehyke. <sup>12-13</sup> Kai bedewokeki, aumy-di, arayky-di iruruòra, ihàrele tahe birurudỹnymy bimỹke. Ati tule iruruòre ihàrele tahe, myike òbitimỹ. Betehemy, biywinyryòbòti-di mariake. Tai tahe ijò iny reysterenykre, raòwenyòtyhy.

<sup>14</sup> Ainityhymy inydee ibutumy ahàbenyke tule bexiòbitidỹnymy ahàbenyke. Iny òbitimỹ rỹiòkeki, tiu Deuxumy robiòtyhy. <sup>15</sup> Inyò tahewo-ò Deuxu ruxetòena-ribi ròòseke lau kaiboho bexiebenyke. Tule amahàdurenny-ki alòbòronahyre wesemy inyò ihỹke lau kaiboho bexiebenyke. Kiakeki, sòwemy iny rahyrenyke òraruna uri wesemy. <sup>16</sup> Tule bexiebenyke inyò òta òta òraru-txi reseke lau ada Deuxu tòhòti ribi rosake lau. Ijau tahe Deuxu-di ròhòtynyòre. Tyby rurukreu aò tarasana-di tii rohonyre byrena sohoji òwylemy tahelỹna-ò rohonyre. <sup>17</sup> Iribi tahe òhòtirenỹ losarenỹmỹ. Tii dori ròhòtynyre taaòwi-di ixby imynymy reare. Tahe aòkòhyre rahinyrehàrele. Rabadewomy ronyre Ijau dori rỹsỹna deròwumy taaòwi riwahinyre taexi-ò. Inyboho tahe rekesiywinymahàrenyke itxỹte lau.

<sup>18</sup> Deuxu tabede ywina rybe heka judeu mahàdu-ò riwahinyre, tiiboho Sinai hāwālò heòtyko-txi rỹire. Sòwemy heòty bedeluru yhynihikỹ tai reare. Tiiboho rubuerurenny. Kaiboho tiu breburenỹmỹ ahàbenyke iwesereny. <sup>19</sup> Txurònaò rurònyre nihikỹmy. Tule rybeò rarybere. Iny ibinamy tai ròhòtynyre. Tai tahe riixāwidinykemy Deuxu dee rarybere. <sup>20</sup> Iròduò hāwālò-di tawa ritidikeki, iny mana-di tamy rehuke irubudỹmy Deuxu rybemyname. <sup>21</sup> Tai tahe iny tahewo-ò rexihejire brebumy. Moisesi tule, rexiòhàruny tuu robireu. Ramytatamy brebumy. <sup>22-23</sup> Kaiboho dori iwitxira hāwālò-ò tetehemynta, Siaò hāwālò-ò, Deuxu hāwā-ò. Kia biu-ki Jerusalè rare. Sòwetyhymy tai jỹu mahàdu rỹire bede hesina-ò. Ibutu butuna rare. Deuxu riòre sohojile butuna-ò tehemynte, dohodỹna mahàdu wahe. Ibutumy ityyriti-ki ini roimyhỹre tamy rehemynta. Deuxu-ò tehemynte ibutumy erydumy ratximyhỹreò. Inyhỹkỹna mahàdu òbitimỹ rỹira mahàdu-ò tehemynta. <sup>24</sup> Tule Jesuisi-ò tehemynte. Tii iny lobitỹmyradỹydu rare. Ihàlubu-ò tehemynte. Abeli hālubu ratyre awimỹ ihỹre. Jesuisi hālubu dori inydee aòwihikỹ rare iny òrarurenny òraru-ki dori ritxiwire iny riòbitidỹnykremy. <sup>25</sup> Boholabenyke Deuxu rarybemyhỹre, boholabenyke. Kia Deuxu roholaòmỹhỹre mahàdu, rexihumyhỹre kabede-ki. Tii biu-ribi narybedeò, rokòholaòrenykeki, tule inyboho rekesihurennyke. Inydeereny aònityhykre. <sup>26</sup> Iu rarybere, bede ramytatatyhyre. Tahe tii rarybere: —Sohojimỹ ixityre bede biummy arimytatadỹnykre. <sup>27</sup> Kiamy heka rarybereri. Aòbo relemỹ, urile ixāwikre aòbo ixāwidikònalemy rỹirakre. <sup>28</sup> Tai tahe Deuxumy rikiàlàrenyke. Inyboho dori Iòlònasỹò rokoirenykre kia rỹihymy rarekre. Iwese Deuxudeewire wese rikiàlàrenyke ityhyna-di òhàruna-di. <sup>29</sup> Deuxu ykarana dori heòty riworonomyhỹre wese rare.

## 13

<sup>1</sup> Ityhydỹydu seriòre wiluumy ahàbenyke. <sup>2</sup> Aòtxile aroraluduò bimyhymy ahàbenyke. Inyò kawese risỹnykeu, jỹu dori riwiòhenanyre, rieryòhyre mobo rare. <sup>3</sup> Ròtenawo-ki rỹire mahàdu-ribi nohòti losarenỹmỹ. Iwese kai tii-wana atximahā wesele, aòhòkỹmy botỹnykre. Aòbinahakỹlemy tamy reamyhyre mahàdu-ribi nohòtilosaòmỹ. Iwese inyò adeereny aòbinahakỹ riwinomyhỹre weselemy idi mohòtinyinbenyke. <sup>4</sup> Ibutumy bityhynbenyke ahāwymy herina, hābu tahāwymy-wana sohojile roike. Deuxu dori aòhòkỹmy risỹnykre òta òtana nodu tule òbitimỹ raòdònyòre mahàdu ixì-di ròtemy aòkò boibeke. <sup>5</sup> Aònihikỹ nieru tarasamy ixinohòtidỹnyrenỹmỹ. Aòbo akireny rỹiredile, beysabenyke. Deuxu dori rarybere: —Tiu kaiboho wanohòti aribi rosaòtyhy. Tiu heka araatyrenyòtyhy. <sup>6</sup> Tai tahe rikityhynymy rakaryberenyke: Inynrỹ iny wiòhedỹydureny. Tai tahe tiu rukuberurennyòtyhy. Inyò wadee aòbina riwinyòtyhy.

<sup>7</sup> Aerydỹydurenny-ribi nohòti losarenỹmỹ, tii adeereny Deuxu rybe rotohodỹmỹhỹreki. Aòbo iruna konana-ò riwinomyhỹredi, mohòtinyinbenyke. Iwese inatyhyna-di rỹimyhỹre wese kaiboho inatyhyna-di atximahābenyke. <sup>8</sup> Kanau, wiji, Jesuisi Kristu wiwesele ratxireri. Tiemy iwesele rarehykre. <sup>9</sup> Deuxu ruxetòena ixinamy arayky rirurudỹnyke. Roxina bede ywina wiòhena aòkò ratxireri. Kia heka moo tiu riwiòhenanyòhyre. <sup>10</sup> Inyboho ixiwena wixiradirennyre. Iribi tyby hetowo xiwena widỹydu mahàdu riroxiòtyhy. <sup>11</sup> Iròduò didyde

tykyhetoworanora-ki hālubu ritxiwikemy. Xiwena widȳȳdu mahādu wedu tuu ritxiwire òraruna tuedenamy. Uritere iròdu umy hāwā òtity webò-ribi riwòsinyre. <sup>12</sup> Tai tahe Jesuisi tule hāwāhāk̄ȳ ijò webò-ribi aòhòk̄ȳmy rotȳȳnyre, iu tahālubu ritxiwireny inydeereny tòemy, iny riòbitidȳnykemy. <sup>13</sup> Rokoiirenyke tahe tamy hāwā webò-ribi rikimiyrenykeny iixȳrunayreò. <sup>14</sup> Inatyhymy inydeereny tiemy hāwā kabede-ki ihoòre. Tahe inyboho riraòmyh̄ȳreny bīu-ki ijòdikre. <sup>15</sup> Jesuisi òraru-ki tahe Deuxu rikiwowydynyrenyke. Kia iny xiwena wahidȳȳreny rare tamy. Tii iny rityhynyrenymyhȳre, tai tuu rekealàrenyke. <sup>16</sup> Tiu rikiwinyrenyke aòwiwidȳȳ. Tii Deuxudeewire. Tule wii rikiwiòhenanyrenyke. <sup>17</sup> Aerydȳȳna mahādu biywinybenyke. Bityhynybenyke. Tiiboho dori aijesedureny ratximyhȳrenyke. Tii idi Deuxu-ò rirawyònymyhȳre. Kaiboho bityhynybenykeki, tii teysamy raaòmysȳdȳȳkre. Aòkòkeki bedewomy ratxikre. Tai arawiòhenanyòtyhy.

<sup>18</sup> Wakireny bexitòenyhyymahābenyke. Jiar̄ȳboho wodeysanale-di rahòtinymahāre, òbitina widȳȳdu-di rahòtinymahāreki. <sup>19</sup> Tule Deuxu-ò bexitòenyhyyke jiar̄ȳ ele elemy adeereny aròòserenykemy.

<sup>20</sup> Inynyrȳ Jesuisi Kristu heka Deuxu rubu-ribi riixixad̄ȳnyre. Tii iny-di itxeredureny nihik̄ȳ rare. Budoeni-di itxeredu weselemy inydireny retehemyhȳre. Tii tahālubu ritxiwire iny-wana bede ywina iixihudunakōna riwinykemy. <sup>21</sup> Deuxu adeereny ibutumy riwahinyke tamy wimy kaiboho biwinybenykeny. Kia heka wadeewire. Jesuisi Kristu-ò wowydyna ibutumy rarehyykeny watzimahāre. Kie.

<sup>22</sup> Waseriòreboho, kia watyriti nihiȳmy aòkò rewinyre. Tai tahe ywinamy idi bohoolabenyke rybe wiòhed̄ȳna rybe tahe rare. <sup>23</sup> Iny seriòrereny Tximòtxi heka ròtena-ribi riteònyrenyke. Ele elemy kanakeki, rakre wawana arorarenymy. <sup>24</sup> Wawehityyna rybe ibutu dohod̄ȳna mahādu-ò biwahinykre, aerydȳȳdu mahādu-ò tule. Italia bede ludu mahādu irybe wehityhyna adeereny diwahinyde.

<sup>25</sup> Deuxu ruxetòena akireny ratxikemy watzimahāre.

## Txiau Txiau Ryberiti

<sup>1</sup> Jiarý Txiau rare. Deuxu Jesuisi Kristu Inynyrý-wana deòdu rare. Ròritidýýreri Deuxu mahádu inatyhy-ò. Ubýtýmy iny rýira mahádu-ò. Warybe weityhyna adeereny rewahinyreri.

<sup>2</sup> Waityhydýýdu aðna aðnasira seriòre, araurihixinanykeki adeereny kanamyhýkeki, beysamahābenyke. <sup>3</sup> Kia-di tahe ityhydýýdu tyhymy beleke. <sup>4</sup> Aurihixina ixinamy rexiòlònyke atyhykemy. Ixinamy kanake araurihikemy. Tai tahe raòbitidýýnykre adee að rasiranyòtyhy.

<sup>5</sup> Inyò bedeery ihoòkeki, rexitòenykre Deuxu dee, tii dori ibutu dee riwahinymyhýre. Inyò lau dori ritòenyòhyymyhýre. <sup>6</sup> Urile tii iseòdýýòmy bexityhynymy tamy bexitòenykre. Riseònykeki yhy òbò-di tiò rehumyhýre wese rare. <sup>7-8</sup> Kia hàbu iòreki, awimy aòkò aðhebo rotýýnymyhýre ywiòreki, tii Deuxu-ribi að ritaòtyhy, istrye inatxire.

<sup>9</sup> Iny að ijòkòmy rýimyhýre, teysamy rýirake, að ijòdikreki Kristu dori rityhynre. Kia iaòdimy ityhy my rýira, tui teysamy rýike ityhydýýdumy. Rýiraki að ijòòkre hàre. <sup>10</sup> Ityhy na heka iny-ribi wylemy ituemyhýre kie iwese noijese ramoròmyhýre wese. Tahe ityhydýýdu mahádu dee kia að aòkò rare. <sup>11</sup> Txutòeetyhy ròhònymyhýre dori alòbòrona rimoròdýýnymyhýre. Tahe noijese rejuxunymyhýre. Tahe iruxerana riixāwidinymyhýre. Kia wesele hàbu ityhy my rýire rexihumyhýre. Aðhebo rotýýnymyhýre wetyatxile.

<sup>12</sup> Urihixina inyòdee kanakeu, tahe ijesu binaò wesemy ritakeki. Tai tahe tii reysakre. Tii tahe umyuedeòna heka Deuxu-ribi ritakre. Deuxu dori kia wahidýýnamy rarybere taluunadu mahádu dee. <sup>13</sup> Inyò aðbina bina ixirana-di rexirakeki. Tii rarybeòtyhyke Deuxu riixiranymyhýre. Inyò dori Deuxu tii riurihiòtyhy. Tule Deuxu riixiranýòtyhy aðbina bina widýý-di. Ixiradýýdu aòkò tii rare. <sup>14</sup> Kiawese iny ixiribile rexirake, að-di sòwemy ròhòtinykeki, tii arabònyre, araitxenanyre. <sup>15</sup> Kia urari-ribi tahe òraruna ròhònymyhýre. Iribi tahe òraruwidýýna-ribi rubu rýimyhýre. <sup>16</sup> Ixixitnadýýòmy waluuna mahádu, waseriòre mahádu. <sup>17</sup> Wahidýýna ibutumy bedeerydýýnatyhy Deuxu biu-ribi diwahinyde kia ibutumy loosònatyby-ribi naderi. Tii heka rawitxiraòtyhy, tii aòu aòu iweselere. <sup>18</sup> Tii iny ixityre riwinymyhýre ritýmyranymyhýre tatyhyna rybe-di. Tai ibutumy iwidýýna-ribi inyboho juhuurenre, awirenre.

<sup>19-20</sup> Idi mohòtinybenyke waluu waseriòre mahádu. Ibutumy bexiywinymahābenyke iny-ò bohòlamyhybenyke, tahe aðwimy aòkò marybeke lau, wymy adebureòmy. Hàbu debure-ribi Deuxu òbitina rahenyòtyhy. <sup>21</sup> Abinamy aðhebo tutýýnymyhýte ixi-ribi bitake idi biatyke. Tahe Deuxu rybe-ò bohòlake, kia dori iruruna dire atytytyby kanatakemy. <sup>22</sup> Kai boho bede ywina widýýdumy, bede ywina tyhydýýdumy boibeke. Að ijohonadu mahādulemy aòkò boibeke. Kiawesekeki bexiixxenanyke. <sup>23-24</sup> Inyò ijohonadule ronykeki, rybemynamy nodu aòkò rare. Tii hàbu itxerena-di itxerenadu wese rare. Itxerena-di ixidee retehereu, rexierere iwese rarem. Tahe rexitareu, aðwesele ixi-ribi tòhòti rosare timybo tii rare wahe. <sup>25</sup> Inyò tahe bede ywina òbiti-ò retehemyhýreki, rityhynymyhýreki tii tahe teysamy ratxikremy ibutumy aðhebo rotýýnykremy. Tii dori ijohonamy nohòti losadu aòkò rare. Bede ywina rybe widýýdu rare, ityhydýýna wahe. <sup>26</sup> Inyò bede ywina rybe widýýduòmy ròhòtinykeki, tahe tòròtò riyrubunýòhyymyhýkeki, tabedeywidýýna að aòkò rare. Tii tawòkile rexiixxenanyhýre. <sup>27</sup> Iny Deuxu, Inytyby-ò kia bede ywina widýýna òbiti rare. Uladuwyte, wytese-wana riwiòhenanykemy. Tule aðbina bina aðmydýýnana widýýòmy.

## 2

<sup>1</sup> Waseriòre mahádu, kai boho Inynyrý Jesuisi Kristu, tetyhynyteny loosòna wedu tii rare. Tai iny wiribi lahixiòmy, wiwesewesemy iny-di atximahābenyke. <sup>2</sup> Kie inyò tahe dohodýýnawo-ò kanalòkeki, womati debo týrýrý-di tywihiký-di kanalòkeki, tahe tule iny aòkòdu maháduò kanalòkeki. <sup>3</sup> Kai tywihiký dinodu-ò marybekeki: Kaò bodonyke rynawihiký-ò. Tahe marybekeki iaòkò-ò: Kiakile myike lamalemy ada bede-txi aðbo bonyke. <sup>4</sup> Kia wese wiribi hitxidýý-ki tatýýnymyhýteny, araykyreny rabinamy kia wese tumahāre. <sup>5</sup> Bohòlake, waseriòreboho, kai boho juhuu iny aòkò mahádu wese toite. Iribi ityhy ityhydýýdukòdu mahádu iaòrarumy roirekemy, kai boho Deuxu wesemy tadeletenyte atyhyna òraru-ki. Aratamyhýreny inatyhyna-di ityhydumy boibeke, tule kai boho kowa biu-ò hena bitabenykre. Deuxu dori rarybere: —Waluudu mahádu tuu arisýnykre. <sup>6</sup> Kiawese, kai boho urimynodu derarenre aðhebo tatýýnyteri. Ityhy mahádu tahe ararutýkýnymyhýre tule aradyrenymyhýre soldadu dohodýýna heto-ò. <sup>7</sup> Tiibohe tule Kristunimy aðbinamy rarybemyhýrenre. Kai boho ini-di texininimyhýteny. <sup>8</sup> Kia bede ywina rybe-ki roire:

iwese ixiluure wese, aerykõdu mahãdu luuke, wiery mahãdu wahe, abireludu wahe. Kia bede ywina biywinykeki, awimy botÿÿnymy mabeke. <sup>9</sup> Tahe iny wiribi lahitxinykeki, taðrarunyeri, teywinyõteri. Bede ywina aõkõ atximahãte. <sup>10</sup> Inyõ tahe bede ywina rybe ibutumy riywinykeki, tahe sohoji aõmydÿÿna riywinyõreki, tai tahe bede ywina rybe ywidÿÿdu aõkõ ratxireri. <sup>11</sup> Deuxu tarybe ririre. Kia rarybera: —Òta òta widÿÿõmy. Tule rarybera: —Rubudÿÿõmy. Tai òta òta biwinyõkeki tahe inyõ terubunyeri, kai bede ywina rybe rubudÿÿdu aõkõ atxiteri. Òrarudumy tate. <sup>12</sup> Iwese iny bede ywina rybe-di tÿmyra ahãbenyke. Deuxu dori bede ywina-di arararutxÿnyrenykre. Taita õbitimy botÿÿnybenyke, marybebenyke. <sup>13</sup> Inyõ riwotõenyõmyhÿkeki, tule tamy riwotõenyõleke tawiribihitxinatxu-u. Wotõedÿÿna wiribihitxina ratyre rare.

<sup>14</sup> Waseriõre mahãdu, inyõ rarybekeki: —Jiarÿ watyhyna ijõdire. Tahe iaõmydÿÿna wihikÿ-di aõkõ rare. Kia tahe aõ aõkõhyky heka rare tamy. Ityhynale kahãbu ritakekõ aõbo. Tahe reruinyreri. <sup>15-16</sup> Inyseriõreõ tyy, rÿsÿna ihoõke-wana. Tahe inyõ tamy rarybekeki, ywina-di bõhõnyke, aheto-ki biroxiikemy. Tahe aõ riwahinyõra tyy, rÿsÿna-wana. Aõbohe irybe rare. Aõkõhykyre irybe. <sup>17</sup> Kiawese taheka kia hãbu inatyhyna rare, iaõmydÿÿna ihoõkeki kia ityhyna ihoõke wese rare. <sup>18</sup> Inyõ rarybeke-wana: —Kai atyhyna dire. Jiarÿ waõwidÿÿna ijõdire. Biteõsinyke wadee atyhyna sohojile tamyreny wina-di aõkõ. Tahe jiarÿ tamyreny waywina-di adee ariteõsinyke kia òraru-ki bobike jiarÿ Kristumy retyhynyerimy. Watyhyna iny idiõre waõwidÿÿna ijõdre-wana. <sup>19</sup> Kai bityhnyke Deuxu sohojile raremy. Kia tahe awire urile diabo tyytybybina tule Deuxu rityhynre. Tai ilau ruberumyhyre. <sup>20</sup> Inatyhyna iaõmy widÿÿnana ihoõkeki, aõ aõkõ wese rare. Kia tetyhynõlemahãte aõbo, hãbu itxÿtere. <sup>21</sup> Inylabiereny Abraõ tariõre-di Ijai rixiwenykye idi ratximyhÿu, kia-ki Deuxu riõbitinyre. <sup>22</sup> Tabimahãte aõbo. Abraõ tatyhyna iwidÿÿna-wana aõna aõna riwinyre. Ityhyna riwiõhenanyre. <sup>23</sup> Tahe iwese ritidÿÿnamy roire wese my tuu rotÿÿnyre aõmybo heka rarybera Abraõmy: —Boholake, Abraõ heka Deuxu rityhynre. Tai Deuxu tii riõbitidÿÿnananyre. Tule, Deuxu tabiõwamy rininire. <sup>24</sup> Betehebeny ini. Inyõ iõbitidÿÿmy ronyke-wana inatyhyna sohojidile aõkõ tii ihÿke, tahe iwidÿÿna-di tule wahe. <sup>25</sup> Ijõre tahe: Raabe, aderanamy raremhyÿ. Iribi tii Deuxu rybedeõdu mahãdu riyrubunyra rubu lau, tahe riteõnyre rywasi witxira-di. Kia widÿÿna Deuxu Raabe riõbitidÿÿnyre. <sup>26</sup> Iwese umy tyytyby-di aõkõ rubumy rÿimyhÿre wese, tule inatyhyna sohojile aõ aõkõ rare tamywina-di aõkõreki heka rubu wese rare.

### 3

<sup>1</sup> Uritere, waseriõreboho, bedeerydÿÿdu mahãdumy aõkõ ixidi norenykõmyke. Ibede õnana hitxina txau dorihe aõnihikÿkre bede erydÿÿdu mahãdu dee. <sup>2</sup> Inyboho ibutumy sõwemy òraruna-txi aõu aõu resemyhÿrenyre. Inyõ tarybe-ki raðrarunyoõkeki, tii iny õbiti rare. <sup>3</sup> Iwese awaru iny riraõmyhyre wese taumy ibutumy riraõmyhyre. Awaruru-ki jurarõsõna rirutymyhÿre, tii irarõsõna-di rare. Tai tahe awaru iny riywinyomyhyre iumy ibutumy iny riraõmyhyre. <sup>4</sup> Betehebenyke iny heõty lawõ nihikÿ-õ irarõsõna iyjatyhyre tahe irarõsõnyõdu idile riraõmyhyre titxibo inonana-õ yhy nihikÿ iwetki kedeakeki, ihãrele irarõsõna riraõmyhyre. <sup>5-6</sup> Iwesele iny dõrõtõ rare. Iyjatyhyre ihãrele aõnihikÿmy rarybe-myhyre. Betehebenyke iny heõty helÿÿresi iyjare, ihãrele õtiranihikÿ ritoonmyhyre. Dõrõtõ tahe heõty wese rare. Sõwemy heka òraru riwinyomyhyre. Dõrõtõ bede aõmydÿÿnanabina dinodu wese rare, inyumy susudÿÿdu dõrõtõ rare. Sõna bede tõtee-ribi diabo mahãdu-ribi heka nade. <sup>7</sup> Ibutumy irõdu brebuna, nawii witxira witxira, irõdu beraludu, utura, riinytyhydÿÿnyomyhyre. Iny mahãdu iratyre irurudÿÿna dire. <sup>8</sup> Inydõrõtõ inyõ tahe riinyty-hydÿÿnyõthy. Ibinatyhy rare. Rubudÿÿna uri-di ratxireri. <sup>9</sup> Inydõrõtõ-di Deuxu inybybimy iny realãmhyhyre tule idi inymy rajõmomyhyre. Deuxu ixiwese my iny riwinyre, ihãrele iny wimy rajõmomyhyre. <sup>10</sup> Inyõ tary-di Deuxu rirowõwydynmahãre tule idi ujõmomy reamyhyre. Waseriõreboho, kiamy aõkõ idi boibeke. <sup>11</sup> Beijirana-ribi ibree ihÿre-wana wiule heka rõhõnyõthy. <sup>12</sup> Õwõru inatxi wiribi lahitxire. Ijõ aõbo wiraty-di raratynyke aõkõre? (Figueira azetonamy raratynyõthy) Videira figomy raratynyõthy. Juwyrabe hãloo-ribi bebreke rõhõnyõthy.

<sup>13</sup> Inyõ bederykeki ibedeerynadikeki, tii ywimy ratximyhÿke. Ibutumy õbitimy ratxirerimy aõ riwinyomyhyremy rexityhynymy ixidi rõhõtinyõthy tyhymy rabekemy. <sup>14</sup> Kaiboho awo-ki ixiburena ijõdikeki, inywitxira hãrosu ijõdikeki tai tii deysamy atxiõke tai tuu marybeõke. Kai ruiwidÿÿõmy. <sup>15</sup> Kia bedeyerna biu-ribi aõkõ nade, bederibile, iny hãrosu diaboribile nade. <sup>16</sup> Inywitxira hãrosu ijõdike-wana, tai jei jeina rare. Ibutumy aõbina bina. <sup>17</sup> Bedeerydÿÿna biu ludu juhule õbiti rare, idi ywina rare, rutaõna rare, wityhyna rare, ruxetõena rare. Awihyymy nodu widÿÿna rare. <sup>18</sup> Òbitina aõu aõu kanakre ywinawidÿÿdu-õ. Iwese aloborodu rehumyhÿre wese, tiõboho ywinamy rekoamyhyrenyre.

## 4

<sup>1</sup> Aõherekibo ayreny-ki jei jei rÿimyhÿre. Awo-ribi namyhÿde araykywydyna ribi. <sup>2</sup> Kai sÿwemy aõdikemy tahõtinymahâte aõhebo aõkõ tetate. Tahe terubunymahâte. Inywxira aõmydÿÿna-di õbire, tahe aõkõre. Tai aõbina tetelenymyhÿte ijei jei-di. Aõ ijõõre textitõenyõma hâteki. <sup>3</sup> Textitõentyeki, tetaõmahätenyete. Teõsamy dori textitõenymahätenyete. Ixidee sohoji dehunalemy tahõtinamahätenyete aumydeewimy behukelemy. <sup>4</sup> Bede aõmydÿÿnana luudu mahâdu heka Deuxu õludumy ihÿre. Kia aõbo teeryõtenyete, õbitiõna, mahâdu. Inyõ bede aõmydÿÿnana bina biõwamy ratxikeki, Deuxu õludumy rare. <sup>5</sup> Aõ aõkõ aõbohe rybe riti kawese roire: Aõhe rare. Deuxu taTyytybytyhy inywo-ki heka Deuxu risÿdÿÿnymyhÿre. Tai tahe iny-di riijetyhmy ratximyhÿre. Aõbo heka kia rare? <sup>6</sup> Tii tahe iny rirurteredÿÿnymyhÿre. Kawesemy ritina rarybere: —Ixiwedu mahâdu heka Deuxu ixi-ribi rirehedÿÿnymyhÿre. Tahe ruxetõena sÿwemy ixiwedekõ mahâdu-õ riwahinymyhÿre. <sup>7</sup> Deuxudeewi biwinymahâke. Diabo ixi-ribi birehedÿÿnykeki, tahe tii aribi rahenyke. <sup>8</sup> Deuxu-õ bexiõhõdÿÿnykeki. Deuxu adee rexiõhõdÿÿnykre. Õrarudu mahâdu, ebõmy bexilaryaranye aõraru-ribi bexitake, rybe inatxi mahâdu, araykyworeny biõbitinybenyke. <sup>9</sup> Mabedewoke, bobuke, mahinyke aõraruna õraru-ki. Ajuedena-ribi arube rytynykre, eysa-ribi mabedewomy atxikemy. <sup>10</sup> Ayrubumy Inynyrÿko-txi boibekeki, tii aratamadÿÿnykre; tii ixideewimy riwinykemy.

<sup>11</sup> Waseriõreboho, uritere aõmy wimy ryberenyõmy. Inyõ taityhydÿÿduseriõremy tuu ibinamy rarybekeki, iaõna aõna riaõkõkeki tii bede ywina ibinamy rarybereri. Bede ywina rybe riaõkõdÿÿnyreri. Inyõ bede ywina rybe riaõkõnykeki, tii bede ywina ywidÿÿdu aõkõ rare. Tii bede ywina rybe hitxidÿÿdu rare. <sup>12</sup> Deuxu sohojile dori bede ywina hitxidÿÿdure. Bede ywina dohodÿÿna dinodu tii rare. Tii itarasadÿÿdu rare ihære irubudÿÿdule rare. Mobohe kai atxiteri; abireludu hitxidÿÿmy aõbo texinohõtidÿÿnyteri? Aõkõre.

<sup>13</sup> Boholabenyke, tuu tarybetenyteri: wijile aõbo ada biurasõmy aõbo rokoirenykre hãwãõ-õ. Tai bededÿÿnana sohojimy rikierenykre. Tai nieru tarasamy rakaõmydÿÿnyrenyke. <sup>14</sup> Txiohe rare. Kaiboho dori teeryõlemahätenyete aõhebo bede rotÿÿnykre. Timybo mabekre? Iwese biuwetyy yja aõwesele rexihymyhÿre wese heka timybo mabekre? Kiawesemy aõkõ marybeke. <sup>15</sup> Kamy heka marybeke: — Inynyrÿdeewikeki iny rummy rokoireke, tai tahe kia ada kowa aõbo rikiwinnyrenyke. <sup>16</sup> Iwese wiji ratximyhÿre wese. Biurasõ aõnihikÿ widÿÿmy marybekeki, kia tahe awi aõkõ rare. <sup>17</sup> Inyõ aõwiwidÿÿ rieriyekeki, tahe riwinyõmyhÿ-wana kia rexiõrarunanymyhÿre.

## 5

<sup>1</sup> Boholabenyke warybe-õ ityhy mahâdu. Mahinybenyke, bobubenyke aõhõkÿmy botÿÿnybenykreki. <sup>2</sup> Aõmydÿÿnana wiwihikÿ rabinamy rÿire. Atyywytyhy isibrey tysini rirõre. <sup>3</sup> Aorotÿÿrÿÿreny awomatiurareny raruxinyra tabededÿÿnana riõnonnyrerimy. Anieru susudÿÿna awobiredÿÿnany kikitÿnynykre. Iwese dee heõty risõmyhÿre wese, kia sudÿÿ anasõmyhÿkre. Aõna aõna sÿwemy ixidee tebutunymahâte kia atxukonana-õ. <sup>4</sup> Abaderõwysydÿÿdu õwydÿÿdu aõkõ dori kai tate. Kai ixidee tebutunymahâte iribireny tawasinymahâte. Tiiboho rahinymy rirajuamyhÿreny tahe kia wysydÿÿdu mahâdu hina-õ Deuxu roholare. Tii ruru mahâdu wedu rare. <sup>5</sup> Kaiboho abeõrareny teõnonnytenyteri isikile. Ixideehyyle texideysadÿÿnymyhÿte. Ibutumy aõbo adeeremy wiwi ikidee temytenyete, iwese rubutxudÿÿnatxu brorenî riõwenymyhÿre wese. Kai ahâte. Deuxu axanarubunnykre. <sup>6</sup> Õbiti mahâdu teteõnymahâte terubunymahâte. Tii tiu adee rexiõwynyõtyhy.

<sup>7</sup> Ixieleledÿÿõmy tahe waseriõreboho. Inynyrÿ kanakreu. Betehe inihe. Õworudu heka taaõwi riraõmyhÿre biu bede. <sup>8</sup> Kia wese kaiboho tute eleelemy aõkõ biraõmyhÿke aworeny-ki beximymyhÿbenyke. Inynyrÿ nonana dori iõhõrehe. <sup>9</sup> Waseriõreboho uritere wimy ibinamy ryberenyõmy Deuxu dori arahitxinyreny. Ihitxidÿÿdu nonana tahe iõhõre ijõkiwesele riijemy rÿimyhÿre. <sup>10-11</sup> Waseriõreboho ihetxiu Deuxu rybemy rybedu mahâdu iyrubumy rÿiramyhÿ. Iwese tiiboho rÿiramyhÿwese boibeke aõhõkÿmy dÿÿnana-ki rare. Kia aõhõ kÿmydÿÿnana-ki õbitimy rotÿÿnymyhÿre. Iwese jõõ iyrubumy raremyhÿre taholamahätenyete. Tule iwese ionanau Deuxu riwiõhenanyre wesemy teerytenyete. Inynyrÿ dori ruxetõenatyhy-di rare lãhãnatyhy-di.

<sup>12</sup> Ibutu ratyre waseriõreboho inatyhmy sohojilemy marybeke ijõ rybemy rybeõmyke Deuxu arybe ritxiõnyõtyhy. Aõna aõnamydÿÿnanaribike aõkõ iximyhÿle marybeke. Kohemy marybekeu kohelemy marybeke. Aõkõmy marybekeu, aõkõlemy marybeke. Kawese-ki inyõ aratxiõnyõkre.

<sup>13</sup> Inyõ aõbo ayreny-ki aõhõkÿmy rotÿÿnyreri. Tahe tai bexitõenykre. Inyõ aõbo ayreny-ki teysamy ratxireri. Alãnawi-di tii wana mawiunnykre. <sup>14</sup> Inyõ aõbo ayreny-ki webinadumy roireri wana. Tahe dohodÿÿna rybedu mahâdu-õ tamy bididybedenyke tamy

rexitòenyrenykemy. Adỹỹ ityre ritxiwikemy Inynyrỹni òraru-ki. <sup>15</sup> Ixitòedỹỹna tyhynale webinadu riteytenykre. Inynyrỹle ritamahỹỹnykre. Tii òraru-ò raòrarunymyhỹke-wana Deuxu iòraru riixãwidinyke. <sup>16</sup> Iny wiò wiòmý aõna aõnarenymý belyybenyke. Wiò wiòmý wii biixitòedỹỹnybenyke, ibutu-ribi beytebenykemy. Inyòbiti ixitòedỹỹna irurudire, aõna aõna sõwemy riwĩnymyhỹke. <sup>17</sup> Eliasi heka inyweseremy rare. Tii rexitòenyhyymyhỹre biu ròaõtyhykremý bede-ò. Tahe inataõ beòra-di biu ròaõhyre. <sup>18</sup> Tahe ixityre rexitòenyre. Tai biu ròare. Tahe oworu-ki ixityre aõwi ruhunyre.

<sup>19-20</sup> Waseriòreboho, inyò ay-ki inatyhyna-ribi ròhònykeki. Inywitxira tuu rarybekeki, teòsary-ribi ridykeki, tahe ityytyby ritara, rubu konana ixãwina lau sõwemy araru-di riixãwidinyre. Kie.

## 1 Pedro 1 Pedro Tyyriti

<sup>1</sup> Jiarÿ, Pedro warybe ritina rewahinyreri ubÿtÿ deòdÿÿna jiarÿ rare. Ibutumy judeu mahädu-ò rewahinyreri Ponto-ò, Alatxia-ò, Apadosia-ò, Asia-ò, Bitinia-ò. <sup>2</sup> Kaiboho heka iitxe itxemy toite Deuxu Inytybyreny-ò, Deuxu Tyytybytyhy araòbitinyrenyra, Jesuisi Kristu bityhyenykemy tule tahälubu-di arasebenyrenykeny. Wiòhedÿÿna sòwemy ywina-wana adeereny kanakemy waxireri.

<sup>3</sup> Ibutumy àlana Deuxu Inynyrÿ tyby-ò rikiwahinyrenyke. Tii dori sòwemy ruxetòena inydeereny diwahinyde. Tai inyboho ixityre reamyhÿrenyrene ratybiennyrenykeny Deuxu sÿ mahädu wo-ki. Inyboho wijile iraròsònareny dire, Kristu rubu-ribi rexixareki. <sup>4</sup> Tii wiòhedÿÿna wiwihikÿ inydeereny ririre. Biu bedekile riyrubunymy roire. Tiu rasunyòtyhy, retybyòtyhy, iruxerakakÿlemy lyrahakÿlemy roire. <sup>5</sup> Deuxu tarurusòwe-di arayrubun-nyrenyke kia wiòhedÿÿna bitabenykeny tetyhynyteki. Tarasana heka kia rare. Ikonanatxu Deuxu bedexiteòsinykre. <sup>6</sup> Tai tahe beysabenyke. Bededÿÿnana tòbò reakreu, mabede-wobonykre òsana aòmydÿÿnana sira òraru-ki. <sup>7</sup> Tii tahe kawese-ki atyhydÿÿnareny ityhymy ròhònykre. Atyhydÿÿnareny womati tÿrÿrÿhÿkÿ òwy ratyre iòwy dire. Tiu rabinaòtyhy. Heòtyru-ribi womati tÿrÿrÿhÿkÿ ròhònyre wese atyhynareny kòdòhònykre àlana, wowodyna, luuna Jesuisi Kristu-ò, tii kedehemyntykre. <sup>8</sup> Kaiboho tuu tabitenyòte ihärele tuure. Tetyhynytenyeri, tai tahe tÿxihikÿlemy deysatyhy-di ahätenyete. <sup>9</sup> Tai atarasadÿÿna-di teteheteri, tetyhynytenyete. <sup>10</sup> Juhuu Deuxu rybedu mahädu ritÿÿraxinyra kia tarasanamy. Tule wiòhenadÿÿmy rarybere adeereny kanakemy. <sup>11-12</sup> Idi tahe dierydenyde ibededÿÿnanau kanaòkre urile ihewo-ribi kanakemy. Katahe adeereny reare Deuxu Tyytybytyhy nade òraru-ki. Æju mahädu dori tamywimy tuu rieryrenykeny ihÿrenyrene. Jesuisi Kristu aòhòkÿmy dÿÿnanamy tule toosònadÿÿnamy rarybemyhÿrenyreu, tiubedemybo kia kanakemy riijemyhÿrenyrene.

<sup>13</sup> Arayky-ki birarutxynybenyke wereysana rara rotÿÿnymyhÿre wese. Òbitimy maraykynybenyke wiòhedÿÿna-di bidimybenedenykre-ki Kristu kedehemyntykre. <sup>14</sup> Wijile kaiboho ywimy nodu riòre wesemy boibeke. Iwese juhu aykaraòtamy tatÿÿnymy tatemahä wese noòm, abedeerykòmy tatemahäu. <sup>15</sup> Iweseòmy. Uritere adee rybedu òbitimy raremehÿwesemy kaiboho ibutumy tuu botÿÿnybenyke kia-ki òbitimy boibeke. <sup>16</sup> Raritinymy dori rÿire: —Òbitityhymy boibeke, jiarÿ dori òbitityhymy raremahä. <sup>17</sup> Deuxu iny wiribi rihitxihitxinyre aòbina bina widÿÿ òraru-ki. Deuxu iwese wesele iny luure tuu rarawetyynyòhymyhÿre. Iwese bodee texitòenymahäte wese tamy bedeerykò rira wese boibeke. <sup>18-19</sup> Kia teerymahätenyete tuu ararybekre. Ixinamy rexihumyhÿredi aòkò iwese womati tÿrÿrÿhÿkÿ iurahakÿ-di aòkò atarasanareny riòwonyre. Tahe Kristu hälubu-di aòhebo ibina botÿÿnybenyke-ribi texitatenyete aòwidÿÿnabo booreny-ribi teerytenyete. Kristu tahe budoeni òbiti lyrahakÿ wesemy rare. <sup>20</sup> Tii juhu bededÿÿnanau taumy rubu-ò riwahinykemy rexierihymy raremehÿ, wijile kaò nade rurukremy aluunareny òraru-ki. <sup>21</sup> Tule Deuxu tetyhynymahätenyete Kristu òraru-ki, Deuxu rubu-ribi riixixadÿÿnyre tahe tamy loosòna riwahinyre, tai araròsònareny aityhydÿÿna Deuxu-ki roimyhÿre.

<sup>22</sup> Kaiboho atytyby tesurònanytenyete inatyhyna dori teywinytenyete. Tai tahe wiluulutyhymy rakatxireneny. Wiluumy wesenedÿÿrenyòmy atximahätenyete. <sup>23</sup> Wiji umydÿÿna juhu wese aòkò iny bòdòdÿÿna raumydÿÿre wiji tahe Deuxu Rybe aumydÿÿnamy ihÿre. Kia tahe ituerenyòtyhy. Umytudeòna diwahinyde. <sup>24</sup> Iwese ryberiti rarybere wese: —Ibutu iny asi wese rare. Inyloosòna asi noijesa wese rare. Asi ramoenyumyhÿreu tòjjesa rejuxunumyhÿre.

<sup>25</sup> Deuxu Rybe tahe aòu aòuhuy rÿira. Rexihuòtyhy rÿira. Kia rybemy tahe adeereny rarybemyhÿre, Rybewihikÿ wahe.

## 2

<sup>1</sup> Ibutumy idi behuke ixi-ribi, aòbinatyhyna-di, rui-di, inywitxira aòmydÿÿna xibure-di aò ikòkòmy ujòmo-di ibutumy. <sup>2</sup> Tahe iwese tohouä howÿsy luure wese rybe-ò bexibore-nanyke. Atytyby howÿsyna wese rare. Idi maumynykeny tarasana inatyhy-ò. <sup>3</sup> Wanyrÿ dori wihikÿ rare. Kia teerytenyete. <sup>4</sup> Tamy bodoibedenyke. Tii dori manairuhikÿ wese rare. Heto tira widÿÿdu kia mana-di rehura. Tahe Deuxu dee kia ixitarasanamy rare. Awimy heka tai rahare. <sup>5</sup> Kaiboho tule mana iruhukÿ wesemy tòimahäte heto òbiti wesemy aijòreny-di kanaijedÿÿnydenykeny. Xiwena wedu mahädu òbitimy boibeke, Deuxu dee wina xiwedÿÿna òbiti biwinybenykeny Jesuisi Kristu wowodynamy. <sup>6</sup> Kawese dori Ryberitina-ki rÿire: —Betehebeny inihe Siaò bedeki iny mana heto tiramy iwidÿÿ wesemy

ritidire. Tii aõwihikÿtyhy wadee rare. Kia iny rityhynymyhÿkeki, tiu raixÿruõtyhy bede õtiidÿy ribedewonyõtyhy. <sup>7</sup> Kaiboho ityhydÿydu mahãdu, adeereny tii aõwihikÿ rare. Ityhydÿydukõdu mahãdu dee tahe kawese tii rare: —Hetotirawidÿydu kia mana-di rehura. Kia mana tahe wiji juhuludu mana ritidimÿ roire. <sup>8</sup> Tule ijõ kiamy rare: —Mana idireny kedeseidenyke. Kia mana awi aõkõ tamyreny rare. Reserenykre rybe ritxiõnymyhÿrenykeki Deuxu heka rierymyhÿre reserenyke. <sup>9</sup> Kaiboho tahe iny iitxese itxeseme aratareny, xiwena wedu mahãdu õbiti boibebeenykremy, inyijoi õbiti boibeke, Deuxu hõrõ mahãdule, iruxeranamy marybebenykemy adee dori bededorohokÿ-ribi anadydenyde taloosõna wihwikÿ-õ. <sup>10</sup> Kaiboho juhuu inyijoi aõkõ toitemahã tahe wiji Deuxu taijoiimy aratara. Juhuu ruxetõena tuu inyõ riwahinyõhyre adeereny, wiji tahe tii riwahinyra adeereny.

<sup>11</sup> Waluuna mahãdu adeereny ararybekre. Kaiboho iwitxira bedeludu mahãdu wese atximahãtenykeki. Uritere õtaõtarenÿomy atytyby õludu dori kia rare. Atytyby aõbina dÿÿnana adeereny diwahinyde. <sup>12</sup> Ahotiludu mahãduy-ki õbitimÿ boibeke. Tai ony ibinamy rarybekreki, tiiboho aumytuedõnamy robimyhÿkemy tahe Deuxumy kiditoosõdÿÿnadenyke Deuxu hitxidÿÿna txuu.

<sup>13-14</sup> Bede dinodu bede ywina rybe biywinyamahãbenyke Wanyrÿ õraru-ki Iõlõrybe, aõbo kai deõdu rybewydydu aõbo ibutumy birarenybenyke. Iõlõ deõdu mynyduhykÿ doidenyde aõbinahakÿ widÿÿdu aõhõkÿmy risÿnymy rimymy risÿdÿÿnykremy. Deõdu ritamadÿÿnykremy tule aõwihwikÿ widÿÿdu ritealãdÿÿnykremy. <sup>15</sup> Aõwi wihikÿ widÿÿna-di kaiboho hãbu bina biyrydÿÿnybenyke. Kia Deuxudeewi rare. <sup>16</sup> Kaiboho hãbu ixihyyludumy ahãtenyde urile aõbina bina widÿÿõmy boibeke. Deuxu deõduweselemy boibeke. <sup>17</sup> Iny ibutumy iõsana biywinyke. Ityhydÿydu seriõre luumy boibeke. Deuxu biwowydynybenyke. Iõlõ bede dinodu biwowydynybenyke.

<sup>18</sup> Deõdu mahãdu, awedu bityhynybenyke awedu wihwikÿle-õ sohojile aõkõ ibina bina-wana dori bityhynybenyke uritere bedeõtiidÿÿmy rÿiõmy. <sup>19</sup> Aõbina riwinyõhyymyhÿre deõdu tawedu-õ. Tahe wedu teõdu-õ aõhõkÿmy risÿnyre. Deõdu riõludunymyhÿre aõmy rarybeõhyymyhÿre, Deuxu rityhynymyhÿreki. Kia wese tahe Deuxudeewina rare. <sup>20</sup> Iny raõrarunymyhÿkeki, tai tahe õhõtenamy inyboho ratximyhÿrenykeki, aõloosõna widÿÿna bohe kia rare. Inyboho riõludunymyhÿreki. Aõwihwikÿ widÿÿna-di inyboho ywina-di õhõtenamy riõludunymyhÿrenykeki, kia Deuxudeewina rare. <sup>21</sup> Kaiboho biõludunymyhÿbenykemy tai iitxemy aratarenyra. Kristu tule dori õrarureny-ki aõhõkÿmy rotÿÿnyre. Iwese timybo tii riwinyre wese kaiboho biwinybenyke. <sup>22</sup> Kristu dori tiu raõrarunÿtyhy, tule aõbinahakÿmy rarybeõtyhy, raruiõtyhy. <sup>23</sup> Tamy adebure irãmÿ rryryre wobinamy aõkõ dirawõnyde. Rihetenyre, aõma aõkõ dirawõnyde. Urile tii rexiwahinyre Deuxu dee. Deuxu dori õbitina-di rihitxidÿÿnyre. <sup>24</sup> Inyõrarureny dori riwyre itxeõ nihikÿ tyre-ki. Tai tahe õraruna dee rakarurunyrenyke, tahe õbiti widÿÿna-õ rakatximyhÿrenyke. Kristu wotõmomy iny riteytenymyhÿre. <sup>25</sup> Iwese budoeni reõsamyhÿre wese kaiboho toite. Wijile tahe kaiboho tõõsemy atxitenyde aitxeredu-õ atytyby wiõhedÿÿdu-õ.

### 3

<sup>1-2</sup> Hãwyyreny, ahãbureny rybe bityhynybenyke. Tai inyõ ihãbu ityhydÿÿdu aõkõkeki, tii kidityhnykre tahãwyyhe-ki, aõrybebo aõkõ roholareki ihe-ki robireki. <sup>3-4</sup> Hãwyy ruxerana heka ixidee itidisirenyõmy atximahãbenyke aõ taumy-ki ritidimyhÿre aõkõ hãwyy ruxerana rare. Aõ iwo-ribi teysare, Deuxu Tyytybytyhy widÿÿna inytyhyta tii tahe hãwyy ruxerana rare. Rade sihodÿÿtyhy ibutu ratyre aõkõ rare. Womatã tÿrÿrÿ noho tule aõkõre, tyy wihwikÿ-di rariamyhÿre tule aõkõre. Kia tahe Deuxu dee aõwihwikÿtyhy aõkõ rare. <sup>5</sup> Tule ihetxiu hãwyy õbiti tuu rotÿÿnyre, tahãbu riwinyre, Deuxu rityhynyre. <sup>6</sup> Sara, Abraõ riõrese, tahãbu riwinyre. Itxi õhõtirenÿy beake tawedumy tamy rarybere. Kiaboho hãwyyreny iriõre riõre atximahãtenyde. Tai aõwihwikÿ widÿÿnamy botÿÿnybenyke. Bededÿÿnana jei jei lau brebuõmy.

<sup>7</sup> Hãbu mahãdu, kaiboho tule asÿreny-ki abedeeryna biyrubunybenyke. Ahãwyyreny biwinybenyke hõraõmy idi ahãbenyke, tiiboho dori itxõmotxirenÿy iruruõreny. Iõsÿny bityhynybenyke. Wiwana Deuxu ruxetõena tarasadÿÿdu atximahãtenyde. Tai aixitõedÿÿnamy õbitimÿ bexitõenybenyke.

<sup>8</sup> Tahe kaiboho ibutumy widi mohõtynybenyke wiwesewesele. Ityhydÿÿdu seriõre dee tõena luuna-wana biwahinyke. Ruxetõena-di boibeke iny-õ ixityhydÿÿ aõkõ. <sup>9</sup> Inyõ aõbinamy adee rakeki, ixiõwydÿÿõmy. Inyõ rybe-ki aõbinamy adee rakeki, irawõyõdÿÿõmy. Wityhymy tamy marybeke. Kia-õ tahe Deuxu aõwihwikÿ adee riwahinykre, tai ijõtxu Deuxu wityhynamy adee riwahinykre. <sup>10</sup> Tai inyõ tabededÿÿnanaluumy ratxike-wana, tatxuu teysamy ratxikeki, tahe dõrõtõ rexitaake rybe bina lau iry riryre wobina rybe lau. <sup>11</sup> Aõbina bina-ribi bihenybenyke aõwihwikÿlemy botÿÿnymahãbenyke. Ywina bi-jimahãbenyke ywina-di ahãbenyke. <sup>12</sup> Deuxurue tahe õbiti mahãdu-di retehemyhÿre.



Tanohōti tahe ixitōena-ò riihohonanymy ronnyh̄ȳre. Aōbina wid̄ȳnadu-ò tamyreny raranyanymy idi retehemyh̄ȳre.

<sup>13</sup> Kai aōwiihik̄ȳ wid̄ȳl̄emy tiu matxibekeki aōhe iny adee rot̄ȳnyōtyhy. <sup>14</sup> Kai òbitiwid̄ȳȳ òraru-ki aōhebo òt̄ȳnȳkeki, deysamy atximahāke. Breburenyōmy iwese ilauren̄y ixiòhārud̄ȳrenyōmy. <sup>15</sup> Urile Kristu awedurenywesemy bis̄nȳbenyke aworeny-ribi. Inyò adereeny arat̄ȳraxinyke-wana aōherekibo Kristu tetyhynymyh̄ȳtemy, kai bexiywinhyhy tamy ixidee rybena byd̄ȳna biywinyhyymy idi ahāke. Arawyòd̄ȳna ywina-di tamy marybeke iòs̄nȳ biyhynymy arayky òbiti-di marybemahāke. <sup>16</sup> Tai tahe biix̄ȳrud̄ȳnȳke umy ibinamy rarybekeki, tai dori òbitilemy Kristuko-txi tariamahāte. <sup>17</sup> Tahe Deuxu dee wikeki, aōwiihik̄ȳwid̄ȳȳ òraru-ki inyò aōhōk̄ȳmy rot̄ȳnȳkeki, kia tahe Deuxu dee awi rare. Aōbinahak̄ȳwid̄ȳȳ òraru-ki aōhōk̄ȳmy rot̄ȳnȳkeki, kia tahe Deuxu dee awi rare. <sup>18</sup> Kristu tahe sohojihyyle rurure iny òraru-na òraru-ki. Òbitiwid̄ȳȳdu tahe rurure òbitiwid̄ȳȳdu aōk̄ òraru-ki, kaiboho ruruweselemy atximahātenyete. Deuxu Tyytybytyhy direki kaiboho iruweselemy atximahātenyete. <sup>19</sup> Kristu Tyytyby rara rotenawo-ò, tyytyby-ò rit̄ȳnȳnȳmy rarybeke. <sup>20</sup> Noe hāwò nihik̄ȳ riwinyreu, Deuxu riraōmy raremyh̄ȳu urile hābu mahādu rityhynyōmyh̄ȳre. Debò inataō reurò inymy rohonnyre rubu-ribi bera-ò rabòròròre. <sup>21</sup> Wiji, kia sebed̄ȳna ijyy wese heka rare. Tahe aōsebed̄ȳna aōk̄ ò iny tarasanare. Sebed̄ȳna-ki Kristu rubu-ribi ixixana inyboho riteòsinyreri iny Deuxu-ò retehemyh̄ȳre tarasana ritakemy. Bee tahe hālubu suròdu aōk̄ rare. Rexitōenymyh̄ȳreki inywo rityranymyh̄ȳre risuhònymyh̄ȳre. <sup>22</sup> Kristu tahe wijile biu bede ronnyre Deuxu rurunawe-ribi tii ȳjuboho, dinoduboho, rurunaduboho wedu Kristu rare.

#### 4

<sup>1</sup> Tahe Kristu taumy-wana aōhōk̄ȳmy rot̄ȳnȳre. Tai tahe iwesemy mohòt̄inybenyke. Inyò dori aōhōk̄ȳmy rot̄ȳnȳre. Tai tahe òraru-ribi ixiix̄awid̄ȳȳmy rōhòt̄inyreri. <sup>2</sup> Tai kabede-ki iny beded̄ȳnanareny uhe hābu òta òtawid̄ȳȳ nohòt̄ina wesemy aōk̄ rakatximyh̄ȳrenyke. Deuxu deewina wid̄ȳna-ò rakatximyh̄ȳrenyke. <sup>3</sup> Juhuu kaiboho sōwemy taòrarunyenye, iwese ityhyd̄ȳȳdukòdu mahādu wiji r̄yira wese. <sup>4</sup> Aòraru-ò biōwa mahādu wiji bederiòt̄inyre kai tii-wana taòrarunykōmahāteki iwese tiiboho naòrarunymyh̄ȳdenyde wese. Tai adee ibinamy rarybemyh̄ȳrenyre. <sup>5</sup> Tule tiiboho ywisid̄ȳȳdu Deuxu-ò rirawonykre. Idi dori òbiti ywisid̄ȳȳna-di rihitxid̄ȳnykre iru mahādu, rubumahādu wana. <sup>6</sup> Tai tahe inyò ituekre mahādu-ò Rybewihik̄ȳmy rarybemyh̄ȳre iumy dori rihitxid̄ȳnykre ibutu hābu wesemy. Tahe ityytyby Deuxumy irumy rarekre.

<sup>7</sup> Boholabeny inyhe, beded̄ȳnana konana iòhòra. Tai tahe inatyhymy mohòt̄inyre Deuxu-ò òbitim̄y bexitōenykemy. <sup>8</sup> Ibutu ratyire wiluutyhymy atximahābenyke. Kaiboho dori aluunadirenykeki wiòraruna-di itxerekōmy ahābenyke. Inyò dori iluunadikeki, wiòraruna-di itxerekōmy ih̄ȳke. <sup>9</sup> Iny wixira dee awim̄y r̄yira, roraludu is̄yōmy r̄yira aheto-ò bis̄ȳd̄ȳnȳke. Bit̄ȳhid̄ȳnȳke roraludu luumy atximahā. <sup>10</sup> Wii biwiòhenanymy ahābeny iwese bede teerytenyete wese biwiòhenanybenyke. Deuxu wiòhed̄ȳȳdu wiitxura wahid̄ȳȳdu wiwihik̄ȳmy boibeke. <sup>11</sup> Inyò rarybekeu, Deuxu rybedile kana rybeke. Inyò reòbykeu. Deuxu ruudile kedeòbyke. Tai tahe Deuxele loosòna kia-ribi kanatake Jesuisi Kristu òraru-ki ibutumy aōna aōna-dì. Aōu aōu ibutumy ruruna, loosòna Jesuisi Kristu hòrò rare. Kie.

<sup>12</sup> Waluuna mahādu, ixibedeòtiid̄ȳȳomy bede aōmyd̄ȳnana sira adee kanakreu. Kia tahe aō brebud̄ȳȳna aōk̄ rare aōhebo adee kodot̄ȳnȳkeki. <sup>13</sup> T̄ȳxihik̄ȳlemy deysa-di atximahāke kia aōhōk̄ȳmy d̄ȳnana dori Kristu aōhōk̄ȳmy d̄ȳnana-ò biōwa atximahāte. Idi tahe tule kedeyasake Kristu loosòna òraru-ki. <sup>14</sup> Inyò adee ibinamy Kristuni òraru-ki rarybekeki beysake. Kiau Deuxu Tyytyby heka loosòna sōwe-di atyre-ki kanakre. <sup>15</sup> Kaibohoò rubud̄ȳȳrenyōmy, wasirenyōmy, aōna aōna bina wid̄ȳȳomy, inywitxira aōwysyna-txi rōte. Kiake-wana iòwyd̄ȳnȳmy aōhōk̄ȳmy bot̄ȳnybenyke. Tii dori wadee awiòre. <sup>16</sup> Inyò tahe aōhōk̄ȳmy rot̄ȳnȳkeki, ityhyd̄ȳȳdumy rare òraru-ki tai ixiryōmy mabeke. Urile Kristunimy riwowyd̄ȳnykemy idi rare. Beded̄ȳnanahe rehemynymy roire ityhyd̄ȳȳdu mahādu-di rihitxid̄ȳnȳnany riteranykemy. <sup>17</sup> Tahe inydee ywisid̄ȳȳna ritelenykeki, timybohe Deuxu Rybewihik̄ȳ ityhyd̄ȳȳdukòdu mahādu-ò kòdòhònykre. <sup>18</sup> Ryberiti-ki roimyh̄ȳre kia: — Òbiti mahādu dee tarasana isirakeki, timybohe òraru mahādu ròhònyke. <sup>19</sup> Tahe inyò Deuxudeewi òraru-ki aōhōk̄ȳmy rot̄ȳnȳkeki, Tatytyby Deuxu-ò rawahike tahe aōwiihik̄ȳ wid̄ȳȳmy rareke. Deuxu dori aōu aōu iny wid̄ȳȳdureny rare; iny wiòhed̄ȳȳdureny rare.

#### 5

<sup>1</sup> Ityhyd̄ȳȳdu-ò itxeredu mahādu-ò aritohonykre ararybekre. Jiar̄ȳ tule itxeredu-ò rare. Kristu aōhōk̄ȳmy rot̄ȳnȳre, jiar̄ȳ tuu rabire. Talosòna kiditeòsinykre jiar̄ȳ awana watxire tewebromy rikitarenykemy. <sup>2-3</sup> Biwisinanyke aityhyd̄ȳȳdu butuna iwese itxeredu budoeni-di retehemyh̄ȳre wese idi beteheke. Ixideewim̄y kia biwinyke. Inywitxira

deewimy aõkõ. Aõ nieru tarasa sohojilemy aõkõ, ityhydÿÿdu wiõhedÿÿmy. Aõ ityhydÿÿdu wedu wesemy aõkõ bisÿnybenyke, urile bexideõsinyke iwese ityhydÿÿdu õbiti rÿira wesemy. <sup>4</sup> Tahe itxeredu mahãdu wedutyhy kedehemynykeu, tii adee kidiwahinykre loosõna araheto. Tii tiu toosõ ixãwiõtyhy. <sup>5</sup> Itxeredu mahãdu tÿmyra bierybenyke itxeredu mahãdu matuari-ribi widee ixiwedeõmy ahãbenyke. Ixiwede mahãdumy dori Deuxu rarawetyynymhÿre. Ixiwede aõkõ mahãdu-õ tahe ruxetõena riwahinyke.

<sup>6</sup> Ywimy ahãke Deuxuru-õ iximy xiwedeõmy. Tii dori bede õbiti kanakeu akanaloosõnykre. <sup>7</sup> Aõmydÿÿna wixira wixira biwahinybenyke Deuxu-õ tii dori arawisinaymyhÿrenyke. Anawiõhenanykre. <sup>8</sup> Bexihãrubenyke aõludureny Satanasi-õ. Õbitimy mohõtinybenyke. Tii dori leaõ reburemyhÿre wese rare. Tii rariarerimy ihÿre tibo rirõkemy. <sup>9</sup> Atyhynatyhy-di idi bexiumnyke. Aityhydÿÿdu seriõre-dori awana aõhõkÿmy rotÿÿnyrereri kia ixiradÿÿduhukÿle-wana. <sup>10-11</sup> Iny Deuxu ruxetõenatyhy rÿire. Kaiboho urihimyo aõhõkÿmy botÿÿnybenykeu akanawiõhenanykre, akanarurudÿÿnykre, akanaõbitidÿÿnykre, anaijohonadÿÿnykre. Ibutumy ruruna ihõrõmy aõu aõu rarekehymy idi watximahãre.

<sup>12</sup> Kia waryberatiyla Sila-wana adeereny riritinyre. Tii iny seriõreereny õbitityhy rare. Jiarÿ rarybereri kia Deuxu wiõhedÿÿna inatyhy rare. Kaiboho idi tyhy mohõtinybenyke. <sup>13</sup> Kowa hãwyy Babilonia hãwã ludu tule tarybe weityhyna adee diwahinyde. Tii tule itarasana mahãdu-õ. Tule wariõre Marku arãrybeweityhynanyreny. <sup>14</sup> Widee buõbenyke narybewehityhynandy. Ywina adeereny kanakemy watxireri Kristu tetyhynmahãtenyteki.

## 2 Pedro 2 Pedro Tyyriti

<sup>1</sup> Jiarý, Simaõ Pedro, Jesuisi Kristu deõdu rare. Jesuisi Kristu rybemy rybedu rare. Warybe ritina rewahinyre ityhydýýdu mahãdu-ò, Deuxu ywisidýýna mahãdu-ò, Jesuisi Kristu inyтарасadu õbitina õraru-ki, inatyhyna inyboho ijõdirenýreki. <sup>2</sup> Ruxetõena wiõhedýýna-wana adeereny kanakemy watzireri Deuxu erydýýna-ki, Inynyrý Jesuisi erydýýna-ki. <sup>3</sup> Tahe Deuxu rurutyhy-ribi inýdeereny aõna aõna sõwemy riwahinymyhýre õbitimy inyboho rokoirekemy iny bededýýnanarený-ki. Tii inyboho ridýrenýre taloosõna õbitiwo-ò, tii inyboho rieryrenýtyhyreki. <sup>4</sup> Tai inýdeereny tuu rarybere, sõwemy aõna aõna kanakremy awityhymy inýdeereny kia rybe rare. <sup>5</sup> Kia rybe bityhynybenýkeki, bede aõmydýýnana bina-ribi bexitabenýke, õta õta widýýna-ribi bexiebenýke. Tule Deuxu raryky wesena-di urihimýò boibeke. <sup>6</sup> Tai tahe ibutumy aruru-di marurunýke aityhydýýna-ò õbiti widýýna bibutunýke, kia-ò bedeerydýýna bibutunýke, kia-ò ixiwedudýýna bibutunýke, kia-ò widýýnahyyna, kia-ò õbitimy nonana. <sup>7</sup> Kia-ò ityhydýýdu seriõre luuna, kia-ò wíluuna bibutunýke. <sup>8</sup> Kia aõna aõna dori awo-ki ratximyhýkeki, rexilõnýkeki, arawiohenanyre Jesuisi Kristu Inynyrý bierybenýkemy. Tai ityhydýýdu wíhikýmy boibeke. Iny witzira biwiohenanybenýke. <sup>9</sup> Kia aõna aõna inywo-ki ratxiõmyhýkeki, tii heka iruetãlemy ihýre. Aõbo iõhõmy ratxirerilemy robimyhýre. Juhu õraruna iribi risuhoremy idi tõhõti rosare. <sup>10</sup> Tai waseriõreboho marurunýbenýke atyhymy boibeke, aityhydýýna tyyhydýýmy boibeke. Tai tiu õraruna-txi aixeõna. <sup>11</sup> Kia wesekeki tahe deysana-di birõnybenýkre Jesuisi Kristu inyтарасadu õlõna bede-ò.

<sup>12</sup> Kia aõna aõna teerytenýte. Inatyhyna tetyhynyhy atximahãtenýte. Ihãrele tahe itxi arõhõtijiradýýnyhyrenýke. <sup>13</sup> Tule warumy mahãreu, awimy idi rahõtinymahãre kia inatyhyna-di akanaixadýýnydenýkemy. <sup>14</sup> Waumy dori kaki ele elelemy aririkre reeryre. Inynyrý Jesuisi Kristu dori kia wadee diteõsinyde. <sup>15</sup> Aõu aõu tahe ararurunýtyhymy ararekre kaiboho kia ibutumy õhõti-ribi rosaõtyhýkemy. Tule warubuhewo-ribi kia-di mohõtinýhy boibeke. <sup>16</sup> Tahe adeereny Jesuisi Kristu tehemynymy rarybere, aõ uritere tere ijyymy aõkõ heka relyreri hãbu ijyyna-ribi aõkõ ijyityhymy. Inyboho dori iny iõlõreny loosõnatyhymy robimyhýrenýre. <sup>17</sup> Tii dori Deuxu inytyby-ribi loosõna wowodyna-wana ritare. Tuu Deuxu loosõnawo-ribi narybede: Kai heka Wariõre waluu tate. Jiarý reysamy watzireri adee. <sup>18</sup> Kia rybe-ò jiarýboho raholarenýre tii-wana hãwãlõ raty tyre-ki roiremyhý. <sup>19</sup> Iwese juhu rybemy rybedu mahãdu rarybere wese, kiamy heka wiji inýdeereny ritýnymy roimyhýre. Kaiboho tule kia-ò bohohamahãbenýke bityhynymahãbenýke. Iwese iny loosõna-di bedeluru-ki, retehemyhýre wese. Idi tahe Kristu kõdõhõnykre, iwese tainahaký rõhõnyre wese. Tahe aworeny-ki kanasýnykemy ratxikre. <sup>20</sup> Kia heka juhú bierykre: Tyyritirybeõ tiu ixiwanalety ritýnydýýnyõtyhy. <sup>21</sup> Deuxu rybe dori hãbudeewimy aõkõ heka nade juhu Deuxu Tyytybytyhy hãbu dee rybe ritýnymy aõmybo rarybekemy.

## 2

<sup>1</sup> Iwese juhú iny-ki rybedu inatyhyõna rarybere wese, tule ayreny-ki rybedu inatyhyõna kidierydýýnykemy. Tiiboho kedeerynanykre aõbinabahãkýmy. Tiiboho kiditxenanydenýkre. Tule Inynyrý kidiseõnykre. Tai tahe aõwesele rexihukre. <sup>2</sup> Sõwemy iny iõta õta erydýýnyra rityhynykre. Tai iny witzira inatyhyna ery dee ibinamy rarybekre. <sup>3</sup> Kia rybedu inatyhyõna adyna-ki ratxihyymy roireke tai adeereny raruimyhýke. Anieru tarasanarený-ò. <sup>4</sup> Iatsyyna heka iõhõmy namahãde tule idi dehuna inatyhymy kõdõhõnykemy ihýre. Ýju mahãdu raõrarunýre Deuxu tõtxi ririõlemy reare tahe idi rehulemy reare bedebina heõty-ò. <sup>5</sup> Iu bee-di Deuxu suu ritýmnyre, õrarudu mahãdu ituere Deuxu tõtxi ririõre. Noe, õbitina rybedule, ritare debõ inatxi reurõ iny-wana. <sup>6</sup> Sodoma hãwã Omora hãwã-wana aõwesele Deuxu ritoonyre, raõrarunýreki. Brybymy relere. Tai heka iny ribedeerynymyhýre õraru lau. <sup>7</sup> Kia hãwã-ribi heka Lõijoi sohojile ritare. Lõõ õbiti rare. Tii heka terare õrarudu mahãdureki. Tõtxi ririõhyre. <sup>8</sup> Imahãdu-ki Lõõ rasýnyre, txuõ txuõlemy iwo rabadewotyhyhýre, aõbinawidýýmybo robire idi roholareki. <sup>9</sup> Tahe õbiti widýýdu urihixina-ribi Inynyrý ridýkemy rierymyhýre. Tule ibinamy widýýdu mahãdu aõhõkýmy dýýnana riraõmyhýre. Ywisidýýnatxu kedehe-mynykreõ. <sup>10</sup> Ibutu ratyre urari õta õta widýýdu mahãdu aõhõkýmy rotýýnykre. Tiiboho Deuxu ruru riseõnyrenýmyhýre. Ixi-di xiwededu wesemy rýrenýre, ixiluudu wesemy rýrenýre. <sup>11</sup> Aõbinahakýlemy biuludu mahãdumy rarybemyhýrenýre. Tahe ýju mahãdu iruruna ratyre-di hãre tamy ibinamy rarybeõmyhýre, Deuxuko-txi. <sup>12</sup> Tahe kia iykaraluu

mahādu irōdu deborehekȳ wesemy ratximyhȳre. Irōdu debore tahe bedehuduna widȳȳmy rare ada rōtenawo-ò rakelemy. Kia hābu mahādu aōmybo rōeryōhyymyhȳre dee ibinamy rarybemyhȳ. <sup>13</sup>Tiiboho ixi-di dehuna-di ixi dee kedexiixāwinykre. Tiiboho òraru luumyhȳre txumy dōri raōrarunrenymyhȳre. Awanareny dori riroximahāre, aōbinahakȳtyhy wesemy ayreny-ki ratximyhȳ òrarunarenymy rybe luureki. <sup>14</sup>Tiemy iru hāwydyhy retehemy ihȳre tamy òta òtaelemy rōhōtinymyhȳre. Kia hābu hāwydyȳweduna rierymyhȳre. Hāwy urihimȳ òtȳwekeki kia hābu idyna rybe-di rierymyhȳre hāwy-di aōbo tai riurarinymy taōbirenareny rihydȳȳnymyhȳre aōbo tai riurarinymy idi ratximyhȳre. Tiiboho tuedena nihikȳ-di ituerenykre. <sup>15</sup>Ōbitiry ririmyhȳreny. Reōsamyhȳreny. Balaaōry dori rihe-ludunymyhȳreny Balaaō, Beoro riōre òraruōwydȳȳnami ritakemy ratxireri òraru luureki. <sup>16</sup>Aōbinahakȳ riwinyreki rexiōwyny. Kiamy heka. Jumenta wesena rybeteremy tamy rarybere inyrybe wesemy iitȳȳtena-ribi riixāwidinykemy. <sup>17</sup>Tiiboho bedidehuna wese roire bee ihoōreki. Yhy biuwetyy tiō ridymyhȳre wese kia hābu mahādu roire. Tamy bede luruhukȳ bede riyrubunymy rȳre. <sup>18</sup>Tiemy taōrarumy rarybehyymy raremehȳ inyō aōta òta rybe-di ridykemy. Inyō deōsary-ribi rōhōnykeki, tiū ridylemyhȳre ixybyle òraruna-ò. <sup>19</sup>Tamyreny rarybemyhȳre ixideewimy boibekemy. Urile irybedureny òrarunawidȳȳna deōdumy ihȳreny. <sup>20</sup>Iwese inyō ijesuna-ribi riatymyhȳkeki, iatysydȳȳdu deōdumy rarekre wesemy. Kia wesele tahe òraruna rare. Inyō bede aōmydȳȳnana òraru-ribi rōhōnykeki, tahe ixybyle rōōsekeki, teleu raremehȳ ratyre òkonanau ratȳȳnykre. Inynyrȳ Jesuisi Kristu dori tiū rierymyhȳre juhuu tahe idi rexideyresanyre kia aōmydȳȳnana òraru-ò. <sup>21</sup>Tiiboho ryōbiti rierymyhȳreny. Tahe bede ywina òbiti-ribi rexiōlōdȳȳnyre. Rieryōhyykeki tamy wimy tuu raremehȳ, rytȳmyra erysy-ribi rohonyrenykre. <sup>22</sup>Tiiboho kia rybedȳȳna hitxina wesemy ihȳreny: —Ijōōsa tahylōina-ò rōōsere. Tule ijō rybedȳȳna wesemy: —Iȳni bedi risuhōkeki, tiū tasu burena-di ixybyle rexisunyke.

### 3

<sup>1</sup>Kia, waluuna mahādu warybe ritidȳȳna juhuludu aōkō rare ihewoludu rare. Warybe riti wiwanadile anohōti ijiradȳȳmy watxireri anohōti riraixixanykemy. <sup>2</sup>Deuxu rybemy rybedu òbitimy rarybemyhȳre òhōti-ribi rosaōkre, tule Inynyrȳ iny tarasadu bede ywina nohōti losaōmy iwese tarybe deōdu adeeremy rierynanyre wese. <sup>3</sup>Ibutu ratyre, kia-ribi nohōti losaōmy. Ikonana txuu hābu binahakȳ rybe binatyhy-di kōdōidenykre. Kia hābu òta òta widȳȳlemy rōhōtinymyhȳre. <sup>4</sup>Kiamy hābu rarybekre. Tiubo Jesuisi Kristu nonana kanakre. Juhu inytybyreny ituereu wiji bededȳȳnana tiu naōhyymyhȳde. Ibutumy heka juhu bedeu ixi wese hyylemy bede roimyhȳre. <sup>5</sup>Iribi tōhōtirenny rosare ixideewimy Deuxu irybedile biu bede-wana riwinyre. Beribi riwinyre, bedi riwinyre. Iribi tahe bedi bede rahure. <sup>6</sup>Bedi juhuu bede ibutumy rexihura. <sup>7</sup>Tule wiji irybedile bede rȳimyhȳre. Tahe ixybyle kanahukre. Heōty-di kanahukre. Kia txuu ibutumy inybinahakȳ ituekre kia-ribi ixideewilemy kia hābu tōhōti rosare.

<sup>8</sup>Tahe aōsohōjibo, waseriōreboho, nohōti-ribi loosarenyōmy. Kia heka rare: Inynyrȳ dee. Txusohōji 1000 beōra wese heka rare. Tule 1000 beōra txusohōji wese rare. Tamy bededȳȳnana aō aōkō rare. <sup>9</sup>Inynyrȳ tarybewesele aōna aōnany kodotȳȳnykre. Aō raroorehenymyhȳre aōkō rare urile tahe hābu riraōhyymy rȳimyhȳre hābu taōraru-txi tōhōti reakemy. Ibutumy tarasana-ki rȳikemy dori idi ratxireri. <sup>10</sup>Wasidu namyhȳde wasimy Inynyrȳ txuu kōdōhōnykre. Biuwetyy, bede-wana rexihukre. Ibutu suludu heka ramyijy heōty adȳȳwesemy ritxienykre. <sup>11</sup>Ōbitimy rakatxirenyke. Kia ibutumy rōhōnyreki. <sup>12-13</sup>Inyboho heka riraōmyhȳreny biuwetyy tȳmyra sutȳmyra-wana. Inynyrȳ dori rarybere kia kidiwahinykemy.

<sup>14</sup>Tai heka waseriōre waluuboho, òbitimy atximahābenyke kia-ò dori teraōmahāteny. Tii kanakre umyreny robikre ywimy, òbitimy, inyō heka umyreny ibinamy rarybeōtyhy. <sup>15</sup>Rexiōrehenymyhȳre ibutumy iny tarasanarenymy. Tule inyseriōre Paulo adeeremy rōritidȳȳre ibede eryna Deuxu tamy riwahinyre. <sup>16</sup>Kiamy tule aōna aōnany tiū rōritidȳȳre. Tahe iritina-ki aōbo isiratyhyre ierykōnatyhymy roire òbiti mahādu aōkō kia rybe-di aōwitxiramybo rierynanymyhȳre. Iwese ijō Ryberiti-di riwinyre wese. Tai heka tiiboho ituerenyre. <sup>17</sup>Kaiboho tahe waityhydȳȳdu seriōre bexihārubenyke ilau teōsana-di aradyrenyheny. Tai kaiboho beōsabenyke. <sup>18</sup>Inynyrȳ Jesuisi Kristu wiōhedȳȳna-di ibedeerydȳȳna-di maumynybenyke. Wowydyna ibutumy tamy kanakemy idi wāhāre wiji tyhymy rareke. Kie.

## 1 Juaõ 1 Joaõ Tyyriti

<sup>1</sup> Jiarýboho akoreny retýñnyreri, Jesuisimy. Tii Rybe nininirenyra. Tii juhubeđu raremyhý. Jiarýboho rabirenyra, tarybemy aholarenyra, tamy reteherenyre, aõbo riwinyreõ, tule tamy iny rerimyhýre. Tii inyeereny umytýmyra riwahinyreri. <sup>2</sup> Umytýmyra tuedeõna Deuxu inytyby-ribi rehemynyra. Kia umytýmyra tuedeõna Jesuisi-di rare. Jiarýboho tuu rabirenyre. Tii rexideõsinyre inyrenyko-õ. Kia tahe adeereny relyreri iwese raremyhý wese. <sup>3</sup> Aõõbo iny roholare wese, tuu rabire wese, kia tahe tuu relyreri inyboho wiluurenkemy winohõtiwesele rõkõhõtinyrenkemy. Inyboho rahõtinyrenyri iwese Deuxu inytybyreny, Jesuisi Kristu Deuxu Riõre-wana wiwese rõhõtinyre wese. <sup>4</sup> Kia tahe waryberiti adee rewahinyreri adeysamy rakatximahärenkemy.

<sup>5</sup> Kiamy tahe Jesuisi inyeereny relyreri: —Deuxu txuloosõna wese ratximyhýre. Deuxu-õ bedeluru aõmydýñana rehemynyõtyhy kiamy adeereny relyreri. <sup>6</sup> Inyõ rarybekeki: —Jiarý Deuxu-wana winohõtiwesele rahõtinyamahäre. Kia iny bedeluru aõmydýñana-di ratxireriki, kia iny rarumyhýre. <sup>7</sup> Tahe inyboho loosõna waõmydýñana riwinymyhýrenykeki iwese, Deuxu loosõnawo-ki ratximyhýre wese, tai inyboho wiwesele rõhõtinymyhýke. Tahe Jesuisi, Deuxu Riõre hãlubu ibutumy iny õraru-ribi iny risuhõmyhýke. <sup>8</sup> Inyõ rarybekeki: —Jiarý raõraranõhywãhãre, kia rybe-di tii ixidee riitxenanymyhýre. <sup>9</sup> Iny taõrarenymy relyrenykeki, Deuxu tiemy õbiti rare, tii iny õrareny iny-ribi riixãwididýñnykre. Aõõbo iny iwo-ki isuisumy ihýre tii rityranyke. <sup>10</sup> Inyõ õrarudikemy aõkõ raryberenykeki, inyboho Deuxu ruidumy rarybemahäreny. Kia iny Deuxu rybe rieryõhyymyhýre.

## 2

<sup>1</sup> Kaiboho wariõre wese atximahätenyete. Adeereny waryberiti rewahinyreri, kaiboho õrarenyõmykemy. Iny õraruna-txi resekeki, iny wiõhedýýdureny dire. Tii Jesuisi Kristu rare. Õbiti rare õraru iyydumy rarekemy Waha Deuxuko iny wiõhedýýmy. <sup>2</sup> Tii dori itxeõnihiký-ki rurura iny õraruõwydýñ-ki. Inysohojile õraru aõkõ rurura tahe ibutumy iny õraruõwydýñ-ki. <sup>3</sup> Tiwesebo inyõ rexierykre Jesuisi rieryrenkemy rityhynymyhýkeki karybe bede ywina wese rierykre tii rexierykre Jesuisi rityhynyreri wana. <sup>4</sup> Inyõ rarybekeki: —Jiarý Jesuisi reeryre. Irybe bede ywina riywinyõkeki, iny ruidu rare. Inatyhyna rityhynyõre. <sup>5</sup> Inyõ Jesuisi bede ywina riywinykeki, inatyhymy tawo-ki Deuxuluu rare. Kiawese heka iny rierykre Jesuisi mahãduwo-ki ratxireri-wana. <sup>6</sup> Inyõ rarybekeki: —Jiarý Jesuisi mahãduwo-ki watxireri. Tamy kia wese rýikeki. Aõmybo Jesuisi rotýñnyre wese, tii tule rotýñnyke. <sup>7</sup> Ityhydýýduseriõre, adee bede ywina týmyra aõkõ rewahinyreri. Bede ywina tyby kia rare. Kia juhuu teerytenyete. Inyboho wiluurenkemy, kia bede ywina tyby rare, juhuu taholatenyete. <sup>8</sup> Kia rybe bede ywina itýmyra rare. Jiarý adee rewahinyreri. Kristu dee inatyhy rare tule adee inatyhy rare. Bedeluru rõhõnyra, loosõna inatyhy bede-õ ralõmyhýre. <sup>9</sup> Inyõ rarybekeki: —Jiarý loosõnawo-ki watxireri. Kia iny taityhydýýdu seriõre luuõkeki, bedeluru-ki ratximyhýre. <sup>10</sup> Inyõ taityhydýýdu seriõre luukeki, kia sohojile loosõnawo-ki ratxireri. Aõ aõkõ tii riatydyñnyra. <sup>11</sup> Inyõ taityhydýýdu seriõre rexihitxinykeki, bedeluru-ki rariamyhýre. Titxibo rakre rieryõhyymyhýre. Bedeluru dori ruetãna rare.

<sup>12</sup> Adeereny warybe rewahinyreri wariõre wese aõraru dori, tii riixãwididýñnyre Jesuisi õraru-ki. <sup>13</sup> Iumy mahãdu-õ warybe riti rewahinyre adiwahinyde, kaiboho dori tuu teerytenyete. Tii hykyle dori juhuu raremyhý. Ijoityhy-õ waryberiti rewahinyre, Satanasimy tahañnanytenyete. <sup>14</sup> Wariõre, inytyby Deuxu teerytenyete. Iumy mahãdu, adeereny atyryritinykre, kaiboho dori tuu teerytenyete. Tii hykyle dori juhuu raremyhý. Ijoityhy, adeereny atyryritinykre, Deuxu rybe dori õhõtireny-ki ratxireri, arurudireny dori. Satanasimy tahañnanytenyete. <sup>15</sup> Bede aõmydýñana luurenkyõmy boibeke. Inyõ bede aõmydýñana luukeki, Deuxu inytyby luuna rieryõke. <sup>16</sup> Kia bede aõmydýñna rare: õraruluuna, aõmy robira-wana tuure, aõna aõnamy ixityhydýýna. Kia Deuxu-ribi aõkõ nade. Kia bede aõmydýñna-ribi nade. Kia bede aõmydýñna-ribi nade. <sup>17</sup> Kabede ixãwikre taaõmydýñna õta-õta-wana. Deuxudeewimy widýýdu tiu ixãwiõtyhy. Tii awimy rýirakre.

<sup>18</sup> Wariõre wese. Ikonana bededýñana iõhõmy roire. Adeereny narybede Kristu õludu kanakemy. Betehe inihe, Kristu õludu sõwemy dehemynyde. Kiawese inyboho rieryrenyre ikonana bededýñana iõhõmy roire. <sup>19</sup> Kia Kristu-õ õludu iny mahãdu wotyã-ribi rõhõnyrenyra. Tii ityhydýýdutyhymy aõkõ ratximyhýre. Ityhydýýdu mahãdu tiu rõhõnyõtyhy. Rõhõnyrenyreu, ibutumy rieryre, kia iny mahãdu aõkõ ratximyhýre.

<sup>20</sup> Kaiboho aōmydŷŷnana ibutummy teertytenyte Deuxu Tyytybytyhy direki. <sup>21</sup> Kia rybe adee aratyyritinyke, kaiboho dori Deuxu rybe inatyhyna teertytenyte. Tiu rui Deuxu inatyhyna-ribi rōhōnyōhymyhyŷre. Kia tahe teertytenyte. <sup>22</sup> Moheka ruidu rare. Inyō rityhynyōkeki Jesuisi Deuxu deōdŷŷna raremy, tii tahe ruidu rare. Inyō Kristu Deuxu-wana ritxiōnykeki, tii Kristu ōludu rare. <sup>23</sup> Inyō Deuxu Riōre ritxiōnykeki, tii Deuxu-wana aōkō ratxieri. Inyō rarybekeki: —Deuxu Riōre retyhynyre, tii Deuxu-wana ratxireri. <sup>24</sup> Juhuu aōōbo roholare taholamy toitemyhyŷ idi mohōtinyinbenyke. Idi mohōtinyinmahābenykeki, Deuxu, Iriōre-wana aōu sōu matxibenyke. <sup>25</sup> Jesuisi Kristule juhuu inydeereny narybede, umy ituedeōna inydeereny kidiwahinykemy. <sup>26</sup> Kia waritina jiarŷ wiji rehura. Aitxenadŷŷdu lau adee reritinyra. <sup>27</sup> Abedeerydŷŷna Kristu tatytyby adeereny riwahinyre. Tii tahe awanale ratxireri. Aerydŷŷdu aōkō adeereny rauhenyrenyeri. Tii tahe inatyhy bedeerydŷŷna ibutummy araerynanyeri. Rui aōkō rare. Iwese tii araerynanyereri wese, ibutummy biyrubunymahābenyke. Kia tahe Kristu-ki hykyle bexiemyhyŷbenyke. <sup>28</sup> Wiji, wariōre wese aōu aōu boibekeki Deuxu mahāduy-ki. Tai Jesuisi kaō kedehenykyeu, buberuōtyhy ada maixŷruōtyhy ilau. <sup>29</sup> Deuxu ōbitityhyhy ratximyhyŷre. Kia teertytenyte. Inyō ōbitimy rarekeki, Deuxu riōremy rareke. Kia tule teertytenyte.

### 3

<sup>1</sup> Boholake, inytyby Deuxu taluuna nihikŷ inydeereny riwahinyre. Inyboho dori tii rininirenyre Deuxu Riōremy. Inatyhymy inyboho Deuxu Riōremy roire. Kia tahe ityhydŷŷdukōdu mahādu rieryōre. Tiiboho dori Deuxu inytyby rieryōhymyhyŷre. <sup>2</sup> Waluuna mahādu, inyboho Deuxu Riōremy roire. Rierykōrenyke timybo iny rokoirekemy. Kia inyboho rieryrenyre: Jesuisi kodobehekrey, inyummy taumy wese risŷnykre. Inyboho dori kodobidenykre iwese rarybemyhyŷ wese. <sup>3</sup> Inyō Jesuisi wesemy rarekemy ratxiēkeki, iwese Jesuisi ōbitimy raremyhyŷ wese tii rareke. <sup>4</sup> Inyō Deuxu bede ywina rybe rityhynykeki, tii rexiōrarunyke. Kia heka ōraruna rare. <sup>5</sup> Jesuisi dobehede ōraru tarasadummy rarekemy. Kia teertytenyte. Jesuisi inatyhymy raōrarunyōhy raremyhyŷ. <sup>6</sup> Inyō Jesuisirykihy rarialeke, tii ōraruōmy rareōtyhy. Inyō ōrarumy rarehykeki, tii Deuxu rieryōhymy rareke tuu ro-biōhymy rareke. <sup>7</sup> Wariōre wese, itxenadŷŷdu lau bexiyrubunyke iny aōmydŷŷnana ōbitimy riwinykeki, iny ōbitilemy rareke, iwese Jesuisi ōbitimy raremyhyŷ wese. <sup>8</sup> Inyō ōrarunadityhy raretyhykeki, tii Diabo mahādu-di rareke, Diabo heka ōrarauna-ki hyy nodure. Tai kaō Deuxu riōre nade Diabo aōmydŷŷnana ixāwikemy. <sup>9</sup> Inyō Deuxusŷ riōrekeki tii ōraruna-txi reseōlemy ratximyhyŷre Deuxu dori iwo ritymyranyre. Tii reseōhyke rareke. Deuxusŷ dori rare. <sup>10</sup> Kia wese iny rieryrenyke inyboho iriōre Deuxu riōremy roire ada Diabo riōremy aōbo, inyō Deuxu deewimy riwinyōkeki, tii Deuxu Riōre aōkō rare. Inyō taityhydŷŷdu seriōre luuōkeki, tule Deuxu Riōre aōkō rare. <sup>11</sup> Kia bede ywina rybe juhuu taholamy tatemyhyŷ ihāre tadoholamahāte. Kia heka rare: iny wiluukemy. <sup>12</sup> Iwese Kai taserōre rirubunyre wese aōkō rikiwinykre. Tii dori Satanasi mahādu rare. Aōherekibo tasewriōre rirubunyre. Iaōmydŷŷna Deuxu dee awiōre Iserōre aōmydŷŷna Deuxu dee ōbitire tai tahe rirubunyre.

<sup>13</sup> Waseriōreboho, ityhydŷŷdukōdu mahādu eramy ratximyhyŷ. Kia-di bedeōtiidŷŷomyke. <sup>14</sup> Inyō ityhydŷŷdu seriōre luukeki, tii rubumy rŷire wese mahādu-ribi rōhōnyre. Kia reerymyhyŷrenyre. Tahe umytedōna-ki rahara. Inyō luuōkeki, tii rubumy rŷirawese mahādu-ki ihŷmyhyŷke. <sup>15</sup> Inyō taseriōre derakeki, tii rubudŷŷdu wese rare. Boholake, kia teertytenyte. Rubudŷŷdu umytedōna-ki rahaōtyhy. <sup>16</sup> Kiawese luuna rikierenyre dori Kristu rubu-ō rexiwahinyre inydeereny tōemy. Tai tahe inyō taseriōre dee rurukeki iluuna sōwerek. Tii tahe awire. <sup>17</sup> Inyō ityhydŷŷdu seriōre aōhokŷmy rotŷŷnykeki, rama rahukeki, tuu robike aō ijōdikeki, tahe iny riwiōhenanyōkeki, tii Deuxu luuna-di aōkō ratximyhyŷre. <sup>18</sup> Wariōre wese, luuna urile tuu rybena aōkō rare. Aōhebo rotŷŷnykemy ihŷre. Kia tahe aluuna inatyhymy biteōsinyke. <sup>19-20</sup> Kiawese iny reeryrenyre inatyhyna mahāduwo-ki ratximyhyŷre. Jiarŷ arahōtinykeki. Jiarŷ aōkobo ityhydŷŷdumy watximahāre. Deuxu warayky riwiōhenanymy ratxireri. Deuxu warayky ratyre raraykywydynanymyhyŷre. Tii ibutummy aō rieryre. <sup>21</sup> Waluuna mahādu, ruberuōhymyhyŷre tahe iny ityhydŷŷdu mahādu-ki ratximyhyŷre wana rieryreki Deuxu iny rityhynyre. <sup>22</sup> Tahe aōmy iny rexitōnykeki tii inydee kidiwahinyke. Iny dori ibede ywina rybe rityhynymyhyŷre. Deuxu deewimy iny riwinymyhyŷre. <sup>23</sup> Kia heka Deuxu bede ywina rare. Jesuisi Kristu, iriōrenimy rikityhynykemy. Tule iny wiluuna wiluukemy. Iwese tabede ywina rybe diwahinyde wese rarekemy. <sup>24</sup> Inyō Deuxu bede ywina rybe rityhynykeki, Deuxu-wana rareke. Tii-wana ratxikemy. Kia wese heka iny rieryrenyre Deuxu-wana iny ratxireri. Deuxu Tatytybytyhy dori inydee riwahinyre.

### 4

<sup>1</sup> Waluuna mahādu, ibutummy rybe bityhynybenyōke inihe ityhydŷŷrenyōmy. Tai biurihike

iny rybe Deuxu-ribi inatyhy aōbo ada aōkōre aōbo. Sōwemy rybedu mahādu rōhōnymyh̄re. Tahe inatyhymy Deuxu rybemy rybedu aōkō rare. <sup>2</sup> Kiamy Deuxumy rybedu mahādu inatyhymy bierykre, inyō rarybekeki: Jesuisi Kristu hābu wesemy nade, tii inatyhy Deuxu mahaduō ih̄yre. <sup>3</sup> Inyō kiamy rarybeōkeki, tii Deuxu mahādu aōkō ratximyh̄re. Kia Kristu ōluduō rare. Tamy taholamahāte kanakreō, tahe, kia ratximyh̄re. <sup>4</sup> Wariōre wese, kaiboho Deuxu mahādumy toite. Deuxu inatyhy aōkō rare, kia ruru tetatenyte. Deuxu dori aworeny-ki ratximyh̄re Deuxururu, Diabo ruru ratyre rare. <sup>5</sup> Inatyhymy rybedu aōkō aōmyd̄ȳnana binamy relyymyh̄re. Tii dori ka bede aōmyd̄ȳnana bina mahādu rare. Tahe ityhyd̄ȳdukōdu mahādu tamy roholamyh̄re. <sup>6</sup> Inyboho Deuxu mahādu roire. Inyō Deuxu rierykeki, inydeereny roholamyh̄re. Inyō Deuxu rieryōkeki, inydeereny roholad̄ohtyhy. Kiamy rikierymyh̄renyke inatyhyna mahādu inatyhyna aōkō mahādu.

<sup>7</sup> Waluuna mahādu, wiluumy rakatximyh̄reny. Luuna dori Deuxu-ribi nade. Inyō luukeki, Deuxu-ribi tibie rare. Iny Deuxu rieryre. <sup>8</sup> Inyō luuōkeki Deuxu rieryōre. Deuxu dori luuna rare. <sup>9</sup> Kia wese inyboho rieryreny Deuxu inyluumy ratxire. Deuxu Tariōre sohojile diteōnyde bede-ō inyboho Iriōre-ki umy t̄myra-ki rahakemy. <sup>10</sup> Kia heka luuna rare. Juhuu Deuxu iny tuu aōkō rare. Tii tahe inyluure. Tule tariōre diteōnyde inyōraru ōwy ōwyd̄ȳnanykremy. <sup>11</sup> Waluuna mahādu, Deuxu inyluumy rityhyreki, tai tahe inyboho wiluumy rokoireke. <sup>12</sup> Tii Deuxumy inyō robiōhykyre. Inyboho wiluumy r̄ykeki, Deuxu inywo-ki ratxike. Tai tahe inatyhymy Deuxu luuna inywo-ki ratximyh̄re. <sup>13</sup> Deuxu iny-ō Tatytyby riwahinyre. Kiamy tahe inyboho rieryreny tamahādu-ki ratximyh̄re. Tule rierymyh̄reny tii iny-wana ratximyh̄reny. <sup>14</sup> Deuxu Riōremy inyboho robirenyra Tulobixidumy inyboho roire. Tuu adeereny relyyri. Deuxu Tariōre diteōnyde iny tarasadumy rarekemy. <sup>15</sup> Inyō rityhnykeki idi rarybekeki: Jesuisi Deuxu Riōre rare, tii Deuxu-di tawo-ki ratxireri. Tii Deuxu-wana ratxireri. <sup>16</sup> Inyboho rieryreny Deuxu inyluumy. Kia iny rityhnyreny. Deuxu heka luuna rare. Inyō luuna-ki ratxihykeki Deuxu tii-wana ratxihykyre. Tii Deuxu-wana ratxihyymyh̄re. <sup>17</sup> Iny luunareny Deuxu-ō rauhennyōreri. Tai tahe Deuxu wiribi ritxuakre kia txuu inyboho kiatsulau ruberuōtyhy. Iwese tii ratximyh̄re wese inyboho kabede-ki ratximyh̄reny. <sup>18</sup> Inyō luuna-di ratxityhykeki, tii ruberuōtyhy. Luunatyhy brebuna-di rehumyh̄re. Aōhōk̄myd̄ȳnana brebuna kidiwahinyre. Inyō brebuna-di ratxikeki, tami aōh̄k̄my d̄ȳnana kanakre. <sup>19</sup> Juhuu Deuxu inyluumy, tai tahe inyboho iluumy. <sup>20</sup> Inyō rarybekeki: —Jiar̄y Deuxuluure. Tai tahe tii ityhyd̄ȳdu seriōre luuōkeki, tii ruidu rare. Inyō taityhyd̄ȳduseriōre luuōkeki, timykibo Deuxu lumy rarekemy iximy rōhōtynyke Deuxu dori tii tuu robiōnymyh̄re, taseriōremy tahe robihyky ih̄yre. <sup>21</sup> Kia bede ywina rybe heka Kristu inydeereny riwahinyre: Iny Deuxuluumy ratxikeki, tule tii taityhyd̄ȳdu seriōre lumy ratxikre.

## 5

<sup>1</sup> Jesuisi inatyhymy Kristu rare, Deuxu deōd̄ȳna rare, inyō rityhnykeki, tii inatyhymy Deuxus̄y mahāduwo-ki ratximyh̄re. Inyō Deuxu luukeki, tule iriōre luukre. <sup>2</sup> Inyboho Deuxuluukeki tarybe ywina rikiywinykeki, tai Deuxu tibied̄ȳna mahādu lumy rikierynyke. <sup>3</sup> Deuxu rybe ywina rikityhnykre, irybe ywina dori isiraōre. Tai inyboho Deuxu luuna riteōsinykre. <sup>4</sup> Deuxus̄y mahādu bede aōmyd̄ȳnana bina bina ruru ritamyh̄re iny Deuxu rityhnyreriki, kia bede bina bina ruru ritareri. <sup>5</sup> Mo tahe kia ijesu tarasadure. Inyō Jesuisi Deuxu Riōre raremy rityhnykeki, tii bedebina bina ijesu tarasadu rare. <sup>6</sup> Jesuisi Kristu nade. Inyō tii riratisebenyre idi rare rurukremy tahāluu ritxiwikremy. Reriratisebenykyre sohojile aōkō nade, tule tahāluu ritxiwikemy nade. Kiamy heka Deuxu Tyytyby tuu rarybere. Deuxu Tyytybytyhy tahe inatyhymy rare. <sup>7</sup> Inataō aōmyd̄ȳnanamy inydeereny rarybere: Deuxu Tyytybytyhy ijōre, Jesuisi ixirati sebed̄ȳna ijōre, Jesuisi rubud̄ȳna ijōre. <sup>8</sup> Kia inataō aōmyd̄ȳnanamy iwese wiewesemy rarybereri. <sup>9</sup> Hābu rybe iny rityhnyreny. Deuxu rybe hābu rybe ratyre rikityhymy rakatximyh̄renyke. Kiamy Deuxu Tariōremy rarybereri. <sup>10</sup> Inyō Deuxu Riōre rityhnykeki, aōbo inatyhy ixidee rieryre. Inyō rityhnyōkeki, tii Deuxu-di ruidumy rōhōtynyri. Tii dori rityhnyōreri timybo Deuxu tariōremy rarybere. <sup>11</sup> Kia rybe rare: Deuxu inydeereny umyuedeōna riwahinyre. Tii tii umy ituedeōna iriōre-ki inyboho rakaharenkyre. <sup>12</sup> Inyō Deuxu Riōredikeki, tii umyt̄myra tuedeōna-ki rahake. Inyō Deuxu Riōre-di aōkōkeki, tii umyt̄myra tuedeōna-ki tahasaōna.

<sup>13</sup> Kia aōna aōna adeereny retyritinyre kaiboho umyuedeōna-di atxitenyteri bierybenykyre. Deuxu Riōre tetyhnytenyte. <sup>14</sup> Inyboho Deuxudeewimy rexitōenymyh̄renyreu, Deuxu iny-ō roholamyh̄re. Kia tahe inatyhymy rybena rare. <sup>15</sup> Inyboho rierykeki tii inydeereny roholamyh̄re, tai rierymyh̄reny tii inydeereny riwahinyke aōmybo iny tami rexitōenyri. <sup>16</sup> Iny ityhyd̄ȳdu seriōre rubu-ō aōkō ōraruna-txi resekeki, tami Deuxu-ō rekitōenynyke, Deuxu kia riwōihenanykemy ixiby Deuxu-ō rōōsekemy. Tii rubu-ō

òraruna-txi resekeki, jiarĩ adee ararybeõkre tamy bexitòenykemy. <sup>17</sup> Ibutumy òbiti aõkõkeki, òraruna rare. Òraruõ rubudỹỹnahyky kidiwahĩnyõkre.

<sup>18</sup> Inyõ Deuxu-ribi tybiekeki, òrarunahyy-ki rareõtyhy. Kia inyboho reeryrenyre. Deuxu Riõre ryrubunymyhỹre. Diabo iribi rõtãtyhy. <sup>19</sup> Deuxuhõrõ inyboho roire. Kia inyboho rieryrenyre. Kabede bina mahãdu taaõmydỹỹna-wana Diabo hõrõ rare. <sup>20</sup> Tule inyboho rieryrenyre: Deuxu Riõre inatyhymy kaõ nade. Tii rierynanyre mobo Deuxu inatyhy raremy. Deuxu-wana inyboho ratximyhỹrenyre, inyboho-dori Jesuisi Kristu Deuxu Riõre-wana ratximyhỹrenyre. Kia heka inatyhymy Deuxu rare. Kia inatyhymy umytuedeõnamy rare. <sup>21</sup> Wariõre wese, bexihãruke ibutu bedeoàraruna lau.



## 2 Juaõ

### 2 Juaõ Ryberiti

<sup>1</sup> Jiarý dohodýŷna matuari mahãduõ warybe rare. Watyryiti rewahinyreri Deuxu ywisidýŷna hãwyyõ-ò, iriõre-ò. Jiarý ibutumy inatyhyerydu mahãdu-wana tiiboho inlyutyhyrenyre. <sup>2</sup> Inatyhyna dori inyworeny-ki ratxireri. Ratxityhyhyymy ratxike. <sup>3</sup> Kia dori inatyhy inydeereny tate luuna-di. Deuxu deysana, ruxetõena, ywina adeereny kanakemy watximahãre Deuxu Waha-ribi, Jesuisi Kristu, Iriõre-ribi.

<sup>4</sup> Ariõre mahãduy-ribi inatyhymy ijõ ityhydýŷdumy ralore. Kia reeryreu, jiarý wadeysatyhyre ariõre Deuxu bede ywina rityhynyreiki. <sup>5</sup> Adeẽ arexitõenykre hãwyy. Bede ywina rybe tÿmyra rewahinyreri wese aõkõ rare. Juhuu-ribi teeryte. Urile bede ywina hetxina õhõti rejjeradýŷnyreri. Kia heka rare: iny wiluukemy rakatximyhÿrenykemy. <sup>6</sup> Bede ywina rybe rikityhynyhyykeki, kia heka inatyhy luuna rare. Kia bede ywina juhUU Deuxu-ribi taholate. Tuu txuõ txuõlemy biwinyke. <sup>7</sup> Sõwemy hãbu itxenadýŷdu tyhy kabede-ò dòhõnyde. Tiiboho Jesuisi hãbuwesemy nade rityhynyõlemyhÿre. Kia itxenadýŷdutyhy tule Kristu õludutyhymy roire. <sup>8</sup> Tamyreny bexebeny, inyaõmydýŷnana aõmysÿdýŷnatyhy-di ritaremy iõkõkemy, Deuxu wahidýŷnaõwy ibutumy ritakemy. <sup>9</sup> Inyõ Kristu erydýŷnana-ribi rõhõnykeki tule iwitxira ersyna rierynanykeki, tii heka Deuxu hõrõ aõkõ rare. Inyõ Kristu erydýŷnana-ribi rõhõnyõkeki, tii Deuxu dire iriõre dire. <sup>10</sup> Tai tahe itxenadýŷdu Kristu erydýŷnana erydýŷdu aõkõ aheto-õ rehemnykeki, uritere irõtetedýŷõmy, irybedýŷõmy. <sup>11</sup> Inyõ rirybenykeki, iaõmydýŷnanabina-ò riwiõhenanyreri.

<sup>12</sup> Jiarý warybe sõwemy adibutunywãhãde. Urile tyryiti-di ariritinyõkre. Arorarenymy dori arakemy watxireri. Kiamy rybe sõwemy rõhõnykre inysõwemy reysakremy. <sup>13</sup> Aseriõre Deuxu ywisidýŷna mahãdu senadu, kia riõre tarybe wehityhyna adeẽ riwahinyreri. Kie.

## 3 JuaŌ

### 3 JuaŌ Ryberiti

<sup>1</sup> Jiarŷ, dohodŷŷna matuari mahāduŌ rare. WabiŌwa-Ō, Kaio-Ō watyyriti rewahinyreri. Inatyhymy aluumy watzimahāre.

<sup>2</sup> Waliina, juhuutyhy Deuxu-Ō arāixitŌedŷŷnyra aāomydŷŷna tule aumy wihikŷhykymy mabekemy, iwese atyytyby awire wesele ratxireri. <sup>3</sup> InyseriŌre wese aribi rehe-mynyrenyreu, wako relyyrenyreu umy iwese kai ōbitimy tate wese tule inatyhyna-ki tateri wese. Tai wawo reysamy watzimahāre. <sup>4</sup> Jiarŷ raholamahāreu wariŌre wese Deuxu inatyhyna rityhynyreeriki, kia ibutu ratyre wawo riteysadŷŷnytyhyre.

<sup>5</sup> Kai tahe, Kaio, kowa inyseriŌre tule iwixira ludu seriŌre teeryŌteki, tewiŌhenanyteu aōmydŷŷnana wihikŷ tewinymahāte. <sup>6</sup> Inyboho wirotyra-wana, kia hābu iny seriŌre alu-unamy rarybera. Ibedetŷinana-Ō biwiŌhenanykeki, aŌwihikŷ biwinymahāke. Tuhyykeki Deuxu deewimy atximahāke. Tii dori iny-wana Deuxu inatyhyna-Ō raaŌmŷŷdŷŷnykre. <sup>7</sup> Kia dori kianimy rŌhŌnyre. ItyhydŷŷdukŌdu mahādu-ribi aŌ ritaŌhykyre. <sup>8</sup> Kia wese tahe tuu rikiwiŌhenanymyhŷke. Tai tahe Deuxu aōmydŷŷnana tŷnydŷŷna riwiŌhenanymyhŷre.

<sup>9</sup> Ratyyritinymahāre kowa ityhydŷŷdu mahādu-Ō. InyŌ tahe warybe-Ō roholaŌmyhŷre. Tiibohe dori juhuludukemy ratxireri. DiŌtesi inire. <sup>10</sup> AŌu arehemynykreu, ararybekre aŌmybo tii rotŷŷnyre tule aŌbinamybo rarybere inymy. AŌ tiihykyle aŌkŌ, iny ityhydŷŷdu seriŌre hāwāwitxira ludu ixidee tarora-Ō rimyŌtyhy. InyŌ kia seriŌreŌ rimykeki, tii ri-ixāwidinyre idy-ribi tii seriŌredyna-Ō dohodŷŷdu mahādu-ribi hitximy riteŌnyre. <sup>11</sup> Waleina, kai Kaio, Ōrarudu mahādu aŌhebo rotŷŷnyre wese aŌ kai tate. Iny wihikŷ wese kai tate. InyŌ aŌwihikŷ riwinykeki, Deuxu hŌrŌ tii rare. AŌkŌkeki Deuxu rieryŌre. <sup>12</sup> Ibutumy Dimitiu dee inatyhyna-di aŌwihikŷmy rarybere. Inyboho tule. Kaile teeryte inyboho inatyhy rarybere.

<sup>13</sup> SŌwemy rybe adee ariwahinykemy watzireri. Tahe aŌkŌre tyyriti ritina-ki. <sup>14</sup> Eleelemy arakemy dori watzireri aroramy tai tahe widee rakarybekre. <sup>15</sup> Deuxu awo-ki riyrykemy idi watzireri. AbiŌwaboho kaki awehityhy risareri. WabiŌwaboho sohoji sohoji kowa-Ō warybe wehityhyna biwahinykre.

## Judas Judas Tyyriti

<sup>1</sup> Jiarŷ juda rare. Jesuisi Kristu deòdu jiarŷ rare, Txiau exi wahe. Deuxu heka aluudu rare. Tii arayrubunymhŷre òraruna-txi reseke lau. Tai òbitimiy ahâbenyke Kristu nonana-ò. Watyyriti adee rewahinyre. <sup>2</sup> Ruxetòena adee kanakemy watzixereri Deuxu-ribi. Ywina sòwemy aworeny-ki atxibenykemy adireny watzixereri. Wiluuna sòwemy akireny ihŷke, Deuxu-ribi.

<sup>3</sup> Jiarŷ kaiboho ibutumy aluurenyre. Deuxu ibutumy inyboho ritarenyre. Kia ibutumy ariritinykemy idi rahòtinyra. Inyboho heka ibutumy Deuxu sŷ mahâdu roire. Iwese iny rityhynymhŷre wese tii iny ritŷnynymhŷre. Iribi tahe iny mahâduò adee nade iny inythyyna riwitxiradŷŷnykemy adireny ratxireri. Iny heka inathyyna biyrubunyenyeke òbitimiy rarehyyke. <sup>4</sup> Kia òbitikò mahâdu ayreny-ò ralòra. Tiiboho Deuxu rityhynyòre. Deuxu inydeereny awi heka rare òraru-ribi iny ritarenyreki. Kia òbitikò mahâdu tahe kia wese rarybere: —Òraru-di atxikeki, kia aò aòkò rare. Deuxu dori iny òraru-ribi ritare. Jesuisi iny wedu rare, iny Iólò wahe. Tiiboho tule rarybere: —Deuxu bityhynyenyeke. Deuxu ihetxiu rieriye kia wese tiiboho rarybekemy. Tai tahe tii ritŷnynymy ihŷre tiiboho bedehèòtybina-ò riteònyke.

<sup>5</sup> Deuxu inathyymy riteònykre ritŷnynyraki. Iwese tii ihetxiu iny-di rehure wese, tii wiji iny rehukre. Judeu mahâdu heka Deuxu ritare Egito bede-ribi. Idi tahe imahâduò rityhynyòre. Tai tahe imahâdu rahurenyre. Kia teerytenyte. Itxi òhòtirenny reakre. <sup>6</sup> ŷju mahâduò tule juhuu Deuxu deòdumy ihŷre. Idi tahe taaòmysŷdŷŷyna ririre. Tai Deuxu ròtena bedeò-ò riteònyre. Bedelorohokŷ ihŷre. Kabederawo-ki roire. Tiu heka iribi riòlòdŷŷnyòtyhy. Deuxu bededŷŷnana riywinymy roimyhŷre aòhòkŷmy isŷdŷŷnana-ò. Tai tahe ŷju wesemy kia òbitikò mahâdu rŷike, Deuxu itŷnydŷŷdumy rŷikre. <sup>7</sup> Ijò ijy ty teerete. Inatxi hâwâ ihetxiu ibinathy rare: Sodoma, Omora-wana. Ijò hâwâ tule ibinathy rare. Kia hâwâ yludu mahâdu ibutumy heka òta òtanale riwinymyhŷre. Hâbuò dori wiwana rexìòrarunymhŷre, hâwyy tule wiwana wahe. Tai tahe Deuxu ihâwâ rahure. Biu-ribi heòty diteònyde. Idi Deuxu dibedeerynyde òraruna derare tii. Tiiemy aòhòkŷmy dŷŷnana riwahinyre. <sup>8</sup> Kia tule òbitikò mahâdu-ò riwahinyre. Tiiboho dori ibinamy riwinymyhŷre. Aòbinalemy raraykynymhŷreny, taumyreny risurisunymhŷreny òraruna-di. Deuxu rityhynyòre tule ŷju ruruna-di risinymhŷreny. <sup>9</sup> Tiiboho Mieli wesemy aòkò riwinyre Mieli heka Deuxu ŷju dinoduò rare. Tii Satanasi-wana wiribi òtumy rarybemyhŷreny, Moisesi umy òraru-ki. Mieli heka ritirŷmyhŷre iumy ridyke lau. Iu Mieli Satanasi-ò rarybere urihimyò rityhynymy rarybere, ixinohòtidile ritehiòtyhy. Urile rarybere: —Deuxule aratehikre. <sup>10</sup> Kia òbitikò erydu mahâdu aòbina riwinymyhŷreny. Aòbinalemy tytyby bede aòmydŷŷnanamy rarybere kia rieryòmahâ hârele. Kabede aòmydŷŷnana le rierymyhŷre iwese ibutu iròdu mahâdu rierymyhŷre wese. Tiiboho heka iròdu aòna aòna nahòtjuranadile aòna aònamy rotŷŷnymyhŷre. Tai rexihurenyre. <sup>11</sup> Deuxu heka kia mahâdu kiditynnyke, Kaì reòsamy raremyhŷ wese dori reòsareki. Aòbo Kaì ixì-di riwinykemy ròhòtinymhŷré heka riwinymyhŷre. Kia mahâdu tule Balaàò wesemy riwinymyhŷre. Balaàò nieru sòwemy ritakemy ixidi ihŷmyhŷ. Tai tahe Deuxudeewimy riwinyòre. Tule kia mahâdu Kore wesemy riwinymyhŷre. Deuxu òludumy rexisŷnyre. Tai rexihurenykre iwese Kore mahâdu rexihure wesemy.

<sup>12</sup> Kaiboho wiluuna roxina-ò tebutunyteu, kia mahâdu tule ayreny-ò ralòra. Aworana bedehesi tiiboho ribinadŷŷnymyhŷre òbitimyno rieryòreki. Urile rexihydynymyhŷre, inywitxira-txi tòhòti reaòhyymyhŷre. Iwese yhy debure wese tiiboho roire. Urile yhy biu ridyòtyhy. Ròàòtyhy. Sòwemy taheka relemyhŷre, ihârele aòhomy aòkò namyhŷde. Òwòru bederaty wahidŷŷdu wese tiiboho roire. Iratydikemy ratxireri, ihârele aòkòlere. Òwòru rubu wese roire tiiboho. Raòròmyhŷre, rurumyhŷre. Kia wese heka kia mahâdu rare. <sup>13</sup> Kia òbitikò erydu mahâdu tiu ele risaòhyymyhŷre. Ahohokŷ aòwetari òbòhòkŷ idi rehymyhŷre wesemy tiiboho inyreny. Iwese òbòbexi-di ròhònymhŷre wese. Iòraruna òraru-ki aòbina bina iribi ròhònymhŷre. Tiiboho dori Deuxu inathyyna ririrenre. Iwese taina resemyhŷre wese tiiboho iribi resemyhŷreny. Deuxu kia mahâdu-di ritŷnynymy riteònyke bede luruhukŷ-ò. Iribi ròhònyòtyhy. <sup>14</sup> Enoi heka Adaàò dee yreò rare. Adaàò juhuu hâbu rare. Debòinatxi riòreky-ribi Enoi rare. Enoi Adaàò riòre roko rare. Ihetxiu Enoi rarybere wijinabòdu mahâdumy. Iwese òbitikò erydu mahâdumy roirekre. Enoi rarybere Kristu nonanamy: —Tii kanakre tamahâdu sòwe-wana. <sup>15</sup> Idi ibutumy iny ritŷnynykemy. Inyò tii taaòhòkŷmyna aòhòkŷmy rotŷŷnykre òraruna òraru-ki. Ibutumy òrarudu

mahādu rehukremy Deuxu-my ralahatxinanymyh̄reki. <sup>16</sup> Tiiboho rexirahemyh̄re, tiu reysaḏhyymyh̄re, aḏdibo tamywimy rabinad̄ȳmyh̄reki ratxikelemy. Rarybenihik̄ymyh̄re. Riwiḏhenanymyh̄re aḏ ritamyh̄re xiery.

<sup>17</sup> Waluuna mahādu, ḡhḡtireny reake aḏmybo Wanyr̄ȳ Jesuisi Kristu teḏḏȳna mahādu juhuu raryberé. <sup>18</sup> Tiiboho adeeremy rarybere: —Beded̄ȳnana roomy tahe ijesu kḏḏḡh̄nykre, ixidee wilemy tuu rot̄ȳnymyh̄re. <sup>19</sup> Kia hābu iny wiribihitximy ris̄nykemy, bede aḏmyd̄ȳnana luudu mahādu. Deuxu Tytybytyhy-di aḏkḏ ratximyh̄re. <sup>20</sup> Kaiboho waluuna mahādu aityhyd̄ȳna-di arurumy bit̄nynyke, Deuxu Tytybytyhyna-di bex-itḡenyberihyy. Deuxu luunay-ki iximy boibeke. <sup>21</sup> Wanyr̄ȳ Jesuisi Kristu ruxetḡena bir-aḏbenyke. Tii heka umytuedeḡna kidiwahinykre. <sup>22</sup> Biwiḏhenanymyh̄re ka ritxiḡnymy r̄yira mahādu. <sup>23</sup> Kia mahādu iworonawe-ribi wese bitake. Ijḡ-ḡ ywina-di brebuna-di bis̄nykemy taḡraruna deramy bekowabenyke. Iḡraruna aḡna aḡna-ḡ akyreny reake.

<sup>24</sup> ḡraruna lau taruru-di Deuxu arayrubunymy ratximyh̄re. Tii arateḡsinykre yramy, tako-ḡ wowydyna-wana. <sup>25</sup> Wowydyna, àlād̄ȳna, ruruna, Iḡlḡtyhyd̄ȳna, iny Deuxu sohoji-ḡ kanakemy watzireri tule Inynyr̄ȳ Jesuisi Kristu iny tarasadu-ḡ. Kata juhuuna-ribi, wiji aḡu aḡu-ḡ rahyykre. Kie.

## Apocalipse Deuxu heka Joaõ-ò bede ritỹnynyre

<sup>1</sup> Katyryiti-ki tahe bede aõmydỹỹnana roire. Kia heka Deuxu Jesuisi-ò ritỹnynyre. Idi Kristu Joaõ-ò ritỹnynyre. Aõhebo ele elemy rotỹỹnykre heka inydeereny riteõsinyreri, teòdu mahãdu wahe. Ỹjuõ heka Kristu riteõnyre Joaõ-ò ibutumy relyykemy, ritỹnynykemy. <sup>2</sup> Iribi tahe Joaõ ibutumy relyyre. Kaki heka riritinyre. Kia heka ijyy rare. Jesuisi Kristu inatyhyna rare. <sup>3</sup> Inyõ katyryiti-di rariakeki, eysamy ratxireri. Inyõ kiamy roholakeki, eysamy ratxireri. Inyõ kia rityhynykeki, eysamy ratxireri. Bededỹỹnana dori iõhõmy ratxireri. Kia ibutumy rotỹỹnyke.

<sup>4</sup> Jiarỹ heka, Joaõ wahe, dohodỹỹna mahãdu-ò watyryiti rewahinyreri. Debò inatxi reurò mahãdu Asia bede-ki watyryiti rewahinyreri. Ruxetõena, ywina-wana adeereny kanakemy idi watxireri. Deuxu-ribi dori ratxireri, ihetxiu rare, tule tiemy rarekre. Tii dori ruxetõena adee riwahinykre, tule irynana tyytyby riwahinyke, debò inatxi reurò mahãdu wahe. <sup>5</sup> Jesuisi Kristu tule adee kia riwahinykre. Tii tahe inatyhyna ijyydu rare. Tii juhuu rubu-ribi ixixadu rare. Tii ibutu iòlò dinodu heka tii rare. Tii inyluare. Inyõraru iny-ribi tii riwatarenyre tahãlubu õraru-ki. <sup>6</sup> Tii Xiwe wahidỹỹdu mahãduõ ixidee riwinyre, inyboho wahe. Ibutumy ityhydỹỹdu heka xiwe wahidỹỹdu mahãdu wese rare, iòlò mahãdu wese wahe. Deuxu rekealãmyhỹke. Ibutumy wowydyna, ruru-wana heka Jesuisi Kristu-ò rawahidỹỹmy rarekre ihyy hyummy. Kie <sup>7</sup> Beteheke, tii biuwetykywo-ki naderi. Ibutumy iny tuu robikre. Irubudỹỹdu tule tuu robikre. Ibutumy iny rahinykre, robukre iõraru-ki. Inatyhy rare. Kie.

<sup>8</sup> Jiarỹ AA rare YY rare. Juhuu ludu rare, tule ikonana ludu rare. Deuxu jiarỹ rare ibutu ruru wahõrõ rare. Aõu aõu jiarỹ watxiwãhãre.

<sup>9</sup> Jiarỹ Joaõ rare, aityhydỹỹdu seriõre wahe. Jiarỹ tule awese aõhebo ratỹỹnyre. Jesuisi Iòlõna õraru-ki. Patmos bedebute-ki jiarỹ ratxire, ròtena wese heka tai ratxire. Jesuisi inatyhyna dori retỹnynyre. <sup>10</sup> Nobiuõ heka jiarỹ aõma Deuxu Tyytybytyhy wadee dobehede. Iu tahe rybeõ-ò raholare, jurõna wodỹỹ wese heka rare. <sup>11</sup> Tahe wadee rarybere: —Biritinyke aõma ibutumy aõbo kai bobikre. Ibutumy dohodỹỹna mahãdu-ò kia tyyriti biwahinyke. Ka tyyriti tahe biteõnyke heka debò inatxi reurò hãwã-ò: Efesu hãwã-ò, Esmirna hãwã-ò, Pergamo hãwã-ò, Txiatira hãwã-ò, Sardesi hãwã-ò, Filadelfia hãwã-ò, Laodisia hãwã-ò. <sup>12</sup> Retehera wahewo-ò mobo wadee rarybereò. Tahe debò inatxi reurò loosõna mynynalemy rabira, womati tỹrỹrỹyle wahe. <sup>13</sup> Itya-ki tahe hãbuõ wese rare. Ityky urarehe heka ratxire. Iwerysana heka womati tỹrỹrỹỹ heka rare wyò wõtõna-ki roire. <sup>14</sup> Irade iurahakỹ ratximyhỹre. Iruce heka heõty wese rare. <sup>15</sup> Iwa tahe bronze womati wese rare. Irybe wodỹỹ heka bee ijiranahakỹ wese heka rare. <sup>16</sup> Iruruwe-ribi debò-ki heka taina debò inatxi reurò sõwe rimyre. Irybe mayrehe wiõtxu wese iry-ribi rõhõnymyhỹre. Iõsỹny tahe txu tõtee wese heka rare, itỹnytyhyre. <sup>17</sup> Kia ibutumy rabireu, jiarỹ resera bede-ò rubu wesemy. Tii ruruwe-ribi debò watyre-ki ritidire, rarybere: —Buberuõtyhy! Jiarỹ juhuludu rare, ihewoludu rare. <sup>18</sup> Jiarỹ rurure, iribi tahe rexixare rubu-ribi, aõu aõu tahe jiarỹ watxireri. Tiu aruruõtyhy. Rububede dinodu heka jiarỹ watxireri, ityre waruru rare. <sup>19</sup> Biritinyke ibutumy tuu tabita wiji. Tule aõbo idi kanakemy biritinyke. <sup>20</sup> Adee aritỹnynyke aõbo kia ibutumy rare. Debò inatxi reurò taina heka wadebõ-ki rare. Kia taina heka dohodỹỹna mahãdu ỹju wese rare. Loosõna mynyna heka dohodỹỹna mahãdu wese rare.

## 2

<sup>1</sup> Kia heka biritinyke Efesu dohodỹỹna ỹju-ò: —Kaa heka inyõ rybe rare. Tii taina debò inatxi reurò rimymy idi rỹimyhỹ iruruwe-ribi debò wahe. Tii loosõna mynyna yky-ki rariareri. Kia womati tỹrỹrỹhỹkỹ-di relere wahe. <sup>2</sup> Aaõmysỹdỹỹna wiwihikỹ reeryre, awoxierysytere tule. Hãbu bina tiu aitxerenaõna toite. Inyõ Deuxu deõdumy iximy uritere rybedu, teurihitenyte. Kia iruirybe teerytenyte. <sup>3</sup> Kaiboho tawoxieryterenytenyte. Tule aõhõkỹmy tatỹỹnytenyte waõraru-ki, wijile tule wahe. <sup>4</sup> Kiaremy tahe sohojile wadee ibinare. Iwese juhuu waluu wesemy aõkõ wiji ahãtenyte. <sup>5</sup> Kaiboho heka atyhyna-ribi ahewo-ò taddõsetenyte. Kiaremy ta idi bexinohõtinyinmy bexirãhibenyke. Iwese juhuu atximahãte wese, ixityre boibekemy. Kiamy aõkõkeki, aloosõna mynyna ay-ribi aritakre. <sup>6</sup> Kiaremy ta akireny sohojile awire wadee. Kaiboho heka Nikolaita mahãdu iaõaõna widỹỹ derarenyre wawesemy. <sup>7</sup> Iny rybeõ ijohona mahãdu bohõlabenyke Deuxu Tyytybytyhy rybe-ò timybo Ithydỹỹdu mahãdu-ò rarybemyhỹre: —Inyõ õraruõna ijesu ritakeki, tamy

jiarÿ umyuedeõna ariwahinykre. Kia tahe Deuxu bederaty ritokre, Deuxu oworu-ki rÿimyhÿre wahe. Kia bederaraty inyru wahidÿÿdu rare.

<sup>8</sup> Kia heka biritinyke Esmirna dohodÿÿna ÿju-ò: —Kia heka Juhuuludu rybe rare, Ihe-woludu rybe rare. Tii rururibile rexixare. <sup>9</sup> Aõhõkÿmy dÿÿnana reerymyhÿre. Uriterenodu wesemy toite. Ihãre tahe aõna aõnawih ahõrõreny rare. Aõludu mahãdu umy rary-bereri ibinamy. Tiiboho Satanasi mahãdu roire. Judeu mahãdu aõkõ roire tiiboho tuu raryberẽhãre. <sup>10</sup> Buberuõtyhy kaiboho! Aõhõkÿmy dÿÿnanaõ kanakre debò wiò txumy wahe. Tahe buberuõtyhyke. Rõtenawo-ki boibenykre. Burubenyke hãrele heka õbitimy biwatyhynybenyke. Iribi tahe irudÿÿna rataana adee ariwahinykre. <sup>11</sup> Kaiboho nohõti-di mahãdu, boholake timybo Deuxu Tytybytyhy heka ityhydÿÿdu mahãdu-ò rarybemyhÿre.

<sup>12</sup> Kia heka biritinyke Pergamo dohodÿÿna ÿju-ò: —Kia inyõ rybe rare. Tii mayrehe wiõtxuree dire:

<sup>13</sup> —Jiarÿ reeryre asÿ, ahãwã wahe. Kaiboho Satanasisÿ-ki tasÿnyteri, irynana rareri wahe. Tahe Kaiboho aityhydÿÿna teriõtenyete. Tai tiiboho warybedu Antipasi õbiti rirubunrehãrele.

<sup>14</sup> Ihãre tahe akireny sohojile wadee ibinare. Ayreny-ki inyõ Balaaõ erydÿÿna rityhynyre. Tii ihetxiu Balake õraruna-txi aatysydÿÿmy ribedeerydÿÿnyre resedÿÿkemy. Tii Israeli mahãdu-ò rarybere:

—Xiwena aõma ide tahe birõbenyke tule õta tahe urihimyo tahe ibinare.

<sup>15</sup> Tule ayreny-ki tahe Niolaita tohodÿÿna ijõreny rityhynyre, timybo rexiorarunanykemy. Kia ibinare wadee. <sup>16</sup> Tai marybeke tiiboho rexirahikemy idi iribi rexixãwidÿÿnykemy. Tukõkeki, anakre warymayrehe wiõtxuree-di iõludumy areakre wou-ki. <sup>17</sup> Iny nohõti-di mahãdu, boholake Deuxu Tytybytyhy rybe-ò timybo Ityhydÿÿdu mahãdu-ò rarybemyhÿre: —Inyõ õraruna ijesu ritakeki, tamy biu-ribi rÿsÿna rÿikre. Manauratyre-ki heka nii tÿmyra raritimy roire. Ômo nii rieryõre. Tunidukrele rieryere.

<sup>18</sup> Kia heka biritinyke Txiatira dohodÿÿna ÿju-ò: —Kaa heka Deuxu Riõre Rybe rare. Iruce heka heõtý wese rare. Iwa bronze womati wese rare. <sup>19</sup> Aaõmysÿdÿÿna reeryreri, luuna, ywina, tyhydÿÿna, juhuu ratyre wiji aaõmysÿdÿÿna. <sup>20</sup> Kiaremy tahe sohojile wadee ibinare: Kaiboho heka Jezabel teijemahãtenyete. Kia hãwyy dori Deuxumy rybedu ixi-di rare. Ihãre tahe õtaõtamy, xiwe rÿsÿmy rotohodÿÿmyhÿre, ritxoo hõrõ wahe. <sup>21</sup> Jiarÿ tule txiõ reijere õtaõta-ribi ixãwikemy. Tahe tuuõhyre. <sup>22</sup> Idi herina-ò arilidikre ihãbu mahãdu-wana. Tai aõhõkÿmy rotÿÿnyrenykre. Tiiboho kia rexirãhinyõrenykeki, tuu ele elemy ariwinykre. <sup>23</sup> Iriõre bina arirubunykre. Tai ibutumy aõwidÿÿnamyna ityhydÿÿdu mahãdu riwaerykemy. Jiarÿ heka inywo erydu dori rare. Kiaremyta iny sohoji sohoji ariõwinykre. <sup>24</sup> Ayreny-ki tahe inyõ rÿire. Tiiboho bedeeryna bina rityhynyrenõre. Tiiboho bedeeryna bina rieryõhyre. Txioinihe, bede ywina sira aõkõ adeereny ariwahinykre. <sup>25</sup> Iwese kai-boho tetyhnyete wese wiji bityhynybenyhyke. Ele ele dori arehemykre. <sup>26-28</sup> Kaiboho heka õraruna ijesu bitakeki, adeereny ruru ariwahinykre. Kaiboho ihymy wadeewimy biwinybenykeki, bede bede dinodu mahãdumy boibebenyke, iwese ruru Waha-ribi re-myra wese wahe. Tamywikeki womati õhõte-di bede bede mahãdu rihukre, iwese butxi ribõhõnyre wese wahe. Tule adeereny ariwahinykre aõma biurasò taina wahe. <sup>29</sup> Iny nohõti-di mahãdu, boholake Deuxu Tytybytyhy rybe-ò, timybo tii ityhydÿÿdu mahãdu-ò rarybemyhÿre.

### 3

<sup>1</sup> Kia heka biritinyke Sardesi dohodÿÿna ÿju-ò: —Deuxu Tytybytyhy debò inatxi reurò dinodu, taina debò inatxi reurò dinodu kia rybe rare: —Aõhebo tatÿÿnymahãtenyete reerymyhÿre. Arumy anireny ratÿÿnymyhÿre ihãre tahe tarumy ahãtenyete.

<sup>2</sup> Bexirawahatebenyke ainatyhydÿÿna-ki, urikõ-ribi kiemy ixãwiheny. Deuxuko-ki awityhymy aõkõ ixi-di texitemyhÿtenyete. Kia reerymyhÿre aõmysÿdÿÿnareny tewinymahãte.

<sup>3</sup> Inatyhyna juhu taholatenytedi, bexinohõtinybenyke. Idi bityhynybenyke aõnanabina-ribi bexirãhike. Tukõkeki wasidu wese ierykõmy adeereny anakre. <sup>4</sup> Ihãre tahe Sardesi hãwã-ki inyõ reximymy õbitimy rarekemy ihÿre. Tiiboho wahe-ki tyky lyra urahakÿ-di kanariarenyke kiemy dori õbitimy reximyreneyre. <sup>5</sup> Mobo rõtarenyke, tyurahakÿ-di rexityynyrenykre. Inireny Rutyyriti-ribi aritaõtyhy. Idi Wahakõ-ò wahõrõrenymy aritÿnykre tule iÿjuko-ki. <sup>6</sup> Kaiboho nohõti-di mahãdu, boholake timybo Deuxu Tytybytyhy heka, ityhydÿÿdu mahãdu-ò rarybemyhÿre.

<sup>7</sup> Kia heka Filadelfia dohodÿÿna ÿju-ò biritinyke: —Kaheka inatyhymy Deuxu deodÿÿna rybe rare, õbitimy nodu wahe. Tii Davi ijõ rayna dinodu rare. Tii ijõ riraynykeki tiu inyõ riratõbõnyõtyhy. Tii riratõbõnykeki tiu iny riraynyõtyhy. <sup>8</sup> Aõhebo tatÿÿnymahãtenyete reeryre. Akyhynakõmy atximahãtenytemy rieryre warybe dori tetyhynymyhÿtenyete. Tai ijõ adeereny reraynyra. Tii inyõ riratõbõnyõtyhy. <sup>9</sup> Bodoholabenykre. Satanasi mahãdu

heka Judeumu rexininimyhÿre tukõdu hãrele. Idi adidydenykre akoreny-ò tatiowotimy kedeseekre. Iu aluurenymy riwaweryrenykre. <sup>10</sup> Aõhõkÿmy dÿÿnana kanake ibutumy iny urihidÿÿmy. Kaiboho warybe tetyhynyta, ywina-di tetyhynyta. Tai ilau arayrubunyenre. <sup>11</sup> Ele eley dori adehemynykre. Ahõõreny biyrubunyenre inyõ aribi rawasinyheny arudÿÿna rataana wahe. <sup>12</sup> Oraruna ijesu inyõ ritakeki. Tii ixyby rubumy ruruõkre. Tii Deuxu heto-ki rasÿnyihyykre. Deuxuni ityre raritinykre tute Kristuni tÿmyra wahe. Jerusaleni tÿmyra tule ityre raritidÿÿmy rÿÿkre, biu-ribi dobehede wahe. <sup>13</sup> —Iny nohõti-di mahãdu, bohohake Deuxu Tyytybytyhy rybe-ò timybo ityhydÿÿdu mahãdu-ò rarybemyhÿre.

<sup>14</sup> Laodisia hãwã dohodÿÿna mahãdu ÿju-ò heka biritinyke: —Kie rybe kaa rare. Tii inatyhyna inatyhy rybe rare. Tii Deuxu-wana bede relereu, ratximyhÿ. <sup>15</sup> Aõhebo tatÿÿnymyhÿtenyte ibutumy reeryre. Ainatyhyna-ki inatyhymy aõkõ, txiõlemy aõkõ toite tule. <sup>16</sup> Tai tahe iõraru-ki ixi-ribi aratarenykre rexinohõtinyre. <sup>17</sup> Kaiboho tarybetenyte: —Waaõwiwi-di roire. Awityhymy watxirenyreri. Wadeereny aõ rasiranyõhyreri. Idi urile texibõnytenyeri. Kaiboho dori abina, iaõkõ mahãdu, adehekÿ, aruety toite. <sup>18</sup> Kia aratohonykre: —Waribi womati tÿrÿrÿhÿkÿ aworibityhy biõbranykre, aityhynamy wiwi-hikÿ. Tasÿse tyyurahakÿ tule, ade wõtenamy. Tasÿse rueluahina tule, arue ywinamy. <sup>19</sup> Waluuna mahãdu õhõte-di aribedeerynymyhÿre warybemy tule. Tahe eryrewemy aõsusu-ribi bexitabenykre wadee. <sup>20</sup> Bodoholabenyke. Ijõ-ki rarymy watxireri. Inyõ roholakeki ihetowo-ò aralokre. Tai tii-wana arioxikre. <sup>21</sup> Oraruna ijesu inyõ ritakeki, tii wawana waryna-txi ronykre iwese jiarÿ waha-wana nadonymyhÿde wese. Rõtare dori wawouna-ki. <sup>22</sup> Iny nohõti-di mahãdu, bohohake Deuxu Tyytybytyhy rybe-ò, timybo tii ityhydÿÿdu mahãdu-ò rarybemyhÿre.

#### 4

<sup>1</sup> Iribi tahe biu-ki ijõmy rabira rasina wese. Rybeõ raholare, jurõnajurõ wesemy. Iwese wadee rarybere wese. Kiamy narybede: —Mana õwõnyke, aõhebo itxõmo rahudi rotÿÿnykre ini ariteõsinykre. <sup>2</sup> Iule tahe Deuxu Tyytybytyhy riwamyre. Iu, inyõ ryanamy rabira biu-ki. <sup>3</sup> Iõsÿny heka roosõnymyhÿre womatiwiihikÿ rÿsÿ wese, Jaspe wesena, Sadonio wese. Uwajiõ wixira tÿre heka rare iryna rirurawonyre. <sup>4</sup> Tahe 24 ryna iryna rirurawonyre. Ityre tahe 24my wedu mahãdu ronyre tyyurahakÿ-di. Irati-ki womati tÿrÿrÿhÿkÿ-di rarataanany. <sup>5</sup> Biudela, biumyta, irynana-ribi dohonyde. Heõtÿloo heka debo inatxi reurõmy sõwe iko-ki rÿire. Kia heka Deuxu Tyytybytyhy tuu sõwedu rare. <sup>6</sup> Tule iko-ki mana aho roire iuramy raurananyre. Irurawona-ki wiõwiõ-ki aõni inaubiõwa rãire, irue sõwe ihewo-ki, iko-ki. <sup>7</sup> Aõni delena heka hãlõehékÿ wese rare. Ijõ heka karõtihikÿ wese rare. Ijõ tahe hãbu õsÿny wese rare. Ikonanareny tahe nawiihikÿ dowõmy nade wese rare. <sup>8</sup> Ibutumy tiiboho debõ sohoji reurõmy tesõwereny. Ta tiiboho tetya wirawoyõ rawoyõ irue dire. Tahe tiiboho rexielehinyõhylyemy txumy rummy rawiunymyhÿ: —Õbitityhy tate, Õbitityhy tate, Õbitityhy tate Inynrÿ Deuxu rurutere. Kai tate, tule kai mabekre. <sup>9</sup> Kia heka inaubiõwa boho rawiunyre: —Wowydyna, àlana-wana rynana-ki rÿdu-ò, iki kiemy nodu-ò wahe. <sup>10</sup> Iu tahe 24 wedu mahãdu heka tatiowotimy taõsÿny sutxi ritidimy riwowydynymyhÿreny resemey iko-ò. Tamy tarataana-di rehummy raryberenyre. <sup>11</sup> —Wadinodureny, waDeuxureny adee sohojile heka wowydyna, loosõna, àlana rawahike. Ibutumy dori aõna aõna tewinyte. Adeewimy rÿimyhÿre idi rariamymhÿreny.

#### 5

<sup>1</sup> Ryna-ki rÿdu ruruna debõ-ki heka tyyriti werywery wesemy rabira. Tyyriti tahe wirawoyõ rawoyõ-ki iriti dire, tii debõ inatxi reurõ iratõbõna sõwe. <sup>2</sup> ÿju ruru ruruhukÿ-my rryrmy dÿÿraxi-di: —Mobo ityhykre tyyriti ratõbõna aresydÿÿdukre iraydÿÿki tule. <sup>3</sup> Tai tahe inyõ ijõhyre: —Biu-ki, bede-ki, surawo-ki ijoõhyre. <sup>4</sup> Inyõ ityhyõre iraydÿÿ-ki tamy itxere-ki. Iõraru-ki ta urile jiarÿ rahinyimyhÿre. <sup>5</sup> Iule tahe matuariõ wadee narybede: —Hiõmyke, betehe ta inihe Juda mahãdu hãlõehékÿ-ò, Iõlõ Davi iriõre riõre wahe. Tii dori tyyriti ratõbõna riorokre idi riraynykre, tii sohojile dori wou-ribi rõtare. <sup>6</sup> Kiamy tahe rabira, Budoeni Riõre wahe. Tii rynana ubey-ki rÿimyhÿ. Aõni inaubiõwa ijõre. Tiiboho-wana tahe matuari mahãdu rÿire. Budoeni rurure wesemy rÿire. Iõ tahe debõ inatxi reurõ rare. Iruere tahe tule. Kia rare Deuxu Tyytybyõ rare, tii bede bedemy nodu mahãdu. <sup>7</sup> Budoeni riõre tahe rynana-ki rÿdu ruru debõ-ribi ditade, aõma tyyriti wahe. <sup>8</sup> Iule ta aõni inaubiõwa, 24 matuari boho-wana tatiowotimy rejujure buddeni riõreko-ò. Tii sohoji sohoji wiuna-di, womati tÿrÿrÿhÿkÿ hyna-di ratximyhÿreny. Sohoji sohojiro-ki tahe õwõrusõ wydysilÿnywi-di wese rare. Kia Deuxu tyhydÿÿdu mahãdu ixitõedÿÿna violã wese tule ratximyhÿreny. <sup>9</sup> Tiiboho wiutÿmyramy rawiunymyhÿrenyre kamy wahe:

—Kai atyhy tate Tyyriti raydÿÿ-ò, iratòbòna eresydu tule. Arubumy heka Deuxu-ò Ixÿju ixÿju teòbranyte. Irybe wixira wixira, ibede wixira wixira iixÿjuna tule.  
 10 Iòlòmý tewasynyteny Deuxu dee tule xiwena wahidÿÿny mahädu wahe. Idi hãwã hãwã ariwedunyrenykremy. <sup>11</sup> Ýju sòwetyhymy rabira rynana werora-ki, aòniboho matuari-boho tule. Miliã hòkÿmy rasòwerenyre. <sup>12</sup> Tiiboho rirajuahakÿmy rawiunymyhÿreny: —Wowydna, ruruna, deysana, àlana, loosòna tamy sohojile rawahinyrenyke buddeni riòre-ò. Tii dori rurure ityhymy <sup>13</sup> Tai tahe ibutumy biu iròdu iròdu, suityre iròdu, bera iròdu iròdu ibutumy aòna tule rawiunymyhÿreny rynana-ki rÿdu-ò. Budoeni riòre-ò tule kia rawiunymyhÿre. Rarehykyle, rarehykyle heka rarekre. Kie. <sup>14</sup> Aòni inaubiòwa rirawyònyre: —Kie, Matuari 24 tahe reserenyre iko, kiemy noduko-ò.

## 6

<sup>1</sup> Tahe Budoeni riòre heka tyyriti ratòbònaò riòròre. Kiamy rabire. Tule aòni inaubiòwa mahädu-ò narybede rybenihikÿmy biumyta wodÿÿ wese. Mana ini itxeremy. <sup>2</sup> Tai retehere awaru urahakÿmy rabire. Tairÿdu iwaxiwahate dire. Tamy irudÿÿna rataana riwahinyreny. Tahe rare wou ròtakremy.

<sup>3</sup> Tahe ijò ratòbòna riorore. Ijò aòni tahe narybede inatxina wahe: —Mana ini itxeremy. <sup>4</sup> Idi awaru sòhòkÿ ròhònyre. Inyò ityre rÿdu-ò ruruna riwahinyre, wou ritelenykemy bede bedemy. Tai hàbu mahädu wii rahukremy. Tule inyò mayrehe ityre rÿdu-ò riwahinyre.

<sup>5</sup> Tahe inataòna ratòbòna riraynyre. Ixyby inataòna aòni rybe-ò raholare: —Mana ini itxeremy. Tai retehere. Awaru lybymy rabire, ityre rÿdu urihina-di tebò-ki. <sup>6</sup> Tahe aòniy-ribi rybeò-ò raholare: —Womati nieru sohoji-di heka urihina sohojile heka trigo rawykre, txusohoji aòmÿsÿdÿÿna òwy wahe. Tule inataò urihina sevada rawykre, txusohoji aòmÿsÿdÿÿna òwy. Uritere ta uva-ò, adÿÿ-ò aòhe isÿdÿÿòmykre.

<sup>7</sup> Tahe inaubiòwana ratòbòna riraynyre, Budoeni riòre wahe. Ixyby inataòna aòni rybe-ò raholare: —Mana ini itxeremy. <sup>8</sup> Tai retehere. Awaru bisamadòbòlÿre wesemy rabire. Ityre-ki rÿdu heka Rubu inire, heòty bede rubunana iheludumy. Inyò ityre rÿdu-ò ruru riwahinyre. Tai ròhònyre iny rirubunykremy. Inaubiòwa iny-ribi heka, sohoji rirubunykremy. Wou-ki, rama desemy, rubutyhy-di, iròdu debure-di heka iny rurure.

<sup>9</sup> Tahe iruyrena ratòbòna riraynyre. Tahe Xiwena wahedÿÿna rawo-ki iny mahädu rabire Deuxu rybe òraru-ki, tatyhydÿÿna òraru-ki rururenyre mahädu wahe. <sup>10</sup> Tiiboho rirajuamyhÿre: —Deuxu Inynyrÿhÿkÿ, kai tyhy tate, òbiti tule. Tiu wexi waòwyreny bilidikre, warubudÿÿduren-ò? <sup>11</sup> Tahe iximynamynamy tyurahakÿ-di rexitynyreny. Tahe tamyreny rarybere urihimò rexielehinyrenykre. Iijoiireny iwesereny rurukreu riraòrenykremy. Isòwereny rexihureu wahe.

<sup>12</sup> Tahe debò sohoji reuròna ratòbòna riraynyre. Kiata idi suu ramyrtare inihikÿmy. Txuu urile rurunyre, ahädu isòmý relere, halubusò wese. <sup>13</sup> Taina tahe sutxi dejujude iwese bederaty yhydebore ritxiwimyhÿre wese. <sup>14</sup> Biu titxibo ikòhe, iwese tyyriti rarasemyhÿre wese. Ibutumy hãwãlò bedebute tule tahe rina-ribi ratare. <sup>15</sup> Iu tahe ibutumy iny rexiwore hãloohokÿwo-ò, manahakÿ hewo-ò tule. Tii roire Iòlò mahädu, bededinodu mahädu, soldado dinodu mahädu, ityhy mahädu irurutere mahädu, ibutumy ijò mahädu rexiwore. <sup>16</sup> Tahe taixiwotena-ribi rirajuamyhÿreny: —Watxireny mana heka bedesede rynana-ki rÿdu lau rekexiwòrenykemy. Budoeni riòre debure lau tule. <sup>17</sup> Deburena txu, kyarana txu heka reare tamy, mobo rijekre.

## 7

<sup>1</sup> Idi tahe inaubiòwa Ýjumy heka tuu rabire. Tiiboho heka inaubiòwa bedehitxihitxi bedemy rÿire. Tahe rimyrenyrye yhyhykÿ tebò-ki heka rimyrenyrye. Tiu heka òwòru radeò raykÿhyky roire. Bede-ki aòkò, aho-ki aòkò rebònyra? <sup>2-3</sup> Tule ijòmý rabire Ýjuòmý ibryra-ribi rarerimy. Deuxu irumy nonadu hàletena nihikÿ widÿÿna heka diwimy idi nade. Iribi tahe inaubiòwa Ýju-ò tii ryryre: —Txiokre inihe. Iwotòmodÿÿòmyke wa suu, bee, òwòru. (Kia Ýju mahädu dori, bede, bero, wotòmodÿÿdu mahädu ihÿre.) Biraòiròreke heka Deuxu hàletena deòdu òru-ò aritidikre. <sup>4-8</sup> Tiwesebo kia ritidÿÿna rimymy idi rare. Tahe raholare heka jiarÿ tiweserebo. Ta 144.000 iny ibutumy. Israeli ijoi waòinatxi reurò kia ijoiimy heka ixidee rimyre. Sohoji sohoji ijoi-ribi 12.000 inymy heka rimyre: Juda ijoi-ribi, Gade ijoi-ribi, Asser ijoi-ribi, Naftali ijoi-ribi, Manases ijoi-ribi, Simeaò ijoi-ribi, Levi ijoi-ribi, Issacar ijoi-ribi, Zebulò ijoi-ribi, Jyje ijoi-ribi, Benjami ijoi-ribi, Kia ibutu ijoi-ribi heka 12000 inymy rimyre.

<sup>9</sup> Iribi tahe sòwemy inymy rabire. Timy heka idi wariramahäduòkre. Ibutu 12.000 hãwã hãwã-ribi wirotyre. Bede ibutu rybe wixira wixira rybedu ibutu ijoi wixira wahe. Tai tahe Budoeniube-ò tiiboho rotamanyreny. Budoeniko-txi ryanako-txi wirotyre. Ibutumy tiiboho ittyurahakÿlemy roiremy. Horeni iru-di heka roiremyhÿ. <sup>10</sup> Tahe ryryrenyrye —irariemy ryryrenyrye: —Biu-ò hena waDeuxu-ribi nade rynana nihikÿ-ki ronyreri. Tule



Budoeni-ribi nade. <sup>11-12</sup> Tahe ŷju ibutumy heka widotyde ryanawerora-ò, tule matuari mahādu tule iwo-ki. Inaubiòwa aòni ibutumy reserenyre ryanana nihikýko-txi resere taòsana sutxi ritidimy Deuxu kia wowydynamy relere. Kie, myheka rarybere: —Wowydyna, Bedeerydýŷna, deàlàna, loosòna, aruru, aixiòlòdýŷna. Ibutumy heka kia kanakre inyDeuxu-ò. Rarehykyle, rarehykyle heka rarekre. Kie. <sup>13</sup> Tahe wawio inaubiòwa matuari mahāduò wadee rýŷraxire: —Kai aòbo teerymahāte kia tykyurahaký-di ratxirenryeriò, tule tiribibo ròirerí? <sup>14</sup> Tahe rarybere: —Aòkòre wanyrý, reerykòre. Bedelyyke wako. Tahe wako tuu delyyde. Kia heka dòhònyde heka aòhòkmy dýŷnana-ribi dòhònyde rare. Ityky rityranyre heka Budoeni riòre hālubu-di. <sup>15</sup> Taiki heka ryanana nihikýko-ki ratxirenryeri Deuxuko-ki. Kaheka ruu, txuu-wana heka rāāhimy ratximyhýrenyre taheto bededýŷnana-ki. Kia ryanana-ki rýdu tahe riyrubunyrenykre. <sup>16</sup> Tiu rama rirubudýŷrenyòmy heka bemomo boho. Tiu txutòteeheký-wana wirisýnyòtyhy ybòtò boho-wana, txutyte boho-wana. <sup>17</sup> Budoeni riòre dori ryanana nihikýko-ki ratximyhýre. Tii heka aryŷna adee riwahinymyhýkre. Tii heka adi itxeredukre heka aradykre heka Umyituedeòna ube-ò. Deuxu irube rirubudýŷnykre.

## 8

<sup>1</sup> Budoeni riòre debò inatxi reurò hāletenamy ribòhònyreu, aòdee biu-ki roholaòhyyre heka byy, myle roire: aòwodýŷ wodýŷhomy aòkò. Wadee meia hora txumy bedemy bede rewyre. <sup>2</sup> Debò inatxi reurò ŷjumy tuu rabire Deuxuko-ki nyidemy. Tahe inyò tamy riòremy idi retehere debò inatxi reurò ajurònamy.

<sup>3-4</sup> Tahe iwitxira ŷju nade. Tii womati týrýŷhýký atara nihiký. Tahe xiwenatyre orarade rýny wihiký ritoonre. Inyò riwahinyre ŷju-dee sòwemy. Riurinykemy Deuxu ijoi ixitòedýŷna-wana xiwenatyre-ò risòkemy aderòna rýnyreheký heka womati týrýŷ xiwenatyre-ki ritxiwire Deuxu ryananako-txi. ŷju iribi tahe kia ibutumy raòwònyre Deuxu-ò. <sup>5</sup> Tahe heòty-di heka ŷju atara ritýxinyra idi heòty-di rehure biu-ribi bede-ò. Tai tahe biuymtxi ramytxnihikýnyre heka suu biu tawe rihetenyre rybe wese wodýŷ ramytatara.

<sup>6</sup> Tahe debò inatxi reurò ŷjumy heka rexiywinymy rýire ajuròna-di jurònykemy.

<sup>7</sup> Juhu ŷju heka rurònyre. Iribi tahe bedejutytyhyký heòty hālubu-wana raurinymy bede-ò rejuxunyre. Bedejura tahe roomyhý asirade, bedero-wana inataò-ribi, sohoji roomyhý.

<sup>8-9</sup> Iribi ihewoludu txuròna-di rurònyre. Tahe berahaký-ò resere hāwāò nihiký wesemy. Tai ibutumy heòtylawò txuramy ituere. Iyre bee tahe hālubuhukýlemy relere. Iyre utura tahe ituere.

<sup>10</sup> Tahe ihewoludu txuròna-di rurònyre. Iribi tahe tainahakýò berohokýre-txi resere berayre-txi tule. <sup>11</sup> Tainahaký heka ihyre inire. Tahe sòwemy iny ituere ihyre bee riurinyreki.

<sup>12</sup> Tahe ihewotyhy tyaludu txuròna-di rurònyre. Tahe aòwesele txutyemy txuu roosòòhyyre. Tahe ahādu tawekremy turutyhy inihe relere taina tule. Tahe bederunurytyhyre heka.

<sup>13</sup> Tahe idi retehemy jiarý rāiwāhā. Tahe tuu rabire nawii nihikýò ruòmy ratxireriò. Tii iryru-di heka rarybemyhý: —Bede heka rabinakre. Bede heka rabinakre. Suludu bede iny-ò rryrmyhý: —Txiioinihe sòwemy aòbina binahaký rexiòtýmyranyre. Tahe hewotyhy-ludu ŷju txuròna-di kudurònykre heka bede rabinatyhykre.

## 9

<sup>1</sup> Ijò ŷju tajuròna rurònyre. Tii heka iruyre hewoludu rare. Tahe ijò inymy rabire. Biu-ribi suò taina resere wese tii resere. Tamy ijò raynaò diwahinyde, hāloo nihiký ratòbòna rayna wahe. Hāloo nihiký heka ireheheký rare. <sup>2</sup> Tahe riraynyre. Wādāsi iribi tahe dòhònyde. Iwese tahe bede rurunyre wawerorareny-di. Txuu, ibutumy rurunyre wādāsi lybyhyký òraru-ki. <sup>3</sup> Tahe seihikýlyby wese heka wādāy-ribi dòhònyde tahe desede suò. Seihe heka itytibòròhòký wese heka ihe rare. <sup>4</sup> Asi rubudýŷòmykre bederaradeò tule, òwòru tule. Inyò Deuxu kia ritidýŷna iòru-ki rýiòkeki, tahe tule tamy ijira rýkre. <sup>5</sup> Iny rubudýŷmy aòkòre. Tahe iny aòhòkýmy rotýŷnykemyre heka iruyre ahādumy. Aòhòkýmy rotýŷnymyhýre kia ihe juberereri rijererimy ihýre. <sup>6</sup> Kia txuu tahe ixirubudýŷmy reamýnyre. Tahe aòkòre heka timyhe ixirubudýŷkòmy tamyhe rubu dehemyndýhymhýde. Tukemy heka riwisýnymyhýre. Tahe aòkòre rubu iribi rahenymyhýre. <sup>7</sup> Seihikey heka awaru wese rare. Iwese awaru rexiywinymy wou-ki ralòkemy rýimyhýre wese heka rare. Irati-ki rýire womati týrýŷhýkýle irataana wahe. Iòsana heka iny òsana wese rare. <sup>8</sup> Irade irehehekýre hāwy radeheký wesele. Txuu tahe leaò juhuký wesele rare. <sup>9</sup> Wyhy itxena ibreti-ki roimyhýre. Womatile ibreti rare. Bede heka urile rawodýŷnyhýkýmyhýre. Iwese tewe awaru-di nodu sòwe iwodýŷ rare. Iwese aòbina-ò rajaramyhýre wodýŷ wese wahe. <sup>10</sup> Seihikey heka bòròhywe nihiký wese heka rare. Tahe iruru-di rare. Iny riwotòmonymyhýkemy iruyre ahādumyhýmy. Iherona ramytxytxyre iruyre ahādumyhýmy.

<sup>11</sup> Iiòlò heka hāloo rahejihiký wedu heka rare. Ini heka hebreu rybe, Abadu rare. Grego rybe heka, Apoliò heka rare. Iny rybe heka iny hàdu hàduhuký rare.

<sup>12</sup> Juhuu bedebinahaký ituera ròhònyra. Katahe ijò iwitxira kòdòhònykre inatximyhýmy wahe.

<sup>13</sup> Ijò ýju tajuròna-di rurònyre. Tii heka debò sohoji hewoludu rare. Raholare heka rybeò-ò. Womati xiwenaò-ribi ròhònyre. Xiwena-ò heka inaubiòwa sòwe. Kia womati týrýrý xiwena heka Deuxu ryananako rýire. <sup>14</sup> Kia ýju-ò heka rarybere ijuròna dinodu wahe: —Inaubiòwa ýju besedýýnyke ixinamy ròhònyke. Tii heka Bero nihiký ròtena-ki, bero Eufratesi-ki. <sup>15</sup> Tii heka ròtena-ki ratximyhýre kia bededýýnanau, kia txuu, kia ahāduu kia beòrau. Iribi tahe riàlòdýýnyrenyre. Iribi tahe ihewoludu iny ibutummy rahure. Iryeyre inataò hāwā jurajuramy heka rahure. Inataò jura-ribi sohoji sohoji rirubunyre. <sup>16</sup> Tahe jiarý raholare tiweserebo aòbinadumy rýire. Iny 200.000.000 inyema rýire. <sup>17</sup> Tahe aòbinadumy rabira awaru tyre ronryeri. Awaru tyre ludu tahe iwyhy itxena dire. Ibutummy wako-ki rýire. Ibutummy rabire. Womatihikýle, heòtyhykýwesele heka rare. Ijò heka týreura rare safira wese. Ijò tahe týre raramadòbò wesele. Awaru rati heka leaò rathiký wesele rare. Heòtyle iry-ribi ròhònyreri wàdasi enxofre-wana wahe. <sup>18</sup> Kia heòty heka inataò jura-ribi sohoji jura iny rahure. <sup>19</sup> Tule awaru nohewòru heka iruru dire. Iryribile tahe iheòty ròhònyre. Taile iruru rare. Hemylala rati wese dire ruròmy heka inatxi hemylala juwesele. <sup>20</sup> Iny ituera sýtybymy tahe rarònyre. Deuxu deàlàna dee heka reòbyòhyre. Diabo mahādu luulemy ratximyhýrenyre. Aòma rityhynrenyre womati týrýrýhýký ritxoo, òwòru ritxoo suritxoo, mana ritxoo. Kia ritxoo heka aòki robiòhymyhýre, aò roholaðhymyhýre. Rariaòhymyhýre. <sup>21</sup> Iòraru-ribi roxirāhiòtyhy iribi tahe rahòtinyrenyre aò òtaòtamy, rubudýýnamy, wasinamy, òwòrumy. Kiale ròhòtinymhýrenyre.

## 10

<sup>1</sup> Tahe iwitxira ýjuhuký rabira biu-ribi suò robehererimy. Biuwetykywesehekýle iweroramy rýireri. Tahe owaji wese iratikile roireri. Iòsýny tahe txuwewehekýle, iwaube tasý heòtyhykýwesele roosòmý. <sup>2</sup> Tii heka tyyritinadle debò ritýtenymy ratximyhý. Tahe itýte heka deboube-ki roimyhýre. Tahe tawaube ruruludu heka betye ritidimy idi rýire. Tawahyeludu tasý ityti-ò ridemy idi rýire. <sup>3</sup> Tii rryyre heka tarurumy. Leaò iràhàkýwesele rryyre. Iu tii rarybereu, debò inatxi reuròmý heka ramytynymy dirawýònyde. <sup>4</sup> Tahe riritinyre heka aòmybo timykira raryberenyré wahe. Tahe rybeò-ò raholare: —Kia widýýòmý. Kia rybe hewa ierysyna aòkò rare ixinamy tahe tuu roike. Biritinyòke aòmybo ramytynya rarybere? <sup>5</sup> Tahe ýju suki ratxireri, beki ratxireri ruru ludu debò biu-ò riteòsinyre: <sup>6</sup> —Deuxu-ribi heka tuu raryberé, warybemy inatyhymy. Deuxu heka tiemy rarehyyle rare. Ibutummy heka riwinyre biu-ki rýira bede-ki rýira-wana. Tai heka warybe inatyhymy rare. Ararybekre heka raroorehenyòtyhy kaki. <sup>7</sup> Debò inatxi reuròna ýju tajuròna ritxurònykreu heka, Deuxu ibutummy relemy rýikre iwese rarybere wese. <sup>8</sup> Iribi tahe rybe biu-ribi wadee nade. Wadee rarybere: —Biòryke hewa tyyritina ýjudebò-ki naderi suki bera-ki kia rýireri. <sup>9</sup> Tai tahe tamy rehemynreri iòhòmý tyyriti tamy rexitòenyre. Tahe wadee rarybere: —Biwyke. Birýsýke. Juhuu tahe bidi wesemy ary-ò bidekre. Birýsýkreu tahe ibutummy rahyrenykre awo-ki. <sup>10</sup> Iribi rewyrā rerýsýra. Iwese tii juhuu rarybera wese rare. Ibreere juhuu. Iribi rerýsýreu tahe, wawe rubererenyre. <sup>11</sup> Tahe wadee rarybere: —Kai heka dohodýýmy makre ixityre ibutummy inywitxiramy heka botohodýýkre. Ibutummy inywitxira wixira-my botoho. Ibutummy rybewitxira wixira botohomy. Ibutummy iòlòmý botohodýýkre.

## 11

<sup>1</sup> Iribi tahe inyò wadee diwahinyde urihixinaò. Wadee rarybere: —Biurihikesý titxibo Deuxusý rýimyhýré. Iwo tule xiwena wahidýýna biurihike. Idi mariake tiwesebo iny iwo-ki rýirémy. <sup>2</sup> Tahe ahana-ki iube idi riraòmyke. Tii dori ityhydýýdukòdu mahādu dee wahisidýýna rare. Tiiboho dori 42 ahādumy idi rariakre. <sup>3</sup> Jiarý dori inatxi rybedu idi watxiwāhāre. Tamy ruru ariwahinykre. Tii heka saumtykyke rariakre. Tii heka rybe ritýnynykre beòra inataò weeremy. <sup>4</sup> Rybedu inatxi heka bederaty òwòru inatxi wese rare. Tahe tule inatxi loosòna mynydu wese heka rare. Kia Deuxuko-txi rýire wese heka rare. <sup>5</sup> Inyò idi ibinamy riwisýnykeki, tahe ixirubudýýmy rorukumyhýre. Heòty iryribihikýle ròhònyke heka iny rirubunye. <sup>6</sup> Tii heka irurudire biu dejuxu lau riekemy. Tahe tiu biu reseòtyhy heka inataò beòra weeremy wahe tii Deuxu rybemy rarybereri wahe. Ihāre tahe tii rexirahòreke bero nihikýmy aho nihikýmy hālubumy rexirahòreke. Ihāre tahe ibutudee bina riwahinyke, rubuna riwahinyke tiiboho awimý tai raharenykeki. <sup>7</sup> Kia heka inataò beòra weere rikonananykeu, rybe týnydýýdu inatxi rikonananykeu, hāloo rehe nihikýwo-ribi aòni kòdòhònykreu, tahe aòbina nihiký-ki heka iu rýikre. Tahe inatxi rybedu

rirubunykre. <sup>8</sup> Iumy rubu tahe hāwāry-ki roikre, tibo inyr̄y rirubunyrele. Rawesenanyre, kia hāwā arininiḱre Sòdòma ada Egito wese. <sup>9</sup> Inataō txuu weere riwydi hāwā ube-ki iumy rubu roikre. Inyō heka tiu rituunyōtyhy. Ibutu iny hāwā hāwā-ribi ibutu rybe witzira-ribi heka tamy itxeremy rehemynykre. <sup>10</sup> Ibutumy heka iny teysamy r̄yikre urile iny widee aōna aōnamy riwahinymyh̄ykre. Tiiemy inyō raaōmsȳd̄ȳōtyhy kiatxuu. Tai heka tahōti heka itxi reakre kia inatxi rybedu rurure tahōti itxi reakre. Lisini heka r̄yikre, worana bedehesi. <sup>11</sup> Kia txu inataō txuweere-di, iumyreny iruna kòdòòsekre tamy Deuxu-ribi. Tiiboho lamamy rotamanykre. Iny rarokonykre heka ruberu nihik̄ymy r̄yikre heka. <sup>12</sup> Inatxi rybedu-ò heka rybetereō biu-ribi nade: —Kaiboho bòdòibedenyke kaò. Tahe biuwetyky raòwònyrenykre kia iòludu mahādu idi retehemy r̄yireri yrubule. <sup>13</sup> Kiaule tahe bede ramytatakre. Debò wiò heto jura jura-ribi heka sohoji resere. Tahe 7000 inymy rurure. Tahe iny rarokonykre tahe iuhe ruberu nihik̄ymy r̄yikre. Tahe wowodyna riwahinykre Deuxu biu-ki ratximyh̄yreò.

<sup>14</sup> Inatxina bede d̄ȳnana bina tahe ròhònyre. Tahe ijò kanakre.

<sup>15</sup> Debò inatxi reurò ȳjumy heka juròna rurònyre. Tahe sòwemyhe iny rarybemy r̄yimyh̄y, ryr̄my r̄yimyh̄y: —Kia bede d̄ȳnana, iòlòna, inynyr̄y hōrò rare. Kristu hōrò rare. Aōu aōu tii ibutu ibutu iòlòmy ronykre. <sup>16</sup> Wawio inaubiòwa matuari tahe, rynana-ki ronyrenyri Deuxuko-txi. Tahe Deuxuko-txi reserenyre. Wowodyna tamy riwahinynyrene:

<sup>17</sup> —Kai Deuxu, tuu tate ihyyemy, ibutururu ratyre aruru rare. Aruruteremy bonykre bede dinodumy. Umy reālāmy kia-ò.

<sup>18</sup> Iny heka ibutumy alau ruberumyh̄yre ibutumy òludumy r̄yire, adee deburemy r̄yimyh̄yre. Rubu hitxid̄ȳna heka bede reamy heka roire. Eòdurenyle heka riòwynykre, aijoi riòwynykre, rybedu mahādu wahe. Ibutumy ani rityhynymy r̄yira, nihik̄y iya-wana, kia bede huduhuk̄y rare. Ibeded̄ȳnana reamy heka roire.

<sup>19</sup> Biuwetyy riraynyre Deuxu heto. Ibutumy heka lobid̄ȳna tyyriti hyna iwo-ò iny robimy r̄yire. Iu tahe biumytxi, biudelaa ibutu yhynihik̄y, ibutumy bede ramytatamy r̄yire, berahak̄y tule resere.

## 12

<sup>1</sup> Iribi tahe ròhònyre warasina-ki aōbo. Aōhebo bede rit̄ȳnykremy, biuwetyy-ribi hāwyyòmy rabire. Txuu wese tahe itykyra. Tii lamamy r̄yire ahādu tyre. Tarat̄i tyre-ki tahe tainahak̄y rataana idi r̄yire, waòinatxi taina wahe. <sup>2</sup> Tii heka bòtòmy ih̄ymyh̄y. Ryr̄my heka tuxbrere riijemy tabeded̄ȳnana-ò resera uladu reakremy. <sup>3</sup> Iribi tahe aōna aōna biu-ki rexis̄nymy, aōni hemylalala nènihik̄y wese wahe. Irati tahe debò inatxi reurò sòwe iratimy. Debòwiò sòwe heka iòmy. Irataana heka iratimyna myna r̄yimyh̄yre. <sup>4</sup> Tii tahe tōhewòru-di taina ributunymy ridyre. Bede tyre-ki idi rehure, taina jurāò. Tii hāwyyko-txi r̄yire. Uladu reakreule tahe uladu riròkremy. <sup>5</sup> Tahe tohouā reare, hābumy heka reare. Tii iòlòmy heka ronykre, ibutu bede bede iòlòteremy wahe. Ihāre tahe Deuxu ridyre. Raòwònyre heka Deuxu rynana-ò. <sup>6</sup> Hāwyy tahe rahenyre bederahy-ò. Tii 1260 txumy heka tii bederahy-ki bede riekremy. Deuxule heka tii riywinyre.

<sup>7</sup> Biu-ki heka aōbina nihik̄y r̄yire. Mieli, ȳju dinodu heka, taijoi-wana raaòbinanyre aōni-wana taijoi-wana. <sup>8</sup> Aōni tahe resera taijoi-wana. Ròtara. Biu-ribi ròhònykemy tahe idi ratxireri. <sup>9</sup> Riteònyre biu-ribi, aōni nihik̄y heka ròhònyra. Tii heka hemylala nihik̄y wese rare. Satanasi inire, Diabo wahe. Itxenad̄ȳdu heka rare ibutumy iny. Suki resera, taijoi-wana. <sup>10</sup> Raholare tahe biu-ribi rybeò-ò: —Deuxu tarasana heka rehemynyre. Tii taruru riteòsinyre iòlòtyhy raremy. Kristu taruru riteòsinyre. Aōbina bina rybedu tahe Deuxu-ò rarybehymy ratxireri, txu-wana, ruwana. Tii tahe ròhònyra biu-ribi. <sup>11</sup> Waityhyd̄ȳdu seriòre mahādu heka ròtara Budoeni hālubu-di, inatyhyna hāletena-wana. Rurukemy ratxireri tiiboho tamydeewikeki. <sup>12</sup> Beysabenyke biu mahādu. Koityhyxe tahe ahohok̄y, bede-wana. Diabo dori adee rehemynyre. Tii reburere, ibeded̄ȳnana dori iòhòmy reare.

<sup>13</sup> Iu hemylala aōni heka bedekile ratxirerimy rieryreu, tahe hāwyy tohouā-wana kia-ò aòhòk̄ymy rot̄ȳnykemy ris̄nykemy idi ratxireri. <sup>14</sup> Tahe hāwyy heka nawiihik̄y-ribi idei rihuòtera, tahe idi ruòra bederahy-ò, tas̄y-ò. <sup>15</sup> Hemylala aōni tahe bee sòwemy tary-ribi rarybexinyre hāwyy ribòròbòròd̄ȳkemy. <sup>16</sup> Tahe aòkòre. Suu tary riraynyre tahe ibutumy bee riòre. <sup>17</sup> Hemylala aōni tahe reburemy reare hāwyy dee. Ibutumy hāwyy ijoi mahādu rirubunykeny idi ratxireri. Kia mahādu tahe Deuxu bede ywina rityhynyre, iwese Jesuisi tuu rit̄ȳnyre wese. <sup>18</sup> Tai hemylala aōni ȳnyrakile r̄yire.

## 13

<sup>1</sup> Iribi tahe aōnimy rabire berawo-ribi ròhònyre warasina-ki. Tii heka debò inatxi reurò iratimy tahe debò wiò iòmy ijòdire. Rataanaò tahe sohoji sohoji iò-ki r̄yire. Irati-ki tahe

nibinamy heka rÿire. <sup>2</sup> Tii heka hãlòe wesetyhymy rare. Iwa heka ursowa wesele heka rare. Iry heka hãlòery wese rare. Aõni heka tamy rurú sòwemy riwahinyre, irynana wahe. <sup>3</sup> Iribi heka rabire iratiò, sohoji heka wotòmonahakÿ dire. Tahe reytereri. Ibutumy iny riòtiinyre. Aõni riheludunyre. <sup>4</sup> Aõni hemylala heka taruru riwahinyre aõni-ò. Tai tahe ibutumy iny heka aõni riwowydynyre. Iny rarybere: —Mobo heka aõni wese rare? Mobo ijesedukre? <sup>5</sup> Aõni heka aõbina bina rarybere. Inyò ribyrenyòtyhy. Ahãdu 42 tii heka kiawesemy rÿikre. <sup>6</sup> Tii Deuxu dee heka aõbinamy rarybere, Deuxusÿ dee, ibutumy biuludu mahãdu tule rybebina-di ribinabinadÿÿnyre. <sup>7</sup> Inyò tamy rurú sòwemy riwahinyre Deuxu ijoi mahãdu-wana raaõbinadÿÿkemy. Tuu rahaÿnanykemy heka ibutumy iny witzira witzira, ibutumy rybe witzira mahãdu, ibutumy bede bede mahãdu. <sup>8</sup> Ibutumy iny ityhydÿÿdukòdu mahãdu tamy wowydyna riwahinyke. Budoeni Riòre ijoi mahãdu tahe aõkòre, kia dori ini rÿirenyre tyriti-ki. Juhu bededÿÿnana inireny iwo-ki roire. <sup>9</sup> Tahe inyò roholakeki heka, boholake. <sup>10</sup> Inyò ridyke. Riròtenyke ròtenawo-ki. Ijò tahe rirubunyke. Deuxu ijoi mahãdu tahe rexityhnykre idi òbitimyre roirenyrekremy. Kie.

<sup>11</sup> Tahe ijò aõnimy rabira. Tii ròtuòreri bede-ribi. Iò heka inatxire. Budoeni wese heka rare. Ihãre tahe aõni wesele rarybere. <sup>12</sup> Tii juhu aõni wese rare, iruru. Rarybere: —Juhuludu aõni biwowydynyke. Kia ratiwotomona-di. <sup>13</sup> Budoeni aõni heka aõna aõna aõna wiihikÿmy riwinyre. Tii heòty biu-ribi resekemy tii rotÿÿnyre. Ibutumy iny tuu robire. <sup>14</sup> Tii ibutumy iny riitxenanyre kia aõna aõna wiihikÿ òraruki. Iny ibutu-ò rarybere: —Suritxooò nihikÿ biwinyke aõni dee. Tii mayrehe-di rawotòmore hãrele rurúòre. <sup>15</sup> Tahe ihewoludu aõni heka rabunyra suritxoo-ò tahe irumy rÿire. Idi suritxoo rarybere. Inyò tamy wowydyna riwahinykeki, tii tahe rirubunyre. <sup>16</sup> Tii rarybera ibutumy iny-ò: —Kaiboho waritina bitidike aòru-txi, eboreny-txi, ruruweludu wahe. <sup>17</sup> Aõkòkeki tahe aõhoho aõkò riwyke. Iny kia ritina ijòdiòkeki aõhoho aõkò rohonykre. <sup>18</sup> Kai erydÿÿna sòwekekile, aõhebo tatÿÿnytemy kaiboho bierybenykre. Kai erydÿÿnadikeki, aõni heka rieryke. Ini heka iritina raròsòna wese rare 666 ihÿre.

## 14

<sup>1</sup> Idi tahe budoenimy rabire lamamy nyidemy Jerusalè hãwã-ki. Aõma Siaò hãwãlòkile rÿiremy. Tii-wana heka rÿire 144.000 kia inymy heka tii-wana rÿire. Ibutumy tiiboho heka tybynimy, inymy heka ibutumy iòru-ki raritinymy rÿire ibutu òru-ki. Tahe tuu rabire rasinaòmy. <sup>2</sup> Biuwodÿÿ nihikÿmy raholare, tule biuwodÿÿhÿkÿ ada benihikÿ leselere wese iwodÿÿ rare. Tahe sòwemy iny rawiunymy rare violaò-wana, kia wodÿÿ wesehekÿle wahe. <sup>3</sup> Kia heka wiu tÿmyra riryrymy ròrenyre kia iny tÿmyra rirahura mahãdu. Kia Deuxu rynana nihikÿko-txi heka rotÿÿmynnyre. Kia inaubiòwa aõnityhy heka waitue inaubiòwa matuarimy tahe ijòmy rÿire. Tahe 144.000 kia inyle heka rawiunykeki, awimy rÿike. Tii dori aõma tarasadumy ratximyhÿrenyre. <sup>4</sup> Tiiboho heka tyra roire, tiiboho heka òbiti roire iwese ijadòma ratxirerimy ihÿre wese òtadu mahãdu aõkòhyre. Tahe budoeni riòreheky heka rare titxibo tii rare hemy. Tii dori wydynamy rare. Kia hãbuy-ribi. Bede ywisidÿÿna juradÿÿna kia dinodumy heka rare. Deuxu heka Budoeni Riòre-wana wahidÿÿnamy heka roiremy. <sup>5</sup> Tiiboho heka raryberenyòtyhy tiiboho ruidu roiremy. Òbiti heka tiiboho roire. Tiiboho heka rahitxirenyre Deuxu dee.

<sup>6</sup> Tasÿ ijòmy rabire ÿjuòmy aõma biuwetyky kiako-txi raramy ruòmy rabirerimy. Tii heka Rybewihikÿ tÿmyra rimymy idi rara aõ inywitzira-ò ritÿÿnynykremy. Ibutu bede bede inywitzira-ò ritÿÿnynykremy. Ibutu rybe-di ritÿÿnynykremy, Rybewihikÿ tÿmyra wahe. <sup>7</sup> Kiamy heka ryryre: —Deuxu bityhnyke. Marybebenyke tii awi raremy nihikÿ raremy. Bededÿÿnana rehemynymy roire ihtxidÿÿdu bede-ò. Bityhnybenyke tii dori bede ibutumy riwinyre bee, biu ibutumy riwinyre.

<sup>8</sup> Tahe ÿjuò heka ihewomy ruòmy ratximyhÿre. Babilonia hãwã nihikÿ rexihura. Ibutu iny dori òraruna-txi resera. Kia hãwã mahãdu dori ibutumy iòrarudÿÿnyra.

<sup>9</sup> Iribi tasÿ iwitzira ÿjusÿ tamy nade iheto-ò. Tii tahe ryrymy nade: —Inyò aõnimy ada iritxoomy rityhnykeki, iribi riwykeki iwotòmona iòru-ribi tebò-ribi riwykeki iritidÿÿna, tii tahe Deuxu ykarana heka iribi riwykre. <sup>10-11</sup> Tiiboho heka aõhòkÿmy rotÿÿnyrenyke ÿjuko-txi. Budoeni Riòreko-txi aõhòkÿmy rotÿÿnyrenyke. Heòty kia bede dÿÿnana tyhy tiemy raòwònyhy rarakare. Tiiboho dori tiemy aõnityhy nihikÿle, iritxoo-wana rityhnyhÿrenyreki, tiiboho heka iritidÿÿnale ixi-ki riwimyhÿrenyre. <sup>12</sup> Tai tahe ibutumy iDeuxuhe ywina-di heka iwitzira iny ronykemy heka ratximyhÿre. Ibutu aõ òta ibina bina biòludunbenykeki, tiiboho dori aijoi òbitihy boibekemy ikonana-ò. Jesuisi bityhnykemy.

<sup>13</sup> Iribi tasÿ ixityre ijò rybe-ò raholare watyre-ki. Rarybere: —Kiahe biritinyke: Aõ roorehemy aõkò heka dehemynymy deade. Kia Jesuisi-ò rurure heka uriòno heka tamy dehemynymy deade. Iribi tahe tule rarybere: atytyby reysamy ratxireri. Myle. Tahe

rexielehynymy heka rorukumyhyh̄renyre aõhõk̄ymy d̄ȳnana-ribi. Tii dori aõwiihik̄yle riwinyrerimy ih̄yre. Reeryre heka.

<sup>14</sup> Idi tahe iwitxiramy aõmybo rabire wiribi hitxiramy. Nonoe wetyky urahak̄yle wese heka rare. Inyõ ityre-ki ronmyh̄y. Hãbuõ wesehek̄ylemy heka rare. Irataanadhik̄ylemy ronmy heka tarati-ki heka idi ronmyh̄y. Womati t̄yr̄r̄ȳh̄k̄yle wesehek̄yle irataana rare. Tahe ijõ heka itieresynaõ-di heka tebõkihik̄yle heka r̄yre. <sup>15</sup> Ijõ heka Deuxus̄-ribi nade, ŷjuõ. Tamyhe ryryre: —Bexit̄myranyke, itieresyna-di tas̄y bexit̄myranykre. Beded̄ȳnana rehemynymy roire adee aõ biõrõrõkemy. <sup>16</sup> Tahe kia nonoe wetyky tyre-ki ronryeri tahe rexidelenyre riõrõrihe. Riwyrehe ibutumyhe aõna aõna riwyre tahe ributunyre.

<sup>17</sup> Kia ijõ Deuxus̄-ki ratxireri tas̄y tule debõnadimy ratximyh̄y kia tieresynadile ratxireri. <sup>18-19</sup> Kia ŷju aõma heõty kia loo-di ratxireri tahe dyryde heka tieresynadile tamy rehemynykemy. Tieresynadile biorobeke idi atxibeke. Ibutumyhe bede bede kia biorobeke. Ceifala dori biorobeke. Rubumy dori r̄yre hitxid̄ȳna-õ. Iribi tahe reare. Tiõ tiõ idi reamy tahyna-õ rabutumy reare kia Deuxu ykarana-õ. <sup>20</sup> Tai tahe bederatyhe risorunyre hãwã-ribi hitximy. Sõwemy hãlubu rõhõnyre. Kia urihixina heka sohoji metro weere heka rare. Irehere heka bero wese 300 quilometros irehemy. Awaruloymy heka rabeheõmy roire ibero.

## 15

<sup>1</sup> Ijõ aõna aõnamy rabire biu-ki ihewo-ribi riteõsinyeri. Debõ inatxi reurõmy ŷjumy heka rimyra kaa aõmys̄d̄ȳna. Kidiwydenyke heka debõ inatxi reurõ aõhõk̄ymy d̄ȳnanamy. Idi tahe Deuxu ykaranamy rexikonanamyhe roikre.

<sup>2</sup> Iribi tahe bero nihik̄ymy rabire wako-txi aõma heõty wese, womati t̄yr̄r̄ȳ wese. Sõwemy heka inmy rabire kia sutyre-ki nyidemy bero iõhõmy. Ibutumy heka aõni debure deburehek̄y kia rubu-ribi ritamy nyide. Iu heka aõni tai roiõhykyre heka, aritid̄ȳna roiõhykyre heka. Tahe aõma aõnimy rahañnanyrenymy ratximyh̄yre iritxoomy tule violaõ oworuwod̄yk̄yhe tai r̄yre, Deuxu rawiunyrenereri riryryeri. <sup>3</sup> Moisesi Inynry deõdu wiu riryrynereri. Tule Budoeni Riõre wiu riryrynereri. Kiamy heka rare: —Oi Deuxu, Kai heka aruru-di tate. Aõni tewinymahãte. Ibutu tarasana tewinymahãte. Ibutu heka ary õbiti rare. Awi heka rare. Kai heka ibutu iõlõ tate. <sup>4</sup> Iõlõhyky tanamahãte. Tiiemy heka rityhynymy hyky hyky tanamahãte Inynrybohomy. Wowydyna heka adee riwahinymahãke. Kai sohojile heka õbitityhymy atximahãte. Ibutu bede bede ludu heka anatyhynykremy kedeke kedeakre. Ibutumy aõbo tewinyte. Ibutumy bede õbitid̄ȳnymahãte heka rieryre.

<sup>5</sup> Kia bedeõ heka Deuxu hetomy roimyh̄yre ierykõnamy roimyh̄yre. Iwõte ierykõna. Tii heka riraynyrenyre heka kia bede. <sup>6</sup> Kia debõ inatxi reurõ kia ŷjuhe rõhõnyre Deuxu heto-ribi. Diwydehe debõ inatxi reurõ aõhõk̄ymy d̄ȳnana. Aõma itykyrenyre, linho urahak̄y itykyrenyre. Irawo-di ibreti wereysanamy tahe womati t̄yr̄r̄ȳh̄k̄yle tanare. <sup>7</sup> Sohoji aõniõ aõma Deuxu ykarana hyna sohoji sohoji-õ tamy diwahinyde. <sup>8</sup> Deuxu hetowo heka aõma wãdahãk̄ylemy reare. Loosõna dori iruru dori sõwemy r̄ymyh̄y. Tai heka urile roosõhõk̄ymy rat̄yr̄r̄ȳh̄k̄ymy. Inyõ heka irõteõna. Debõ inatxi reurõ ŷjumy. Kia ritxiwimy rexihudile tahe iny ralõke.

## 16

<sup>1</sup> Deuxu hetowo-ribi ijõmy raholare rybetereõ-õ. Rarybereri ŷju mahãdu-õ: Boibenyke hewa abede-õ. Debõ inatxi reurõ hyna bitxiwibenyke kia Deuxu ykarana hynamy. Tahe ŷjumy rõhõnymy deade tahyna-di ditxiwide bede-õ.

<sup>2</sup> Iribi tahe rexidelenymy reare aõma juhuu ŷju ihyna ritxiwire bede-õ. ŷju binahak̄ymy rõhõnyre ibutu inymyhe rob̄t̄ymy reare. Kia aõma aõni kia ritina iõru-ki r̄yire k̄nyhe tuu r̄ximy. Tule suritxoo rityhynymyh̄yle kia mahãdule heka jy yjy rõhõnyre.

<sup>3</sup> Tahe ihewoludu heka tahyna-di rõhõnymy deade. Betyre ritxiwire. Bee hãlubu huk̄ylemy reare. Ibutumy bera-ki raremyh̄yre ituere.

<sup>4</sup> Juhu ludu hewoludu tahe ritxiwire berohok̄y tyre heka ritxiwire. Bee ibutumy bewydysyna rihõrõnyre. Ibutumy hãlubu huk̄ylemy relere. <sup>5</sup> Tahe ŷju rybe raholare aõhebo bera-ki rot̄ȳnyeriõ: —Kai Deuxu, Kai awi tate. Kai õbiti tate. Tuhyy ahãte ihãre tahe tuhyy ahãte. <sup>6</sup> Rybe t̄ynd̄ȳdu mahãdu heka ituere, rurure. Deuxu ijoi hãlubu ritxiwire suõ. Katahe rubud̄ȳdu kaihe iõwyd̄ȳdukre. Hãlubu tetxiwiteriki tule iõwyd̄ȳdukre. <sup>7</sup> Tahe raholare ijõ ŷju rarybereri-õ, Xiwena-ribi heka rõhõnymy: —Kia InyDeuxu heka ibutumy ruru dire. Ibutumy tewinyte õbitimy awimy.

<sup>8</sup> Tahe ihewotyhy konana ludu tahe ritxiwire hyna txutyre-ki. Tahe txuu ratõteenyre itõtee nihik̄ymy relere. Sõwemy heka iny risõre bedetõtee. <sup>9</sup> Tai tahe rirajumyh̄yre Deuxu nibinahak̄ymy rirajuarerimy ih̄yre Deuxu dori diteõnyde heka beded̄ȳnana binahak̄y.

Tahe inyō heka tōhōti rawitixiranyōhyire iraykywydyna. Kiamy ixiwesehyy rōhōtinyrenyre. Kia iny heka aōhe rotŷŷnyōhyire wowydyndyna loosōnabo.

<sup>10</sup> Iwixira ŷju tahe aōma ritxiwire tahyna aōni ryna tyre. Kia heka aōni beludu rare. Tarynana tyre rononymhŷ. Tahe ibutu irynanarey torohokŷlemy reare. Ibutu iōlōna torohokŷlemy reare. Tahe tōrōtō-ki ruruare taadhŷkŷhŷkŷnaren-y-di. <sup>11</sup> Tiiboho heka Deuxu nibinahakŷmy ryryre webinadumy roireki taadhŷkŷhŷkŷnaren-y-di. Timy heka rexinohōtilosanyōhyymhŷyre aōbina binahakŷ riwinyumy roiremyhŷ-ribi.

<sup>12</sup> Tahe iwixira ŷju tahyna ditxiwide. Eufratesi berohokŷ tyre ritxiwire. Tahe ibutumy heka ruŷre. Oriente iōlō mahādu dee tahe ryy kia riraynyre. <sup>13</sup> Tuu rabire heka inataō tyytyby binahakŷ. Rexitykynyre òrō tykyhykŷ wese rexitykynyre. Aōni heka hemylala aōni inire tahe iry-ribi rexiiōlōdŷŷnyrenyre. Tule aōnibina wixirary-ribi, tule aōni rybedubina-ribi. <sup>14</sup> Iribi heka aōni bina tyytyby kia tyytyby ibutumy heka bede dinodu iōlō ributumy. Raaōbinanykemy heka dirahude Deuxu kia mahādu-ò. Deuxu ihitx-idŷŷnatkumy rŷikemy heka anade tii dori ibutu ratyre aōna aōna-ki. <sup>15</sup> Kristu rarybere: —Tahe bohohabenyke. Aōwesele heka anakre. Wasidu wesemy heka adehemynymy adeakre. Ibutumy iny wararōsōdu mahādu teysamy rŷikre. Atyky heka biywinyamahābenyke tai timyki maixŷrubenyōtyhy adehemynykreu. <sup>16</sup> Kristu rarybere: —Ibutumy heka widotyde aōbinakedu Mikidu hāwā-ki wahe. Hebrew rybe-ki tahe Armagedom inire.

<sup>17</sup> Tai tahe ikonanatyhy ŷju tahyna ritxiwire yhykile. Tahe raholare biumytxihikŷ raholare Deuxusŷ-ki. Deuxu rynana-ribi dōhōnyde: —Ibutumyhe rakonanamy roire. <sup>18</sup> Tahe biumytxihikŷle ibutumy rawodŷŷnyre. Tule biu relaanyra. Biu ramytataōmyhŷre idi tahe ramytatare. Tii heka lahityhy rare. <sup>19</sup> Tai tahe Babilonia hāwā rabōhōre inataō jura juramyhŷmy. Ibutumy hāwā nihikŷ-ribi hetohokŷ rejuxunyre. Tai tahe kia Babilonia kia òraru-txi tahe Deuxu tōhōti reare. Tai tahe aōhōkŷmy risŷŷnymhŷy ibutumy aōbede binahakŷ tamy riwahinyre. <sup>20</sup> Bedebute ibutumy rexiwore. Iribi tahe hāwālō tytyhykŷlemy reare bedero wesehekŷle. <sup>21</sup> Idi inytyre resemhŷyre bera ere ewesele resererimy ihŷre. Ijō iutxie tahe 40 quilo bede heka iutxie rare. Kia tahe iny sumy rŷire nibinahakŷmy Deuxumy rarybemy.

## 17

<sup>1</sup> Tahe ŷju monahyna-ki wadee rybemy nade: —Adee aritŷnynykre aōbo Hāwā Bero sōwe aōhebo rotŷŷnykré heka. Kia hāwā adee ariteōsinykre timybo rare. Wedena wese aōhōkŷmy rotŷŷnykremy. Deuxu heka aōhōkŷmy dŷŷnana riwahinyke kia hāwā-ò. <sup>2</sup> Bede iōlō dinodu tamyhe òraruna tamy rexiiōrarunyre. Tule iny bedemy rŷira mahādu ralōre tamy òtatamy. <sup>3</sup> Tai ta kia ŷju tamy riwadyre bederaha-ò. Deuxu Tyytyby wadee dobehede? (Riwayatytamy watyytyby heka ridyre). Tai tahe tuu rabire heka hāwyyumy aōma irōdutyre-ki ronryerimy. Irōdu heka isōhōkŷlemy roire. Debō inatxi reurō irati rŷire, tahe iō debō ituemy sōwe. Iritina heka aōkōre rarŷŷnymhŷyre. Deuxudee heka aōbina binahakŷlemy tai iritidŷŷna rŷimyhŷre. <sup>4</sup> Hāwyy heka isōhōkŷ ityky rare, iwihikŷ rare. Ityky tyre heka womati tŷrŷhŷkŷ roire. Mana rŷsŷ wiwihikŷ, woumana-wana. Bemona debō-ki idi rare. Iwo-ki tahe bemonawo-ki tahe aōna bina nibina tai roire. <sup>5</sup> Tai tasŷ iōru-ki tule rŷire iniō. Aōbo rare tahe iny rieriyōtyhy. Babilonia Nihikŷ rare. Ibutu wedenase tii rare. Ibutu inyinbase tii rare. Kia luunadu ibutumy bede bede-ki. <sup>6</sup> Iribi tahe rabire hāwyy ixityre. Tii iny hālubu riōre. Ityhydŷŷdu mahādu hālubu-di rexiiōdewārinyumy heka rare. Tiiboho rurure, òbitimy Jesusimy rityhnyreki wahe. Kia hāwyyumy tahe rabireu, rexiiōtidŷŷnyre. <sup>7</sup> Tai tahe ŷju wadee rarybera: —Aōherekibo bede teōtiinyumy tŷite. Adee arelyykre aōbo rare —kia hāwyy irōdu-wana, aritŷnynykre tiiboho aōbo raré. <sup>8</sup> Irōdu tuu tabita, irumy rare tahe rurukre ele elemy. Tii hāloorehehekŷ-ribi kōdōhōnykre. Iribi tahe rexihukre. Tii rurure idi ixiby dōōsede. Bede iny mahādu bede riōtiinykre idi heka irōdu debure binamy robirenykre, bede riōtiinykre idi. Tiiboho dori ini ihoōre iru tyyritiwo-ki. Tai tahe irōdu deburebina lau ruberure. Irōdu dori ihetxiu irumy rare tahe wiji aōkōre. Idi tii irumy kanankre ixbyle. <sup>9</sup> Kia ibutumy adee aritŷnynykre: Debō inataō rati tahe irōdule rare. Kia hāwyy ityre ronryre kia hāwālō wesere. Irōdu rati tule iōlō mahāduō rare, debō inatxi reurō sōwe. <sup>10</sup> Iruyre iōlō tahe reserenyre. Sohoji iōlō tahe ratximyhŷre. Ithewotyhy ikonanaludu tahe, kanakre wijina. Tai ibededŷŷnana iōhōlere. <sup>11</sup> Iōlō debōinataō ludu tahe irōdu rare —kia irumy juhuu rare tahe wiji rurumy rare wahe —tii juhuuu iōlō mahāduō rare. Tii tule ituekre. <sup>12</sup> Debō itue òmy tuu tabitamy wahe tule iōlō mahādu rare. Tiiboho kanakre iōlōwesemy. Irōdu-wana tiiboho hāwā wedumy ronryrenyre irōdu aōni-wana sohoji horamy. Tii tyytyby bina rare. <sup>13</sup> Tyyritiō riwinykre idi tahe ibutumy ruruna irōdu bina-ò riwahinykre. <sup>14</sup> Raaōbinanyrenykremy heka Budoeni Riōre-wana. Tahe Budoeni Riōre aōbina-ki haŷnadukre. Tahe ŷju wadee rarybere: —Tii dori butu iōlō, ibutu iōlōna ratximyhŷre. Ibutu inynyrŷ ratximyhŷre. Ijoi heka kia ywymy tii-wana roire

itarasaō-ki. Kia rityhynykremy r̄yirerimy ih̄ȳre. <sup>15</sup> Tahe kia ahohok̄ȳ, berohok̄ȳ tai kia h̄awyy ronymyh̄ȳré. Tiiboho iny rare ibutu rybe-ribi, bede-ribi wahe. <sup>16</sup> Debōwiō òmy tuu tabita iròdu-wana heka h̄awyy derarenyre. Tii irurawonykre. Tii heka heòty-ò risòmy, riròrenykre wiō wiō. Ityky iribi ritara idi. <sup>17</sup> Ibutumy inywese rare. Bede bede iny ibutumy rybe òta òta rarybemyh̄ȳre. Tahe Deuxu heka riwahinyre aōbo ixideewimy riwinykremy. Tai tahe aōwaxiny aō tamywi heka riwinykre. Tai tahe ibutumy iròdu sòhòk̄ȳ taru riwahinykre, Deuxu Rybemyna bede r̄ȳidi. <sup>18</sup> H̄awāhāk̄ȳ nihik̄ȳ tabite heka wedena wesemy roire. Kia H̄awāhāk̄ȳ heka ibutu wedu iòlò rare.

## 18

<sup>1</sup> Tai tahe ijōmy rabire ŷjummy rabire biu-ribi rōhōnyreri. Tii sōwemy iruru rare. Tii sōwemy iloosōna rare. Ibutumy bede ritoosōnyre. <sup>2-3</sup> Ta rryryre tarurumy tii rryryre: —Babilonia nihik̄ȳ resera! Resera! Katahe aōma wedumy, bede bede iòlò heka tii-wana òta riwinyre. Ibutu iny-ò tamona riwahinyre iòtaòta boho boho. Nawii wixira wixira ibinahak̄ȳ tai ras̄ynymyh̄ȳre, tytybybina-wana. Ijohodu mahādu idi nieru sōwemy ributumy. Idi rexityhynyre.

<sup>4</sup> Iribi tahe raholare ixityre rybeō biu-ribi rarerí. Manake hewa, Bòdòhōnyke wa kia h̄awyy-ribi. Kai heka wajoi toite. Tii-wana bexiōrarunbybenykemy aōk̄ol̄ Bexiōrarunbybenyeki tii-wana, tai tii-wana aōhòk̄ȳmy bot̄ȳnykre. <sup>5</sup> Tii heka iōraru sōwe nihik̄ȳmy ratximyh̄ȳre. Deuxu heka aōhòk̄ȳmy d̄ȳnana tamy riywinyratximyh̄ȳre iōraru-ki. <sup>6</sup> Biwinyrah̄ȳre heka iwese tii riwinyrah̄ȳre wese. Aō ibinamy ibinatyhymy tamy relekre. <sup>7</sup> Aō ibinamy rōhōnyke inatxi beded̄ȳnana tamy rōhōnykre. Ibutumy aōbo tamywimy idi raremyh̄ȳ heka riwinyrah̄ȳre ixideewimy. Katahe iwese aōhòk̄ȳmy rot̄ȳnykre tahe rabadewokre. H̄awyy tahe ixidee rarybere: —Jikar̄ȳ ikòlò rare. Wytese anok̄o jikar̄ȳ rare. Tiku heka rabadewok̄ȳtyh̄ȳ anohòk̄ȳmy rat̄ȳnyk̄ȳtyh̄ȳ. <sup>8</sup> Tai taheka aōwesele heka tamy bedeòtiid̄ȳdu kedehemynmy bedeakre: rubu, aōdese, rama uriteribile tamy kedehemynnykre. Heòty ibutumy ritoonykre. Deuxu urihixina-di dehudu ratximyh̄ȳre. Tii ruru-di ratximyh̄ȳre. <sup>9</sup> Kia bede dinodu mahādu rahinykre itōenamy. Tii-wana dori òta òta riwinyrenyru. Tiiboho robikre wadā iribi rōhōnyreriō wahe. <sup>10</sup> Irehemy iribi r̄ȳire. Ruberureri iaōhòk̄ȳmy d̄ȳnana lau. Tahe raryberenyre: —Babilonia h̄awā, kai h̄awā nihik̄ȳ rare. Tahe wiji ituera atximahāte. Kobelāhāxe. <sup>11</sup> Ibutumy aōna-ribi ijohodu rahinykre itōenamy. Inyō dorihe iaō tamy riwyd̄ȳomy tamy ijohonamy aōk̄o. <sup>12</sup> Juhuu heka raabrad̄ȳomy aōma iny mahādu ratyre. Womati t̄ȳr̄ȳ r̄iōbranyōre. Tule woumana riwyrerimy ih̄ȳre juhuu. Tykyisōwihik̄ȳ wixira wixira heka riwyrerimy ih̄ȳre. Tule òwòrul̄nyre, iròdu nohōmy riwinyrerimy ih̄ȳre. Bede ritxoo ibutumy aōna iōwyh̄ȳkre. Womati òta òta wiwihik̄ȳ riwyrerimy ih̄ȳre. <sup>13</sup> Aōma r̄ys̄na uri wiwihik̄ȳ tule aderōna wiwihik̄ȳ, tule v̄ii riwyre, paō wid̄ȳna, ad̄ȳn-wana riwyrerimy ih̄ȳre. Tule maixōmo, broreni, budoeni, awaru, tewe, ityti heòty, tule iny deòdu iōwydimy. <sup>14</sup> Tahe ijohodu mahādu rarybere h̄awā-ò: —Ibutumy aōna aōna wiwihik̄ȳ ituera, kia kaiboho riwyrerimy ih̄ȳre. Tiu ixityre aōna aōna riwyòtyh̄ȳ, ixāwira. <sup>15</sup> Tahe aōna-di ijohodu mahādu rabadewokre, rahinykre tiiboho dori iōraru-ki raityhynyrenyre. Irehe-ribi retehere. Ruberurenyre. Rryryreri: <sup>16</sup> —Kobelāhāxe h̄awā wihik̄ȳ. Ibutumy atykysō ituera, awomati wiwihik̄ȳ ituera, woumana, manawiwihik̄ȳ ibutumy ixāwira. <sup>17</sup> Sohoji òraule ibutumy iaōna aōna ixāwira. Ibutumy h̄awòhòk̄ȳ dinodu urile, iwìòhenad̄ȳdu mahādu tule suludu mahādu retehereri irehe-ribi. Tii dori nieru ritamyh̄ȳre iaōna-di. <sup>18</sup> Iu h̄awā wadāsima robirenyre tahe, rryryre: —Kia h̄awā wihik̄ȳ rare. Ijō h̄awā iwese ihoòhyre. <sup>19</sup> Tahe brybysi ityreneny rehurerimy ih̄ȳre. Rahinyreri, rryryreri: —Bobrek̄ȳ, bobrek̄ȳ h̄awā wihik̄ȳ. Aōwesele heka ixāwira. Ibutumy ityhy mahādu, iaōna rexihura. <sup>20</sup> Tahe kaiboho beysabenyke biu ludu mahādu. H̄awā nihik̄ȳ dori ituera. Deuxu h̄òrō mahādu, Deuxu deòd̄ȳna mahādu, Deuxu dee rybedu mahādu ibutumy beysabenyke. Deuxu dori iaōhòk̄ȳmy d̄ȳnana tamy riwahinyre aōraru-ki.

<sup>21</sup> Tahe ŷju nihik̄ȳ heka manaō rimyre, mana nihik̄ȳ, iwese maixōmosyna mana wese wahe. Idi rehure ahobero-ki rehure. Tahe rryryre: Kiawese heka Babilonia h̄awā-di arehukemy watxireri waruru-di. Ixāwikre. <sup>22</sup> Tahe wiu wod̄ȳȳ kia h̄awā-ki roholaòtyhyke, harpa wod̄ȳȳ aōk̄o, flauta wod̄ȳȳ aōk̄o, jurōna wod̄ȳȳ aōk̄o. Aaōmys̄d̄ȳdu aōk̄o kia h̄awā-ki raaōmys̄d̄ȳtyh̄ȳ. Mai r̄ȳna, manasyna iny heka iwod̄ȳȳ roholaòtyhy. <sup>23</sup> Loosōna ay-ki ritoosōnyòtyhy. Herina mahādu rybe ay-ki iny roholaòtyhy. Iaōna ijohodu mahādu ibutu h̄awā-ribi ityhy rare. Tule ibutumy iny riitxenanyre aōtaòta-di, bede bede iny wahe. <sup>24</sup> Babilonia h̄awā heka aōhòk̄ȳmy d̄ȳnana rot̄ȳnyre. Deuxu rybedu mahādu h̄alubu dori kai tetata tule Deuxu h̄òrō mahādu. Rirubunyre mahādu wahe.

## 19

<sup>1</sup> Iribi tahe ijoi nihikŷmy roholare. Ryrymy heka rŷimyhŷ sŷwemy iny rŷimyhŷ biu-ki. Deuxu deysanamy heka ryryreri: —Wowydynamy Inynyrŷ-ŷ. Tarasana dori iny-Deuxu-ribi rare. Wowydyna, ruruna ibutumy ihŷrŷle rare. Aŷbo tii riwinyrŷ, ŷbiti rare. <sup>2</sup> Aŷhŷkŷmy dŷŷnana ŷbiti rare. Aŷhŷkŷmy rotŷŷnyre heka kia aderana-ki heka rare. Tii aŷhŷkŷmy dŷŷnana ritare. Bede iny heka riŷarudŷŷnyre. Tahe Deuxu riŷwinyre teŷdu rubudŷŷna heka riŷwinyre. <sup>3</sup> Ixityre ijoi ryrynyre, rawiunyre: —Wowydyna Inynyrŷ-ŷ. Wadā raŷwŷnyreri tai rawŷsi-ribi. Ihyymy raŷwŷnykre, hāwā nihikŷ-ribi wahe. <sup>4</sup> Tahe ibutumy rejuxunyre Deuxu luukemy. Wawio inaubiŷwa matuari rare. Tule inaubiŷwa aŷni rare. Deuxu tahe rynana nihikŷ-ki ronyre. Tamy rirajuare: —Kia, Kia, wowydyna deysana Deuxu-ŷ. <sup>5</sup> Iribi heka rŷhŷnyre Deuxu rynana nihikŷ-ribi heka rybeunimy rŷhŷnyre: —Biwowydynybenyke Deuxu-ŷ ibutumy deŷdu mahādu, ibutumy iny rityhynymyhŷre mahādu, iyja ta nihikŷ-wana. <sup>6</sup> Tahe ixityre ijoi-ŷ raholare. Ryrymy rŷimyhŷre. Tahe benihikŷlesetere wese heka iwodŷŷ rŷireri, biumytxi wesehekŷle heka iwodŷŷ rŷireri: —Wowydyna Inynyrŷ-ŷ biwahinyke. Tii iruru dire. Tii heka iŷlŷ rare. <sup>7</sup> Ibutumy iny rekeysarenyke. Tamy wowydyna rikiwahinyrenyke. Tii dori inihikŷre. Iŷhŷra dori kia Budoeni Riŷre kia hāwŷmy herina kia bededŷŷnana-ŷ. Worana bedehesi kŷnykre. Ihāwŷy heka rexiwinyry ratxireri. <sup>8</sup> Tyurahakŷle-di rexiwinykre. Awityhymy ity doimyhŷde wahe. Deuxu dee awihikŷ widŷŷna wese heka kia ratxireri. <sup>9</sup> Kiamy heka ŷju wadee rarybere: —Kia biritinyke. Ibutumy lobidŷŷna mahādu reysamy ratxireri. ŷju wadee rarybere ijŷ: —Kia heka Deuxule tuu rarybere. Inatyhy rare! <sup>10</sup> Tahe jiarŷ resere ŷju-ko-txi ariwowodynykemy. Tahe tii wadee rarybere: —Kia widŷŷŷomyke hewa. Jiarŷ tule Deuxu deŷdule heka jiarŷ rare, awesele wahe. Aityhydŷŷdu seriŷre tule awesele rare. Rarybemyhŷre dori Jesuisi tyhydŷŷnamy. Deuxule biwowodynyke! Ibutumy Jesuisi relyyre heka tuu rybedu mahādu ritŷnyre.

<sup>11</sup> Iribi tahe tuu rabire awaruurahakŷŷ biuwetyky-ki. Inyŷ ityre-ki rononymhŷ. Ini heka ŷbiti rare, Inatyhy rare. Tii heka aŷbinanymyhŷle rare. <sup>12</sup> Iruwe heka heŷty wesele rare. Irati heka sŷwemy raheto rŷire. Iŷ-ribi heka nii roire, ini wahe. Urile inyŷ rieryŷtyhy mobo ini rare, tyriti wixira dori tiile heka rieryre. <sup>13</sup> Ihetŷ heka hālubuhukŷle-di ityre rare. Deuxu Rybe heka inire, hābu wahe. <sup>14</sup> Sŷwemy iny heka awarutyre-ki rŷire, biu-ribi dŷidenyde Deuxu Rybe hewomy, soldado wese wahe. Iny ibutumy ityura-di rexiwinyre, ityratyhy wahe. <sup>15</sup> Tii heka mayrehe rabuhukŷle iry-ribi rŷhŷnyrerimy ihŷre. Idi tii heka iny rirubunykemy ibutu bede bede-ŷ. Iribi tahe tii rŷhŷnyre iŷlŷtyhy tii rare. Aŷhŷkŷmy dŷŷnana tami riwahinyre, ibinatyhymy heka riwahinyre, Deuxu iwona, Deuxu ruruwedu wahe. <sup>16</sup> Ihetŷ-ki heka iti-ki rŷire inŷ: Iŷlŷ iŷlŷ wedu tii rare, ibutu wedu wahe.

<sup>17</sup> Iribi tahe ŷjumu rabire, txu-ki rŷire. Nawii ibutu-ŷ ryrymyhŷ: —Bŷdŷbedenyke heka, Deuxu worana bedehesina-ŷ bŷdŷike rŷŷna birŷŷbenykemy. <sup>18</sup> Aŷmade birŷbenyke, iŷlŷde, soldadu wedude, iawarude, ibutumy inyde birŷbenyke, ixihy mahādu, deŷdu mahādu, nihikŷ iyja-wana.

<sup>19</sup> Iribi heka tuu rabire aŷni binahakŷ, iŷlŷ mahādu, tasoldado mahādu wana. Wii ributunyre aŷbinamy. Awaru tyre-ki ronyrerimy kia mahādu-wana tiiboho raaŷbinanykemy. <sup>20</sup> Tahe aŷni bina rimyrenyre, rybedu bina-wana. Terŷwŷmy tii aŷna aŷna witxirawi riwinyre. Iribi ridyrenyre heka heŷtyaho-txi idi rehurenykemy, enxofre-di riworonyre wahe. <sup>21</sup> Ibutumy isoldado heka ituemy rŷimyhŷre rurumy. Mayrehe-di rurumyhŷre, kia awaru ura tyre-ki ratxireri kia ryribi rŷhŷnyreri kia-di rurure. Tahe rararesa deadeade ide rirŷkremy.

## 20

<sup>1</sup> Iribi tahe ŷju nademy biu-ribi. Irayna heka debŷ-ki idi rŷire. Hāloonihikŷ rayna wahe. Tule womati rerotihikŷle iruty-ki roire. <sup>2</sup> Kia aŷni rimyre, Diabo wahe, Satanasi wahe. Inyŷ tule hemylala raninire. Tahe 1000 beŷra riekre ritaataare womati reroti-di. <sup>3</sup> Idi heka rehure hāloo nihikŷ-ŷ tahe riratŷbŷnyre, rirarytxynyre. Tai tahe tii riitxenanyŷtyhy bede bede iny. Kia 1000 beŷramy bede reakreule, tahe rexihumy irŷtana. Urihimyŷ bededŷŷnana bede riiekre, ixihyyle tai ixbyyle rŷbŷdŷŷkre.

<sup>4</sup> Iribi tahe rynana sŷwemy rabire. Iny ityre ronyreri mahādu ywisidŷŷdu mahādu heka rare. Iribi heka tuu rabire Jesuisi dee rurure mahādu. Inatyhyana rybe tŷnydŷŷ ŷrau-ki heka rurure. Aŷni rityhynyŷre, iritxoo rityhynyŷre, iritina ŷrau iŷru-ki ritidiŷtyhy, deboreny-ki ritidiŷtyhy. Rubu-ribi tiiboho rexixarenyre. Kristu-wana ratxireri 1000 beŷramy. <sup>5</sup> Kia heka juhuludu ixixana heka rare. Ijŷ rubu mahādu heka wiji rexixaŷkre. Tahe 1000 beŷramy reareu, tahe rexixarenykre. <sup>6</sup> Juhuludu ixixana mahādu heka reysatyhymy rarekre. Ixyby rubunamy heka ruruŷkre, inatxina rubunamy wahe. Deuxu dee, Kristu dee heka tiiboho



Xiwena wahidŷŷdumy roirekre. Tii-wana 1000 beðramy riwyyrenykre, iòlò mahâdu wesemy heka ratzirenykre.

<sup>7</sup> Kia 1000 beðra reareu heka Satanasi ixihyummy rõhònykre bede-ki. <sup>8</sup> Tii itxenadŷŷdumy rõhònykre ibutu iny riitxenanykremy. Kia Kòke bede, tule Makòke bede rare. Satanasi heka sòwemy iny ributunykre raaòbinanykremy. Tiibohe sòwemy ihŷre ŷnyra sòwe wese. <sup>9</sup> Tiibohe tahe ibutu bede-ò rariarenykre ityhydŷŷdu hâwâ rirurawonyreny kra Deuxu hâwâ Deuxudeewi wahe. Idi heòty biu-ribi isòrenymy desede. Idi wewòsimy rururenyre, Deuxu iny mahâdu òludu wahe. <sup>10</sup> Tahe diabo iitxenadŷŷdureny heka Deuxu rehure heòty aho-ò. Tai aònbina, ruimy rybedu-wana juhu delemy tamy resereny. Tai txumy rummy aò rotŷŷnyrenyhyykre.

<sup>11</sup> Iribi tahe rynanaurahòkŷmy rabire ityre rŷdu-wana. Suu biu-wana iribi rexitare, titxibo iðreny. <sup>12</sup> Tahe iny rubumy rabire, iny ibutumy iko-ki rŷireny. Tyyriti rarayre. Ijò tahe rarayre, irutyriti wahe. Tyyriti-ribi Deuxu iaòna aòna rierumy aòhebo risŷnykre. <sup>13</sup> Ahohokŷ-ribi tahe rubu mahâdu dòhònyde. Rubunahakŷ bede-ribi òludu mahâdu dòhònyde. Idi iaòna aònamyna Deuxu timybo rexinohòtinkyremy idi rare. <sup>14</sup> Idi rubunahakŷ, rubuna-wana heòtyaho-txi idi adehu rŷykre. Kia ixbyby rubu rare. <sup>15</sup> Iru ityyriti-ki inyniò roiòkeki, tii tule heòtyaho-txi adehu rŷykre.

## 21

<sup>1</sup> Idi biu tŷmyra sutŷmyramy rabire. Juhusu juhubi titxibo ikòreny, ahohokŷ tule. <sup>2</sup> Deuxu hâwâ wihikŷ tŷmyra desemy nade biu-ribi. Iwese ijadòma tŷmyrawesemy ramyhyre wese kia hâwâ nade. Deuxu-ribi nade. <sup>3</sup> Tahe rybehekŷ biurynana rŷdu-ribi nade-ò roholare kiamy: —Kahe Deuxu sŷ heka akireny rare. Deuxu ikyreny-ki rarekre. Tii iwedurenykre. Tiibohe Deuxu dee roirekre. <sup>4</sup> Idi Deuxu irubereny risuhokre. Tai rubu, hii, ibru, txuberere ijòðkre. Bede tyby dori rexihura. <sup>5</sup> Idi rynana-ki rŷdu narybede: —Wiji itŷmyramy ibutumy aòna aòna ariwinykre. Wade tule narybede: —Kia bityyritinykre. Kaa rybe dori rybetyhy rare, ibutumy iny ratyhykremy. <sup>6</sup> Kia ixbyby narybede: —Ibutumy relera. Jiarŷ dori AA rare YY rare Juhuludu rare ikonanaludu rare. Inyò bemomo risakeki, tamy iòwŷkòlemy ariòkre, beòlònaberu-ribi wahe. <sup>7</sup> Inyò tarasadu heka ibutumy waribi rimykre. Jiarŷ iDeuxukre. Tii wariòkre. <sup>8</sup> Idi kamahâdu heòty aòho enxofre-ò rekoarennyre kamahâdu wahe: —Iny brebu, watyhydŷŷkòdu, òrarudu, maleerudu mahâdu, òta òta mahâdu, iny rubudŷŷdu mahâdu, hàri mahâdu, ritxoo tyhydŷŷdu, ruidu mahâdu. Kaboho rubunatyhy-ò rururenykre. Kia tahe inatxina rubuna rare.

<sup>9</sup> Tahe ŷjuò wadee nade, debò inatxi reurò mahâdu-ò. Tii hyna-di ryreri. Hynawo-ki tahe aòna aònabina debò inatxi mahâdu-di. Kiamy narybede: —Mana ini, Budoeni hâwyy ini adee ariteòsinykre, hâwyy wese wahe. <sup>10</sup> Deuxu Tyytybytyhy wamy reare. ŷju tahe riwadyre hâwâlònora-ò. Jerusalè hâwâ tŷmyra awityhy wadee riteòsinyre. Tii biu-ribi desemy nade. <sup>11</sup> Deuxu loosòna-di yla aòkò. Tii tahe manawiwihikŷ wese rarŷŷnymyhyre. Jasje wese, womati wese mana wiwihikŷ wese rare. <sup>12</sup> Tii ijòtòbòna irariere, waòinatxi reuròmy ijòtòbòna, iitxedu ŷju tule. Ijò-ki tahe waòinatxi reuròmy Judeusŷ mahâduni wahe. <sup>13</sup> Inataò ijòtòbòna sòwe, iraro-ò, ibòò, biura-ò, beà-ò. <sup>14</sup> Hâwâ rurawona tahe waòinatxi reurò mana tyre-ki rŷimyhŷ. Mana sohoji sohoji-ki budoeni deòdu mahâduni rŷire. <sup>15</sup> ŷju wadee rybedu tebò-ki womati tŷrŷrŷhŷkŷ deòho-di nade idi hâwâ, hâwâ ijò, hâwâ rurawona iurihinamy. <sup>16</sup> Hâwâ tahe iurihina wiwesele rare. Tahe 2.200 iurihixina rimyre teòho-di tuu riwinyre. <sup>17</sup> Rurawona raru tahe ŷju taurihixinamy riurihixinanyre idi 64my rimyre. <sup>18</sup> Rurawona tahe jasje mana-di relere. Hâwâ tahe womati tŷrŷrŷhŷkŷ-di relere. <sup>19</sup> Rurawo òraru heka mana wiwihikŷ-di juhuma heka jasje rare. Inatxina safira rare. Inataòna, agata rare. Inaubiò-wana esmeralda rare. <sup>20</sup> Iruyrena sardonio rare. Debò sohoji reuròna sardio rare. Debò inatxi reuròna trisolito rare. Debò inataò reuròna berilo rare. Debò inaubiò-wana topazio debò ituena crisoprazo rare. Wasohoji reuròna jasinto rare. Wainatxi reuròna ametista rare. <sup>21</sup> Woumanahakŷ sohoji-di heka ijò sohoji sohoji relera, 12my ijò wahe. Ryy heka womati tŷrŷrŷhŷkŷhyky-di relera. <sup>22</sup> Tohodŷŷna heto tahe ihoòhyre. Deuxule dori tuu rare, Budoeni-wana. Tai ihoòre. <sup>23</sup> Txuu ahâdu-wana tai ijòðre Deuxu loosòna, budoeni loosòna dori itxuuxaranarennyre. <sup>24</sup> Bede bede mahâdu loosòna-di rŷykre. Bede bede mahâdu heka taaòna aòna wiwi-di tamy kidirahukre. <sup>25</sup> Tahe ijò raratòbòòhyykre, tai dori ruu ihoòhyre. <sup>26</sup> Bede bede iòlò mahâdu heka wowydyna-di tamy kidirahukre. <sup>27</sup> Inybina bina, iny òrarudu mahâdu tamy ralòòtyhy, ruidu mahâdu tule. Inyni heka Budoeni tyyriti irumy rŷimyhŷre mahâdu sohojile wahe.

## 22

<sup>1</sup> Idi ŷju wadee riteòsinyre, iru wahidŷŷna berohokŷ. Ibelyramy Deuxu rynana, Budoeni rynana-ribi òludu wahe. <sup>2</sup> Ryrohokŷ tya-di kaa bera namyhŷde iwyoòwò-ki iruwahidŷŷna

bederarade r̄jimyh̄y. Tii bederarade waò inatxi reuròm̄y raratynyre. Kia ta ahãdu ahãdu-di sohojile raratynyre. Otxirarade tahe bede bede mahãdu deytana rare. <sup>3</sup> Kia hãwã-ki ihetxi txuhòbina tai ijòòkre, Deuxu aõ ritxuhònyõra tai. Deuxu ryananahak̄y itya-ki r̄yikre. Kia teòdu mahãdu riwowydynykre. <sup>4</sup> Tiiboho iòs̄ynymy robikre inireny iòru-ki r̄yikre. <sup>5</sup> Tai ruu ijòòkre. Tai txuloosõna ijòòkre. Deuxu dori itxurenykre. Tiiboho tai ihymy r̄yikre iwese iòlò mahãduò.

<sup>6-7</sup> Kia tahe ŷju wadee rarybere: —Kaa rybe tahe inatyhy rybe rare. Bityhynybenyke. Jesuisi rarybere: —Analekre heka tule adehemynylekre heka. Deuxu heka taŷju deòdu adee kanarybekre. Kaheka wylemy ibeded̄ŷnana kedeakre. Deuxu rarybehyy ratximyh̄yre t̄nyd̄ŷdu mahãdu-ò, aõhebo bede rot̄ŷn̄ymyh̄ykremy roimyh̄yré. Ibutumy kia tyhyd̄ŷdu mahãdu heka reysamy r̄yikremy r̄yira.

<sup>8</sup> Jiar̄y tahe Joaõ rare. Rabirahe, ibutumy kia raholare. Rabimy rexihurau tahe, jiar̄y watiwotim̄y resere ŷjuko-txi. <sup>9</sup> Ixityre wadee rarybere: —Iwid̄ŷõmy hewa, Jiar̄y heka Jesuisi deòdu t̄nyd̄ŷduòle jiar̄y watzireri. Ibutumy Deuxu tyyriti ityhyd̄ŷdu biòwa jiar̄y rare. Deuxule bityhynyke.

<sup>10</sup> Tahe ŷju ijòm̄y wadee rarybere: —Aõbo teritid̄ŷnyteri ibutumy iny-ò rybe bit̄ŷnynyke. Kia beded̄ŷnana iòhòlemy ratxireri. <sup>11</sup> Kia beded̄ŷnana kedehemynykreu, aõbina bina wid̄ŷdu heka aõbinale riwinykre. Iny binabina heka, ibinamy r̄yikre iu. Inywiwihik̄y tas̄y awim̄y r̄yikre iu. Kia òbitim̄y r̄yira tahe, awityhymy relekre, òbitityhymy r̄yira. <sup>12</sup> Boholake warybe-ò, aõwesele heka anakre. Uriòno heka adiwymy wadi anawãhãde. Aõbo wadee aõ riwinymyh̄yre wahe iwese aõbo riwinymy raremyh̄wesemy heka araòwynykre. <sup>13</sup> Jiar̄y heka AA jiar̄y rare. YY tule jiar̄y rare. Tyyriti juhuu rare. Tyyriti konana rare. Jiar̄y heka juhuludu rare. Ihewoludu tule jiar̄y rare, ibutumy wahe. <sup>14</sup> Ibutumy tatytyramy r̄yira —teysamy r̄yira. Tiiemy teysahyyhy rare. Iru òwòru wahid̄ŷna bederaty heka ritokre. Tule rarònyrenykre kia hãwãhãk̄y-ò. <sup>15</sup> Ibutumy òrarudu mahãdu tule òwòru wid̄ŷdu tahe irehemy Deuxu hãwã-ribi nyimyh̄yde. Tule iny rirubunymyh̄yre mahãdu, tule suritxoo luunadu mahãdu, tule ibutumy ruidu mahãdu. Ibutumy irehemy hãwãhãk̄y-ribi roimyh̄yre.

<sup>16</sup> Jesuisi heka jiar̄y rare. Waŷju reteònyre adeeremy kia aõnaõna beded̄ŷnana relyykemy. Kaiboho heka dohod̄ŷna heto mahãdu-ò relyyrenyke. Jiar̄y iòlò Davi juhu rare, tule Davi riokore rare. Biurasò taina Jiar̄y rare, loosõna rare.

<sup>17</sup> Deuxu Tyytybytyhy rarybere: —Manake! Tule hãwymy hãbumy heridu tule rarybere: —Manke! Ibutumy ijohodu tule marybeke: Jiar̄y, Juaõ, tule rarybere: —Manake! Ibutumy iny bemy rurumyh̄yre mahãdu tule manake irube biòke. Iòwy-di aòkò heka rare.

<sup>18</sup> Jiar̄y, Juaõ, rarybere ibutumy iny katyyriti rariamyh̄yre mahãdu-ò. <sup>19</sup> Iny ributunyekiki aõmybo kaki rityd̄ŷna roiré, Deuxu tamy beded̄ŷna binahak̄yò riwahinykre karitid̄ŷna roireki. Inyò karitid̄ŷna-ribi ritakeki, Deuxu òwòru runa ijuraõ wahe heka iribi ritakre tule Hãwãhãk̄ytyhy-ribi nadedi wahe. Tai r̄yire tyyriti-ki.

<sup>20</sup> Tule aõmybo narybede inatyhymy tule rarybekre (Jesuisi wahe): —Analekre hewa idi. Araroorehenyòtyhy. Juaõ, tule rarybere: —Kie, Manake Wanyr̄y Jesuisi.

<sup>21</sup> Deuxu deysana, Inynyr̄y Jesuisi Kristu kia deysana ibutumy adee kanakremy watxi-wahãre.